





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL.1.7.340







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.340







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.340



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAQCL 1.7.340













1. 7. 340













X<sup>n</sup>  
ANGEL

~~Ch. (C. B. B.)~~  
(178340)

Det Angel, Alessandro



IN  
ASTROLOGOS  
CONIECTORES  
LIBRI QVINQVE

AVCTORE  
ALEXANDRO DE ANGELIS,  
In Collegio Romano Societatis IESV,  
Studiorum Præfecto.

*Secundo prodeunt ab Auctore multis Amanuensium  
erroribus liberati, nouisq; exemplis  
illustrati.*



ROMÆ,  
Ex Typographia Bartholomæi Zannetti . MDCXV.

---

SVPERIORVM PFRMISSV.






IN  
ASTROLOGOS  
COMPECTORES  
LIBRI QUINTO

AUCTORE  
ALEXANDRO DE ANGELIS  
In Collegio Romano Societatis I. S. V.  
Studiorum Praefecto.


Secundo praefatus ab Asteris et Zodiacis  
extremis libris, nuntiis, exemplis  
illustrat.




ROMAE  
In Typographia Bartholomaei Lomani, MDCCLXV.  
SAPIENTIAM PERMISSA.



ILLVSTRISSIMO,  
ET REVERENDISSIMO  
DOMINO,  
D. IACOBO, S.R.E.  
CARD. SERRAE.



ALEXANDER DE ANGELIS,  
*Societatis IESV Theologus salutem.*



STROLOGORVM, quos Planetarios  
Sardus Augustinus appellat, admirabiles  
coniecturas diligentius explorare eo consi-  
lio in animum induxi meum, IACOBE  
CARDINALIS AMPLISSIME,  
vt hæc iactabunda Genethliaca, quæ se fu-  
turos omnes rerum humanarum euentus an-  
ticipare cognitione sanè quàm confidenter profitetur, in pu-  
blicam lucem educta excutiat, detrahisque phaleris, de-  
tersoque fuce, nuda constituatur ob oculos eorum, quorum

a 2 animos



animos magnifici nominis ampla specie perstrinxit; equidem,  
ut animum meum aperiā, nihil aliud in huiusce laboris elu-  
cubratione sequutus sum, quā ut ad ipsum cubile veritatis,  
si qua tamen in Chaldæorum vanitate veritas delitescit, per  
veræ rationis vestigia, & quasi filum peruenirem, eorumque  
consulerem commodis, qui vitæ suæ rationes, ex hac, quæ-  
cunque demum est, Coniectorum vaticinatione suspendere non  
verentur. Quorum alterum exigebat ex me vitæ meæ genus,  
& nomen, alterum exercitatio doctrinæ: ut enim utilitatibus in-  
seruiam aliorum, nostri nominis Religio suadebat, cui me peni-  
tū, à reliquis curis abductum, ab ineunte iuventute deuoui.  
Ut autem in rerum inuestigatione verā conficer, id sanè, cum  
ipsa Philosophia, non intelligendi maior, quā viuendi magi-  
stra; tum Theologia veræ sanctitatis, & Religionis Antistes per-  
suadere iam debuit, homini præsertim in utroque genere doctri-  
næ, per multos annos, in florentissimis Italiæ Gymnasijs, cum  
aliqua, si non ingenij, certè laboris laude versato. Quod autem  
animum indagandæ veritatis studio, non odio partium contrā  
sentientium, ad hoc scribendi genus adiecerim; satis id magno  
fuerit argumento, quod Astrologorum nationem semper sum  
vnicè amplexatus; quod eorum non paucis quā familiarissimè  
sum vsus; quod ab illorum nemine sum lacesitus: quod ipse  
prouocare neminem debeat, qui vel inimicos diligere sum para-  
tus. Quocirca si veritatis inquirendæ studium, ad quod naturæ  
tacito suāsu inducti sumus, si grauissimi, & plerumque insanabi-  
les errores, quibus infelicitè implicantur, quicumque leuissimum  
hoc artificium sibi quæstuosum, alijs perniciosum esse voluerunt:  
si meum institutæ vitæ genus, quod quampluribus prodesse stu-  
det, in re tanta me quiescere otiosè, ac conuiuere paterentur,  
sanè quiescerem, & conuiuerem perlibenter: neque me aut Astro-  
logiam hoc labore vexarem; si qua verò nominis celebritate du-  
cerer, ineptissimus sim, si doctrinæ laudem, ex nugatoriæ disci-  
plinæ confutatione potiùs aucupandam, quā è grauissimis Phi-  
losophorum, sanctissimis Theologorum commentationibus, quas  
propediem expedit, expectandam putem. Neque verò vereri  
debui, ne temerè in Astrologorum offensionem inciderem vera  
profitentium, veritatis aperiendæ cupiditate prouectus. Nam si  
constare



constare sibi voluerint, in suscepta sententia, quam ipsi verissimam, nos opiniosissimam esse dicimus; exercere nobiscum gratuitas inimicitias profectò nolent, neque ægrè ferent suam doctrinam in bono veritatis lumine collocari: præsertim cum hæc ipsa, qua ipsi volunt lege quæramus, & ad Astrologiæ forum prouocemus: atque ad eos iudices, qui quoniam expolitione doctrinæ, mentis aciem exacuerunt, & omnem ætatem in nobilium artium tractatione posuerunt, decipi, hallucinarique adeo neutiquam potuerunt; ut quid verè, quid falsò, quid verissimè in hoc genere dicatur, & cognoscere intelligenter, & iudicare sapienter nequeant. Cæterum permulta sunt, eaque gravissima nomina, quibus hunc qualemcunque fructum laborum meorum debere diutius incolumi officio non possum. Etenim, usuram hanc diligentia repetit à me primum ipsa veritas, cuius numine doctorum hominum studia tum demum optimè continentur, cum ad eius certissimam normam exiguntur. Requirit sapientia cupida iuuentus, quæ tum videlicet recta via, expeditissimoque cursu fertur, ac peruolat ad veram sapientiam, cum incitatum eius impetum, alacritatemque nulla debilitat, vel retardat iudicii corruptela, vel inanium cura studiorum. Repetit ipsorum dignitas, & existimatio Principum, ac Reipublicæ moderatorum, quibus magno plerumque cum ipsorum incommodo, communisque salutis non raro exitio Coniectorum sese callida natio venditæ, commendat, insinuat, addicit. Repetit ipsa suo iure Respublica cuius plurimum interest, ut boni Principes malas artes, præstigias falsitatis ciuium societatibus interdican. Repetit postremo facilitas, ac imbecillitas potius imperitæ multitudinis admirabilium rerum, hoc est, ludibriorum, plerumque, sitientissimæ, leuissimis præsertim Ariolorum lætata promissis. Iam verò quod ad clientelam spectat, commendationemque laborum meorum, quoniam potius utar præsidio, quàm tuo, IACOBE CARDINALIS AMPLISSIME, cuius singularem prudentiam, consilium, integritatem, animi magnitudinem summis Pontificibus, maximisque Principibus domi, militiæque probatam, omnes ordines, omnes nationes æquè commendant: Te Italia ad bellum contra Turcas pro Christiano nomine tertio, ac quarto profici-



proficiscentem incredibili benevolentia est prosequuta : Te  
Pannonia Pontificij exercitus vigilantissimum curatorem etiam  
nunc celebrat : Te Germania grauissima pericula pro Christia-  
na Republica fortiter adeuntem suscepit . Constans tuus , fir-  
missimusque animus in difficillimis belli temporibus , ipsos etiam  
Christiani nominis hostes admiratione defixit . Integritatem  
tuam , & fidem ditionis Ecclesiasticae Quæstura declarauit , Pie-  
tatem , & Religionem comprobauit templorum Aedilitas : Cha-  
ritatem erga hanc Vrbem testatur publicorum horreorum pro-  
curatio , quibus communis annonæ certissima subsidia conti-  
nentur , & Romæ affluens rerum omnium vbertate foelicitas :  
Diligentiam , & sedulitatem in tractandis publicis , priuatisque  
negotijs ostendunt & nocturnæ vigiliæ , & quotidiani labo-  
res tui . Per hos quasi gradus ad celsissimam omnium ordi-  
num commendationem euectum te PAVLVS QVINTVS  
PONTIFEX ET OPTIMVS, ET MAXIMVS,  
suaque merito foelicitatis , ac virtutis immortalitate dignissi-  
mus , qui nusquam virtutem esse sine honoris commendatio-  
ne patitur , in augustissimum Purpuratorum Patrum Collegium  
magno Christianæ Reipublicæ bono , & incredibili huius Vr-  
bis gaudio asciuit , tantaque auctum dignitate in iisdem adhuc  
muneribus detinet , vt difficile iudicatu sit , vtrum optimus , ac  
sapientissimus Pater maiora nobis compararit præsidia foelicitatis ,  
an insignia quæserit dignitatis tuæ . Quare cum nunquam  
Reipublicæ cura te deferat , quam circum te circumspicis sem-  
per , non possunt non gratissima tibi accidere , quæ pro Reipubli-  
cæ salute , ac commodo conferuntur in medium . Accedit & do-  
ctrina multiplex , & acerrimum talium rerum iudicium tuum ,  
& magnis tum Philosophiæ , tum Mathematicæ præsidij instru-  
ctum ingenium , quod tibi facilem aditum ad omnem laudem  
per nobilium spatia Philosophorum , ad omnes sapientiæ penetra-  
les fontes , in publico hoc Gymnasio , me etiam duce , & admira-  
tore aperuisti : quæ quidem sapientia sicut te errare non patitur ,  
sive cum publica commoda moliris , siue cum amoliris incommo-  
da ; sic tu tantæ Nutricis alumnus minimè patieris , per hanc nu-  
gatoriam vaticinantium leuitatem , alios errare , quorum utilita-  
tibus quàm diligentissimè prospectum , ac consultum nunquam  
non



non curas. Denique qui tuo exemplo docuisti non fortuita con-  
 spiratione siderum, sed legitima suffragatione virtutum, non  
 Astrorum vi, sed iusta meritorum postulatione parari honores:  
 quique in maximis rebus gerendis quanto plus cordata consilia,  
 quam stellarum placita valeant, re, & factis quotidie demonstras:  
 leges sine dubio libenti, ac prono animo eorum lucubrationes  
 qui id ipsum Physicis, & Astrologicis rationibus probandum su-  
 sceperunt. Vale.



LITTE.




LITTERÆ  
ADMODVM REVERENDI  
IN CHRISTO PATRIS  
P. CLAVDII AQVAVIVAE  
SOCIETATIS IESV,

Præpositi Generalis.



*VM libros quinque contra Astrologos Coniectores,  
P. Alexandri de Angelis, Societatis Nostræ Theo-  
logi, Tres eiusdem Societatis, quibus id com-  
misimus Theologi recognouerint; ac in lucem  
edi posse probauerint, facultatem concedimus,  
vt typis mandentur; si ijs, ad quos pertinet,  
ita videbitur. In quorum fidem has litteras manu nostra sub-  
scriptas, & sigillo nostro munitas dedimus, Romæ 13. Feb. 1614.*

CLAVDIVS AQVAVIVA,  
*Societatis IESV Præpositus Generalis.*



*Imprimatur, si videbitur Reuerendissimo P. M. Sacri Pala-  
tij Apostolici.*

Cæsar Fidelis Vicesger.

*Imprimatur,*

Fr. Gregorius Donatus Romanus Socius Reuerendiss. Patris  
Fr. Hyacinthi Petronij Sacri Palatij Apost. Magistri,  
Ordin. Prædicatorum.

TTTII

ELEN-



# ELENCHVS LIBRORVM ET CAPITVM OMNIVM,

QVAE TOTO HOC OPERE IN ASTROLOGOS  
Coniectores continentur.

## LIBER PRIMVS.

De cœli actione in hæc inferiora generatim.

Caput I.	<b>M</b> N E S stellas lumine esse præditas.	pag. 3
I I.	De potestate cœli in subiecta corpora.	4
I I I.	Lumine solo cœli afficit quatuor primas qualitates.	5
I V.	Omne cœli lumen per se vim habet caloris.	6
V.	De arcanis cœli viribus.	7
V I.	Motum cœli non pertinere ad hac usque infima.	13
V I I.	Non omnia, quæ cœlo continentur, ita à cœlo pendere, ut eo non agente, nihil agere possint.	14
V I I I.	De elementorum conseruatione.	18
I X.	Materiam non preparari ad formas à cœlo solo.	19
X.	Specificæ effectuum natura non proueniunt à cœlo:	20
X I.	Quæ rebus adueniunt, non aduenire à cœlo.	22
X I I.	In rerum procreatione nullas esse cœli partes.	24
X I I I.	De cœlo inanimato.	ibid.
X I V.	Causas sublunares non esse omnes cœli instrumenta.	28
X V.	Formas substantiales non esse à cœlo.	ibid.
X V I.	Omnium corporum temperamentum à primis qualitatibus ducere originem.	30
X V I I.	Rerum effectus mirabiles non commodè ab Astrologis referri in astra.	36
X V I I I.	Vnde rebus sympathia & antipathia?	38
X I X.	De criticis morborum diebus.	41
X X.	De pestilentia, & morbis popularibus.	51

b

LIBER



## LIBER SECVNDVS.

### De conceptu, & foetu.

- Caput I. **A**STRA non animum, sed corpus afficere, si afficiunt. 52
- I I. Philosophis potius, & Medicis credendum, quam Planetarijs. 54
- I I I. Ex astrorum, quae conceptui praesunt, solo congressu, nihil de foetu posse decerni. 56
- I V. Astrologi non observant, nec observare possunt foetura omnes causas. 59
- V. Quae de parentum stellis Astrologi comminiscuntur. 60
- V I. Cur filij similes parentibus. 61
- V I I. De sexus diuersitate. 67
- V I I I. Foetus ab alimento potius, quam a stellis pendet. 69
- I X. Quae matri utero gerenti accidunt, afficiunt & foetum. 71
- X. Monstra non posse ad astra reuocari. 72
- X I. Ratio, quae secundum Astrologos, foetus stellis respondet. 77
- X I I. Egregium Astrologorum figmentum. ibid.

## LIBER TERTIVS.

### De natali, & partu.

- Caput I. **H**iberum arbitrium ex omnium gentium consensu. 80
- I I. Humanas mentes syderum potestati non rectè subijci. 83
- I I I. Altera ratio ex fine. 84
- I V. Tertia ratio ex dominatu mentis in corpus. 86
- V. Postrema ratio ex Dei providentia. 88
- V I. Astrologos ignorare stellas, quae conceptui praesunt. 89
- Astrolo-




V I I .	Astrologos ignorare veram natalis horam .	90
V I I I .	Ea, quæ à pluribus transiguntur, non posse ex unius horoscopo conijci .	91
I X .	Nec plures horoscopos satis esse ad pradicendum .	94
X .	Quæ de coniugijs effutiant Astrologi pugnancia .	95
X I .	Alter Astrologorum error .	96
X I I .	Nec ut plurimum eueniunt, quæ sunt ex astris .	97
X I I I .	Omnia, de quibus Astrologi vaticinari solent ex syderum ductu, pendere à causis sublunariis .	98
X I V .	Parentum, & obstetricis sèdultate mutari temperamentum, quod puer è stellis hausit .	ibid.
X V .	Auctu magis, quam ab astris temperamentum pendere	101
X V I .	Plus labores valere ad tuendum, vel mutandum corporis temperamentum, quàm Astra .	104
X V I I .	Sedes, & domicilium magis, quàm astra, afficiunt temperamentum .	107
X V I I I .	Quid consuetudo, & usus aduersus astrorum vim possint .	109
X I X .	Medicamentorum vim, & Medicorum peritiam cum Astris pugnare .	113
X X .	Casum non coherere cum Astrologorum præfagijs .	119
X X I .	Vitia, quæ obsunt valetudini, obstarè stellarum propensionibus .	123
X X I I .	Providentia diuina eludit Astrologorum prædicta .	124
X X I I I .	Quo tria Mathematicorum effugia præcluduntur .	125
X X I V .	Quid hætenus disputando effectum, quid in posterum efficiendum sit .	126
X X V .	Gentium mores facere contra Astrologos .	127
X X V I .	Educatio, & domestica exempla sæpe obstant astris .	129
X X V I I .	Conatus, & consuetudinis vis aduersus astra .	133
X X V I I I .	Exempla eorum, quibuscum viuimus, elidunt astrorum vim .	134
X X I X .	Obiectorum præsentiam plus habere virium, quàm astra .	136
X X X .	Ad mores plus valere genus, conditionem, fortunam, quàm astra .	139
X X X I .	Maiorem casus, in moribus habet vim, quàm astra .	143
X X X I I .	Principum seueritatem, & leges facere plurimum ad morum disciplinam .	144
X X X I I I .	Conscientiam etiam obstarè prauis corporis propensionibus .	145
X X X I V .	Multa præterea causa, quæ efficiunt, ne quis sequatur syderum impulsus .	ibid.





# LIBER QVARTVS.


## Quo Astrologia Astrologicis conclusionibus exagitur.

Caput I.	 VAE sint Astrologia firmamenta.	153
I I.	Astrologorum imperitia.	154
I I I.	Astrologorum fraudes.	159
I V.	Astrologia Genitura.	161
V.	Astronomicis experimentis nihil esse fidendum.	164
V I.	Tria Astrologorum suffugia.	167
V I I.	Non potuisse Astrologos. Planetarum vires experiri.	168
V I I I.	Errores, qui contingunt Astrologis, in syderum obseruationibus, esse maximi momenti.	173
I X.	Syderum configurationes Astrologis perspectas non esse.	176
X I.	Syderalium configurationum alia magna dissimilitudo. ibid.	
X I I.	Epicyclis, & eccentricis euariari syderum constitutiones in vno, eodemque signi minuto.	179
X I I I.	Non posse Astrologos vires stellarum sapius experiri in vna, eademque materia.	180
X I I I I.	Suffugium tertium refellitur.	183
X I V.	Experienti difficultas ex Cardano.	185
X V.	Electioes, quas vocant, inanes esse ex Astrologorum confessione, & Ludouici Sfortia exemplo.	186
X V I.	Pugnantes Astrologorum sententia de Alfridarijs.	188
X V I I.	Magnas reuolutiones confictas esse, Astrologorum testimonio probatur.	192
X V I I I.	Videntium, & audientium stellarum fabella.	195
X I X.	Duodecim locorum significationes.	196
X X.	Directionum commentum.	198
X X I.	Duodecim zodiaci partibus nullam inesse vim.	201
X X I I.	Rationes quibus quas Astrologi varias signis vires attribuere.	206
X X I I I.	Zodiaci asterismis nullas inesse vires.	208
X X I V.	Monomeriarum lepidissima fabula.	211
X X V.	Alia Zodiaci ludibria, & ridicula Astrologorum commenta.	212
X X V I.	De gradibus lucidis, tenebrosis, plenis, vacuis, & alijs id genus nugamentis.	213

Cæle-





XXVII.	Celestium domorum nugamentum.	214
XXVIII.	Planetarum Domicilia.	218
XXIX.	Quid astrorum congressus sit, quàm nouis astris varius, & nouus.	221
XXX.	Pugnare ea, quæ Astrologi tradunt de obsessione & aspectu astrorum.	222
XXXI.	Vrbium ridiculas esse genituras.	226
XXXII.	Cur Astrologi nihil de animantibus, aut stirpibus, sed de hominibus solum, præsertim opulentis, pronuncient è stellis.	227
XXXIII.	Geminorum dissimiles exitus.	228
XXXIV.	Qui dissimilem sortiti sunt ortum, similem sæpe sortiuntur interitum.	230
XXXV.	Quodlibet ex qualibet genitura cõficere posse Astrologos.	234
XXXVI.	Astrologorum veras prædictiones nihil fauere huic disciplinæ.	236
XXXVII.	Prædictiones, quibus Genethliaci suam artem confirmare solent, non esse Astrologicas.	241
XXXVIII.	Prima ratio, ob quam Astrologi verum aliquando denuntiant.	246
XXXIX.	Altera causa, ob quam Genethliaci aliquando diuinant.	248
XL.	Multa Astrologos diuinare ex prudentia, & usu rerum potius, quàm ex arte Astrologica.	250
XLI.	Leuitate consulentiũ vera prædicere Astrologi putantur.	251
XLII.	Auctore damone interdum Genethliacos diuinare.	252
XLIII.	Nil Astrologos ex Astris natalitijs decernere posse de cuiusque prospera aut aduersa fortuna.	253
XLIV.	Non licere Astrologis per accidẽtia rectificare genituras.	255
XLV.	Nil Astrologos prædicere posse ex arte de vita, aut morte.	259
XLVI.	Nil Astrologos de futuris honoribus dicere posse ex astris.	263
XLVII.	Nil posse Astrologos de summo Pontificatu ab astris decernere.	267





# LIBER QVINTVS.

Qui & exōtericus.

Caput I.	 VLLA M sapientes viri Genethliacæ disciplina habuerunt fidem.	273
II.	 Sapientum consensu Genethliaca damnatur.	275
III.	Disertissima Sancti Ambrosij in Genethliacos disceptatio.	278
IV.	Disceptatio S. Augustini aduersus Astrologos Coniectores.	281
V.	Alia S. Augustini grauisima in Astrologos Coniectores disputatio.	284
VI.	Rursus S. Augustinus aduersus Genethliacos differit.	285
VII.	Alia S. Augustini cum Astrologis congressio.	286
VIII.	Disputatio Origenis Adamantij in Astrologos.	287
IX.	Disertissima Bardasenis oratio in Astrologos.	290
X.	Excluditur Astrologorum ludificatio aduersus Patrum doctrinam.	292
XI.	Astrologos sapè Republica pulsos fuisse.	294
XII.	Quam seuerè olim Ecclesia in Genethliacos animaduertit.	295
XIII.	Genethliacam artem exitio fuisse multis Principibus.	298
XIV.	Astrologiam nullius esse frugis.	299
XV.	Ioannis Baptiste Cardani Hieronymi Cardani filij infelix exitus.	301
XVI.	Astrologorum dissensiones.	302


Finis Elenchi Librorum, & Capitum.



PRÆFA-



# PRAEFATIO AVCTORIS AD LECTOREM.



Am autem plerique omnes praesensiones futuro-  
rum expetimus, adeoque circa cupiditate per-  
sequimur genus omne divinationis, nulla ut sit  
tam delira anus, nullum tam insanum somnian-  
tium ludibrium, nullum tam brutum animal,  
quod non oracula nobis funditare videatur.  
Nam calcens sinister pro dextro indutus, ligu-  
la dissolutio, offensio pedum non modo vulgo,  
sed etiam summis viris religioni fuere. Hinc S. August. lib. 2. de  
Doctrina Christiana, cap. 20. His adiunguntur millia inanissimarum  
observationum, si membrum aliquod salierit, si iunctim ambulan-  
tibus amicus lapis, aut canis, aut puer medius interuenerit: atque  
illud, quod lapidem calcant tanquam diremptorem amicitiae, mi-  
nus molestum est, quam quod innocentem puerum colapho percu-  
tiunt, si pariter ambulantibus intercurrit. Sed bellum, quod ali-  
quando pueri vindicantur a canibus; nam plerumque tam supersti-  
tiosi sunt quidam, ut etiam canem, qui medius interuenerit, ferire  
audeant non impune; namque a vano remedio, citò interdum ille  
percussorem suum ad verum medicum mittit. Hinc sunt etiam illa,  
limen calcare cum ante domum suam transit: redire ad lectum, si  
quis dum se calciat sternutauerit: redire domum, si procedens of-  
fenderit, &c. Quin etiam apes supra castra forte fortuna glome-  
ratas prosperam Druso contra Germanos pugnam praenotasse, &  
muscas poculis, dapibusque Romanorum militum insidentes Tra-  
iano Caesari mortem significasse putatum est. Creditumque pra-  
terea mures, qui Lanuij clypeos arrosuerunt, Marsycum bellum in-  
dicasse, & sicum in Capitolio enatam eversam Romanam pudicitiam pro-  
digium habitum fuit; quin Gaius Marius, vir in Romana Republi-  
ca clarissimus, asello, qui reiecto pabulo ad aquam cucurrit, triste  
aliquid sibi notari existimauit. Quid Fauni vxor? nonne furore, di-

b 4 uinatio.



uinationis auctoritatem sibi conciliavit & Carmenta vetula baccha-  
 bunda, & ut Plutarchus in Romulo interpretatur, carens mēte vati-  
 cinij fidem apud Romanos rerum Dominos obtinuit. Quid de auū  
 loquar volatu, cantu, pastu, tripudio solistimo, quibus res publicæ,  
 & priuatæ ridicula superstitione antiquitus administratæ fuerunt?  
 Quid de pecudum extis, & extispicina re omnino vanissima, quæ nō  
 solum rude vulgus, sed multorum etiam sapientum animos occu-  
 pavit? In tam cæca humanæ mentis præcipiendi futuros euentus  
 cupiditate, nil mirum Astrologiā etiam, rem totam fallacijs, & præ-  
 stigijs confictam, apud multos reperisse fidem. Cū enim futurorū  
 amplissimam præsigitionem profiteatur, nullo illa quidem rationis  
 ductu, sed eius, qua flagramus omnes, anticipandi futura cupiditatis  
 inuitatu, se in hominum animos insinuauit; nec minimam ei digni-  
 tatem, atque auctoritatem auxerunt aliquot Astrologorum prædi-  
 ctiones, quas aliquando magna cum admiratione, mortalium exitus  
 comprobauit. Nam quemadmodum ij, qui totum diem iaculantur,  
 collimant aliquando, & qui talos iaciunt, Venerem nonnunquam  
 reddunt, sic Astrologi inter innumera, quæ quotidie effutiunt, ali-  
 qua interdum vera fundunt, quæ magno errore putantur ab Astro-  
 logia ducere veritatem. Quam ob rem ars vanissima in multorum  
 animos alte descendit, moxque ab Astrologis varijs cōfirmata frau-  
 dibus, plus auctoritatis obtinuit, quā publica priuatæque commo-  
 da postulabant. Et sanè quotusquisque est, qui non intelligat, quas  
 excitare possint in Republica seditiones Astrologorum præsgia de  
 Principum virorum vita, & morte, de cōmutatione Imperij, de bel-  
 lorū exitu; quosque in Principes ciere motus Mathematicis liceat, si  
 nouis priuatique hominibus summam rerum spōfore cœlo prōmit-  
 tant? Non sunt hæc accersita longius: expertus est Galba Astrolo-  
 gorum tumultus, quem Ottho Imperio, & vita spoliavit vrgentibus  
 (inquit Cornelius Tacitus) Mathematicis, dum nouos motus, &  
 clarum Otthoni annum obseruatione syderum affirmant. Expertus  
 apud Hispanos Alphonsus Rex octauus, aduersus quem Astrologo-  
 rum vaticinationibus Abeldelmenus filius cuiusdam figuli excita-  
 tus, Regno breui potitus est: Expertus est Iustinianus, quem Leon-  
 tius à Paulo Monacho Astrologo nobili, ad spem imperij erectus, è  
 summo humanarum rerum fastigio deiecit, & amputatis manibus  
 in Chersonesum relegauit: Expertus est Muleaset Tuncet Rex à fi-  
 lio regno priuatus Mathematicis auctoribus, & ducibus. Denique,  
 bello Cimbrico Athenio Cilix seruus Astrologiæ præsidio eorū, qui  
 rebellarunt Dux, & Antesignanus fuit, & Michael Balbus apud Leo-  
 nem Imperatorem Comes domesticorum, cū ab Astrologo quo-  
 dam cognouisset Imperatoria se genesi ortum, aduersum Leonem  
 coniurare, eumque è viuis tollere non dubitauit.

Neque



176  
Neque verò minus priuatis Ciuibus, quàm Principibus viris pernicioſa Genethliaca contagio eſt. Obuiæ cuique ſunt clariffimorū Ciuium neceſ, quibus in potentiorum ſuſpicionem adductis poſtremi exitij ſemina Aſtologorum vaticinia fuerunt. Tiberius quidem Cæſar, illa buſtuaria vulpecula, qui fraudibus ſemper, & dolis neſcebat omnia, perſpectis præcipuorum Romanorum natalitijs aſtris, omnes è medio ſuſtulit, quos aurigantibus ſtellis ad imperiū peruenire poſſe compererat, vni Galbæ peperciſſe fertur, quòd ſerū illi & breue imperium cælum polliceretur. Caius Caligula, quem natricem Populi Romani Tiberius appellare ſolitus eſt, cum ſibi necem inſtare à Sulla Mathematico accepiſſet, quantum fudit cruoris? quantas edidit ſtrages? quanto ſanguine Populo Romano ſtetit illud vaticinium? Iam vero Antoninus Caracalla quàm inſenſum habuit Macrinum copiarum Præfectum, eo ſolùm nomine, quod eum ad imperium ſtellarum ductu, ferri Mathematici ceciniffent. Quid attinet Neronis, vel Claudij tempora perſcruare, quibus Babilo Aſtologo monſtrante in leſtiſſima quæque Reipub. capita deſeruitum eſt? Quid Aegypti præterea Reges commemorem, quos inſpectis naſcentium genituris, omnes illuſtribus, & regijs ortos ſtellis, necare ſolitos accepiſimus? Quid cauſa fuit cur Domitianus Metium Sempofianum interemerit; niſi quod Imperatoriam geneſim habere vulgò ferebatur? Nihil eſt neceſſe ad Indos oratione tranſire, apud quos, qui malignis oriuntur aſtris, ab ipſis parentibus per ſummam barbariem ſolitos interfici, legimus.

At nihil de Principe, nihil contra Principem loquantur Aſtologi, tamen eorum reſponſa ſocietatem generis humani labefaciunt. ſoluunt enim neceſſitudines natura ipſa conglutinatas, ſoluunt amicitias ſanctiſſimis firmatas legibus, diſſuunt vno verbo humani generis ſocietatem. Putãſne poſſe illum quietis partem vllam capere, cui Aſtologus prædixit occultas imminere inſidias, impendere grauiffimas calamitates? Suis ne ſe permittat amicis is, cui Cardanus lib. de reuolutionibus cap. 7. prædixit amicorū fraudes, prodiciones, inſidias? Quo quæſo animo maritus ille vixerit cum vxore, in cuius genitura vagos concubitus, inceſtus, adulteria Aſtologus vidit? Diligetne vnquam pater eum filium, quem Cardanus lib. 2. de iudicio geniturarum cap. 13. oſtendit ex adulterio genitum? feretne quiſpiam æquo animo liberos, quos idem Cardanus cap. 8. eiufdem lib. docet natos in familiæ dedecus, in domus excidium? Eamne ducet vllus vxorem, quam Genethliacus plures habituram viros pronunciauit? degetne cum viro vxor, quem Cardanus lib. centum geniturarum, genitura 42. vaticinatur, interfecturum vxorē? Quanto odio perſecutus eſt Guido Maltrauerſus Comes Patauinus Nicolaum filium, quem Iambonus Aſtologus pernicioſum fore Patriæ confir-



confirmavit? Protèstne quispiam legere, quæ Iulius Firmicus scribit lib. 7. Matheseos, cap. 9. de filiorum cum parentibus dissidentium genituris, cap. 18. de coniugum dissidijs, cap. 20. de genituris eorum, qui vxores, fratres, parentes interfecuri sunt, sine magno domesticæ tranquillitatis, & pacis incommodo? Potuèntne Alexander Medices non infensus esse propinquis omnibus, cui Basilus Mathematicus prædixit necem à propinquis imminere? O præfens humanæ beneuolentiæ venenum, ò formidabilem priuatæ, & publicæ rei pestilentiam.

At monerent Astrologi vera, haberemus illis gratiam: nunc verò tam sæpe mentiuntur, tam rarò vera prædicunt, tam incertum est tempus, quo vera, quòue falsa denunciant, vt ad tollendas amicitias, ad ferenda odia, ad interrompendam beneuolentiam eorū prædicta valeant plurimum; ad prudentiam, ad tuendam vitam, ad pericula declinanda ne minimum quidem afferant adiuumentum. Nam cum animus vera à falsis præfagia, nulla internoscat nota, ex lubrica, & inconstanti arte, temeritas quidem plurimum, prudentia verò nihil proficere potest.

Plus satis habemus rixarum, & inimicitiarū è sublunaribus causis, nihil est cur è cælo fomitem dissensionum, & materiam litium accersamus. Cur falsis præfagijs odia magis accendimus, quæ veris causis excitata restinguere oportuit: parum scilicet contentionum inter mortales est, aliunde etiam, & è cælo petendæ erant.

Neque verò quicquam adiuuat causam, quòd hoc loci Mathematici respondere solent, nihil se certò pronunciare, sed probabiles, & verisimiles sequi præfagitiones, quibus nemo ita permoueri debet, vt propterea vel insidias alicui struendas, vel humanam deferendā societatem, vel naturæ iura sibi reuellenda putet. Quod si quis tam præposterus reperiatur, vt Genethliacis prædictionibus, quibus cautiore fieri debebat, in aliorum perniciem abutatur, id non Astrologiæ vertendum esse vitio, sed hominum improbitati, quæ sapissimè saluberrimas quasque res, & disciplinas in multorum perniciem exitiūque conuertit. Nihil, inquam, hæc & huiusmodi, quæ fugata oratione Planetarij disputant, aut Astrologiam, aut Astrologica præfagia vindicant. Verbis enim illi probabiliter se loqui profitentur, re, & factis in eo sunt toti, vt sua vaticinia nusquam a vero aberrare doceant; id repetitis exemplis, id varijs experimentis, id longo rerum vsu efficiunt. Sed demus eos loqui ex verisimili ratione, nihil certi, aut constituti prædicere; nōne ex huiusmodi vaticinijs, quibus quotidie nobis occultas inimicitias, clandestina odia, domesticorum fraudes, amicorum insidias prædicunt, resident in animis nescio qui aculei, qui diu noctūque nos pungant? nōne remanent suspicionum quidam fluctus, quibus huc illucque agitati sic



74  
ti sic inter domesticos, & cognatos viuimus, vt inter hostes nobis  
versari videamur, sic inter homines degimus, vt inter immanes bel-  
luas, nos periclitari putemus? vbi de vita, de morte, de honore,  
de iniuria agitur, leuissimæ etiam suspiciones grauissimas inimi-  
citas accendere consueuerunt. Quid Caium Caligulam impulit, vt  
Longinum Cassium Asiæ Proconsulem, virum in Repub. Rom. longè  
clarissimum, è medio tolleret? nonne leuis affectati imperij suspi-  
cio? abigantur licet huiusmodi suspiciones, & amendantur longis-  
simè, redeunt tamen identidem, & recurrunt, subeuntque animum  
dubitationes quædam de fide vxoris, de charitate filiorum, de ami-  
corum beneuolentia, de studijs Ciuium, de voluntate Principis, quæ  
societatem humanam si minus funditus euertunt, certe magnope-  
re labefactant.

Non longum faciam. Aut Astrologi volunt sibi fidem haberi, cum  
aliquid nobis enuntiant, aut minus. Si fidem postulant, eorum præ-  
dicta, ea omnia incommoda pariunt, quæ hætenus commemorauim-  
us: si nulla est illis adhibenda fides, non egemus eorum præfagijs;  
vanusque est omnis eorum labor, quem in exponendis genituris su-  
scipiunt.

Iam verò quid commemorem artes, quibus huius disciplinæ ho-  
mines ex imprudentiorum Ciuium oculis pecunias eradunt? Re-  
ctè sanè Phauorinus Philosophus, totum hoc præstigiarum, atque of-  
fuciarum genus dixit commentos esse homines æruscatores, cibum,  
quæstumque ex mendacijs captantes. Scitè & Ennius:

*Quibus diuitias (inquit) pollicentur, ab his drachmam petunt,*

*De his diuitijs deducant sibi drachmam: reddant cetera.*

Quid loquar de veneficijs, quibus Genethliaci genus humanum  
inficiunt? non enim temere Iurisprudentes lib. 2. Codicis eodem-  
tit. de Maleficis, & Mathematicis, præclaras sanè leges sanxerunt:  
sed ea de causa quòd vix vllum Astrologorum huiusmodi labis im-  
munem existimarent. Quin Ptolemæus ipse Astrologorum Magister  
lib. 1. de iudicijs, cap. 3. acriter in suos Genethliacos inuehitur,  
quòd Astrologiæ quasi sipario, magicas artes, aliasque innumeras  
pestes obuelent.

Quid denique dicam de infamia, qua hoc genus hominum apud  
omnes gentes semper laborauit? nonne abundè declarat, quàm salu-  
taria mortalibus sint Astrologica præfagia?

Nec politicis modò humanisque rationibus aduersatur Geneth-  
liaca, diuinas etiam res pari temeritate pessundat. Nihil est aut  
Religione tam augustum, aut veneratione tam sanctum, quod Al-  
bumazaris non violarit impietas, quod Bonati non labefactarit te-  
meritas, quod Alchabitij non contaminarit illuies, quod Carda-  
ni non polluerit improbitas. Profitentur quidem Mathematici nihil  
se de



se de Religione disputare, diuinis prætermisissis, humanas tantum sequi rationes, sed eorum libri nullo discrimine diuina simul, & humana pefundant. Nam vt prætermittam quod Abram Iudæus anno Domini 1465. clarus per ea tempora Astrologus ex coniunctione Iouis, & Saturni in signo Piscium non dubitauit affirmare Iudæis breui affuturum Messiam, ratus nimirum Astrorum vi, non Dei consilio, humani generis Seruatorem proditurum in lucem: Vt fileam de Rabi Lemlæo, qui anno 1500. ex Astrorum congressu, adeo affirmatè prædixit aduentum Messia, vt Iudæi euerterint furnos, quos ad panes azymos pinsendos, more gentis paratos habebant, certissimi anno insequenti Hierosolymam se reuersuros: Vt alia denique huiusmodi præteream, quibus referti sunt Arabum libri, nonne receptum apud Mathematicos est, non plures, quàm sex Religiones esse posse? Iupiter (inquiunt) Religionem significat, aliam atque aliam ex complexu cum alio atque alio Planeta; cum autem sint sex præter Iouem Planetae, sex dumtaxat species Religionis esse possunt. Nonne Christianam Religionem à Deo institutam, à Deo miraculis confirmatam referunt in eam coniunctionem, quæ fuit parte sexta Arietis sex annis ante Christi Domini natalem, aut in eam, quæ hanc viginti annis antecessit in postrema Cancri parte? Vtinam apud Arabes solum Christiani nominis infensissimos hostes, hæc legeremus, nec in eorum etiam libris videremus, qui Christianam Religionem profitentur. Quid Cardanus? Lex Iudaica, inquit libro de supplemento Almanach. cap. 22. est à Saturno, vel eius stella, vel potius utroque, Christiana à Ioue & Mercurio, Mahumeti à Sole, & Marte æqualiter dominantibus, vnde iustitiam custodit, verum cum impietate & crudelitate magna; Idololatria à Luna, & Marte. Soluitur autem vnaquæque lex à suo contrario. Saturnum debellat Iupiter auctoritate, & Mercurius ratione. Iouem & Mercurium debellat Mars, non audiens rationes, & sauiens contra auctoritatem. Martem & Solem debellant Saturnus, & Venus, hæc lasciuia, ille dolis. Martem & Lunam Sol, & Iupiter destruunt auctoritate, dignitate, & veritate. Ob hoc Christiani erigite capita, qui potest capere capiat. Hæc Astrologorum Magister. Quis autem ignorat Prophetarum vaticinia, vim miraculorum ab Astrologis in astra referri? Manilius libro 5.

*Quos potius fingat ortus, quàm templa colentes,*

*Atque auctoratos in tertia iura ministros,*

*Divorumque sacra venerantes namina, voce*

*Penè Deos, & qui possunt ventura videre.*

Idem Hieronymus Cardanus libro de Iudicijs Geniturarum, cap. 1. Iupiter, inquit, in nona Christianis sacerdotia pollicetur, vera somnia, sacrorum scientiam. Rursus infra: Venus, inquit, in nona facit diuinos



diuinos sacerdotes magnos, præstat somnia verissima. Ne morosior  
sim, nihil est tam diuinum, nihil tam supra naturam exaggeratum,  
quod Mathematicis rationibus impiè, & nefariè non concludant.

Tot tantisque malis obuiam sæpius itum est publica potestate,  
grauissimisque Principum decretis. Pulsi enim Vrbe, & Italia fue-  
runt Mathematici frequenter. Ars ipsa grauioribus pœnis sapius  
interdicta fuit. Non rarò seuerè in eos animaduersum est, qui leuif-  
simum hoc artificium exercebant. Cæterùm seueritas Principum  
facere potuit, ne publicè malum grassaretur, ne occultè sciret fa-  
cere non potuit. Pulsa enim Vrbe, & Italia tanta pestis remansit in  
hominum animis, & eiecta ex Rep. non exlauit à Ciuium menti-  
bus, abstinuitque metu publicæ potestatis à publico, sed delituit in-  
tra sedtiosorum ciuium arcana consilia apud homines, quos re fa-  
miliari destitutos vna, vel alienæ hereditatis, vel opulenti matri-  
monij, vel Reip. commutationis spes sustentabat. In domibus Prin-  
cipibus insensis, in ædibus ære alieno oppignoratis, denique in  
facinorosorum hominum penetralibus remanet, è quibus nullis vn-  
quam Principum decretis exturbari potuit. Vnde Romanæ historiæ  
clarissimus auctor de Genethliacis scriptum reliquit. Genus homi-  
num potentibus infidum, sperantibus fallax, quod in Ciuitate nostra  
& vetabitur semper, & retinebitur. Ita planè res habet. nisi Prin-  
cipum decretis accesserint sapientum disputationes, quæ ex homi-  
num mentibus, certissimis, firmisq. conclusionibus exturbent Astro-  
logiam, semper illa vetabitur, & retinebitur. Hydra enim est mul-  
torum capitum, quorum vno reciso, multa succrescunt, & renascun-  
tur; si vnum auferas, statim aliud sufficitur, & hoc amoto supponi-  
tur aliud; extingui denique non potest ferro, nisi ferro opem ferat  
ignis sapientiæ; nisi, quod ferro resectum fuerit, absumat flamma do-  
ctrinæ.

Omnes adeò, qui literis valent, deberent Principum saluberri-  
mis legibus opem ferre. Nam quæ cura sanctior? quod studium ma-  
gis salutare? quæ honorificentior disputatio, quàm quæ hominum  
genus in libertatem asserit, Religionem, & pietatem ab impio stel-  
larum dominatu vindicat, quæ sacris diuinisque mysterijs venera-  
tionem, Deo Opt. Max. cultum, & auctoritatem reddit? Ipse etiàm  
quanquam ab ingenio & doctrina imparatissimus, rei tamen com-  
motus indignitate, studio publicæ utilitatis excitatus, ad demolien-  
das Astrologiæ principes arces accessi. Multi mihi auditi huius di-  
sciplinæ Magistri, per ea præsertim tempora, quibus Philosopho-  
rum scita lectissimæ iuuentuti Italiæ, Germaniæ, Angliæ, in Prin-  
cipe Vrbe Roma tradidi, clarissimos eiusdem Professores Romæ,  
Neapoli, Mediolani, in Sicilia, mihi licuit consulere, diu in Romano  
Collegio illud Mathematicæ disciplinæ oraculum mihi patuit, Chri-  
stophorus



Phosphorus Clavius, qui omnes Mathematicæ partes arctissimè complexus, unam Genethliacam tanquam Mathematicæ facile putamentum constantissimè semper auersatus est; omnia mihi adita delubra, è quibus Genethliaci, imperitæ multitudini consueverunt responsa reddere: contemplari per otium licuit arcanas Tripodas, è quibus vaticinantur populo: inspexi monstra, & inania ludibria, quæ toto cælo commenti sunt. Quare cum præter ea, quæ de vi Solis & Lunæ Physici docent, quorum alter tum ad Septentrionem, tum ad Meridiem cursum inflectens, quatuor anni tempora, & ea quæ his temporibus gignuntur, efficit; altera crescendo, & decrescendo cieri maria, implere conchylia, leuare morbos, commouere tempestates, & alia id genus præstare solet, omnia, quæ de syderum potestate Genethliaci tradunt, conficta esse animaduertissem, ad fallenda rudiorum ingenia, haud ferendam mihi existimaui tantam fingendi licentiam in publicam, priuatamque perniciem. Ergo Astrologia diuina æquè ac humana pessundat: Nos nulla tacti religione, sinemus illam impunè debacchari? Errore plerique capti post Astrologicas obseruationes insanunt: nos patiemur eos vana somniantium deliramenta sectari? Non patiemur professò, sed reuocabimus quoscunque poterimus ad lucem veritatis; detegemus huius disciplinæ vanitatem; detrahemus illi laruam, quæ hætenus tam multos fefellerit, & pro ea, quam hominibus debemus, charitate, pro sinceræ veritatis studio, quod viginti & quatuor iam annis in præcipuis Italiæ Academijis professi sumus, pro vitæ instituto, quod ab ineunte ætate suscepimus, iuuandi quam plurimos, dabimus operam, Deo bene iuuante, vt in posterum neminem fallere Astrologiæ præfagia possint.

Neque vero abstertere me à scribendo debuit, quod videam multos, eosque nobilissimos auctores in hoc argumento versatos; nam quantum eorum vnusquisque meam industriam retardat ingenio, tanto inflamat exemplo. Si enim neque Mirandulanos, neque Sixtos, aliosque ab insectandis Astrologis retardarunt ij, qui antè hoc versarant argumentum, cur mihi inhibere debuerunt hanc disputationem recentiores aliqui, qui de Genethliaca vanitate cum laude disputarunt? est enim ingeniorum, sicut terrarum mira varietas.

*Hinc segetes (inquit vates) illinc veniunt felicius vna:*

*Arboriæ fetus alibi, atque in iussa virescunt*

*Gramina. nonne vides croceos vt Tmolus odores,*

*India mittit ebur, molles sua thura Sabæ?*

*At Chalibes nudi ferrum, virosaque Pontus*

*Castorea, Eliadum palmas Epyros equarum?*

Non omnia possumus omnes: alij valent ingenij acumine, alij varietate doctrinæ, alij differendi ordine, ac methodo, alij dicendi, quam plerique



XVI  
plerique amamus, breuitate; alij perspicuitate, & facilitate doctrinae: quare sicut gentes interfuso mari mutuis comereijs sociantur, ita varij scriptores multiplici eruditionis, ingenij, doctrinae discrimine federantur, vt quae in vno desiderantur, in promptu sint in alio, quae affluunt in aliquo, deriuentur ad alios, qui ijs indigere videntur: quo fit, vt veri studiosus, dum vnum in vno, aliud in alio habet, nihil desideret ad vberem, & ornamentis omnibus efflorescentem doctrinam. Varij praeterea sunt hominum sensus, & quae multis per se notissima, nec probationis indigens videtur sententia, alijs tam anceps, & caduca videtur, vt nisi iterum, atque iterum fulciatur, ad terram feratur; cur ergo veterum iudicia, quae firma quidem sunt, multis tamen fatiscere videntur, nouis non confirmantur disputationibus, ostendaturque nulla vi commoueri posse, quae sapientes sanxerunt? Quin etiam Pici Mirandulani disertissimis disputationibus de loco moti Planetarij coacti sunt Arabum fabulas deferere, omniaque ad directiones, & reuolutiones reuocare, vt spes sit fore, vt si ex his quoque gurgustiolis pellantur, dent tandem aliquando veritati manus, redeantque ad sana consilia.

Et quorum, dicit aliquis, auctoritate, tanta ineunda disputatio est? Aristotelis in primis, Hippocratis, & Galeni, quorum vberissima, & felicitissima ingenia, quaecumque Genethliaci de caelo, & ex Astris deducunt, de proximis & coniunctis causis oriri, euidentissimis rationibus euincunt. Cum enim de humani corporis temperatione praecipua lis sit, quod Astrologi a genitalibus Astris nostri corporis constitutionem, quasi habena quadam gubernari contendunt, & animi mores sequantur naturam corporis, nos vero a sublunaribus causis corporis constitutionem pendere putemus, non alios huius litis magis idoneos iudices facere potuimus, quam Philosophiae, & Medicinae Magistros, Aristotelem, Hippocratem, Galenum, quorum doctrinam constantissima omnium Academicarum, omnium gentium, omnium aetatum, omnium temporum consensus, comprobauit. Ceterum ne Philosophorum, Medicorumque tribunal quantumuis aequum, tanquam alienum Mathematici excipiant, ad extremum in Astrologiae foro, eos conueniemus, & Claudium Ptolemaeum, aliosque Astrologiae principes Magistros huius causae testes, iudices & arbitros appellabimus, quorum iudicia ne ipsi quidem Mathematici improbare queant.

Breuiternè an copiosè differendum? breuiter, & copiosè; breuiter quidem, quia non persequemur omnes Astrologorum ineptias, sed solum praecipua quaedam capita, vnde omnis haec ars velut est fonte promanat. Copiosè verò, quia singulae rationes pluribus argumentis firmabuntur, vt stabilem, firmumque mereantur assensum. Neque enim tantam rem ita ieiunè, angustèque tractare debuimus:

vt si



ut si vna aut altera ratio claudicare videatur, totis titubatum ca-  
stris putetur; si vna, aut altera ratiocinatio rimas agere credatur,  
tota ædificatio existimetur ruere. Multa nobis Philosophia, multa  
Medicina, multa ipsa Astrologia aduersus Genethliacam vanita-  
tem suppeditat. In tam fecundis sapientiæ noualibus, cuius stylus  
arescat, aut cuius potius non exuberet ingenium?

Atque hæc initio me præfari oportere intellexi, ut statim lector  
præ oculis haberet, quæ sibi sint ex hisce libris expectanda. Nam  
de stylo nihil aliud habeo dicere, nisi me quantum per facultatem  
licuit, operam dedisse, ut neque plus nimio barbarus esset, ne  
in politiorum Musarum incurreret odium; neque ad Ci-  
ceronis lychnos exquisitiùs elucubratus, ne Philo-  
sophicæ quæstiones, eas Rhetorum pompas,  
& phaleratam illam orationem accer-  
serent, quam veritatis venato-  
ri respuendam esse do-  
cent, & præci-  
piunt.

sapientes. His igitur hoc modo propositis,  
ac delibatis, sic aliquando, propi-  
tio Numine, ad disputan-  
dum ingredior.

† †  
†



I N





# IN ASTROLOGOS CONIECTORES

LIBER PRIMVS.

*De cæli actione in hæc inferiora generatim.*



## PROEMIUM.



VAECVMQVE hominum generi, om-  
nique mundo sublunari eueniunt, ex Astro-  
rum præscripto deducunt Mathematici, ad-  
uersus quos ex Philosophiæ, Naturæq. prin-  
cipijs disputaturo mihi, licet non incom-  
modè cederet ab homine initium facere :  
Tum quia disputationes à notioribus aptis-  
sime inchoantur auctore, Aristot. lib. 1. phys.  
text. 2. At multò notius, aut est, aut fieri po-  
test hominem à syderum Imperio eximen-  
dum esse, quam cæteras res : Tum quia hominis gratia totus hic la-  
bor susceptus est; neque enim de alijs magnopere laborarem, nisi hu-  
manas etiam actiones sub stellarum iura, & dominatum redigere co-  
narentur. Malui tamen à generali quadam tractatione exordiri de cæ-  
li vi,



## P R O E M I V M .

li vi, & potestate, quæ cunctas res cælo subiectas complectatur, multis de causis. Primum quidem, quòd ea, quæ vniuersis sunt communia, priuatis, proprijsque sunt priora, illisque contenta, & inclusa, sine quibus priuata intelligi cogitarique nequeunt. Deinde quòd generali hac tractatione, incidemus Astrologiæ quasi neruos, quibus vniuersum hoc corpus sustinetur: Elidemus fontes ipsos unde omnis Astrologia promanat, quibus exturbatis, & disiectis sua sponte arescent omnes præsentium, prædictionumque lacunæ. Præterea cum de efficientia cæli in vniuersas res sublunares frequentior in scholis suscipiatur disputatio, prius debuimus scholis deferre, & Philosophiæ professoribus, inter quos numerabamur quando aduersus Astrologos scribere sumus ingressi. Denique quòd hæc, philosophica magis est disputatio, quam quæ de homine, in qua multa à Medicis, multa à Moralijs, multa à publicis officinis repetere necesse erit.

Principiò autem ea de syderum potestate in hæc inferiora & sibi subiecta corpora proferemus, quæ non grauatè Astrologis concedimus, Deinde ea, quorum illos, vt iacturam facere velint, rogamus.




C A.





# CAP. T PRIMVM.

*Omnes stellas lumine esse præditas.*



**S**TELLIS vniuersis infitam esse lucem aliquam sibi propriam, præter eam, quam à sole mutantur, nemo fermè philosophorum ambigit: Nec Auer. l. 2. cœli, com. 42. & 49. & lib. de subst. orbis, c. 2. Nec Auicenna apud Alber. 2. cœli, tract. 2. c. 2. Nec Alex. aut Simplicius, apud Auer. locis citatis, Nec S. Thom. 2. cœli, text. 42. Nec Alber. de Saxonia 2. cœli, quæst. 10. Nec Cardani Andagonista Scaliger exercitatione 62. Nec Niphus lib. 2. cœli, text. 49. Nec Amadeus lib. 2. cœli, quæst. 5. Nec Alber. lib. 4. de quatuor cœuis, quæst. 4. ar. 21. lib. 2. cœli, tract. 3. c. 6.

Et de Luna quidem nullum dubitandi locum fecere defectiones, quas cum patitur, ex obiectu terræ: quamuis nihil illustretur à Sole; lucet tamen, ac rubet, quod exigua quidem, sed cuiusdam tamen lucis argumentum est. Quin & post nouilunium, quæ partes ad solem conuersæ non sunt; obumbrante earum tene lumen Sole: & si interdiu non dispiciuntur, dispiciuntur tamen noctu, & luminis nescio quid nobis obijciat.

De Venere eadem fermè ratio est, Tholescopio enim (quod omnium superiorum sæculorum caligine discussa, nouas cœlo, & ante hac inauditas stellas detexit) nuperrimè eam vidimus accedendo, recedendo, & à Sole, crescere, minuique, non secus ac Lunam, quò enim soli propinquior est, quia ei minorem sui partem, ad nos conuersant, præbet illustrandam, eò magis cornicularis per Tholescopiū nobis videtur.

Idem de cæteris constat astris: licet enim nunc ad Solem propius accedant, nunc ab eodem recedant longius: licet numquam globosam eorum formam villo instrumento viderimus variari, in confesso tamen est, propriam habere lucem, & quidem maiorem quam Lunam, aut Venerem, hæ enim quia totum ferè lumen desumunt à Sole; quò soli propinquiores sunt, eò minori sui parte à nos lumen solis remittunt, quo sit, vt corniculares videantur, idem cæteris sine dubio eueniret, si totum lumen, vel si tantū luminis Soli referrent acceptum, quantum Venus, & Luna.

Adhuc constat vniuersim, stellas omnes perspicui corporis, id est cœli, partes esse densiores; vnde Arist. lib. 2. cœli, text. 41. De vocatis autem astris, inquit, consequens vtiq; erit dicere, ex quibus constant, & in quibus figuris, & quinam sunt ipsorum motus. Rationalissimum itaque fuerit, & ea quæ a nobis dicta sunt, consequens vnumquodque astrorum ex hoc faceret corpore, in quo existit, lationem habens, quoniam diximus aliquid esse, quod circulariter ferri natura natum est. Vt enim ignea dicentes esse, ob hoc dicunt, quia id, quod sursum est corpus, ignem esse dicunt, vtpote cum rationale sit vnumquodque, constare ex ijs, in quibus vnumquodque est, sic & nos dicimus. Quæ sententia in omnium Philosophorum animis insedit altius. Veteres enim, vt Arist. refert, qui cœlum esse ignem docuerunt, stellas quoque igneas esse putarunt: Recentiores, & Arist. interpretes, Auer. Sanctus Thomas, Albertus, cæterique, qui cum Magistro cœlum ab elementis

A 2 fecer.




secernunt: stellas quoque sui orbis natura donarunt. Iam verò cœlum totum, quamquam propter raritatem non lucet, tamen suapte natura lucidum esse, declarat, quæ dicitur Via lactea; hoc est, partes illæ orbis densiores, quæ medio cœlo albicantes, exiguum sane, sed aliquam lucem ostendunt.

Neque verò aliter fieri oportebat, cum enim pleraque alia, inferiori longè conditione, quam cœlum, lucem sortiri natura voluerit, noctilucas squamas piscium, putrida ligna, oculos felium: minimè hoc idem ornamentum inuidendum fuit cœlo, aut stellis, quæ cœli partes quædam sunt præstantissimæ.

Rursus cum Sol, qui pars quædam cœli est densior, tantum effundat luminis, quis reliquas eiusdem cœli partes omni splendore denudet? An quia ignis prope Lunam circumpositus ob eximiam raritatem non lucet, negabis ignem sua natura lucidum esse?

Nec magna distantia parum officit, ne tenuem cœli lucem, eminus videamus. At non est necesse pluribus confirmare id, quod cum aduersariis litigiosum non est.



## C A P V T II.

### *De potestate cœli in subiecta corpora.*

**P**RINCIPIO conuenit inter nos, & Astrologos, magnam esse cœli vim, & potestatem in sublunarem mundum, & corpora subiecta: non solum illuminando (quis enim de cœli lumine ambigat, nisi qui cœcus natus sit?) sed calefaciendo: frigefaciendo: siccando: humefaciendo. Sol, inquit M. Tullius lib. 2. de natura Deorum, qui Astrorum obtinet principatum, ita mouetur, vt cum terras larga luce compleuerit, easdem mo-

dò his: modò illis partibus opacet, ipsa enim vmbra terræ soli officiens, noctem efficit: nocturnorum autem spatiorum, eadem est æquabilitas, quæ diurnorum; eiusdemque Solis tum accessus modici, tum recessus, & frigoris, & caloris modum temperant. Circuitus enim Solis orbium, V. defectibus, & L X. & C C C. quarta ferè diei parte addita, conuersionem efficiunt annuam. Inflexens autem Sol cursum, tum ad Septemtriones, tum ad Meridiem, Æstates, & Hyemes efficit, & ea duo tempora, quorum alterum Hyemi senescenti adiunctum est, alterum Æstati. Ita ex quatuor temporum mutationibus omnium, quæ terra, mari, que gignuntur, initia, & causæ ducuntur.

Nec Soli hanc vim Luna inuidet. In Lunæ quoque, ait idem Tullius eodem loco, cursu est brumæ quædam, & solstitij similitudo, multaque ab ea manant, & fluunt, quibus & animantes alantur, augecantque, & pubescant, maturitatèque assequantur, quæ oriuntur è terra.

Magis disertè Arist. lib. 1. Meteororum cap. 2. Est autem, inquit, ex necessitate, continuus quodammodo iste, superioribus lationibus, vt omnis ipsius virtus inde gubernetur; Vnde enim motus principium omnibus inest, illam causam putandum primam. Iterum lib. 1. de gener. animal. cap. 2. in Vniuerso quoque inquit naturam terræ quasi foeminam matremque statuunt. Cœlum autem, & Solem, ac reliqua generis eiusdem nomine genitoris, patrisque appellant. Rursus lib. 2. de generat. animal. cap. 3. At verò Solis inquit calor, & animalis, non modò qui semine continetur, verum etiam si quid excrementi sit, quamquam diuersum à natura, tamen id quoque principium, habet vitale: cæterum calorem in animalibus contentum, nec ignem esse, nec ab igne originem ducere, apertum ex his est.

Fusius hac de re differit lib. 2. de generat. text. 15. & 16. lib. 2. cœli, text. 20. & 21. lib. 8. physicorum, text. 46. lib. 12. Metaphys. text. 34. Denique lib. 2. phys. text. 26. Sol & homo inquit generant hominem.

De




## LIBER PRIMVS.

De quæ cœli, vi in hæc sublunaria, diserte disputant S. Thom. 1. par. q. 115. art. 3. lib. 3. contra gentes, cap. 82. 86. in 2. d. 15. q. 1. art. 2. & de pot. quæst. 5. art. 8. Heru. in 2. dist. 15. q. 1. Gab. in 2. d. 14. q. vnica, dub. vlt. Scot. in 2. dist. 14. quæst. 5. Capreol. ibidem q. 1. art. 2. concl. 2. Ferrar. lib. 3. contr. gentes, cap. 84. 86. S. Bonau. 2. d. 14. q. 6. 7. 8. 14. Agid. 2. dist. 14. q. 3. art. 2. ibidem. dub. primo, & 2. literalis quodl. 4. quæst. 12. Argent. in 2. d. 14. q. 1. art. 4. Sonc. lib. 12. metaph. q. 13. Iandun. lib. 1. cœli, q. 1. & lib. 2. cœli, q. 12. lib. 8. phyl. q. 6. Paus. disput. 4. met. cap. 9. & 10. Achil. lib. 4. de orbibus dub. vlt. Auer. lib. 2. cœli, com. 42. lib. 2. de gener. com. 55. 56. lib. 1. Meteor. cap. 2. Paulus Venet. de composit. mundi, cap. 21. 22. 23. Thymon. lib. 1. Meteor. q. 3. & 9. Amadeus lib. 2. cœli, q. 1. art. 3. Mars. lib. 1. de gener. q. 9. Philopon. lib. 1. Meteor. cap. 4. Augustinus Niphus lib. 2. cœli, q. de hac re, & tract. de causis calamitatum nostri temporis. Albert. de Saxonia lib. 2. cœli, q. 1. Alber. Magnus lib. 1. Meteor. tract. 1. cap. 12. de quatuor Coeuis, q. 4. cap. 23. Tienensis lib. 1. Meteor. cap. 4. Scaliger exercit. 18. 75. Buccafer. lib. 1. de gener. text. 56. Philaleus lib. 1. cœli, q. 27. Picus Mirand. lib. 3. contr. Astrolog. cap. 3. Ant. Mirand. de Euerfione singularis certaminis, lib. 22. 23. 24. Sextus Empir. lib. contra Mathematicos, cap. 21. nonnulla etiam leges apud Trifinogistum in Pimandro; Plotinum Enneade secunda, lib. 3. Enneade 3. lib. 1. & 2. Plutarch. opusc. de Iride & Osiride, Auctorem Philosophiæ secundum Aegyptios lib. 10. cap. 3. lib. 11. cap. 1. Auctorem libri de Mundo, cap. 6. Macrobi. lib. 1. in somnium Scipionis cap. 9.

Adde porro constans de actione cœti in subiecta corpora, sententia, omnium sapientum suffragijs, quotidianisque experimentis firmata; mirum est, quam varios, & ambiguos habeat explicatus; Alij solo lumine existimant confici totum negotium; Alij luminis addunt secretas alias, & arcanas virtutes; Alij ad omnia omnino, quæ his inferioribus accidunt, cœli actionem pertinere contendunt. Alij certis quibusdam effectis

coercent libentius. Alij omnia quæ sunt cœlo solum auctore fieri volunt. Alijs & sublunaribus causis cœli vim temperari placet, & in varios deduci effectus.



## CAPVT III.

*Lumine solo cœlum efficit quatuor primas qualitates.*



**L**ICET nulla cœli pars, siccitate, aut humiditate, calore, aut frigore affecta sit (alterari enim & corrumpi necesse esset) cœlum tamen habet facultatem efficiendi, hæc omnia in orbe sublunari per lumen. Et de calore quidem constat: in vmbrosis enim locis, minor est calor, quam apricis quod non esset, nisi lumen calorem progigneret ubi est: alibi verò per quamdam viciniam, quæ quò minor est, eò minus fundat caloris.

Huc accedit, quòd lumen ignis calefacit per se, vt experimur: at cœlestis, & ignei luminis natura eadem est: quare & sese mutuò solent augere, si misceantur, quod proprium est eorum, quibus natura communis est, calefaciat igitur etiam cœleste lumen oportet.

Neque id solum, sed arefacit quoque, si non per se, saltem per accidens: caloris enim est segregare heterogenea, lib. 2. de generatione, text. 8. Ex ijs enim, in quæ incidit, extrahit humidiores partes, & relinquit arida quæ sunt, hæc autem arefactio quædam puratur.


Quin etiam eadem opera sæpe humectat: humidiores enim vapores, quos lumen extrahit è terra, nec potest absumere decoquendo, pariunt humiditatem, & pluuiam. Nec eà solum ratione humectat, quia partes humidas dum extrahit, ad vnum redigit, omnia autem quæ vniufmodi sunt, se mutuò fouent, & tuentur melius, quam contrarijs admixta: sed etiam quia multa humentia in

A 3 vnum



vnum coacta; mole sua magis humectant omnia, quæ attigerint.

Frige facit tandem, qui enim sol accedendo causa est caloris, idem abscedendo causa fuerit frigoris, eo planè modo quo Arist. lib. 2. phys. text. 30. explicauit commune axioma, Eadem est causa contrariorum, Quod enim præfens inquit causa huius est, hoc facimus aliquando causam contrarij; vt absentia gubernatoris navis, submersiois, cuius erat præsentia causa salutis; eodemque recidunt quæ scribit 2. de gener. text. 36. Contrariorum contrariæ sunt causæ. idem enim, & similiter se habens, semper idem natum est facere: idem autem contrario modo se habens contrariorum causa censetur. Quare cum duo elementa, terra & aqua, solis radijs excalescunt, sole longius recedente, procliuitate naturæ, nulla alia urgente causa in suum frigus relabantur, cæteraque omnia, quæ terra, marique continentur, frigore compleantur: ea ratione qua ollam effervescentem ab igne amotam, sua sponte ad natium frigus redire videmus, iure cælum dicimus frige facere. Atque ex his intelliges, hæc omnia cælum præstare, solius luminis opera: hoc enim calefacit subiecta sibi corpora, est autem calidi secernere, quæ vniuersi non sunt, hæc à contrarijs seiuncta: & frige facere & siccare, & humectare in confesso est.



#### CAPVT IV.

*Omne cœli lumen per se vim  
habet caloris.*

**M**NE cœli lumen, per se vim habet, efficiendi caloris; Et quidem de solis lumine, de quo superiori capite, dubitat nullus: sed idem de lumine lunæ tradit Arist. lib. 4. de partibus animalium cap. 5.


Echini, inquit, habent se in plenilunijs vberius, non quia per id tempus copiosius pascantur; vt quidam putant; sed quòd noctes tepidiores sint, propter lucem pleniorum; calorem enim desiderant, quoniam frigori patent: utpote, quæ sanguine careant; ex quo fit, vt æstate potius vbique vigeant.

Rursus lib. 4. de generatione animal. cap. vltimo. Luna, inquit, principium est, propter solis societatem, receptumque lucis: fit enim quasi alter sol minor, quamobrem conducit ad omnes generationes, perfectionesque: calores enim, & refrigerationes, cum moderatione quadam, generationes: sine moderatione corruptiones efficiunt.

Idem significat de cæteris astris lib. 2. cœli, text. 20. 21. & lib. 1. de generatione animal. cap. 2. lib. 2. cap. 3. & lib. 1. Meteor. sum. 2. cap. 4. Hinc 1. Meteoror. c. 2. omnem inferioris orbis vim à supernis lationibus gubernari tradit. Et ratio est in promptu, quia omne lumen astrorum; natura simile est luci solis, ab hac enim illud auctius fieri solet, & plenius: illam calefacere nullus ambigit. quare & aliorum astrorum lumen calefacere fatendum est.

Adde quòd caniculæ æstuosa vis notissima est, nam cum ad eam propius sol accesserit, furere dicitur nedum vrere.

Cum igitur calefaciant nonnihil stellæ omnes: poterunt, & calefaciendo vapores aliquos extrahere, eorumque abstractione humorem, siccitatem, & frigus generare: ea ratione qua paulò antè dicebamus.



C A -



## CAPVT V.

*De arcanis cæli viribus.*

**R**OSSUNT stellæ non solum lumine, & calore, sed etiam viribus alijs quas influentias vocant, esse causæ per se humidorum, aridorum, frigidorum. Et quidem arcanis Lunæ viribus, fidem faciunt maris æstus: Echini: & conchyliæ: aliaque id genus plurima. Par esse iudicium de cæteris astris, ex eo planum sit: quod Sole, & Luna statas vices suas seruantibus, non vnum semper elementa seruant statum: nec vnquam sunt æqualiter, vel calidæ æstates: vel hyemes frigidæ: vel autumnii sicci: vel humidum ver: vel salutare anni: vel mens infalubres: sed magnæ sunt quotannis ventorum, pluuiarum, niuium, nimborum, sterilitatum, serenitatum varietates; quorum causas nisi ad stellæ alias, quam Lunam, & Solem, variè habentes te, & inter se: & cum Sole, & Luna, referamus: laborabit mundus causarum maxima inopia.

Hac accedit, quod nonnunquam repente, vel æstate media niues, & frigora grassantur: vel media hyeme calores ingruunt non modici: vel quouis tempore grando; improvisa tempestas; inopinati venti sauiunt; nubes extemplo nigrescunt, ruunt imbres, instant frigora: & tamen solem & lunam cernimus in eo statu, in quo alias vidimus, cum nihil horum baccharetur de cælo: stupidi porro aut peruicacis est ingenij; in tam repentinis aëris commutationibus, repentinam vim syderum non videre.

Præterea & musculorum iecuscula inquit M. Tullius lib. 2. de diuinatione bruma, dicuntur augeri: & pulegium, aridum, florescere, ipso brumali die: & inflatas rumpi vesiculas: & semina malorum, quæ in his medijs inclusa sint, in contrarias partes se vertere: ostresque,

& conchylijs omnibus contingere, vt cum luna crescant pariter, pariterque decrescant: arboreisque, vt hyemali tempore, cum luna simul senescentes, quia tunc exiccatae sint, tempestiue cædi putentur. Quid de fretis, aut de marinis æstibus plura dicam? quorum accessus, & recessus lunæ motu gubernantur.

Quod de pulegio scribit Tullius, scribit etiam Arist. sect. 20. problem. 21.

Porro quod nouilunio, quarta luna, tempestates commutari soleant: augeri morbi: turbari maria; concitari humores; accendi dolores, non potest nisi occulta aliqua cæli vi contingere.

Quod tradit Arist. & lib. 2. Meteor. sum. 2. cap. 2. Oriente Orione, vsque ad Etesias & Prodomos, quod contingit octaua die ante ortum canis, auctor Plinio lib. 18. cap. 10. tranquilla solere esse cuncta. Oriente canicula, calores urgere. Ad Hyadum exortum defluere vberiores imbres. Et sect. prima probl. 3. Syderum ortu flatus imbresque excitari, obscure ne indicat arcanas cæli vires?

Porro in altissimis, sub terra, specubus, ad quos nec lumen, nec calor solis, multò minùs aliorum syderum, pertingit, pleraque gignuntur, agente cælo, quæ per facultates alias præter lumen a cælo effici dubitauerit nemo.

Iam mare, cuius accessus, & recessus lunæ motu gubernari, per quotidiana experimenta didicimus, quale tandem lumen concitare potest? fluere illud oriente luna: idque quacumque diei, vel noctis hora, illa exoritur: vbi ad summum cælum luna peruenit: refluxere. Post occasum, rursus excrefcere, vbi imum cælum luna attingit, iterum recedere videmus. Atque ne quis rem tantam lumini tribueret, natura in nouilunijs, quando luna minus abundat lumine; mare concitare vehementius; quàm in plenilunijs: Et in lunæ quartis, hoc est, septima & vigesima prima die lunæ nullum æstum esse voluit.

Dicant qui huiusmodi virtutes cælo denegant, cur Hippocrates & Medicorum natio vniuersa, per solstitia, & vernum, atque autumnale æquinoctium, maximas dicat fieri morborum mutatio-



nes. An quia per id tempus vberius redundat lumen? nihil minus. An quia mediocri luce complentur vniuersa? id non cadit in solstitium æstiuum. An quia minimum est luminis? ne id quidem de æstiuo solstitio dici potest. An quia his præsertim temporibus acrius incitantur humores, & prima illa initia, calor, frigus, humor, & siccitas, in quibus omnis corporis constitutio consistit? id verò est, quod in quæstione ponimus, luminène, an alia secretiore vi, hæc commoueantur?

Sed audiamus Medicinæ parentem Hippocratem in aureo illo libello, de aëre, aquis, & locis. Maximè autem inquit obseruari oportet, magnas temporum mutationes: vt neque medicinas in illis, nisi coacti, exhibeamus: neque vramus; neque secemus, priùs quàm, prætereant dies decem, aut plures, & non pauciores. Periculosissima sunt etià ambo solstitia, maximè verò æstiuum: periculosum etiam æquinoctium vtrumque, magis verò autumnale. Oportet autem, & astrorum exortus considerare, præcipuè Canis, deinde Arcturi, & Pleiadum occasum; morbi enim in his maximè diebus iudicantur, alijque perimunt, alij verò desinunt, aut aliam in speciem, aliumque in statum transmutantur.

Denique cur abditas hæc vires cœlo negabimus? An quia simplex est corpus, corpori autem simplici multiplex virtus repugnat? at simplici corpori, mixtio primarum qualitatū repugnat, non multitudo virtutum. Nec perfectissimo corpori, non congruit multiplex agendi modus. An quia non apparent, nec exercentur omnibus in locis, at præter effectricem vim, opus est etiam idonea materia, quæ non vbique, nec semper præstò est: quamobrem vinum exhilarat cor, non cerebrum: & Magnes cur trahit ferrum, non aurum, non argentum, non item res cæteras? An quia, vt aliqui sensere, ex cœlesti lumine fluit, non quouis calor, sed calor viuificus, qui præstare potest quidquid occultis viribus tribuitur. Vnde Arist. lib. 2. de gener. animal. cap. 3. Solis calor inquit & animalium non modò qui semine continetur, verum etiam si quid excrementi sit, quàm

quam diuersum à natura, tamèn id quodque principium habet vitale. Cæterum calorem in animalibus contentum nec ignem esse, neque ab igne originem ducere, manifestum est, &c. Calor autem cœlestis, & vitalis omnium qualitatū, potestate præditus est; & cum causis alijs calefacit, frigefacit cum alijs, cum alijs humectat, arefacitque cum aridis: at calorem cœlestem eiūdem esse naturæ, cū elementari, exploratæ fidei est. Primò id Iacobus Zabarella lib. de calore cœlesti, disertè probauit. Deinde lumen solis speculis, & phialis, & globis vitreis, reflexum, aut refractum in fomite excitat ignem, non alio sanè calore quàm igneo. Auger insuper calor igneus calorem vitalem, & cœlestem, quod non faceret, nisi communis vtrique esset natura. Aduersatur frigus elementare, æquè, calori vitali, & cœlesti; ac igneo, & elementari, at vni vnum solum est contrarium, auctore Arist. Vnus igitur sit calor vitalis, & igneus necesse est. Dissidet autem non natura, sed siccitate adiuncta, vel alio accidenti. Omnis item calor calefacit, quia calor est, nec minùs naturaliter, ac necessariò, quàm durities obduret, mollieties molliat, sonent soni, sapiant sapes; vnde igitur calor, quia est calor, discrepet à calore, habet nihil. Nec illud prudenter satis dictum est, calorem cœlestem cum frigidis frigefacere, cum humidis humectare, exficcare, cum siccis, nam solis lumen, cum pluuiarum libus aquis campi innatant interdum, non humectat magis, sed exficcat; nec niues frigefacit, sed calore soluit, & humiditas res alias non solum feruefacit, sed etiam comburit nonnumquam. Ad igneam porrò formam, non nisi per elementarem calorem sit apta via; vt planum fiat quàm ignei, & cœlestis caloris ratio communis sit, & indifferens. Denique si ex vna cœlestis caloris natura, contendunt plures qualitates fluere, non pro conditione materiæ: sed pro fecunditate agentis, quid magis obscurum audiuit Philosophia, quàm ex vna eademque causa calorem manare, & frigus, humorem; & siccitatem? Contrariorum ait Arist. lib. 2. de generat. text. § 6. & lib. 2. Phys.



Phyſ. text. 30. eadem ſunt cauſæ, ſed diuerſo modo ſe habentes. Quod enim præſens eſt cauſa huius, hoc abſens faci-  
mus aliquando cauſam contrarij. Idem  
verò, vt idem, ſemper natum eſt facere  
idem.

Hæc perſuaſerunt multis præter lu-  
men & motum alias inelle ſecretas celi  
vires, quæ pleraque eorum præſent, quæ  
nec lumen, nec motus efficere poſſunt.

Contra verò ſapientiſſimi viri, & in-  
peripatetico puluere diu exercitati ob-  
ſtinate celo negant huiusmodi virtutes,  
Auer. lib. 2. celi, text. 42. & 45. Alex. Da-  
maſcius apud Philoponum loco citato,  
Philalteus lib. 1. celi, text. 25. Pauſius  
diſput. 4. Met. q. 9 & 10. Mirandulan. de  
ſingulari certamine, lib. 22. 23. & 24. Ioan-  
nes Picus Mirandul. lib. 3. contra Aſtro-  
logos. cap. 4. & 5. Plotinus Ennead. 1. lib.  
3. per totum. Egid. in 1. diſt. 14. quaſt. 7.  
artic. 1. dub. 1. & 3. literal. alijsque per-  
multi.

Primò quidem quia Ariſt. lib. 1. Meteor.  
ſum. 2. cap. 2. quòd, ad ortum Orionis  
uſque ad Eteſias, ac Prodrornos tran-  
quillitas generatim contingat, duas tra-  
dit cauſas, quarum neutra ad occultas  
celi vires pertinet. Quapropter, inquit,  
in Orionis ortu maxima fit tranquillitas,  
uſque ad Eteſias, & Prodrornos. Vniuer-  
ſaliter autem, ſunt tranquillitates pro-  
pter duas cauſas: aut enim propter fri-  
gus, cum exſtinguitur exhalatio; veluti  
cum fuerit gelu forte: aut cum marce-  
ſcit à ſuffocatione. Plurimæ autem, &  
intermedijs temporibus; aut eo, quod  
nondum facta fit exhalatio; aut eo, quod  
iam præterijt exhalatio, & alia nondum  
aduenit.

Idem ſect. 26. problem. 14. Qua de  
cauſa, inquit, Orionis exortu, dies ma-  
ximè variantur, ſtatusque importum cō-  
mouentur. An quoniam in mutatione  
varia, maximè omnia ſunt, quæ non  
vno certoque tempore, motuque deſcri-  
buntur. Atqui, oritur Orion, ineunte  
Autumno: occidit hyeme. Ergo quia  
non vno tempore conſtat; ſed alio inci-  
pit, alio ceſſat, ſtatus etiam inſtantes  
eſſe neceſſe eſt; vtpotè cum ancipiti con-  
ditione proueniant, quos ſibi tempus

utrumque ſortitum eſt.

Rurſus cur ortus & occaſus Orionis,  
moleſtus eſſe ſoleat, idem Ariſt. tradit  
ibidem, nulla facta mentione virium,  
celeftium abditarum. Inſeſus, inquit, &  
moleſtus, Orion eſſe videtur, & occum-  
bens, & oriens, æſtate, aut hyeme, &  
propter magnitudinem Aſtri dierum fit  
aliqua pluralitas; tranſmutationes autem  
omnium turbulentæ ſunt, propter inde-  
terminationem.

Cur non meminit occultarum aſtro-  
rum virium? quid erat facilius quàm,  
hæc omnia, Orionis occultæ virtuti aſcri-  
bere? quàm expeditū erat iter ad igno-  
rantiz aſylum, arcanas virtutes? Non  
igitur ignorauit influentias, quas vocant;  
ſed improbauit. Et quæ circa Orionis  
ortum, & occaſum contingunt; magna  
ſapientia retulit, in temporum commu-  
tationes, quando nimirum; vel diurno  
ſolis ardore exhalationibus aſſumptis,  
vel vehementi frigore ſuffocatis, nulla  
ſuppedit ventis materia. Et moleſtias,  
quas oriens & occidens Orion aſſerre  
ſolet, temporum commutationibus, in  
quas huius aſtri ortus & occaſus incidit,  
tribuit potiùs, quàm aſtro, vel Aſtri ab-  
ditis viribus.

Quid de Eteſijs, & de ortu Canis, idē  
ſcribit lib. 1. Meteor. ſum. 2. cap. 2. videa-  
mus. Eteſiæ autem inquit ſunt poſt ver-  
ſiones: & Canis ortum; neque tunc,  
quando maximè propè fit ſol; neque  
quando longè: & diebus quidem ſunt;  
noctibus autem ceſſant. Cauſa autem  
eſt, quia prope quidem exiſtens, præue-  
nit exſiccans, antequam fiat exhalatio:  
cum autem abſceſſerit modicum; medio-  
cris iam fit caliditas, adeò, vt congelatæ  
aquæ liqueſcant: & terra exſiccata, & à  
propria caliditate, & ab ea, quæ ſolis eſt;  
quaſi ardeſcat, & exhalet: Nocte autem  
deſinunt, quia congelata, liqueſcere de-  
ſiſcunt, propter frigiditatem noctium.  
Exhalat autem neque, quod congela-  
tum eſt, neque quod nihil habet ſiccum;  
ſed cum habet ſiccum humiditatem; hoc  
calefactum exhalat. Dubitant autem  
quidam, propter quid Boreæ ſunt conti-  
nui, quos vocamus Eteſias, poſt æthua-  
les verſiones; Auſtri autem ſic non ſunt,  
poſt



post hyemales. Habet autem non irrationabiliter. Fiunt enim vocati Leuconoti, opposito tempore, non sic autem fiunt continui. Quapropter latentes faciunt inquirere. Causa autem est, quia Boreas quidem à locis, quæ sub Vrsâ fiat, quæ plena aqua, & niue sunt multa; quibus liquefactis à sole, post æstiuales versiones, magis quàm in ipsis flant Etesia. Sic enim & suffocationes fiunt, non cum maximè appropinquauerit ad Vrsam; sed cum calefecerit ampliori tempore, adhuc autem prope. Similiter autem, & post hyemales versiones flant Ornithia; etenim hi, Etesia sunt debiles; minores autem & tardiores Etesijs flant; septuagesimo enim die incipiunt flare, propterea quòd longè existens sol incalcescit minùs. Non continui autem similiter flant, quia quæ in superficie, & debilia tunc segregantur; magis autem congelata ampliori indigent caliditate, quapropter interpolantes isti flant, donec subuersionibus iterum æstiuilibus flauerint Etesia, quoniam vult quàm maximè continuè hinc semper flare ventus.

Idem sect. 26. probl. 12. Cur Auster, inquit, canicula oriente moueatur, idque lege naturæ certissimum fieri solet? An propterea quòd regio inferior orbis, sole scilicet remoto, minùs calida est? itaque vapor inde largè emigrat, & multi profectò Austri spirarent, nisi anniuersarij prohiberent.

Iterum probl. 13. Cur omnibus Astris, tum orientibus, tum occidentibus aër soleat commutari, sed Cane præcipuè quòd quidem flatibus latissimè constat, qui eius ortu, & post ortu sequuntur? Respondet, Quod cum æstus tunc vigeat, spiritus calidissimos per idem tempus oriri congruum est. Auster autem calidus est, & cum ex contrariis in contrarium maximè commutari solitum sit; ortumque canis præuij nuncupati antecedant, qui Aquilones sunt; meritò post eum Auster spirat, quandoquidem assignari necesse est, idque Austri fieri orientibus. Huic autem verbo, cum assignari dicimus, subiecta notio est, aërem insigniter commutari; & quidem mutari flatuum om-

nium genera, in ventos aduersos, aut dextros solent; cum Aquilo non transeat in latus dextrum, reliquum est, vt in aduersum, hoc est, in Austrum transeat. Quinetiam dies post brumam, quintusdecimus Austrum præferat; eò quòd bruma initium quoddam est; moueturque à sole is potissimum aër, qui brumæ vicinus est; solem autem tunc ad Austrum vergere certum est. Vt igitur cum ortum perrepat, flatus excitat Subsolanos: ita cum meridiem adit, Austros euocat; nec tamen statim à bruma id facit, quoniam breuissimas tunc agit distantias; sed quintodecimo, quia tempus id modicè se habeat ad primam discessusensionem, totum enim id tempus pars conspicua est.

Quàm silent apud Arist. coeli influentia, quàm frigent arcanæ astrorum vires, quàm nouitiæ sunt huiusmodi virtutes in Philosophia? In conuersiones, commutationesque temporum, in anni tempestates, quæ accessu, recessuque solis constant, in lumen generale celi instrumentum, quo omnis astrorum vis ad nos deferitur, refert Arist. quæcumque in syderum ortu; vel occasu contingunt: naturalemque omnium rationem haud paulò melius reddit; vel è proximis causis; vel e celi conuersione, quàm alij ex astrorum secreta vi, & potestate.

Deinde quòd Echini, & reliqua id generis in plenilunijs vberius impleantur, nò repetit ex occultis lunæ viribus Arist. vt faciunt recentiores aliqui, & leuioris nominis Philosophi, sed à calore qui per plenilunia redundat. Laborant inquit lib. 4. de partibus anim. c. 5. testata omnia per frigus, & æstum, atque exuperantiam temporis, pati nequeunt. Argumento est, quod Echinis euenit; habent enim id iam inde ab ortu naturæ, & plenilunijs vberius; & non quia per id tempus copiosius pascantur, vt quidam putant, sed quòd noctes tepidiores sint, propter lucem pleniorē; calorem enim desiderant; quoniam frigori patent; vtpotè, quæ sanguine careant; ex quo fit, vt astate potius, vbique vigeant, præterquam, in Pireni Euripo; nam ibi non minùs tempore hyberno probantur. Cuius rei causa



causa est, quod tunc vberius pabulentur; cum pisces per idem tempus ealoca derelinquant.

Ita incrementum & decrementum conchyliorum à calore, calorem à maiori, & minori copia luminis petit Aristoteles. quæ causa est, cur ligna cæsa luna crescente facilius, quàm quæ decrescendo, cæduntur, putrescant, ut restè notauit Mirandulanus lib. 3. contra Astrologos, c. 5. Etenim crescente luna, minus viget calor: maximeque abundant humores, qui putredini materiam, & causam exhibent. Decrescente luna, diuturno lumine, tum solis, tum lunæ; & longiori tempore dominante calore resoluti multi humores, & ligna fieri siciora necesse est, quæ, deficienti humore, diutissimè perdurare oportet. aptè enim Arist. lib. 4. de gener. anim. cap. 2. Sol, inquit, per totum annum hyemem, atque æstatem facit: luna per mensem id agit; quod ita fit, non accessu discessuque lunæ, sed alterum crescente luce, alterum decrescendo.

Atque hinc oriuntur per pleniluniam, & nouiluniam, temporum commutationes frequentes: morborum incrementa, & decrementa: medicamentorumque purgationes, vberiores, aut parciores, aliaque huiusmodi, quæ ad stabiliendas influentias passim proferri solent. Denique, quod scribit Arist. lib. 4. de gener. anim. cap. 2. tempus esse humidius & frigidius decrescendo luna, intelligo esse humidius quàm in plenilunio, non humidius quàm luna à sole discedente.

Præterea omnes rerum sublunarium mutationes, Generationes; Corruptiones; Augmentationes; Alterationes, primæ quatuor qualitates, calor, frigus, humor, siccitas, peragunt, omnes primas qualitates, lumine, & motu, cælum progignit, ut vidimus c. 3. Alias itaque secretiores virtutes, cælo nequidquam affigimus, id quod planum fiet, si ea, quibus potissimum freri, Philosophi nonnulli, huiusmodi cælo virtutes attribuerunt, lumine & motu fieri posse docuerimus.

Dies enim criticos, quorum mira, vis est in morbis, & morborum cura-

tione, non pertinere ad lunam, vel aliud Astrum; ut quidam commenti sunt, docet Hieronymus Fracastorius libro de crisiibus, c. 4. Ioannes Picus Mirandulanus lib. 3. contra Astrologos, cap. 16. vel ex eo quod septimus, decimusquartus, vigesimus, vel vigesimusprimus dies, à contracto morbo, sunt maximè critici, in quacumque tandem diem lunæ, & in quodcumque Astrum inciderint: qua de re integram disputationem rejicio in cap. 19.

Quod quibusdam locis aer insalubris: in alijs maximè sit salutaris, oritur, ut docet Hippocrat. libro de aere, aquis, & locis, ex putrescentibus aquis: ex corruptis vaporibus, intra terræ viscera incluis: ex deprauatis exhalationibus: ex alijs malè olentibus, quæ noxios spiritus exhalant, inficiuntque aërem, & regionem, aut prouinciam aliquam, quibus quæ carent loca salutaria censentur.

Nec pestilentia alios habet ortus, quæ ubi aëri ipsi insederit, longè lateq. grassatur, si corpora solùm, occupauerit non inficit, nisi contactu & afflatu. Huiusmodi spiritus concitantur actione, primarum qualitarum, pro vè in varias materias inciderint: quare nec hic quidem egemus cæcis cæli virtutibus.

At neque ea quæ sunt intra terræ viscera desiderant huiusmodi vires. quamquam enim, eò non pertingit lumen cæli; pertingit tamen calor lumine procreatus, per æstatem præsertim; ex calefiunt enim partes terræ extimæ, quæ afficiunt intimas, in quibus, procreantur metalla, & cætera huius generis. Faciunt ad rem, & spiritus calore excitati, & à contrario per antiperistaltism, retroacti ad ima terræ viscera: agendo enim, patiendoque, fundunt multa naturæ opera, ad vsum, & ornatum mortaliū.

Quicumque pulegiū agente cælo affertit utroque solstitio florescere, docere debet cur cæli potius quàm ipsius pulegiarum arcana vi florere velit, contra Philosophiæ tabulas ab Arist. signatas sect. 20. problem. 21.

Æstus porrò maris res vna, in vniuersa Philosophia inenodabilis, stellarum quo-



quoscumque occultos, & latentes conatus eludit. Nam eadem stellæ; eademq. luna supero, & infero mari fulgent, Tyrrenum non concipit æstus, quem concipit Adriaticum mare. Extra Herculeas columnas, secundum litus Africæ, & meridiem versus, ad insulas vsque Capitis viridis, quæ non longè absunt à tropico Cancræ, nullum mare patitur incrementum; vel decrementum. Vt videre est in historia rerum Indicarum, lib. 2. cap. 10. Idem mare ab iisdem columnis versus Septentrionalem plagam, magnos habet accessus, & recessus. Sinus Mexicanus, & Mare totum quod ad insulam Hispaniolam: insulam Cubam: Ciuitatem nominis Dei latissimè patet; totusq. ille Oceanus Septentrionalis, ab æstu, vt scribunt Petrus Martyr, Gonzales de Ouedo in summarijs de rebus Indicis, quæ leges tom. 1. Historiæ rerum Indicarum, c. 2. immunis est & liber. Mare verò Sur, quod huic ex altera parte respondet, atque ita respondet, vt interposito breuissimo tractu terræ, vix viginti millibus passuum, ab eo diuidatur, æstu agitur vehementissimo, libro 2. historiæ rerum Indicarum, cap. 10. Id quod scribit Scaliger exercitatione 52. Franciscus Vicomercatus lib. 2. Meteor. com. 4. Oceanum Gallicum, ad fauces Garumnæ fluminis, inter Aquitaniam, & Hispaniam septem horis fluere; quinque refluere constat, non seruatò lunæ ortu neque occasu: Deinde quod tradit Aloysius Cadamustus, in suis navigationibus tom. 1. rerum Indicarum, ad Caput rubrum per quinquaginta, vel sexaginta millia passuum mare quatuor horis decrescere, octo excrecere, refertur in lunâ, & influentias non potest. Ad extremum illud etiam quæro, cur luna non exagitet etiam mare Caspium, lacus, fontes, aquas omnes? An dicturus es id euenire, quia maria solum hæc virtus petit; sicut magnes ferrum; non alias aquas? At multi præterea fontes æfluare solent, nam Plin. lib. 2. natur. Historiæ, cap. 92. tradit in Gadibus, ad columnas Herculeas fontem esse, qui interdum cum Oceano augeatur, & minuat; interdum vtrumque contrarijs temporibus

præstet. Et in ripa Boëtis oppidum esse, cuius putei crescente æstu minuuntur, decrescente exundant. Multaque alia huius generis refert Georgius Agricola lib. 3. de ijs quæ è terra effluunt, fermè initio Andreas Baccius lib. 1. de thermis, cap. 24. Alber. de proprietate elementorum, tract. 2. c. 5. Hier. Borrius dialogo de fluxu & refluxu maris.


Quid habet ratus & sibi constans cœli motus, & natura cum tanta æstus inconstantia, & varietate? cur e cœlo petimus causam æstus marini potius, quam febris, & morborum omnium? O ignaua & iners ratio, quæ in difficilem quoties locum incidit, ad latentes confugit cœli virtutes. Cur non audimus Strabonem lib. 1. Solinum lib. 1. c. 25. Stoicos apud Plutarchum lib. 3. de placitis Philosophorum, cap. 17. qui id totum in naturam maris referunt? quemadmodum, inquit, Seneca lib. 3. naturalium quæstionum, cap. 16. quartana ad horam venit; quemadmodum podagra ad tempus respondet: quemadmodum purgatio (si nihil obstitit) statum diem seruat: quemadmodum præsto est ad mensem suum, partus; sic aquæ interualla habent, quibus se retrahant, & quibus reddant. Cur non audimus Alexandrum lib. 2. Meteororum, com. 5. Ioannem Buridanum eodem loco, Andream Cifalpinum lib. 3. quæst. Peripateticarum, c. 5. Ludouicum Buccaferreum lib. 2. Met. lect. 18. & 19. qui naturam soli, cui mare incumbit, huius rei causam faciunt. Sunt illic specus vasti, inquit, Seneca, loco citato: sunt ingentes recessus: & suspensis hinc, & inde montibus, laxa sunt spatia; abrupti in infinitum hiatus, qui sæpe illas vrbes receperunt, & ingentem in alto ruinam condidere. Hæc spiritu plena sunt, qui nunc huc collisus, nunc illuc re-percussus mare exagitat.

Si cœlum malum tantæ rei auctorem, cur non audimus Auer, lib. 2. Meteor. c. 2. Vicomercatum ibidem com. 5. Paulum Venetum in summa Meteor. c. 12. Albert. lib. de causis & prop. element. tract. 2. c. 5. Contarenum lib. 2. de elem. Hieronymum Borrium dialogo de fluxu & reflexu maris, Mirandulanum lib. 3. contra



contra Astrologos, cap. 15. Scaligerum Exercit. 25. & 52. aliosque per multos, qui lumine rarefactum mare à Luna, & cœlo: redundare, & ebullire: cessante rarefactione, destruescere, & subsidere docuerunt?

Arque hæc quidem, ambiguas, & inconstantes esse, cœli latentes vires, & influentias, quibus Astrologia omnis nititur, planè cumulateque concludunt. Nos verò, qui multò plura Astrologis dare solemus, quàm ipsi probare possint, libenter recipimus præter lumen, & motum, alias secretiores, & abditas cœli vires, sed ut sobriè ijs vtantur rogamus, quod si fecerint; Primum quæ nondum definitè distincteque norunt, de stellarum viribus, pro certis, & definitis non venditabunt. Deinde exploratam iam, & perspectam cœli actionem, non extendent ad plura, quàm eius natura, vel experimentum patiat, qui est Astrologis omnibus familiaris error. Denique cœli vires, quas colligunt, ex eo quod Luna in fretis, in conchylijs, in arboribus, in herbis, in hominibus morbo affectis, facere solet non tribuent solis natalis Astris, sed fatebuntur omnia Astra in hæc inferiora agere, non minùs quàm, quæ ortui aut conceptui præesse dicuntur.



## CAPVT VI.

*Motum cœli non pertinere ad hæc vsque infima.*

**A**STROLOGI non modò lumine, alijsque viribus arcanis; sed etiam motu in his inferioribus cœlum efficere multa contendunt: alterare aiunt aëris proximi partes, eumque calefacere, plus quàm natura ferat: trudere præterea, ignis vicini partes deorsum, quibus æstus fieri maximum apud nos: & non paucas

summo aëre exhalationes accendi, in cometas, in stellas crinitas, & barbaras, & in alia spectra, quæ non rarò è cœlo terrent mortales. Hæc illi.

Animaduerti hæc eadem placere Peripateticis non nullis, propter duo Aristot. Loca difficultatis plenissima, quæ verbatim hic describemus. Nam lib. 2. cœli, tex. 42. Calor autem ab ipsis (loquitur de stellis) & lumen generatur, attrito aëre ab illorum latione; nam natura aptus est motus ignire ligna, & lapides, & ferrum. rationabilius igitur est, id, quod est igni propinquius, propinquior autem est aër, veluti & in ijs, quæ feruntur sagittis; hæc enim & ipsæ sic igniuntur, ut plumbei mucrones colliguescant: & quoniam hæc igniuntur, necesse est, & eum, qui in circuitu ipsarum est, aërem hoc idem pati.

Rursus lib. 1. Meteor. summ. 1. c. 4. extremo. De facta autem caliditate, inquit, quam exhibet Sol, magis quidem secundum se, & diligenter, in ijs, quæ de sensu conuenit dicere, Calidum enim passio quædam sensus est. Propter quam autem causam sit, non talibus existentibus illis secundum naturam, dicendum est nunc. Videmus itaque motum, quod potest disgregare aërem, & ignire, ut & quæ feruatur, liquefieri videantur sæpe. Ut igitur fiat tepor, & calor, sufficiens est efficere etiam Solis latio tantum: velocem enim oportet, & non longè esse. Quæ igitur Astrorum est, velox quidem, longè autem: quæ autem Lunæ, deorsum quidem, tardæ autem: quæ autem Solis, ambo hæc habet sufficienter. Fieri autem magis simul, cum Sole ipso, caliditatem, rationabile est, sumentes simile ex ijs, quæ apud nos fiunt: etenim hic eorum, quæ violentia feruntur, vicinus aër maximè fit calidus; & hoc rationabiliter accidit; maximè enim motus solidi disgregat ipsum, & propter hanc igitur causam pertingit, ad hunc locum caliditas; & quia ambiens, ignis, aërem spargitur motu frequenter, & fertur violentia deorsum.

Quæ Philosophi loca multiplices habent explicatus, quos leges apud Alex lib. 1..



lib. 1. Meteor. com. 16. & 17. Auer. S. Tho. Simplicium, Augustinum Niphum, Philalteum lib. 2. cœli, tex. 42. Philoponum, Olympiodorum, Vicomercatum, Caiet. Tienensem lib. 1. Meteor. summ. 1. c. 4. Albertum lib. 1. cœli, tract. 3. cap. 2. & lib. 1. Meteor. tract. 1. cap. 10. 11. 13. Thimonem ibidem q. 7. Flaminium de Nobilibus, lib. 1. de gener. c. 6. Iacobum Zabarellam libro de calore cœlesti, à c. 1. vsque ad 10. & lib. de regionibus aëris. Commodior Aristot. explanatio. & quæ ad veritatem accedat proprius, mihi videtur pendere ex ijs, quæ subijciam.

Principio igitur, cœli motu deferri ad nos Astrorum efficientiam, in confesso est, id tradit Arist. lib. 2. de gener. tex. 56. lib. 2. cœli, tex. 20. id docet quotidianus vsus, & experimentum.

Deinde fatemur exhalationes supremo aëre degentes, vnâ cum elementari igne, & aëre, à cœlo circumferri; immò & atteri, & ad ignis formam præparari, illius regionis æstu, & agitatione cœlesti.

Detrudi præterea aliquas exhalationes inferius, dum circumducuntur à cœlo, & aëri allixæ atteruntur, probabile ducimus. Iaculati etiam fulmina, aliosque ignes è nubibus expressos, libenter recipimus.

Adhæc motu cœli ignis, aërisque calorem foueri, ac conseruari, eaque de causa non incongruè, dici motu cœli aërem, & ignem calefieri, vltro damus.

Postremò motum diurnum, quamuis non sit Solis proprius; sed Alterius spheræ, quia tamen in Sole maximè splendet; qui suo ortu, & occasu dies, noctesque designat; iure merito Solis potius quàm vlli aliorum Astrorum tribui non inficiamur.

Atque hæc Arist. tradere locis citatis longè verisimilius sit; quàm in absonas, & ineptissimas sententias descendisse, de attritu; & iaculatione ignis, ad terras vsque; illa porro verba libri primi Meteor. Propter hanc igitur causam pertingit ad hunc locum caliditas: ad locum, de quo erat sermo, hoc est, ad sum-

mum aërem referenda sunt: non adhuc locum in quo degimus.

Maneat igitur, cœli motum vsque ad supremum aërem pertingere, non vltius: ibique exhalationes aliquas excalefacere, non aërem, neque ignem corpora natura sua calidissima, auctor Aristot. lib. 2. de gener. à tex. 16. ad 24. Idque voluisse solum Aristotelem, qui à motu Solis atteri aërē, & incalescere: loquitur enim de supremo aëre, in quo Cometa, aliaque id genus fiunt, non de noctrate, ad quem motus Solis neutiquam pertingit.

Cæterum infima hæc corpora, non cieri motu cœli, aut certe non ea celeritate agitari, quæ apta sit exprimere ignem, docet optima rerum magistra experientia. Sentimus namque aërem hyberno tempore frigidissimum, qui si tanta violentia à cœlo concitaretur, vt conciperet ignem, frangeret sine dubio eam vim frigoris, quàm experimur: solueret nives, & glaciem magno mortalium commodo.

## C A P V T VII.

*Non omnia, quæ cœlo continentur, ita à cœlo pendere; vt eo non agente, nihil agere possint.*



HILOSOPHORVM, & Thelorum nonnulli, ita omnia, quæ cœlo subsunt, à cœlo pendere arbitrati sunt, vt eo non agente, nihil cæterorum, aut agere, aut pati, aut mouere, aut moueri, aut à contrarijs dissolui, aut à proprijs causis generari possit. Ita Soncinas lib. 12. Metaphysices, quæst. 13. Dominicus de Flandria lib. 8. Met. quæst. 1. art. 1. Dominicus à Soto, lib. 2. Physicorum, quæst. 4. conclus. 1. & lib. 2. sent. dist.



dist. 48. quæst. 2. artic. 2. Chrysostomus Iauellus lib. 12. Met. quæst. 13. Iandunus lib. 1. cœli, quæst. 1. lib. 12. Met. quæst. 13. Pausius disput. 4. Met. cap. 9. & 10. Gaspar Contarenus lib. 2. de elementis, qui, sicut lumen à sole, ita res omnes sublunares à cœlo perpetuò conferuari, eoque sublato ne momento quidem temporis cæterorum quidquam permanens docet. Ioannes Bacconius in 2. d. 15. q. 1. ar. 4. Egidius in 2. d. 14. q. 3. dub. 2. litterali, Ferrariensis 4. Contra Gentes, c. 97. §. aduertendum tertiò. Dominicus Bagnes 1. parte, q. 66. ar. 3. dub. 2. Medina & Corradus 12. q. 109. ar. 1. Capreolus in 2. d. 14. q. 1. ar. 2. conclus. 3. ar. 3. S. Thom. 1. 2. quæst. 109. ar. 1. Quantumcumque, inquit, ignis habeat calorem perfectum; non tamen alteraret, nisi per motionem corporis cœlestis. Idem quæst. 5. de potentia Dei, artic. 8. Elementa, inquit, agunt in virtute corporum cœlestium, & corpora cœlestia agunt, in virtute substantiarum separatarum, unde cessante actione substantiæ separata; oportet, quòd cesset actio corporis elementaris, sed sciendum, quòd corpus habet duplicem actionem: Vnam quidem secundum proprietatem corporis, ut scilicet agat per motum, (hoc enim proprium est corporis, ut motum moueat, & agat) Aliam autem actionem habet, secundum quod attingit ad ordinem substantiarum separatarum, ut participat aliquid de modo ipsarum: sicut naturæ inferiores consueverunt, aliquid participare, de proprietate naturæ superioris, ut apparet in quibusdam animalibus, quæ participant aliquam similitudinem prudentiæ, quæ propria est hominum. Hæc autem est actio corporis, quæ non est ad transmutationem materiæ; sed ad quamdam diffusionem, similitudinis formæ in medio, secundum similitudinem spiritualis intentionis, quæ recipitur de res in sensu; vel intellectu. Et hoc modo Sol illuminat aërem; & color speciem suam multiplicat in medio. Vterque autem modus actionis, in istis inferioribus causatur ex corporibus cœlestibus; nam & ignis suo calore transmutat materiam ex virtute corporis cœ-

lestis, & corpora visibilia multiplicant suas species in medio virtute luminis, cuius fons est in cœlesti corpore. Vnde si actio utraque corporis cœlestis cessaret, nulla actio in istis inferioribus remaneret, sed cessante motu cœli, cessabit prima actio, non secunda; & ideo cessante motu cœli, erit quidem actio in istis inferioribus, illuminationis, & immutationis mediæ à sensibilibus: non autem erit actio, per quam transmutatur materia quam sequitur generatio & corruptio. Hæc S. Doctor.

Rursus quod l. b. 6. q. 4. art. 19. Ideo, inquit, primum cœlum, scilicet Empyreum, singulariter per suam quietem influit, hoc autem est proprium huic corpori, quòd influat absque motu, in quantum est supremum, attingens quodammodo ordinem substantiarum spiritualium, pro ut Dionysius dicit 2. de diuinis nominibus, quod diuina sapientia coniungit principia secundorum finibus primorum, &c.

Audiunt hanc inferiorum, superiorumque causarum colligationem naturalem, libentibus, & gaudentibus animis Genethliaci, cum enim ad effectiorem vnius cuiusque, tantorum virorum sententia, cum proximis causis, Astra & cœlum venire, ita necessariò dicuntur; ut cessante cœlo, proximæ causæ efficiant nihil; perbellæ Astrologiæ fundamenta iaci existimant, quæ ex constitutione cœli; Stellarumque configuratione, quidquid futurum vmquam sit, longè antè & præsentiri, & prædici posse proficetur.

Cæterum nihil est, cur magno huic Philosophiæ loco Genethliaci confidant: Duobus enim modis intelligi potest, quod Auctores citati aiunt pendere sublunares causas ab æternis, & cœlestibus. Primo ita, ut hæc sine illis diu perdurare non possint, quod verissimè dicitur. Nam si quiesceret cœlum, hemisphærium, in quo Sol consisteret, sine dubio æstuarer, breuique omnia occuparet ignis. Alterum verò nimio frigore, & ipsum dissolueretur. Propterea sapienter Aristot. libro primo Meteororum, cap. 2. scribit à superioribus



bus lationibus omnem huius mundi virtutem gubernari, hoc est, ordinatè conseruari & disponi. & lib. 8. Phys. text. 52. Iterum lib. 2. celi, text. 20. euidentissimis rationibus euincit, necessitatem alicuius principij sempiterni, vnde pendeant, quæ nunc mouentur, nunc quiescunt; ordo namque in stasis vicibus, & motus, & quietis, & generationis, & corruptionis, ferè celi itus administratur: nec posset ista rerum vicissitudo, quam videmus, perstare; nisi Solis qui astrorum obtinet principatum; tum accessus, tum recessus, & frigoris, & caloris, modum facerent.

Quoniam autem (inquit Aristoteles lib. 2. de generat. text. 56.) suppositum est, & demonstratum, continuam esse rebus generationem, & corruptionem, dicimus autem lationem causam esse generationis; manifestum est, quod vna existente latione, non contingit fieri ambo, quia contraria sunt; idem enim, & similiter se habens, semper idem natum est facere. Quocirca generatio erit semper, aut corruptio: oportet autem multos esse, & contrarios motus, aut latione, aut inæqualitate, contrariorum enim contrariæ sunt causæ; idèdque non prima latio causa generationis, & corruptionis est, sed quæ secundum obliquum circulum, in hac enim, & continuum vnum est, & moueri duobus motibus, necesse enim fuerit semper continua, generatio, & corruptio, semper aliquid moueri, vt non deficiant ipsæ transmutationes, duobus autem, vt non solum contingat alterum.

Infra textu 58. Apparet autem inquit, secundum sensum confessa his, quæ à nobis dicta sunt. Videmus enim quod adueniente quidem sole generatio est; recedente autem corruptio; & in aquali tempore, vtrumque, æquale enim tempus generationis, & corruptionis, quæ secundum naturam; sed contingit sæpè in minori corrumpi, propter adinuicem confusionem. Inaquali enim existente materia; & non vbiq; eadem; necesse est generationes inaquales esse; & has quidem celeriores, illas autem tardiores. Quocirca accidit propter horum

generationem, alijs fieri corruptionem, semper verò, vt dictum est, continua, erit generatio, & corruptio, & nunquam deficiet, propter eam quam diximus causam.

Deinde anni tempora; rerumque vices, non fierent sine definito quodam cursu, recuritque Solis, vt idem notauit locis citatis. Vnde Marcus Tullius lib. 2. de natura Deorum, Sol inquit inflectens cursum, tum ad Septemtrionem, tum ad Meridiem, Æstates, & Hyemes efficit; & ea duo tempora, quorum alterum hyemi senescenti adiunctum est, alterum æstati; ita ex quatuor temporum mutationibus, omnium, quæ terra, marique gignuntur initia, causæque ducuntur. Hæc itaque sapientes viri aiunt, quando aiunt à superioribus causis gubernari inferiores, sublunares nimirum causas ita à celi efficientia pendere, vt ea cessante cæterorum nihil agere possit ordinate, & diu.

Adhæc, quia rebus animatis generatim, magna vi caloris opus est, vt generentur; ideo dixit ille lib. 2. Phys. text. 26. Sol & homo generant hominem: calor autem bona parte, à cælo proficiscitur, ideo, auctores citati, procreationem animantium cælo tribuerunt. Sed hoc quid ad Astrologiam quæ omnia ex astris deducit?

Tandem pleraque sunt in arboribus, in segetibus, in herbis, in fodinis, in aquis, in meteoris, in alijs, quæ certam celi temperiem postulant, nec fiunt nisi certo anni tempore; & quibusdam dominantibus astris; ideo cælum in ordinem generalium causarum referre potuerunt summi viri, nec propterea celi efficientiam rebus omnibus, sine idonea ratione, vt Genethliaci, temere admiscunt.

Altero modo intelligi potest cessante cælo cæteras causas efficere nihil, hoc est, sublata celi conuersione, vel actione, nihil omnino, quod sub cælo sit, posse, vel breui tempore subsistere, vel aliquid operis efficere. Id Cardanus, id Bellantius, id cæteri clamant Astronomi. Incerta sanè res, & dubia non parum.

Primò quidem id non probatur S. Thomæ,



ma, quem suæ sententiæ patronum ad  
sciscunt, Opusculo 10. art. 3. quæst. 5. de  
porentia à 10. ad 8. quodlib. 6. quæst. 2.  
art. 19. Non Scotus in 2. dist. 14. quæst. 3.  
extrema. Non Ricardo ibidem, artic. 2.  
quæst. 6. Non Durando in 2. dist. 14. par. 2.  
quæst. 3. num. 11. Non Henrico quodlib. 11.  
quæst. 15. quodlib. 14. quæst. 1. Non Gu-  
lielmo Ochamo in 2. quæst. 13. §. quan-  
tùm ad generata per putrefactionem ;  
Non Gabrieli in 2. dist. 14. quæst. unica.  
dub. vltimo. Non Herueo, quæst. 5. de  
natura celi, ad 5. ad 7. ad 12. ad 14. ad  
15. Non Alexandro Aphrodisio, si ma-  
lunt in philosophorum foro causam age-  
re, quam in Theologorum, lib. 3. natu-  
ralium quæstionum, cap. 4. apud Simpli-  
cium, lib. 2. celi, text. 13. Simplicio ipsi  
eodem loco, & text. 20. Non Philopono  
aut Buccaferro, lib. 2. de generatione,  
text. 56. Non Achillino, lib. 4. de orbibus,  
dub. vlt. Non Philatreo, lib. 1. celi, text. 17.  
Non Mirandulano, lib. 22. 23. & 24. de  
euerfione singularis certaminis, Non Sca-  
ligeri exercitatioe 52. Non alijs innu-  
meris.

Deinde quis dicat lapidem, vt sit vel  
ad semihorulam, egere cælo? nonne ab  
elementis, quibus constat, conseruari  
posset tantisper? num omnia ita à Causis  
extrinsecis pendent, sicut lumen à Sole?  
Nonne filius superstes sæpe est patri?  
An, non perseverat lapis sublatis etiam  
causis, quibus procreatus fuit, ac si sine  
cælo esse potest aliquo tempore, cur non  
& ad centrum tendere sine cælo? non  
enim indigētor est naturalis actio, quàm  
subsistere naturaliter cum suis facultati-  
bus integris: dicetne ingenti fragore  
ruentem è sublimi lapidem haurum  
repente medio aëre si in nihilum redige-  
retur cælum? Multiplex est cælum, quo  
potissimum sublato dices tantum futu-  
rum miraculum?

Præterea humectandi vis, inest aquæ  
per se, & ex naturæ principijs. Negas?  
id docet Aristoteles, lib. 2. de generatio-  
ne, text. 13. Id euincit experientia. Si ve-  
stis ad eam quantum oportet admouea-  
tur, quid opus est cælo, vt mactat?  
nonne par humiditas est, quæ in aqua,  
ex aquæ natura, non à cælo procedit, &

quæ in vestem debet immitti? cur igitur  
humor vestis à cælo, aquæ non item de-  
pendet?

Age verò nonne causa qualibet per  
se præstare potest effectum, quem in se  
continet? nonne continet id omne, quod  
eius perfectionem non excedit? calor  
porro ligni, superatne calorem ignis?  
Cur igitur tali causæ talis effectus ex  
æquo non respondet, sed postulat præ-  
terea actionem celi? Ergo nec stipulam  
incensa fornax, nisi cælo concurrente,  
comburet? talia iactant Astronomi, &  
nisi credamus, indignantur; indignen-  
tur licet, à nullo impetrabunt fidem.

Libenter sciscitauer ex ijs, qui om-  
nium rerum causas è cælo suspendunt,  
an id omne rei causam dicant, quod  
simul cum illa in hac rerum vniuersi-  
tate existit, an id solum, quod efficit  
rem cuius est causa? Si rebus omnibus,  
quæ sunt, faciunt nomen causæ commu-  
nes, quis eos ferat? Si autem non quod-  
cumque est causa; sed id solum, quod  
sua vi rem efficit, videndum etiam at-  
que etiam, an celi virtute res omnes sint.  
Ratio porro effectus aperit sine dubio  
suam causam; Dicimus lucem effici à  
Sole, propterea quòd recedente Sole lux  
perit, accedente Sole coruscat. Id ita-  
que efficienter rem antecedit, quo subla-  
to, res vel non stat, vel non fit, quo de-  
bilitato imminuitur effectus, quo alio  
modo se habente, aliter, & aliter res  
fit. At quoquo modo se cælum habeat,  
in terris multa fiunt, vno semper & pa-  
ri modo; sub quacumque celi constitu-  
tione, quæcumque fu geant astra, ubi-  
cumque Sol exultat, ignis semper exu-  
rit, aqua madefacit, lapis è sublimi de-  
scendit, vulnus interficit: non pertinent  
igitur hæc ad celi efficientiam, sed ad  
proximas rerum causas, & cum effectu  
coniunctas.

Postremò conuenimus pridem cum  
Genethliacis nihil è cælo requirendum  
esse, eorum quæ causæ proximæ per se  
præstare possunt; exigo nunc conuen-  
tionis fidem. Aridæ stipulæ imponan-  
tur igni magno; cur earum exultio cæ-  
lestem opem desiderat? An quia ordi-  
nis optimi ratio poscit, vt inferiora

B

lupe-



superioribus subdantur? verum id quidem est; quoad partes vniuersi quoad elementa generatim, quod paulò suprà docuimus, particulatim fallit: nam aqua vt madefaciat, operam non postulat ignis elementaris, quamuis excelsior sit, neque hominis, quamuis sit præstantior.

An quia præcipuum in vnoquoque genere, quale est cælum in ordine reliquorum corporum, causa est cæterorum? At Aristot. lib. 2. Met. text. 4. docuit, quòd in vnoquoque genere, causa sit reliquorum, id esse omnium in eo genere maximum; non item hæc vicissim reciprocari: & aurum metallis præstat omnibus, eorum verò causa nequaquam est.


An quia circularis motus cæteris prior est, auctore Aristotele, lib. 8. Phys. text. 75. semoto priori nihil, quod posterius sit permanere potest? Nihil certè ordinatè, & vt oportet; nihil diu, & longo tempore, quomodo id intelligunt Auctores citati, & nos suprà explicauimus; id solùm conficit ratio, quæ Aristoteles docet, motum circularem esse primum motuum.

An quia Sol in mundo est id quod in animante cor, sine quo nihil sit actionis? nonnulla quidem, sed non omnis est cordis, & Solis similitudo, est enim cor fons præcipuus caloris, qui ad cerebrum dimanat: Sol fons luminis, & magna ex parte caloris, non tamen omnis; ignis enim calefacit etiam absente Sole: non igitur à Sole est omnis facultas agendi: sed permulta; sicut nec omnis motus est à corde, quod testatur S. Thomas, quæst. 5. de potentia à 10. ad 8. Cur igitur à Sole petimus omnes effectiones? proprium est Dei Optimi Maximi adesse omnibus rebus, & cunctis causis opitulari.

An quia duo sunt causarum genera, aliæ perfectæ & principales; aliæ adiuuantes & proximæ, cuiusmodi sunt omnes sublunares, & nostrates, quæ sine principalibus facere possunt nihil? Cur obsecro calor caloris, equus equi, non dicitur causa perfecta, & principalis? an vnus calor non eandem naturam ha-

bet ac alius? quid requiris aliud ad causam perfectam, quàm, vt sit eiusdem naturæ cum eo quod efficit? cur cælo tribuis omnes perfectæ causæ numeros? cur negas caloris, quando calorem propignit?

Quare cum nullam afferant, nec asferre possint idoneam rationem, cur in cuiuscumque operis communionem cælum sit accersendum; nihil incertum, magis, quàm causas inferiores nihil efficere non concurrente cælo, eo sensu quem volunt Astronomi.



## CAPVT VIII.

### De elementorum conseruatione.

**R**OBAT Bellantius quæstione secunda, articulo primo, elementa omnia subijci cælestibus corporibus; damus id quidem libenter, sed illud manifestum non est, quod subdit, cum elementa contrarijs viribus instructa inter se perpetuò pugnent, nisi agente cælo continerentur in officio, fore vt mutuo se perderent, & ex quorundam generatione, aliorum corruptione nimum procedente, vniuersum interitum.


Id fortasse locum habet in ijs, quæ contrarijs constant; desiderant enim, quod Aristoteles vidit libro 2. de Anima, text. 38. aliquid, à quo contineantur, prohibeanturque, ne ad interitum vsque depugnent, & sæuiant; At elementa, quæ certis detinentur interualis; quæ magna quadam mole consistunt; quæ mira sibi proportionem respondent; quæ operandi, resistendique æquales vires obtinent; quæ generationis, & corruptionis statas vices habent, non egent aliquo extrinseco à quo conseruentur; tueri se suis viribus possunt abundè; non enim pugnant, nisi in confinio, vbi magnæ non sunt timendæ corruptiones; paræ autem, & quasi subitæ

excu-



excursiones in alienas regiones, ne longius serpent, integrum elementum obstat, frangitque contrarij irruptiones mole sua, naturali vi, & facultate: debilitantur præterea contrarij vires, quod longius à suo principio recedunt.

Quin etiam ita elemēta disposita sunt, ut vnumquodque cognatum, & affine sit ei, cui est confine; altera enim semper qualitate ei coniungitur, magnaue raritatis, & densitatis proportionē: ubi porro vna est contrarietas, in certa raritate, & densitate magna est agendi & patiendi æqualitas & proportio. Non constat igitur cur elementa nequeant se tueri à contrario, sine coeli præsidio, cum ex æquatis omnium iuribus cur vnum alterum extinguat causæ sit nihil.



## CAPVT IX.

*Materiam non preparari ad formas à cælo solo.*

**P**LACET Genethliacis à cælo preparari omnem materiam ad formas suscipiendas, idque cælum efficere, vel per se solū, vel vtendo ad id, alijs causis, ut instrumentis. Vtrumque nobis displicet, & displicere oportet Senatui Populoque Philosophorum.

Atque vt à priorj membro faciamus initium. Omnis generatio naturalis vel est perfectorum, ut hominis, equi, fici, brassicæ; vel imperfectorum, seu sponte nascentium, ut vermium, pulicum, &c. Vt prius agamus de perfectis, in eorum procreatione non tantum à cælo aio, materiam instrui ad formam, sed etiam à causis proximis, & vniuocis. Completa enim dispositio nouam oportet introduci formam priore depulsa; non enim manere potest prior peracta dispositione contraria, nec materia omni forma carere: Superest igitur, vt noua inducatur: At à solo cælo non induci-

tur forma perfectorum; & quis vidit vnam quā procreari equum sine equo & equam aut bouem sine boue aut leonem sine leone? ergo neque à cælo adornatur materia ad formam equi leonis, &c. recipiendam. Quid ad hæc Astrologi exarabunt ne Aium aliquem haruspiciæ auctorem in Hetruria? proferent Deucaléoneos lapides ex fabulis? dignum patella operculum.

Sed ne præcipuè quidē materia preparatur à cælo, quod ostendi potest hoc ferè modo. licet efficientia cæli quolibet tempore vniusmodi non sit; constat enim ex multorum syderum viribus, non parum dissimilibus, vno tamen eodemque loco, vniusmodi est & sibi similis: Vnde igitur oritur diuersitas in eodem loco, & sub iisdem stellis Tritici, Lolij, Auenæ? Vnde in eadem materia diuersæ partes os, caro, neruus? & aliæ innumeræ, nisi ex proximis, & contiguis causis? ab his itaque, tanquam à potentioribus, præcipuisque adornatur materia.

Quod ipsum & alia ratione efficitur, Materia siquidem non momento, sed aliquo temporis interuallo preparatur ad formas. quandiu fouendum est Gallinæ ouum priusquam excludat pullum? quot dies semina delitescunt, antequam germinare incipiant? Omne quod mouetur, tempore aliquo mouetur, auctore Aristotele 6. Physicorum, text. 37. Nec formam, quæ habet contrarium, induci in instanti docuit idem lib. 8. Physicorum: At toto aliquo tempore non vna est stellarum configuratio, nec vna cæli vis, & efficientia; quo itaque modo Astra prosequuntur inchoatum materiæ ornatum, aut quā ratione non dissoluitur à sequenti, & contraria constitutione syderum, quidquid priori horoscopo inchoatum fuerat? ut prorsus nihil videatur cælum materiæ suppeditare, quo ad formas suscipiendas præparetur, sed à sublunaribus causis omnia illi præstari necesse sit, quæ ad inducendas nouas formas sunt necessaria.

Dabo & alteram rationem Astrologis soluendam ex ijs, quæ per idem tempus, & locum consueuerunt pro-

B 2 gigni,



gigni, sicut homines; equi, columbae triticum. Quid ijs magis diuersum? quantò maior cum ijs, vel omnibus, vel nonnullis dissimilitudo naturæ, quàm cognatio? Non enim quantum ab equo, differt triticum, tantum cum equo conuenit, sed longè magis differt, quàm congruat: hæc discrepantia cum non à materia nuda, quæ vna est omnium, sublunarum rerum proficiscatur nec celo tribui possit, cum eodem tempore, & sub eodem Astro, vtrumque ortum ponamus; à proximis equi: & tritici causis nascatur oportet. Deponenda igitur necessarid est Astrologis sententia, in præparatione materiæ præcipuas partes agere cælum.

Id quod magis adhuc conspicuum fiet ex Solis actione, quàm esse omnium Astorum validissimā docet Ptolomæus libro 1. cap. 4. in Æstate præsertim. At quam plurima nascuntur intra eandem regionem, eundemque locum, sub idem tempus perfectorum genera dissimillima, in quibus plus valent reliquæ causæ ad dissimilitudinem, quàm Solis vis maxima ad similitudinem. Cedant igitur Astra proximis causis, & viribus imparia cedant valentioribus.

Accedit his ratio manifesta, quæ neminem patiatur hoc loco errare. Perfectorum generatio fit aut ex semine, aut ex furculo satiuo, vel insito: semini ferè tota temperies, & virtus indita est ab ijs, à quibus effusum fuit; est enim quid à viuente decifum, & tale, quale id, vnde decifum est. Quod multò magis cadit in furculum, qui pars viuens, & viuentis est, à quo excinditur; trahit autem alimenta furculus (Idem de semine iudicium est) in suum temperamentum, quod ab arbore vnde decifum fuit desumpsit. Alimentum, inquit Aristoteles lib. 2. de Anima, text. 45. patitur aliquid ab eo quod alitur, sed non hoc ab alimento; sicut neque faber à materia, sed ab illo hæc. Superat ergo natia vis aduentitiam & cœlestem, secus si fiat, arefcit furculus, atque putrescit.

Hactenus de perfectis. Quid de imperfectis. Animalculis; Herbulis; Lapidibus; Metallis; Fruticibus, quæ ab uni-

uocis causis non proueniunt, & natia potius quàm satia sunt, de quibus Aristoteles lib. 2. de generat. animalium, cap. 1. Idem ferè iudicium est, quod de perfectis; nam & in ijs plerumque plus differentiæ, quàm affinitatis est; generantur tamen per idem tempus, eodem loco, eodemque præside Astro, vt euident sit eorum diuersam procreationem, & naturam non posse ad cælum, & sydera reuocari.

Quin terra etiam, quam locis quibusdam totam saxeam, alijs argenteam, alijs ferream, vel aromaticam cernimus, non agnoscit huiusce ornatus cælum, auctorem. Nam & ipsa spectat varia sydera, nec propterea variè imbuitur, sed vno & eodem modo. Cur sydera varia, variè non afficiunt huiusmodi terram? Quin iisdem locis, vbi auri argentique fodinæ, vbi lapicidinæ, vbi in exhaustæ venæ, videntur, variæ stirpes, herbarum multiplices; vt necesse sit fateri, aut horum varietatem non esse à cœlo, si eodem modo ea loca semper spectet, aut totius regionis vniuersi temperamentum, lapideum, ferreum, non esse à cœlo, si variè ad eam se habeat. Eligant quod voluerint Genethliaci, tanta enim varietas consentire nequit cum aliquo cœli statu: vna & sibi similis temperies non potest à varia constitutione syderum proficisci.

## CAPVT X.

*Specificæ effectuum naturæ non proueniunt à cœlo.*

**R**es omnes, aut natura dissident inter se, & vt aiunt, specie, aut accidenti aliquo, & qualitate. Vtramque discrepantiam à proximis causis ducere originè potius, quàm à cœlo, si ostenderimus, iacebunt omnia, quæ de apparatu materiæ à cœlo dilapso tradunt Genethliaci. Et qui-



Et quidem Vt à priori ordiamur, nascuntur hyeme animalia plurima, quibus multò vberior calor inest, quàm quem in aëre experimur è cœlo dilapsum; in æstate item fructus, herbæ, frutices, proueniunt multæ, in quibus longè plus est frigoris, quàm quod descendit de cœlo: Quanta siccitas per idem tempus, At humidissima pleraque æstate quoque progerminant: experimurque feliciter, eas prouenire, quibus ex irrigatione crebra, per riuos humor accedit copiosior, arefcète cœlo, quàm quæ vberius perfundit cœlum in maligna terra. Quid hyeme, aut vere humidius? Multa tamen vtroque tempore nascuntur, siccissima quibus ab humidissimo cœlo non paratur materia, sed ab alijs causis.

Præter calorem, inquit, humiditatemque Solis & Lunæ, quibus aër afficitur, manifestò, per temporum vices, sunt aliorum syderum vires arcana, quæ licet spargantur per aërem, eum tamen non semper imbuunt calore, vel frigore, humore, vel siccitate, sed ijs solum rebus has qualitates impartuntur, quæ sibi naturæ quadam cognatione, & sympathia continentur. Quare effervescente Solis æstu, possunt frigida plurima procreari, per tacitam alterius syderis vim, frigidumque afflatum, qui vberius profundat, quàm proximæ causæ, sed certis quibusdam rebus, non omnibus.

Verùm ne cum Genethliacis rursus de abditis syderum viribus litigemus, de quibus supra. Largiamur nos vterò, quod Aduersarij probare nequiverunt: non negabunt tamen, cum rem aliquam circumstant extrinsecus duæ causæ vna, caloris: altera effectrix frigoris; amborum actiones se mutuo impedire, ac frangere: vincere autem validiorem. Nascat igitur frigidus frutex, dum tropicum Cancer Sol, & frigidum sydus obtinent, de quibus Ptolemeus lib. 1. cap. 4. & Saturnus præsertim, qui omnium est frigidissimus, ut idem scribit ibidem: longè plus illi caloris impertiet Sol, quàm frigoris Saturnus; tum quia Solis efficacitas maxima est, auctore Ptoledeo lib. 1. cap. 4. tum quia etiam si par esset Solis, & Saturni vis, tamen acrior est in agen-

do calor quàm frigus. Non extrinsecus igitur frutici aduenit frigiditas, sed à semine, quod naturali vi frigidum est, & potens externis impressionibus resistere: ita ut intereat prius, quàm calidum inducat temperamentum.

Huc accedit, quòd si quando frigidum sydus, ut Saturnus, dum est in Cancro, possit cum Sole contendere, aut etiam Solem vincere; id tamen facere non potest, quando longius à nobis recessit: Æstate sanè non semper Saturnus in Cancro existit: Aut aliæ stellæ frigida, quarum congressus aduersus Solis æstum Saturno ferebat opem, absunt nonnunquam in Capricorno, distrahantur ad alia signa, impediuntur ab alijs calidis astris, ut non possint cum Solis, aliorumque syderum ardore contendere: temper ac perpetuò frutices quidam frigidiæres in æstate progerminant, semen igitur frigidam fruticis substantiam constituit, non inconstans & varia syderum vis.

Quod de frigidis diximus, intellige de calidis, de humidis, de siccis, quorum caloris, humoris, siccitatis, nisi pars magna aliunde accederet, quàm è cœlo, multa forent, quæ variatis Astris gigni non possent, singulis annis. Nemo vberes annos, & steriles, agrorum infecunditatem, & vbertatem frugibus noxiam, aut salubrem cœli temperiem, aut intemperiem nobis obiecit; nulla enim est cœli intemperies, sub qua triticum, hordeum, aut legumina, aut pulegium non crescat: exuberat quidem genus vnum, magis vno tempore, quàm alio;


omnes tamen fruges singulis annis progerminant, quòd sanè non contingeret, si stellarum,

vi pubescerent potius quam propria, & innata virtute, ut ostendimus.

†







## CAPVT XI.

*Quæ rebus adueniunt, non aduenire à cælo.*



**E**QV E verò ex rerum dissimilitudine specifica solum, ostendi potest, minus in rebus esse ab efficientia cœlesti, quàm à sublunari: sed etiam ex ijs, quæ propria sunt singulis sub eadem specie comprehensis. Et quidem ea, quæ vniuscuiusque rei naturam specificam sequuntur, non à cælo petenda, sed à causis sublunariis euicimus superiori capite: Iustam magis dubitationem habent illa, quæ singulis accidunt, & non comitantur speciem, de quibus nunc differere ingredimur, sed res fiet exemplis illustrior.

Proueniunt eodem hortulo lactucæ plurimæ, nullæ alijs sunt planè similes, in foliorum numero, ac latitudine, in colore, in sapore, in thyrsis minus, aut magis oblongo, crasso, obtorto, in magna conuenientia maxima cernitur diuersitas. Quo obsecro pacto vnum & idem cœlum, tantam præstat rerum diuersitatem? Cur non fatemur in ijs euariandis magnam esse vim terræ, immò & glebæ: valere etiam situm, semen, irrigationem, & alia huiusmodi?

Quid de satius loquor? in viticulis, in Vaccinijs, in ligustris, in quouis alio natiuorum genere, quanta diuersitas? quanta in eodem prato varietas eiusdem herbulæ? nihil de ijs, quæ putri materia fiunt: nihil de piscibus in eodem lacu dico, quæ Sole clariùs testantur singulorum discrimina, & proprietates proximis deberi causis potius quàm cælo.

Iam verò inter equos, inter boues, inter asinos, quanta intercedat discrepantia, stabularij etiam, & agasones norunt, hanc varietatem à proximis oriri causis hoc modo conficio.

Sublunarium causarum vis, & facultas non est res aliqua generalis, sed singularis, & cuiusdam modi, quare & actio, quæ inde proficiscitur, siue vna, & simplex sit, siue ex multis collecta, non commune quid, sed singularis, ac definita sit oportet: & quoniam actio vna eademque res est cum effectu, necessariò sit, vt effectus certus, & definitus sit; propterea si calor magnus est, calefacit multum, si modicus, parum, denique modò plenius, modò parcius, prout vberior, vel tenuior fuerit, fundit calorem.

Quæro & illud, effectus qui subest efficientiæ causæ sublunaris sit ne res aliqua communis, & vniuersa, an singularis & definita? Non dicent esse communem, effectus enim in genere sub nullius cadit efficientiam: præterea id quod sit, qua parte sit à causa hac definita, aut est paruum, aut magnum, aut neutro modo; si paruum, aut magnum vnius modi est, & definitum; si neutro modo, aut nihil est, aut sola cogitatione est.

Quid quæso est effectum à causa produci, nisi ab ea accipere suum esse: quod esse cum sit capax cuiusdam modi, siue secundum qualitatem, siue secundum vigorem, siue secundum virtutem, pugnantia omnino sunt effectum habere esse à causa, & non habere modum vllum, seu non habere esse terminatum, & definitum.

Denique non sunt duæ res effectus, & hic effectus; quo itaque modo causa efficit commune quid, non tale ac definitum? si id quod à causa prodit singulare est, & vnius modi, varietas, quæ inter res eiusdem generis, vtputa inter equos, boues, leones cernitur, velint nolint Astrologi, non à cælo, sed à proximis causis proficiscitur.

Hoc ipsum explico aliter. Nam ignis vel potest à cælo impediri ne calorem efficiat pro modulo caloris sui, vel impediri non potest: Si primum, vel ita cœlum inhibet ignem, vt nullum penitus edat calorem, & aliquando esset ignis stuppæ proximus nec combureret, quod nil magis absurdum: vel prohibet ne hunc fundat calorem, vel talem, & quoniam



niam nullus esse potest calor, qui non sit vnus, vel plurium graduum, non sit definitus, & singularis; rursus relabimur ad ignem, qui stupam non exurit: vel denique cœlum obstat, ne ignis fundat calorem octo graduum, quot ipse habet, non autem impedit, ne proferat calorem, vt quatuor, aut etiam minorem, & tunc vnus minor calor ab alio longo interuallo diuiditur; & à Causa proxima est multitudo, & varietas effectuum singularium, id quod institueramus dicere.


Si secundum, id est, si cœlum non potest inhibere, ne ignis suam obeat actionem, non pertinet ad cœlum singularem effectuum multitudo, & discrepantia, sed ad proximas causas, à quibus cum probatum sit esse etiam diuersitatem rationum, & specificam, nihil omnino est in effectu, quod à proximis causis non proficiatur.

Verum ne in proprijs seorsim, & communibus hæreamus, cum obijcere possint vtrique ab vtrisque simul pendere causas cœlestibus, & sublunariis, sed magis à cœlestibus, vt omnis ad effugiendum aditus præcludatur, illud vrgeo, siue cœlum arcana vi agat, siue lumine, & motu; Cum multifaria eius efficientia variabilis sit, quo pacto sit præcipua ratio eorum, quæ perpetuò gignuntur, & vno definitoque modo. Cum ob varios accessus, recessus, congressus syderum, quorum alia frigida, alia calida, alia sicca, alia humida; nunc frigus, nunc calorem, nunc siccitatem, nunc humorem cœlum in hæc inferiora fundat; qui sit, vt ope cœlesti ignis perpetuò calorem promat. Num frigida quoque cœli efficientia calefacit? ò licentiam iocularem. Num semper calida astra præpollent frigidis? frigida igitur nihil cœlo, omnia debent proximis causis. Num frigida vis cœli, frigida quæ sunt; calida pete calida sicut magnetis virtus ferrum optat, cum quo naturæ illi cognatio magna intercedit, non argentum, aut aurum? nonne pudet Astrologos hæc dicere? Primò enim hinc sit illos è cœlo definitè nihil posse effari, propterea quòd vis omnis, quæ cœlo defluit à causis sublunariis distrahi, dis-

solui, extingui possit. Deinde in rebus efficiendis potiores cœli partes non esse. Denique nihil à cœlo progigni, sed ab alijs causis quod perfectum est, aliqua qualitate imbui posse; nam vis frigifica Astri si petit frigida non calida, quæro à quo res illa frigida, effecta sit frigida? Si à stella non igitur petit, sed efficit frigida: non petit frigida solùm, sed calida potius, quæ sola frige fieri possunt: si ab alia causa, quemadmodum magnes non efficit ferrum, sed trahit, quod ab alijs causis est confectum, frigit cœlum; causæ enim sublunares sine influxu cœli frigus præstant: quòd si frigus, & calorem, & humorem, & reliqua. Euanuit igitur omnis virtus cœlestis, omniaque in causarum sublunarium iura redierunt.

Præterea, quoniam pro triangulorum, vel quadratorum ratione, volunt Astrologi modò plenius, modò parcius, modò ferè nihil, cœlum in hæc subiecta corpora agere; qua ratione ignis, qui nisi opitulante cœlo efficit nihil, semper calefacit? Duarum causarum, quæ ita ad constitutionem effectus conueniunt, vt neutra seorsim effectum præstare possit totum, si altera debilitata, aut præpedita fuerit, nunquam tantumdem effectus altera sola edere potest, quantum vtrique solet proferre coniunctim: ignis eundem fundit calorem, cum minoris, ac maiori syderum vi, Consequens ergo est cœlum nihil in effectione caloris apponere de suo, sed omnia ab igne proficisci.

Denique vt locum hunc tandem concludamus, non rarò simul duo gignuntur equi, sues, boues, agni, canes; vnus altero fortior: vnus altero maior; vnus altero pinguior; vnus altero magis gracilis; quæ fuit ratio disparitatis tantæ? cœlestisne virtus? quomodo à communi quadam efficientia, quæ similis, ac par in eundem incidit locum, in eandem materiam, tam magna diuersitas? à coniunctis, proximisque causis! conclamata est Genethliaca disciplina.





## CAPVT XII.

*In rerum procreatione nullas esse  
se celi partes.*

**N** V M adhuc Astrologiæ vulnus aperiendum est, quæ ad singulorum generationes celi venire contendit. Vel enim pares vult esse celi, & proximarum causarum vires generando; vel maiores celi, quàm aliarum causarum; vel minores: Exemplum duci potest ab equo. In generatione siquidem equi, vel pares exercet vires cælum, & semen, cæteræque causæ coniunctæ, vel minores, vel maiores. Si maiores, aliquid est in equo, quod non est à semine, neque à proximis causis effectum, sed à solo cælo; id nimirum, quod sublunarium causarum vires excedit: & cur equum quoque totum non profeminat sine proximis causis? quid agunt causæ inferiores, si cælum per se, sine ope alterius causæ efficit quæcumque efficiuntur? si minores? aliquid causæ sublunares præstant sine ope cælesti. sit igitur istud, pars vna, cur non & aliam? cur non totum? cur quidquam debemus cælo? Si pares? Fateantur primum in effectione rerum celi partes non esse potiores: Deinde nihil causas sublunares iuuari à cælo; cum enim simile nihil patiatur à simili, neque ab æquali æquale; pares si sunt celi, & causæ proximæ vires, neutrum alterum afficere, aut augere potest. Præterea nihil certò, immò nec probabiliter ex syderum congressu de rebus sublunaribus conijci posse; Nam sit validissimum sydus, semen verò equi infirmum, ac debile: sydus nihil efficit supra seminis vires; imbecillis igitur prodibit equus, sub valido sydere. quid ergo nugantur Astrologi, cum horoscopo suo?

Postremò si celi vires non augent

proximæ causæ efficientiam, sed illud idem præstant quod causa proxima, & coniuncta; fatendum necessario erit nihil esse in effectu, quod à proxima causa nõ sit profectum. tant igitur Astrologi, prædicent genitale cælum, doceant cum sit nihil, quod à proximis causis non sit profectum, quodque earum vires excedat, cur in rerum omnium efficientiam Astra quoque pertrahant. At rationum magna se inopia laborare ingenuè confitentur, proferant saltem experimenta, quibus se abundare iactitant frequenter.

Conuenimus iam nihil in his inferioribus fieri, quod à causis sublunaribus non fiat: non eget id vlla probatione. proferant, si possunt, experimenta, quæ præter causas sublunares, quæ omnino, id quod est in effectu præstant, ostendant, necessarias esse causas etiam cælestes; si nulla sunt (at verò esse non possunt) experimenta, quæ id euincant. patiantur Genethliacam in illud sepulcrum inferri, in quo aliæ diuinationes, in quo aruspicina, in quo sortilegium, in quo auguria iam dudum foetent mortalibus.

## CAPVT XIII.

*De cælo inanimato.*

**V** I R V S Firmicus lib. 1. Matheseos cap. 3. cui Bellantius, & Astrologi plures apud Albertum lib. 11. Methaphysices, tract. 2. cap. 10. non grauatè subscribunt, cælum facit animatum sensu, intelligentiaque præditum. Stultum quidem est videre, quid quisque deliret; hunc tamen errorem, qui multorum etiam Philosophorum mentes occupauit, quod videre est apud Plutarchum libro 1. de placitis Philosophorum cap. 17. & 23. & Aristot. lib. 3. Metaphys. text. 15. lib. 1. Meteoror. cap. 2. lib. 1. cæli, text. 21. Platoni id in primis placuit,



cuit, præsertim in Timæo, in Dialogo 10. de legibus, dialogo 7. de republica, & Marsilio Ficino in argumento 10. dialogi de legibus, Carpentario lib. de doctrina Platonis, cap. 12. quos sequitur ex Peripateticis Simplicius lib. 1. cæli, comment. 3. S. Thom. lib. 3. de anima, text. 61. Alex. lib. 3. suo de anima, Philoponus lib. 3. de anima, text. 59. Augustinus Niphus disput. 3. Metaph. quæst. 5. ar. 6. Achillius lib. 3. de orbibus, dub. 1. Pauis. disput. 5. Metaph. part. 1. cap. 26. Avic. tra. 2. Met. cap. 3. tract. 9. cap. 2. & Xenocrates apud M. Tullium lib. 1. de natura Deorum, Plinius lib. 2. de historia naturali, cap. 8. Philo. lib. de opificio mundi, libro de somnijs, lib. de Gigantibus; Nec alienum ab instituto nostro, nec superuacuum fuisse paucis consutare, ad quod faciendum multæ, suppetunt rationes; proferam de multis vnam, aut alteram. Ac primum cuiusnam gratia orbi suo coniungitur Intelligentia, veluti forma materię? Gratia orbis tantum? nihil inius. Materia enim, cum sit gratia formæ, orbis potius sit ob intelligentiā oportet, quam intelligentia propter orbem: perfectior enim est intelligentia quam orbis; natura autem non subiecit perfectiora imperfectioribus, non itaq. orbis ipsius tantum gratia intelligentia, ad huiusmodi coniunctionē pertrahenda est, nisi id etiā intelligentiæ conducatur. An in bonum intelligentiæ id cedit? in quod bonum? ut sit, & viuatur; an ut agat? non sanè, ut viuatur, vel sit; nam subsistens est, & immortalis, nobilior animo nostro, nec eget opera corporis, ut sit. Quin liberum, ac secundum esse; a concretionē materiæ melius, & optabilius est: id enim, & independentiæ, & simplicitatis, & perfecti nota est certissima. Neque ut agat, ad quid enim agendum præsidio corporis iuuanda est intelligentia? Ad mouendum? At etiā extra corpus, corpus potest esse motrix; qualis est Deus Optimus Maximus: multæque alia etiā corporata extrinsecè mouent.

An ad intelligendum? At intellectio non eget corporali organo, ut videre est in Deo: quin hebetari mentem socie-

tate corporis, in confesso est. Nec alia ratione mens iuuari potest a corpore ad intelligendum; nisi quia corpus illi suppediet sensibiles formas, quæ phantasmata nominantur, vnde ipsa secernit rationes intelligibiles, & notas eorum, quæ intelligit. At si phantasmatum vnum affingis intelligentiæ, addas oportet & phantasiam sensum, quæ certam primarum qualitarum temperiem postulat; vna consentiendi organum: vegetantem præterea animum cogere adiungere, a quo nequit sensus abungi; ut planum facit Aristoteles lib. 2. de Anima text. 31. & 50. lib. 3. text. 61. & 66. Quod si vegetante animo intelligentias donas, & augmentum, & decrementum, & repletionem, & inanitionem, & generationem & corruptionem illis tribuas necesse est: si huiusmodi commutationibus cœli seheit, non erunt sempiterni orbes, & orbium conuersiones. Hæc sermè Aristoteles lib. 3. de Anima, text. 61. 62. 63. 64. & 65.

Rursus quæro, cur intelligentiam orbi deuinctam esse velis? An quia non potest esse extra corpus? At corpus coheret siue mente, in stirpibus, in iactis, in brutis; cur non poterit, & intelligentia corpore præstantior se ipsa coherere sine corpore? Aristoteles sane lib. 8. Physicorum, text. 81. intelligit motorem extra magnitudinem, lib. 12. Metaph. c. 30. 35. & 41. se iungit intelligentias ab omni materia lib. 1. cœli, text. 100. eas ponit extra orbem.


Sin posse quidem substantias esse sine corpore dicis, sed non decere; multò longius aberras a verò, cum enim substantias corporatas, & concretas, in corporales, & simplices esse non decet, quæ, & esse possunt, & auctori rerum factu facillimæ: & mundi totius illustre sunt complementum?

Hinc S. Augustinus lib. 1. retractationum, cap. 5. & 11. damnat quod lib. de immortalitate animæ, cap. 15. libro de Musica, cap. 14. dixerat mundum prædictum esse animo, & libro de agnitione veræ vitæ, cap. 6. irracionales eos appellat, qui mundum aiunt esse rationis complementum.

Denique nullum corpus simplex, capax



pax est animi, qui est ratio corporis organici, potentia vitam habentis, lib. 2. de Anima, textu 6. id quod non probabilibus, sed necessarijs rationibus efficit Aristoteles libro tertio de Anima, textu 66. 67. 68. non enim corpus simplex aptari potest ad obeunda animi munia, ad augmentum, & decrementum, ad auditum, & visum, ad olfactum, & tactum, quæ multiplicia variaque instrumenta postulant, At corpora cœlestia simplicia sunt, & vniuersi, Aristotele auctore lib. 1. cœli, tex. 5. 6. 7. 8. 9. 10. 11. 12. 13. 14. 15. 16.



## CAPVT XIV.

*Causas sublunares non esse omnes  
cœli instrumenta.*

**A**USTRAS sublunares omnes instrumenta cœli facit Bellantius quæst. 1. ar. 1. & 2. quæst. 2. & quæst. 6. easque ait ab illo adaptari, dirigi, moueri, ad id, ad quod eius virtus tendit, vel propendet.

Ego verò quam rationem instrumenti causæ sublunares habeant, non video. Primo non instrumento, sed causæ principi assimilatur id quod fit. At quæcumque sunt terra, marique, proximis causis similia prodeunt, nec vllam cœli formam referunt. Deinde ab artifice mutuatur vim omnem, & efficientiam instrumentum; At causis sublunaribus nihil à cœlo accedere virium, ostendimus, cap. 12.

Verum, vt vniuersim disputemus, Sex potissimum rationes hanc instrumentariam subiectionem persuadere Bellantio, quarum nullum est robur, nulla firmitas.

An cœlum his inferioribus causis vti-  
tur tanquam instrumento, quia perfectius est? Aurum perfectius est alijs metallis, neque propterea ijs vti-  
tur instru-

mentis: Equus dignitate præstat muscis, non vti-  
tur illis instrumentis, quando vlcera sibi liguriunt. Nec illud recipio cœlum inanimum esse perfectius animantibus.


An quia cœlum generalis magis causa est, quàm proxima? At elementa, quoque generales magis causæ sunt, quàm bos, leo, canis, nec quisquam ausus est hactenus hæc illorum instrumenta facere.

An quia nihil agunt cætera causæ, nisi agitata à cœlo? id iam pridem exploratum est.

An quia omnis agendi vis è cœlo defluit? id quoque tanquam folium difflauimus. ergo dices ignem à cœlo expectare vim exurendi stuppam? delabiturne ex astris vis etiam intelligendi? sentiendi, appetendi, vegetandi? his certe caret cœlum.

An quia cœlum si non semper, certè frequenter ad agendum conuenit cum causis proximis? Ita sanè: sed id si instrumentariæ rationi satis esset, duorum nautarum, qui vnum trahunt rete, alter alterius esset instrumentum.

An tandem, quia in quolibet effectu plus cœlum ponit de suo, quàm proximæ causæ? neque id satis est ad rationem instrumenti, sed si satis esset, nego plus à cœlo quàm ab alijs effici. & declarata causa est.



## CAPVT XV.

*Formas substantiales non esse  
à cœlo.*



**P**ROXIMIS proprijsque causis materiam ornari, & instrui; mox cœlesti quadam vi extundi de sinu, & fecunditate materiz formas omnes substantiales, si animum nostrum excipias, sentire nonnulli, quos mordicus tueretur  
Ferne.



Fernelius Ambrianus, Scotus in 1. distinct. 37. in 2. dist. 18. Accuratus in 4. distinct. 12. quæst. 3. art. 3. Ochamus in 2. quæst. 23. Guilielmus de Rubeonis in 4. distin. 12. quæst. 6. Maior ibidem quæst. 13. Ioannes Bacccon. in 2. distinct. 18. quæst. 2. Ant. Andreas lib. 3. Metaphysic. quæst. 11. Achillinus lib. 3. de elen. dub. 4. A quibus non multum discrepat Bellantius quæst. 2. art. 2. qui disposita materia per inferiores causas, formas imperfectorum soli efficientiæ coelesti tribuit, perfectorum verò etiam inferioribus causis, sed ut instrumentis celi. Quorum omnium ratio præcipua videtur: quod nulla causa efficiere possit aliquid perfectius, & præstantius se, omne autem accidens imperfectius sit substantia; impotens igitur videtur ad procreandas formas substantiales: procreantur autem formæ, ubi nulla suppetit substantia, quæ illas queat efficere; accenditur enim ignis à lumine, ubi nullus est ignis quo excitetur: prodeunt animalcula ex putri materia, ubi nullus apparet auctor generationis animalium: pullulant herbæ à terra, in qua nulla est vis efficiendi viuientia; cælum itaque præstet hæc omnia oportet, quod virtute continet res omnes inferiores; viuientia quidem, qua vniunt, & agitur ab intelligentia; cætera, quæ perfectissimum quoddam & præstantissimum corpus est, in cuius comparationem nullum aliorum veniat.

Ego verò non verisimile solum, sed etiam verum semper duxi quod tradunt alij, S. Thomas 1. parte, quæst. 45. art. 8. ad 2. & 3. quæst. 53. art. 3. quæst. 77. art. 1. ad 4. quæst. 115. art. 1. ad 5. 3. parte, quæst. 77. art. 3. De potentia Dei, quæst. 3. art. 11. & 12. quæst. de spiritualibus creaturis, art. 11. Capreolus in 1. distinct. 3. quæst. 3. art. 2. in 4. dist. 12. quæst. 1. art. 3. Ferrariensis 4. contra gentes, cap. 66. Ægidius quodlib. 3. quæst. 1. ad 1. Heruzius quodlib. 3. quæst. 12. Henricus quodlib. 14. quæst. 1. Durandus in 1. dist. 3. quæst. 3. Auerr. lib. 7. Met. comm. 129. Zimara Theoremate 114. Simplicius 5. Physic. tex 8. Soncinas lib 7 Met. quæst. 22. Dominicus Soto 2. Physicorum, quæst. 4. Petrus Fonseca lib. 5. Met. cap. 2. quæst.

6. sect. 3. Frandiscus Suarez disputat. 18. Metaphysices, sect. 2. num. 9. Franciscus Albertinus in corollario primo principij secundi philosophici, puncto 2. Formas substantiales effici à qualitatibus accidentarijs, ut instrumenta sunt substantiæ. Duo enim requiro in causa instrumentaria; ut assimilet effectum principi causæ; & ut sit quid alterius. Primum didici ab Aristotele lib. 7. Metaphys. text. 23. & 31. lib. 12. text. 24. lib. 1. de part. cap. 1. quibus ille locis vult assimilari artificium non instrumento, sed artifici, non qua homo est, sed qua formam operis mente gerit. Alterum continetur ipsa instrumenti notione; continetur exemplo seminis, quod Aristotel. lib. 2. de generat. anim. cap. 1. docet esse instrumentum eius, à quo decusum est. dicitur verò semen instrumentum viuientis, non quod à viuente continenter moueatur, sicut serra ab opifice; vel quod nouam vllam vim accipiat, quoties agit aliquid; agit enim, etiam post obitum viuientis; sed dicitur instrumentum viuientis; quia viuientis aliquid est, à quo habet vini omnem agendi; & quia viuenti assimilatur effectum, Vtrumque reperio in qualitatibus accidentarijs quæ non suam, non coeji, non calco-dez, non intelligentiæ, sed substantiæ, cui famulantur, reddunt similitudinem. Calor & siccitas, qui ignem præbent vires sunt ignis; & quadam ratione temperati eiusdem proprietates faciuntque ignem similem ei, cuius sunt virtutes. Nihil autem vetat instrumenta efficere aliquid præstantius se, & æquale causæ principis quorsum igitur longius accersimus causas, quæ ex materiæ ritè instructæ sinu promant substantiales formas? ipsa accidentia instrumenta substantiæ, virtute præcipuæ causæ eas in rerum naturam effundunt.

Mihi verò non id munus in præsentiarum incumbit, ut doceam, quem auctorem substantiales formæ agnoscant: nihil eas cælo debere immediate, satis fuerit ostendere Astrologis.

Ac primum quidem, quidquid ab intelligentia ad cælum; vel à cælo ad nos, descendit, ex accidentium genere esse



esse oportet. Quare, quo argumento probant aduersarij imbecillitatem accidentium promendo formas substantiales, probant, & stellarum inefficaciam. & sanè multò firmitus, nam coeli qualitas, instrumentum est, inanimati, & simplicis corporis, ut suprà probatum est; semen verò, eiusque potestas est instrumentum viuents. Quod si viuents natura præstat omni corpori, quod vita careat, Coeli facultas duplici laborat incommodo; & quòd accidentaria est; & quòd est à corpore inferioris generis, quàm viuentia. Quare & gignendæ substantiæ longè magis, quàm alia accidentia impar est.

Qui verò ad intelligentiam coeli motricem, huiusmodi qualitatem instrumentariam reuocant, fallunt manifestò; intelligentia enim nullam qualitatem impartitur coelo, sed ordinatum motum. Quòd si quam qualitatem tribueret coelo, tribueret sine dubio vnins speciei. Nam cum intelligentia non omnes contineat species, neque sit omne ens, immò nec omne viuens; sed quoddam certum & definitum ens; certum, & definitum vineus, nempe compos intelligendi, non sentiendi, neque vegetandi; habeat porrò omnes viuentium gradus, cur qua itas fluens ab intelligentia ad coelum, à coelo in materiam; ut continet gradum equinæ naturæ, sufficit pro creando equo; non autem semen equinum desumptum ex ipso equo; & in quo tota vis naturæ equinæ inest. Quare si feminis instrumentariam qualitatem inefficacem putas, non minus intelligentiæ, aut coeli qualitatem facies impotentem.

Urgeo hoc ipsum pressius; vel hæc qualitas coelestis, nusquam illabitur materiæ; & nunquam eam afficere potest; cum inter agens, & patiens contactum intercedere oporteat; Vel delapsa per intermedium aërem descendit in materiam; & quidem si est diuersa à temperie equi, aliam omnem formam progignet potius, quàm equi; si est ipsa temperies equi; hæc est ex qualitatibus, sicut omne temperamentum mixtorum, de quo Aristoteles lib. 1. de ge-

neratione textu 48. Primæ itaque qualitates edunt formam substantialem, quæ certa ratione temperatæ non coeli, sed substantiæ instrumenta esse docuimus, non ergo coelo, sed proximis causis formas substantiales debemus.

Quòd si fingas duplicem dispositionem ad formam equi suscipiendam necessariam, alteram ex primis qualitatibus elementorum, alteram è coelo; commentum id quidem est ineptissimum; sine probabili coniectura, quod infra discutendum est, sed interim quæro, Cur equus genitus per vtramque temperiem non possit in eum, quem generat, vtramque transfundere; sed altera expectanda sit è coelo? celestis enim illa, in equo quamuis sit, agendi tamen potens est, & efficiendi sibi similem aliam; quomodo celi lux prolapsa in aërem aliam similem lucem procreat, & hæc eadem celi vis demissa per elementarem ignem, aliam, sibi similem procreauit in equo; in semine, in vtero, in fetu; tantò igitur aptius equum ab equo, dicimus proleminari, quàm à coelo, quanto ineptius substantiarum procreationi celum admiscens Astrologi.

Rursus vsus docet quotidianus, quid quid potest, & solet progignere formas; posse etiam, & solere formæ adaptare materiam; id quod rationi congruit multum. Materiæ namque dispositio, licet formam antecedit, formæ tamen est veluti inchoatio quædam, quæ potestate in formam continetur. Quin Philosophorum plurimi, Auerroës lib. 4. Physic. comment. 129. Simplicius 5. Physic. text. 8. Soncinas lib. 7. Metaphysic. textu 22. Ferrar. libro 2. contra gentes, cap. 17. negant generationem substantialem distingui ab alteratione; eademque actione, qua ultimo disponitur materia ad suscipiendas formas induci volunt formam, nec cogitari quidem posse adornari ultimo materiam, & non simul induci formam. At quod efficere potest formam, cur non etiam formæ inchoationem, & proprietatem? quare si celum potest perfectorem formas generare, poterit & materiam præparare ad formam: hoc non potest, alioquin sine proprijs causis celum



lum equos, boues, elephantos gigneret: quare nec formas. Præterea sciscitari libet ex ijs, qui cælestem orbem faciunt formarum substantialium opificem: concurrantne stellæ omnes, an vna solùm, an plures ad earum procreationem? Non omnes planè, ruerent enim omnia, quæ de varijs, & contrarijs syderum viribus tradit Genethliaca, & Ptolomæus lib. 1. cap. 4. lib. 3. cap. 10. Cur aliæ stellæ benignæ, Aliæ malignæ, Aliæ salutare, Aliæ noxiæ dicuntur à Ptolomæo locis citatis? Nugaturne idem libro 1. cap. 4. quo Saturnum frigidum, Martem calidum & siccum, Lunam, & Venerem humidam, Iouem temperatum dicit esse? An ea quoque, quæ frigus fundunt Astra, accendunt ignem, quæque calida sunt, procreant aquam, & terram, quæ frigore continentur? Süntne omnia conficta, quæ Firmicus lib. 1. Math. cap. 28. de auctore vitæ, cap. 29. de Cronocratore, quæ lib. 3. toto de Saturni, Iouis, Martis, Solis, Veneris, Mercurij, Lunæ decretis per singulas celi stationes tradit?

Si omnes stellæ æquè res omnes præstant, quorsum tanta Mathematicorum diligentia in obseruandis syderum viribus, triangulis, diametris, hexagonis, Ruit sine dubio omne Astrologorum cælum ex horoscopis, triangulis, quadratis, configurationibus constatum, si quodlibet sit à quolibet Astro.

Si vna quælibet stella solùm est generatrix causa formarum substantialium. Quæ tandem? quomodo vna omnes? quomodo tam varias & discrepantes? idem qua idem semper facit idem, lib. 2. de generatione, text. 56. Nec id sanè Astrologis imponere velim, qui apud Ptolomæum lib. 1. cap. 4. lib. 2. cap. 8. fecunditatem tribuant Soli, Lunæ, Veneri, alijsque stellis, quæ sunt Solares, Lunares, Iouæ, Veneræ.

Sin plures, vel ex quolibet statu, vel etiam ex qualibet configuratione cum alijs, stellæ promunt formas omnes, vel fundunt varias, pro varia constitutione, & habitu ad cæteras. Si primum, eadem sunt incommoda, quæ esse diximus, si quælibet procrearet quodlibet; si enim stellæ, quoquomodo se habeant, formas

omnes edunt, frustra metimur earum altitudines, delectiones, triangula, quadrata, quibus Genethliacæ arcana omnia mysteria continentur. Immo nec illud docere possunt Astrologi, cur variæ, & inter se maximè discrepantes formæ prodeant ab ijsdem, & nihil variatis astris.

Iam verò si certas formas ex certo, & definito statu stellæ ferunt, necessarius esset certus, & definitus earum congressus ad accendendum ignem, ad transmutandum aërem, ad vertendum alimentum in carnem; expectandus esset certus Astrorum habitus, ad canes, ad homines procreandos; & quibus hæc persuadebunt maritis, an vxoribus?

Itaque pro comperto esse debet, formas perfectorum non esse ad cælum, vt effectricem causam, sed ad accidentia & substantiam, cuius illa sunt instrumenta, referendas.


Eadem plane ratio est formarum imperfectarum, harum enim aliquæ animæ sunt, vermium, herbarum, fructuum, quæ celi vim transcendunt vniuersam; Quædam licet animæ non sint; tamen earum dispositiones, vel à causis sublunarijs pendunt magis, quàm à cælestibus; vel ita à sublunarijs, vt per has impediri possint cælestes; vt paulò antè disputauimus. Vel igitur dependent ab omnibus; vel à certis, & definitis Astris; non ab omnibus; à quo enim esset tanta formarum varietas, quanta terra, marique videtur? non à certis; expectandus enim esset Astrorum certus quidam conuentus, vt pediculi; vt pulices; herent orirentur. Immo, vt hæc omnia alimentum,sumerent, & in propriam substantiam redigerent.

At vnde, dicit aliquis, animantium imperfectorum formæ, tanquam ab efficiente primario? Aristoteles lib. 2. de genera. animalium, cap. 1. statuit in harum materia præcedere temperamenti quendam, non feminis quidem; sed perfectorum semini respondentem; eamque non minùs valere ad formas educendas imperfectorum, quàm semen ad extundendas formas perfectorum; sicut igitur calor est ignis instrumentum, non cui ignis



gnis motum aliquem impartiat, vel aliquod aliud apponat; nam etiam nullo existente igne, calor attritu lapidum excussus, ignem generat; sed quia calor est proprietas ignis naturalis, & eius virtus agens, per quam efficit quidquid efficit. Ita ea temperies, quæ loco seminis antecedit imperfectorum generationem, est instrumentum substantiæ, eiusque vi formam ex potestate materiæ educit, cuius est proprietas, & instrumentaria vis, & cui similem reddit effectum. Atque ita oportuit fieri, cum enim huiusmodi animantes, & substantiæ generatrice vi careant; accidentaria illis potestas tribuenda fuit, minor quidem suo effectui, sed quæ virtute primariæ causæ, illum efficere possit. Quare si semen idoneum est suæ generationi, erit etiam hæc temperies suæ.

Hæc haud paulò probabilius dicuntur, quàm quæ disputant Astrologorum patroni, qui non reperta in proximis causis facultate, quæ formis imperfectorum animalium effingendis par esse possit, protinus ad cælum confugiunt. Cur ad cælum potius, quàm ad primam rerum omnium causam? Cur ad cælum infirmum, & impar viventium formis, non minus, quàm sublunares causæ? Cur ad cælum quod ab effectu longius abest, quàm elementa, multaque alia corpora eiusdem cum effectu naturæ & proprietatis?



## CAPVT XVI.

*Omnium corporum temperamentum à primis qualitatibus ducere originem.*



**I**N eodem homine duo distinguit temperamenta Bellantius lib. 1. q. 2. artic. 9. 10. 11. Vnum quidem formæ consentaneum; ac debitum, ex quatuor primarum qualitatum, totidemque humorum permix-

tione conflatum. Hinc pituitosi, sanguinei, biliosi, quibus nimirum inest cuiusquam humoris: maior vis, & copia. Alterum, quod materiam sequitur, confectum ex occultioribus astrorum viribus, ex quo variæ hominum propensiones, ac proprietates existunt, quarum ratio non potest ex priori temperamento desumi. Licet enim Philosophi omnia ex humorum varietate deducant; Astrologi tamen, inquit, docent à stellis tum humores ipsos variè temperari, unde sunt varij corporum habitus. Tum præter humorum temperamentum, in fundi aliud secretum, & arcanum ex occultioribus cœli virtutibus conflatum, quod aliò trahit, quàm humores, aduersaturque primarum qualitatum temperamento non parum.

Cum Bellantio facit Cardanus text. 11. lib. Ptolomæi, & Fernelius Ambianus, lib. 1. de abditis rerum causis, cap. 8. 9. 10. 11. quamvis enim hic duobus tertium quoddam addat, Cardano, & Bellantio inauditum: duo tamen temperamenta, alterum formæ, materiæ alterum cum Bellantio, & Cardano distinguit.

Redeamus ad Bellantium: tres ille profert rationes, cur temperamenta hæc secernat; sed huiusmodi quæ sola inficiatione tollantur, nec possint amplius reuocari.

Ac primum videmus, inquit, interdum sanguineum avarum melancholicum, liberalem; phlegmaticum, intrepidum; cholicum, meticulosum, & litigiosum: cum hæc longè aliter oppoteret esse ex humorum constitutione. Item animaduertimus Saturno subditos, nunc quidem sanguineos esse, nunc cholicos, nunc alterius temperamenti, semper tamen inuidos, avaros, fœdos, vltiores, obsecros, libidinosos. Eos verò, quibus Mars præsidet, aliquando phlegmaticos, nonnunquam sanguineos, aut aliter temperatos; semper verò, bellicosos, iracundos, homicidas, stupratores, prædatores, vltiores, sanguinarios. Non itaque temperamentum quatuor humorum, & primarum qualitatum, quod formæ cognatum esse diximus, est mensura morum.



morum, neque inde oriuntur omnes propensiones, & procliuitates; sed aliud admittendum est temperamentum annexum materiæ, ex arcanis cæli facultatibus permixtum, quod aliò longe impellar, quàm humorum temperatio postulet.

Næque verò horum ratio, inquit art. 9. reiicienda est in educationem, consuetudinem, præceptores, parentes, domesticæ exempla, & alia id genus; hæc enim præsidis Planetæ vim non pertrahunt aliò, quàm eius natura postulet; sed ipsa potius à planeta pertrahuntur, & tanquam instrumenta à cælo mouentur. Hæc ille, Cuius iners ratio, & assumit id, de quo disputamus; & ea ponit principia, quæ ne Astrologi quidem recipere possunt. Assumit omnes, qui Saturno præsidere nascuntur, esse inuidos, auaros, obsecros, libidinosos. Omnes qui Marte duce prodeunt in lucem, esse iracundos, homicidas, bellicosos: rem omnino controuersam, & plenâ dissensionis, & de qua tota est suscepta disceptatio. Ponit præterea cæli efficientiam non trahi à proximis causis ad varios effectus, sed causas inferiores sequi cæli efficientiam & impulsus. id verò Astrologorum decretis aduersatur, qui cæli vim, prout in variam materiam inciderit, varios edere effectus tradunt; Cum enim ex eodem agro, immò ex eadem agri, & glebæ parte, prodeunt triticum, far, hordeum, eam varietatem Astrologorum Magistri, & qui litteris hanc artem consignarunt Ptolomæus Hieronymus Cardanus, Cyprianus Leouicius aliique veteres, & recentiores non referunt ad Astra, sed in partes feminis dissimiliares, & varias materiæ dispositiones. Nec Ptolomæus, aut Cardanus passi sunt suam hac de re sententiam desiderari, qui cæli vim à proximis causis varie temperari sæpius tradiderunt, vt referemus lib. 2. cap. 3.

Denique cur animi mores non semper sequantur temperamentum corporis; aduentitijs causis tribuendum esse bene, longa disputatione lib. 3. à cap. 12. planum fiet. Probet itaque Bellantius nihil valere ad mores usum, institutionem, familiaritatem, domesticam disciplinam,

parentum exempla, morbos; Principum seueritatem, Reipublicæ instituta; deinde ventitet occultum temperamentum è cælo diuinitus delapsus.

Altera Bellantij ratio huiusmodi est. Humorū qualitas modum præscribit spiritibus; & hi sensuum functionibus; hæc verò appetitionibus: itaque videmus hæc varia pro diuersitate humorum, humores variari pro ætate, pro modo, pro tempore. At cælum imperat humoribus; quare & rebus cæteris, quæ naturam humorum sequuntur. Huc vsque non, malè Bellantius. Neque aliud S. Thomas, & Scotus, quos eo loco testes excitat, docuere. Sed quid ad rem? Obsequuntur quadantenus Astris humores; & humoribus spiritus, spiritibus sensus, sensui appetitiones. Num propterea cogor recipere duo temperamenta? At stellæ, inquit, suum faciunt quoddam temperamentum temperamento humorum frequenter aduersum; quod declarant mores hominem temperamento minimè respondentes. Reuoluimur eodem. Primum nullus explicare quierit, quo pacto ab iisdem stellis, eodem temporis momento, in eundem, qui oritur puerum, contrariæ propensiones descendant: Deinde in vno quoque organo suum residet temperamentum: in corde vnum: aliud in cerebro, diuersum in hepate, aliud in alijs: & quoniam non consentiunt omnium temperationes in vno eodemque homine contrarias dicimus esse propensiones. Præterea quæ altero temperamento è stellis sumpto effici dicuntur, aduentitijs causis præstari contendimus, ostendat Bellantius, in his locum nullum habere posse huiusmodi causas, quorum mores temperamento corporis aduersos esse ait audiemus libenter eius sapientiam, credemus duplex temperamentum arcanum alterum, & cœleste, alterum elementare, & terrenum sine ratione inducenda non sunt quæ Medicis, & Philosophis aduersantur vniuersis.

Tertiam rationem ita conficit. Non solum per humorum, spirituumque commutationem ad appetitiones multiplices cælum nos impellit; sed etiam per formas



formas, speciēsque sensibiles, quas nostris sensibus, & phantasiz inferri posse à cælo sine ope primarum qualitatum, constat; Tum experimento puerorum, quibus phialam aquæ plenam spectantibus, colores varij agente cælo sine qualitatibus primis dilucescunt; Tum ratione, quia virtutes alias cælum continet, plerasque longè perfectiores his formis, quas cum possit generare, poterit & has sine dubio imperfectiores. Nunquam Bellantius præclariùs somnauit. Phialæ colores ex lucidi, & opaci commixtione existerent, quotus quisque ignorat? scilicet arcana cæli vires perlecurus est Vitellius, qui huiusmodi colorum causas aperuit, lib. 2. Perspectiuæ, non fuit luminis refractione, reflexionēque contentus. Neque minùs ridicula est ratio. Esto, (ne omnia negare videar) sit cælum perfectus, quàm species sensibiles: quomodo procedit argumentatio? None homo nobilior est formica? An id circo possumus speciem visibilem formicæ sine formica oculis immittere? Esto, præstet cælum formas alias perfectiores speciebus sensibilibus; An quia homo generat hominem; generare potest columbam? frustra à perfectioribus rebus, quas aut continet, aut efficere potest cælum, argumentum deducitur ad ea, quæ à rebus tantum obiectis possunt effici.

Postremò saxum illud dimouendum est. Mores, quia à corporis temperamento discrepant, non posse neque in extrinsecas causas, neque in diuersorum organorum diuersam temperiem referri: alioquin iubemus Bellantium discedere à sententia, quæ & Ptolomæo, quem Duce[m] sequitur, & Medicis, & Philosophis aduersatur vniuersis.

Multi quidem Medicorum, & Philosophorum non nemo in eam abierunt sententiam; vt existimarint, mixtorum temperamentum non esse quid conflatum ex primis qualitatibus; sed esse formam quandam simplicem, in qua virtute continentur qualitates elementorum. Ita Auicenna lib. 1. sufficientiæ, cap. 6. & prima primi Doctrina 3. cap. 1. Gentilis, & Vgo Senensis ibidem, For-

liuensis eodem loco quæst. 5. Thomas de Garbo in summa, tract. 2. quæst. 1. Conciliator differentia 17. Turrifanus lib. 1. Techmi, com. 15. Albertus lib. 2. Phys. tract. 2. cap. 1. Hieronymus Tagliapetra lib. 2. tract. 2. cap. 13. Soncinas lib. 10. Met. quæst. 21. Fauell. lib. 4. Methaphysic. quæst. 4. Albertus de Saxonia lib. 1. de gen. quæst. 19. Buccaferrus lib. 1. de generat. digress. post. text. 88. rursus lib. 2. de generat. ad text. 48.

Alijs contra temperamentum visum est complexio quædam, & mensura primarum qualitatum, quæ in mixto; quasi in mixtario contineantur, quod Galenus præfatione ad librum de temperamentis his verbis explicat. Constat (inquit) animantium corpora ex calidi, frigidi, sicci, humidi mixtura, nec esse horum omnium parem in temperatura, portionem demonstratum est abundè antiquis; tum Philosophorum; tum Medicorum præcipuis. Diximus autem, & nos, de ijs ea, quæ probabilia sunt visa, alio opere, in quo de ijs, quæ Hippocrates constituit, elementis egimus. Idem Francisco Valefio lib. 1. controuersiarum cap. 6. Valeriolæ libro 1. de locis communibus, cap. 10. idem Hali. lib. 2. Techmi com. 8. idem Alexandro opusc. de mixtione, idem Simplicio, Themistio, Auerro, Nipho, lib. 5. Phys. text. 19. idem Marsilio lib. 1. de generat. quæst. 22. visum est. At duplex temperamentum, alterum simplex è cælo delapsum, alterum ex primis qualitatibus conflatum à causis sublunaribus, & à priori planè disitum monstrum est, & Ptolomæo Astrologorum magistro inuisum, & Medicis, & Philosophis inauditum. Ptolomæo primùm, tum Medicis, & Galenò in primis, denique Philotophis Bellantium aduersari ostendamus.

Ptolomæus enim ad primas qualitates reuocat omnia, quas ab Astris effici; & reliqua per has, sine vlla arcana virtutis è cælo prolapsæ mentione docet lib. 1. de iudicijs cap. 2. his verbis. Quid contra obstabit, inquit quominus, qui exquisierit stellarum omnium, atque Solis, & Lunæ uotus; vt iam nullum configurationum neque tempus, neque locum



locum ignoret; ut quod Sol calefaciat, Luna humectet deque reliquis similiter, &c.

Rursus lib. 1. de iudicijs, cap. 4. differit de viribus Planetarum, easque omnes in frigido, calido, humido, sicco collocat, & subdit hæc ad finem. Quæ cum ita se habeant; cum quatuor sint humores, seu primæ naturæ, duæ fecundæ, & viuificæ, nempe calidi, & humidi; ex his enim omnia & coalescunt, & corroborantur; Itemque duæ exitiales, & detrimentoſæ aridi, & frigidi; unde rursus diſſipantur, & debilitantur omnia; tradidere similiter veteres, & stellas beneficas esse Iouem, Venerem, & Lunam; eo quod temperatæ naturæ sint, & in qua plurimum inſit calidi, & humidi; Stellas verò Saturni & Martis maleficas; quod contrariæ sint naturæ, & effectus; Alteram enim frigidissimam, Alteram feruentissimam esse voluerunt; In mediò verò reliquerunt Solem, & stellam Mercurij, ut participes vtriusque naturæ, suosque effectus accommodantes illarum stellarum, ad quas accesserint, proprietatibus.

Idem capite quinto eiusdem libri, Planetas alios masculinos, alios fecit femininos, hos ex humiditate, illos ex caliditate, frigiditate, siccitate meretur, & æſtimat. Conſimili ratione capite ſexto, ex humido nocturnos, ex calido diurnos planetas facit. Idem capite ſeptimo, cum Planetarum vires remitti, augeriſque, pro eorum varijs configurationibus ad Solem, docet; nihil omnino in his viribus ponit, niſi frigoris caloris ſiccitatis, humoris incrementa, vel decrementa. Rursus capite 8. de inerrantium stellarum facultatibus ita diſputat, ut alias faciat Saturnicas, alias Martias, alias alijs Planetis ſimiles, iuxta eas vires, quas Planetis tribuerat, in primarum qualitatum efficientia. Itaque cum omnes stellæ referantur ad Planetarum naturas; hi verò nihil præter vim primarum qualitatum obtineant; conſequens fit omnem cœli actionem, Ptolemæi ſententia, poſitam eſſe in primarum qualitatum effectione, ſecundum quas capite 9. diſtin-

guit ventos, quorum originem ducit à cœlo, libro ſecundo, cap. 2. gentium mores. Conſtat itaque apud probatos Astrologos (ſi quis tamen eorum probatur) temperamentum, vel mixtionem eſſe primarum qualitatum; vel ſimplicem qualitatem ex mixtione primarum qualitatum exortam.

Vnum etiam eſt temperamentum apud Medicos, qui hæc accuratiſſe tractant, & Galenum libro de elementis; Libris de temperamentis; Libris de locis affectis; Libris de Medicamentorum facultatibus, præſertim libro ſeptimo, capite 18. 19. 21. Libris de Methodis, maximeque capite decimo. Sed placeat hic deſcribere, quæ habet præſatione ad libros de temperamentis. Conſtare animalium corpora, inquit, ex calidi frigidi, humidi ſicci mixtura; nec eſſe horum omnium parem in temperatura portionem, demonſtratum eſt abundè antiquis tum Philoſophorum, tum Medicorum præcipuis: diximus autem & nos de ijs ea, quæ probabilia ſunt viſa, alio opere, in quo de ijs quæ Hippocrates conſtituit, elementis egimus. Hoc autem opere, quod illi ordine ſuccedit, omnium temperamentorum differentias, quot hæc, qualesque ſint, ſiue generatim quis, ſiue membratim diuidat, inuenire docebo, ſumamque ab ipſa nominum interpretatione principium. Cum namque ex calidi, frigidi, ſicci, & humidi temperatura conſtari corpora dicunt, de ijs, quæ ſummo gradu ſic ſe habent, ipſis ſcilicet elementis, igne aëre aqua terra, intelligendum aiunt: cum verò animal, ſtirpem, calidum, humidum, frigidum, ſiccum eſſe, non item; neque vllum animal, aut calidum in ſummo eſſe poſſe, ut eſt ignis, aut in ſummo humidum, ſicut eſt aqua: pari modo, nec frigidum, ſiccumve in ſummo, ſed ab eo, quod in meſura præpollet, appellationem ſortiri, vocantibus nobis id humidum, in quo maior eſt humiditatis portio, ſiccum in quo ſiccitatis, ita verò, & calidum, in quo calidum frigidum præponderat, frigidum verò, in quo frigidum calido præſtat.

C

Nullus



Nullus autem plures inuexit arcanas virtutes, aut magis absonas, & absurdas Fernelio Ambiano, lege duos libros, quos edidit, de abditis rerum causis, librum præsertim primum, capite octauo, & nono, librum secundum, capite octauo, nono, decimo, duodecimo, decimotertio. Temperamentum tamen in primis qualitatibus posuit, non in secreta aliqua vi, quod videre est libro tertio de elementis, capite primo, cuius verba, quia temperamenti naturam ante oculos bellissimè ponunt, digna sunt quæ hoc loco describantur. Elementorum confinio, inquit, proximè iuncta est, atque connexa temperamenti proprietates, quæ quodammodo propago, & soboles permixtionis est. In hac cognoscenda, atque tractanda, rerum continuata series expostulat, vt ab elementorum vi, & natura rursus ordiamur, & ab ea maximè à qua modò, ac planè paulò ante destitimus. Simples mundi naturæ, quò in permixtione integræ, & incolumes seruariantur; & ne si pauca multis, aut parua magnis componerentur, debiliorem occasu, ea, quibus multum esset roboris, ac virtutis, potiùs aufererent, quam perfunderetur, æquales quodammodo esse debuerunt. Hanc æqualitatem non magnitudine molis, non pondere metiri licet; quod terræ, quàm cæterorum elementorum, vberior est in nobis copia; sed potestatis vi, & efficientia, cui omnia planè accepta referuntur. Vis autem ea, atque facultas, non nisi efficientia principum qualitatum, quæ in mixtis elementis sunt, obseruatione æstimatur; hæc porrò vsquequaque, sæpius quodammodo pares confluunt, nempe mediocritate quadam quæ non vtique indiuidua, verùm latitudine definita limitibus coercetur, in quorum ambitu mixtio contineretur, hos autem vltra citraque interitus est, atque dissipatio. Quæ igitur intra mediocritatis huius limites inciderit, principum qualitatum concursio, vt mixtionem, sic & continuò temperamentum progignit. Est autem temperamentum, non ipsa mixtio, sed mixtionis ratio: poterit & id earum, quæ in mixtis elementis sunt, principum qua-

litatum harmonia, & concentus definiti; vt in cantu & fidibus soni longis locorum interuallis distrahti, aut coniuncti quidem, sed dispartes, & non pro rata portione distincti, concentum haud quaquam efficiunt, nisi primi cum vltimis temperati, & medijs vtrisque respondentes, æqualiter dulci sono aures compleant; ita neque diuulforum elementorum qualitates, neque coeantes illæ quidem temperamentum efficiant, nisi moderata & concordi quadam mediocritate, se mutuò complectantur; non igitur ipsa rerum primordia per se, & absolute perpensa, temperamentum sunt; neque illorum mixtio, sed mixtorum comparatio; tamen si re ipsa, & subiecto finitima sunt, & plurimum consentiunt elementorum mixtio, & eorum proportio; rationibus tamen, illa disiuncta sunt. Non desunt, qui temperamentum à mixtione, hoc discrimine seiungant: quòd hæc maximè elementorum propria sit; illud verò qualitatium. Nos autem illa tamen si quodammodo adinuicem sequi videmus; sic tamen iuncta sunt, vt neque mixtio citra efficientium qualitatium operam; neque sine elementorum omnium substantia, temperamentum induci possit; non enim si quis aquam, & ignem paribus quodammodo portionibus coe statuat, & coalescere, mutuaque pugnantium qualitatium vi, temperationem quandam inferri, ea protinus temperamenti rationem subeat; vt neque ex duobus illis facta perfusio, exacta mixtio censeatur; perfectum enim non est, sed inchoatum, atque mancum, quod ex duorum, triumve duntaxat elementorum connexione fit; cuiusmodi est plurimum genus eorum, quæ ex sublimi deturbantur, *μῆλας* Græci vocant. Quocirca temperamentum concentus quidam est quatuor principum qualitatium, ex omnium elementorum permixtione. Hanc temperamenti rationem cum minimè perspiceret, nec satis animo complecteretur Auicennas, subabsurdum commentus est definitionem, qua primarum qualitatium effectione mutua, quæ sitam qualitatem, eamque simplicem emergere confirmat, quæ vna superstes, reliquis



reliquis in congressu pereuntibus, omnium vires potestate complet, easque quasi suo sinu complexuque recipit. Id autem, quam absolum sit, quamque secum pugnet, hoc in primis patefacit; quod fieri nequit, ut omnes per actionem qualitates dissolutæ euanescent; neque non ea tandem superet, quæ validior cum esset, conflictus principia dedit. sed esto. donemus hoc exorto temperamento, omnes illas periisse; quæ nam tunc restabit in genito corpore contrariorum pugnantia? Si plura illi non insident, eaque contraria, qui fiet temperamenti per singulas ætates conuersio? quæ insita illi erit causa morbi, senij, mortis? Adde quod neque dum corpus dissolutione occidet, poterunt simplices naturæ in vniuersitatem recurrere, suis instructæ qualitatibus; illas enim vnde sibi refument, quæ iam dissipatæ in composito non manent? Itaque nouam illam qualitatem pro temperamento inuehere, cum vanitas quædam sit opinionis, quæ multorum animos imbecilles diu multumque vexauit; nos clarissimorum Philosophorum imitatione, ut elementorum substantias, sic omnino, & qualitates in composito teneri fatemur, & harum perfusione, & concentu temperamentum consistere. Hæc ille.

Neque verò ut ostendamus quàm à philosophorum decretis hoc figmentum abhorreat, eundem nobis est longius per omnes auctores, iam pridem omnium nomina obscurauit illustre Aristotelis lumen, cui si Bellantij nugamentum aduersari confiterit, infinitum sine dubio sapientum numerum aduersum habuerit. Aristoteles igitur lib. 4. Meteor. cap. 2. quod facit generationis mixtorum principium? qualitatem cœlitus demissam? minime gentium. Generant autem, inquit, calidum, & frigidum dominantia materiarum; cum autem non dominantur secundum partem quidem, inquinatio, & inconcoctio fit. Infrâ: Putrefactio autem est corruptio eius, quæ in vno quoque humido propriæ, & secundum naturam caliditatis ab aliena caliditate; hæc autem est quæ ambientis. Putrefactio itaque, quæ est solutio proprii tem-

peramenti non est apud Aristotelem corruptio qualitatis cœlestis & arcanæ, sed natiui caloris.

Idem lib. 2. de gener. tex. 7. & 8. lib. 2. de partibus animalium, cap. 1. calorem, frigus, humorem, & siccitatem, ea ratione docet esse primas qualitates, quia ab his reliquæ dependent, & his solutis cæteræ quoque euanescent necesse est. Vbi itaque est istud cœleste temperamentum, quod non agnoscit harum qualitatum principatum? quid poterat fingi Aristotelis principijs magis repugnans? Verum non aduersatur id solum Aristotelis decretis; sed multò magis experimentis, & rationi.

Per quotidiana namque experimenta videre licet, dissipata primarum qualitatum temperie, interire mixta omnia; & ligna, & lapides, & carnes igne exuruntur, non alia actione, nisi caloris & siccitatis: sublata substantia mixti, & accidentia interire necesse est, substantiæ propriæ: nullum itaque est temperamentum, quod horum actioni non subiiciatur. Humor, item collapsus ex aqua, nonne putrefacit omnia, in quæ incidit? quod sanè non faceret, si vllum esset temperamentum, quod non à primis qualitatibus, sed solum è cœlo originè repeteret suâ. Ostendant deniq. aliquid, quod primarum qualitatum efficientiâ subterfugiat; quod ni fecerint non recipiet Philosophia alias virtutes, quàm quæ his subiiciuntur.

Accedit eodem, quod duo temperamenta quando inducit Bellantius, cogitur fateri, posse eundem hominem & meticulosum, & audacem, & imbecillum, & firmum, & mitem, & asperum, & solerrem, & bardum esse naturaliter: cur enim duo inuexit temperamenta nisi ut ostenderet, aliam esse temperiem, quàm è cœlo; aliam quam ex elementis haurimus. Si in idem propellit vtraque temperatio; cur duplex fingitur? Vna satis est. At hæc contraria sunt, & pugnantia, nec idem potest esse meticulosus & audax, imbecillus & firmus. Dicet, opinor: Contraria in summo non posse consistere, posse verò secundum gradus remissiones. quomodo remissiones? Contraria enim si in summo non sunt; mediam quæ,

C 2 dam-



dam, temperiē faciant oportet. proinde non erit idem audax, & timidus, sed inter audacem, & timidum medius, qui status optimus est, & proficiscitur ex atra, flauaq. bili mediocriter temperatis: nec desiderat, temperamentum cœlitus delapsū. quod si sit paulo audacior, quā timidus; flauæ bilis vis maior id potest præstare, ut opus non sit viribus alijs occultioribus; cum frigus, & calor variē temperati, ad metuendum, & audendum valeant plurimum.

At inquires vnum, & eundem hominem experimur in quibusdam actionibus melancholicum, in alijs colericum, in alijs timidum, in alijs audacem. Esto planè: sed id vel extrinsecus accedit per aduentitias causas, ut supra diximus, vel si naturaliter insit, cum eiusdem humoris multæ sint actiones, non oportet consimili, pariq. modo ad omnes esse expeditum. Denique non vna est omnium membrorum temperies; quid vetat in corde redundare flauam, in cerebro atram bilem: spiritus vitales esse affabrè elaboratos, animales non item: alios nervos expeditos esse ad motum, alios implicitos, & malè grauatos? quid igitur mirum, si functiones aliquæ vnum, aliæ contrarium, indicant temperamentum: hæc contraria temperies non in eodem est organo; sed in alio, & alio. Si hæc ignoras, lege Galeni lib. 2. de temperamentis, cap. 5. & 6.

Item temperamentum primarum qualitatum aut est à cœlo solum, aut saltem præcipuè, nā alioquin ruerent Astrologicæ diuinationes ex syderū obseruatione; rueret instrumentaria seruitus, quæ omnes causæ sublunares cœlo subiiciuntur ab Astrologis, ut sup. vidimus, c. 14. At quomodo quæso te ex iisdem Astris, eodem situ, atque ordine dispositis, eodem loco, ac tempore, in eundem hominem, & in eandem hominis partem descendunt propensiones ad contraria; vna per temperamentum primarum qualitatum; Altera per arcanam quandam qualitatem; vna per qualitates, quibus præparatur materia ad formas, Altera per qualitatem, quæ formā ipsam consequitur? quomodo ad avaritiā stellæ incitant hominem, immissa atra bili; ad liberalitatem

verò ingenerata alia secretiore virtute?

Euanuit itaque duplex temperamentū. Vnum primarū qualitatum, quo imbuatur materia, prius quā formam suscipiat; Alterū, quo instruitur forma ad sua munia obeunda; nec enim contraria in eodē organo, & corporis parte consistere possunt: & in diuersis diuersa principū qualitatum, aut humorum temperies præstare potest, quidquid secretæ, & cæcæ virtuti arrogat Astrologi.

## CAPVT XVII.

*Rerum effectus mirabiles non commodè ab Astrologis referri in astra.*

**FAMILIARE** est Astrologis, effectus omnes mirabiles, ad quorum causas mens humana vel ægrè, vel ne ægrè quidem pertingit, ad syderum efficientiam reuocare. Itaque contendunt, vi syderum ingenerari rebus sublunaribus agendi facultates illas secretiores, & admirabiles; quibus herculeus lapis ferrum; Adamas electrum, pilos, & furculos ad se trahunt; Echineis pisciculus nauim sistit, aut certè remoratur; Hircinus sanguis emollit adamantem; Miluus, non Elephas, gallinaceum pulum terret; Hic vero leonem; Marsi & Psylli illæsi tractant serpentes; Thessali fascinant, quem laudant, & intuendo tabefaciunt pueros; Neruis ac fidibus, alijs pulsis, alijs resonant vnisoni; Catablepha animal homines ad mille passus conspectum necat; Rhubarbarum flauam, Epithymum atram bilem; Agaricum pituitam educit; Struthiocamelus ferrum, coquendo exterit; Veratrum & cicuta, hominem interminunt, non coturnices, aut sturnos; Helleborum ex Plinio, lib. 23. cap. 5. medetur morbis comitialibus, vertigini, melancholicis, insanientibus, lymphaticis, elephantis alba, lepris, tetano, tremulis, podagricis, hydropicis, spasticis, ischiadicis, quartanis, quæ aliter non desinunt, tussi veteri, imūm-



inflammationibus, torminibus, aliâque id genus innumera alia efficiunt.

Nos verò primùm, quamuis horum, aliorumque, quæ breuitatis gratia præteriuimus, reddi causa non posset ex vi primarum qualitarum; atque adeò opus esset abditis aliquot facultatibus, eas potius (cùm incerta res sit) ex rerum formis, ac proprietatibus, quàm è stellis esse accersendas existimamus: comitantur enim huiusmodi vires, certas ac definitas formas; putà Herculei lapidis, Adamantis, Ovis, Pulli, Milui; atque ita comitantur, vt sine illis numquam sint: euanescere vim Rhabarbari, Magnetis, cæterorumque, temporis diuturnitate, compertum est; retundi vires magnetis, alio, experimentis didicimus quotidianis; vis tamen illa, nisi in magnete non residet. Cur igitur non existimemus à forma magnetis illam nasci, nisi impediat ab aliquo contrario? cur potius è cælo eam dilabi volumus, quàm nasci domi, & ex natura magnetis, quæ fons est, & origo omnium proprietatum magnetis? Quis astris ipsis, & cælo indidit tam miras, & arcanas vires? quid sequitur Saturni, aut Martis arcana vis? nonne sui orbis naturâ, & negabimus ex magnetis natura profluere vires magnetis?

At esto; non sequantur huiusmodi vires, formas substantiales, nec primarum qualitarum temperamentum, an propterea ingenerantur ab Astris? unde, aut qua dialectica id conficis? An si nihil queam disputare, quamobrem scamoneæ radix ad purgandum; Aristolodica ad morsus serpentum valeat, continuo ad astra confugiam? Quomodo cælum in Helleboro inclusit tantam potestatem copiam; quomodo ita copulauit, vel distinxit, vt vna alteri non officeret? quomodo tot virtutibus congruentem sedem materiamque parauit? Est fortasse in natura satis certa causa, cognitioni autem hominum obscurior; cur hæc ita fiant, nescire me fateor, à cælo non effici perspicio. Certe animantium proprietates è cælo non desluunt; daret enim cælum inanimatum vires animales, quas non habet, efficeret aliquid, quod neque actu, neque potestate con-

tinet; quid pugnantius cum Philosophorum decretis? cum Aristotelis potissimum? Ad intelligentiamne confugies? non satis munitum perfugium, non sentit, non vegetatur, definita est quodam genere, nuda mens est, non potest præstare quæ non habet, vnus motus est causa, præterea nihili.

Deinde cæli vires, quibus formarum proprietates procreari dicuntur, perpetuò ne præstò sunt aëri è cælo demissæ, vt si quam paratam materiam nanciscantur, in eam inuadant continuo, alijs prætermisissis? An sub certa solùm syderum constitutione fluunt non quocumque tempore? Hoc postremum conuellit quotidiana experientia: nulla enim sit dies, nulla nox, nulla diei, noctisque pars, qua innumerabilium rerum genera non gignantur, terra, mari, libero cælo: quonam pacto tam multiplices vires, quolibet temporis momento cælum, habet paratas, quas tam dissidentibus rerum naturis tribuat?

Primum illud obscurum est magis: siue enim in aëre sit vis ipsa magnetis, siue arcana alia virtus potestate eam continens, trahat oportet ferrum, non minus quàm Hercules ipse lapis. nam quidquid est potestate, quale alterum; eoque dignius, & melius, præstare potest, quod alterum, si patientis sit æqua conditio; ita lumen terram calefacit, sicut calor ipse; & piper stomachum, non minus, quàm feruens polenta; quare si facultas magnetis in aëre sit, aut actu, aut potestate, ferrum si affectum sit, vt oportet, trahet ad se: ideo enim vna virtus dicitur potestate talis, qualis altera actu; quia efficere idem potest, quod altera. Cur ego aër non rapit ferrum, sicut rapit magnes? Eia Astrologæ quando ægrotas, cur à seplasijs medicamenta quæris, quorum viribus morbum expellas? sunt in promptu hæc vires in aëre, in cubili, in spiritu ipso, quem ducis; eas tibi cælum, far quam diuina virgula compluit, cur times morbum, aut mortem? habes paratas omnium medicamentorum vires? Quid agitis vt vnum aliquem ventum, pluuiam, margaritam generetis, certum sydus expectan-


C 3 dum



dum affirmatis, quia non quorumcumque Astrorum ea potestas sit, ut efficere possit ventum pluuiam margaritam: ad gignendas tot rerum proprietates, tam dissimiles, & planè contrarias, tam admirabiles, & arcanas quemlibet cœli statum parem esse contenditis? quid superest nisi, ut Ptolomæum Astrologiæ Magistrum deturbetis è cœlo: qui quodlibet Astrum quibuslibet progignendis idoneum esse negauit lib. 2. de Iudicijs.

Adhuc, & illud miror in eodem aëre esse tot, tamque diuersas virtutes lapidum, metallorum, arborum, herbarum, animantium, pilorum, vnguuium, ventriculi, hepatis, renum, intestinorum, neruorum, adipis: ò chaos indigestum! rursumne frigida pugnabunt calidis, humentia siccis; mollia cum duris, sine pondere habentia pondus? an contraria quoque amicè coalescunt caduceatore Astrologo?

Redite aliquando Astrologiæ Magistri in gratiam cum Philosophia, audite celeberrimum illud axioma: Qui dat formam, dat consequentia ad formam. Et quid consequentius quàm proprietates, facultatesque naturales si cœlum, ut latè docuimus cap. 15. formas non gignit, cur eas vires impertiat, quæ naturaliter sequuntur formam? illa, quæ naturæ lege deuincta sunt formis, non agnoscunt alium auctorem, quàm formam, aut causam efficientem formam. quid nugamur inter astra? Colligatio illa naturalis, quæ inter formas, & proprietates intercedit maxima, abundè declarat harum virtutum principium.



## CAPVT XVIII.

*Vnde rebus sympathia, & antipathia.*



VNT quidam plurimarum rerum consensus, sunt & dissensus mirabiles; interceditq. inter plurima mira quædam cognatio, & conjunctio; inter alia dis-

sidium, & dissensio. de quibus Plinius lib. 10. cap. 74. & lib. 2. in proemio. Aggressurus hominum cibos, Pax, inquit, simul in his, aut bellum naturæ dicitur, odia, amicitiaque rerum surdaram, ac sensu carentium. & lib. 36. c. 16. A marioribus digredienti, inquit, ad reliquorum lapidum insignes naturas, quis dubitet in primis Magnetem occurrere? quid enim mirabilius, aut qua in parte naturæ, maior improbitas? dederat vocem saxi, ut vidimus, respondentem homini; immò verò & obloquentem; quid lapidis rigore pigrius? Ecce sensum, manusque tribuit illi: quid ferri duritie pugnacius? sed cedit, & patitur mores; trahitur namque à magnete lapide: domitrixque illa rerum omnium materia, ad inane nescio quid currit; atque, ut propius venit, assistit, teneturque & complexu hæret: fideritim ob hoc alio nomine appellant; quidam Heracleon: Magnes appellatus est ab inuentore, ut Auctor est Nicander, in Iada repertus; hæc ille. Horum quoque rationes Astrologi, quos Fernelius libro secundo de abditis rerum causis, cap. 2. sequitur, ad Astra ex more referunt; quæ verò id probabilitate faciant, satis declarant ea, quæ superiore capite scripsimus: quamuis enim nulla ratio explicaret, vnde vis hæc, & vnus rei in aliam tanta propensio; ab alia tantum dissidium existat, adhuc nihil esset causæ, cur stellarum opem imploraremus. Præsertim si illæ tantis rebus impares sunt, si ex varietate earum constitutione, & commutatione, continua, & adedò constantium; & vno semper modo se habentium rerum causæ non aptè ducuntur. Nunc verò physicam rationem promere decreuimus eorum, quæ syderalibus machinis non possunt dissolui. Eius, quæ inter animantes intercedit, sympathiæ, & antipathiæ rationem à fine petunt recentiores nonnulli; aiunt enim consentire, aut dissentire animantes ob pabulum, ob Venerem, ob locum, ob paratam noxam, ob tuendam vitam. Leo siquidem dissidet à Leone ob Leenam, & Venerem: Taurus Tauro eadem de causa aduersatur. Ob pabulum duplex est sympathiæ, aut anti-



antipathiz ratio : Nam dux animantes, aut dissident, quia idem expetunt pabulum, vt mus, & mustella : aut quia vna est alterius esca, vt lupo, & ouis : & quibusdam mutus est hic affectus. Rursus quædam pastu arcent alia animantia, tametsi eo non vtantur, vt canis lupum ab oue pellit, quam ipse non attingit. Ob noxam, quam sibi ab alio timeant, dissident multipliciter : aliter enim homo auersatur serpentem, à quo sibi mortem intentari autumat : aliter pediculus, à quo molestiam, non mortem timet : aliter inimicum, aliter illum, cum quo nihil habet rixarum ; sed auersatur eius mores. Ob Venerem est sympathia inter marem & sceminam, & antipathia inter riuales existit. Ad tuendam vitam & aues, & aliz animantes socialem vitam degunt, & gregatim incedunt. Verùm causa finalis sympathiz, & antipathiz nequicquam sollicitas habuit Philosophorum scholas ; causa effectrix magis exercuit eorum ingenia, ego verò in naturæ officinis, in primarum qualitatum rationibus, vnde res omnes natura constantes existunt, eam contineri existimo.

Rerum enim omnium temperamenta, ex primarum qualitatum existere permutationibus in confesso est apud Philosophorum gentem : has verò nemini dubium esse potest, variari posse modis innumerabilibus ; quorum alij cognati sint, & amici ; alij dissimiles, ac diuersi ; Alii contrarij : idque, vel parum, vel plurimulo, vel magis, vel plurimum. non enim contrarius est calor frigori cuiusque ; sed certus gradus cum certo pugnat, cum quo misceri nequit, huic aduersatur plurimum, cum hoc illi implacabile dissidium. Hinc prima rerum dissensio. oriuntur enim hinc virtutes quædam arcanæ, & humanis sensibus inaccessæ, quibus vna res cum alia pugnat ; oriuntur pugnantibus formæ, quamquam enim substantiæ nihil sit contrarium per se, ratione tamen harum qualitatum inter ipsas etiam substantias oriuntur amicitiz, & inimicitiz, familiaritates, & odia. Solet autem vnaquæque res quomodo affecta ipsa est, eodem æ-

rem proximum afficere, idque vel propagatione eiusdem qualitatis, siue tractabilis, & manifestæ sensibus, qualis est calor, frigus, odor, & huiusmodi ; siue arcanæ, & occultæ, quæ à nobis non percipitur per se ; patet verò ex effectu, qualis est vis magnetis, Adamantis, scamoneæ, aliorumque medicamentorum : Vel emissionem tenuiorum quorundam spirituum, quos effundere corpora solent, quæ propterea diuturnitate temporis confescent, & deperdunt huiusmodi vires.

Hinc triplex ordo rerum existit. Primus earum, quæ cum diuersæ sint, nihil tamen sibi nocent, vel officiunt inuicem ; nihil inter eas est amicitiz, vel inimicitiz ; propterea quod agendi, patiendique vis vnus eodem modo temperata est, ac alterius : simile vero non pati à simili receptum est in scholis axioma. Quo in genere fulmen aurum colliquat intacto loculo, cum quo agendi, patiendique proportionem iungitur, non cum auro : tum vina absunt, vase nequidquam lasso : Eadem de causa Adamas, non alio cum quo consentit, sed hircino sanguine, Cui impar est, mollescit : qua de re Plinius lib 37. cap. 3. hæc scribit : De discordia rerum, concordiaque, quam antipathiam, & sympathiam appellant Græci, non aliter clariùs intelligi potest : siquidem illa inuicta vis duarum violentissimæ naturæ rerum, ferri, ignisque contemptrix, hircino rumpitur sanguine, nec aliter, quam recenti, calidoque macerata, sic quoque multis ictibus, tunc etiam præterquam eximias incudes malleosque ferreos frangens. Cuius hoc ingenio inuentum ? quoue casu repertum ? aut quæ fuit coniectura experiendi rem immensi secreti, & in sceleratissimo animalium ? numinum profectò muneris talis inuentio omnis est, nec quærenda in vlla parte naturæ ratio, sed voluntas, & cum foeliciter rumpere contigit, in tam paruas frangitur cruttas, vt cerni vix possint, expetuntur à sculptoribus, ferroque includuntur, nullam non duriciam ex facili cauantes. Adamas dissidet à magnetis lapide, in tantum vt iuxta positus ferrum non patiatu abstrahi ; aut si admo-



tum magnes apprehenderit, rapiat, atque auferat. Adamas & venena irrita facit, & lymphationes abigit, motusque varios expellit à mente. Alter ordo est earum rerum, quæ contrariæ cum sint, parum, multumque nocent alijs, cum quibus nimirum similitates exercent. Quare nucis umbra proximis stirpibus, & arboribus grauis est, transmittit enim noxios quosdam afflatus. Hinc apud Ouidium:

*Ne fata ne ladam (quoniam fata ledere dicor)*

*Imus in extremo margine fundus habet.*

Narbonensis etiam Taxus sub se confidentes grauedine infestat, & non raro necat. Basiliscus eos, quos oculis afflavit, aut sibilo contigerit, momento interficit; Torpedo stuporem adfert piscatori, etiamsi tantum hasta tangatur; Braſſicæ, & Rutæ tantum inimicitia est, ut iuxta feri nolint. Nihil hic de scorpionum, rabidi canis, aliarumque morſibus ferarum; nihil de medicamentis, vel antidotis, quæ morborum causas, utputa sibi inimicas, abigunt, vel auerunt. His etiam, qui argentea vasa inaurant, solius hydrargyri vapore eousque nerui emolliuntur, ut paralyſi laborare videantur. Concusso quoque tympano, quod è corio lupi conſlatum ſit, aliud ex agni corio conſectum (tanta est harum animantium etiam poſt mortem diſſenſio) diſſolui perhibent: & alia id genus innumera.

Tertius rerum cognatarum ordo est earum, quæ mutuo ſe fouent, ac iuuant; quo ſerè modo certis noſtri corporis partibus medici adhibent quædam, quibus priuatim iuuentur, roborentur, conſeruentur. Hinc Euphroſinum herba cordi amica in paucis, de qua Plinius lib. 25. cap. 2. aliaque plurima, de quibus Galenus libris decem de compoſitione medicamentorum, ſecundum locos, Libris de locis affectis, Plinius lib. 26. toto. Huc etiam fortè pertinent Pſilli, & Marſici, quibus angues blandiuntur; Ficus, quæ alligatum ſibi furentem taurum manſuefacit; Argentum viuum, quod aquam, & oleum ebibit ſtatim; naturalis quorundam hominum neceſſitudo, atque

animi propenſio, qua repente in amorem, & odium quorundam exardeſcimus, quos numquam antè videramus.

Hæc prona ſatis, illud explicatu arduum eſt, quo pacto magnes trahat ferrum longè diſſitum: Muſtella educat murem è penitioribus latibulis: Rubeta, de qua Plinius lib. 32. cap. 5. muſtellam ex arbore quamquam vociferantem, & auxilium vndique implorantem, deuorandam pelliciat: Cerui ex imis terræ cauernis ſerpentes euocent: Quod tripliciter contingere poſſe video. Primum nihil vetat è re quapiam virtutem aliquam accidentalem prodire per medium, & rem longius diſtantiſſimam afficere, quæ ab ea apta eſt commoueri, non medium, quod alterius eſt naturæ, & modi: quid enim prohibet ex magnete, vim aliquam accidentariam per medium quæ ferrum progredi ad ferrum percellat, & agitet, non plumbum, aut argentum, quod alterius eſt temperamenti. Simili vi Chamaeleon ſuperuolantem aquilam ad ſe rapit deuorandam, & Rubeta quid ni fundat vim aliquam, qua non aliæ animantes, ſed muſtella quamquam inuita, & vociferans ad certum exitum pertrahatur? quidquid recipitur, per modum recipientis recipitur, ut eſt in Philoſophorum trito prouerbio: afficit itaque hæc vis Muſtellam non alia pro conditione materiæ. Deinde magna Philoſophiæ approbatione receptum eſt, omnes animantium motus aut boni, aut mali opinione cieri; opinione ſiquidem magni alicuius boni præſentis, lætitia exiſtit & voluptas: opinione boni futuri, appetitio, & libido: opinione magni mali impendentis, metus, & timor: opinione mali præſentis, mœror, & triſtitia. Hi motus omnis proſecutionis, & fugæ, animantibus cauſæ ſunt; fugit ergo pullus Miluum; ouis lupum, mus ſelem, præſenſione imminentis mali: ruruſ ſequitur leo leonam, & equus equam, antecepta notione veneræ voluptatis. Non abibo longius. Hinc animantium ſimilitates, & amicitia ob cibum, ob venenum, ob alios fines, de quibus ſuprà. Opinioni & præſenſionis vim maximam non ignoramus, dicent aliqui, ſed igno-



ignoramus, quo auctore fiat præfensio: quis enim in Leone mali præfensionem, facit Gallinæo gallo canente? Cur pullo non ingerit mali præfensionem aliæ, auis, nisi Miluus? Cur furenti Elephantæ, repente viso ariete, ea existit sensio, quæ omnis furor concidit? Cur ouis conspecto lupo, tristem sensionem concipit; cane viso, non item? Cæterum, ne id quidem ignorare possunt Peripatetici, qui docent res sensibiles per medium, & interuallum transmittere sua simulacra ad sensum, quibus illum ad sui sensationem commoueant: non modo propria, sed communia etiam sensibilia, magnitudo, motus, figura suas ad sensum transmittunt formas; quid mirum, igitur si ouis in oculis, in gestu, in figura, in ore lupi videt sibi paratam necem? quid mirum, si imminens auersatur malum? Quod de oue, & lupo dixi, intelligo de mure, & fele; de pullo, & miluo; de lepore, & cane. quod dixi de nece, intelligo de alijs multis incommodis; quæ una alteri animanti parat, circa pabulum, circa Venerem, circa locum, & huiusmodi.

Deniq; tenues quosdam spiritus emittere corpora solent, quibus afflant res etiam dissitas, quæ propterea diuturnitate consenscunt. Hoc modo crediderim basiliscum fundere venenum, eos, qui peste laborant, inficere vestes, domum, edulia: A ceruis necari serpentes, Nucem subiectis satis obesse; Taxi umbra necari animantes. simile quid ex serpentis, rabidique canis morsu relinqui in vulnere, verisimile fit.

Ita de sympathia, & antipathia disputare possunt qui physicas rationes sequuntur. Nos verò ad Astrologos reuertamur; largiamur illis quod petunt.

Esto, oriantur hæc omnia à cæca quadam & secretiori virtute; vnde probabis, hanc non nasci ex forma Magnetis, Adamantis, Smaragdi, Nucis, aliorumque; aut ex primarum qualitatum temperamento? Quid magis decantatum est in scholis sapientum, quam naturam quamlibet certas ex se fundere proprietates: quæ cum suo principio arctissimis coniunguntur necessitudinis vinculis? Do-

ceant, qui secretarum virtutum causas è cælo aptius, quàm ex elementarium, qualitatum temperamento, aut rerum, naturis duci contendunt, cur Adamantis vires cælum non fundat, aut in res omnes, aut in reliquos quoque lapides? Cur Magnetis vim non impertiat etiam alijs multis rebus, quæ simul cum Magnete generantur? Cur Euphrosino vim imprimat hilaritatis, non cæteris herbis? Ut se in omnem partem vertant, nihil aliud reperient, quod respondeant, nisi cælum diuersimodè afficere Adamantem, Magnetem, Smaragdum, Nucem, Ficum, Brassicam, Rutam, pro varia eorum natura, pro varia elementarium, qualitatum temperie: Cur ergo non putamus ex primis qualitibus, & rerum naturis oriri has virtutes? quid cogit nos admiscere in earum ortu cæli actionem, & efficientiam aliam, quàm quæ primis qualitibus debetur? quocumque Adamas generetur sub cælo, quibuscumque Astris fulgentibus coagmentetur, eandem vim, & facultatem fortitur. Rursus huic potestati tanta necessitudo cum Adamantis natura intercedit, ut ab eo seungi separarique non possit; & putamus à cælo eam, non ab Adamantis natura aut temperamento proficisci? quid est desipere, si hoc est sapere?

## CAPVT XIX.

*De criticis morborum diebus.*

OCANT morborum dies criticos, quibus ita natura cum morbo pugnat, ut si illa debilior fuerit, victoria inclinet ad morbum; sin fortior, æger vergat ad salutem, vis enim illa, quæ membris insita est, ut nocentia repellant, & noxios humores demittant, non quouis morbi tēpore crīsim aggreditur, sed certis quibusdam diebus. Duo quippe excretio, quæ crīsis dicitur, necessario exigit; ut & hu-



& humor noxius, qui eiiciendus est, naturam stimulet, ac pungat; & ut concoctus sit, & præparatus: cruda enim, sicut immitia poma, difficilè auelluntur. Hinc Hippocrates sectione prima Aphorismorum, aphorif. 22. Concocta, inquit, medicamenti aggredi oportet, & mouere, non cruda. Et libro quinto Epidemiorum Subducere oportet ventrem; si materiæ sint concoctæ. Qua de re planè, cumulateque disputauit Celsus lib. 3. cap. 14. Quando vero noxius humor naturam irritat; illa acriùs eiectionem aggreditur, exeritque omnes vires, quando corrupti humoris stimuli vehementiores sunt. Quamobrem Galenus in paroxifmis, & in statu morbi, ait, crises præcipuè contingere; in paroxifmis quidem, quia tunc corruptus humor naturam stimulat, ac pungit acriùs; in statu verò, quia concocti iam; & lubacti humores, quasi matura poma, sua sponte decidunt. Contingit vero aliquando: ut natura magnis irritata stimulis, amolitur indigestos adhuc, & pericaces humores; sed magno ægroti incommodo, & periculo: aliquando ut subactos, & ritè præparatos abigat felicissimè. Hinc morborum critici dies, quibus nimirum crises solent esse salutare, ex quibus discernere licet, quid de euentu morbi sperandum, aut timendum sit: Et non critici, ex quibus nihil certi de morbo conijcere possumus; quibus si qua excretio fiat, non crisis, sed violentia quædam sit, & impetus furentis naturæ, quæ cum morbo paribus adhuc viribus luctatur, & incerto pugne euentu.

Iudicia, inquit, Galenus lib. 1. de diebus decretorijs, cap. 2. seu crises, omnibus diebus accidunt, sed neque pares numero, neque ex æquali fide: hoc intercedit discriminis inter illas, quòd aliæ bonæ, aliæ malæ eueniunt, quædam cum pluribus, & difficilioribus symptomatibus, & maiori certamine; nonnullæ statim ab initio ruto euadunt. Rursus idem lib. 3. de diebus decretorijs, cap. 8. Nam perturbationis violentia, inquit, naturam ea, quæ molestant etiam ante tempus propellere compellit: quippe virtus ipsa

est alienorum expultrix, quemadmodum in opere de naturalibus facultatibus antea demonstratum est. Tempus autem actionis post finem alteratoris facultatis est: Tunc enim functionem obire, omnibus secundum naturam absolutis, ostendebatur, cum illa ab actione desierit. verum ante perfectam concoctionem interim, quæ offendunt, amoliri cogitur, ut interdum concoctione iam absoluta, moratur adhuc; & lentè propter imbecillitatem munus subit. Vtrumque autem in ventriculo clarè licet contemplari: instigatus enim concoctionis tempus non expectat; sed protinus etiam idoneum, cum eo, quod molestat, excernit. & ubi iam satis concoxit; interdum lentè, ac cunctanter superfluum imbecillitatis vitio expellit; at cum naturali habitu fruitur, perfectæ concoctionis tempus ipsius recrementorum expulsionis terminus est, quem neque præuertit, neque præsentem adhuc moratur.

Quid porro sit crisis, & quibus conspicua notis, tradit idem Galenus lib. 3. de crisibus, cap. 2. Sola, inquit, subita ad sanitatem conuersio, simpliciter crisis nominatur; & quidem omnino sit, per manifestas quasdam excretiones, aut effatu dignos abscessus; quicumque enim aliter quieuerint, malignius retrocedunt: antecedit autem huiusmodi excretionis & abscessus, non mediocris perturbatio in corpore ægrotantis; nam & difficiles tolerantia, & difficiles sensus, dolores capitis, colli, & stomachi, & multorum aliorum membrorum; nonnullis verò aurium sonitus, & vani ante oculos apparent splendores; & lacrymæ inuoluntariæ effluunt; & vrina retinetur; & labrum agitur; aut aliquid aliud tremulum sit: obliuio, & præsertim ignorantia; & vehemens accidit rigor; & plurium accessio, consuetas anticipat horas; & multus æstus, sitisque intolerabilis sequitur; clamant, & saliant, sicuti furentes; neque possunt in eodem situ recumbere, deinde repentè multus sudor erumpit, aut vomitus aliquis non paruus sequitur; aut venter subito soluitur; aut abundans fit fluxus sanguinis: aut hæc omnia simul contingunt. Vnde

nom



non parvus inuadit timor insipientes. Et quispiam homo vulgaris, cum istis adesset, ipse re cogente, ita pronunciauit, quod iudicium tunc de vita agrotantis ageretur. Neque enim Medicorum aliquis primus inuenit; id nomen; sed omnino necessarium fuit, ut qui præsens esset, conturbaretur, atque adeo exclamaret; & crisin, id est, iudicium rem ipsam nominaret: decet autem Medicum generosum, nec perturbari, neque futurum euentum ignorare; melius autem fuerit; si se ad prænoscentiam futuram crisin exercuerit: neque enim ista dignotio quæ habetur de præsentis crisis euentu, multum distat, à prænotione eiusdem futuræ, sed ex eadem contemplatione vtræque proficiscitur.

Atque his explicatis, Alij dies sunt critici, Alij non critici, Alij inter utrosque medij. Critici sunt quartus, septimus, vndecimus, decimusquartus, vigesimus, vel, ut alij tradunt, vigesimusprimus; sed vigesimum anteferendum esse vigesimo primo, auctorem habemus Hippocratem, & Galenum libro 3. de diebus decretorijs c. 9.

Non critici sunt sextus, octauusdecimus, duodecimus, decimussextus, decimusnonus, vigesimusecundus, vigesimusquintus; quamquam 6. nonnunquam criticus videatur.

Medij sunt quintus; nonus, decimus tertius, decimusseptimus, decimusoctauus, vigesimusquartus; quorum 13. & 17. ad criticos propius accedunt.

Præter criticos sunt indicatiui; qui indicant, quid futurum sit alio quodam die, nam quartus, indicat quid septimus, vndecimus, quid decimusquartus, decimusseptimus, quid vigesimus molietur.

Neque verò critici qui sunt, sunt æquè critici omnes, sed vnus alteri præstat. Primus enim obtinet septimus. Proximus est huic decimusquartus. Cæterum cum res hoc loco nobis sit non solum, cum Genethliaciis, sed etiam cum Medicis, cauendum est diligenter, ne non satis prouisa, & explorata principia ponamus, quare hæc omnia ex Galeno audiamus, quem vnum nostra disputatio præcipue petit.

De septima enim die ita scribit lib. 7. de diebus decretorijs, cap. 2. Nam, quod in tot annis septimum iudicantem subinde simul, & absolute, fideliter, manifestè, conspicuè, & salubriter, sextum è contrario semper viderim.

De sexto ibidem ait. Iudicatur, sed cum difficilimis symptomatibus, & periculo maximo, & ad hæc absque fide, imperfectè, obscurè, sine notis, & ad malum.

De duodecimo, & decimosexto ibidem scribit, In duodecimo, & decimosexto, nullum vnquam iudicatum vidi. Rursus c. 3. Non soluitur morbus duodecimo, & decimosexto.

De octauo, decimo, duodecimo, decimosexto, decimonono, idem scribit ibidem.

Contrà verò docet morbos solui die tertia, quarta, quinta, sexta, septima, nona, vndecima, decimaquarta, decima septima, decima octaua, vigesima.

Rursus libro 1. cap. 4. Qui quarto die inquit ad peiorem statum recidunt, plerique sexto moriuntur: quo die si bona conuersio contingat, septima die, crisin expectandam docet.

Denique eodem libro 1. cap. 5. Septimi, inquit, naturam decimus & quartus imitatur: Maxime proximi his sunt, Nonus, Vndecimus, Vigesimus: Prope hos, Quintus, & Decimus septimus: Post hos Quartus: Hunc sequitur Tertius, & decimus octauus: At sexti naturam nullus alius ex ætate imitatur. Si in octauum, vel decimum diem subita morbi solutio incidat, similis ferè est ei, quæ in sexto accidit. Et libro secundo, Quartus inquit septimi, vndecimus decimi quarti indicatiuus est.

Eia Astrologi, res est explicari difficilima, causa, quæ humores mouet per criticos dies potius, quam per non criticos, Democriti profundo demersa puteo delitescit penitus, altissimisque naturæ occultatur tenebris. Ad occultas coeli vires, inscitæ asyllum confugite: nusquam licuit maiori licentia Astrorum abditas vires iactare: præclarum nacti estis locum, venditandi admirabiles stellarum & arcanas virtutes. Ita planè: id enim facit



facit Carda. libro de iudicijs, cap. 15. libro de reuolutionibus cap. 9. Id facit Bellantius, id facit Donatus, & in Lunam criticorum dierum rationem referunt, quæ cæli signa decurrens humani corporis humores, per stata tempora mouet. Dupliciter autem cum Luna cursum metiamur, & per reditum ad Solem, quem menslem civilem vocant; & per reditum ad certum punctum Zodiaci, quem Lunarem appellant menslem: Vt quoque mense aiunt Lunam, per cæli quartos, & septenarios dies commotionem, impetumque rebus sublunariis afferre; Civilis siquidem mensis, diebus viginti nouem, horis ferè tredecim, constat: quod tempus si in quatuor æquales partes diuidas; continebit earum quælibet dies septem, & horas ferè nouem, quo tempore commoueri maximè res sublunares testantur, & qui circa maritima versantur, & qui rusticam artem exercent: lunaris quoque mensis diebus viginti septem & horis octo conficitur. Quod spacium si item in quatuor æquas portiones diuidas, quælibet septem dies, & nescio quid præterea continebit. hinc crises per dies septennarios aiunt fieri, quod per septem dies, Luna conficiat quartam Zodiaci partem, septimus enim, decimusquartus, vigesimus, vel vigesimus primus, vigesimusseptimus, maximè critici censentur. Post hos criticos esse, etiam quartum, vndecimum, decimum septimum, vigesimumquartum, qui medijs sunt inter integros septenarios, sed præstat hæc omnia à Galeno; audire lib. 3. de diebus decretorijs, cap. 5.

Quemadmodum inquit, annum integrum, Sol disponit; ita Luna menslem, immutatione per septimanas ei accedente. Nam à prima apparitione, ad dichotomum, & ab hac ad plenilunium, ytrumque quidem, per se tempus est septem dierum; ambo verò simul, quatuordecim. Simili modo, si inde vbi ipsa æquali portione menslem diuidit, vsque ad secundam dichotomum connumeraueris, septem & hos inuenies dies, reliquos etiam, qui vsque ad absolutam Lunæ occultationem sunt, septem. Cæterum aërem nos ambientem, magnas sus-

cipere mutationes, dum Luna primum occultatur, & rursus primum apparet; nemo mortalium ignorat, maximè ij, quibus hoc studij est, agricolæ, & nauaræ, qui statum aëris tunc vocant, cum Luna primum apparens, secundum aliquem ventum stet. Quamobrem Aratus quodam loco verissime scribit de Luna, vbi primum post coitionem apparuerit, hoc modò, inquiens.

*Cynthia si cornu, quod se sustollit in aërum  
Incuruum specie, velut annuat adfore cælo.  
Sæua procellosi prædicet stabra Aquilonis,  
Rursus eo veniet pluujs Notus. Hanc ubi  
partem*  
*Pone supinari conspexeris, hinc reclinem.  
Sponte habitus. Verum, si lumen tertius ortus  
Proferat, atque Deæ conuoluat circulus oras  
Suffusus rutilo, mox tempestate sonora  
Spumosum latè pelagus canescere cernes.*

Quin etiam hæc in eodem libro scribit:

*Non unum deprehensa diem sibi signa lo-  
quuntur: mox præterea  
Sed, quæ signa nouo dederit, nox tertia motu  
Quartæve, sustollit medius, dum Cynthia  
vultus,*

*Durabunt cælo: medio qua edixerit ore,  
Altera prouisa signantur tempora Lune.  
Illa dehinc, donec germani luminis ignes  
Accedat Phœbe, mensis postrema notabunt.*

Non ad omne tempus, quod ab initio est, vsque ad finem primæ apparitionis signa sufficere ait, sed dichotomos, & plenilunij mutationes quasdam afferre. Omnis autem velox mutatio, crisis appellatur. Et statum quidem in Luna falcata potissimum dicunt, deinde ad plenilunium transferunt, similiter vocantes; Hoc enim validas vires etiam obtinet: hoc autem, imbeciliores quidem sunt, semilunares stationes, Attamen, & hæc quoque, de aëre decernunt. Quare menslem à Luna immutari secundum septimanas iam est perspicuum. Quod autem aliarum res vniuersæ, inde quoque mutantur, omnibus non perinde constat, sed ijs, qui huiusmodi accuratè obseruarunt, inconfessum est. Adhuc post seminis conceptionem, omnis imprægnatio, insuper nihilominus hoc, & post partum adauetio. Item omne actionis initium magnas alte-



alterationes in septimanos circuitus, obtinet quæ namque quotidie omnibus, quæ subsistunt, incidunt, horum causam Luna habere obseruata est, maximeque Tetragonis, & diametris stationibus, ea immutans. Nam si Luna in Tauro existente, semen concipiatur, vel partus, vel omnino alterius cuiusdam principium, contingerit; magnas eius mutationes faciet, quauis signiferum percurrans in Leone, Scorpio, & Aquario fuerit. Verum in Leone tetragonos, id est, quadrata, statio septimanæ vnus existit: in Scorpio diametra, duas septimanas habet; ita quoque in Aquario, secunda quadrangularis statio in tertiam septimanam procedit, idque necessario; quod Luna, sicut ante diximus vicienis diebus, septenisque, & particula quadam adiecta, maxime tertia diei parte, vniuersum signiferi ambitum peragis, si namque in toto tempore totum orbem pertransire oportet, constat quartam ipsius partem in septem prope diebus eam expedituram. Propterea huius rei admodum meminisse, ad futura conuenit: nempe Lunæ transpositionem tetragonon, non diebus septem integris circumscribi. Hæc quidem generatim de Luna Galenus, sed eodem libro capite secundo addit.

Omniū certè superiorum Astrorum potentia fruimur: verum qui maxime hunc orbem exornat, & concinnat, & disponit, est Sol, quippe veris, & æstatis, autumnus, & hyemis auctor, alius nemo est: nec alius tam manifestò, vel ex terrestri limo, animalia generare potest, neque fruges maturare, neque ad coitum, & generis propagationem animantia prouocare. Magna sanè, & Lunæ opera in hanc rerum substantiam apparent, verum Solis effectibus posteriora. Etenim menses hæc perpetuò disponit, idque euidenter adeò, in marinis animalibus; quamquam & hoc ipsum Solis beneficio habet; nouum enim ipsa lumen sortitur, cum Sole primum fruitur: Tanta verò eius portio semper illuminata est, quantum Sol aspicit: prorsus autem deficit, lucisque expers redditur, vbi terra suo interuentu ipsam obtenebrat. Quapropter ut illa distat à Sole, omnes mutatio-

nes suscipit, etenim plena est cum diametra est: aqua portione diuisa, seu semilunaris, & dichotomos, cum quadrangula: Vtriusque gibba, cum triangula: & falcata speciem refert; vbi sexangula est: atque tunc primum noua est, cum post Solis congressum apparet; obscura omnino, cum Solis lumine circumuallatur. Igitur fructus auge, incrassatque, animantia implet: adhuc menstruorum tempus mulieribus conseruat: Item comitialium circuitus custodit, indeque Solis plus, vel minus participat, Omnia siquidem, quæ facere nata est, vbi falcis figuram repræsentat, languida sunt; valida omnia, cum plena fuerit. Quapropter & fruges interea auge, maturatque celerrimè, mortua corpora putrefacit, somno sopitis sub eius lumine, vel aliter diutius immoratis pallorem, & capitis dolorem conciliat. Ut igitur Luna Solis auxilio in omnibus indigeat: ita Sol ad nullam rem maximam, vel alterius cuiusdam astrum, vel ipsius Lunæ operam desiderat, à nullo enim impeditur, quominus æstatem faciat, cum in vertice nostro constiterit, aut frigus adducat, si humilis feratur; aut æquinoctium vtriusque disponat, si mediocriter obliquus sit. Sed ipse veluti Rex quispiam maximus est, Luna verò, ut Hyparcus (quasi sub Principe dicas) non exiguus. Inter illum enim, & nos media constituta, terrestrem regionem meritò gubernat, non potentia cæteros planetas, sed vicinitate exuperans. Huius rei gratia omnino frigus locum nostrum occupat, cum Sol ad hyemales plagas declinauerit; tunc calor omnino nos exercet, vbi supra verticem nostrum, aut prope ipsum fertur. Luna vel particulares cuiusque mensis dies disponit, parum mutationis facultatem habens, eamque non simpliciter ex se, verum ex Solis aspectu consequitur.

Hæc verbosè satis, & Græcorum more Galenus, sequitur & capite tertio his verbis. Vehementiores itaque mutationes eueniunt, vbi ipsa cum Sole coit. Insuper in apparitionibus plenilunij, minores his contingunt dum dichotomos, seu dimidia apparet, imbecillæ, dum vtriusque



utrinque gibba, & falcata videtur. Nam validissima eorum, quæ prius erant, mutatio committitur, dum Luna cum Sole coit, ac eius lumine circumuallatur, quippe quæ prius apparebat, nunc nulli conspicitur. Deinde diametra Lunæ statio tanquam distinguens, in binasque partes secans contrarias maxime Lunæ dispositiones, aliarum omnium est validissima: quæ verò incrementorum diminutioni maximè sit contraria dispositio, ostendere non est opus. Deinde post hunc congressum, & plenilunium, duæ dichotomi, medium utraque secans augmenti tempus, prior, diminutiones altera. At omnium extremæ imbecillæque aëris nos ambientis conuersiones in falcatis, & utrinque gibbis apparitionibus fiunt; magis autem in utrinque gibbis: nulla siquidem in eis magna mutatio, sicut in falcatis apparet. Quare nec Aratus malè ipsas neglexit, tanquam imbecillas existentes, conuenitque eos laudare, qui de eis scripserint, tanquam ne vel minimum quidem, omittentes. At in plenilunijs conuersiones, & his adhuc magis in congressibus proprium hoc præter cæteras habent, illa siquidem celerissimas statim mutationes faciunt: congressus vero inæquales, & diurnos, quid autem ante Lunam apparentem manifestò pronuncies, non est. Longum autem hoc tempus occultationis est, integri ferè signi spatium explens, mutationem verò ex incremento ad diminutionem, pûctum exactè definit, liquetque hoc Lunam momentaneo tempore pertransire. Itaque verè celeres plenilunij mutationes sunt: diurnæ coniunctionales: nam occultationis tempus sibi ipsi simile est, & primæ apparitionis tempus occultationi vicinum est; tum, propter paruitatem eius particulæ, quæ de tota Luna apparet, tum ob luminis imbecillitatem; tum ob breuitatem temporis, quo supra terram fertur. Pergit etiam, capite quarto, & ad rem propius accedit.

Tuta, inquit, crisis euadet, cum in toto mense status in secundo die accedit, quo primò, & manifestò Luna, & longo satis tempore super terram iam apparet, &

lumen sensibile de se emittit, adhuc vmbra euidenter ostendit. Primus autem dies tandiu Lunam supra terram vagantem habet, quandiu is adhuc quoque Solis lumen, quod post occasum est, retinet. Quare in hoc Luna simul cum Solis lumine occidit, sæpe verò & prior est occidua: Primùm verò manifesta in secundo die, nunc quidem magis, nunc verò minus, atque hoc ei accidit, tum longitudine à Sole recessus; qui ob peculiarem Lunæ motum fit (non enim ex æquo semper mouetur,) tum propter signorum occasum, non æquali tempore euenientem; insuper ob præteriti congressus tempus. Vnde non semper vnum tempus est, quo clarè Luna conspicitur, sæpissime autem triduo, in ortu Solis remorata, planè inuisibilis est, quonondum hæc terrena immutare potest; & quodammodo tempus est, tum peculiaris eius circuitus, tum in nos actionis, in idem recidit, etenim circuitus vicenis diebus, septenisque, & tertia fere diei parte peragitur, in tanto enim tempore signiferi circulum percurit, ut quo nobis lucefcit circuitus, quod is quoque eidem conueniat, numero planè intelliges; si occultationis tempus de toto menstruo eximas: quod autem menstruum tempus non omnino triginta diebus constet, sed minus vnius diei ferè dimidio, Hyparchus integro vno libro demonstrauit, quin & vulgus iam propè vniuersum nouit mensium, alium, quem *καλλόν* Græci nominant, quasi mutilum & imperfectum, dies viginti nouem continere: alium nempe absolutum, triginta; Nam vniuersos amborum dies quinquaginta & nouem esse oportet, si quidem uterque omnino triginta minus dimidia diei parte continet.

Rursus capite octauo: Neque inquit septimi, vel quarti numerus, crisis auctor est, sed quòd Luna innouante, & immutante terrena motuum quoque circuitus, ad hos principes numeros venire contingat, meritò in ipsis, tanquam stata alterationum tempora, inueniuntur; quippe non à numeris, sed à Luna mutationes terrenis adueniunt; at cum iam motu mutans consistat, tempus mutationibus



tionibus necessariò coniunctum est, quare etiam numerus necessariò. Non igitur, quòd omnis par numerus foemina: impar masculum referat, acutorum iudicia, imparibus diebus accidunt; neque enim impar absolutè pari fortior est, neque si fortior, ideo foemininus, imbecillior, neque si foemininus quidem hic, masculus aut alter sit, acutos morbos in masculinis numeris iudicari: diuturnos in foemininis, rationi consentaneum est. Omnia siquidem, quæ de numerorum virtute nugantur, tam facile absurda esse deprehendimus, ut mihi subinde mirari iubeat Pythagoram illum sapientem virum, numeris tantum tribuisse. Atque nunc aduersus ipsos etiam, nobis nugari non vacat, nam satis est ad rem institutam terrena Lunam, alterare, & in septimanis potissimum, magnas parere mutationes: postquam quaternionibus exiguas: adhuc crifim accessione plurium indigere. Item accessiones tertio quoque die, in morbis acutis euenire; his etenim subiectis acutos morbos, in imparibus diebus magis, ad iudicium tendere necessitas erit; huius rei gratia Tertius, & Quintus meritò decernunt, non ex Lunari circuitu, decernendi potentiam sortiti, sed vel quod ob violentiam accessions, tertius crifim quarta die futuram præuertat, vel (& per Iouem) quod natura, dum quarto die, lassæ, nec incitata conquiescit: quapropter ad iudicium commoueat; nam hic vero decretorio tardius venire, tertius paulò magis anticipare conspicitur, atque ambo crifim obtinuisse, quod vicini ambo verè decretorio accessiones susceperint. Jam verò, & nonus inter duos decretorios septimum, & vndecimum medius, vel non factum in septimo die iudicium, vel vndecimo futurum, ipse sibi vendicat; rariùs quidem septimi, sapius vndecimi crifim assumit, etenim septimi diei propria crifis, non ad nonum (modo pauci errores commissi sint) vnquam peruenerit. sed hoc libris de crifibus declarauimus: Vndecimi verò è contrario diei, cum & exactè omnia gesta sint; & violentia noni diei accessio inuadat. Porro iudicia in huiusmodi diebus, pro-

pter accessionem vehementiùs incidere clarissimè demonstrat, quòd videlicet in diuturnis morbis non similiter eueniunt; sicut enim accessionum vehementia, ita dierum quoque coincidentium numerus in illis exoluitur: sic quoque accessions vehementia crifim, quam statò tempore fieri compellit. Quare in omnibus ferè diebus, per acutos morbos iudicari videre licet, quoniam vltimus ipsorum dies decretorius est septimus; & ante hunc, non quartus modò; sed & tertius, quintus, sextus aliquando decernunt.

Iterum capite nono. Cur autem vigesimus primus, multò magis vigesimus decemiat, explicabo. Primum, quoniam huiusmodi morbus diuturnus iam est, ipsas accessiones dies pares accipiunt; deinde quod septimana non integris septem diebus constat, nouit hoc quoque Hippocrates, cum enim dixisset, in opere prognostico; hi verò ex acutissimis morbis per quatuor in viginti ex additione perueniunt, his subiungit. Verùm huiusmodi supputatio, per integros dies, nimirum fieri non potest; quippe cum, nec annus, nec menses ipsis integris diebus numerari possint; ut igitur annus ad 365. dies particulam diei maiorem quarta, adiectam habet: tum mensis ad 30. dies absoluendos, vnus dimidium desiderat: sic & septimana, sexta diei parte, ut septem integros habeat, indiget; quamobrem fit, ut tres septimanæ non vnum, & viginti dies integros, sed minùs ferè tota dimidia, parte vnus consequantur; ob quod etiam numerus huiusmodi, non magis 20. quam 21. diebus vicinum vtrique parti conuenire videas, nam cum totus lunaris circuitus 27. diebus, & adhuc tertia vnus parte absoluitur, ideoque septima quilibet septem diebus minùs flexilante constet, tres septimanæ viginti dies, & dimidium habebunt. quoniam igitur vigesimus exactam periodum propinquam sibi vendicat, tales iam morbi inueterascunt, & accessiones paribus diebus accipiunt; quorum vero accessiones in imparibus eueniunt, horum & iudicia ad 21. delabuntur. Non solum autem

Lunæ



Lunæ circuitus, sed & menstruum tempus apparitionis virtutem quandam, in nos possidet, ut prius docuimus. ipse enim signiferi circuitus accommodatissimus est vniuscuiusque rei proprijs principijs: menstruale verò tempus, quo Luna conspicitur, ambientem nos aerem immutans, omnibus ex æquo hominibus communem effectum ostendit; demonstratum est autem, & hoc tempus 27. dies propemodum continere, ideòque septimana eius minor adhuc prius dicta merito euadet; siue enim à 30. tres illos, qui circa coitionem sunt, dies, in quibus nihil adhuc de aere decernitur, auferre cogites: siue à 29. dimidio, reliquum tempus, quo Luna manifestum de se lumen præbet; priori modo 27. dies, altero 26. & dimidium habebit: quomodo ergo mutationes corporibus nostris accidere diximus, quasdam proprias, quasdam communes, proprias, quæ tanquam ad propria principia spectent: communes, quæ ad communem ambientis vsum.

Addit cap. 6. eiusdem libri, facere ad rem, quo quisque sub cœli statu, & sub quibus stellis ortus, aut procreatus sit. Pingamus enim, inquit, homine quodam nascente, salutes planetas in Ariete, malignos in Tauro esse; is cum Luna in Ariete, in Cancro, in Libra, Capricorno fuerit, pulchre deget: cum verò Taurum ipsum, vel tetragonum aliquod, vel diametrum signum occupat, male tunc, & molestè vitam transiget: atque morborum initia huic, cum Luna in Tauro, Leone, Scorpio, Aquario fuerit, pessima: sine periculo autem, & salutaria sunt, cum Arietem, Cancrum, Libram, Capricornum Luna permutat. Adhæc alterationes magnas, quas in tetragonis, & diametris per septimanas fieri diximus, in lethalibus quidem morbis lethales & ipsas, in salutaribus bonas euenire necesse est. Hæc ille.

Crediderim equidem Galenum his locis Astrologorum placita describere, voluisse, nihil propria sententia contituisset, vix enim adduci possum, ut credam clarissimum Medicorum magistrum ad prima Medicinæ, & Philosophiæ principia offendisse, adeoque allucinatam

fuisse, ut neque cum experimento, neque secum consentiat.

Primum quidem per nouilunia minimas à Luna concitari mutationes scribit, libro 3. cap. 4. Sæpiissime autem, inquit, triduo in coitu Solis remorata, planè inuisibilis est, quo tempore nondum hæc terrena immutare potest. Et cap. 9. eiusdem libri. Quamuis Luna 29. diebus, & dimidio conficiat orbem, viginti & septem diebus menssem lunarem constare, non 29. & dimidio, & vigesimum septimum diem esse, decretorium, non 29. propterea quòd, detractis tribus diebus, quibus Luna cum Sole coit, quibus nullas ferè vires habet, 27. dies supersint, quibus illa inferiora commouere solet.

At contingit quam frequentissimè, ut dies morbi septimus, decimusquartus, vigesimusprimus, vigesimusseptimus, quæ sunt maximè critici, incidant in 28. aut 29. Lunæ. Crises, igitur, quæ his diebus contingunt, non fiunt semper Luna auctiore. Rursus euenit sæpiissimè ut septimus, decimusquartus, vigesimusprimus, vigesimusseptimus Lunæ, quibus illa maximos his inferioribus ciere solet motus, incidant in 6. diem morbi, quo Galenus scribit, nunquam contingere salubrem crism, quam ergo habet crisis cum Luna consensionem?

Quid illa mediocriterne pugnant, quæ capite quarto tradit, non æquali semper temporis spatio, in coitu cum Sole, Lunam delitescere, sed interdum diutius, interdum minùs diu, cum ijs quæ capite nono ait, perpetuò, ex mense Lunari, detrahendos esse tres dies occultationis; ideòque semper vigesimum septimum, nunquam vigesimum octauum diem esse criticum?

Quàm præclarè nugatur capite octauo; Tertium diem aiens esse decretorium; quia futuram, quarto die, crism præuertit; Quintum quia eiusdem quartæ diei crism remoratur; Vndecimum magnas obtinere vires, ex eo quòd medius inter 7. & 14. non quòd per se decretorius sit: Rursus nonum criticum esse, quòd inter duos decretorios per se 7. & 11. medius sit, & quòd vndecimi, aut septimi



septimi diei crisi sibi vsurpet. Cur vnde-  
cimus non vsurpat potius iura noni?  
Cur octauus non vendicat sibi crisi sep-  
timi? Cur duodecimus, quem nunquam  
esse decretorium scribit, non assumit vl-  
lius alterius vim, & potestatem?

Adhuc, aut vis fieri crises per dies  
septenarios, ex eo, quod per septem dies  
Luna conficit quartam Zodiaci partem,  
quæ solet esse ratio earum mutationum,  
quas tu ipse capite quinto refers, ex  
Arati, & agricolarum obseruatione? Hoc  
perpetuum esse nequit, cum non omnes  
ægotare incipiant in nouilunijs, vt sep-  
timus morbi dies in septimum diem Lu-  
næ, & decimusquartus morbi in deci-  
mumquartum Lunæ incidat: sed contin-  
git criticos morbi dies, in quemlibet  
diem Lunæ incidere, vt supra dicebamus.

Præterea ad quartas Zodiaci partes  
non semper Luna peruenit, ita quo-  
dam ac definito die, sed modò tardio-  
res, modò velociore habet ad zodiaci  
signa recursus; qui itaque sit, vt status,  
& certus sit semper septimus morbi  
dies, qui tantopere commendas?

Aut vis septenarius dies, & criticos  
numerari non à nouilunio, sed ab initio  
morbi, quod velle videris, cap. 5. & 11.  
tunc enim solent morbi, & humorum  
materies esse ita affecta, vt ad crisi al-  
quam commodè commoueri possit à  
Luna: At septimus dies à morbi princi-  
pio, & materię preparatio cadere potest  
in tempus, quo Luna est falcata, & quan-  
do feriari ais, nihilque in his inferiori-  
bus agere: incidere potest in tres dies  
nouilunij, quando nullas Lunæ esse vires  
doces cap. 3.

Deinde vigesimus dies sine dubio cri-  
ticus est, & multorum quidem senten-  
tia, & tua in primis, magis criticus,  
quam vigesimus primus: At vigesimus  
nullo modo pertinet ad septimos dies  
Lunæ. Quod porrò scribis lib. de diebus  
criticis, c. 9. Lunam conficere quartam  
Zodiaci partem, septem diebus, sed non  
integræ, ideo tres quartas non absolue-  
re vigesima prima die, sed vigesima cum  
dimidia; euerit totam dierum critico-  
rum structuram: nam neque 20. neque  
21. essent decretorij, deficiente alteri

media diei parte, in altero redundante;  
Neque 27. sed 26. criticus dici deberet,  
contra omnia Medicorum tabularia, con-  
tra quotidiana experimenta.

Postremò. Quoniam ais interesse quo  
quis genitus, vel ortus sit horoscopo, &  
illum, qui in ortu malignas habuit stellas  
in Tauro, benignas in Ariete, melius ha-  
biturum Luna existente in Ariete, quàm  
in Tauro: faciamus duodecimo die mor-  
bi Lunam decurrere signum salutare,  
erit etiam decretorius dies duodecimus,  
quem negas vnquam fuisse decretorium.

Misum facio Galenum, qui Astrologo-  
rum potius doctrinam ijs libris de die-  
bus decretorij, quàm suam descripsit,  
maluitque aliorum referre sententias, quàm  
suum iudicium in re grauissima interpo-  
nere; in quo laudanda magis est viri mo-  
destia, quàm ridendi lapsus, & errores.

Venior ad Astrologos, Bellantium præ-  
sertim, & Gauricum, qui ab exordio  
morbi, non à coitu Lunæ cum Sole dies  
numerandos docent, quibus humores à  
Luna commouentur.

Aut Luna huiusmodi vim, quæ humo-  
res exagitat, ex se habet, aut ab altero,  
putà loco, aspectu syderum, lumine. Si  
primum placet magis; Cur decimasexta,  
Cur octaua die, non idem præstat, quod  
vndecima, decimasextima, vno ver-  
bo: Cur vnus dies potius, aut magis  
criticus est quàm alius? An dicent quouis  
die Lunam ex se mouere posse humores,  
illos verò non esse semper huiusmodi  
commotionum capaces; vel quia crudi  
adhuc, & perulcaces sunt, vel quia non  
sunt ritè parati? Nihil ad rem: hoc ipsum  
querimus, Cur septima die materia sit ita  
affecta, vt moueri possit, octaua non item?  
Hoc est quod disputamus, à quo præpa-  
rentur humores in septimum diem, in  
decimūquartum, in vigesimum; Cur ab  
eo, à quo disponuntur, commoueri etiam  
non possint? cur exigant præterea Lunæ  
impulsum?

Si alterum sequuntur libentiùs, aliun-  
de eam vim Lunæ aduenire, non semper  
Lunam propellere humores, sed aut quā-  
do est in certo loco, aut quando modo  
quodam se habet ad reliqua astra, vel  
quando tanto lumine à Sole completur,

D      Facia-



Faciamus hodie corripere febrem Platonem, cras Socratem, postmodum Aristotelem; & sit idem genus febris: manifestum est octauum diem, qui Platoni non est criticus, Socrati esse criticum; nam qui undecimus dies est Socrati, Platoni est duodecimus, quem Galenus nunquam se vidisse criticum testatur: unde necessarium sequitur eidem Lunæ, in eodem signo existenti, eandemque cum reliquis astris positionem tenenti, simul inesse vim criticam, ut ita loquar, & non inesse. Inesse quia Socrati auctor est crisis, & diem præstat criticum: Non inesse, quia Platoni diem duodecimum efficit, qui nunquam est criticus. Pudetne adhuc Bellantium, & Gauricum Genethliacæ suæ? Dicent fortasse, quamuis Plato, & Socrates eodem morbo laborent, non eodem tamen die fieri crisin in amobus; quod eiusdem morbi non idem sit modus, & gradus in utroque, nec utriusque humores eodem tempore, ad eam proficere temperationem, quam Luna commouere solet ad crisin: Id verò ita paulò antè euertimus, ut constare nullo fulcramento possit. quando enim de criticorum dierum causa instituitur disputatio, non suscipitur ludicra disquisitio; sed queritur, quæ sit causa, ut quibusdam diebus foelices eueniant crises, & de statu morbi ferri possit iudicium: in alijs crises sint insalubres, & de morbo nihil certò constitui possit. hoc verò si oritur ex humorum præparatione, concoctione, & dispositione; causa ceciderunt Astrologi. Causæ enim præparantes, subigentesque rebelles humores, sunt ratio dierum criticorum, non Luna. Præterea, quæ causa præparat humores ad crisin, eadem expellere potest, & debet sine Lunæ auxilio: Natura ipsa, inquit, Galenus lib. 3. de diebus decretorijs cap. 8. est alienorum expulserix, quemadmodum in opere de naturalibus facultatibus, antea demonstratum est, tempus autem expulsionis, post finem alteratoriæ facultatis est; tunc enim functionem obire, omnibus secundum naturam absolutis, ostendebatur, cum illa ab actione defierit. Non Coelum, non Astra, non Luna, sed natura concoquit,

subijcit, disponit humores noxios: natura itaque, non Luna expellere eos debet, & excernere.


At perspicue dicet aliquis hæc sanè disputata sunt; sed si Luna non est dierum criticorum auctor, unde tandem eorum causas eruemus? Non id agimus in præsentiarum, ut horum dierum causas aperiamus. Aduersus Astrologos disserimus, quibus, si probatum fuerit, non posse è Luna, & Astris criticorum dierum probabilem haberi rationem, abundè, cumulateque instituto nostro satisfactum erit.

Verum ne quis iure meam desiderare possit sententiam: Mihi vero simile fit, id nasci ex natura, & temperatione humorum; quatuor enim in humano corpore aluntur humores, Atra, & Flaua bilis, Phlegma, & Sanguis, in quorum certam quadam proportionem, & temperie sanitas sita est: vno aliquo plus æquo redundante, morbus existit, & ægrotudo. Inter hos humores illud intercedit haud paruum discrimen, quod alij celerius, tardius alij, & agunt & patiuntur. Hinc quotidianæ febres, Tertianæ, Quartanæ, Ex quibus posteriores, sicut rarius recurunt, ita maximè sunt diuturnæ; quod Atra bilis, quæ dat febres quartanas, agendo segnis sit, & resistat contrarijs validissimè, ac diutissimè, aliæ verò quæ humoribus minus peruicacibus continentur citius soluuntur. Hinc criticorum dierum ratio dilucescit; agunt enim inuicem humores in omni morbo, & patiuntur; adeoque interdum agendi, patientique vires æquantur, ut nullus contrarium subijcere, aut loco pellere queat. Sed tandem sensim sine sensu vnus debilitat alterum; quæ pugna in septimum, in decimum quartum, in vigesimum, in vigesimum septimum diem distrahitur; quod ea sit proportio inter agens, & patiens, ut nec illud prius debellare possit contrarium; neque hoc, cum firmum, & validum sit, antea frangi pellicque queat. Cur queris dierum criticorum rationem? Ratio est, proportio agentis, & passi, quæ ita affecta sunt, ut intra certum tempus sustinere pugnam possint, ultra non possint: vbi verò qui morbo fomitem præbebat



bebat humor castigatus, & subactus ab alteratrice facultate fuit, vt Galenus ait, à facultate exultrice, qua nimirum viuentia noxia omnia excernunt, quod putridum, ac corruptum est feceritur, & eiicitur.

Expectas exemplum? Do libenter. Tertiana exacta, inquit. Hippocrates sect. 4. Aphorif. 59. in septem circuitibus ad summum indicatur. Cur ita? quia humor ille tertianæ, talis est naturæ, vt non possit diutius perdurare. Quartana vero quæ humori magis perniciaci adhæret, non potest adeo breui tempore solui. Hinc Hippocrates sect. 4. Aphorifm. 53. Ex eo quod viscosa, & crassa materies, circadentes, & os ægroti inueniatur; febres fortiores, & morbos magis perniciaces esse colligit. Cur quæso te, alia febres tertio, alia quarto, alia quinto, alia septimo, alia nono quoque die recurrunt? Nonne ex natura humorum id nascitur, auctore Hippocrate lib. 1. de morbis popularibus? quidni igitur ex eorundem natura, & constitutione oriantur Crises, & salutare, aut insalubres excretiones? Non est meum hæc pluribus explanare, nec ad propositam disputationem contra Astrologos pertinet, hæc subtilius limare: habent, quem consulere possunt, Hieronymum Fracastorium, libro de diebus Criticis, qui hæc explicatis cognoscere cupiunt.



## CAPVT XX.

## De pestilentia, &amp; morbis popularibus.



CRIBIT Fernelius lib. 2. de abditis rerum causis, cap. 12. & 13. pestilentiam, & morbum omnem acutum, æstu immoderato, excandescere: cumque morbus larè vagatur in omnes, seu plures provincias, eius causas non posse referri, nisi in pestilentem vim syderum. Item, quando morbus genus quoddam ani-

mantium; putà, boues, capellas, oues, non alia inficit, originem ducere non posse, ab aeris putredine, quando eadem afficeret genus omne animalium non vnum solum. Ideo ab occultis Astrorum viribus illum deriuari.

Mihi verò nondum demonstrauit, hæc varietates, ex causis sublunaribus oriri non posse; quid enim prohibet, omnium vnus generis morborum popularium, seu Epidemiorum vnā al. quā primarum qualitatum esse causā? quid prohibet secundam aliquam qualitatem ex primis ortam, auctorem esse huiusmodi morborum? An quia non semper animantibus omnibus morbus est communis? At multæ sunt rerum abditæ vires, quæ afficere non solent, nisi ea corpora, quæ sibi certo quodam modo, ac temperamento respondent; non enim vnus causæ vis idem semper efficit in quolibet subiecto; quod antea cumulatius disputatum est. Itaque fieri potest, vt huiusmodi vis desinuat, non in omnes, sed in eas animantes, quæ ab ea pestilenti vi apra sunt infici: Nam interdum sub eodem putri cælo (vt ita dicam) degunt plurimi, quorum aliquos ea tabes afficit, alijs innoxia est; non aliam sanè ob causam, nisi ob temperamentorum diuersitatem. An quia eandem lentius aeris temperiem, pestilentia tempore, quā salubri cælo? At vis hæc est occulta, nec sentitur per se, sed per effectus: sic enim magnetis vim non animaduertimus in aere, sed ex ferri motu. Vnde sic, vt saeuiente morbo, non percipias spiritus, qui afflantur è putridis corporibus, sentias tamen morbum inde deriuatum: Inde nascitur, vt non sentias putre cælum, quod pestilentia tempore saeuit. Sicut itaque pisciculus, vt supra vidimus, stupefacit piscatoris manum occulta nescio qua, & nusquam apparente vi, nisi in manu piscatoris. Ita aer pestilent æ tempore occulta quadam vi tabefacit mortales, quæ nusquam apparet, nisi vbi

— — — Tabida membris

Corrupto cæli ætæu miseraudaque venit  
Arboribusque sanisque lues, & lethifer annus.




# IN ASTROLOGOS CONIECTORES LIBER SECVNDVS.

*De conceptu, & foetu.*

## CAPVT PRIMVM.

*Astra non animum, sed corpus afficere, si afficiunt.*



YDERVM potestates, quibus foetus afflatur, aut imbuitur, si quid possunt, id summum esse; vt corporis temperamentum variè cōmutent, ipsi quoque

Astronomi profitentur: per se enim non attingunt animum, sed corpus; quin & corporis substantiam constat ab ijs non immutari per se; Ea itaque, quæ substantiæ accidunt, Astra perstringunt, si quid tamen efficiunt: in quibus principem locum, & qui latissimè pateat, obtinent ea, ex quibus, vel totius corporis, vel singularum partium temperamentum coagmentatur. Ex quo postea nonnullæ animorum propensiones existunt (nam & animum corpus, & corpus animus solet permouere) ex quibus anticipare se animo Planetarij affirmant cuncta, quæ cuique in omni vita euentura sunt, Quare Ptolemæus lib. 1. de Iudicijs Astronomicis, cap. 4. & 8. Astrorum errantium, &

inerrantium vires diligenter persecutus, vniuersas in calido, sicco, humido, frigido, cæterisque, quæ ex his primis fiunt, collocat, quæ ad corpus, & corporis temperamentum pertinere planum est. Et cap. 2. cum instituisset probare aliquam esse syderum vim, & efficientiam, non aliunde id efficit, quàm ex seminum, animantium, cæterorumque corporum quotidianis mutationibus; quas à cælo fieri contendit. Atque, vt planè intelligeremus corpora esse, quæ syderibus obnoxia primò sunt, Animos autem, non nisi, quia pendere solent à multiplici corporis constitutione; subdit, Astronomus propriæ singulorum constitutionis generalem cognitionem habeat collectam, à statu circumstantis cœli, veluti corpus alicuius tale esse, talem autem animum, quæ etiam consequitur casuum singularem præuisio, nempe, quòd talis cœli status, tali constitutioni aptus sit, & conducat ad prosperitatem; talis verò contrarius, & in aduersa impellat.

Audia-



Audiamus & Theologos, immò Theologorum principem sanctum Thomam, 1. parte, quæst. 115. art. 4. quo inquit Vtrum corpora cœlestia sint causæ humanorum actuum, & respondet his verbis: Dicendum, quòd corpora cœlestia in corpora quidem imprimunt directè, & per se, sicut iam dictum est; in vires autem animæ, quæ sunt actus organorum corporeorum, non directè quidem, sed per accidens; quia necesse est huiusmodi actus harum potentiarum impediri, secundum impedimenta organorum, sicut oculus turbatus non bene videt. Vnde si intellectus, & voluntas essent vires corporeis organis alligatæ, sicut posuerunt aliqui dicentes, quòd intellectus, non differt à sensu, ex necessitate sequeretur, quòd corpora cœlestia essent causa electorum, & actuum humanorum: & ex hoc sequeretur, quòd homo naturali instinctu ageretur ad suas actiones, sicut cætera animalia, in quibus non sunt nisi vires animæ, corporeis organis alligatæ: nam illud, quod fit in ipsis inferioribus, ex impressione corporum cœlestium, naturaliter agitur; & ita sequeretur, quòd homo non esset liberi arbitrij, sed haberet actiones determinatas, sicut & cæteræ res naturales; quæ manifestò sunt falsa, & conuersationi humanæ contraria. Sciendum est tamen, quòd indirectè, & per accidens impressiones corporum cœlestium ad intellectum, & voluntatem pertinere possunt, in quantum scilicet intellectus, & voluntas aliquo modo ab inferioribus viribus accipiunt, quæ organis corporeis alligantur. Sed circa hoc diuersimode se habet intellectus, & voluntas: Nam intellectus ex necessitate accipit ab inferioribus viribus apprehensiuus; vnde turbata cogitativa, vel imaginatiua, vel memoratiua, ex necessitate turbatur actio intellectus: sed voluntas, non necessariò sequitur inclinationem appetitus inferioris; licet enim passionibus, quæ sunt in irascibili, & concupiscibili habeant, quandam vim, ad inclinandam voluntatem; tamen in potestate voluntatis remanet, sequi passionibus, vel eas refutare; & ideo impressio cœlestium corporum,

secundum quam immutari possunt inferiores vires, minùs pertingit ad voluntatem, quæ est proxima causa humanarum actionum, quam ad intellectum. Ponere igitur corpora cœlestia esse causam humanorum actuum, est proprium illorum, qui dicunt intellectum non differre à sensu. Vnde quidam eorum dicebant, quòd talis est voluntas in hominibus, qualem in die inducit pater virorum, Deorumque. Quia ergo constat intellectum, & voluntatem, non esse actum organorum corporeorum, impossibile est, quòd corpora cœlestia sint causa actuum humanorum.

Rursus articulo quinto, negat dæmones subesse actioni cœlestium corporum, vel per se, vel per accidens: vel directè, vel indirectè; quia sunt substantiæ intellectuales à corporibus seiunctæ. Ita sentire debent de syderum potestate, quicumque rectè sentiunt, & de Animi immortalitate, & de libero Arbitrio: agere nimirum illa, si quid agunt, in corpus per se; in animum non nisi indirectè; & quia animus sequi solet temperamentum corporis.

Quin etiam Marcus Tullius libro secundo de diuinatione scribit hanc fuisse veterum sententiam Chaldæorum: nempe animorum mores ex corporum temperamento è cœlo hausto petendos esse. Cum anni tempora, inquit, tempestatumque, cœli conuersiones, commutationesque tanta fiant, accessu stellarum, & recessu; cumque ea vi Solis efficiantur, quæ videmus. Non verisimile solum, sed etiam verum esse censent, perinde vtrumque temperatus sit aer; ita pueros orientes animari, atque formari; ex eoque ingenia, mores, animum, corpus, actione vitæ, casus cuiusque, euentusque fingi. Et Aristoteles Philosophorum Princeps, quia animus immortalis, & impassibilis non potest ab agente corporato immutari, lib. 1. de anim. tex. 18. negat intellectum possibile moueri a sensu, vel organo corporeo, atque propterea ab intellectu agente reuocari ad actum.


At idem lib. physiognomicæ, capite 1. quòd animi mores sequantur temperationem corporis, docet his verbis; Quod

D 3 & ant-



& animæ inquit sequuntur corpora; & ipsæ, secundum se ipsas, non sunt impassibiles à motibus corporis; id manifestum fit valde in ebrietatibus, & ægritudinibus: multum namque animæ mutata videntur à passionibus corporis. Et è contrario, quod corpus compatitur passionibus animæ manifestum est circa amores, timores, & dolores, & voluptates. Amplius autem, & in ijs, quæ natura fiunt, magis utique aliquis conspiciet, quod corpus, & anima ita se habent connaturalia, ut fiant causæ plurimarum passionum adinuicem; nunquam enim animal factum, vel generatum est tale, quod formam haberet alterius animalis, animam verò alterius; sed semper eiusdem corpus, & animam. Quare necessarium est, consequi tale corpus, talem formam. Amplius autem, & scientes circa vnumquodque animalium ex forma possunt considerare, equites equos, venatores canes.

Atque hoc est totum Physiognomicæ, & Syderalis scientiæ fundamentum, ut Astronomi ipsi profitentur. Quale autem illud sit, alius erit explicandi locus, in præsentia; fundamenta huius disciplinæ patefacere solum volumus.



## CAPVT II.

*Philosophis potius, & Medicis credendum quàm Planetarijs.*

**P**HYSCI (Philosophos, & Medicos appellamus hoc nomine) digniores sunt, quàm Genethliaci, quibus adhibeamus fidem. Primo quidem: quod honestiorem, grauioremque sustinent personam; Genethliaci enim, & quia non bona fide, quod Artis suæ est exercit: id quod Ptolemæus lib. 1. cap. 2. & 1. obijcit Astrologis sui sæculi; & quia inanem, & temerariam profitentur scientiâ; & quia Reipublicæ, & Principibus maximè pernicio-

siosi sunt; semper malè audierunt; apud omnes adeoque eos suæ conditionis, ac vitæ pudet, ut non audeant, sicut Physici, publicè suam artem profiteri.

Deinde, quod Physicorum longè maior est numerus, ut in tanta multitudine, nulla cadere possit suspicio fraudis, & technarum, quibus Genethliaci ita abundant, ut nullus hætenus repertus sit hac labe immunis.

Adhæc illi proximam, tractabilem, & omnibus expositam materiam tractant, eamque varijs experimentis versant: isti verò semotissimam, & vix menti tenuiter peruisam, quæ rarè admittit experimentum; quo fit, ut illi certis exploratisque nitantur principijs; isti tenuissimis, fallacibusque coniecturis.

Præterea Astrologi nituntur experimentis veterum (si tamen facta sunt vlla Astrologica experimenta) ad illa nihil adiiciunt Recentiores; immò nec adijcere possunt, quod longissimi temporis indigeant: Physici verò, quibus paucorum dierum, aliquando etiam horarum, satis est interuallum, ad experiendum; mirum quantum proficiunt quotidianis experimentis: Et quis sit, qui, cæteris paribus, senem, & exercitum per multos annos Medicum, non anteferat iuueni, nouoque in ea arte?

Accedit eodem, quod Astrologi generales causas, quales sunt celi, & stellæ, spectant; Physici proprias, & particulares. At generales aptantur particularibus; Sol, & homo generant hominem, inquit ille, Sol, & triticum procreant triticum, Sol, & ficus efficiunt ficum; non aptantur particulares generalibus; nusquam ignis præstat aliud quàm ignem, nec frigus, nisi frigus. Illi igitur istis iure merito anteferuntur.

Præterea eorum, quæ experiendo Physici didicere, rationes etiam exquirunt, & reddunt optimas, id, quod Astronomis insolens, & lubricum est. Tandem Physicæ disciplinæ ab eximijs, & illustribus excultæ sunt ingenijs, quales penè nullum habent, quod ostentent, Mathematici coniectores. Quis enim Albumazares, Aomares, Firmicos, Gauricos, Bonatos, Alchibitios, Lepoldos, Cardanos, Bellantios,



Bellantios, Guidones comparat cum Socrate, Platone, Aristotele, Theophrasto, Hippocrate, Galeno, Auicenna, Cornelio Celso, aliisque eximjis naturæ interpretibus?

Vnico gloriantur Ptolemæo: At is in alias totus incumbit Mathematicæ partes, Genethliacas vix delibavit, idque non ex suis sed ex aliorum observationibus, breuiter timide, & hæsitanter: nec veretur fateri sub initium primi libri, huius disciplinæ imbecillitatem, ludicramque naturam.

Postremò non eos esse arbitror Genethliacos, qui cum Medicis audeant contendere. Nam, si permultas res commendat Antiquitas, Medendi artem primam omnium reperit necessitas. Si scientiam auctores illustrent; auctores medicinæ inter Deos coluit Antiquitas: Si quid auctoritatis addit honos; non alia disciplina, tot, & tam celebres honores meruit, si magni sunt, quæ summis viris magnopere probantur; hæc summos Reges, hæc Principes viros, non solum delectauit, sed etiam illustrauit plurimum. Si dignitate rem æstimamus; quid excellentius, quam tuendo hominum genus, proximè ad Dei beneficentiam accedere? Si facultate, quid potentius, aut efficacius, quam homines à certo exitio vindicare? Si necessitate; quid æque necessarium, atque id, sine quo vivere non licet? Si honestate; quid illustrius, quam seruire genus humanum? Si veritate; nullius vltus neque maior est, neque latius patet: Si compendio; Medicina nulla ars est magis frugifera.

Denique Diogenes Cynicus, cum intraretur Medicos, Philosophos, Gubernatores, hominem sibi videri omnium animalium sapientissimum, dicebat: Cum autem somniorum interpretes, coniectores, & huiusmodi inspiceret, nihil tunc se existimare inanius homine aiebat.

Sed labor longius, Cardanus ipse huic veritati aditipulatur scèl. 3. Aphorismo: Astrologi inquit vt diuinatores, pessimi homines sunt, deceptores, ac malorum morum; Philosophi naturales, veritatis studiosi, ac probi: ob hoc Astrologus tantum verax est,

ac probus; quantum in sua diuinatione, adhæret principijs Philosophiæ naturalis. Hæc Cardanus.

Hinc sic, Physicorum dogmata, & pronuntiata Astronomicis præceptionibus longè esse certiora: nec Physicis posse Astronomos fidem derogare, sed cum de re quapiam Mathematici à Physicis discrepant, Physicis potius habendam esse fidem, quam Planetarijs. Quare quando ab horum doctrina illi dissident, lapsos eos esse oportet: quando alicuius rei proximam, & idoneam causam Physici tradunt; frustra à Mathematicis eiusdem causas cælo quæri. Si quæ igitur Astronomis restant, ea solum restant, quorum Physicis nulla suppetit ratio in sublunaribus; nulla autem res est, cuius Philosophi, & Medici idoneas non proferant rationes, nihil igitur est hæc facultate magis inane. Cur cælum diuexas Astrologe, vt eius rei rationes proferas, cuius causæ suppetunt sub cælo? Si effectus habet in sublunaribus suam causam perspicuam, & manifestam, quid attinet secretam aliam, & cæcam toto cælo perquirere? Si in hoc persistas studio, evertes scientiam omnem; nam si cuiusque rei causam, quæ in promptu sit, despicias fastidiosus, & nouam aliam, abditamque quæras è cælo; aut potius cudas domitæ; poteris eadem quoque ratione, quancumque causam, licet sensibus expositam, aspernari, & exigere ignotam aliam ex Astris; ex quo fiet, vt dum notas causas fastidis, & ignoras non assequeris, omnes tollas demonstrationes per causas.

Fiet præterea quodlibet ex quolibet, in totius contemptum Philosophiæ; Nam si cuiuspiam effectus causam paratam, & aptam è proximo sumptam repudias; si tibi similis esse vis, idem in alijs petulanter præstare debes; quod si facias, nullis rebus suis, id est, proximæ, & adæquatæ, constabunt causæ, sed solum communes, & generales, nutante verò, aut potius subleuata propria, certaque causa, liberù erit, quodlibet fingere de quolibet.

Concludamus igitur, cum cælo non sit assignanda efficientia, nisi eorum, quorum nulla sub cælo causa possit ostendi;

D 4 nihil



nihil autem sit, cuius Metaphysicus, Physicus, Medicus, Philosophus, non possit proximam afferre causam; futilem, & inanem esse eam disciplinam, quam Genethliaci profitentur.



## CAPVT III.

*Ex astrorum, quæ conceptui præ-  
sunt, solo congressu nihil de  
factu posse decerni.*

**H**æc generatim aduersus Astrologorum nationem principio protulisse sufficiat. Nunc accedamus ad eas stellas, quæ conceptui præsent, vel præesse dicuntur; ostendamusque ex eorum conspectu, nihil posse de fortu certo constitui; quod cœli vires ad id parum valeant solæ, nisi aliæ quoque causæ proximæ accedant, quas Astronomi obseruare non solent; & si Medicina, aut Philosophia carent (ut carent omnes) ne possunt quidem. Nam alias etiam causas obseruandas, præter Astra docuit Astrologorū Princeps Ptolemæus, qui de hoc toto genere modestissimè disputauit, & animaduertens, se in præcipitem, & lubricam incidisse materiam, vnde quaque iubet auxilia conquiri ad prædicendum, & non in solo cœli conspectu hærendum; Nam libro primo de iudicijs cap. 2. Si quando, inquit, in prædicendo erratum fuerit commissum, ex eo usu veniet, quod subiecta exempla dissimilia fuerint inter se. Atque hæc vna est in aëris exploratione, difficultas, ad quam nulla accedit causa comperiendorum motuum cœlestium; quod autem ad Genethliaca, & alia singillatim, & particulariter compositarum rerum iudicia attinet, permulta cernere est, quæ singulares constitutiones illarum adiuent, & conficiant. Quis enim nesciat, quantum seminum diuersitas, ad proprietatem generis vniuscuius-

que momenti habeat? cùm, & hoc ipsius cœli circumfusi, & definiti omnibus terris hemisphærij ambitus opus sit, ut vires omnibus seminibus instruantur, quibus vnumquodque in sui generis effectione & informatione excellat; ut hominis, equi, & cæterorum: Loci etiam, in quibus gignimur, ne ipsi quidem mediocres mutationes afferunt constitutionibus; nam & singulorum generum seminibus propositis, ut exempli gratia humanis, & eodem in statu aeris, tamen multū diuersis in locis genitos, & corporibus, & animis inter se differre comperimus. Et, ut hæc omnia paria faciamus, ipsam tamen educationem, & consuetudinem non nihil ad vitam degendam singillatim conferre constat. Quocirca etsi vis maxima est circumfusi cœli; quod hæc omnia, quæ diximus, & ipsum in talem modum adornari; cùm illa contra in hoc nihil contulerint; tamen, nisi quis, & ipsa coniunxerit cum cæteris causis, multum turbabuntur, qui omnia arbitrari fuerint sese collecturos, ex solo superiorum motu, etiam quæ ab illis absolute non dependent.

Et infra. Atque sicut non vertimus Medicis vitio, cùm & de morbo, & de agrotantis natura sæpe percuntantur, ita etiam hac in professione, ne pigeat assumere, & genus, & regionem, & alimoniam; atque adeo non nihil etiam eorum, quæ iam acciderunt.

Rursus capite tertio. Non autem existimandum est, omnia à supernis causis, in res rectè humanas deriuari, tanquam inuiolabili, & diuino quodam edicto proposito singillatim: ita ut nulla alia vis obistere, quin illa ita grassentur; valeat. Nam ipse quidem cœlestium, corporū motus sempiternus est, & procedit diuino, & inuariabili ordine, ac lege: Inferiora autem, mutationibus subijciuntur, de superioribus quidem, & primis causis: sed accidit hoc illis per consequentiam legis, & ordinis naturalis, & variabilis.

Iterum infra. Quod ipsum, inquit, animaduertere est, similiter geri in omnibus, quibus naturalia sunt principia; Nam, & saxa, & gemmæ, & animantes, atque



atque insuper etiam vulnera, & morbi, & ægrotudines; partim necessarias habent effectiones; partim ex eo, quod contrariam habent effectiorem, dependent. Atque ita existimare par est, naturæ studiosos prædicere hac scientia euenturas res hominibus, non inaniter quandam opinionum ingredientibus; quæ enim habent multas, & ingentes effectiorem vires; euitari non possunt, cum aliis, quibus illud non accidit, facile conuersiones admittant. Hoc modo, & Medici, si qui in notandis morbis exercitati sunt; planè prævident, qui lethales sint, quique curabiles. De his igitur, quæ mutationibus obnoxia sunt, ita audemus differentem Genethliacum: ut si, verbi causa, talem orationem habeat, quoniam talis est, de qua loquor, constitutio, fiet si proprietates aeris tali modo conuertantur, magis quidem, aut minus ad subiectas congruentias, ut illinc talis quispiam morbus existat, eodem modo & Medici prædicunt de vulneribus, vel ut serpant, vel ut putrescant; similiter & de metallis exemplum dari potest; ut si quis doceat lapidem Magnetem, id est, Herculeum, ferrum ad se trahere; nam quemadmodum horum vtrumque per se tendit ad rectam viam, à qua primæ illius naturæ, vita petitur, si relictum sibi sit, ignoratione contrariæ affectionis; sed si Medicinam contrariam vulneri apposuerimus, neque illud iam serpet, neque putrescet: neque lapis Herculeus illi succo, ferrum trahet; sicut igitur hæc obstitunt, & contrarias effectiões inducunt naturaliter, & fatali lege; ita in his quoque rebus fit de quibus loquimur; ignorata enim, aut præuisa quidem, sed neglecta tamen, ea, quæ hominibus euenire debeant, haud dubie seriem illius primæ naturæ sequuntur: præuisa autem & sortita curam naturaliter & fatali etiam lege, aut auertuntur penitus, aut leuiora efficiuntur.

Hæc Astrologorum Magnus Magister, nec vllum cæterorum puto ita desipere, ut adimat cæteris rebus omnibus infra Lunam positis vim omnem, & efficientiam, negetque ignem stuppæ

applicatum comburere, aut sicum producere ficos, equam procreare equum, homines scribere, vel ambulare, contendens à solo cælo hæc omnia præstari, cessantibus nihilque agentibus causis sublunaribus.

Quo constituto, ut aliquid fiat, non satis esse cæli vim, & efficientiam; sed requiri præterea sublunarium causarum operam: manifestum est, quoties pluribus causis opus est, ut aliquid fiat, earum vna si desideretur, vel impotens sit, non posse quod agebatur, perfici. Hinc monstrorum informitas, corrupto principio aliquo, ut ait Aristoteles lib. 2. Physicorum tex 83. & lib. 4. de generatione animalium, capite quarto. Hinc animalium sterilitas ex Patris, vel Matris vitio, ut idem explicat lib. 7. de historia animalium, capite 1. 2. & 3. Hinc non semper positis, scientia, & appetitu sentiente, sequitur in homine motus ad locum, nisi accedat etiam voluntas, ut docet idem lib. 3. de anima, tex. 46. Hinc non quoties vigil est sensus, & expedita mens, fit intellectio, nisi adsint, & phantasmata, sine quibus intelligimus nihil; ut idem declarat ibidem, tex 39. Hinc causarum, quantum vna ab altera dependeat, in opere quoque, numerus repugnat infinitus; deesse enim prima, qua sublata, nihil efficienter reliquæ, ut idem disputat lib. 2. Metaphysices, texu quinto.

Denique ne fiat inductio prolixior, pugnantia sunt ista: Operi necessarias esse plures causas; & ab vna duntaxat earum confici posse. Ad constitutionem fœtus plures necessarias esse causas, negabit nemo; Requiritur materia, cuius mira est varietas, ut videre est apud Hippocratem libro de genitura, libro de natura pueri, apud Galenum lib. 14. de usu partium cap. 6. Apud Aristotelem libro quarto de Generatione animalium: Requiritur vis formatiua de qua Aristot. lib. 2. de gener. animal. cap. 3. & 4. Requiritur idoneus locus, quo conformetur; nam vteri figura, situs, durities, humiditas, lenitas, vlcus auctoribus Hippocrate libro de sterilibus, Aristotele lib. 7. de historia animalium, cap. 3. multum



tum impediunt conformationem foetus: Requiritur alimentum; quo nutriatur, & augetur genitura: Requiritur naturalis calor, quo foueatur: Requiritur bona constitutio matris. Si mulier, inquit Hippocrates libro primo de morbis mulierum, aegrotauerit, aut debilis fuerit, aut saltauerit, aut onus leuauerit, aut percussa fuerit, aut animi deliquio correpta, si timeat aut exterreatur, si vociferetur, aut intemperatè viuat, foetum corrumpit. Et libro Aphorismorum sectione 5. aphorism. 3. r. Mulier vtero gerens, secta vena abortit, & magis, si maior fuerit foetus. Galenus lib. 7. de usu part. cap. 8.

Proinde, inquit, cum vitium aliquod foetui acciderit huiusmodi; ut non amplius alimentum, quod satis sit, attrahere queat: aut cum in mulieris corpore delictum huiusmodi contigerit, ut non satis sanguinis suppeditare amplius possit, eo casu operum naturæ ordo confundatur necesse est. Et concludit: Non ita autem multò post fit abortus, cum scilicet nutrimentum omnino defecit.

Iam verò, si mater intemperatè viuat; si corripitur morbo; si timeat aut saltet; si incidat sibi venam, quid agent stellæ feraces? solæne vindicabunt foetum ab interitu? At quonam modo repugnantibus proximis causis, sine quibus cœlum facit nihil? Cur Hippocrates iubet puellam saltare ad abigendum foetum; libro de natura pueri, si à solis stellis foetura, vel abijcitur, vel retinetur? An quando mulier concepit dominantibus prolificis stellis, de quibus Ptolemæus lib. 1. cap. 4. lib. 2. cap. 3. non poterit per id tempus, quo in vtero gerit, amplius saltare, timere, percuti, tollere onus, comedere, aut bibere intemperatè? Quid vanius?

Laborante graui quopiam morbo matre, medenturne stellæ foetui, an matri etiam? Si matri; cur spectas natales stellæ, quando de mulieris vita agitur? scrutari debueras genitales stellæ filiorum, ut de matris sanitate, & morbo, vita, & interitu pronunciares: Si foetui solùm, finge quantam velis, stellarum fecunditatem; Laborante matre, foetus tandem

interibit; faciamus deficere alimentum, aut putridum, & corruptum esse (nam deficere aliquando scribit Galenus lib. 7. de usu partium, cap. 8.) Vndenam stellæ cōportabunt alimentum in mulieris vterum? An nunquam fecundæ stellæ fulgent, quando viri accedunt ad effectas mulieres vel steriles? Anile somnium. Suntne vlla medicamenta, quæ tollant sterilitatem? quid facient genitalia sydera? nullum est apud Medicos remedium ad fecunditatem procurandam? rideantur medicorum pharmaca, Solis Astris supplicetur. Si magis foetus pendet à proximis causis, quam à cœlo, quid nugatur Astrologus circa geniales stellæ? quam tandem ex Astrorum inspectione de conceptu facere potest coniecturam? Attelanas ille fabulas obtrudere potest, probabilem præensionem exhibere potest nullam.

Duo hoc loco pro sua causa respondere possunt Mathematici. Primò, stellæ Geniales esse artificem vniuersalem, & principem, sublunares causas veluti eius instrumenta. Artificis autem cum sit aptare sibi instrumenta, stellæ quoque conceptui Præsides parare sibi omnes causas necessarias ad tuendum, & perficiendum foetum. Secundò, respondere possunt ex sola quidem stellarum cōfiguratione, nihil certi pronuciari posse de foetu, se verò non Astra solùm, sed alias etiam causas spectare, quando aliquid de conceptu statuunt.

Hoc postremum capite sequenti discutendum est: Primum satis reuellunt, quæ diximus. Quid enim medicamenta faciunt, si Astra totum generationis negotium peragunt, si aptant omnes causas ad procreationem necessarias? Leuis igitur fuit Hippocrates, qui librum de sterilibus scripsit, multa quæ huic morbo præscripsit medicamenta, syderum nulla habita ratione: Leuis Galenus, qui medicamenta, prægnantibus fecit: Mentiti sunt innumeri alij, qui de curando foetu summa cum laude scripserunt; sola enim Astra præstant quæcunque incoluntur foetus opportuna sunt.

Nonne sub iisdem Astris degunt, & steriles, & fecundæ mulieres? Cur stellæ artifi-



amifices conceptus non aptantur aque omnes ad generationem, si præstant omnes causas generationi necessarias? Cur per quotidiana experimenta videmus sub quacunque cœli configuratione medicamentis procurari abortum? non ne id euidet, plus in foetibus valere proximas causas, quam prolificas stellas? Quid, quod hoc totum, aduersatur Ptolemæo Astronomorum Magistro libro primo de iudicijs, cap. 3. ut supra retulimus: qui docet Astra sæpe impediri à causis inferioribus; quod scribit etiam in Centiloquio can. 5. Sed veniamus ad secundum, de quo dicebamus.



## CAPVT IV.

*Astrologi non obseruant, nec obseruare possunt futura omnes causas.*



ACTENVS diximus ex solo syderum statu, quæ conceptui præsidere; nihil posse Planetarios certò de foetu prædicere; sed quoniam aliqui iactant se cum obseruant de cœlo; spectare etiam, quomodo aliæ causæ se habeant. Disquirendum est, an id faciant; immò an facere possint. Nam non in solo cœli aspectu hærendum, sed proximas præterea causas diligenter inspicendas esse scribit Ptolemæus lib. 1. de iudicijs, cap. 3. ut supra retulimus, idque declarat exemplo medicinæ.

De qua re grauissime etiam disputat Hieronymus Cardanus ad librum primum Ptolemæi tex. 16 & 17. docetque pernecessarium esse Astronemo omnes causas persequari, & vndeunque conquirere auxilia ad prædicendum.

Ita præcipiunt Astrologorum Principes, sed in suis iudicijs nihil de alijs causis: omnia deducunt ex syderum statu. Itaque stulam fecerunt, non hauserunt

aquam: è puteo. Legantur eorum libri; Mentiar, si quid in eis reperitur de materia, de nutrimento, de natura foetus, de habitu mulieris, de complexionem, de cibo, de potu, de exercitatione, de curis, vltico verbo, si non sunt toti in contemplatione stellarum.

Spectantne parentum complexionem naturalem? At è quibus eam signis colligunt? An è cœlo, & ex Astris, quibus illi geniti sunt? non profectò; ad iudicandum enim de foetu quocunque, non ipsius solum genturam obseruare oporteret, sed etiam parentum: Parentum dixi? Immò auorum, atauorum, maiorumque omnium; ut enim foetus pendet à constitutione parentum, & constitutio parentum non aliunde cognosci potest; quam ex eorundem natalijs Astris; ita & parentum temperamenta, non solum ex proprijs Astris, sed etiam à maiorum constitutione, & stellis vnde eorum constitutio haulta fuit, repetenda esset. Eundum itaque erit, ut de foetu iudicare possis, per singulos maiorum gradus, perque infinitum successionum ordinem; & quoniam nemo est, qui possit Maiorum suorum omnes genturas proferre, consequens est, non posse Astrologum omnes causas inspicere, è quibus foetus ducit originem. Dices non ex Astris parentum temperamentum colligi, sed ex externo corporis habitu; ex multis varijsque accidentibus, & operationibus? At hæc egent diuturna obseruatione, Genethiaci verò vno die conficiunt genturas. Quid, quod parentes sæpe longè distant, & obseruari non possunt; sæpe diem obire suum; sæpe decidentur morbo aliquo, nec potest Astrologo eorum natalis constitutio esse perspecta: Denique nihil magis lubricum, quam ex externis signis de interna corporis constitutione coniecturam facere, id quod libello de signis complexionum accuratius docuimus.

Quod si Cardanus, qui & Philosophum, & Medicum egit, in suis illis iudicijs, quæ ad finem commentationum Ptolemæi adiunxit, in prædicendo stellarum statum, considerat præterea nihil: Quid facient puri Astrologi, qui nihil præter




præter stellas norunt? Si Magistri Mathematicorum, à quibus hanc disciplinam cæteri tanquam è fonte hauriunt, cœlo toti defixi, nullam habent cæterarum causarum rationem, quid ager vulgus Astrologorum, qui nituntur maiorum disciplinæ, & tanquam oves pabulabundæ duces sequuntur suos, pecorisq. Magistros?

Ego verò etiam si velint Genethliaci has causas inquirere, non video posse; faciuntne id tanquam Astrologi? saltant extra chorum: Tanquam Medici? ubi didicerunt Medicinam? Audiendi potius sunt Medici de re medica, quam Genethliaci. Cur Medici, qui exercitatisimi sunt, non profitentur iudiciariam, & inanes diuinationes? profiteri certè possent, si Astrologus, quàm Medicus, eam artem exercet.

Largiamur, aliquando compertum habere parentum habitum; At non semper ab eodem viro genituram fortem; sed neque semper debile; sed alias aliam procedere scribit Hippocrates libro de genitura, quam seminum inconstantiam, proficisci ex varijs eiusdem corporis cōmutationibus, quas singulis diebus, vel potius horis experimur, docet idem Hippocrates. Quis autem obseruare potest omnes mutationes, quæ singulis momentis humano corpori contingunt? Concedamus id quoque notare Astrologos; num obseruare etiam possunt mulierum cibum, potum, somnium, vigilias, occultos animi motus, appetitiones, mœrores, lætitiā, timores, curas, sollicitudines, saltationes, negotia, repentinos casus, à quibus fœtum pendere, quamdiu in vtero materno continetur, suprā probatum est? Nisi enim hæc omnia cognita, & perspecta habeant, non minus incertis ducentur indicijs, quàm qui visa trabe, asserat ex ea cymbam, fabrefactum iri; quia cymba non fit sine trabe: qui leui nube conspecta, pluuias statim futuras denunciaret; quia sine nube non pluit: qui incidit in equum in nemore pascentem, & inde equestre bellum vaticinetur; spectatis enim Astris, de vita, de morte, de integritate, de ægritudine, de sexu, de incolumitate,

fœtus temere denunciant; quæ ab innumeris alijs causis, Astrologis planè ignotis, dependere, nulli dubium esse potest.



## CAPVT V.

*Quæ de parentum stellis Astrologi comminiscuntur.*

**S**OLEM, & Saturnum Patribus: Lunam & Venerem Matribus naturaliter assimilari scribit Ptolemæus lib. 3. cap. 4. Quapropter, inquit, quemadmodum harum stellarum qualitates ad inuicem, & cum alijs inueniuntur; ita fore parentum qualitates, existimandum est.

Quid hac fabella frigidius? & quid habet Saturnus commune cum patribus frigidissimus cum calidis, & qui nisi sint fœmina calidiores, patres non fiunt? Dicant, si possunt, cur non potius Iouios fecerunt patres? quid enim de Ioue idem Ptolemæus libro primo, capite quarto? Stella, inquit, Iouis, temperatæ naturæ est; media enim fertur inter frigidissimam Saturni, & ætuosam Martis; calefacit autem, & humectat, sed, quia calefaciendi vis præcellit, ideo fœcundi ab illo venti excitantur.

Cur non potius præficitur patribus Iouis, quàm Saturni sydus? An quia humidum Iouis alienum est à patribus? magis aliena est Saturni siccitas, humidum enim, & calidum iuuenile temperamentum est, & fœcundum: Astrologi verò senile temperamentum ex frigido, & sicco attribuunt patri; Quid magis præposterè asciscere potuerunt? An fabulosam Saturni caniciem dignam auctoritate patris existimarunt? quando cessabunt fabellæ? Sed & illud rogo, Saturnus, & Sol præsumtne patribus, quia generant, An quia mares sunt? Si quia mares, non præerunt parentibus modò, sed




sed etiam fratribus, & filijs. Ac his alias  
stellas præficit Prolemæus libro 3. cap. 5.  
lib. 4. cap. 5. Præerunt etiam omnibus ci-  
uibus, & accolis eiusdem loci.

Si quia generant, eodem res recidit;  
nam & fratres, & filij, & consanguinei;  
& vicini, & amici, & ciues generant;  
& non raro simul, quorum omnium di-  
spar, & dissimilis est conditio. Expli-  
cent, obsecro, cur hæc stellæ non agunt,  
nisi in eos, qui generationi dant operam,  
& quando generationi dant operam? an  
non idem corpus habent, easdemque  
qualitates ante, & postea?

Adhæc non video, quid hæc stellæ pa-  
rentibus afferre possint, quod iisdem nõ  
afferant, etiam si non generent: Quid  
in illis immutant? An fortunas? sunt ni-  
mis externæ. An dignitatem? continuò  
cadent è Magistratu: An valetudinem?  
& hanc aliunde, quàm à stellis repetit  
Aristoteles, lib. 7. de historia animalium,  
capite primo, Galenus libro quartode-  
cimò de vsu partium, probent mihi inep-  
tum esse Aristotelem, desipere Gale-  
num.

Sed esto, afficiantur parentes ab Astris;  
sæpe aptius ad generationem Matres af-  
ficerentur à Solè, quàm à Luna; Vide-  
licet, si frigida; & humida nimium ef-  
sent; sæpe melius patres commoueren-  
tur à Luna; nimirum si nimium essent  
siccæ. Denique cum alijs vnum, cum  
alijs aliud sydus congruè magis; quo  
igitur consilio, vnâ de omnibus legem  
statuunt? Non secus hi faciunt, quàm  
si phlebotomiam omnibus morbis adhi-  
berent; quia morbi frequenter ex vi-  
riosis humoribus existunt, quos expe-  
dit vnâ cum sanguine imminuere. At  
quid longo morbo defessis, aut viribus  
pœnè consumptis? quid morbis nonnul-  
lis, quibus phlebotomia lethalis est, præ-  
cipiesne emittere sanguinem? Nec illud  
præteribo, quod Genethliaci docent,  
has stellæ in occasu, senectutem; in  
ortu pueritiam: medio cœlo iuuentu-  
tem portendere. hinc enim fit, quamdiu  
hæc Astra ad occasum vergunt, nõ con-  
uenire ad procreandum nisi senes; in  
medio cœli dum sunt, non dare ope-  
ram Veneri, nisi iuuenes; dum oriun-

tur solùm, pueros concumbere. Quis  
audiuit vmquam tam lepidum apolo-  
gum?



## CAPVT VI.

*Cur filij similes parentibus.*

A T T I s opinor, superque la-  
befactata sunt Mathematico-  
rum Apotelesmata, quibus in  
vtero materno ab Astris, fœ-  
tus efformari volunt: Verùm ne qua-  
vel illis ad tergiuersandum, vel nobis  
ad præuaricandum, facultas reliqua-  
foret, suam natura interposuit auctori-  
tatem, & publicam fidem. In ore filio-  
rum, in oculis, in frontibus, in lingua,  
in moribus, suum sculpsit testimonium,  
similitudinem, & quasi imaginem, paren-  
tum: vt hac tam illustri, tamque con-  
spicua nota filios à stellarum dominatu  
vindicaret; Et ad parentum iura reuo-  
caret. Naturalissimum, inquit Aristote-  
les lib. 2. de anima, text. 24. viuentibus  
est; quæcumque perfecta, & non mu-  
tilata sunt, generare sibi simile. Cum  
igitur filij referant parentes; frustra  
Genethliaci è cœlo accersunt causas fœ-  
tuum effectrices. Cur obsecro stellæ af-  
similant filios parentibus, potius quàm  
alijs quibuscunque? An quia parentes  
indefinitam stellarum efficientiam finiunt  
ac terminant? At ea quæ puerum con-  
formant in vtero, formam etiam, & si-  
militudinem in eo exprimunt oris, & to-  
tius corporis: nihil est causæ, cur stellæ  
similes reddant filios parentibus potius,  
quàm alijs quibuscunque: nullæ igitur  
sunt stellarum partes in conformatione  
fœtus. Indefinitam dicit aliquis cœli  
efficientiam finiunt, ac terminant paren-  
tes, ideo parentum potius, quàm alte-  
rius referunt similitudinem. quicunque  
ista loquitur fateri debet, nihil ex stellis  
pronunciari posse de fœtu; generale  
enim quod est, nihil indicare valet sin-  
gulare,



gu'are, & determinatum. Commune, inquit Aristot. lib. 4. de generatione animalium, cap. 3. semper in generando magis quod proprium; & particulare est; Coriscus enim & homo, & animal est; sed proprius à proprio distat homo, quàm animal; generat autem, & quod particulare est, & quod genus est; sed magis quod particulare.

Nec naturæ modo Antistites Philosophi: sed Poëtæ etiam rem tam perspicuam viderunt.

Horatius lib. 4. Carminum, Ode 4.

*Fortis creantur fortibus; & bonis  
Est in iuuenctis, est in equis patrum.  
Virtus, nec imbellem feroces  
Progener, ut Aquila columbam.*

Virgilius libro quarto Æneidos:

*Saltem, si qua mihi de te suscepta fuisset  
Ante fugam soboles, si quis mihi paruulus  
aula*

*Luderet Æneas, qui te tantum ore referret.*

Iterum Ecloga prima:

*Sic canibus catulos similes, sic matribus  
hædos*

*Noram*

Martialis libro sexto Epigrammatum ad Nepotem:

*Est tibi, qui patris signatur imagine valens,  
Testis matris nota pudicitia.*

Iterum eodem libro ad Cinna:

*Pater, ex Marulla, Cinna, factus es septem,  
Non liberorum (namque nec tuus quisquæ;  
Nec est amici, filiusve vicini)*

*Sed grabatis, tergetibusque concepti  
Materna produnt caputibus suis furta.*

*Hic qui retorno crine Maurus incedit,  
Sobolem fatetur esse se Cogisuntre.*

*At ille sima nare, turgidis labris,  
Ipsa est imago Pannici palastræ.*

*Pistoris esse tertium, quis ignorat?  
Quicumque læppum nouit, & uidit Damæ*

*Quartus cincta fronte candido vultu,  
Ex concubina natus est tibi Lygdo:*

*Præcides, si vis, filium, nefas non est.  
Hunc verò acuto capite, & auribus longis,*

*Quæ sic mouentur, ut solent aëllorum,  
Quis Morionis filium, neget Gyrtæ?*

*Dux sorores illa nigra, & hæc rufa:  
Crotæ choraulæ, villicique sunt Carpi.*

Hesiodus lib. primo Operum & Dierum:  
*Et similem sobolē genitricis patribus edunt.*

Euripides in Electra:

*Solet enim idem sanguis paterno  
Pleuraque similia corpori producere.*

Nec solum filios parentibus similes prodire tradunt Poëtæ, sed causam etiam similitudinis attigerunt cumque in vnaquaque re plorimum materiam valere, animaduertissent ab ea fœtus constitutionem, & vim singularem petunt.

Virgilius libro primo Georgicorum:

*Deucalion vacuum lapides iactauit in orbem,*

*Vnde homines nati durum genus.*

*Durum (inquit Seruius) propter lapidem, vnde nati sumus.*

Idem libro quarto Æneidos:

*Nec tibi diua parens generis nec Dardanius autor,*

*Perside, sed duris genuit te cautibus horrens*

*Caucasus, Hyrcanæque admorunt vbera tigres.*

Et libro octauo Æneidos:

*Gensque virum truncis & duro robore nata*

Ovidius lib. primo Metamorphoseon:

*Vnde genus durum sumus, experiensque laborum,*

*Et documenta damus, qua sumus origine nati.*

Idem in epistola Didonis ad Æream:

*Te lapis & montes innataque rupis altis  
Robora, te sæpe progenire fera.*

Statius libro tertio Thebaidos:

*— Scopulisque fata vel robore gentes.*

Et libro primo Sylvarum in epithalamio Stellæ & Violantillæ:

*Duro nec enim ex adamante creati:  
Sed tua turba sumus.*

Cur nos diutius Poëtæ morantur? Nonne & Iurisperiti sapientissimi viri ad l. Gallus, ff. de liberis & posthumis. quoties dubitatio incidit ad quem maritum proles pertineat; ad mortuum, an ad viuum, ex similitudine proles de lite statuendum esse docent? Legatur Alciatus l. quæret de verborum significatione: legatur Alb. l. septimo mense, ff. de statu hominum: legatur Rephaël Fulgosius consil. 2. 12. col. 3. legatur Marcius Salomanus l. Gallus, ff. de lib. & posthumis: legatur Andreas Tiraquellus l. septima, conu-



commubialium Glossa prima, parte septima, num. 52.

Nos verò illud potius inquiramus, cur filij aliquando patri, aliquando matri, non raro auo alijque maioribus, interdum nulli suorum similes procreentur, & Aristotele duce, ac Mythagogo id inquiramus, is enim libro primo de Generatione animalium, cap. 19. ita disserit: Atque ut filij similes sint parentibus ratio exigit; simile est enim, quod ad partes accesserit, ei quod remanet. Itaque semen manus, aut faciei, aut totius animalis, est manus indefinita, aut facies, aut animal totum indefinitum, & quale illorum quodcumque est actu, tale semen potentia est, aut corpulentia sua, aut facultate, siue virtute, quam in se ipso contineat.

Et libro quarto, cap. 3. Exdem, inquit, causæ sunt, & ut alij parentibus similes generentur, alij dissimiles, & alij patri, alij matri, cum corpore toto, tum partibus singulis; & parentibus magis, quam maioribus suis, & ijs potius, quam quibuslibet; ac mares potius, patri, foemina matri, alij nulli consanguineo similes, sed tamen homini similes, alij ne homini quidem, sed monstro: Qui enim suis parentibus similis non est, monstrum quodammodo est; discessit enim in eo, quodam modo natura ex proprio genere, coepitque degenerare. Sed initium primum degenerandi est, foeminam generari, non marem. verum hoc necessarium est naturæ; genus enim seruari oportet eorum, quæ foemina, & mare distinguuntur. Sed cum fieri possit, ne aliquando superet semen maris, aut ob ætatem iuuenilem, senilemve; aut ob aliam huiusmodi causam, foeminam ob eam rem gigni necesse est; At monstrum gigni non necesse est, scilicet ad causam cuius gratia, & finem, quamquam per accidens necesse est; nam principium hinc sumatur oportet.

Et infra. In generatione interdum patrem, interdum matrem docet dominari quando pater dominatur, filios patri nasci similes; quando mater,

Sed cum omnes, inquit, quod muta-

tur, non in quodlibet; verum in sibi oppositum transeat; ideo & quod in generatione non superatur transeat in oppositum necesse est; pro ea facultate, quæ non superauit, quod generat, mouetque. Quod si quæ est mas, non potuit, foemina gignitur; sed si quæ est Coriscus, aut Socrates, non patri, sed matri simile gignitur; ut enim omnino patri mater opponitur, sic singulis generationibus singula generantes opponuntur; similique modo in sequentibus facultatibus agitur; semper enim in sequentem, & proximum maiorum potius transitur, tam in patre, quam in matre. Insunt autem motus alij actu, alij potentia: Actu insunt motus eius qui generat, & vniuersalium, ut hominis, & animalis: Potentia insunt motus foeminae, & maiorum, tam in patre, quam in matre. Mutatur igitur transiens in opposita; motus autem eorum, qui creant, soluantur in propinquos. Verbi gratia, motus eius, qui generat, si solvatur, primum differentia minima, in motum patris transibit, mox in aui, atque deinceps adhuc modum in cæteris similes. In foeminis quoque transitus fit; motus enim concipientis, in motum soluitur matris; si non in eum, in aui, eodemque modo, in superiores; sed potissimum, ita natura fert, ut quæ mas, & quæ pater est simul, & superet, & superetur; parum enim discriminis est. Itaque, ut simul verumque eueniat nequaquam difficile est; Socrates enim vir talis quis est: quamobrem mares magna ex parte similes patri existunt, foemina matri, simul enim in verumque disceditur. Opponitur autem foemina mari, mater patri, discessusque in opposita fit; sed si motus, qui à mare est, superarit, qui verò à Socrate est, non superarit, aut hic superarit, non ille, ita eueniet, ut mares similes patri; foeminae similes matri, generentur. Item si motus soluantur, & quæ mas est seruetur, Socrates autem solvatur in patris, mas erit auo similis; aut alicui cæterorum superiorum maiorum, prout solutio tetenderit; sed si quæ est mas superetur, foemina erit similis potissimum matri. Si autem, & hic solvatur motus,

matri



matri assimilabitur; matris, aut alicui; superiorum pari ratione: Idem modus partium quoque est, sæpe enim alia patri similes, alia matri, alia maiorum, alicui similes, constituuntur; insunt enim, & partium motus, alij actu, alij potentia, ut sæpius diximus. Omnino subiicienda sunt, tria illa: Vnum, quod modò dixi, motus ineffes, alios potentia, alios actu: Alterum, degenerare in oppositum, quod superatur: Tertium, transire in motum proximum id, quod soluitur, & si minus soluitur in propinquum; si magis, in remotiorem discedere; demumque ita confundi, ut nemini suorum similes prodeant, sed commune tantum relinquatur, ut homo sit; cuius rei causa est, quod commune particularia consequitur omnia; homo enim vniuersale est, Socrates pater; & quæcunque est mater, particulare est. Causa, ut motus soluantur est, quod omne agens patitur etiam à patiente; ut quod secatur, hebetatur, ab eo quod secatur; quod calefacit, refrigeratur à calefcente; denique quodcunque mouet, excepto primo, mutuo mouetur aliquo motu. Verbi gratia, quod pellit, pellitur quodammodo, quod premit, premitur; interdum autem ita fit, ut quod agit, magis patitur, quam agat, & refrigeretur quod calefacit, & calefaciat quod frigefacit, cum autem nihil fecerit, aut minus quam ipsum affectum est. Dixi de ijs, cum de ratione agendi, patiendique docerem: videlicet quibus quod patitur, nec superatur, aut defectu facultatis eius, quod coquit & mouet, aut copia, frigiditateque eius, quod concoquitur, & distinguitur; cum enim partim superet, partim non superet, facit multiforme, quod constituitur, ut athletarum nonnullis per usum cibi nimium accidit; cum enim per copiam pastus natura nequeat superare, ut proportionem augeat, formamque seruet eandem, diuersæ efficiuntur partes, & adeò interdum, ut nihilo ferè similes primis euadant. Proximus huic est morbus, quem Satyriam appellamus; etenim in eo præ abundantia fluxionis, aut flatus crudi in partes faciei decumbentis, facies animalis diuersi, & Saty-

ri apparet. Sed quam ob causam mares, & foeminae generentur, & alij parentibus similes, foeminae foeminis, mares maribus, alij è diuerso foeminae patri, mares, matri, denique suis similes, alij suorum nemini similes existant, idque tum corpore toto, tum partibus singulis, de ijs, inquam, omnibus dictum iam est. Sententia autem aliorum, etiam naturæ interpretum, sunt de his rebus, scilicet, quomobrem similes parentibus generentur; afferunt illi duplicem modum rationis; nonnulli enim ita consent, ut ab utrovis plus seminis venerit, ei similes magis, generentur æquè toti totum, & parti pars, quasi ex vnaquaque parte semen decidat; sed si pars de utroque venerit, similis neutri procreatur. Quod si falsum est, nec omni ex parte decedit; constat, nec similitudinis, nec dissimilitudinis id causam esse, quod referunt, tum etiam quemadmodum simul & foemina sit, & patri similis; aut mas, & similis matri, non facile explanare possunt; qui enim, ut Empedocles, aut Democritus, causam de mare, & foeminam reddunt, impossibilia modo alio dicunt; sed qui plus, minusve à mare, aut à foemina secefferit, alterum marem, alterum foeminam gigni causantur, ij nequeunt explicare, quemadmodum foemina patri similis, mas similis matri reddatur; simul enim plus de utroque venire impossibile est. Adhæc, cur similes maioribus suis magna ex parte, remotisque generentur, cum nihil seminis ab illis secefferit, nihil profecto isti, quod bene tueantur, habent. Sed, qui reliquum similitudinis modum afferunt, ij tum cætera, tum verò hoc melius dicunt; sunt enim, qui semen genitale dicant, quamuis vnum, tamen veluti omnifariam quamdam esse multorum seminum mixtionem. Itaque ut si quis multa saporum genera, in eodem humore miscuerit, moxque inde sumat, possitque sumere semper non tantumdem ex vnoquoque, sed modò illius plus, aliàs etiam ex hoc sumat, ex illo nihil sumat: sic in semine genitali esse, cum ex multis, ac varijs mixtum sit; è quocunque enim gignente accesserit plurimum, ei similem forma generari.



rari. Sed hæc ratio nec plana est, & passim ficticia est; vult hæc non actu, sed potentia inesse, quam omnifariam seminis mixtionem appellat, & quidem ita dici melius est; illo enim modo impossibile est, hoc possibile. Verum, qui ita causam reddunt, nullo modo asserere rationem de omnibus facile poterunt, cur fœmina, cur mas gignatur; quamobrem sæpenumero fœmina patri similis, mas matri proveniat, atque etiam de maiorum similitudine. Adhæc qua de causa interdum homo quidem, sed nulli suorum similis generetur. Aliàs usque adeo procedendo degeneret, ut demum ne homo quidem, sed animal tantum aliquod exeat, quæ monstra dicuntur.

Explicationem horum si aliquis desiderat, præstabo paraphrasim brevissimam. Quoties plures causæ vnum quid efficiunt, illa, quæ actiuosa magis est, assimilatur sibi magis effectum, & quod fortior fuerit alijs, eo magis sibi similem effectum reddit: ad procreationem autem fœtus, mater, paterque conueniunt. Quicumque igitur maiori vi præditus fuerit, & ea ratione, qua alteri præstat, magis fœtum sibi similem efficiet, & eatenus reddet sibi similem, qua superat alterum. Contingit interdum matrem efficacem magis esse, interdum patrem, ratione vel alimenti, vel laboris, vel temperamenti naturalis, vel morbi, & accidentarij temperamenti; patri igitur interdum, interdum matri magis similes filij procreantur. Rursus contingit aliquando patrem vna in re, matrem in alia superare; aliquando igitur vna parte patrem, alia matrem filius referat necesse est; nam si pater superat quæ mas est, non quæ Socrates; mater contra superat, quæ talis est, non quæ mulier, procreabitur mas, sed similis matri, non patri: Si mater fortior fuerit quæ mulier, & pater quæ Socrates, gignetur mulier, sed similis patri; si impediatur pater ne possit sibi perfectè fœtum assimilare, assimilabit auo, vel alijs maioribus, quibus ipse genitus est: denique interdum causæ, quæ fœtum constituunt, ita & agunt, & patiuntur, ut

earum vires omnino misceantur, sicut multi sapes vno aliquo liquore misceri solent, & tunc nulla causarum valet sibi similem fœtum reddere, sed procreatur fœtus ab utroque parente dissimillimus. Hæc Aristoteles eo loco.

De qua re iterum libro septimo de Historia animalium, capite sexto. Gignuntur quoque læsi ex læsis, verbi gratia, claudi ex claudis, cæci ex cæcis. Denique similes sæpenumero in re, quæ præter naturam comiteretur, & signa habentes sibi cognata hæreditaria, ut verrucas, ut nauios, aut cicatrices, aut aliquid aliud generis eiusdem. Iam tale quid, vel tertia prole post regeneratum est, ut cum quidam suo in brachio puncti notam haberet, filius non id retulit, sed nepos, ea corporis parte nigritiem quandam habens confusam prodijt: sed raro hæc eueniunt. Integri autem è mancis ne gignantur, nulla res obstat, & sæpissime ita agitur: Similes etiam aliqui parentibus, aut auis, suisque maioribus generantur. Aliqui similitudinis nihil referunt; Redditur etiam vel post plures eiusdem prosapiæ, ut in Sicilia eius, quæ adulterium cum Æthiope commiserat filia, non colorem patris Æthiopis retulit, sed qui natus ex hac est, is auum Æthiopem regenerauit. Fœminæ magna ex parte matri, mares patri proveniunt similes: sed sic etiam è diuerso, ut fœminæ patri, mares matri similes procreentur: particulatim etiam similes fiunt, ut alia corporis parte similes sint patri, alia matri; gemini, vel dissimiles inter se nati iam sunt, sed plurimi magna ex parte similes prodeunt; nam & quædam cum septimo die à partu concubuisset, concepissetque, peperit similem superiori quasi geminum: naturæ etiam ratione alix sibi, alix suo marito similes generant, ut equa Pharsalla cognomine Iusta.

Hæc Peripateticorum princeps, sed & eadem Epicuri Diacono, & quasi P. ea Lucretius, lib. 4. rerum naturalium:

*Et commiscendo cum seuius sorte virili  
Fœminum, nullis subita res, corripuitque.  
Tum similes matrum, materno semine  
fiunt,*

E

V?



*Vi patribus patrio, sed quos viriusque  
figura,  
Esse vides mistim, miscentes vultu paren-  
tum,  
Corpore de patrio, & materno sanguine  
crescunt.*

Eadem Empedocles, cæterique omnes Philosophi apud Plutarchum, libro quinto de placitis Philosophorum, capite undecimo.

Eadem & Medici, & Medicorum parens Hippocrates libro de genitura; Galenus libro de foetu, & Auicenna 21. Tegni.

Nec aliam causam præterire debeo foetus in varias formas affigentem imaginationem, eorum, qui generationi dant operam.

Vnde Aristoteles sect. 10. problem. 12. quærenti cur proles cæterorum animantium magis, quàm hominis, sui parentis similitudinem gerat. Respondet. An quòd homo vago, varioque plurimum animo in coitu est? prout autem pater, materve in conceptu affecti fuerunt, ita partus euariant: cætera verò animantia omnia, aut certè plurima, rei tantum ipsi intendunt. Quare Hippocrates apud Coelium Rodiginum libro 11. lectionum antiquarum, capite 15. Cùm Æthiops, quæ pulcherrimum filium ediderat, suspecta esset adulterij, iussit spectari, quid artis Pictoriæ in eius cubiculo esset, reperiisque egregijs signis, omni eam suspicione liberauit. Marcus item Tullius libro primo Tusculanarum quæstionum ita scribit: Similitudo magis apparet in bestiis, quarum animi sunt rationis expertes, sed in ijs quoque phantasmata suam vim habent. Id quod Iacob Patriarcha intellexit Genes. cap. 30. tollens enim virgas populeas virides, & amygdalinas, & ex platanis, ex parte decorticauit, detractisque corticibus in his, quæ spoliata fuerant candor apparuit, illæ verò, quæ integræ fuerant, virides permanferunt: atque in hunc modum, vbi color effectus est varius, posuit Vir Magnus virgas in canalibus, vbi effundebatur aqua, vt cùm venissent greges, ad bibendum, ante oculos haberent varij coloris virgas, dum concumberent, fa-

ctumque est, vt ipso calore coitus, oues intuerentur virgas, & parerent maculata, & varia, & diuerso colore resperfa.

Neque verò, vt hæc argumentatio magis, ac magis in Genethliacam vanitatem exacuatur, pigebit me hic adscribere Plinij verba, libro septimo Naturalis Historiæ, capite 12. qui varia huius rei exempla recenset. In Lepidorum genere, inquit, tres intermisso ordine, obducto membrana oculo, genitos accepimus. Similes quidem alios auo: & ex geminis quoque alterum patri, alterum matri: Annoque post genitum, maiori similitudine, vt geminum. Quasdam sibi similes semper parere, quasdam viro, quasdam nulli, foeminam patri, marè sibi. indubitatum exemplum est Nicæi nobilis Pictoris Byzantij geniti, qui adulterio Æthiopis matre nata, nihil à cæteris colore differente, & ipse auum regenerauit Æthiopem. Iterum infra: Antiocho Regi Syriæ è plebe nomine Artemon in tantum similis fuit, vt Laodice coniux Regia, necato iam Antiocho, minum per eum commendationis, Regniq. successione peregerit. Magno Pompeio Vibius quidam è plebe, & Publicius etiam seruitute liberatus, indidreta propè specie fuere similes; illud os probum reddentes, ipsumque honorem eximie frontis. Qualis causa patri quoque eius Monogenis coci sui cognomine imposuit, iam Strabonis à specie oculorum habenti, vitium imitata, & in seruo: Scipioni Serapionis, is erat suarj negotiatoris vile mæcipium. Eiusdem familiaris Scipioni, post eum cognomen Salutio Mimis dedit; sicut Spinter secundarum, tertiarumque Pamphilus collegio Lentuli, & Metelli Cossi. in quo perquam importunè fortuitum hoc quoque fuit, duorum simul Consulum, in scena imagines cerni. E diuerso Lucius Plancus Orator histrioni Rubrio cognomen imposuit. Rursus Curioni patri Burbuleius, itemque Messalæ Censorio Monogenes, perinde histriones; Suræ quidem Proconsulis, etiam rictum in loquendo, contractionemque linguæ, & sermonis tumultum non imaginem modo Piscator quidam in Sicilia reddit. Cassio Se-  
uero




uero celebri Oratori, armenarij Mimi-  
lon's obiecta similitudo est. Toranijs  
M. Antonio iam triumviro eximios for-  
mæ pueros, Alterum in Asia genitum,  
Alterum trans Alpes, vt geminos ven-  
didit, tanta vnitas erat. postquam deinde  
sermone puerorum detecta fraude,  
à furente Antonio increpitus est, inter  
alia magnitudinem pretij conquerente,  
(nam ducentis mercatus erat sestertijs)  
respondit versutus ingenij Mango, ob  
id ipsum se tanti vendidisse, quoniam  
non esset mira similitudo in vllis, eodem  
vtero editis, diuersarum autem gentium  
natales, tam concordia figura reperiri,  
supra omnem esse taxationem. adeoque  
tempestiuam admirationem intulit, vt il-  
le proscriptor animus, modo, & contu-  
melia furens, non aliud in censu magis,  
ex fortuna sua duceret.

Probenz nunc Astrologi, omnes Philo-  
sophos in re hac hallucinatos esse, om-  
nes scriptores deceptos, se solum verum  
vidisse. Errassent autem, si in parentes  
filiorum similitudinem retulissent, quæ à  
stellis, stellarumque configuratione est.  
Doceant, cur grauissimi viri nullam  
stellarum mentionem fecerint si existi-  
marunt fœtus conformationem, à con-  
stitutione cœli pendere. Dicant cur sub  
quacunque constellatione formetur fœ-  
tus, si mas fortior est, si magis robustus,  
si præcipuas in generatione partes egit,  
Patri similis prodeat puer: si verò præ-  
dominatur mulier, matris referat simili-  
tudinem, quæcunque tandem effulgeant  
stellæ. Præterea si Astra conformant pue-  
rum in vtero, cur patri potius, quàm  
vlli alteri virorum similem effingunt? Sa-  
turnus quidem, & Sol, qui patribus præ-  
sunt, Socrati potius, quàm Platoni non  
fauent: Luna, & Venus omnibus matri-  
bus adsunt. Vnde igitur similitudo cum  
hoc patre, cum hac matre, potius quàm  
cum alijs?

Rursus cum eodem temporis momen-  
to, sub ijsdem stellis Gemini seminantur,  
cur vnus aliquando patri, alter matri si-  
milis prodeat, explicare oportet Astro-  
logos. Respondere præterea debent,  
cur omnes, quæ eodem tempore vtero  
conciipiunt (conciipiunt autem plurimæ)

similes patri, vel matri, vel alteri ma-  
iorum liberos non fundant. Ad hæc,  
cur quædam semper sibi, quædam ma-  
rito, quædam nulli maiorum, quædam  
mares sibi fœminas viro, similes edant.  
Item Niceus Nobilis Piclor, ex adul-  
terio Æthiopis matri nihil a cæteris dif-  
ferens natus, auum Æthiopem cur re-  
generarit? Cur in Lepidorum genere,  
tres intermisso ordine obducta membra-  
na oculo, geniti fuerint? Postremò, cur  
cogitatio, quæ sub ipso conceptu pa-  
rentum, animos commouet, effingat,  
aut misceat similitudinem? Expediant  
hos nodos, si possunt; si non possunt au-  
diant Marcum Tullium, de diuinatione  
libro secundo. Quis non videt, inquit,  
& formas, & mores, & plerosque sta-  
tus, ac motus effingere à parentibus li-  
beros, quod non contingeret, si hoc non  
vis, & natura gignentium efficeret, sed  
temperatio Lunæ, cœlique moderatio.  
abiectisque Astrolabijs, redeant aliquan-  
do ad Philosophorum medicorumque  
exedras.



## CAPVT VII.

*De sexus diuersitate.*

**P**RIMARIJ sexus, inquit  
Ptolemæus libro primo de iu-  
dicijs cap. de stellis masculi-  
nis, & fœmininis, duo sunt,  
masculinus. & fœmininus conferenda,  
ex supra dictis naturis, humiditas ad fœ-  
mininum, quòd illa in hoc sexu abun-  
det, reliquæ verò ad masculinum appo-  
nentur. Proinde conuenienter traditur  
Venus, & Luna fœminini sexus, Sol ve-  
rò, Saturnus, & Iupiter, & Mars, ma-  
sculini. Et infra: Cæterum ipsæ etiam  
stellæ masculinas, fœmininasque vires  
suscipere dicuntur, pro eo, arque erga  
tales se habuerint, masculoscere quidem  
maturinas, & antecedentes, Vesperti-  
nas, & sequentes effœminari. Ita sexuum

¶ 2 diuers-



diuersitatem distinguit Ptolemæus, tum eo loco, tum libro tertio, capite sexto, quæ reliqui Astrologi tanquam oracula è cælo delapsa impensè venerantur. At Philosophi, & Medici diuersitatem sexus deducunt ex parentum habitu, & constitutione, quorum, vt magna potestas, ita mira est varietas.

Si ab vtrisque parentibus, inquit Hippocrates libro de genitura, semen fortius prodierit, partus erit masculus; si verò debile, fœmina nascetur. Vtrum autem multitudine, ac copia præualuerit, iuxta illud ipsius partus nascetur; si enim multò plus fuerit debilis feminis, quàm fortioris superatur forte, & debile permixtum in fœminam transit; si verò plus fuerit fortis feminis quàm debilis, superatur debile, & in marè transit. Quemadmodum si quis ceram, & adipem misceat, & de adipe tamen plus coniiciat, eaque ad ignem liquefaciat, quamdiu quidem liquida fuerint, non apparet, vtrum tandem horum superet, vbi verò congelata fuerint, tunc iam conspicuum est, quòd adeps ceram copia superet. Sic habet etiam masculi, & fœminæ genitura. Quod verò in fœmina, & in viro, genitura fœminina sit, & masculina, ex factis manifestis coniectare licet; multæ enim mulieres iam fœminas pepererunt ex proprijs viris, verùm ad alios viros transgressæ, masculos genuerunt; & viri illi ipsi, ad quos mulieres fœminas pepererunt ad aliarum mulierum mixturam progressi, masculos genuerunt. Atque hæc sane ratio declarat, tum virum, tum fœminam, & fœmineam, & masculam genituram habere; nam apud quos viros fœminas pariebant, superabatur fortius, à copia debilioris, & gignebantur fœminæ.

Idem libro de natura pueri, quod fœmina posterius conformatur, & coarticulatur, causa hæc est; quod genitura fœminea debilior est, ac humidior, quam mascula, & iuxta hanc rationem necesse est, posterius conformari fœminam, quàm masculum, atque ea gratia etiam purgatio diuturnior est in fœmina, quàm in masculo.

At non semper ijdem parentes eodem modo affecti sunt, ideoque non semper ex ijdem simile semen procedit, nec ijdem semper mares aut fœminas generant, sed nunc marem, alias fœminam fundunt.

Non semper, inquit Hippocrates libro de genitura, ab eodem viro genitura fortis, sed neque semper debilis, sed aliàs alià, atque sic etiam in muliere res habet: vt minimè mirandum sit, easdem fœminas, eisdemque viros sobolem masculam, & fœminam producere. Hippocratis doctrinam cumulatè confirmavit Galenus libro decimoquarto de vsu partium, capite sexto, ostenditque tam in viro, quàm in fœmina fortiorem partem esse dexteram calidiorēque, non solum, quòd fœtus à sinistra nutriatur, sed quòd plus ab hepate in illam caloris redundet; hepar enim cum ad dexteram partem situm sit, partes quæ ad hepar propius accedunt, necessariò calore maiori perfunduntur. Et quoniam masculus fœmina calidior est, fœtus, qui in dextera parte matris formatur, vel ex dextero patris latere decisis est, marem esse oportet. contingere quidem potest, vt semen adeò forte sit, vt etiam in sinistra parte mas generetur; vel adeò debile, vt in dextera fœminina gignatur, sed cæteris paribus dexteram partem contendit Galenus maribus, sinistram fœminis aptiorem esse formandis. Quare subdit. Potest accidere, vt interdum à caloris, qui semini inest, vi subacta, masculum pro fœmina fœtus fieri permittat, hoc certè est raram, magnoque eget excessu, vt plurimum autem masculus in dextera, fœmina in sinistra parte inuenitur.

Hac ratione si Galeni doctrina accipiat, nulla illi erit cum Aristotele lib. 4. de generatione animal. contentio: hic enim eos arguit, qui inuolabili naturæ lege, aiunt mares in dextro, fœminas, in sinistro latere conformari: non Galenum, qui dextrum latus aptius esse contendit ad mares conformandos, sinistrum ad fœminæ generationem.

Sed inuenit Aristotelem ipsum hac de re au-



re audire differentem. Nam libro quarto de generatione animalium, capite primo. His, inquit, ita subiectis, apertius fortasse iam fuerit, qua de causa alterum mas, alterum foemina fiat; cum enim principium non superat, neque concoquere potest, propter caloris inopiam, neque ducit in suam formam, sed tantisper superatur, mutari in contrarium necesse est, contrarium autem maris foemina est, & cum facultatis suae virtutis differentiam habeat, instrumentum quoque habet auersum, itaque in tale mutatur. Parte autem aliqua opportunè mutata, constitutio tota animalis multò discrepat forma. Licet hoc perspicere in spadonibus, qui vna parte truncati, à pristina forma discedunt, parumque à foemina specie distant, cuius rei causa est, quòd partes nonnullae principia sunt, principio autem mutato, multa exiis, quae sequuntur, mutari, & dimoueri necesse est.

Adhuc capite secundo eiusdem libri: Nouella & senescens aetas magis quam florida foeminas generat; in altera enim calor nondum perfectus est; in altera, deficit humidiora etiam, & effoeminatio-  
ra corpora foeminam potius gignunt, & semina humida magis, quam ipsa hoc idem faciunt; haec enim omnia eueniunt caloris naturalis inopia; statibus item Aquilonijs, magis quam Austrinis mares gignuntur.

Infra: Pastores aiunt interesse ad Maris, ac Foeminae pecoris foeturam, non solum, si ita accidet, ut initus Aquilonijs, Austrinisque statibus fiat, sed etiam, si cum pecus coit, spectat ad Aquilonem, aut Austrum. Ita minimo interdum memento, causa datur caliditatis, aut frigiditatis haec verò causam complent generationis.

Ita sexuum discrimina ex imbecillitate vel robore parentum, ex multiplici varietate viri, ac foeminae temperatione; ex alimento quo fit genitura petunt viri doctissimi, sed, quid adhuc Genethliaci? negabunt debiles maritos fulgentibus masculinis stellis, posse ad uxores accedere suas, fumos vendunt. An dominantibus virilibus Astris, fatebuntur gi-

gni foeminam? ruit tota Genethliaca disciplina. An foeminas tunc concipere posse inficiabuntur? quo id modo, si omnia ad conceptum necessaria parata, & expedita sint? Quid? quando nocte eadem, eademque noctis hora, addo etiam momento, matres plures concipiunt: pariunt autem mares aliae; aliae foeminas: obdormiuntne stellae, & stertunt? Iterum perit omnis Astrologia, quae è syderum dominatu sexuum diuersitatem facit, agunt, vimque suam etiam tunc exercet, eadem ergo stella foeminam, & marem generat, Cyziceni stateres, ex Cybele Leonem, quid adhuc caelo haeremus? An respondebunt non eodem loco dare procreationi operam plures parentes, pro locorum autem, vel minima diuersitate, etiam intra eandem ciuitatem diuersos, immò & contrarios esse syderum aspectus. Sit ita. At si, vel minima commutatio loci contrarios facit Astrorum aspectus, quae ars, quae disciplina, obseruauit, quid vnaquaque stellarum intra eadem moenia, in hac domo efficere soleat, quid in illa; immò quid in hac aedium parte, quid in illa, haec vel illa stella valeat. Turdus sibi suum creauit malum.



## CAPVT VIII.

*Fetus ab alimento potius quam à stellis pendet.*



DEBERE poteram non pauca de sterilibus, quae mihi sup-  
peditant Hippocrates lib. de sterilibus, & sect. 5. Aphorism. 63. Aristoteles libro 7. de historia animalium, capite primo, & libro 2. de generatione animalium, cap. 5. & 6. In quos quando incidunt prolifica stellae vim omnem amittunt; sed gratia breuitatis ad alimentum transgredior.

E 3 Matris



Matris sanguine ali foetum, in vtero quamdiu est, docet Hippocrates libro primo, de natura pueri, Aristoteles libro septimo de historia animalium, capite secundo, Galenus libro septimo, de usu partium, capite octauo. Multum autem interest quanto, qualive sanguine pascatur. Cum vitium, inquit Galenus, aliquod foetui ipsi acciderit eiusmodi, ut non amplius alimentum, quod satis sit, trahere queat; aut cum in mulieris corpore delictum huiusmodi contigerit, ut non satis sanguinis suppeditare amplius possit, eo casu operum naturæ ordo confunditur, ac perturbatur, contrariis autem affectibus maxime cōprehendantur necesse est: impleantur quidem lacte ante tempus, cum foetus est imbecillis: gracilescant autem postea, cum matres alimenti penuria laborant. Vnde Hippocrates dicebat: Mulieri in vtero habenti, si lac ex mammis fluxerit copiosum, foetus redditur imbecillis, nempe quod superfluum est omne, sursum ad mammas ascendit, quod foetus in venis reliquit, cum ipse præ imbecillitate, quantum sibi ad moderatam nutritionem satis est, trahere nequit: Quando verò rursus, inquit, mulieri in vtero habenti, si mammae graciles repente fiant, & tunc foetus quidem fortem esse putandum est, sed copiosum ei alimentum deesse; nam primum quidem ex venis matri communi, sanguinem trahit, atque interim mammae gracilescunt; Non ita autem multo post fit abortus, cum scilicet nutrimentum omnino deficit. Hæc Galenus.

Nos ut ab inopia alimenti ordiamur. Quoniam foetus ex sanguine, qui matri redundat, nutritur: deesse illi pabulum necesse est, quoties matri nihil redundat alimenti, sed absomit totum; vel quod sicciore sit temperamenti; id quod de auius tradit Galenus ibidem, cap. 14. vel quod pinguiore sint, pingues enim raro foecundas esse scribit Aristoteles libro secundo, de generatione animalium, capite quinto. Incidat itaque stellarum ferax concursus, in huiusmodi mulierem: curabitne illam an non? si non, feraces stellæ foetui satis non sunt, sed inhi-

beri iuuarique possunt, alijs causis; immò, & casibus qui euenturi ne sint, & quando euenturi, & quibus de causis, & quamdiu duraturi, cum ignorari soleat, frustra Astrologi sollicitant cœlum, ut de futuro foetu responsa reddant. Si curabit, mutabitne repente aridiorem mulierem in humidior, aut pinguem in gracilem? Quis vidit vnquam momentaneas hæc commutationes? An sensim potius & paulatim? At momentaneus est stellarum aspectus, & quod vna constellatio inchoauit, alia superueniente destrueretur; superuenire singulis momentis nouas, & contrarias stellarum formas Genethliacum axioma est.

Nec illud quærere omittam, an hæc matrum curatio, quam stellæ conceptui præfides ferunt, pertineat vlllo pacto ad natales stellas, sub quibus matres nate sunt: si nihil pertinet, plus obtinui- mus quàm petebamus; habemus enim, frustra à Genethliacis obseruari natales stellas matrum: si pertinet quidquam. Primò pugnare stellas maternas, cum stellis foetus necesse est; & pugnare ad postremam vsque Genethliacæ artis euer- sionem. Deinde si qualis mater futura sit, aut quales procreatura liberos; ex suis, & filiorum pendet syderibus; non satis erit stellas, quæ conceptui præsumt, inspicere, matrum etiam natales stellas rimari te oportet, idque per auos, & atavos eundo ad primum vsque hominem, atque adeo ad mundi exordium, perueniendum.

Rursus si mater abundè suppeditet ali- mentum foetui, sed sanguis, quo infans in vtero alitur, sit impurus, malignus, inconcoctus, vel huiusmodi sanguinis improbitas manat à syderibus natalitijs matris, vel infantis etiam, vel ab alijs causis. Si aliunde quàm è cœlo, cur de foetuum euentis canunt responsa de cœlo, quorum ratio è nutrimento pendet, hoc ab alijs causis non cœlo elaboratur. At si matris natalitia sydera apparant nutrimentum foetui: matris potius quàm foetus illi spectandæ sunt stellæ, qui de foetu vult vaticinari. Quid matris dixit? Auiæ, proauæ, atavæ, & omnium, quæ matrem antecesserunt Astra perue- stigant.



stiganda sunt, vt de foetu certò aliquid habeas.

Contra verò si foetus Genitalia sydera parant alimentum, inuadunt alienam ditionem; sanguinem enim matris elaborant, quæ sub alio stellarum congressu genita, sub alijs stellis, quàm foetus degit: quantum erit dissidij inter matris, & filij horoscopus? quanta dissensio & pugna inter vtriusque cœlum? quanta in prægnantis vtero perturbatio? alijs huc, alijs illuc sanguinem auertentibus Astris: & tandem subeundum est illud incommodum, vt de foetu fiat iudicium, conferenda esse matris & foetuum sydera, & expendendum quæ quibus præstent.



## CAPVT IX.

*Quæ matri vtero gerenti accidunt, afficiunt & fœtum.*



**C**ECIDVNT gestantibus vtero, plerique casus, à quibus nec foetus potest esse immunis. Scribunt enim Aristoteles libro 7. historiarum animalium, cap. 4. Paulus Aegineta lib. primo rei Medicæ, capite primo, Plinius libro primo historiarum natural. capite 6. alijsque grauissimi viri. Gravidis incessere dolores capitis, vertigines, fastidium in cibis, appetitus absurdos, languores plurimos, oculorum molestias, & tenebras: Ad bonum autem habitum, & valetudinem, vitamque foetus refert, primum hæc curare remedijs, quæ præsertim præscribit Paulus Aegineta loco citato: & prudenter cauere ab ijs quæ officiant embryoni. Adeoque, inquit Plinius loco posito superius, incessus, & quidquid dici potest, in grauida refert, vt lassiorebus cibis matres vsæ, carentem vngulis partum edant.

Et capite septimo. Plerumque, inquit,

abortus causa sit odor à lucernarum extinctu. Hippocrates sect. 5. Aphorismorum, Aphorif. 24. Mulieri vterum gestanti, si alius multum fluxerit, periculum est, vt abortiat. Et Cornelius Celsus, libro secundo, capite septimo, Mulieri grauidæ, sine modo, fusa aluus, elidere partum potest.

Narrat Hippocrates, libro de natura pueri, abortum saltatricis cuiusdam, ex septem saltibus, ideo libro de aëre, aquis, & locis, Si, inquit, Hyems australis fiat pluuiosa, & clemens: verum boreale, & siccum, & tempestuosum: primum quidem mulieres quæ vterum gestant, & partus ipsi, qui ad ver instant, abortum facturas esse verisimile est: quæ verò etiam pepererint, impotentes, ac morbosos pueros parere, ita vt, aut statim pereant, aut tenues, debiles, ac morbofi viuant.

Rursus sectione quinta, Aphorif. 31. Mulier vterum gerens, secta vena, abortit, & magis si maior fuerit foetus. Aphorif. 44. Quæcunque præter naturam tenues exsistentes vterum gestant, abortiunt, priusquam crassescant. Aphorismo 15. Quæcunque vtero habentes à febribus corripiuntur, & fortiter attenuantur sine manifesta occasione, difficulter pariunt, & periculose, aut abortum facientes, periclitantur.

Denique Aristoteles libro septimo Politicorum, cap. 16. Sicut quæ gignuntur è terra, inquit, sic foetus ex prægnante matre, bonam, malamque valetudinem contrahunt. Et Hippocrates libro de genitura. foetus præter suos, inquit, matris labores participat, qui locus optimum interpretem nactus est Federicum. Bonauenturam lib. octauo de octomestri partu, cap. 17.

Atque hæc quidem incommoda foetibus eueniunt à matribus: Matres verò propter foetum non minora subeunt vitæ discrimina. Mulierem vterum gerentem, inquit Hippocrates sectione quinta Aphorismo 30. ab aliquo acuto morbo corripi lethale est. & Aphorismo 43. Si mulieri prægnanti ignis facer, in vtero fiat, lethale est. Præterea euenit, inquit Aristoteles libro septimo, de

E 4 histo.




historia animalium, capite quarto, ut mulieres à conceptu corpus totum grauentur, & oculorum caligines, & dolores capitis moueantur, quæ alijs maturius, & ferè die decimo accidunt; alijs ferius, prout magis, minusve ex materia superuacua tentantur, nausæ item, & vomitus plurimas capiunt, & præcipuè, quibus purgationes constiterint, necdum ad vbera transeunt.

Ita matres afficiunt suos foetus, hisque morbis, & molestijs à foetu afficiuntur matres, quæ omnia ex matrum tolerantia, ex Medicorum solertia, ex obstetricum sedulitate, ex adiacentis aëris temperatione ex aliorum consilio, & imperio pendere nemo inficiabitur. Quid inter hæc agent concepti foetus præsidet stellæ? Artem fortasse, & diligentiam Medico, aut obstetrici inspergent, qua ab his morbis prægnantem eximant? Trahent Medicum etiam non vocatum ad prægnantem? Facient, ut mater patienter ferat Medicorum operâ Præstabunt, ne dominus præcipiat ancillam saltare? Auertent prægnantium insanas cupiditates? lenibunt graues curas? Anicularum naniæ.

Agedum, videntne Astrologi ea, quæ in matribus ex matrum affectionibus, foetibus contingunt in pueri, an in matris stellis? Si in pueri, indignè ferent natales stellæ matris, suum partum alienis vexari syderibus; si in matris, filij horoscopus vacat: Arbitraberis matris, & filij syderalem configurationem similem esse, At filij, & matris dissimilimum est vitæ, morisque genus: An existimabis matrem diucxari à filij stellis, quoties sunt validiores: Rursus filium sequi matris Astra, quando firmiora sunt suis? Qua igitur imprudentia è stellis natalitjs matris, de eius vita, morte, matrimonio, & liberis diuinas? spectandi, tibi erant foetus, priusquam aliquid pronunciares de matre. Addo, antequam de foetu vaticinaberis, expendum tibi fuisse, & qui ex eo filij essent prodituri: eorum enim stellis aliquando est exagitanda mater: si verò in matris horoscopo qui fortior est, & vincet infantis stellæ, cernis quid foeti euen-

turum, quid non euenturum sit, vnde nosti vtrius horoscopus matris, an foetus cessurus sit alteri? Si matris filijque ais te stellæ conferre, & earum vires expendere, fatendum tibi erit è stellis quæ conceptui præsidet, nihil posse de foetu certo statui, nisi consulantur, filiorum, nepotum, & omnium futurorum seculorum stellæ, quod nullus Astrologorum solet, aut potest facere.



## CAPVT X.

*Monstra non posse ad Astra reuocari.*



ONSTRORVM rationes, ut aliarum rerum omnium, è cælo quærunt Mathematici. Ptolemæus libro tertio de prædict. Astrolog. In his, inquit, luminaria frequentius inueniuntur remota, vel ab ascendente adpuncta, & quod ab infortunijs anguli continentur, cum hoc igitur sic inuentum fuerit, conuenit, si hoc, illud fortè contigerit, quod in miseris, & infortunatis natiuitatibus, multoties euenire dicitur. Et si natiuitates illæ monstruosarum figurarum non fuerint; ut præteritam coniunctionem, vel præuentionem obseruemus; quantus coniunctionis; vel præuentionis; necnon loci luminarium natiuitatis hora dispositores planetas deprehendamus: quoniam si loca eorum in natiuitatibus, & locus Lunæ, vel ascendentis. Iterum omnia, scilicet, vel plura loca conuentionis, vel præuentionis non alligentur, erit natus formæ monstruosæ: Hæc autem, si sic fuerint, & cum hoc in quadrupedibus; vel feralibus signis, luminaria reperiamus, fuerintque infortunæ in angulis existentes, non erit natus ex hominibus; si qua verò fortunarum, cum luminaribus testimonium non habuerit, sed eis infor-

tunæ



tunc reſtituta fuerint; natus non erit domeſticus; eritque natura ipſius ex ferarum impediendum naturis. Quod ſi Iuppiter, aut Venus luminaribus reſtituetur: erit natus ex animalibus domeſticis, vt ſunt canes, furones, & his ſimilia; ſi Mercurius autem reſtituetur: natus erit ex animalibus, quibus opus habent homines, & vruntur, vt ex Gallinis, Porcis, Bobus, Capris, & his ſimilibus: At ſi luminaria mouentur in ſignis, quorum imagines ſunt hominis, omniaque ſimiliter fuerint: natus ex hominibus, vel ex ijs, quæ cum hominibus conuerſantur fore non dubitamus, niſi quod cum monſtruoſam formam habere dicemus.

Item Cardanus, Perſpicuum eſt, inquit, quod Sol, & cæteri planetæ, cùm ſunt in Piſcibus, decernant ſurditates, & mutitates; Piſces enim parum audiunt, & voce caſent.

Iulius etiam Firmicus lib. 7. cap. 6. Luna, inquit, ſi in contortis, vel ſerinis ſignis fuerit inuenta, hoc eſt, in Tauro, Canero, Scorpione, Capricorno, vel Piſcibus, nec dominus eius ſigni cum Luna ſit partili ſocietate coniunctus, & alia etiam maleuola ſtella ipſam, aut diametra, aut quadrata radiatione reſpiciat, aut cum ea ſit parteliter conſtituta: ſecunda verò maleuola ſtella in anaphora ſit horoſcopi, & domini fortunæ reſpiciat; quadrupes de quadrupede naſcetur, præſertim ſi dominus horoſcopi, & dominus fortunæ in ijs ſignis, in quibus diximus, fuerit inuentus. Si verò dominus fortunæ aut dominus horoſcopi in humano ſigno fuerit conſtitutus, & in ſexto ab horoſcopo loco, cæteris omnibus, ſicut diximus, conſtitutis: naſcetur ex homine portentum. Si maleuolæ ſtellæ in cardinibus partiliter fuerint collocatæ in cardinum anaphoris: Sol verò, & Luna in cardinibus poſiti, diametra ſe radiatione percutiant, beneuolæ autem ſtellæ, neque in cardinibus ſint poſitæ, neque in anaphoris cardinum, ſed ſub radijs ſint Solis abſconſæ: aut quadrupes naſcetur, aut monſtrum. Si verò Mars, aut Sol, aut Luna, aut horoſcopus, quadrata aut diametra radiatione reſpiciat, & fuerit natus quadrupes, ſacrificijs publicis de-

ſtinabitur. Si verò cæteris ſic, vt diximus, ordinatis, Iupiter, & Venus extra ordinem poſiti, aut Solem, aut Lunam, aut horoſcopum viderint; quadrupes quod natum fuerit aut coletur ab hominibus, aut templorum, & ſimulacrorum conſecrationi deſtinabitur.

Item capite octauo, Sol, inquit, ſi in horoſcopo fuerit inuentus, & Luna in medio cœli, maleuolæ verò ambæ ita ſint diuiſæ, vt vna Solem, altera Lunam, anaphoram teneat, & ab ijs alia ſint beneuola ſtella; cæcos efficiunt, aut luminibus vitiatos. Sed ſi Luna cum Sole; ſynodica radiatione coniuncta fuerit, & ſit in anaphoris, aut epicataphoris cardinum conſtituti, & Saturnus, & Mars in cardinibus ſint partiliter collocati: oculis vitium cæcitaris inferitur. Semper autem generaliter, ſi in maleuola uolarum anaphora Sol ſit, & Luna conſtituti, vitium oculis faciunt inferri. Hæc Geneſiſ de monſtrorum cauſis.

Mihi verò horum cauſæ promendæ ſunt ex officinis Phyſicorum, & obijciendæ ijs, qui ſpectant & admirantur aſtra, præterea nihil. Et Ariſtoteles quidem libro 2. Phyl. text. 82. Monſtra dicit eſſe peccatum illius, quod propter aliquid agit, quo fruſtratur, aliquo corrupto. Empedocles apud Galemm libro de hiſtoria philoſophica docuit, oriri monſtra, ſi plus iuſto fuerit ſemen, ſi minus, ſi diuulſum, ſi euandum, ſi inordinato motu emiſſum.

Tria verò monſtrorum genera ſunt. Quædam enim à progenitoribus differunt ſpecie. Mulier auctore Plinio lib. 7. naturalis hiſtoriæ, cap. tertio Elephantem exiit eſt; & inter initia Marſei belli ſerpentem peperit ancilla quædam; & Hippocentaurus in Theſſalia natus dicitur.

Quædam verò eandem cum parentibus retinent ſpeciem, ſed non eandem membra, vel non eodem ordine. Franciſcus Valeriola lib. 4. Obſervationum, Medicor. obſeru. 2. narrat Auenione a ſe viſum puerum duplici corpore, ab imo ventre ad pedus, vno capite, prægrandi, quatuor cruribus, totidem brachijs ſep- tem in ſingulis pedibus digitis non ſatis diſtinctis,



distinctis, sex in manibus singulis. Et sanctus Augustinus lib. 16. de ciuitate Dei cap. 8. Ante annos, inquit, aliquot, nostra certè memoria, in Oriente natus est homo duplex superioribus membris, inferioribus simplex, duo erant capita, manus quatuor, venter vnus, pedes duo, & tandiu vixit, vt multos ad eum videntum fama traxerit.

Quædam denique sunt ex duabus, vel pluribus speciebus composita, quæ refert Aristot. 2. Phys. text. 83. bouigena, viriprora, vitigena, oleoprora. Marcus Varro, hæc monstra bigeneres vocauit. Apud Aristotelem Agnus capite bouis: vitulus capite pueri: puer capite ranæ inuenitur, lib. 6. de historia, cap. 23. Apud alios Cynocephali leguntur canis capitibus latratus edere, bestiis similes, magis quàm hominibus, de quibus Solinus, Diodorus Siculus, & alij.

Hæc sunt monstrorum genera: nunc causas inquiramus, quas quatuor numero faciunt Peripatetici libro 2. Physic. text. 82. Themistius, Aueroës, Simplicius, S. Thomas, Augustinus Nyphus, Ferraricus, Dominicus Soto, Franciscus Cardinalis Tolerus, Benedictus Pererius libro 9. de principijs, cap. 10. Materiam ex qua formatur viuens, hæc enim si deficiat, si redundet, si commixta & confusa sit; monstri causa existit. Agens aut principale, aut instrumentale, aut vtrumque, huiusmodi est vis formatiua foetus, & accidentia illa quæ in Philosophorum scholis toties audiuius in virtute substantiæ producere substantiam. Vterum & locum in quo formatur viuens, nam auctore Hippocrate libro de genitura sicut cucumer adhuc cucumerario coherens, recipit figuram vasis in quo alitur, & crescit; ita fetus habet formam vteri quo formatus fuit. Tunicam denique qua foetura obuoluitur; nam sicut ouum, continetur cortice, ita genituram complectitur tunica quædam, quæ secundina vocatur, teste Hippocrate libro de genitura. Itaque auctore Aristotele lib. 4. de generatione animalium, cap. 4. ex ouis, habentibus duo vitella, si desit membrana quæ ea distinet, nascitur pullus: vel biceps, vel quatuor pedibus: Ita rupta

secundina, qua foetura continetur, Monstrum aliquod fieri necesse est. Ita sine stellarum ope monstra procreari existimant Peripatetici, sed quid eorum Princeps, & Magister Aristoteles? Proximum inquit lib. 4. de generatione animalium cap. 4. ab ijs quæ iam explicauimus, est vt causam de monstis reddamus; ad extremum enim cum motus soluatur, & materia non superetur: remanet quod maximum est vniuersale, id est, animal. Iam puerum ortum capite arietis, aut bouis referunt, idemque in cæteris membrorum nominant animalis diuersi: vitulum capite pueri: ouem capite bouis natam asseuerant. quæ omnia accidunt quidem causis prædictis, sed nihil ijs quæ nominant est, quamuis similitudo quædam generetur, quod euenit etiam non in Monstrum peruersis. Quamobrem sæpenumero per conuicium nonnulli deformes assimulantur, aut capræ ignem, affanti, aut arieti peculeo. Physiognomon quidam, omnes ad duorum, aut trium animalium formas redigebat, & dicendo plerumque persuadebat. Sed enim impossibile esse, vt tale monstrum gignatur, id est alterum in altero animal; tempora ipsa grauiditatis declarant, quæ plurimum discrepant in homine, & cane, in oue, & boue, nasci autem nullum, nisi tempore suo potest. Partim igitur hoc modo, dicuntur monstra; partim quod forma prodeant multimembri, scilicet multis pedibus, aut multis capitibus, sed profectò rationes monstrorum, & oblationum animalium propinquæ, & similes inter se quodammodo sunt; Monstrum enim oblatio quædam est. Democritus verò monstra fieri, ea de causa scribit, quod duo subeunt semina: Alterum ante, alterum postea, quæ cum in vtero confundantur, euenit vt membra coalescant, atque dissideant. Auius verò quoniam coitus agitur crebro, idcirco semper, & ex oua, & colorem euariare autumat: sed si ita sit, vt ex vno semine, eodemque coitu, plura generentur, quod patet: præstat non circumire, via ommissa breui, & facili; ijs enim tunc maxime id accidere necesse est, cum semina non distinguuntur, sed simul subeunt: quod si semini maris



maris causa tribuenda est, hoc modo dicendum sit, sed enim ex toto potius, causam in materia, constituendisque conceptibus esse censendum est. Quamobrem, monstra huiusmodi raro admodum sunt in ijs; quæ singulos pariunt, sed crebrius, in ijs quorum partus est numerosus; non modo quod sæpe pariant, ut columbæ: verum etiam quod multos simul conceptus intra se continent, & temporibus omnibus coeunt. Hinc gemina pariunt etiam plura; coherent enim conceptus, quoniam in propinquo alteri alter est: quomodo interdum fructus arborum complures: quod si vitella distinguuntur membrana, gemini pulli discreti, sine vlla superuacua parte generantur, sed si vitella continuantur, nec vlla inreriecta membrana determinantur, pulli ex ijs monstriferi prodeunt, corpore, & capite vno, cruribus quaternis, alij totidem, quoniam superiora ex albumine generantur, & prius (vitellum enim cibus ijs est) pars autem inferior postea instituitur, quamquam cibus idem indicereturque suppeditatur. Iam serpens etiam biceps visus est videlicet eadem de causa; nam id quoque genus oua parit, & multa numero, sed rarius in eo monstri institutio euenit propter vteri formam; porrecta enim inuersum copia ouorum continetur pro vteri longitudine. Nec verò in genere apum, aut vesparum tale quid accidit, cellulis enim discretis partus earum continentur: at in gallinis e contrario fit. Vnde apertum est, causam euentorum huiusmodi in materia esse putare oportere; ut enim in ijs, quæ plura pariunt, magis, sic in ijs quæ pauciora, minus id accidit. quocirca homini minus; singulare enim perfectumque parit, nam & homini locis, quibus mulieres præsecundæ sunt, magis id euenit, ut in terra Aegypto. Capris verò & ouibus magis ut secundioribus accidit, atque etiam magis multifidis, multifera enim id genus animalia sunt, nec partum perficiunt, ut canis; cecos enim magna eorum pars solet parere, quod quam ob causam accidat, & quam ob rem pariant multos, postea explicabimus. Sed enim hæc propensiora sunt

suapte natura ad monstrificam portionem, quando non similes sibi generant, sed imperfectos. nam & monstrum quid dissimile est quamobrem ijs quibus talis natura est, facilius casus hic obuenit, in ijs enim potissimum, & quæ metachæra appellantur, consistunt, quæ aliquatenus labe monstrifica sunt affecta; nam deesse, aut superesse quidquam monstruosum est; monstruosum enim est res præter naturam, sed præter eam, quæ magna ex parte fit; nam præter eam, quæ semper, & necessariò est, nihil fit, verum in rebus ijs, quæ magna quidem ex parte ita sunt, sed aliter etiam possunt fieri, euenit, quod præter naturam constat; nam & inter eas ipsas, quibus accidit quidem præter hunc ordinem, sed nunquam quolibet modo, minus monstrum esse videtur; quoniam quod præter naturam fit, idem etiam secundum naturam quodammodo est, cum naturam materiæ, natura formæ non superat, quamobrem, nec eam monstri nomine appellantur, neque ubi fieri aliquid solet, ut in fructibus. Vitis enim quædam est, quam aliqui capneum vocant, quæ cum vnam albam soleat ferre, si nigram tulit, monstrum id esse non putant; quoniam sæpissime id facere ea solet, causa est, quod sua natura inter albam, & nigram est, itaque non longè disceditur, nec præter naturam ferè; non enim, in aliam naturam transiit.

Has tradunt monstrorum causas Peripetetici. Strato verò Lampiscenus apud Plutarchum libr. 5. de Placitis philosophorum cap. 8. in semine omnes monstrorum causas vidit, quas vidit & Empedocles inter Poetas summus Philosophus, inter philosophos princeps Poeta, apud Galenum, libro de historia philosophica, Monstra, inquit, nascuntur si multum fuerit semen: si parum: si diuulsum: si euandidum: si inordinatum.

Easdem & Medici faciunt monstrorum causas, quorum sententias paucis, sed lectissimis verbis complexus est. Franciscus Valeriolas libr. 4. Medicarum obseruationum obseruatione secunda, Ludibria, inquit, hæc sunt ludentis naturæ, quæ vel ad materiæ copiam, aut defectum;



defectum aut ad situs in vtero peruer-  
sionem, aut ad formatricis naturæ vi-  
tium, & impotentiam, aut ad locorum  
vitium, figuram, positionemque, aut ad  
impedimentum, quod in illis sit, refe-  
renda sunt.

Hæc quæ de monstrorū causis sapientis-  
simi viri Philosophi & Medici tradunt,  
naturæ ipsius certissimis sunt confirmata  
iudicijs, & quotidianis comprobata  
experimentis. Promant iam Astrologi  
quantam volunt syderum benignitatem, si  
vterus distortus, si aliqua parte mancus,  
si durior, si mollior, si laxus sit; foetus  
aptè formari nunquam poterit.

Rursus cogitent monstrifica quæcum-  
que astra, si parum in vtero sit materiæ,  
vnde illa effingent plura capita, plures  
pedes, plura membra, quàm natura  
foetus postulet? vtero, membranis, se-  
mine, ex naturæ præscripto ritè dispo-  
sitis, quomodo astra fingent monstrum?

Nihil igitur astris iuris est in formandis  
monstris, nihil in procreatione fetus, sed  
omnia sibi vendicant materia, vterus  
membranæ, vis formativa & cætera  
huius generis.

Præterea redeunt ne aliquādo eadem  
stellarum configurationes, an nunquam?  
Si redeunt, cur eadem non procreantur  
Monstra? Cur certis statisque tempori-  
bus non redeunt monstra: quemadmo-  
dum redit æstas, & hyems, poma, &  
fruges, avium nidificatio, procreatio  
pecudum, quæ omnia è syderum con-  
gressu Astrologorum sententia pendent?  
Si non redeunt, vnde norunt monstri-  
ficam, ut ita loquar, vim stellarum?  
Addo monstra esse per accidens, libr. 2.  
Physicorum text. 80. At id, quod à con-  
stitutione cœli, & ordinatissimis cœ-  
lorum motibus proficiscitur, non est per  
accidens, sed per se intentum; pugnan-  
tia itaque hæc sunt, esse monstrum &  
esse à cœlo effectore.

Deinde cum multi simul procreantur,  
doceant cur nunquam plura, immò ne  
duo quidem monstra simul gignantur?  
& si gignantur, cur nunquam similia  
planè gignantur?

Constat, & illud quo die monstrum  
nascitur, aut gignitur, nasci & procrea-

ri plures integros, & omnibus parti-  
bus absolutos. Cur ita? Cur stellæ per  
id tempus præsidet non omnes ad inu-  
sitatam formam traducunt? Quid in-  
hunc plus iuris habent, quàm in illos?  
Integri qui formantur à quo quæso for-  
mantur? à stellis? At illæ eo tempore,  
eoque die in signis contortis sunt, in-  
quibus Astrologorum sententia, ut vi-  
dimus, non possunt integros conforma-  
re: An à vi formativa seminis, & pro-  
ximis causis? fatendum erit, stellæ nul-  
lam vim in conformatione foetus exer-  
cere, quod si Astrologi admittant: &  
illud tandem admittendum erit è stella-  
rum configuratione nihil de foetu de-  
cerni posse, aut cognosci.

Quid illud, mediocriterne stuporis, ac  
tarditatis est, quod ait Cardanus, quan-  
do Planetæ sunt in piscibus, nasci filios  
mutos; quia pisces voce carent; Aliæ  
credo stellæ fari possunt: Quod ait Pro-  
lemæus, si luminaria mouentur in signis,  
quorum imagines sunt hominis, natum  
futurum monstruosum quidem, sed ex  
hominibus, si in figuris brutorum, fu-  
turum ex brutis: quam monstruosum est  
ita ne stellæ generant sibi simile?

Cur sapientissimi viri, Aristoteles in  
primis, qui de monstrorum causis diser-  
tè, & accurate disputarunt, nullam astro-  
rum mentionem fecerunt? An ignorarunt  
ea, quæ Pistoribus, Fabris, Architectis,  
Sutoribus perspecta sunt? Non ita; sed  
quod ad omnia naturæ arcana, aditum  
sibi fecit singulare Aristotelis ingenium,  
Astrologica non attigit, non quod asse-  
qui non potuerit, sed quod ficticia, nul-  
laque ratione constare intellexit.


Denique, qui monstra aiunt è stellis  
proficisci, omniane, an aliqua aiunt es-  
se à stellis? non omnia, quia sub quo-  
cumque stellarum schemate coeant ani-  
mantes, diuersorum generum, monstra  
prodire per quotidiana experimenta  
didicimus, quæ de causa, Deus Leuitici  
cap. 19. num. 19. præcipit, lumentum  
tuum non facies coire cum alterius ge-  
neris animantibus. Si aliqua, quæ est  
causa, cur hæc potius cœlum auctorem  
habeant quàm alia?

C A.



## CAPVT XI.

*Ratio qua secundum Astrologos factus stellis respondet.*

 ON prateribo quæ Planetarum de fetu docent, apud Conciliatorem differentia 49. ferme extrema. Talem, inquit, Planetarum ordinem & modum, in embryonis ducatu adinuenit in quoquoque mense dominantium. Posuit namque mense primo super conceptionem, Saturnum dominari, frigidum, & siccum; tunc enim semen aquosum est, & fluxibile, & indiguit aliquo, quod ipsum sisteret, constringeret, & fixaret. Secundo quoque mense super ipsum Iupiter dominatur fortunans, calidus, & humidus, augmentatiuus; est namque virtutis crescentis origo; Tunc enim conceptus eget calido dilatante, ipsius materiam, & humiditate, ad extensionem dilatante. Reliquo mense Mars accurrit, qui sua caliditate iam finientem embryonem calefacit, & desiccatur. Mense autem quarto superuenit Sol, ut cœli, mundi que princeps, qui sua caliditate viuifica in tantum perficit embryonem, ut spiritus in ipsum gradiatur rationalis. Quinto verò mense, Venus ordine super occurrit, frigiditate, & humiditate contemperans, quod calidum Martis & siccum, ac Solis, carnemque augmentat. Reliquo nimirum mense aduenit Mercurius humida exiccans, superfluo contemperantiam inducendo. Luna quoque septimo adiecit mense, carnem & pinguiorem sua humiditate infantem nutriti. (cùm ipsa virtutis naturalis sit origo.) Denique mense octauo reuertitur Saturnus.

Quam vellem hæc consista esse à Cō-

ciliatore in odium Mathematicorum, quam nollem legi apud Cardanum, apud Albumazar, apud Maternum, aliosque Astrologorum Magistros? Ergo ubicunque sit Saturnus, siue in Oriente, siue in Occidente, siue in Medio, siue in Imo cœlo, in quacunque domo, in quocunque signo, & in quocunque gradu signi, quomodocunque sit, cum alijs astris constitutus, Primo mense foetui præsidet, & quocunque tandem tempore ille concipitur? Et ubi sunt Astrorum congressus, configurationes, anguli, aspectus, ascensus, descensus, domus, antisical, ortus, occasus? In nihil reciderunt hæc omnia. O inter se pugnantia principia.

## CAPVT XII.

*Egregium Astrologorum figmentum.*

TREAT librum hunc de foetu egregia fabella concludere. Explicare, inquit, Iulius Firmicus libro secundo Matheos cap. 27. debemus duodecim signa, quas partes humani corporis teneant, hoc enim, & ad apotelesmata, vehementissimè proficit, præsertim cùm locum valitudinis, vel vitij voluerimus inuenire. Caput hominis in signo Arietis est; Cervix in Tauro; Humeri in Geminis; Cor in Cancro; Pectus & stomachus in Leone; Venter in Virgine; Renes, & vertebræ in Libra; Natura in Scorpione; Fœmora in Sagittario; Genua in Capricorno; Tibiæ in Aquario; Pedes in Piscibus; & sic per hæc signa, tota membra hominis diuiduntur. Hæc ille.

Quis audiuit tantam figendi licentiam? quid est fabula, si hæc est disciplina? Cur non ponunt cor in Leone? Cur cervicem potius in Tauro, quam in Piscibus




seibus collocant? Cur cor in Cancro,  
Pectus in Leone est? nonne pectore con-  
tinetur etiam cor? obliti sunt hepatis  
præcipui membri in homine; Cerebri,  
cui principatum tribuunt multi. O li-  
centiam iocularem? Hæc ludibria ha-  
bent fidem apud homines?

Prouoco ad Ptolemæum Mathemati-  
corum Principem, qui libro 1. cap. 8. ex  
Arietis stellis alias facit Iouias, Alias  
Martias, Alias Saturninas, Alias alterius

naturæ. Stellæ in capite Arietis, inquit,  
effectus habent commistos, ex viribus  
Martis, & Saturni: quæ in ore sunt, idem  
possunt quod Mercurius, & non nihil  
quod Saturnus; quæ in posteriore pede  
Martia; quæ in cauda, Venereæ sunt.  
Nego igitur harum stellarum vires esse  
miscendas; Nego ad vnum membrum  
omnes posse trahi: non in Philosophiam,  
& in Medicinam solum, sed multò tur-  
pius in Genethliacam hæc peccant.









# IN ASTROLOGOS CONIECTORES LIBER TERTIVS.

*De natali, & partu.*



## PROEMIUM.



**S**A, quæ ad conceptum, & fœtum spectabant, iam auspice Deo, exegimus, satisque videmur ostendisse, quàm multis causis, ac modis lubricum, ac fallax fieri soleat Astrologorum iudicium, de fœtu: sequitur iam alterum quod ferre solent de Partu, & nato puero, ex Natalitij Astris, in quæ cuiusque ortus incidit. Et quidem facilius fuerit, ex materni vteri ergastulo educum, & libero apertòque cœlo fruentem, huc illucque pro voluntate, pro cupiditate, pro ambitione, pro studio, pro timore, pro amore, pro iracundia, pro honestate, pro commodo, pro incommodo, liberè vagantem hominem à syderum, dominatu eximere; quàm alio inclusum & extrinsecis causarum factionibus impeditum, nihil ex se, & per se agentem.

Sed priusquam natalitias stellas vocemus ad calculum, non abs re fuerit, paucis humanam libertatem asserere: quam etsi hac tempestate, metu nimirum publicæ potestatis, non audent Genethliaci aperto Marte oppugnare, occultis tamen cuniculis eam petere non dubitant.

CAPVT





## CAPVT PRIMVM.

*Liberum arbitrium ex omnium gentium consensu.*

**Q**UANTA quidem, quæ Astrologi è stellis denunciant, perstringunt nec leuiter humanæ voluntatis libertatem, sed ea, quæ à natalitijs stellis euēctura homini iam nato, in omni vita, pronunciant: apertius syderali necessitati nostras mentes subiiciunt. Quamobrem huius tertij libri principio humanis voluntatibus cam inesse libertatem ostendendum est, ut quò, aut vnde voluerint, possint se, & conuertere, & auertere, ita planè, ut nulla fati, aut necessitatis lege teneantur, ex quo efficietur nihil mortalibus à natalitijs astris, ab Astrologorum prædictionibus, magnopere timendum, sperandumve esse.

Ne verò argutijs potiùs, se à nobis circumueniri, quàm veritate premi Planetarij existiment, omnium gentium; omnium seculorum; omnium disciplinarum consensu, contra eos agemus, humanis enim mentibus insitam libertatem, in vtramque partem agendi facultatem, omnes ætates, omnes nationes, omnes doctrinæ agnouerunt.

Agnouerunt primùm Theologi, quibus quotidie, Spiritus sancti numen, Vatum oracula, Apostolorum literæ, Conciliorum decreta, illam inculcant.

Agnouerunt Patres Græci, S. Ignatius epist. ad Magneſianos. S. Dionysius Areopagita libro de Diuinis nominibus c. 4. parte 4 extrema. S. Iustinus Martyr in Apolog. ad Antoninum Imper. Athenagoras Iustino æqualis in Apolog. ad eun-

dem. S. Irenæus lib. 4. c. 71. 72. Clemens Alexandrinus, libro 1. Strom. extremo lib. 5. item extremo, quo & Platonis vsus est auctoritate Origenes lib. 2. cont. Celsum. pag. 780. lib. 3. de principijs, cap. 1. Eusebius Cæsariensis lib. 6. de præparatione Euangelij, cap. 5. S. Athanasius serm. de passione, & Cruce Domini, & oratione contra Idola. S. Basilii serm. de libero arbitrio, & in oratione quòd Deus non sit auctor malorum. S. Gregorius Nazianzenus Apolog. prim. sermè in initio, Gregor. Nyssen. lib. 8. Philosophiæ, cap. 3. S. Ioannes Chrysostomus homilia 60. in Matthæum, & serm. secundo de fato. S. Epiphanius hæresi 16. S. Cyrillus Episcopus Alexandrinus lib. 2. in Inannem cap. 13. lib. 9. cap. 10. S. Ioannes Damascenus lib. 2. de fide, cap. 16.

Agnouerunt Patres Latini. Tertullianus lib. 2. aduersus Marcionem, circa medium, S. Cyprianus libro primo epistolarum, epist. 3. ad Cornelium Lactantium libro 4. diuinarum institut. cap. 20. S. Ambrosius lib. 7. de Iacob cap. 3. lib. 2. de Cain cap. 7. & Psal. 40. Optatus Mileuitanus libro septimo in Parmenianum, S. Hilarius Psal. 2. S. Hieronymus epist. ad Cresiphontem extrema, & in cap. 16. Hieron. in epist. ad Damasum de filio prodigo epist. ad Hedibiam q. 10. lib. 2. contra Iovinianum. S. Paulinus epist. 2. ad Seuerum epist. 4. & epist. ad eundem. S. Augustinus lib. 5. de Ciuitate Dei, cap. 10. lib. 11. cap. 6. lib. de prædestinat. Sanctorum, cap. 8. lib. 83. quæst. q. 29. lib. de Gratia & libero arbitrio, 10. 10, S. Leo serm. 16. de Passione, Prosper

Aquila.



Aquitantus in respōsione ad sextam propositionem Gallorum, S. Bernardus libro de Gratia & libero arbitrio. S. Fulgent. lib. de Incarn. & Gratia Christi, cap. 10. S. Gregor. lib. 33. moralium c. 25. S. Anselm. ad cap. 2. epist. 2. ad Timotheum.

Agnouerunt Philosophi, qui de moribus scripserunt, Aristot. lib. 3. & 6. Ethic. de Consilio, de Electione, de Gnomi, de Synesi, copiosè disputans, totam vim, ac rationem virtutis, & vitij in eligendi libera facultate collocavit.

Agnouerunt Physici, Philosophorum Princeps libro tertio de anima, textum 57. Sensitiua, inquit, imaginatio, sicut dictum est, & in alijs animalibus inest, deliberatiua autem in rationalibus: utrū enim aget hoc, an hoc, iam rationis est opus, & necesse est vno mensurare; maius enim persequitur, quare potest vnum ex pluribus phantasmaribus facere, & causa hæc est, quod opinionem non videtur habere, quoniam ea, quæ est ex syllogismo non habet: hæc autem illam. Quapropter deliberatiuum non habet appetitus: Vincit autem aliquando, & mouet voluntatem, aliquando autem illa hunc: sicut sphaera, appetitus appetitum, cum incontinentia facta est. Natura autem semper superior, principalior est, & mouet, adeo vt tribus rationibus iam moueatur.

Agnouerunt Metaphysici. Et Aristoteles lib. 9. Metaphys. text. 10. Quoniam, inquit, quod potest, aliquid potest, & aliquando, & aliquo modo, & quæcumque alia necesse est adesse in definitione: & quædam quidem ratione, possunt mouere, & potentia eorum cum ratione; quædam verò irrationalia, & potentia irrationalia: & illas quidem necesse est in animato esse; has verò in ambobus, huiusmodi quidem potentias necesse est, vt cum quoad possint actiuum, & passiuum approximent, hoc quidem faciat, illud verò patiatur: illas verò non est necesse; hæc enim omnes, vna, vnus factiua, illæ verò contrariorum. Quare simul ne faciat contraria hoc vno impossibile est. Necesse est igitur,

aliud quiddam esse, quod dominetur: Dico autem siue appetitum, siue electionem; quodcumque enim appetat, principaliter hoc facies, cum quoad possit, approximet passiuo.

Agnouerunt Medici. Cur enim vel præscribit Hippocrates, tribus de diæta libris victus rationem, si non possumus nobis ipsis temperare? vel Galenus suadet parua pilæ exercitationem, si liberum non est, qua re se quisque velit exercere? vel Celsus sanxit canones de sanitate tuenda, si eius præcepta sequi penes nos nequaquam est? vel alij omnes morbo cuique medicinam parant, si necessitas nullum prudentia locum reliquit?

Agnouerunt Iurisconsulti, qui, nisi male rectè viuendi facultas in nobis esset, per summam iniuriam tantam legum poenarumque varietatem cōstituisent, ad hominum libidinem reprimendam: & quidem longè aliter, quam bruta soleant, aut homines mente capti coerceri.

Agnouerunt rerum publicarum Moderatores, qui non animaduertent in ciues, nisi integrum illis esset, perturbationibus, quibus incitantur, quoties perperam agunt, imperare non adhiberent in consilium prudentes viros, & longo rerum vsu eruditos, nisi in libera nostra potestate esset illud capere consilium quod est Repub. maximè sit. Nec tam anxie imminentes Reipub. calamitates amoliri conarentur si omnia ineluctabili fato euenirent. Nec tanta animi prouisione suis ciuibz consulerent si omnia inuitabili Astrorum motu agitariarentur.

Agnouerunt Rethores, quorum inanis omnis ad persuadendum apparatus esset, si inflexibilis necessitas aures, animosque audientium teneret.

Agnouerunt ipsi etiam Mathematici, Ptolemæus libro primo de iudicijs, capite 3. Neque, inquit, in ijs rebus quæ necessariò accidunt, ignoramus lubius, & inopinatis aduersitatibus, animos percelli, & successibus extolli, sed prouisio futurorum animum compoñit, & moderatur, meditatione absentium tumque præsentium, & præparat ad percipien-

F da



da ventura cum tranquillitate, & constantia.

Post pauca. Quæcumque à prima causa, vel in vniuersum, vel singillatim mouentur, hæc inuariabili modo procedunt; cum illa insuperabilis sit, & omni contra nitente vi præstantior: quæ autem se aliter habeant, eorum quibus contrariæ affectiones contigerint, facile esse conuersionem: quibus verò defuerint, illas primas causas sequi: hoc verò sit in scientia hominum, non illarum necessitate, & potentia.

Idem in cetero loquor, si potest, qui sciens est, multos stellarum effectus auertere, quando naturam earum nouerit, & ipsum præparare.

Iulius item Firmicus libro primo Matheseos, capite 3. Inuocemus, inquit, suppliciter Deos, & religiosè promissa numinibus vota reddamus, vt confirmati animi nostri diuinitate, ex aliqua parte stellarum violentis decretorum potestatibus resistamus. Hoc debere nos facere vir diuinæ sapientiæ Socrates docuit. Nam cum quidam ei de moribus suis cupiditatibusque dixisset, quos ille simili ratione collegerat: Sum, inquit, vt dicis, agnosco, confiteor, & vir prudentissimus latentia corporis vitia, facili confessione detexit. Sed hæc inquit omnia à me prudentia, ac virtutum auctoritate superata sunt, & quidquid vitij corpus ex praua concretionem habuerat, animi sibi bene conscia diuinitas temperauit.

Rursus Albumazar ijs, qui Astrologiam inutilem esse obijciunt, respondet, per commodam esse. Nam qui conscius, inquit, est futurorum euentuum, poterit sibi præcauere mutando bonum, in quo futura est pæssio; poterit etiam aliquando totum à se malum repellere; & futuram infirmitatem, aut hostium inuasionem deuitare.

Agnouerunt denique Gentes vniuersæ, omnes populi, cunctæ nationes, omnesque ætates; quæ quotidiano vsu & experimento viderunt nos odisse, quod aliquando amabamus; amare, quod maxime auersabamur; quod fugiebamus sequi; fugere quod sequebamur.

Huic constantissimæ veritati omnium populorum, omnium disciplinarum consensu firmatæ, syderum ductus, & dominatus aduersari nemo non videt. lactant quidem Genethliaci salua libertate se de futuris euentis dicere, sed suas prædictiones tam firmas, ac ratas esse volunt, quàm, quæ inuitabili necessitate eueniunt contententes si quid in Astrologicis denunciationibus deprehendatur falsum, id in Astrologum, non in Astrologiam referendum esse, quasi nullus possit esse error in prædicendo, nisi in Astrologiam peccatum fuerit. Hinc Ptolemæus libro primo de iudicijs, capite primo. Primum quidem intelligendum, inquit, multa errata eorum, qui parum accuratè in remagnæ, & multiplicis considerationis versantur, derogare fidem scientiæ, & facere, vt fortuita videantur etiam, quæ veritatem completuntur; quod non rectè fit, nam hæc imbecillitas non est scientiæ, sed professorum.

Quantum itaque suæ Genethliaci arti firmamenti ac certitudinis astruunt, tantum ex liberis voluntatibus detrahant necesse est: quæ si liberæ sunt, vt verè sunt, non ex coeli præscripto, sed suo arbitratu viuere debent; nihil enim liberæ voluntati aduersatur magis, quàm alieno imperio, & ducatu huc, & illuc circumferri: Aut certis prædictionibus magis repugnat, quàm humanæ mentis in vtranque partem agendi libertas.

Et quid de nostris appetitionibus conjicere potest probabiliter Astrologus, si libera est voluntas, & in vtranque partem æquæ parata; voluet illa, ac reuoluet pedes, quod nunquam putatum est, recta procurret, deflectet in sinistram latus, apparebit in dextro, latebit in mazandris, desiliet repente in lucem, eludet omnes præsentiones, Astrologorumque obseruationes.

Atque ne vllus sit ambigendi locus Astrologos verbis solum retinere liberum arbitrium, re & factis negare plerique omnes veteres, ex quibus initia, vel incrementa sumpsit hæc ars luce palam docuerunt nullam esse humanæ voluntatis libertatem, sed homines



nes veluti muta pecora agi stellarum vi. Id Arabes, quorum adhuc libri leguntur, tradidere, id Chaldaei, quos Marcus Tullius lib. 2. de divinatione refellit, Id omnes Genethliaci, qui per Augustini, Basilij, Chrysostomi, Cyrilli, Theodoretij, Gregorij tempora floruerunt, qui eo nomine potissimum ab his Patribus confutantur, quod humanæ mentis libertatem euerterent, ut non possint recentiores Astrologi retinere veterum disciplinam, nisi quemadmodum illi ita hi humanæ mentis libertatem penitus tollant.



## CAPVT II.

*Humanas mentes syderum potestati non recte subijci.*

**H**UMANÆ mentis liberam in utraque partem agendi potestatem, satis iam videtur monstrasse omnium Gentium testificatione: nunc liberas voluntates à syderum dominatu vindicare aggredimur.

Ac primum naturam omnibus, quibus inest, rationis, & ordinis causam esse, ut confessam iam rem, & manifestam pronuntiat Arist. lib. 8. Physic. & lib. 3. cœli, tex. 27. & 24. quin lib. 2. de cœlo, tex. 69. non aliam reperit rationem, cur supremo orbi astra multa, singula inferioribus affixa sint; nisi quia cum natura æqualitatis, & ordinis auctor sit, vni conuersioni, stellas multiplices: vni verò stellæ multiplices conuersiones attribuit, ut ordine quodam paria faceret omnia. Iam verò quid à recto ordine cogitari potest abhorrentius, quàm incorporeas animarum naturas syderalibus, & corporatis necessitatibus subijcere? Natura (inquit Aristot. lib. 3. de anima, tex. 57.) superior, semper principalior est, & mouet. Et Ptolemæus libro primo de iudi-

cijs, cap. 3. Semper, inquit, minor causa maiori succumbit. In omni sanè causarum genere cernimus regi, gubernarique à perfectioribus, imperfecta: ab imperfectis perfectiora nusquam. Præstat elementis cœlum, propterea ex necessitate ait Aristot. libro 1. Meteororum, cap. 2. continuus quodammodo hic mundus inferior est supernis latioribus; ut omnis ipsius virtus inde gubernetur. Vnde enim motus principium omnibus inest, illam causam putandum primam. Dignitate nos superamus animantes cæteras, idcirco & ijs imperamus, ijsque utimur, omniumque finis sumus, id quod docet Aristoteles lib. 2. Physic. tex. 34. Quid in artibus? audiamus eundem libro primo Ethicorum, capite primo. Quæcunque artes huiusmodi sunt, sub vnâ aliquam facultatem, & potentiam reducuntur: quemadmodum sub equestrem frangorum effectrix, alæque omnes, quæ equestria instrumenta conficiunt; atque hæc, omnisque demum actio bellica, sub militari: atque eodem modo sub alijs alæ, atque in ijs omnibus fines earum, quæ Architectonicæ habentur, magis quàm reliqui omnes, aliarum, quæ subiacent expectendi sunt; nam illos quoque horum causa sectamur. Quò pertinet & illud ex procœmio Metaphysicæ. Quare, & eos, qui in vnaquaque re architecti sunt honorabiliores, & doctiores, ac eis, qui manibus operantur, sapientiores putamus, quoniam causas eorum, quæ fiunt, sciunt: illi verò sicut, & quædam inanimata faciunt quidem, sed nescientia faciunt ea, quæ faciunt, ut ignis comburit, sed inanimata natura quadam horum singula faciunt, manibus laborantes, propter consuetudinem, tanquam sapientiores sint, non prout actui sunt, sed prout rationem habent, causasque cognoscunt.

Quid in virtutibus? nonne idem lib. 3. Ethicorum, cap. 1. iustitiam, quàm inter cæteras virtutes Hesperum, & Luciferum facit, ita cum lege coniungit, ut legitima omnia ex iustitia etiam affirmet esse, ideoque iustitiam virtutibus cæteris imperare vnâ cum lege? Lex, inquit, præcipit, & id quod fortis viri opus est, ut non deferere ordines, non sige-

F 2 non




non abijcere arma; & id quod est temperantis, ut non committere adulterium, non contumeliosè se gerere; & id quod est mansueti, ut non verberare, non maledicere: simili modo quoque secundum alias virtutes, & vitia, alia iubet, alia prohibet. Rursus lib. 6. capite octavo cum prudentiam diuississet in familiarem, Legum latricem, & Civilem, cuius altera pars cōsultat, altera iudicat eam, quæ cæteris antecedit, nempe Legum latricem, facit etiam alij præsidere, instar Architectonicæ.

Quid in scientijs, & habitibus in rerum contemplatione positis, sapientia, ut præstat, ita & præest reliquis, quam Aristoteles scribit libro primo Metaphysices, cap. 2. principaliorem, quam ei subministrantem, potius sapientiam esse: non enim ut sapienti præcipiatur, sed ut ille præcipiat: nec utile ab altero, sed ut ab eo minùs sapienti suadeatur, docet. Eodem pertinet illud libri 6. Ethicorum, cap. 7. ubi cum prudentiam virtutum Principem, & Aurigam fecisset, subdit ad finem capituli ultimi At verò prudentia neque præsidet sapientiæ, neque melioris, quàm ipsa, partis est, quemadmodum neque sanitati medicina; neque enim ipsa vitur, sed ut fiat prouidet, quocirca illius causâ præcipit, non autem illi. Simile præterea illud est, si quis civilem propterea quòd de omnibus præcipit, quæ in ciuitate sunt, Dijs præesse, ac dominari etiam diceret. Exercitui mundum comparat lib. 12. Metaphysices, text. 52. Quemadmodum, inquit, exercitus, etenim bene esse eius in ordine, & dux ipse est, ac magis ipse: non enim ipse propter ordinem, verum ordo propter ipsum est: cuncta autem coordinata quodammodo sunt; verum non similiter, & natantia, & volatilia, & plantæ, nec ita se habent, ut si vllum alteri ad alterum, sed sunt ad quippiam; ad vnum namque coordinata sunt omnia: verum quemadmodum in domo, liberis quidem minimè licet quodcumque facere, sed ea omnia, aut plurima, quæ ordinata sunt, mancipijs verò & bestijs parum, quoad commune conferat, sed ut plurimum, quodcumque contin-

git, tale namque principium cuiusque eorum natura est.

His planum fit, eum rerum naturis ordinem indicum esse, ut præstantiora dominantur, ignobiliora deferuant: propterea nihil peruersum, nihil præposterum, nihil à naturæ consilio magis alienum fingi cogitarive potest, quam humanas mentes cœlestibus orbibus subijcere; hoc est, incorporales substantias corporatis; impartibiles, & simplices partibilibus, & concretis, rationis, & sapientiæ participes ratione & sapientia, carentibus; sentientes, mutis, ac surdis; morrices sui, & aliorum ijs quæ motoris indigent, virtutum, & beatæ vitæ capaces, expertibus virtutis, & beatitudinis famulari.



### C A P V T III.

#### *Altera ratio ex fine.*

**I**tem cui nam bono sit, si nostris voluntatibus sydera moderentur? si nulli, frustra id esse oportet, Deus autem, & natura, quod frustra sit, faciunt nihil, auctore Aristotele libro primo cœli, text. 32. lib. 2. text. 59. cui inquam id bono est? An syderibus? Egregiam verò laudem syderibus assignat, qui in ea reiiciunt causam tot vitiorum, quæ inter homines grassantur. Neque vero aliunde morum innumeras prauitates, & corruptelas, quàm à rectissimis ordinatisimisque cœli conuersionibus proficisci existimandum est: scilicet à sempiternis, & à Deo constitutis orbibus manare debuerunt peruersæ, & immanes multorum naturæ, Neronis, Claudij, Heliogabali, & cæterorum eiusdem ordinis monstrorum.

An bono est humanis mentibus? At per huiusmodi Astorum dominatum, omni solertiæ, sapientiæ, virtutis, laude spoliatur; nullus erit in pretio labor, cessabit in edomandis animi perturbationibus



bus studium languescet omnis ad virtutem conatus; quin etiam, qui modò rectam rationem colunt, abijcient eam curam, nec aduersùs syderum vim niti audebunt, fracti multis difficultatibus, quas obijcit virtus; abijcient mortales omne recti, honestique studium; & orbis terrarum, qui ex fabuloso illo chaos emerferat, in verum iam chaos, idest, in summam rerum omnium perturbationem prouoluetur?


An denique id rerum vniuersitati conducibile est? Et quid in ea præclarum, & illustre fuerit, si mundi apparatus omnis, ac splendor eò solùm spectet, vt omnia astris obtemperent? Certè cùm duo quedam bona in deliberationem, atque disceptationem veniunt, amplectitur, & perficit natura id quod melius est, quod vidit & Aristoteles libro primo de Generatione animal. capite quarto; Si mundum igitur omnem, in vnum aliquid referri oportuit, optimum id, ac præstantissimum esse necesse est; Verum autem præstantius quid sit, humana mens, intelligendi sapiendique potens: An cœlum nullo sensu, solertiaque præditum, qui non videt, videre quid possit, haud video. Aristoteles lib. 12. Metaphysices, text. 51. de primo entium. Si non intelligit, inquit, non erit optima substantia; si quidem eò quod intelligit, ei honorabilitas inest. & lib. 1. de Anima text. 82. Dubitabit autem utique aliquis, & quid est, vnum faciens ipsa, materix enim similia sunt elementa, principalissimum enim est illud, quod continet, quodcumque est: Anima autem aliquid esse melius, & præstantius impossibile est: impossibile autem adhuc intellectu; rationabilissimum enim esse, hunc, aziquissimum, & dominum secundùm naturam. Non est igitur nostra mens, propter cœlum, sed cœlum in nostrum vsum, & commodum; semper enim habet rationem optimi, id, cuius gratia aliud est, ait Aristotel. libro 2. Physic. text. 23. lib. 5. Metaphysic. text. 3. Intellectu autem nihil melius, aut præstantius, vt idem testatur lib. 1. de Anima, text. 82. & lib. 12. Metaphysic. text. 37.

Nonne ad Sapientiam nos, pietatemque nati sumus? At Sapienti auctore Aristotele, libro 10. Ethicorum, capite 7. & 8. famulantur omnia, tanquam alteri Deo, Propter quod Simonides sapientiam non humanam, sed diuinam possessionem, fecit. quod Aristoteles lib. 1. Metaph. c. 2. ita improbat, vt sapientiæ non improbet in res omnes principatum. Si quid, inquit, Poetæ dicunt, secundùm Prouerbum, multa mentiuntur, nec aliam, quam huiusmodi decet honorabiliorem putare; quæ enim diuinissima, eadem etiam honorabilissima est: & libro 12. text. 39. Istud magis, inquit, quàm illud est diuinum, quod intellectum videtur habere, & speculatio optimum, & maxime delectabile est. Si igitur ita bene se habet Deus semper, vt nos aliquando, admirabile est, quod si magis, adhuc admirabilius est. Item libro 10. Ethicorum, cap. 7. de sapientis felicitate disputans, Talis, inquit, vita præstantior esset, quàm homini conueniat; non enim quatenus homo est, ita viuet, sed quatenus diuinum quid, in ipso inest. quare autem id præstat composito, tantò quoque eius operatio ab operatione distat, quæ ex virtute alia exiit. Sicut igitur intellectus diuinum quid est, si ad hominè respiciamus, sic vita quæ ex intellectu traducitur, si humanæ vitæ cõparetur, diuina etiam ipsa est: neque verò oportet quemadmodum nonnulli monent, vnumquemque cùm sit homo, humana, & cùm sit mortalis, cogitare mortalia; sed quatenus licet immortalem se reddere, omniaque efficere, vt ex præstantissimo omnium, quæ in ipso est, vitam traducat; nam licet id mole sit parum, vi tamen, & pretio omnia longo interuallo antecellit. cap. 8. Dei, inquit, operatio cum beatitudine excellat, contemplatiua erit: & ex humanis ea erit felicissima, quæ huic maxime est cognata; arguimur illud est, quod cætera animalia, quæ tali operatione penitus carent, expertia felicitatis quoque sunt; Djs enim beata tota vita est, hominibus autem, eatenus, quatenus similitudo quædam eiusmodi operationis, in ipsis inest. Et infra. At qui ex intellectu operatur,

F 3 huncque



huncque extollit, atque optimè afficit, is esse Deo charissimus videtur. nam si aliquam humanarum rerum curam Dij habent, sicut videtur, consentaneum est ipsos, re illa, quæ optima est, atque ipsis maximè cognata, delectari, qui est intellectus: eosque qui eam maximè amant, & honorant, remunerari: utpote, qui eorum, quæ ipsis sunt amica, curam habeant, recteque & honestè agant: hæc autem omnia sapienti maximè inesse obsecrum non est; is igitur est Deo charissimus. I nunc, & homines sapientiæ compotes cœlo sensu carenti subde tota reclamante natura.



## CAPVT IV.

*Tertia ratio ex dominatu mentis in corpus.*

**C**REDIT his, quæ superiori capite disputata sunt, quòd etiam si deceret maximè, fieri tamen non posset, ut humana mens syderum ductu, ageretur, in ea, quæ appetit, aut molitur. non enim sydera mentem afficiunt, per se, sed per corporis immutationes, ut tradit Ptolemæus lib. 1. de iudicijs, cap. 1. & 2. Metienda igitur, atque existimanda est syderum potestas ex statu corporis nostri, tantùmque illa valere potest ad incitandam mentem, quantum impressione corporali, cuius nostrum corpus sit capax, humana mens percelli potest. Experimur autem, ita se corpus ad animum habere: ut primò quædam animus, aut facere non possit, aut non nisi mutilè, & præposere, flaccescente corpore: Deinde, ut animus impulsus quosdam imprudens, ac nolens patiat ex insolentia corporis, & sensus, subditur enim illi politico, non despotico iure auctore Aristotele libro primo Politicorum, cap. 3. Nunquam autem ea est horum impullum vis, ut ei nostra mens, (modò sit

sui compos) nequeat obistere. Huic rei fidem faciunt tum vsus propè quotidianus, tum naturalis, ac subitus angor conscientiæ, animo se ipsum incusante, quod cesserit cupiditati, quod libidini non restiterit. Clarissimum sanè naturæ testimonium, quod potuisset non cedere. Quoniam autem bonum omne ad quod corporalis appetitus impellit, corporale esse necesse est, quo longè præstantius est honestum, & incorporale; consequens sit quodcumque bonum, motus corporalis menti obtendat, respui ab ea posse, boni præstantioris amore, quod obijcit recta ratio; quæ cum nulla syderum vi, inhiberi possit, ne obijciat virtutis honestatem; nam stellæ nullâ vim exercent, nisi in corpus, Bonum autem rationis, & honestum in sola ratione residet; Libera itaque sit necesse est, mens à syderum dominatu. Et sanè Astra, vel organum phantasiæ ita deprauant, ut ad liberum usum rationis ineptum, planè sit, & tunc non vitio, sed morbo tribuendum est quidquid homo efficit: Vel non tanta est organi perturbatio, quin mens suo munere fungatur, & tunc nisi animus aliò sponte cogitationem intendat, fieri non potest, quàm animaduertat, quale sit id, ad quod incitatur à sensu, quantumque sint illo meliora, quæ recta ratio obijcit; cum enim apto utatur organo, nec sit impedita, resque ex ijs sit quæ cadunt in humanam mentem, cur cæcutiat media luce, nihil omnino est causæ: specie ergo potioris boni deponere potest, si velit, cupiditates quas ingerit sensus minoris boni. Offundere sæpe tenebras solet sensus, per quas animus nequit rationes omnes dispicere quibus ab amore boni sensibilis auocari posset; sed per suam ignauiam passus est sibi eas offundi, quas discutere poterat: & sponte, ac libens in eas se coniecit angustias, ut quid agat, clarè non videat; ideoque eius impotentia crimen, in ipsum iure recidit, qui eam caliginem, cum adhuc sui iuris esset, discutere noluit. Id quod Aristoteles lib. 3. Ethicorum, cap. 5. declarat his verbis. Quod si quis dixerit, omnes id appetunt, quod bonum esse ipsi videtur, visionis autem dominium habet nemo,



nemo, sed talis unicuique finis apparet, qualis quisque est. Verum si vnusquisque habituum sibi quodammodo in causa est, visionis quoque quodammodo erit: fin autem nemo sibi est causa, vt mala agat; sed ex ignorantia finis ea agit, ex quibus summum bonum consequuturum se existimat, appetitio vero finis minime spontanea est, sed oportet vnusquisque, vt idoneus natus sit, habeatque quasi visum quo recte valeat discernere, & id quod vere bonum est eligere: sique is est bono ingenio præditus, cui bona hæc naturæ affectio insita est, quod enim maximū est, & pulcherrimum, quodque ab alio accipere, aut discere nullo modo licet, id quale natura est, tale ipse habebit. Atque ita quidem bene, ac recte natura esse affectum ipsa erit perfecta, & vera naturæ habilitas, atque aptitudo. Sic iudicii caligantis errores in nostra posuit potestate Aristoteles.

Quod fieri diximus ex prauo habitu, contingere etiam potest ex affectus vehementia. Ratio tamen initio perturbationis saltem, & agnoscere, & reprimere potuisset grassantem libidinem. declarat id Aristoteles exemplo incontinentis libro septimo Ethicorum, cap. 3. Nostraque culpa fieri quiddam ex huiusmodi errore fit, docet idem libro tertio de anima, text. 47. Amplius & præcipiente intellectu, & dicente ratiocinatione, fugere aliquid; aut prosequi, non mouetur, sed secundum concupiscentiam agit: vt incontinens, & omnino videmus quod qui medendi artem habet, non medetur; Tanquam aliud quidpiam principatum obtineat agendi per scientiam, sed non scientia. At verò neque appetitus huiusmodi dominus est; continentes enim, appetentes, & concupiscentes, non operantur ea, quorum appetitum habent, sed sequuntur intellectum. Constat itaque priusquam libidine mens absorbeatur, penes eam esse iudicium, quodammodo illecebrarum, & nisi sensum coerceat, ipsam sibi causam esse ruinarum.

Si ergo in eo posita est omnis stellarum facultas, vt corpus titillent, ac moueant: nullam autem commotionem

possunt inferre menti, quæ præstare se potest superiorem omnibus corporis commotionibus, in quibus incitandis, valent stellæ (si tamen valent quidquam) vnde Astrologus noster vaticinari possit, suspensa adhuc mente, ac paribus in vtramque partem momentis librata, nihil habet ex astris. Sapientes certè viri, S. Thom. 1. part. quæst. 14. art. 13. Scotus in quodlibeto 39. quæst. 1. Durandus, & alij, ne Deum quidem ex causa libera, & ad verumque æquè parata cognoscere posse contendunt, quid futurum, vel non futurum sit. Et probabilis omnis prædictio, quæ non temere, non fortuito feratur, vt plurimum saltem sortiatur effectum oportet; at agentibus stellis integrum est voluntati sequi, vel respuere earum ductum, euentusque est ad vtrumlibet, ac liber: & denunciamus adhuc amicitias, connubia, peregrinationes, magisterium, aliæque innumera, quæ scribit Ptolemæus libro quarto de iudicijs, capite 3.

Non pigebit me iterum inuictam mentis nostræ potestatem confirmare aduersus corporis impulsus, in quod cælum agit. In confesso namque est iure animum corpori; appetitui rationem præesse, cui rei non solum fidem facit Aristoteles, & in Ethicis passim, & libro primo Politicorum, cap. 3. lib. 1. de Anima, textu 81. lib. 3. textu 46. sed & naturalis ratio. Nam quod mente potest prospicere, natura imperat ait Aristoteles libro 1. Politicorum, cap. 1. quod autem potest corpore hoc facere, parat natura, & seruit. cap. 3. Imperare, inquit, & parere non solum necessarium sunt, sed etiam vtilium, ac statim ex generatione quædam distincta sunt; Alia quidem ad imperandum, Alia verò ad parendum; & species multæ, & imperantium, & parentium sunt: & semper melius imperium meliorum parentium est, ceu hominis, quàm bestię; nam, quod à melioribus proficiscitur, melius est opus. Et post pauca. Animus quidem in corpus dominicum habet imperium: mens verò in appetitum ciuile, ac regium. In quibus clarum est, secundum naturam, & vtilitatem, imperari ab animo corpori, & ab

F 4 caput.




ea parte, quæ habet rationem, ei parti, quæ subiaceret perturbationi; æqualitatem verò ac vicissitudinem omnibus nocere. Quin etiam ex eadem causa deducit ibidem Aristoteles, quosdam naturæ feruos esse, quod imbecillæ mentis sint; quosdam Dominos, quod ratione præcellant, ut illorum intersit subesse prudentioribus. Neque ullus obijciat sæpe appetitum imperare rationi; quia ut idem docet Aristoteles, oportet considerare naturam, non in corruptis, sed in integris. Quocirca eum hominem, qui & animo, & corpore optimè dispositus sit, inspicendum, in quo certè id quod diximus manifestum est; nam prauorum quidem, aut prauè dispositorum sæpe inuenietur corpus imperare animo; sed ex eo, quod peruersè, & præter naturam, se habeant; natura integra existēte, quod mente præpollet, dominatur semper.

Ex quibus perspicuum est mentium esse corporibus imperare, animorumq. in corpora naturale ius esse; neque hoc quale quale ius esse, sed tale, quod mens, & exerceat passim, & pro arbitratu utatur; qualis enim ordo naturæ esset, dominari mentem debere, sed non posse sensum sibi subijcere, etiam si maximè conetur? Nonne illud in naturam caderet, quod est apud Aristotelem libro primo cœli, text. 72. Frustra calcementum dicimus, cuius non est calcatio? Quadraret, & illud, quod idem Philosophus libro 2. cœli, textu 50. probat, si vis motrix inesset astris, & organa motus defutura non fuisset. Irrationabile est, inquit, nulum organum ipsis præbuisse naturam ad motum (nihil enim, ut contingit, facit natura,) neque curam quidem animalium habuisse: quæ autem tam pretiosa sunt, despexisse; sed videtur tanquam ex industria, abstulisse omnia, per quæ continebat progredi per se ipsa, & quamplurimum semouisse ab ijs, quæ organa ad motum habent. Quadraret, & illud quod idem lib. 3. de anima, tex. 44. & 45. docet plantis sensum, & motum deesse, quia carent instrumentis sensus, & motus, natura autem sicut nihil facit frustra, ita nec deficit in necessarijs.

Atque hinc liquet, si naturale est im-

perium mentis in corpus, & sensum, quæ rationem semper spectat, coercetque corporales commotiones, nihil Mathematicos habere certi ac constituti, immò nec verisimilis, aut probabilis ex stellis, quæ si quam naturæ sunt vim, eam omnes in solum corpus exercent, cui mens præsidet, ac moderatur pro consilio, & arbitratu suo.



## CAPVT V.

*Postrema ratio ex Dei prouidentia.*

**A**CCEDAT postremò diuinæ mentis prouidentia, quam quia mundi, totiusque ordinis causam dixerat Anaxagoras, sobrium illum appellat Aristoteles, primo Met. summ. 2. cap. 2. comparatum ad antiquiores vana dicentes.


Prædicat mirificè Dei admirabilem sapientiam in dispositione vniuersi, idem Auctor lib. 12. diuinorū, tex. 52. Quemadmodum exercitus, etenim bene esse eius, in ordine, & dux ipse est, ac magis ipse; non enim ipse propter ordinem, verum ordo propter ipsum est, cuncta autem coordinata quodammodo sunt. Verum non similia, & natantia, & volatilia, & plantæ, nec ita se habent, ut sit vllum alteri ad alterum, sed sunt ad quidpiam: ad vnum namque ordinata sunt omnia. Verum quemadmodum in domo, liberis quidem minimè licet quodcunque facere, sed ea omnia, aut plurima, quæ ordinata sunt; mancipijs verò & bestijs parum quo ad commune conferat, sed, ut plurimum quodcunque contingit; tale namque principium cuiusquam earum natura est. Et tex. 55. cum accuratè, ac subtiliter peruestigasset rationē, ac principium totius ordinis, quo mundus omnis continetur, subiicit ad finem. Entia nolunt malè gubernari; non est bonum plura-



pluralitas principatuum. vnus ergo Princeps. Atque huius quidem sapientissimi Principis gubernationem (ei enim quod optimum est conuenit sapientis nomen, vt idem auctor est libro primo Metaphysices capite 2. & lib. 6. Ethicorum cap. 7.) Si quam optimam, & numeris omnibus absolutam esse oportet, quis putet, ab illo, vitam hominum in syderum potestate fuisse collocatam? Vnus est omnium finis vltimus, cuius vnusquisque capax, & appetens est, vt probat Aristoteles libro primo Ethicorum cap. 1. & 2. quem actionibus nostris omnibus, praepositum esse oportuit, vt idem docet eodem libro, capite nono: In has porro actiones, quibus ad felicitatem peruenitur, si vllum ius Astra haberent, multa sanè incommoda pateremur. Primo rem optimam & diuinissimam stellis sensu carentibus Deus commisit. An non melius est hominem sponte sua felicem infelicemque fieri, quam cæco stellarum impulsu? Præterea, multi quibus nascentibus parum benignæ stellæ affluerunt, quanto bono innocentes, & inuiti fraudarentur? Denique quid ab ordinis ratione magis aberrat, aut à Dei providentia magis est alienum, quam stellæ facere auctores bonarum, malarumque actionum, quæ nec malæ malos, nec bonæ bonos internoscunt?

Mitto iam, quod ad Astronomicæ vanitatis cumulum non parum facit, morbos, pestilentias, bonorum iacturam, monstruosos partus, filiorum inopinatos obitus, non raro Dei Optimi Maximi ira solitos immitti, id quod non modò diuinis litteris traditum est, sed & Gentilium historijs. Nam propterea Capitolinus in Maximo & Balbino, Lilius lib. 4. & 7. ab Vrbe condita, Valerius Maximus libro 2. titulo de Institutis Antiquorum, perhibent institutas fuisse expiationes, & sacrificia, quibus placare Numine uertatur huiusmodi calamitates. Quod Poëta quoque scribunt passim, Homerus Iliadæ libro primo, Hesiodus de opere & diebus. Num ergo expectare debet Deus Astrologorum horoscopus, quando hæc molitur? An præter ordinem agitare eum? An nullam oportuit esse stella-

rum vim, cui Deus, cogeretur aut suam gubernationem attemperare, & non pro suo arbitratu, sed pro syderum influxu, & exigentia, rebus humanis consulere: aut eam singulis diebus ludificare in Astroorum contemptum, & ludibrium Astrologorum?



## CAPVT VI.

*Astrologos ignorare Stellaras, quæ conceptui præsunt.*

**S**ARTIS ex libero arbitrio, ex Dei providentia, & gubernatione, videtur labefactas Astrologorum prædictiones. Nunc ex ipsius Astrologiæ principijs, quæ omnes Genethliaci recipiunt, huius artis vanitatem efficere placet. Nam Ptolemæus libro tertio, capite secundo duo sancit pronunciata, quibus vti qui velit, tabellis aget signatis in Astrologos. Vnum quidem, omne corporis temperamentum, ac constitutionem, omnemque qualitatem, quæ puero accedit, pendere ex hora conceptus, neque mutari à natalitijs, vel alijs quibuscunque stellis, sed potius quidquid ab his ad infantem descendit, trahi in rationem, iam constitutam per priores opifices stellæ, quæ corpus efformarunt. Alterum pronunciatum Ptolemæi est, Tempus, quo concipitur fœtus, ignorari ferè, in coniugibus præsertim, quorum frequens coniunctio nulum relinquit argumentum, in quam potissimum horam conceptus inciderit. Quare Hippocrates libro de natura pueri, & Aristoteles 4. de generatione animalium, capite septimo, libro septimo de historia animalium, capite quarto monent, non raro falli mulieres, opinantes se concepisse, cum non conceperint, falli verò mente vno interdum; eoque amplius: itaque lib. tertio Apotelesmarum, Ptole-




Ptolemæus principium seminale, inquit; maxima ex parte ignorari, & non posse, nisi aut casu, aut observatione deprehendi; Casu, inquit Græcus interpretis, quando contingit mulierem sentire conceptionem: observatione, quando consulto vir abstinere à coitu, ut notare possit conceptus tempus. Itaque Ptolemæus loco citato, cum, inquit, hora conceptus ignorabitur, sicut multoties euenire compertum est, initium, quod est in infantis exitu necessario conuenit obseruare.

Ex his pronuntiatis colligi potest huiusmodi syllogismus. Tota corporis & animi constitutio, quæ pendere potest ex syderum vi, ingeneratur puero sub eius conceptu, nec variatur postea à puerperij stellis, sed harum facultas, ac vis ab eo quod per se valeret, transfertur ad prosequendam constitutionem, quam genitalia Astra inchoarunt: Sed tempus conceptus, & coeli configuratio, sub qua foetus formatus fuit, ignoratur: Ergo Astrologos ignorare necesse est, quali syderum afflatu imbutus sit puer, & quid in eius corpus, aut animum defluxit ex stellis.

Hic syllogismus ita angustè contortus mirum quantum diuexat Astrologos, qui propterea labentem Genethliacam suam pluribus adminiculis fulcire nituntur. Aiunt enim ortus & conceptus stellas sibi occinere, & ita correspondere, ut ex illis hæ, & ex his illæ colligi possint; natales autem stellas obseruari posse, haud magno negotio; genitales quoque propterea haud difficile esse, inuestigare. Cæterum vim huius syllogismi, nisi me mens egregiè fallit, nondum elapsi sunt; siquidem Ptolemæus ait, natales stellas transferti à sua natali vi, & impulsu, trahique aliò longè à genitalibus, ad prosequendum id, quod genialibus Astris inchoatum, fuit: At quænam fuerint genitales stellas, scire nullus potest. Nullus igitur intelliget, quò natales stellæ translatae, quidve facturæ sint. præter naturam, enim suam agent quidquid agent, sed quid illud tandem sit, ignorari necesse est.

Quod denique aiunt locum Lunæ in natiuitate eundem esse, qui in conceptione fuit, disertissimè refellit Picus Mirandulanus, libro nono, cap. 3. 4. 5. de qua re capite sequenti. Interim multa esse, quæ partuum tarditatem, aut festinationem faciant, nemo ignorat, morbi, diarrhoeæ, renum calculi, dolores, febres, corporis gracilitas, infantis habitus, situs, robur, moles, errata denique omnia, quæ in sex rebus non naturalibus admitti possunt, & solent. Quare ridiculi sunt quicunque, aut ex nouilunio, aut plenilunio, quod natalem horam proximè antecessit, & ex planeta, qui eo tempore plus virium obtinet, inquirunt natalis horam, non solum quia hanc sycophantiâ Mathematicis rationibus reiecerunt, Abraham Iudæus, Alchibitius, Henricus Butensis, alijque Astrologiæ Magistri, sed etiam quia cum multa præter Astra, accelerare, aut remorari possint partum, ut diximus, frustra ab Astris petitur natalis hora, quæ à proximis, & coniunctis causis plurimum pendet. procedat horum ratio, aut commentum, quando partus obstetricantibus stellis prodit in lucem, at quando alijs agentibus causis funditur, infania est à cælo repetere natiuitatis tempus.



## CAPVT VII.

*Astrologos ignorare veram natalis horam.*



Nunc conceptus, & natiuitatis horam, perbellè ludunt cœli curatores, & nunc ex natali hora tempus conceptus, nunc ex hora conceptus natale tempus, pudenda circulatione, colligunt; ponunt enim tanquam exploratissimum, Ptolemæi præsertim testificatione in centiloquio, numero 51. Locum,




Locum, quem Luna tenet, quando infans prodit in lucem, esse horoscopus conceptus: contra verò locum, in quo Luna fuit tempore conceptus, esse horoscopus natalis. Quare si interrogas, qua ratione natalem horam cognoscant, respondent parentum & obstetricum relatione. Incertam totam hanc rem aio, quæ est totius genituræ fundamentum, & magnis erroribus expositam, propterea quod horologia semper fallant aliquid, nec ea, quæ inter horarum terminos innumera cadunt momenta, indicent, & nostra vulgata horologia, quibus Italia utitur, ab occasu Solis ducant initium, incertum admodum, & anceps; ubi præsertim horizon non est liber, & quando nubilo cælo observare accurate non licet occasum Solis, & quoties post Solis abcessum, horologium non ex æquo dividit temporis intervalla, & quando his omnibus accurate notatis obstetrices observare non possunt illud transuolantis temporis leuissimum momentum, quo primum infans trahit spiritum, & quando primum ab Astris afflatur. Sed non est necesse causam urgere rationibus, ubi reus fatetur. Astrologi ipsi fatentur incertam hanc horam, ideoque eam vocant horam existimatam, siue suspectam, eique nihil fidendum palam docent, sed methodum se adinuenisse iactant, qua sine errore ortus hora reperitur. Mentiuntur in caput suum. Nulla iniri potest ratio, qua ostendatur, quo momento temporis ortus sit ille, qui quolibet oriri potuit, quolibet autem tempore nasci posse homines, & verè nasci, desipiat, qui vocet in dubium. Incerta cum itaque sit natalis hora, & obscurior hora conceptus, qua ratione Planetarij deprehenderunt locum Lunæ tempore ortus esse horoscopus conceptus: & locum, quem Luna occupat tempore conceptus, esse illum ipsum qui est in ortu horoscopus. An ita traditum est antiquis. Et vnde id antiqui hauserunt, qui ignorantes veram natalis, & conceptus horam notare nequam potuerunt, ita sibi occinere, certoque respondere ut nusquam puer nasci possit, nisi quando Luna eum locum ha-

bet in ortu, qui in conceptu fuit horoscopus. Rem per se perspicuam sapientibus, vulgo explicabimus exemplo. Dicatur à parentibus Cardanus natus prima hora noctis, hæc hora existimata vocatur ab Astrologis, non vera; quare aut seriùs, aut citiùs ille in lucem venit; si dicas, citiùs, sciscitabor, an possit quisquam seriùs nasci? si potest; Quare negas Cardanum seriùs ortum? si non potuit aliquis nasci post primam horam noctis, fatendum erit, non quolibet tempore nasci posse mortales. Si seriùs, quæram cur non respondeas citiùs; & reponam eandem quæstionem, quæ priùs fuit. Iterum si qua methodo inuestigare potes horam, quam parentes Cardani natali assignarunt, non esse veram: vel ea hora potuit Cardanus, aut alius quispiam nasci, aut non; si potuit, qua methodo deprehendes illam existimatam esse horam, non veram; si non potuit, nec quolibet tempore liceret coire conjugibus, nec quacunque hora, possent homines nasci: nec Genethliaci docerent, ex qualibet cæli constitutione dicere mortalium fata: si confugiant ad horam conceptus, & ex ea deduci posse contendant, veram partus horam, meminerint eisdem incommodis subesse horam etiam conceptus; si quidem conceptus etiam hora, alia est existimata, alia vera, qua methodo inter nosces, inter veram & existimatam redibis ad natale tempus, ex sartagine in prunas, ex prunis ad sartagine.

Vna super esse potest ratio inuestigandi veram natiuitatis, & conceptus horam, qua plerique per euidencia restituere solent verum horoscopus. sed hanc nullam esse, probabimus lib. 4. cap. 47.







## CAPVT VIII.

*Ea quæ à pluribus transfiguntur,  
non posse ex vnius horosco-  
po conijci.*



ON possunt Astrologi perspetas habere conceptus stellas, quæ subitæ, quæ momentaneæ sunt, sed faciamus eas notas esse, & probè notas: adhuc aio nullam eos posse ex huiusmodi Astris coniecturam facere, idque ex eorum principijs inuitabili ratiocinio conficio.

Ex ijs enim, quæ nobis in lucem editis accidunt, nihil ferè est, quod ab vno, & in vno tantum homine confici possit, quodque ad plures non pertineat, Prospera, & aduersa valetudo, coniugium, filij, amicitia, mercimonium, magisterium, dignitas, omnia, quæ Astrologi præfagiunt, vel præfagire profitentur, plures sine dubio attingunt.

Ea, quæ à pluribus hominibus peraguntur, à genitalibus singulorum Astris pendere, in confesso est Astrologis: quo igitur modo ex vnius horoscopo deducere queunt, quæ quisque in omni vita facturus, vel non facturus sit?

Syderum, oro, quorum quædam vnius, quædam alterius genefim fecerunt, quales sunt vires? An tales, quæ non oppugnent se, nec iuuent? At quomodo ad vnum, & eundem effectum, constituendum, conuenient ij, qui diuersis sub Astris orti sunt? Peribunt, quæ de contrarijs stellis, angulis, quadratis, hexagonis, tetragonis docent Genethliaci. Ptolemæus libro primo, docet quidem aliqua esse Astra inconiuncta, sed pauca, reliqua omnia coniuncta, & pertinentia esse tradit. An contrariæ mutuoque pugnautes; si pugnautes, quando plures ad vnum aliquod negotium conuenire oportet, aut paribus sydera

viribus concurrunt, & ita se mutuo impediunt, vt nihil plane efficiant; aut vnus Astra validiora sunt, quam alterius, ac proinde suum assequuntur effectum præpeditis alijs, nihilque efficientibus: sed, quæ sint validiora, quæue æquata viribus Astrologus ignorat, nisi omnium, qui ad vnum aliquod negotium conueniunt genitales, & natales stellas inspexerit; nemo autem cognoscere potest eorum omnium genituras, qui ad vnum opus conuenire possunt, nihil ergo ex Astris dicere potest Genethliacus. An cognatæ & amicæ? Primum acrius in vnum aliquod conspirabunt in scio Astrologo: Deinde id non placet Astrologis, & Ptolemæo præsertim, libro primo, capite de diurnis, & nocturnis stellis. Si stellis, inquit, bonæ constitutionis similia applicata fuerint, augentur vires bonitatis illarum, sed exitiabilibus admixta, dissimilia coercent vehementiam malitiæ illarum, qua de re frigidam Saturni stellam attribuire calori diurno, ac Martis siccam humiditati nocturnæ; hoc enim modo utroque ad temperatam conditionem accedit, postquam à contraria constitutione correpta, moderationem adepta fuerit.

Rursus capite sequenti. Neque ignorandum vires, tum Lunæ, tum trium stellarum, Saturni, Iouis, & Martis, intendi, aut remitti, configurationibus erga Solem; Luna enim ab Oriente vsque ad primum incrementum, cum quasi dimidiata apparet, efficiens est humiditatis maximæ. inde verò vsque ad plenilunium caloris; hinc aliam, atque iterum ad dimidiationem siccitatis, atque etiam hinc, ad interlunium vsque frigiditatis; & stellæ, quas diximus mutuatoriæ vsque ad proximam stationem, humoris plurimum habent; à prima verò statione, vsque dum oriantur de nocte, magis calefaciunt. Hinc etiam vsque ad secundam stationem magis desiccant, à qua quidem, donec occultentur, magis frigesaciunt. Atque has singulas vires in vniuersum quidem in confuso, cœlum nobis exercet, quibus prævalentibus, varietates constitutionum plurimæ existuat, ex commixtione diuersarum  
Stella-



stellarum, exerceente semper contraria natura, vniuscuiusque effectuum vehementium.

Item capite de genere euentuum: Sed multis, inquit, sibi dominationem vindicantibus, propter æqualitatem respectus, ad vtrumque locum, præponatur reliquis, vel cardinalior, vel potentior, vel qui magis conditionalis, sectæque fuerit.

Denique nihil est apud Genethliacos magis certum, & exploratum, quam stellas inter se pugnare, se præpedire, ac inhibere, hinc rerum omnium varietatem, hinc huius artis difficultatem, hinc pugnantem, & contrarios effectus illi oriri contendunt.

Ex quibus necessariò fit, quidquid inter plures homines transigitur, prædici non posse ab Astrologis futurum ne sit omnino, aut non futurum, quantum, aut quale, aut vbi, aut quando futurum sit, nisi perspectis, & inter se diligenter collatis eorum omnium stellis, qui ad huiusmodi negotium conuenire debent. At non possunt Astrologi ire per omnium ciuium horoscopus; quid ciuium, dixi? Omnium potius mortalium, qui tempore eodem viuunt, quibuscum vnicuique negotium aliquod esse potest; nullus enim hominum tanta est locorum intercapedine seiuuatus, qui non possit ad alium accedere, cum eo agere, contrahere, loqui, pari, efficere. Quid hinc sequitur aliud, nisi ineptire omnes Astrologos, qui alijs amplius pollicentur honores à multorum stellis pendentes: alijs fortunatos amicos, alijs fratres, aut sorores, alijs denunciant interfectiones, & necesse. Perinde ac si ex vnius stellis res penderet, quæ ex multorum genesi dependet, ut desipere omnes oporteat, qui huiusmodi ludibrijs habent fidem.


Atque hinc patet Astrologorum error, vel potius fraus maxima, qui si consulantur de re quapiam inter Socratem videlicet, & Platonem transigenda, dum Platoni potius interroganti respondent, ex Platonis Genethliaco rem totam metiuntur; perinde ac si Socratis Astra nihil agerent. Postea verò si

contingat eadem de re interrogari à Socrate, in Socratis duntaxat horoscopo mentem, & cogitationem omnem dehinc, perinde ac si Platonis sydera nihil in Platonem virium haberent, & quod magis mirari soleo, quo quo modo consulant horoscopus, & siue ex Socratis, siue ex Platonis Genethliaco dent responsa, prædictionem sortiri volunt eandem veritatem.

Respondere nonnulli solent, Platonis horoscopo affici etiam Socratem, & in communionem, & societatem trahi suæ efficientiæ, rem omnino absurdissimam, & Astrologicis principijs repugnantem; nam aliæ stellæ, ut Astrologi tradunt, alijs officiunt, aliæ iuuant alias, aliæ efficiunt partim, & partim iuuant. Id Prolemæus locis paulò superius positis docet, id scribit Cardanus libro de Iudicijs, cap. 6. id tradunt, quotquot Astrologiam via, & ratione tradiderunt. Sed, si Platonis genitale sydus ad Socratem etiam pertinet, & rursus Socratis Genethliacum pertinet ad Platonem: vincit autem fortius quod fuerit, si pugnant: si conueniunt, efficacius agunt; Vnde tandè Astrologus intelliget, vtrius sydus fortius sit, nisi vtriusque horoscopus inspexerit? Non potest autem inspicere, ut planum fiet capite sequenti, cum sæpe accidat, vnius horoscopus dum spectatur, nondum natus,

aut conceptum esse illum, cum quo negotium transigendum est. Consequens itaque sit, nullo cer-

to disciplinæ ductu, sed casu, ac temerè in veritatem incidere aliquando eos, qui nugatoriam hanc artem profitentur.





## CAPVT IX.

*Nec plures horoscopus satis esse  
ad prædicendum.*

**I**VORVM, quos ad opus aliquod oportet conuenire, aliqui sunt naturaliter definiti, ac certi, ut ij, quorum vnum patrem, alium filium fecit generatio naturalis. aliqui verò indefiniti, & quodammodò arbitrarij, quos voluntas potius, quàm natura copulat: ut si duo socij sint in negotio, in pugna, in studio litterario, in itinere, & huiusmodi alijs. Et quidem indefiniti cum sunt, antequam ad opus conueniant, genitales eorum stellæ nequeunt obseruari; ignorato enim eo, cum quo Platoni res futura sit, qui possunt sciri eius natalitia Astra? An naturalem spectabunt sympathiam? ex hac enim propensio magna est vnus ad alterum: At quorum sympathiam obseruabunt? omniumne hominum? opus est supra vires humanas: An ciuium solùm? Oportet igitur perspectas habere omnium, non modò qui sunt, sed etiam, qui futuri aliquando sunt, naturas, & nosse, cui magis, cui minùs, cui ferè nihil natura Platonis consentiat. Id verò vnde cognoscent? Ex stellis? quis omnium ciuium, qui sunt, qui fuerunt, qui futuri sunt, horoscopus peruestigari potest? ex alijs causis? nihilo faciliùs, immò longè difficiliùs quis potest obseruare omnium ciuium mores, consuetudines, procliuitates, studia, & alia sexcenta, quæ loquacem percensendo defatigarent Homerum.

Atque hinc patescunt ineptiæ Mathematicorum prædicentium alijs amplas hæreditates ex alieno testamento, alijs honores, & dignitates ex aliorum electione, alijs victorias ex militum concertatione, & virtutes, alijs amicitias principum virorum, alijs felicem nauium ap-

pulsum, alijs institutores, educatoresque egregios, & eorum qui denunciant odia, inimicitias, æmulationes, infidias, contentiones, lites, probra, vulnera, necesse filiorum, fratrum, consanguineorum, quæ non magis ab ipsis, de quibus agitur, quàm ex alijs, quibuscum res est futura, pendent, & ab aliorum magis interdum quarum genituras, nec notarune nec notare possunt. Atque idèd tam multos tam crebrò in spes erigunt vanissimas, & quidem pretio emptas non exiguo: Corum nimirum deducunt hianrem, Murem pro leone, quod ait Syneus, ostendunt. Sed thesaurus, ut est in prouerbio, carbonēs erant. Quid enim poterant ex stellis coniectare, quas ignorabant? Vel singulis suas præsidere volunt stellis, & fatendum est, quando non possunt omnium, quibuscum agendum est, horoscopi in calculum vocari, nullam è cœlo Astrologos futurorum habere cognitionem. Vel aliqui sunt à syderum potestate exempti, & frustra sollicitantur Astrologorum cortinæ.

Obseruent itaque, si possunt, omnium horoscopus hominum, explorent, quis à quo vincendus sit, quis à quo dissideat, quis quibuscum consentiat, qui cui sit occurrus; priusquam de viro aliquo, aliquid pronuncient: omnium hominum dixi? nimis multum. Ciuium saltem? cum ijs enim frequentius, quàm cum exteris versamur. Quid ciuium? nimirum etiam est. Vicinorum saltem? aut consanguineorum, cum quibus quotidiana ferè est vitæ consuetudo, & rerum communio, Genituras inspiciant, quorum si genitales stellæ explorare se posse desperant: ratum, ac firmum sit, cum incidit quæstio de euentu quopiam, qui plures necessariò requirat, nihil de eo certi posse pronunciari. quid certi? ne probabile quidem. Nam huiusmodi res, vel non minùs pender à Socrate, quàm à Platone; & constat rem illam ex Socratis tantùm Astris non posse probabiliter cognosci, sed fortuitò prædici, quidquid prædicatur: Vel magis pender à Socrate, quàm à Platone, & tunc quoniam incertum est, an id exiguum, quod de suo Plato deberet opponere, appositurus sit,



rus sit, res manet anceps, ac dubia. Incertum autem oportet esse, si Plato quæcunque agit, agit ex syderum impulsu, & Platonis ignorantur Astra genitalia.

Iam verò, cùm nullum fermè negotium sit, quod multorum, & diversissimorum hominum operam non requiratur. Requirit mercimonium, requirit magistratus, requirit matrimonium, requirit procreatio, requirit litterarum studium, requirit servitus, requirit dominatus, sequitur necessariò, omnia fermè quæ in humanam vitam cadunt, à Genethliacorum notitia esse extranea.

Sin ij, quos ad rem aliquam faciendam convenire oportet, certi sunt, & natura definiti, ut pater, & filius, fratres, & sorores; (si is, qui ab hoc homine genitus fuit, ab alio procreari non potuit;) vel ex horoscopis filiorum vaticinantur, de parentibus, & descendendum illis erit per omnem posteritatem, usque ad ultimum mortalium; cur enim de Platonis vita decernunt è stellis Calliæ filij, & de Callia non pronuntiabunt ex filij horoscopo? Item quando plures quis suscepit filios, ac liberos, fortunatos, vel infortunatos, mercatores, aulicos, Religiosos, milites, cuius stellas spectabimus? Vel è stellis patris de filio iudicant, id verò nihil ominis lubricum, & incertans est. Primò, unde conjiciant illum, qui pater est futurus, matrimonio copulandum; id enim multorum requirit consensum, quorum stellas ignorari necesse est, ut vidimus paulò antè, si id norunt, unde norunt, quam sit ducturus uxorem, quam ad rem duas oportet concurrere familias, loco sæpe remotissimas, cognitione alienas, conditione dispares; non duas tantum, quæ convenient, nosse oportet, sed omnes, quæ convenire possunt, ut statuatur quæ potior sit in horoscopo. Magnum opus, nec Astrologorum diligentia par: vel si id quoque sciatur, Unde intelligant, an hæc fecunda sit? si fecunditas constet, an cum hoc viro gignere queat? si hoc compertum sit, an alere possit foetum? si & id teneatur, an ab alijs, quos inter agis, ac viuis, molestias passura sit, qui-

bus suprà diximus foetus intra materna viscera frequenter elidi. Nihil igitur de filio statui potest ex paternâ genesi, neque ex materna, iisdem de causis; oportet enim scrutari omnium genituras, inter quos mater victura est: longæ ambages, quæque Ægyptium, Cretensem, Lemnium, Clusinum, labyrinthos superent.

## CAPVT X.

*Quæ de coniugijs effutiant Astrologi pugnancia.*



Ic locus monet me, ne silentio præteream, quæ de coniugijs docent Genethliaci, & Genethliacorum princeps Ptolemaeus libro quarto de Iudicijs, cap. 4. In masculorum itaque coniugijs, inquit, lunares qualitates, hora natiuitatis viri, nos subtiliter inspicere non est inconueniens: Primitiis enim obseruandum est, si in altera duarum quartarum Orientalium Luna permaneat; tunc in iuuentute matrimonium faciet, vel post suorum annorum plenitudinem, iuenculam in uxorem accipiet: Si autem in altera duarum Occidentalium extiterit, tardè vxorabitur, vel vetulam ducet: Quòd si sub radijs fuerit, & in figura cum Saturno societatem habuerit, nunquam vxorabitur. Post hæc autem obseruabimus, si in vnus figuræ signo Luna fuerit, vel si ad vnum solum Planetam Ictafal habuerit, vni tantum vxorabitur: sed si in signo duorum corporum, vel multarum figurarum permanerit; & in eodem signo plufquam ad vnum Planetam Ictafal habuerit, sibi quamplures desponsabit. At si Planetæ, cum quibus ex coniunctione, vel aspectu Ictafal habuerit, fortunæ fuerint, sua sponte conuenientes erunt, & aptæ: si autem infortunæ fuerint, erit contrarium. Nam si ad Saturnum Ictafal habuerit, erit eius vxor labo-




laboriosa, & ipsius qualitates erunt fe-  
rales: si verò ad Iouem Ietsal habue-  
rit, conueniens erit, & idonea: si ad  
Martem, animosa erit, & indomita: si  
ad Venerem, erit formosa, valdeque  
iocosa: si ad Mercurium, erit boni intel-  
lectus.

Hæc de virorum coniugijs. Quid de  
mulierum? In foeminarum, inquit, ma-  
trimonijs solares qualitates, hora nati-  
uitatis foeminæ sunt obseruandæ. nam  
cum Sol in altera quartarum Orienta-  
lium fuerit, scilicet in figura; in iuuen-  
tute viro desponsabitur, vel in senectute  
virum iuuenem accipiet: At si in alte-  
ra duarum Occidentalium extiterit, tar-  
de marito ligabitur, vel in prima iuuen-  
tute seni marito desponsabitur: Quod si  
in signo vnus fuerit figuræ, & in eo  
Planetam matutinali inuenerimus, vni  
tantum viro tradetur: & si in signo duo-  
rum corporum, vel plurium figurarum  
extiterit, aut in figura plusquam vni ma-  
tutinali Planetæ fuerit associatus, mul-  
tos maritos habebit. Item si in figura  
Solis Saturnus associetur, erit suus vir  
probus, & iustus, & laboriosus: si ve-  
rò cum Ioue Sol societatem habuerit,  
humilis erit, & magnanimus: si autem  
cum Marte, erit crudelis, & nullius di-  
lectionis, nec humiliabit se: & si cum  
Venere, erit probus, & formosus. Hæc  
Ptolemæus, Eadem Cardanus, & alij.

Sic Lunâ marito, sic Solem vxori præ-  
ficiunt illi, qui vt vidimus lib. 3. c. 4. Solē,  
& Saturnum Patribus, Lunam, & Vene-  
rē matribus præsidere docuerunt. Opor-  
tuisset mendaces esse memores; sed li-  
ceat istis ex quolibet facere quodlibet,  
figere, refigere signa, dare & adimere  
stellis dominatum, pro arbitrato, pro  
libidine, pro ludibrio. Faciamus, quæ-  
so, vxorem sub ijs stellis genitam, quæ  
plures postulant maritos, virum item ge-  
nitum fulgentibus Astris, quæ plures il-  
li vxores destinant, qua ratione ex his  
tricus se expedient Astra? Vterque pri-  
mas nuptias celebravit, vtrique stellæ  
secundum coniugium pollicentur; dis-  
soluentne matrimonium? Inter Christia-  
nos non licet. Decedet vxor, euanesce-  
vis stellarum, quæ illi portendebant se-

cundas, & tertias nuptias. Morietur ma-  
ritus? redit idem incommodum. supera-  
bunt eius stellæ, quæ fuerint firmiores?  
Quis metiri potest Astrorum vires? quis  
omnium horoscopos ad calculum voca-  
re? Quod si maritus Saturni beneficio  
ortus sit, cur non potest ducere vxorem  
iracundam formosam instabilem? quis  
experitur huiusmodi difficultates in cō-  
trahendo matrimonium? Quid in tanta  
syderum pugna nugaris, Astrologus,  
vnam de quamplurimis causis vidisti, si  
vidisti, eamque nec præcipuam, nec sta-  
bilem, sed in varias partes commutabi-  
lem; & vaticinarius adhuc in perniciem,  
& exitium multorum, quos nunc vana  
spe accendere, nunc falso timore exani-  
mare ludus tibi est.



## CAPVT XI.

*Alter Astrologorum error.*

NEQUE verò illud minùs im-  
probauerim, quod cum Astro-  
logi de fortuna cuiusquam,  
qui ad Principis alicuius au-  
lam, obsequiumque proficiscitur, inter-  
rogantur, solent vtriusque horoscopos  
comparare, & ex vtriusque consensione  
stellarum, scilicet euentum, & obse-  
quium denunciare. Consulant sanè Astra  
Principis, quid inde? Cur non perpen-  
dunt aulicorum insidias, criminationes,  
odia, quoties his deijcitur ille, quem  
in excelso, atque illustri loco Princeps  
collocarat? At non cadat è Principis  
tutela. Quid si princeps priùs moriatur,  
quàm illo familiariter vti queat? vel an-  
tequam adfit opportunitas aliqua eve-  
hendi ad magnam dignitatem, quem  
familiarē habet? Sit diu Princeps su-  
perstes. Quid si ab alijs pluribus iam sic  
occupatus, eorumque artē deuinctus, &  
obsequijs, quos dum munificē prosequi-  
tur, non multum redundat in nouos ho-  
mines?



mines? Verum non sint illi plurimi. Quid si vnus genescim habeat magis Principi amicam? Adhuc? Quid si adscito iam aulico in Principis familiaritatem, calamitas aliqua sic Principis opes atterat, ut in multos annos ab alijs subsidia ipse potius imploret, quam exhibere queat?

Quid si bene educatus Princeps horoscopum emendauit, vel bonum deprauauit male institutus; vel iratus repente dissuat amicitiam? Accidit tandem aulicis, in Principum palatijs, quod in vrbe Roma veterum candidatos pati solitos scribit Tullius. Ciuitas ex nationum conuentu constituta, in qua multae infidiae, multae fallaciae, multa in omni genere vitia versantur, multorum arrogantia, multorum contumacia, multorum maleuolentia, multorum superbia, multorum odia, ac molestiae perferenda sunt, ad quae nulla stellarum virtus pertingere potest.



## CAPVT XII.

*Nec ut plurimum eueniunt quae sunt ex Astris.*

**Q**UENSV iam est ex rebus humanis, si quae in Astrorum potestate positae sunt, ea, quae nonnisi a pluribus transigi, & confici queunt (cuiusmodi sunt omnia, de quibus Astrologi respondere solent) nonnisi ex multorum genituris cognosci posse. Probatum praeterea est, non posse vnus, nedum multorum genitalia, Astra obseruari, propter incertam generationis horam. Denique docuimus Astrologorum sententia, natales stellas vim omnem, & efficientiam mutuari a genitalibus, quas Genethliaci ignorant. Ex quibus efficitur, eos non posse ex Astris mortalium constitutionem, aut temperamentum cognoscere. Nunc etiam si, notatis Astris, hominum tempera-

perspecta haberent, lubricum adhuc, ac temerarium eorum esse iudicium, ex naturali temperamento desumptum probare ingredimur; idque propterea quod multis, magnis, frequentibus, necessarijs, diuturnis, efficacissimis, varijs, ineuitabilibus causis, hominum temperationes subinde commutari soleant.

Fingamus enim Socratem stellarum videntem, vel iracundum, vel ad Venerem pronum, vel pecuniae cupidum, vel honoris appetentem, vel aliter affectum; Aio non posse adhuc Astrologos Socratis euentus praesagire. Ad haec enim, ferè prodire non solet quisquam; nisi praesentent alij, vel occasionum momenta, vel exequendi opportunitatem, vel adiumentum aliquod, vel consilium, vel consensum, vel opem, vel laudem, vel tolerantiam, vel inscientiam: nihil ergo è stellis Astrologi perspicere possunt, nisi adepturum Socratem honores, si alij ei obtulerint, multum collecturum pecuniae, si opportunitas sese obtulerit; ad scientiam peruenturum, si studuerit; ducturum uxorem, si nihil difficultatis obstituerit; victurum in multos annos, nisi prius obierit, vel moriturum breui, nisi superstes fuerit. si quid praesentire possunt è caelo, haec solum possunt Astrologi, quae nulli ignorare licet. praecleara vero vaticinatio, profundum oraculum è quam plurimis causis, quae ad opus necessario requiruntur, vnam duntaxat Genethliaci norunt, caelum, cuius vis à proximis causis in contrarias partes trahitur, & confidenter de futuris euentis pronunciant. Quis nescit ollam vnam esse è causis conuiuio necessarijs?

quoties quis ollam viderit in amici domo, opiparum statim inde vaticinabitur conuiuium?  
dormire cogetur incoenatus,  
& argumentationis suae fallaciam fame cruciante cognoscere.

†

G

CA.



## CAPVT XIII.

*Omnia, de quibus Astrologi vaticinari solent ex syderum ductu, pendere à causis sublunaribus.*

**I**ERVM, quæ iam natis infantibus contingunt in omni vita, duplex est genus: Vnum quidem eorum, quæ natiuum corporis temperamentum syderali, vel alia vi coagmentatum, conseruant, seu quadantenus immutant, cuiusmodi commutatio non parum valet ad vitæ breuitatem, seu longitudinem, ad rerum agendarum facultatem, seu difficultatem, ad affectus animi varios.

Alterum eorum, quæ propriè spectant ad rationem morum, humanarumque actionum. Hæc duo rerum genera post hæc nobis expendenda sunt, probandumque illorum euentus pendere nihilo minus, immò multò magis, à sublunaribus causis, quàm à coelestibus; quæ cum sexcentis modis in singulas horas, in singula horarum momenta variari soleant, omnes Astronomicas prædictiones eludunt.

Nihil est autem, cur respondeant Astrologi, ipsis quoque sublunaribus causis, motionem omnem, & modum præscribi, à certo quodâ statu coeli; nam à quo statu? à proprio ne singulorum? an ab aliquo communi multis? non à communi: deducendæ enim causæ sunt ad certos, & definitos effectus, non ad communes; id præstare non possunt communes influxus stellarum. Effectus singularis, inquit Philosophus lib. 2. Phys. tex. 33. singularis assignanda est causa non communis: Non à proprio; obstat enim quòd singulis causis suæ sunt stellæ; nec vllus horoscopus inuadere potest dominatum alterius; & si inuadat, deturbata possessione, reus sit

ab alijs. In qua stellarum inter se certantium pugna, planè caligat Astrologorum acies, vt supra disputauimus.

Age igitur, ostendamus sublunarium causarum vi mutari, vel aliò trahi quid, quid in conceptu, vel partu syderales causæ infantibus indidere, quod vt planius fiat, à primo genere causarum, quæ variare solent natiuum corporis temperamentum exordiamur, percurramus verò plurimas, si non omnes, vt innotescat, quot modis natura ludificare soleat vim, & conatus syderum, quibus auctoribus Genethliaci tam multa, tam certò, tam constanter denunciant mortalibus.

## CAPVT XIV.

*Parentum, & obstetricis sedulitate mutari temperamentum, quod puer è stellis hausit.*

**T**EMPERAMENTVM nihil est aliud, quàm certa quædam qualitatum, humorumque symmetria, & proportio, quæ si integra sit, sanitas exilit, sin minus, febres, morbi, mors. Immò sanitas ipsa non est aliud, quàm huiusmodi temperamentum, auctore Galeno libro primo de differentijs morborum, & lib. de genitura. Temperantia, inquit, seu symmetria calidi, & frigidi, siccæ, & humidæ, naturalis est sanitas, Receperunt id omnes Medici. Receperunt omnes Philosophi.

Hinc planum fit, quæcunque momentum aliquod habent ad sanitatem, ad morbum, ad vitam, ad mortem, valere etiam ad temperamentum tuendum, corroborandum, minuendum, dissoluendum.

Interest autem temperamenti non parum, qua cura, solertiaque recens natus infans



Infans foueatur præsertim ex octomestri partu, qui rarò vitalis est, de quo Hippocrates lib. de octomestri partu ita scripsit. His infantibus alimenta, ac respirationes periculose mutantur; si quid enim morbidum inducunt, per os, & per nares inducunt. De remedijs, quibus infantes huiusmodi adiuuari possunt, scribit Aristoteles libro septimo de historia animalium, capite quarto, plura verò Hippocrates libello de octomestri partu. Vniuersim de omnibus infantibus multa tradit Galenus libro primo de de tuenda sanitate. Sed de obstetricæ priuatim hæc Aristoteles libro septimo, de historia animalium, cap. 10. Iam verò obstetricis officium pars ingenij, perspicacisque intelligentiæ est; non solum enim difficultati partus opportunè expedireque succurrendum est, sed etiam contra ea, quæ accidunt, protinus agendum ingeniosè; & in secando, deligandoque vmbilico infanti prudentia requiritur, & peritia.

In nutrice verò quantum momenti sit in vtranque partem declarat quod Philosophus lib. 7. de Historia animal. c. 10. tradit: declarant, quæ eodem lib. cap. 12. idem scribit his verbis: emittere dentes etiam maturiùs infantes, quorum nutrices lac habent calidiùs. Solent pueri plurimum conuulsione excipi, & præcipuè corpulentiores, & lacte vescentes copiosiore, crassioreque, & nutrice lactentes succi plenam, & corpulentam: nocet etiam ad hoc morbi genus, vinum, magisque nigrum, quàm album; & quod minus dilutum est; atque etià ex cibis, qui infantem plurimum obstant, & si alius subsisterit, nocuum est. Plurimi ante septimum diem intereunt, unde fit, ut nomina septimo die imponantur, tanquam saluti iam pueri magis credamus.

Multa de lacte parentum, & nutricum disputat Galenus lib. 14. de vsu partium, sed præstat hæc de re audire Hippocratem libro 4. de morbis ferè extremo. Cæterum, inquit, calculi morbo principium oboritur a lacte, ubi puer lac impurum sinit. Lac autem in nutrice impurum fit, si pituitosis cibis, ac potibus, & alimentis impuris utatur; Conferunt

enim omnia in ventriculum illabentia in ipsa ad lac. Habet autem se res hoc modo: Si nutrix sana non fuerit, sed biliosa, aut aquosa, aut pituitosa, lac etiam puero morbum generat; Consentunt enim corpus, & ventriculus, plurimum verò ipsi ad lac cedit, de eo quod ipsa plurimum in se habuerit. Et puer si de nutrice lac non purum suxerit, sed biliosum veluti dixi morbosus fit, ac debilis: & in præsens maximè affligitur, quandiu lac prauum, ac morbosum suxerit. At ubi suxit lac non purum, sed terreum, ac pituitosum, & habuerit puer venas de ventriculo ad vesicam cadentes amplas, ac attrahentes, procedit autem, & quod bibit nutrix, & lac in ventriculum pueri tale, quale trahit à ventriculo, de lacte in totum similiter, prout venæ ad ventriculum detrudere possunt. Si quid sanè in lacte non purum fuerit, id quò vesica fruitur lapis fit tali modo, veluti in aqua non pura in calce, aut in vase æneo turbata, & rursus sedata, sæx conseruatur, fit in medio. Rursus libello de aëre, aqua, & locis, ex lacte calidiori, & bilioso calculum in pueris procreari tradit.

Obseruatum est quemdam, ut Martinus Vratislauenſis scribit comment. de Monstris cap. 15. qui capræ lacte nutritus fuerat, semper saltare solitum, plantasque, ut capræ solent, abradere petulanter. Alium suillo sanguine pastum cocno semper delectatum.

Docent & Medici, eos qui à senescentibus iam nutricibus lactantur, citius senescere, quàm qui à iuuenibus sugunt. Faustina Marci Antonini Imperatoris & Philosophi vxor, cum sanguinem gladiatoris cuiusdam, cuius amore deperibat, calidum ebibisset, non ita multo post Commodum Imperatorem ex marito concepit hominem crudelitatem insignem, quique gladiatoris potiùs quam Principis personam gessit.

Consentunt Medici omnes multò salutarius esse lac maternum, quàm nutrice, quod & Plutarchus libro de liberis educandis confirmat his verbis. Oportet, ut mihi profectò videtur, ut matres filios educant, eisque vbera por-

G 1 riant;



rigant; quoniam maiori cum charitate, & impensa magis diligentia, nutriendi; ut quæ natos ex intimo, & ut dici solet, ex cordibus ament. Nutrices verò & alumnæ suppositam quandam, & arreptitiam benevolentiam habeant; ut potestate mercedis gratia diligentes. Quod matres eos, quos progenuerunt, nutrire, alereque conveniat, ipsa etiam natura demonstrat, unicuique etiam animantium generi, quæ pariunt; idcirco simul & lactis alimenta suppeditavit; eius quoque sapientem fuisse providentiam constat, quæ duplices mulieribus mammæ dedit, ut si gemellos peperisse contingerit; duplices ad alendum fontes haberent. Præterea ut maiore eos, quos procreant, amore benevolentiaque fouerent, quod medius fidius haud iniuria factum est; victus enim cibi, sodalitiū, quoddam benevolentia, & amoris incrementum existit; nam & belluæ dum à socijs pastus auellunt, magnum præferre desiderium videntur. Danda præsertim opera, ut matres, quemadmodum enarratum est filios educant, ipsæque vbera porrigant.

Plutarchus quidem moralem nimis disputationem instituit: Phauorinus apud Aulum Gellium, lib. 12. Noctium Atticarum, c. 1. è Philosophiæ penitioribus principijs eandem rem conficit. Quod est, inquit, hoc contra naturam, imperfectum, atque dimidiatum matris genus, peperisse, ac statim ab se se abieciſſe? aluisse in utero sanguine suo, nescio quid, quod non videret: non alere nunc suo lacte, quod videat iam viventem, iam hominem, iam matris officia implorantem? An tu quoque putas, naturam foeminis mammarum vbera, quasi quosdam natos venustiores, non liberorum alendorum, sed ornandi pectoris causa dedisse? Sic enim, quod à vobis scilicet abest, pleræque prodigiosa istæ mulieres, fontem illum sanctissimum corporis, generis humani educatorem, arefacere, & extinguere, cum periculo quoque auersi corruptique lactis, laborant: tanquam pulchritudinis sibi insignia deueniſſet quod quidem faciunt eadem vœcordia, qua quibusdam commentitijs fraudibus nituntur, ut foetus quoque

ipsi in corpore suo concepti aboriantur: ne æquor illud ventris irrugetur, ac de gravitate oneris, & labore partus fatiscat. Quod cum sit publica detestatione, communique odio dignum, in ipsis hominem primordijs, dum fingitur, dum animatur, inter ipsas artificis naturæ manus, interfectum ire: quantum hinc abest, iam perfectum, iam genitum, iam filium proprii, atque consueti cognati sanguinis alimonia priuare? Sed nihil interest, (hoc enim dicitur) dum alatur, & viuatur, cuius id lacte fiat. Cur igitur iste qui hoc dicit, si in capeſſendis naturæ sensibus; tam obſurdum, non id quoque nihil interesse putat, cuius in corpore, cuiusque ex sanguine concretus homo, & coalitus sit? An qui à spiritu multo, & calore exalbuit, non idem sanguis est nunc in vberibus, qui in utero fuit? Nonne hac quoque in re solertia naturæ evidens est, quod postquam sanguis ille opifex in penetralibus, suis omne corpus hominis finxit, aduentante iam partus tempore, in supernas se partes profert, & ad fouenda vitæ, atque lucis rudimenta præſtò est, & recens natis notum, & familiarem victum offert? Quamobrem non frustra creditum est, sicuti valent ad fingendas animi, atque corporis similitudines, vis & natura feminis; non secus ad eandem rem, lactis quoque ingenia, & proprietates valere. Neque in hominibus id solum, sed in pecudibus quoque animaduersum. Nam si ouium lacte hœdi, aut caprarum agni alerentur: constat fermè in his lanam duriorē, in illis capillum gigni tenuiorē. In arboribus etiam, & frugibus maior plerunque vis, & potestas est, ad earum indolem, vel detrectandam, vel augendam aquarum, atque terrarum, quæ alunt, quàm ipsius quod iacitur seminis. Ac sæpe videmus arborem lætam, & nitentem, in locum alium, transpositam deterioris terræ succo deperiſſe. Quæ (malum) igitur ratio est, nobilitatem istam nati modo hominis, corpusque, & animum benignè ingenuis primordijs inchoatum, inſtituo degenerique alimento lactis corrumpere? præsertim si ista, quam ad præbendum lactem

tunc



tunc adhibebitis, aut serua, aut seruilis, & ( vt plerumque solet ) externæ atque barbaræ nationis, si improba, si informis, si impudica, si temulenta est. Nam plerumque sine discrimine, quæcunque id temporis lactans est, adhiberi solet. Patienturne igitur infantem hunc nostrum pernicioso contagio infici, & spiritum ducere in animum, & corpus suum ex corpore, & animo deterrimo? Id hercle ipsum est, quod sæpenumero miramur, quosdam pudicarum mulierum liberos, parentum suorum neque corporibus, neque animis similes existere. Scitè igitur & peritè noster Maro, cùm versus illos Homeri confectaretur.

Οὐκ ἄρα πατρὶς πατὴρ καὶ μητέρα Πυλάδης  
Οὐ γὰρ ὅπως κλητὸν. Σκώληκ' ἄσπεκτον  
Σαλασα.

Πίπτει, τ' ἡλίσσεται ἐπ' αὐτὸν ὄρε' ἀπ' ἡνέρος.

Non partitione n. solam, tamque illam, quam ille sequebatur, sed aliuram, quoque feram, & saxum criminatus est. Adidit enim ferè de suo.

*Hircanique admovent ubera tygres:*

Quoniam videlicet, in moribus inolese idis, magnam ferè partem ingenium altricis, & natura lactis tenet: quæ à principio imbuta paterni seminis concretionem, ex matris etiam corpore, & animo recentem indolem configurat. Et præter hæc autem, quis etiam illud negligere, aspernarique possit, quod quæ partus iuns deserunt, ablegantque a se se, & alijs nutriendos tradunt, vinculum illud, coagulumque animi, atque amoris, quo parentes cum filijs natura consociat, interseindunt, aut certè quidem diluunt, deteruntque? Nam ubi infantis aliorum dati, facta ex oculis amolito est, vigor ille maternæ fragrantiz sensim, atque paulatim extinguitur, omnisque impatientissimæ sollicitudinis strepitus consilescit. Neque multò minor amandati ad nutricem aliam filij, quam morte amissi obliuio est. Ipsius quoque infantis affectio animi, amoris, consuetudinis, in ea sola vnde alitur occupatur: & proinde ( vt in expositis usu veni ) matris, quæ genuit, neque sensum vllum, neque desiderium capit. Ac pro-

pterea obliteratis, & abolitis naturæ pietatis elementis, quidquid ita educati liberi amare patrem, atque matrem videntur, magnam ferè partem non naturalis ille amor est, sed ciuilis, & opinabilis. Hæc Phauorinus Græca oratione, quæ nobis Aulus Gellius Latinis literis representauit.

Vnde Astrologus nouit, quæ ex tanta lactentiū multitudinem asciscenda sit puero nutritrix? vnde inuestigat, quæ se se obruturura sit, quæ ab alijs sit parentibus præ cæteris laudanda, quæ commendatione alijs anteferenda sit? Qua fronte definit quo nutritrix eduliorum genere vlura sit, an indultura cibis pituitosis, flatuosis, terreis, aquosis, an coitura cum marito? Rimetur horoscopus, quantum velit, vertat Astrolabia omnia, si hæc ignorat, quæ nosse non potest, fiet infans nihil illo tale cogitante, calculosus, valetudinarius, morbosus ac debilis; & cui præsagebat diurnam vitam, integram valetudinem, firma latera, vel ipso vitæ ingressu extinguetur, vel inter viuos hominis cadauer ager.

## CAPVT XV.

*A victu magis quàm ab Astris  
temperamentum pendere.*

**N**on esse, quod naturale temperamentum foueat magis, quàm victus, testatur Hippocrates tribus de dicta libris, quibus etiam prosecutus est diligenter singulorum eduliorum vim, ac naturam; & quibus quæque noceant, quæve vtilia sint luculenter edocuit. Fecit idem assertor sanitatis, Cornelius Celsus, libro 2. capite 17. & alijs sequentibus. Ad ea, inquit, veniendum est, quæ nos alunt: id est, cibum, & potionem. Hæc autem non omnium tantum morborum, sed etiam secundæ valetudinis, com-

G 3 munia



munia præsidia sunt, pertinetque ad rem, omnium proprietates nosse. Primum ut sani sciant, quomodo his utantur: Deinde ut exsequentibus nobis morborum curationes, liceat species rerum, quæ assidue, necessariae erunt subijcere, neque necesse sit eas subinde singulas nominare. Scire igitur oportet omnia legumina, quæque ex frumentis panifica sunt, generis valentissimi esse. (Id valentissimum voco, in quo plurimum alimenti est.) Item omne animal quadrupes domesticum: Omnem grandem feram, quales sunt capræ, ceruus, aper, onager: Omnem grandem auem, quales sunt anser, pauo, & grus: Omnes beluas marinas, ex quibus cætus est, quæque his pares sunt: Item mel & caseum; quo minus mirum est, opus pistorum, valentissimum esse; quod ex frumento, adipe, melle, caseo constat. In media verò materia numerari ex oleribus debere ea, quorum radices, vel bulbos assumimus. Ex quadrupedibus leporem, aues omnes à minimis ad phænicoptera. Imbecillissimam verò materiam esse, omne olus, & quidquid in cauliculo nascitur, qualis est cucurbita, & cucumis, & capparitis, omnia poma, oleas, cocleas, itemque conchyliæ: sed quamuis hæc ita discreta sunt, tamen etiam quæ sub eadem specie sunt, magna discrimina recipiunt; aliæque res alia valentior est, vel infirmior; si quidem plus alimenti est in carne, quam in villo alio. Firmius est triticum quam milium; id ipsum, quam hordeum; & ex tritico firmissima siligo, deinde simila, deinde, cui nihil ademptum est, quod ἀντόπυρον Græci vocant. Infirmior est ex polline. Infirmissimus cibarius panis. Ex leguminibus valentior faba, vel lenticula, quam pisum; Ex oleribus valentior rapa, napique, & omnes bulbi, in quibus cæpam quoque & allium numero: quam pastinaca, vel quæ specialiter radícula appellatur. Item firmior brassica, beta, & porrum, quam lactuca vel cucurbita vel asparagus. At ex fructibus surculorum valentiores sunt vua, ficus, nuces, palmulæ, quam quæ poma propriè nominantur. Atque ex his ipsis firmiora,

quæ succosa, quam quæ fragilia sunt. Itemque ex his auibus, quæ in media specie sunt, valentior ea, quæ pedibus quam quæ volatu magis nititur: & ex his quæ volatu fidunt, firmiores sunt quæ grandiores aues, quam quæ minutæ sunt, ut ficedula, & turdus; Atque ex quoque, quæ in aqua degunt, leuiorem cibum præstant, quam quæ natandi scientiam non habent. Inter domesticas verò quadrupedes leuissima suilla est, grauissima bubula. Itemque ex feris, quo maius quodque animal, eò robustior ex eo cibis est. Pisciumque eorum, qui ex media materia sunt, quibus maximè vitimur, tamen grauissimi sunt, ex quibus salsamenta quoque fieri possunt, qualis lacertus est; deinde qui quamuis tenuiores, tamen duri sunt, ut Aurata, Coruus, Scarus, Oculata, tum plani, post hos etiam leuiiores Lupi, Mullique & post hos omnes saxatiles.

Item Galenus, libro primo de facultatibus alimentorum. De facultatibus, inquit alimentorum, plerique præstantissimorum Medicorum præcipuo studio in eam speculationem conuersi conscripserunt, quod omnium quæ sunt in medicina, ea propemodum sit vtilissima: nam alijs præsidijs non omni tempore vitimur, sine alimento autem ne viuere quidem neque secunda, neque aduersa valetudine possumus. Merito igitur præstantissimorum Medicorum plurimi facultates, quæ eis insunt, diligenti magnoque studio peruestigarunt.

Idem libro de tenui victus ratione. Cum victus, inquit, attenuans ratio plerisque diuturnis morbis adeò conferat, ut sola ea sine villo alio medicamento sublata sæpe fuerint, operæpretium fuerit, aliquid de ea præscribere: sunt enim quos præstiterit sola victus ratione, sine medicamentis perferare.

Rursus libro de cibis boni, & mali succi. Annonæ, inquit, caritas assidua, quæ non paucos ab hinc annos multas nationes Romano Imperio subditas afflixit, ijs, qui non omnino rudes sunt, planè significauit, quantum viciati corporis succi ad gignendos morbos vim habeant: nam qui intra vires degebant,



bant, sicuti moris est, dum sibi æstate pararent quæ in proximum annum vi-  
ctui suffectura essent, vniuerso ex agris  
frumento, hordeoque, fabis, lentibusque  
asportatis; cereales reliquos fructus,  
quos legumina, & chedropa appellant,  
eorum etiam parte in vrbes aduecta  
agricolis relinquebant, quæ cum illi  
per hyemem consumpsissent, mali succi  
alimentis toto vere vesci coacti sunt:  
teneris namque fructibus, arborumque  
germinibus & extremis ramulis, tum  
bulbis, & mali succi plantarum radici-  
bus alebantur, agrestia quoque olera,  
& quidquid fors illis vberius attulerat;  
vtpote herbas ferè omnes virentes de-  
coctas, quas nemo vnquam prius degu-  
stauerat ad satietatem edebant. Ea pro-  
pter cernere erat nonnullos vltimo ve-  
re, sed ferè omnes ineunte æstate mul-  
tis, variisque modis per curam vlceri-  
bus laborantes, ex his namque alia Ery-  
sipelatode, alia erant Phlegmode, alia  
ad Herpetis similitudinem serpentina, nõ-  
nulla impetiginem, vel scabiem, quasi &  
lepram referre videbantur, sed ex his,  
quæ se mitissimè per curam extulerunt,  
vitiosos humores ex visceribus, & imis  
corporis partibus extraxerunt.

Nec omiserim quæ Paulus Aegineta,  
libro primo, capite 23. scribit. Senectus,  
inquit, cum sicca frigidaque existat per  
calefacientia & humectantia corrigi de-  
bet. Imbecilliores ter die cibo refici de-  
bent, ad tertiam quidem horam panis  
exiguo cum melle Attico, septima verò  
hora vbi frictionem exercitationesque  
ipsis congruas, & balneum fuerint ex-  
perti, primum sanè quæ aluum emol-  
liant assumant; deinde pisces, aut au-  
culas: Hinc in cœna quæ optimi succi  
sunt, & ægrè corrumpuntur: non prohi-  
beo tamen vinis ex melle præparatis vti,  
præcipuè quibus de calculo in renibus  
creato, aut etiam de podagra suspicio  
est, quando petroselinum vino rectè ini-  
jicitur. At si quando pituita in ventricu-  
lo collecta, necessitas est, aliqua quæ eam  
incidant, deligere, protinus ad hume-  
ctantem victus rationem digrediendum  
est, ac ficus maturæ ante alium cibum  
ipsis exhibeantur. Per hyemem verò cal-

fiæ, si nullum in dextro præcordiorum  
symptoma accidere sentiat.

Idem capite 53. describit victus ra-  
tionem pro singulis anni temporibus,  
cap. 54. ijs qui labore exercentur, cap. 55.  
ijs qui iter agunt cap. 56. ijs qui nauigant  
cap. 71. Inter frigidas, inquit, in-  
temperies, tres numerantur differentiæ;  
ex quibus sicca est deterrima; quod enim  
successu temporis senescentibus obue-  
nit, id statim ab initio hos affligit. Itaque  
humectare eos, & calefacere oportet  
quod commodè fiet exercitijs mediocri-  
bus, cibo humido, & calido, vini calidio-  
ris potu. Cap. 73. Cum de alimentorum  
facultatibus pars inquit sit operis, quo  
de sanitate tuenda præcipitur, proximū  
est dictis, vt eum subiiciamus, vbi prius  
quàm particularia prosequamur, pauca  
quædam prælibabimus: quæ igitur at-  
tenuandi virtutē habent, meatus aperiunt  
visceribus adhærentia abstergunt, crassa,  
incidunt, quòd si diutius in cibum ea ad-  
hibeas, serosa, biliosaque contrahes ex-  
crementa, ac si vberius ingeras, sanguis  
ater, & vitiosus redditur.

Quorsum Medicos grauissimos viros  
in re certissima fatigamus? ipsi etiam,  
Poëtæ intellexerunt, quantum in ratio-  
ne victus momenti sit. Horatius lib. 2.  
Satyr. 2.

*Accipe nunc victus tenuis, quæ quantaque  
scum*

*Adiuvat. In primis valeas bene, nam va-  
ria res*

*Vt noceant homini credas: memor illius  
esca,*

*Quæ simplex olim tibi sederit, at simul assis  
Miscueris elixa, simul conchylia tardis.  
Dulcia se in bilem vertens, stomachoque  
tumultum*

*Lenta foret pituita: vides, et pallidus  
omnis*

*Canæ defurgat dubia?*

Est Iuuenalis in suorum temporum inglu-  
uiem acerrimè inuehitur Satyra secun-  
da, & enumeratis quibusdam edulij, quæ  
nullis sunt ornata macellis, subdit:

*Hæc olim nostri iam luxuriosa Senatus,  
Cænæ fuit, Curius paruo quæ legerat heros  
Ipse facis breuiter penetat holuscula, quæ  
nunc*


G 4 Squalli-



*Squalidus in magna fastidio compede  
fessor.*

*Qui meminit calida sapiat quid vulva  
popine.*

Vertant Genethliaci sua astrolabia, spectent sydera, rimentur abditas Astro- rum vires, obseruent stellarum confi- gurationes, quanam è specula prospi- cient, quo quisque alimentorum genere sit vsurus? quanta in his diuersitas pro natura locorum, pro anni temporibus, pro ætate, pro copia, vel inopia, pro eorum, quibuscum quisque viuit, condi- tione, pro valetudine, pro Medicorum consilio, pro palato, pro patriæ consue- tudine, pro vsu domestico, pro subita, ac fortuita necessitate, pro amico- rum inuitatu, pro propria libidine, pro familiarium arbitratu, tantumne causarum in vno syderum schemate videtur? Si hæc omnia non vident, ni- hil vident, sed temerè effutunt, quid- quid effutunt de hominum tempera- mento.



## CAPVT XVI.

*Plus labores valere ad tuen-  
dum vel mutandum corpo-  
ris temperamentum  
quàm Astra.*

**M**ENTIANTVR Astorum, internuncij in stellis videri vniuscuiusque victum & ciba- ria, adhuc non viderunt eius temperamentum, cuius vident genesim: magnam enim vim ad sanitatem, vel tuen- dam vel labefactandam habet exercita- tio, & labor. Oportet, inquit Hippocra- tes libro primo de Diata scire quomodo de ciborum fortium natura vim detrahare oporteat, & quomodo debilibus robur per artem addere oporteat, prout sin- gulorum occasio sese obtulerit. Et si re-

lata iam etiam cognouerit, nondum suf- ficiens est hominis curatio; propterea quod homo edens sanus esse non potest, nisi etiam laboret. Contrarias enim in- ter se vires habent cibi, & labores; ve- rum inter se mixtis conferunt ad sanita- tem. Labores enim, ea quæ insunt con- sumere solent; cibi autem, & potus ea, quæ euacuata sunt, expleant. Oportet au- tem, velut par est, laborum vim perno- scere, tum naturalium, tum eorum, qui per vim fiunt, & qui ex ipsis carnem in augmentum properant, & qui in de- fectum; & non solum hæc, sed etiam mensuram, ac proportionem laborum ad multitudinem ciborum, & hominis naturam, & corporum staturas, ac æta- tes, & ad tempora anni, & ad mutatio- nes ventorum, & ad situs regionum, in quibus degunt, & ad anni constitutionem ac statum.

Rursus idem Hippocrates eodem li- bro. Curfibus vtendum est velocibus, quo & corpus humore euacuetur, & humor amplius siccetur; luctis autem, & fricationibus, & huiusmodi exercitijs vt non conducit, ne meatus cauiore redditi repleantur; à talibus enim ani- mæ motum grauari necesse est. Confert & deambulationibus vt; his verò neu- trum sæpe fieri oportet, sed sæpius alte- rutrum pro corporis natura, post hæc paulum conuiescere opus est.

Galenus quoque libro primo de sani- tate tuenda. Nutricibus inquit triplex infantibus excogitata dimotio est, in cu- nis, in lectulis pendentibus, in suis ipsa- rum vlnis, vbi iam hoc aliud quoque nobis æstimandum oritur ad sanitatis tu- telam vel in primis necessarium. Cum Asclepiades planè, aperteque exercita- tiones damnet, Erasistratus verecundius, timidiusque decernat, Cæterum idem cum Asclepiade sentiat: Reliqui verò Me- dici non solum ad bonam corporis ha- bitudinem, sed etiam ad sanitatem eas prædicent. Porro exercitationum tria saltem prima notantur genera; vtique quot motionum differentiæ, quippe aut à nobis ipsi mouemur, aut ab alijs, aut à medicamento. Horum tamen tertia species ad sanos nequaquam pertinet.

Sed



Sed qui ab altero præstatur motus nauigando, equitando, vehendo, atque vt paulò antè dictum est, in cunis, lectulis, vniisque obitur: Recenter tamen nati puelli tam valentem motum, quàm qui vehiculis, nauigijs, equisque præstatur, adhuc non desiderant. At qui iam tertium, aut quartum annum agunt, hos vehiculo, nauigioque modice agitare licet: septemni verò etiam valentiora exercitia tolerant, ita vt equitare iam assuescant. Per se verò moueri tunc primum cuius licet, cum iam reperire coeperit, magisque etiam cum ingredi; immaturè verò omnino cogendi non sunt, ne crura eorum pondere vitentur. Sanè vel hac ætate facile declaratur quanta sit naturæ nostræ cum exercitijs societas, cum pueros, ne si concluderis loco aliquo prohibeas, quominus discurrant, ac pullorum vitulorumque ritu lasciuiant. Quippe sua cuique animanti natura satis est ad proprias, convenientesque exercendas appetitiones, quibus sanitatem, salutemque tueatur. Verùm Asclepiades nihil horum cogitans, per magnum otium captiunculas texit, quibus docere conatur, nihil ad bonam valetudinem exercitia conferre. Verùm huic postea, quod par est, respondebitur, ceu garrulitate ad finem potissimum taxanda; est enim nobis hoc loco propositum, non Sophistarum bugas refellere, sed quod ad sanitatem conducit præcipere.

Idem libro de exercitatione parvæ pilæ. Quantum, ait, ad valetudinem tuendam exercitationes conferant, & quod opus sit, vt illæ cibis præcedant, cum veterum multi, & Philosophorum, & Medicorum optimi diligenter sint executi, nullus tamen, ò Epigenes, hætenus quantò hæc, quæ parua pila sit exercitatio, reliquis præstet satis exposuit. Quare nunc licere nobis arbitror de ea, quatenus eius cognitionem habemus, differere, sub te præsertim omnium in hac arte exercitatisimo iudice: quæ porro & in aliorum dicta erunt vtilitatem, quoscunque huius tui libelli participes esse volueris. Ego igitur sic sentio eas omnium esse valissimas exercitationes, quæ non corpus solum exercere, verùm

etiam animum oblectare possunt; vnde sapientes mihi, humanæque naturæ probè periti fuisse videntur illi, quicunque venationes, & alias animalium capturas laborem voluptate, oblectatione, laudis cupiditate temperantes, primi inuenerunt: adeò enim potentes sunt, qui in ea fiunt motus animi; vt multi morbis fuerint delectatione liberati.

Rursus capite tertio eiusdem libri multis nominibus commendat exercitationem parvæ pilæ. Immò reuera id solum est, inquit, quòd omnes corporis particulas cum iustitia mouet; dum enim procedimus, aut recedimus, aut nos in obliquum transferimus, alij atque alij nervi, ac musculi plus fatigantur, quicunque enim vno motionis genere, crura mouent, quemadmodum, qui sine ratione cursitant, sicque qui crebrò sese in obliquum transferunt, partes inæqualiter exercent; verùm quemadmodum cruribus, sic & brachijs exercitatio hæc summa cum iustitia mouet, propriumque partitur opus, siquidem in omni figura pilam excipere consueverunt. Hic enim necesse est figurarum varietatem, alios, atque alios musculos vehementius tendere, adeò vt omnes vicissim laborantes, intermissione his habeant æqualem; qui, dum alij operantur, quiescunt: atque ita vicissim omnes operantes, & quiescentes, neque segnes omnino relinquuntur, neque soli laborantes, lassitudine corripuntur. Quòd autem & oculos exercere oporteat, hinc videre licet, si animaduertimus, quòd nisi quòd vergat pila, diligenter præuiderit, quominus eam attingat, ipsum aberrare necesse est. In hoc autem & consilium æquale sollicitudini opus est; tum illam ne humi in cassum deiciat, tum vt versantem in medio eandem assequi prohibeat, vel ipse transmissam rursus accipiat. Atque sollicitudo quidem corpus sola extenuat, cuiuspiam verò exercitio, ac laudis desiderio commissa, vt pote in lætitiâ desinens, ad bonam corporis valetudinem, atque animi prudentiam plurimum confert. Illud autem exercitium non modicum præstiterit, quòd ambo, corpus videlicet, & animum,



num, pro sua vtriusque virtute iuuare possit. Hæc multaque alia de vsu parua pilæ Galenus.

Cornelius verò Celsus non sanis modò, sed ægris etiam corporibus exercitationes vtilis esse putauit. Gestatio inquit lib. 2. cap. 24. longis etiam, & inclinatis morbis aptissima est, vtilisque & his corporibus, quæ ex toto febre carent; sed adhuc exerceri per se non possunt, & ijs, quibus lentæ morborum reliquæ remanent, nec aliter eliduntur. Asclepiades etiam, in recenti, vehementique febre, præcipueque ardente, ad excutiendâ eam gestatione dicit vten dum esse; sed id periculose fit meliusque quiete huiusmodi impetus sustinetur: si quis tamen experiri velit, sic experiat, si lingua non erit aspera, si nullus tumor, nulla durities, nullus dolor visceribus, aut capiti, aut præcordijs subierit. Et ex toto nunquam gestari corpus dolens debet, siue id in toto, siue in parte est. Si tamen solis neruis dolentibus, neque vnquam in recenti febre, sed in remissione eius. Genera autem gestationum plura sunt adhibenda, quæ sunt pro viribus cuiusque, & pro opibus; ne aut imbecillum hominem nimis digerant, aut humido obsint. Gestationum leuissima est nauis vel in portu, vel in flumine; vehementior alto mari naui, vel lectica, aut scamno; acriorè vehiculo; atque hæ ipsæ intendi, & remitti possunt; si nihil eorum est, suspendi lectus debet, & moveri; si ne id quidem est, certè vni pedi lecti subiiciendus funiculus est, atque ita lectus huc illuc manu impellendus. Et leuia quædam genera exercitationum, infirmisimis conueniunt; vehementiora verò ijs, qui pluribus iam diebus liberati sunt, aut ijs, qui grauium morborum initia sic sentiunt, vt adhuc febre vacent; quod & in tabe, & in stomachi vitijs, & cum aqua cutim subit, & interdum in morbo regio fit, aut vbi quidem morbi, qualis comitialis, qualis insania est sine febre, quamuis diu maneat, in quibusdam affectibus. Ea quoque genera exercitationum necessaria sunt, quæ comprehendimus eo loco, quo quemadmodum sane neque firmi homi-

nes se gerant, præcepimus. Ita Celsus.

Sicut porrò moderata, & tempestiua exercitatio salutaris est; ita nimia, vel intempestiua noxia censetur. Itaque Plutarchus libro de liberis educandis. Verum ne corporis quidem exercitatio est prætermittenda, sed mittendi in ludum eius rei pueri, vt in eo genere quantum satis est elaborent, cum propter corporis concinnam conformationem, tum roboris gratia, nam bonæ senectuti fundamentum in pueritia iacitur, firma nimirum ad sanitatem constitutio. Quemadmodum igitur tranquillo cœlo adornanda sunt, quæ aduersus tempestates faciunt: ita in adolescentia moderationem & temperantiam ad viaticum senectutis parandum adhibere par est: sic autem labori moderandum est, ne eo exercitati ad litterarum studia animum despondeant. Nam vt ait Plato somni, & defatigationes disciplinarum sunt hostes. Quid his tam insisto? cum ad id, quod dictum, longè principalius explicandum summo ducar studio: Militaribus namque certaminibus pueros exercere conueniet, vt in iaciendis hastis, tractandis arcubus, venationibus. Bellum educatam in vmbra corporis habitudinem repudiat; Mecilentus autem miles, bellicis assuetus certaminibus, pugiles, & structas prælio acies propulsat. Quid agis, dicit quispiam, tu cum de ingenuorum educatione liberorum daturum te præcepta sponderis, mox inopes, ac populares ita videris prætermisisse, vt solis institutionem locupletibus exhibere cogites; Quibus occurrere haud certè difficile est; ego namque hanc ipsam institutionem communem omnibus, ac vtilem esse maximè velim: verum si propria laborantes indigentia, meis vti communefactionibus nequie-rint, fortunam non autem me consulentem accusent; Enitendum itaque pro viribus, vt optima pueris vel etiam ipsis pauperibus fiat educatio; sin minùs possibile saltem vtendum erit. Et ista quidem, quæ grauiter in sermone obijci poterant, adduxi, vt quæ ad rectam iuuenum institutionem non ferunt, adiungam.


Illud



Illud igitur assero, ad honesta pueros exercitia non plagis, aut verberibus, sed monitis, ac rationibus adduci oportere; omitto enim ea magis seruos decere, quam liberos, liberis autem pueris maiorem laudes, ac vituperia, quam verbera afferunt commoditatem; illa enim ad honesta incitant: hæc à turpitudine cohibent; mixtim verò, & alternis vtendum erit obiurgationibus, & laudibus; postquam vehementer obiurgarint, pudore agendum erit, rursusque laudibus reuocabunt; itque imitanda nuntices erunt, quæ ubi infantes lugere coegerint, vbera denuò ad eos solandos admouent. Cauendum autem erit, ne immodicis elati laudationibus intumescant; quoniam nimis demolliti laudibus franguntur. Plerosque iam ego patres vidi quibus amor nimius, ne amarent, causa exitit: quid enim est, quod dicere velim, vt exemplo luculentior fiat oratio? Nam cum hi festinent, vt filij in cuius ocyus antecedant, immensos illis labores adiungunt, sub quibus defessi corruunt; & alioquin pondere molestiarum oppressi, doctrinam minùs consuetè percipiunt: Plantæ enim cum modicis aluntur aquis, cum multis suffocantur: eodem modo animus, cum mediocri vegetatur labore, sub nimio demersus opprimitur. A continuis igitur laboribus danda quædam pueris respiratio; remissi enim oportet, omnem nostram vitam in remissionem, ac studium esse diuisam, quocirca non vigiliam modò, verum etiam somnum esse repperit, non bellum solum, sed & pacem, non Hyemem tantum, sed & Æstatem, non operosos, sed & festos dies, & vt generatim eloquar, laboris condimentum est otium, idque non in animantibus modò, sed etiam in ijs, quæ anima carent, conspicias; arcus enim, lyraque remittimus, vt tendere possimus, ac summam corpus quidem indigentia, & replemento, animus verò remissione, atque labore conseruatur.

Tanta cum exercitationibus, & laboribus vis sit, ad valerudinem conseruandam, vel affligendam, quis ferat Astrologos omnia è syderum positione me-

tientes, an mentientes? Quid hoc genere magis liberum otiosis, magis incertum liberis hominibus? quid magis necessarium indigentibus, quid magis fortuitum vniuersis? quid etiam per Astra, & è cælo quarimus causas humanarum actionum? nonne & genus, & modum, exercitationis, multis imponit necessitas, alijs voluptas, comitatus alijs, alijs contubernium, alijs eorum imperium, quibus subsunt, alijs euentus varij, qui fallunt sapientum prudentiam, fallunt beatarum mentium intelligentias, vnius Dei solum præsentioni subiunt.



## CAPVT XVII.

*Sedes, & domicilium magis, quam Astra, afficiunt temperamentum.*



Við cœli temperies? parumne promouet corporis vires, & sanitatem? Hippocrates libro de aere, aquis, & locis: Quare, inquit, si quis ad urbem sibi incognitam perueniat, circumspicere oportet aeris situm, quomodo scilicet ad ventos, & Solis exortus iaceat: non enim æquales vires sunt ad Septentrionem sitæ, & vergentis ad Austrum, neque eius, quæ Solem exorientem, & quæ eundem occidentem spectat. Hæc igitur diligenter oportet perscrutari, ac simul quomodo se habeant circa eam aquæ, num palustribus vtantur, & mollibus, aut duris, & ex sublimi loco prolabantibus, & scatulentibus ex petris, siue salis, & ciudis. Terra etiam ipsa consideranda, nudane sit, & aquis carens, aut densa, & aquosa, & an concaua sit, & altuosa, vel alta, & frigida. Hominum insuper diata perquirenda, qua maximè capiantur, an bibuli sint, & lurcones, & otio dediti, aut exercitijs varijs vtentes, & tolerantes laborum, ciborumque



rumque plus appetentes, quam poculorum; ex his enim singula sunt inuestiganda. Nam qui hæc omnia probè, quantum fieri potest, cognouerit, aut horum plurima, eum non latere possunt, cum in urbem etiam ignotam peruenerit, neque morbi regioni peculiare, & patrij, neque communis regionis natura, quæcunque tandem ea fuerit, ut non possit in cognoscendis morbis dubius hære, aut errare, sicubi ad morborum curationem adhibeatur. Quæ ambo illis euenire solent, qui non prius prouidi hæc diligenter cognouerunt. Quare qui ea studiosè rimatus fuerit, unicuique temporis, ac anni futuri constitutionem prædicere poterit, qui videlicet morbi communi affectione ciuitatem sint inuasuri, tum Æstate, tum Hyeme, & quæcunque pericula unicuique sint timenda, ex diæta, & victus immutatione.

Aristoteles lib. 7. Politicor. capite 11. Urbs autem, quod terræ, marisque particeps esse debet, & quod ad totam regionem similiter debet esse communis, quantum fieri potest, dictum est prius. Ipsius autem ad seipsam optandum est positionem sortiri ad quatuor respicientes: Primum ad sanitatem; ad Orientem enim Solem conuersæ urbes, & ad eos ventos, qui inde perflant, salubriores sunt: Secundo loco quæ sunt secundum Boream sitæ; hæc namque sunt ad hyberna potiores.

Iterum infra: Cum oporteat de sanitate habitantium curam habere, hoc autem sit primum in situ, & qualitate loci; Secundum in aquarum salubrium usu, in ea quoque re est diligentia merito adhibenda: Quibus enim plurimum, & frequentissimè utimur ad corpus, ea plurimum important ad sanitatem; aquarum autem, & ventorum potentia talem habet naturam. Quapropter in ciuitatibus, quæ rectè sapiunt, distinguendus est aquarum usus, si non omnes sint pares, nec abundantia sit earum aquarum, ut aliæ seorsim aquæ ad cibum, & potum, aliæ ad aliam indigentiam deputentur.

Vitruuius libro primo, cap. 4. In ipsis verò moenibus ea erunt principia. Pri-

mò electio loci saluberrimi, is autem erit excelsus, & non nebulosus, non pluuiosus, regionesque cœli spectans neque æstuosas, neque frigidas, sed temperatas. Deinde si euitabitur palustris vicinitas; cum enim auræ matutinæ cum Sole oriente ad oppidum peruenerint, & ijs ortæ nebulæ adiunguntur, spiritusque bestiarum palustrium venenatos, cum nebula mistos, in habitantium corpora flatus spargent, efficient locum pestilentem. Item si secundum mare erunt moenia, spectabuntque ad Meridiem, siue ad Occidentem, non erunt salubria; quia per Æstatem cœlum meridianum Sole exoriente calescit, Meridie ardet. Item quod spectat ad Occidentem, Sole exorto tepescit, Meridie calet, Vespere feruet. Igitur mutatione caloris, & refrigerationis, corpora, quæ in ijs locis sunt, viciantur.

Et post pauca: Licet etiam considerare hæc ita esse, quod Æstate non solum in pestilentibus locis, sed etiam in salubribus, omnia corpora calore sunt imbecilla; & per Hyemem etiam, quæ sunt pestilentissimæ regiones, efficiuntur salubres, idè quod à refrigerationibus solidantur. Non minus etiam quod quæ à frigidis regionibus corpora traducuntur in calidas, non possunt durare, sed dissoluuntur: quæ autem ex calidis locis sub septentrionem regiones frigidas non modò non laborant in mutatione loci, sed etiam consimulantur.

Denique infra. Itaque etiam atque etiam reuocandam censeo veterum rationem; Maiores enim è pecoribus immolatis, quæ pascebantur in ijs locis, quibus aut oppida, aut castra statua constituebant, inspiciebant iecinora, & si erant liuida, & vitiosa, prima talia immolabant, dubitantes an morbo, an pabulo læsa essent; cum pluribus experti erant, & probabant integram, & solidam naturam iecinoris ex aqua, & pabulo, ibi constituebant munitiones: Si autè vitiosa inueniebant, iudicabant humanis corporibus pestilentem futuram, nascentem in ijs locis aquæ, cibi, copiam, & ita transmigrabant, & mutabant regiones, quarètes omnibus rebus salubritatè.

Corne-



Cornelius item Celsus, vir optime de hominum incolumitate meritis lib. 2. cap. 1. Vbi, inquit, est aequalitas, saluberrimi sunt sereni dies, meliores pluuij, quam tantum nebulosi, optimeque hyeme, qui omni vento vacant; æstate, quibus Fauonij perflant. Si genus aliud ventorum est, salubriores septentrionales, quã Subsolani, vel Austri sunt; sic tamen, ut in hæc, interdum regionum sortes mutantur; nam ferè ventus vbique à mediterraneis regionibus veniens, salubris; à mari, grauis est: Neque solùm in bono tempestatum habitu cerrior valetudo est, sed priores morbi quoque, si qui inciderunt, leuiiores fiunt, & promptius finiuntur. Pessimum ergo cœlum est, quod ægrum facit, adeo ut in id quoque genus, quod natura peius est, in hoc statu salubris mutatio sit.

Inter summos hos viros Marcum Tullium mihi videor numerare posse, cuius alij dicendi, ego doctrinæ etiam copiam admirari soleo lib. de fato: Inter locorum naturas, inquit, quantum interfit videmus: alios esse salubres, alios pestilentes, in alijs esse pituitosos, & quasi redundantes, in alijs exsiccatos, atque aridos: multaque sunt alia, quæ inter locum & locum plurimum differunt. Athenis tenue cœlum; ex quo acutiores etiam putantur Attici: crassum Thebis; itaque pingues Thebani, & valentes.


Quid ad hæc Planetarij! faciuntne homines vasa Samia, quæ domicilium mutare non possint? aut Lotophagos, loco cui semel infederunt, inseparabiliter adhærescentes? deserunt illi solum frequenter; idque non agentibus stellis,

sed varijs de causis, nunc e proximo, nunc de longinquo petitis; quæ si-  
cut longissime  
absunt ab

Astris,


sic valetudo, cui ex domici-  
lio accedit, receditque,  
non parum, prorsus ineptè ex  
stellis peti-  
tur.

†



## CAPVT XVIII.

*Quid consuetudo, & vsus aduersus Astrorum vim possint.*

 B E S T præterea plurimum valetudini, & naturali temperamento eorum, quibus quis assueuerit, repentina commutatio, & ab extremis ad extrema transi-  
tio.

Quare. Cornelius Celsus li. 1. c. 3. Neq; verò, ait, ex multa fame nimia satietas, neq; ex nimia satietate fames idonea est; periclitaturq; & qui semel, & qui bis die cibum incontinentè contra consuetudinem assumit. Itemque ex nimio labore, subitum otium, neque ex nimio otio subitus labor sine graui noxa est: Primò, cum quis mutare aliquid vult, paulatim debet assuescere, omnem autem laborem facilius vel puer, vel senex, quàm insuetus homo sustinet: Atque, idè quoque nimis otiosa vita utilis non est; quia potest incidere laboris necessitas: Si quando tamen insuetus aliquis laborauit; aut multò plus quàm solet, etiam is, qui assueuit; huic ieiuno dormiendum est, multò magis si etiam os amarum est, vel oculi caligant, aut venter perturbatur; tum enim non dormiendum tantummodò ieiuno est, sed etiam in posterum diem permanendum; nisi citò id quies sustulerit, quod si factum est, surgere oportet, & lentè paululùm ambulare; & si somni necessitas non fuit, quia modicè magis aliquis laborauit; tamè ingredi aliquid eodem modo debet.

Infra: Si assidua, inquit, fatigatio vriget, inuicem modò aqua, modò vinum bibendum est, raroque balneo vtendum, leuatque lassitudinem etiam laboris mutatio; eumque, quem nouum genus laboris pressit, id quod in consuetudine est,



est, reficit; fatigato quotidianum cubile rutissimum est, insolitum contrā laxat: quod enim contra consuetudinem est, nocet, seu molle, seu durum.

Item Galenus lib. de curandis animi morbis Neque ait deterreri quempiam oportet, ne seipsum conetur meliorem efficiere, etiam si factus quinquagenarius sit, quinetiam omni ratione conabitur ipsum corpus in melius restituere, quamuis compertum habeat se nunquam Herculeam valetudinem consecuturum.

Infra: Omnium autem maximè tui ipsius te pudeat, quod quidem si feceris, poteris quandoque expertem illam rationis vim, qua exandescimus, quasi feram quandam mitigare, ac mansuescere; alioquin absurdum admodum sit, viros equitandi peritos, ubi equos acceperint, breui eos ad parendum idoneos reddere; te autem, qui non aliquid extrinsecus animal acceperis, sed rationis illā expertē vim, quæ in tuo ipso animo est, & cum qua semper meditans, ratio simul habitat, non posse itidem mitiorem reddere, & quamuis non ita continuo, at longiori saltem spatio.

Infra: Adhuc delige optimum vitæ genus, id iucundum efficiet consuetudo.

Ac de mutanda ratione victus, hæc Hippocrates scribit apud Galenum libro de consuetudinibus, cap. i. Atque facile addisci potest, quod vitiosa diæta commestionis, & potationis, ipsa sibi ipsi semper similis, tutior ut plurimum est ad sanitatem, quam si quis repentè magnam mutationem faciat, ad aliud melius; quandoquidem & ijs, qui bis cibum capiunt, in die, & ijs qui semel cibum capiunt, repentinæ mutationes, noxas, infirmitatesque inferunt. Et ij sanè, qui prandere non consueverunt, si pransi fuerint statim infirmi fiunt, & toto corpore graues, & imbecilli, & tardi; si verò etiam supercœnauerint, acidum ructantes, quibusdam etiam sputile, hoc est, humida deiectio aduenit, quando præter consuetudinem orere grauatus est ventriculus, solitus superficari; & non bis intumesce, neque bis elixare cibaria.

Idem de eadem re Magis Laborauerit, ait, si ter in die cibū capiat ad saturita-

tem, & adhuc magis si pluries; quamquā sanè multi sunt, qui facillè ferunt ter in die cibum capientes ad satietatem, si sanè ita fuerint assueti; quin & qui bis cibum in die capere consueverunt, nisi pransi fuerint, imbecilles, & infirmi fiunt, & ad omne opus timidi, & cardialgici, pendere enim videntur ipsius viscera, & mingunt calidum & viride, & sterqus comburitur. Sunt & quibus os amarescit, & oculi cauantur, & tempora saliant, & extrema frigescent; & plurimi quidem eorum, qui pransi non sunt, cœnam comedere non possunt; si verò cœnauerint, ventriculum grauant, ac multò magis ægrè cubant, quàm si pransi fuissent. cū ergo talia sanis eueniant ob dimidij diei mutationem, diætæ præter consuetudinem, neque addere commodè videtur, neque detrudere. Si igitur hic qui præter consuetudinem cibum capit, semel tota die exinanitis vasis cœnauerit quantum solebat, verisimile est ipsum multò magis grauari, si verò longiori adhuc tempore exinanitis vasis, derepentè post cœnauerit, magis utique grauabitur.

Cibos etiam, quibus quis assuetus est, quanquam minùs salubres Hippocrates ibidem præ salubrioribus commendat. Multi, inquit, facillè ferunt esculenta, quibus assueti sunt; etsi non sint bona natura; & similiter autem & poculenta.

Galenus verò libro de consuetudinibus, capite secundo, docet cur quis facillùs concoquat cibos, quibus est assuetus, quicunque illi tandem sint: Quia cibum in qualitatem nobis familiarem redigi oportet, vnus autem cibis vni familiaris est, alter alteri: Aliud enim nutriendum, inquit, alijs corpori familiare est, ideoque animantes ad familiaria nutrimenta, à nullo doctæ, sed à natura impulsæ accedunt; iumenta quidem ad herbas, paleam, scœnum, & hordeum, leones autem ad carnes, sicuti etiam pardales, & lupi. Quemadmodum igitur animalibus secundum genus non parua differentia familiarium vnicique nutrimentorum est, sic etiam, & secundum speciem in generibus reperiuntur differentiæ magnæ, cū alijs ne gustare quidem vinum possint



sint, alij autem plurimum innoxie bibant, alij Bœum, & Hieronymum, & Arietum carnes cum delectatione comedant, innoxieque concoquant, alij nec odorem ipsarum sustineant, nec esum; & si per alterius escæ penuriam, vel in fame sit, huiusmodi carnes ingerere coguntur, concoquere ipsas nequeunt citra nocumentum, ac appetitum ex ablatione subvertunt, grauanturque derepentè, si quis nutus ipsis superueniat, nec ipsum quoque innoxium tolerant. Quoniam autem hæc ita se habere conspiciuntur: Primum quidem illius meminisse oportet, homines assumere, quæ suauiora sunt, alios alia secundum naturæ familiaritatem; accedere autem ad talium esum libentius, tanquam ea sibi ipsi concocta faciliora visa sint esse: auerari autem, & fugere quæ insuauia sunt, concoctaque difficiliora, ita ut consuetudo signum sit, familiaritatis naturalis. Quod autem, & ut causa sæpenumero fiat, constat ex ijs, quæ in principio quidem in suauitate, aut nocumento, à quibusdam ingestis afficiuntur; si autem ipsis paulatim assuescere sustinuerint, insuauitate, aut nocumento, non amplius afficiuntur; causa autem & huius rei talis est, sicut vinum quodque eorum, quæ comeduntur, & bibuntur, secundum aliquam qualitatem alterantur, ita & ipsum quodammodo afficit id, quod alterat; licet autem huius rei euidenter capere argumentum ex humorum ab unoquoque cibario genitorum differentia: nam alia quidem melancholicum gignunt sanguinem, alia pituitosum, vel qui pallidam flauamque nominatam bilem, non paucam habent sicut nonnulla purum sanguinem; differentiam ergo aliquam eorum quæ nutriuntur inter se, necesse est fieri secundum nutrientis sanguinis ideam; euidenter autem a gementium assimilationis nutrientium ad id, quod nutritur, est ipsa plantarum, & seminum transmutatio eo usque sæpenumero facta, ut quæ maxime nocua in alia terra erant, si in aliam transplantata fuerint non solum innoxia, sed etiam utilia fiant, frequens enim est horum experientia apud eos, qui de agricultura, & de plantis com-

mentarios composuerunt, quemadmodum & translocationis secundum regionem factæ apud eos, qui de animalium historijs scripserunt. Quoniam igitur non solum alteratur id, quod nutrit, ab eo quod nutritur, sed & ipsum aliquo modo exigua quadam alteratione alterat, necesse est exiguam hanc alterationem, tractu temporis notabilem fieri, ita ut ad æqualem vim cum familiaritate naturali veniat ea, quæ ex diuturnis consuetudinibus fit, ac in ijs quidem, quæ comeduntur, & bibuntur inuenta mihi videretur causa facultatis, consuetudinum. Hæc ille.

Tanta est consuetudinis vis, ut ne praua quidem tuto omittatur, nec consuetudines ipsæ inquit Galenus lib. 5. de sanitate tuenda, cap. 11. tametsi prauæ sunt displicentibus, adhuc sibi corporibus mutandæ non sunt, quin nec per summam sanitatem semper id tentandum, sed tunc cum is, cui mutandæ sunt à civilibus curis vacat &c. Legatur, quæ lib. 9. de methodis cap. 4. idem narrat, de adolescente, qui per triginta dies exercitationem, cui assueuerat, omiserat.

Longior similesi adferam quæ Galenus lib. de consuetudinibus c. 3. disputat de vi consuetudinis, ex alteratione externa, cap. 4. de consuetudine exercitiorum corporis, & animi. Quare à Medicorum theorijs ad Poetarum amoenitatem animi causa transgrediamur: non enim Medici solum rigescere & emollescere nostra corpora consuetudine, vti que contra genitalium, naturaliumque syderum vim docuerunt, sed Poetæ quoque experti sunt, à quibus discere potuerunt Astrologi consuetudinis vim: nam Ouidius 3. libro de Ponto:

*Hec quoque Naso feres, etenim maiora tulisti,*

*Iam tibi sentiri sarcina nulla potest.*

*Ductus ab armento taurus detractat armentum.*

*Subtrahit & virgo colla nauella iugo.*

*Nos, quibus assuevit satum crudeliter vti,*

*Ad mala iam pridem non sumus ulla rudis.*

*Idem libro 3. de Tristibus:*

*Quid, si fugax rerum, securaq; in otia natus,*

*Mollis, & impatiens ante laboris eram.*

*Vltima*



*Vltima nunc patior, nec me mare portubus  
orbem.*

*Perdere diuersa nec potuere via.*

*Sufficitq; malis animus, nam corpus ab illo*

*Accipit vires, vixq; ferenda tulit.*

*Idem libro 5. de Tristibus:*

*Pone metum, valeo, corpusq; quod ante labori*

*Impatiens nobis, inualidumq; fuit,*

*Sufficit, atque ipso vexatum induruit usu.*

*An magis infirmo non vacat esse mihi?*

*Idem libro 4. de Tristibus:*

*Tempore ruricola patiens sit taurus aratri,*

*Præbet, & incuruo colla premenda iugo.*

*Tempore paret equus lentis animosus habenis,*

*Et placido duos accipit ore lupos.*

*Tempore saurum compescitur ira leonum,*

*Nec feritas animo, quæ fuit ante, manet:*

*Quæq; sui iussis obtemperat Inda magistri*

*Bellua seruitium tempore victa subit.*

*Tempore ut extensis tumeat facit vna ra-  
cemis,*

*Vixq; merum capiant grana, quod inuis  
habeat.*

*Tempus & in canas semen producit aristas,*

*Et nunc sint tristi poma sapore facit.*

*Hoc dentem tenuat terræ renouantis aratri,*

*Hoc rigidas silices, & adamantæ terit.*

*Hoc etiam sequas paulatim mitigat iras,*

*Hoc minuit luctum, mœstasq; corda leuat.*

*Cuncta potest igitur tacito pede lapsa vetustas,*

*Præterquam curas attenuare meas.*

*Idem libro 4. de Ponto:*

*Gutta canat lapidæ, consumitur annulus usu,*

*Et teritur pressa vomer aduncus humo.*

*Idem libro 1. de Arte amandi:*

*Ferreus assidue consumitur annulus usu,*

*Interit assidua vomer aduncus humo.*

*Quid magis est durum saxo, quid mollius  
vnda?*

*Dura tamen molli saxa cauantur aqua.*

*Quæ exempla desumpta sunt ex Lucre-  
tio, libro primo de Natura rerum.*

*Quin etiam (inquit) multum Solis redeun-  
tibus annis,*

*Annulus in digito subter tenuatur habendo,*

*Stillicidi casus lapidem canat, vncus aratri*

*Ferreus occulto decrescit vomer in aruis.*

*Idem lib. 2.*

*Nam leuiter quamuis quod crebro rundi-  
ant ictu.*

*Vincitur in lōgo spatio tamen, atque labascit:*

*Nonne vides etiam guttas in saxa cadentes*

*Humoris longo in spatio perfodere saxa?*

*Quid Propertius noster libro se-  
cundo?*

*Ac veluti primo taurus detrectat aratra,*

*Mox venit assueto, mollis ad arua iugo.*

*Claudianus quoque libro secundo  
in Ruffinum:*

*— Iam nulli, inquit, flebile damnum,*

*Sed virtus solennis erat, campusque furor*

*Expositus sensumque mali detraxerat usus.*

*Hinc tandem sapienter Marcus Tullius li-*

*bro secundo, de diuinatione: Illudne,*

*inquit, dubium est, quin multi cum ita,*

*nati essent, ut quædam contra naturam*

*deprauata haberent, restituerentur, &*

*corrigerentur ab natura, cum se ipsa*

*reuocasset, aut arte, aut medicina? aut*

*quorum linguæ sic inhzrent, ut loqui*

*non possent, ex scalpello resectæ libera-*

*rentur? Multi etiam naturæ vitium me-*

*ditatione, atque exercitatione sustule-*

*runt, ut Demosthenem scribit Phalereus,*

*cum Rho dicere nequiret, exercitatio-*

*ne fecisse, ut planissimè diceret.*

*At cuius tandem horoscopi tanta lux*

*esse potest, qua Astrologi præuideant,*

*quibus de causis, cuius suasu, qua occa-*

*sione, quo casu, cuius imperio, aut vi,*

*consuetudinem aliquam quis sit susce-*

*pturus in ijs omnibus, quæ in hu-*

*manam vitam cadunt, aut ca-*

*dere possunt? nimium,*

*quantum sibi arro-*

*gant, qui hæc*

*omnia in*

*stellis*

*inspicere se posse confidunt: su-*


*pra humanas vires spon-*

*dent, qui tot rerum*


*præsentionem,*

*nobis polli-*

*centur.*







## CAPVT XIX.

*Medicamentorum vim, & Medicorum peritiam cum Astris pugnare.*



**V**id ego medicamentorum vim, aut Medicorum peritiam commemorare? quam multa medicamentis vitia corriguntur? Resecantur exuperantia, replentur inanitates, debilia corroborantur, effræta cohibentur, fouetur memoria domitium, vegetantur sensus, corpus tandem animo tanquam equus indomitus, facilius, promptior, aptior redditur. Quoties impendentes morbos seduli Medici auertunt? quoties vitiosum corporis habitum emendant in melius? quoties oppressas morbo vires subleuant? quoties lapsas consumunt? quoties prope fugientem animum remorantur ac sustinent? Ad id eorum opera illustris aliquando fuit, ut mortuos etiam ad vitam ab ijs reuocatos antiqui exultarint, ut refert Plinius libro septimo, capite septimo. Non quia vita functos reddiderint luci, sed quia morti proximos, & letho adiudicatos, atque etiam quosdam, qui mortui putabantur, cum non essent, sanitati reddiderint. Quo in genere scribit Cornelius Celsus libro secundo, capite sexto. Aesclepiadem celeberrimum Medicum, cum in funus iaceret, et cuiusdam, quem impetiti nonnulli Medici extinctum putabant, & intellexisset eum viuere, qui efferebatur, a sepulchro ad lectum reuocasse. Ab alijs scribit Apuleius libro quarto Floriorum, sapientiam in corporis labulis delitescentem medicamentis provocatam fuisse: Sed hæc alij viderunt. Nos ostendamus, medicamentorum vim, naturale temperamentum, quod è naturalijs, vel gentilibus stellis hausimus (si tamen

hausimus) commutari solere, adeo frequenter ut Astrologi, ne corporis quidem constitutionem, & habitum è stellis, quantalibet arte polleant, cognoscere possint.

Quamcunque temperiem, quæ ex utero materno corpus humanum tulerit, medicamentis corrigi & aliò conuerti posse constat. Hinc Galenus lib. 7. Methodi, cap. 10. Calida inquit intemperies refrigeranda est, frigida verò calefacienda: similiter humida siccanda, & sicca humectanda. Quod si per copulationem aliquam duarum qualitatum intemperies consistat, miscenda amborum consilia sunt, ac quæ humida, calidaque, siccanda & refrigeranda, quæ verò humida, & frigida, siccanda, & calefacienda; ad eundem modum, sicca, & frigida humectanda, & calefacienda, sicca verò, & frigida humectanda, & refrigeranda. Scire autem licet harum omnium positissimum esse, inter simplices siccam, inter compositas siccam & frigidam.

Idem lib. 3. de temperamentis, cap. 3. Illud fortasse, inquit, dissonare videbitur, quod ex ijs, quæ ut nutrimentum comeduntur, aliqua cuti imposita, hanc erodunt, atque exulcerant, sicuti sinapi, muria, allia, capræ. Verum hæc quoque cum positis à principio hypothesebus concordant: Etenim sic propterea quod mutantur, alteranturque, dum & in ventre coquuntur, & in venis in sanguinem vertuntur; Propterea quod vno loco non permanent, sed in multas partes diuisa quoquo versùs feruntur; Adde & quod non solum multis succis miscentur, sed etiam cibis cum quibus sumuntur; Adhuc, quod celeriter eorum coctio, & partium separatio conficitur, ita ut quod conueniens in eis est, assimiletur, quod superuacaneum est acre, per alium, urinam, & sudores excernatur. Propter hæc inquam omnia, quod foris impositum exulcerat, id comestum non exulcerat; & si vnum quodlibet istorum illis accederet, satis esset ad ea, quæ foris sunt integra conseruanda, verbi gratia, mutatio ipsa prima; si namque non maneat sinapi, quale extrinsecus fuit, cum est assumptum; manifestum est,

II nec



nec vim eius manere; quod si tum dirimuntur eius partes, tum sparguntur, multò vtiq̃ue magis sic censendum est. Iam satis erat, quòd non eodem loco remaneret, cum nec circa cutem aliquid efficere posse videatur, nisi diutius immorentur: sed nec mixtio ipsa, cum multis cibis parum momenti habet; si enim id citra alium cibum solum assumas, facillè intelliges quantum molestiæ, & mor dicationis ventriculo afferat. Cum igitur prædictorum vnumquodque per se satis prohibere possit, quominus sinapi, quod foris facit in cute, idem facere intus possit, multò arbitror magis, vbi omnia simul conueniunt; nam & coquendo alteratur, & secernitur, & expurgatur, & cum multis alijs miscetur, & variè distributum, in omnem partem fertur, nec in vlla moratur. Quod autem si acrimoniam suam seruet, interna quoque omnino exulceraret, ex ijs, quæ sponte accidunt vlceribus intelliges; gignitur enim non rarò alijs ex vitioso cibo, alijs ex quapiam in ipso corpore corruptela, & putredine, viscosus succus, quem cacochymiam vocant, hoc aliquando interiorum quoque aliquid exulceratur, magna tamen ex parte cutis; quoniam in hanc excrementa, quæ habitu corporis colliguntur, natura expellit, multis, & assiduis vlceribus afficitur, quippe cancri, phagedænæ, herpes erodentes, carbunculi, multæque aliæ vlcereum generationes, ab huiusmodi cacochymia nascuntur. Nec igitur talium quidpiam est dubitandum; sed nec cur medicamentorum nonnulla, cum nihil nos extrinsecus offendant, intrò assumpta, magnum adferant malum, alia rursus intrò assumpta aliquando lædant, nonnunquam conferant, aliqua non solum intrò assumpta, sed etiam extrinsecus applicata offendant; quippe vt semel dicam nihil foris, intusque parem agendi facultatem habet; neque enim, aut viperæ venenum, aut rabidi canis spuma, aut aspidis virus (quæ tamen si extrinsecus corpori occurrant offendere creduntur) parem vim habent, vel soli cuti applicata, vel intrò assumpta; sed nec illud est mirandum, si ca-

terorum medicamentorum vis ad profundum non peruenit, neque enim necesse est, vt omnia parem habeant vim, quòd si ex ijs, quæ initio sumuntur non pauca certo tempore, & certa quantitate, & in mixtura cum cæteris accepta conferunt, intempestivè autem, & largius, nec cum alijs admista lædunt, ne id quidem dubitationem vllam disputationi pariat; si quidem id tum cibis, tum igni, tum verò omnibus, vt sic dicam, quæ corpori occurrunt accidere solet; nam & mediocris nobis flamma nonnunquam opus est, eaque vti plurimum ex ea iuamur, cum tamen immodica flamma nos vrât; ad eundem modum & frigida potio, quæ mediocris est, confert, quæ immodica est, maximam adfert læsionem.

Quàm multa de ratione siccitatis & humoris superflui, emendanda tradit Galenus libro tertio de sanitate tuenda, capite duodecimo, De regendis corporibus, quæ calidiorem naturam sortita sunt libro sexto eiusdem operis, capite tertio, De fouendo corpore, natura frigidior, capite quarto, De lassitudine, emendanda, Libro tertio, capite octauo, De corporibus lapsis reuocandis, Libro quinto, capite secundo, De gracilitate, aut procuranda, aut tollenda, Libro sexto, cap. 18. De totius corporis optimo habitu restituendo, Libro sexto, capite 13. Hæc quidem generatim. Singula præterea membra libro septimo de Methodis, capite tertio idem Galenus docet medicamentorum vi alterari, & ad certam temperiem reuocari. Quoniam, inquit, vnaquæque animalis particula propriam actionem edit, qua tantum ab aliarum actionibus differt, quantum ipsa particula ab alijs, quæ illas edunt est diuersa, qui tueri actionem vult, hic temperamentum eorum custodiat oportet: custodiet autem, si id, quod ad calidius est conuersum, refrigerabit, quod ad frigidius est inclinatum calefaciet: Pari modo, si quod ad siccius est alteratum, humectabit, & quod ad humentius est versum siccabit: Rursus quoque si siccabit, ac calefaciet, quod humidum est redditum, ac frigidum: Siccabit pariter,



pariter, & refrigerabit, quod humidius simul, & calidius euasit, & in reliquis duabus coniugationibus ad portionem; semper enim pro eo quod exuperat inducendum est eoque contrarium, quoad particulam in symmetriam vendicauerimus.

Nihil attinet referre, quæ de temperanda ventriculi nimis calida vel nimis frigida complexione scribit Galenus tum lib. 7. de Methodis, cap. 4. 5. 6. 7. 8. 9. 10. tum lib. 6. de sanitate tuenda, cap. 10. De educendis humoribus, qui ventriculum afficiunt lib. 7. de Methodis, cap. 11. 12. & 13. De custodiendis ijs qui renum calculo laborant, lib. 6. de sanitate tuenda, cap. 11. De inhibenda capitis effusione ibidem cap. 9. 12. 13. De curandis lecinoris affectionibus lib. 8. de compositione medicamentorum secundum locos, c. 7. lib. 5. de locis affectis, cap. 7. De humoribus cerebrum infestantibus arcendis, lib. 3. de locis affectis, cap. 7. De memoriæ & rationis curatione, lib. 3. eiusdem tituli, cap. 5. De cephalæa, cap. 9. De apoplexia, & neruorum resolutione, libro 3. de locis affectis, cap. sexto & decimo, De affectibus oculorum, aurium, linguz, lib. 4. cap. 2. lib. 5. cap. 5. De medulla spinali, lib. 4. cap. 3. & 4. De cordis & pericardij cura, libro 5. cap. 2. De sanando thorace, libro item quinto, cap. 3. De intestinis, libro sexto, cap. 2. De vesica, cap. 4. Sed præterire non debeo, quæ idem libro nono, cap. 2. De compositione medicamentorum secundum locos habet. Ex horum, inquit, genere est lien, qui ex hepate in seipsum, veluti faciem sanguinis trahit; quemadmodum vesica ex hepate bilem; & renes urinam. Si igitur præ imbecillitate huiusmodi sanguinem ad se trahere non potest, vitiosus humor vniuerso corpori affricatur; Ob id itaque, naturalem ipsius firmitatem custodire oportet, quo conueniens sibi alimen tum trahat; per quam actionem vniuerso corpori ad humorum bonitatem confert; & generata in ipso recrementa in ventrem dimittere potest, vna cum ciborum recrementis excernenda. Ea gratia valde amara medicamenta illi offerimus, quædamque ipsis ex

austeris miscemus, quædam verò ad materiam commoda, ad cæterorum videlicet malagmatum præparationem apponimus; quale pharmacum est cera, resina, pix, bitumen, & quæcumque alia huiusmodi. Iuxta primam autem rationem, & acetum, & acetum mulfum visceri commoda sunt; utpote siccare, & attenuare crassos humores potentia citra calefactionem.

Rursus lib. 6. De locis affectis, cap. 7. Cum splen, inquit, multa habeat accidentia cum hepate communia, illa nulla re differre videntur; nisi quòd quædam magis, quædam verò minus alterutri euenire solent; Nam quod ad caloris rationem pertinet, vniuersum corpus ut splen imbecillitate affectus est, magis nigrescere videtur; nam hoc ei natura officium dedit, ut melancholicum sanguinem ex hepate ad se trahat, quo ipsum aliam demonstratum est; Igitur attrahendi facultate illi facta imbecilliore, sanguis in vniuersum corpus impurus transmittitur, quocirca color nigrior euadit. Quinetiam hepatis exemplo sæpenumero excrementa ex se reijcit, ita ut & vomitione, cui nausea quoque accedit, melancholicum sanguinem aliquando excernat; qui interdum per inferiora quoque decidere videtur. At citra huiusmodi euacuationem athymias, id est, animi defectiones, & dithymias, id est, molestias melancholicas facit, ac nonnunquam ciborum vehementissimas appetitiones, præcipue quando exquisitè acetosum est, id quod ad ventrem fertur excrementum.

Non solum immutare possunt medicamenta, tum totius corporis, tum singulorum membrorum temperamentum, sed planè etiam dissoluere. Quare Galenus lib. 3. de medicamentorum facultatibus, cap. 18. & 19. contendit medicamenta frigida solum quantitate interimere; Quinetiam lib. 3. de temperamentis, cap. 3. quædam esse medicamenta tradit, quæ corpus ipsam erodant & absumant, & lib. 3. de simplicium medicamentorum facultatibus, cap. 11. Quoniam, inquit, de ijs etiam medicamentis, quæ erosionem, ac putredine interimere sunt nata,

H 2 dictu-



dicturum me, quod tempore perniciofiora reddantur, & ipso genere naturam nostram corrumpere possint, non ut refrigerantia duntaxat, multitudine, sum pollicitus, tempus est nunc promissis satisfacere. Iterum cap. 22. Ceterum inquit quæ nos contactu, aut per putredinem, aut per erosionem, interficiunt, ea quidem recta ratione humanæ naturæ deleteria existimanda sunt, toto genere, non ut frigefacientia duntaxat quantitate, &c.

Tanta cum sit medicamentorum vis, in utranque partem à Medicis potius, quam ab Astris repetendam esse, humani corporis constitutionem nemo non intelligit; hi enim medicamenta tractant, & pro peritiis, aut imperitiis, pro usu, aut insolentia, pro timiditate, aut audacia, in contrarias habitudines nostra corpora conuertunt, & ab eo temperamento deiciunt, quod à natiuitate obtinuerunt. Quare Galenus lib. 4. Methodi, cap. 4. cum salutare in primis esse emissionem sanguinis, usque ad animi deliquium docuisset, in tempore factam; idque certissimis experimentis comprobasset, nisi tamen tempestiue vsurperetur plurima monet ex ea oriri in commoda his verbis. Ex sanguinis emissionem, quam usque ad animi defectum faciendam paulò antè diximus, non paruum subsequetur incommodum, nisi opportuno tempore, aut debita mensura fiat; Duos namque in ipsis Medicorum manibus perire vidi, qui postquam animo linquerentur, nusquam reuixerunt; multi verò etsi non protinus, at postea propter virtutis infirmitatem perierunt, quos si quis citra resolutionem euacuasset, minimè periissent: Quin etiam alij in morbos inciderunt longos, postquam immodica inanitione resoluta vis naturalis fuit, alijs cum immodicæ vacationis noxam resarcire non potuissent, in omne reliquum vitæ tempus, totius corporis temperamentum redditum est, frigidius.

Quid hic agunt Astra? Quidquid illa astruunt, destruit Medicus; & obtruduntur adhuc Astrologicæ prædictiones. At quibus? ijs nimirum qui Medicorum ope quotidie tentant, aut hepatis, aut ven-

triculi, aut renum, aut capitis intemperiem naturalem, caligare, aut coëscere.

Duo sanè Galenus in Medico requirit; doctrinam, & experientiam, cui alterum desit, illum grassari in genus humanum, labefactare nostra corpora, ad certum vocare interitum, grauissimè monet. Faciamus aliquem benignis ortum stellis in huiusmodi Medicum incidere: Quid aget cœlum? quò se vertet? an repente ex rudi faciet expertum Medicum? an docebit illum sine magistro? Non est expertus huiusmodi stellarum, vim ille, qui ut est apud Galenum comment. primo, in. Prognost. Hippoc. ægrum incipientem sudare dimisit in balneum, cum autè eum large sudare videret impense gauisus est, tanquam exquisitè opportunitatem temporis coniecisset, sed paulò post mortuo ægroto à familiaribus tanquam homicidij reus actus in iudicium fuit. Deplorat Galenus libro octauo de compositione medicamentorum secundum locos, capite primo Medicorum imperitiam, & tarditatem, qui contraria medicamenta adhibentes multorum temperiem resoluunt, multosque interimunt. Quod ipsum inquit vel maximè circa affectiones oris ventriculi, videre contingit, præsertim, cum fuerit inflammatum; Eius enim, itemque Iecinoris inflammationes astrigentium complexu opus habent; si namque per relaxatorium medicamentorum ductum, citra admixtionem facultatis robur addentis curentur, periculum incurrun de ipsa vita. Atque hoc ipsum, cum omnes empirici Medici per experientiam edocti sint, & omnes dogmatici, in ipsis artis operibus obseruent; non pauci tamen huius temporis Methodici (neque enim de omnibus dico) innumeros stomachicos in animi deliquium inducunt, omnes verò hepaticos occidunt; nullum enim ego vidi sanatum ex his, qui in huiusmodi Medicum inciderunt.

Item libro de præcognitione ad Posthumum, cap. 1. Si vulgares Medicos inquit audiamus, quæ singulis morbis euentura sunt, ægrotantibus præcognoscere



scere non possumus; nam ex quo numerus eorum, qui videri potius, quam esse volunt, non solum in Medicina, sed in alijs etiam artibus maior esse coepit, neglecta sunt, quæ in disciplinis erant pulcherrima, dataque est opera, ut ea dicantur, & fiant quibus vulgi gratiam ineant, & ab eis approbentur: dico autem quibusvis adulari, quotidie salutare, diuites per urbem comitari, Principes domum reducere, in conuiuijs discumbere, atque in eis tum ministrare, tum iocos, & facetias serere: Quidam verò non hæc modo faciunt, sed pretioso quoque vestitu, & annullorum ornatu, magnoque subsequenti comitatu, & argentea spicillorum supellectile populo persuadent, se dignos, qui beati, & amabiles ab omnibus habeantur. Atque cum partim illecebris, partim ostentatione, iudicium illorum, qui res veras iudicare nesciunt, perstringant; multa (ut ipsi putant) bona consequuntur: ut autem sentio, veris omisiss, falsa bona arripiunt, & tales cum sint, in cæteris quoque Medicinæ præcepta transgrediuntur: qui minimo etiam tempore se docturos polliceantur, magnumque discipulorum numerum contrahunt, per quos, plurimum ipsi possunt in urbibus in quibus versantur.

Rursus libro quinto de sanitate tuenda, capite 11. Quò magis, inquit, de Medicis omnibus mirari cupiam licet, quicunque nullo prius facto naturarum discrimine, de sanitate tuenda scribere sunt aggressi; sicut enim fieri non potest, ut vnum calepodium ad omnes homines, sutor accomodet, ita nec Medicus vnā omnibus vitæ speciem, quæ conducatur. Hac igitur de causa quidam saluberrimū esse affirmant abunde quotidie exerceri; quidam nihil ob stare, quominus in quiete prorsus degatur; & sunt quibus lauari maximè salutare esse videatur, alijs minimè.

Item cap. 11. eiusdem libri. Est verò illud veluti elementum, inquit, totius artis, quæ valetudinem tuetur, quod numeroz sunt omnium naturæ, prout in confesso est omnibus tum Medicis, tum Gymnastis, quorum tamen plurimi, ita

de valetudine tuenda scribunt, quasi de vno homine agant; idque ne vno quidem ostenso, quem prius iuuerint; quanquam non vnum sed multos, quos morbis prius assiduus implicatos, ipsi postea multis annis in sanitate, sua opera seruassent, indicasse, ac sic ad scribendum accessisse, par erat. At nos ipsis rerum effectis id ostendimus, & ijs qui prius assiduus premebantur morbis, inde ad eò quòd sanitatis præceptis paruissent, in omni integritate seruatis, sic demum de ipsis scribere sumus ingressi; quippe alios exercitari in totum vetuimus, ac solis vitæ actionibus contentos esse, suauiss, alios de multitudine exercitationum demere aliquid iussimus, ut totum ad minimum contraheretur, alijs qualitatem totam, aut ordinem, aut tempus, alios vniuersam speciem mutare iniunximus. Aliquæ vero de balneis præcipientes, vtrique, quod aut omnino ab his super sedendum esset, aut sæpius quam antè vtendum, aut rarius, aut ante cibum tantum, aut etiam post cibum, aut calidioribus, quam antè, aut magis tepidis, aut frigidioribus, prorsus omnis morbi expertes, multis annis reddimus: At nihil horum facere licuisset, si neque naturales corporum differentias, compertas habuissimus neque debitam cuique salubrem victus rationem.

Duplici exemplo quantum Medici solertia valeat, declarat idem auctor lib. 9. de Methodis, cap. 4. Duo erant, inquit adolescentes, alter liber, & palæstræ peritus: alter seruus haud in exercitatus ille quidem, cæterum in palæstra parum vehemens; prior vbi febricitare prima hora noctis coepisset, postridie eum manè circa horam diei tertiam, vidimus, cum autem inuenissemus febrem admodum calidam, sed pulsus æquales, maximos, celeres, frequentes, vehementes, tum caloris qualitatem, quæ tactum minimè morderet; iam verò & vrinas, tum crassitudine, tum colore a naturali habitu, non multum alienas; audiens præterea hominem, circiter triginta dies exercitationis consuetudinem intermisisse, pridie tamen exercitasse se vehementius, cæterum non multum, sumptis



se autem solitos cibos, atque eos concoxisse, quamvis tardè & ægrè, vrpote, cum febris vespere occupasset, cum interim rubicundus plenusque homo appareret, atque plenitudinis sensum se percipere diceret, faciente interim quodam eorum, qui aderant, de vena secunda mentionem, visum est nobis eius auxilij considerationem, in aliud tempus rejicere; simul vt certius sciremus cuius generis febris esset; simul necessariò propter eam, quæ præcesserat euacuationis tarditatem; cum autem vesperti similem vigorem, tueri febris est visa, ceu nihil sensibilibiter remittens, suspicio iam erat synochon esse, hancque ex obstructione sanguinis, & abundantia, præ carnis copia; & cum parem magnitudinem febris, per totam noctem seruasset, postero die visum est Medicis omnibus, qui inuiserant, sanguinem esse mittendum; discordia verò orta de tempore, & vincentibus ijs, qui id in sequentem diem differendum suaderent; febris per totam eam diem visa est, suum vigorem augere; mox tertia sequente nocte, alia quidem accessio minimè incidit, quæ primæ ad portionem responderet; erat tamen æstus ipse laboranti intolerabilis, urgebatque eum tentio totius corporis, tum capitis pulsatio, atque ob hæc grauis vigilia, iuvene se in aliam, & aliam figuram coarctante, atque cum vltra ferre non posset; hora noctis octaua, mittit ad me ministrum, rogatque vt ad se omnino veniam: ipse annuo, atque ab eo, inuenioque febrem calidissimam, pulsus qualem prædixi; quoniam autem neque in hac, neque in lotio, neque in ipsa caloris qualitate indicium aliquod humorum putrescentium apparuit, optimum factu visum est, venam incidere, antequam putredo inciperet, aufero itaque ab homine de industria eoque sanguinem, quoad animo linqueretur, maximum planè vbi valentes vires sunt, continentis febris remedium, id, quod tum ratione, tum experientia didici: primò namque in contrarium statim agitur corpus, celerrimè ex animi defectu refrigeratum, hoc verò nemo inuenire potest, neque quod ipsis ægris, neque quod na-

turæ, quæ animantes gubernat, iucundius viliusque sit: postea in huiusmodi corporibus necessariò superuenit alui deiectio, nonnunquam etiam bilis vomitus, quas res statim à toto corpore sudores, madoresque excipiunt. quæ omnia cum hic quoque contigissent, protinus febrem extinxerunt; vt quidam ex ijs qui aderant, iugulasse me febrem per iocum dicerent. Verùm quo narratione omnem absoluiam, nihil mali erit pauca quædam addidisse; post duas namque à sanguinis emissionem horas, paululum nutrimenti dato, ac iussu quiescere, discessi. Quinta hora reuersus tam profundo somno indormientem inueni, vt tangentem me pulsus, non sentiret. Cum verò & ministri alium adeò illi somnum fuisse dicerent, vt nec cum madores eius abstergerent, expergisceretur; suasi ita facerent, esse namque hominem iam prorsus à febre liberum; reuersus autem, & decima rursus hora, etiam tum dormientem inueni, egressus autem iterum, ad alios visendos ægros, redeo hora prima noctis, non tamen, vt antè tacens, sed voce de industria sublata, quo ægrum à somno excitarem, quod cum ita accidisset, vbi solo ptisanæ cremore ipsum nutriui, discessi; cuius modum postero die iniungens, tertio leuatum dimisi. Ac quæ ad hunc pertinebant infirmum, ita sunt gesta, quæ verò ad alterum nunc dicam.

Is cum toto die multum laborasset, deinde lauatus paucula comedisset, coepit nocte febricitare, totum etiam continuans sequentem diem, hunc nos post secundam noctem vidimus, in cæteris quidem omnibus, iam dicto iuveni similiter affectum, verum putrescentiam humorum euidentes præbentem notas. Itaque venam huic quoque protinus incidimus, & vsque ad animi defectum euacuauimus, post id modico interposito spatio, cibauimus primo mulsâ, Deinde, vna interposita hora ptisanæ cremore, atque hæc omnia, intra quintam acta sunt horam. Cum autem similis sibi perseveraret febris, synochon eam fore ex putredine expectauimus, itaque accidit; Quippe cum eam secunda noctis hora pari magni-




magnitudine cerneremus, tertiæ diei accessiōem, futurane esset, an secus, diligenter obseruare volebamus, cuius in septimam horam noctis suspicio erat. Itaque cū summo mane superuenissem inueni quod expectaram: nam nec tertiā incidērat accessiō, febrisque remissior paulū, quā vesp̄i erat. Vt autem rursus hominem meridie vidi, eratq. iam certissimū, & febrem decreuisse, & synochon febrem esse, sed assiduē decreveret, sanius visum est, tunc quoque hominem similiter nutrire; quarta verō exacta nocte, manifestē minor quarto die erat, quo rursus ad eundem modum, homine cibato, aduertimus tum illo die toto, tum quæ hunc secuta est, quinta nocte, magnitudinem remittere, sic vt quinto die, liquidū appareret, minorem esse febrem. Itaque ad portionem minuentis febris, vrinæ quoque concoctio præcesserat, eratque haud obscurum, septima die, quod factum est, finiendum. Hanc quoque igitur planē continentem, ex humorum putredine febrem, quæ assiduē decreveret, vidimus.

Nec minori aut solertia, aut diligentia vsus est idem Galenus libro quarto de locis affectis cap. 5. Cū viderem hominem, integra valetudine inquit huiusmodi cruorem euomentem, hoc est, tenuem & saniei similem, interrogauī qua victus ratione antea fuisset vsus, ille verō inter alia, quæ narrauit hoc quoque addidit, quod cū nocte quadam sitiret, misso puero qui aquam afferret ex immundo fonte bibisse, quibus auditis sciscitatus sum apparuissentne aliquando sanguisugæ in ipso fonte, qui cū id quoque fateretur, appposito subinde idoneo pharmaco hircinam vomitione reiecit. Porro cū alius quispiam huiusmodi cruorem emungeret, & expueret, ipso narrante, audiui eum rure Astatis tempore in stagno quodam cum ceteris iuuenibus iuuenili ludo, qualem adolescentes in aqua ludere solent, exercitatum, tunc ego sciens in huiusmodi stagno sanguisugas esse, duxi laborantem ad splendorem, conuersoque directē ad solis radios narium foramine, in eo loco, vbi nasus ad oris regionem perforatur, hiru-

dinis in meatu latentis caudam aspexi.

Intelligis ne adhuc quantum valeat nauī Medici solertia, & industria? vides quantum in experto Medico, sit momenti, Vident id quidem sapientes viri, qui difficillimis vitæ periculis, damnatis Planetarijs Medicorum opem implorant, & minitantibus mortem Astris, à Medicis salutem, & incolumitatem exquirunt. eisque omnes vitæ rationes committunt, Vident id Principes Vrbes, quæ magno proposito stipendio è remotissimis etiam regionibus Medicos fama, & arte inclytos conducunt. Vident id gymnasia sapientiæ, & publicæ Academiæ, in quibus à celeberrimis viris traduntur Medicinæ præcepta. Iam verō si Medici pro experimento, pro doctrina, aut quæ natura frigidiora sunt calefaciunt, aut calidiora castigant, aut coërcent redundantia, aut debiliora confirmant, aut caduca sustinent, aut noxia subducunt, aut inducunt salutaria; vno verbo, si ex vno in aliud permutant natale, & si Deo placeat, è stellis petunt temperamentum, omnis illa quam Genethliaci profitentur de vniuscuiusque temperamento è cælo hausta cognitio perit, omnesque Astrologiæ prædictiones labascunt quarum vnum est fundamentum, vt initio huius operis dicebamus, quod animi mores sequantur corporis temperamentum, & corporis temperatio dependeat à nataliis Astris.



## CAPVT XX.

*Casum non coherere cum Astrologorum presagijs.*



ONGVVM esset percenterē casus hominum multiplices, quosdam fortuitos, alios voluntarios, quibus valetudinis, & temperamenti ratio variatur quā maximē & quā frequenter.

H 4 Primum



Primum quidem, quàm multis mortalium vita exposita sit casibus, vidit Horatius Flaccus libro secundo carminum, ode 13.

*Quid quisque vitet, nunquam homini satis*

*Cautum est, in horas nauita Bosphorum*

*Fœnus perhorrescit, neque ultra*

*Cæca timet aliunde fata:*

*Miles sagittas, & celarem fugam,*

*Parthi, catenas Parthus, & Italum*

*Robur, sed impronisa lethi*

*Vis rapuit rapietque gentes.*

Innumeris hoc ipsum docere possem, exemplis, sed vnum sit satis: nam Octavianus Augustus, instar omnium esse potest is qui ad Imperium orbis terrarum peruenit, is de quo Poëta:

*Hic vir, hic est tibi, quem promitti sapias audis,*

*Augustus Cæsar Diuum genus, aurea cœdet sæcula, qui rursus atio regnata per arua Saturno quondam, supra Garamantes, & Indos*

*Proferet imperium.*

In Octauio quoque Augusto, inquit Plinius libro septimo, capite 45. quem vniuersa mortalitas in hac censura nuncupat, si diligenter æstimentur cuncta, magna sortis humanæ reperiuntur volumina: Repulsa in Magisterio equitum apud auunculum, & contra petitionem eius prælatus Lepidus: Proscriptionis inuidia: Collegium in Triumviratu pessimorum ciuium; neque æqua saltem portione, sed prægrauis Antonio: Philippensi prælio moribus, fuga, & triduo in palude latebra ægrotanti, & (vt farentur, Agrippa, & Mœcenas) aqua subter cutem fusa, turgida latera: Naufragia Sicula, & alia, ibi quoque in spelunca occultatio: Iam in nauali fuga, urgente hostium manu, preces Proculio mortis admotæ: Cura Perusinae contentionis: sollicitudo Martis Attiaci, Panonicique belli, ruinæ e turri: Tot seditiones militum, tot anceps corporis morbi: suspecta Marcelli vota, pudenda Agrippæ ablegatio, toties petita infidijs vita: inculatæ liberorum mortes, luctusque non tantum orbitate tristes: adulterium filæ, & consilia patriciæ pa-

lâm facta: Contumeliosus priuigni Neronis secessus: Aliud neptis adulterium iuncta deinde tot mala; inopia stipendij, rebellio Illyrici, seruitiorum delusus, iuuentutis penuria: pestilentia vrbs, famæ sitisque Italæ: Destinatio expirandi, & quadridui inedia, maior pars mortis in corpus recepta: iuxta hæc Variana clades, & maiestatis eius fœda sugillatio: abdicatio posthumi Agrippæ post adoptionem, desiderium post relegationem: Inde suspicio in Fabium, arcanorumque prodicionem: Hinc vxoris, & Tiberij cogitationes, suprema eius cura. In summa Deus ille, cœlumque nescio adeptus magis, an meritis, herede, hostis sui filio excessit.

Quæ Plinius de Octauiano Augusto commemorauit refricarunt mihi Publij Ventidij Balsi Asculani memoriæ, quo haud scio, an ex omni vetustate proferri possit illustrius exemplū ludentis fortunæ. Hunc Asculi in Picæno humili loco natum, Pompeius Strabo Magni Pompeij pater, bello sociali, quo & Asculanos subegit, vnâ cum matre cœpit, & ætate adhuc impuberem, in sinu matris, triumpho suo Populi Romani oculis subiecit, puer adhuc, in opulentissima vrbe sordidam paupertatem expertus, postremæ fortunæ specimen dedit; vbi adoleuit comparandis mulis, & vehiculis ijs, qui in prouincias proficiscebantur, videtum sibi quæsiuit; quo in quæstu fortè fortuna Iulio Cæsari in Galliam proficiscenti innotuit, & à mulionum ad clarissimi Imperatoris familiaritatem euectus, ciuili bello, mandata sibi à Cæsare pleraque impigrè, ac strenuè fecit, proptereaque in amplissimum ordinem adlectus est, mox Tribunus quoque plebis creatus fuit, deinde præturam accepit, mirantibus stabulis, quæ sæpius emundarat; post Cæsaris necem, cum Marco Antonio Reipublicæ hostis iudicatus, sed coniunctis postea partibus raro felicitatis exemplo, non solum pristinam dignitatem recuperauit, sed etiam Pontificatum adeptus est, viditque vrbs Romana sacrorum custodem, quem stabularium vidit, neque hic felicitatis finis, Consulatum quoque obtinuit: Enimvero



uerò indignè id Populus Romanus tulit: qui Ventidium Bassum meminerat curandis multis victis, nec ferre poterat mulionem in ea vrbe Consulatum gerere, in qua M. Cato, Cæcilius Metellus, Amdius Paulus, repullam passi sunt, quare per vias vrbs versiculi proscripti sunt.

*Concurrere omnes Augures, Aurisphices, Portentum, inusitatum, constat, est, rebus;*

Nam mox qui fricabat, Consul factus est. Aliud adhuc maius portentum Romanorum oculis subiecit fortuna: ille Ventidius, qui inter vilissima mancipia in triumpho à Pompeio Strabone ductus fuerat, ex Parthis, quos tribus præliis fudit, triumphum duxit amplissimum, & in sublimi curru triumphantem Romani spectarunt, quem in maternis vlnis captiuum ante Strabonis currum conspexerant: tandem vita functus, publico funere elatus est, Pompeij Magni cadauere, in Ægypti litore, marcidis piscatoris nauiculæ reliquijs exulto.

Quæ potest esse in tanta rerum inconstantia, constans & semper eadem corporis temperatio? quis neget in tantâ vicissitudine vices temperamenti? Æneus ille sit oportet, qui tantis motibus non frangitur, mutari non potest, si in tantis mutationibus humani corporis constitutio non mutatur.

Deinde verò permagnam esse vim huiusmodi rerum, quæ casu & fortuna agitantur, ad commouendam corporis constitutionem, declarant turbidi animi motus, quos concitare solent. Sunt porro inquit Galenus lib. 12. Methodi, cap. 5. Affectus animi, timor subitus & vehementis, præterea quæ contraria huic timori est, voluptas maxima. scimus enim malorum occasione perijisse quosdam. Iam reliqui quoque magni timores, & cum his maxime voluptas, etsi non pullulant, at certe faciliè resoluibilem infirmumque spiritum reddunt. Tristitias verò & anxietates, & ira, & cura, eo genere sunt noxiæ, quo frequentes vigiliæ, quoniam vires resoluunt.

Rursus, libro 3. de locis affectibus capite 7. Etenim summis tum Medicis tum

Philosophis in confesso est, humores, & omnino corporis temperaturam, animæ actiones inalterare. Et lib. 5. eiusdem operis, cap. 1. Mori, inquit, contingit nonnullos vehementi dolore, & timore graui, & voluptate maxima. Iterum; Quibus vitale robur infirmum est, animi verò affectiones ob imperitiam fortes, his animæ essentia faciliè dissolui potest, atque aliqui ob mœstitiam perierunt; sed non illico. Iterum libro de parua pilæ exercitatione, cap. 1. Tantum, inquit, in ipsa potest motio animæ, ut multi præ solâ lætitia morbos euaserint, multi etiam præ mœrore ægrotauerint, neque vlla tam vehemens est corporis passio, ut affectiones animi vincat; non igitur parui pendere oportet, huius mutationes, qualesnam sint, immo verò longè magis, quam corporis motus obseruare, tum alijs de causis, tum quòd corpore dignior sit anima. Item libello de incantatione, cap. 1. si tamen est Galeni. Ex timore, inquit, tristitia, lætitia, stupor, non solum corpus in colore mutatur, sed etiam in multis alijs rebus, ut in ventris solutione, siue constipatione, vel nimia defectione: ego autem vidi ista sanitatis, & diuturnarum passionum fuisse causas, maxime illarum, quæ corruptiones sunt mentium, in sanis autem fuere infirmitatis causæ hæc eadem: Vnde Socrates, incantationes, inquit, verba sunt, decipientia rationales animas, secundum spei aut secundum timoris incensionem. Libro præterea 2. de crisi, cap. 13. Hæc, inquit, communia signa sunt omnium febrium ephemerarum; propria verò singulis, quæ à me dicta sunt, etiam in primo libro Artis curatiuæ, ad Glauconem; nunc verò inchoabo sermonem ab effectibus animæ, à cura, à timore, ab ira, tristitia, siquidem remanentibus adhuc animi affectibus consideratio fiat, ex pulsibus maxime tentandum est facere dignotionem, quemadmodum in libris de pulsibus scriptum est: post autem etiam ex alijs inuestigandum; quòd si illi quidem affectus sedati fuerint, dispositio verò remanserit, debile quidem & hic in pulsibus iudicium inuenies illarum, quæ febrem antecesserunt, passionum, tibi etiam



etiam sine pulsibus reliqua omnia sufficient, communiter enim omnibus vrinæ rufiores, adeſt autem ijs, qui ob triftitiam febricitant, acritudo potius, quàm multitudo caloris, ſicut ijs, qui ob iram, contrario modo: ſed & ſanitas corporis in ijs, qui triftitia, quàm in ijs, qui cogitationibus vexati ſunt, maniſteſtius apparet, & oculorum concavitas, & quædam inſolita decoloratio; & hæc quidem communia ſunt etiam aliorum, qui quacunque ratione cogitationibus impliciti ſunt, iudicia, ſed præcipuè ex oculis ſunt cognoscendi; licet enim ex his etiam in ſanis animi affectum conijcere, in ægris autem maniſteſtiſſima ſigna ſunt ei, qui inſpiciendi habet facultatem: ſi quidem illos, qui propter diſciplinæ, aut propter meditationem aliquam cogitauerunt, ab ijs quos triftitia corripuit, diſcernere oportet, eos autem qui nimium vigilarunt, diſtinguit decolorationis modus; nam ſubhumida iſtis facies eſt, & oculorum motus maniſteſti; vix enim attollunt palpebras.

Ita cùm pendeat corporis conſtitutio, ab animorum conſtitutione, & ea quæ caſu, & fortuna in hominum vitam quotidie veniunt, nunc debilitare metu, nunc liqueſcere ſuſili læticia, nunc vrere deſiderio, nunc affligere moleſtijs, nunc inflammare odio, nunc iracundia incendere, nos ſoleant; quis non videat, quam corporis conſtitutio, & ſtatus pendeat à quotidianis caſibus, & fortuitis euentis? At nullius horoſcopi tanta lux eſſe poteſt, vt non dico rariores, ſed propè quotidianos, neque hos omnes, ſed paulò frequentiores, non multorum, ſed vnius hominis caſus demonſtrare poſſit; Vt mihi quidem facilius videatur eſſe, frondium, fluctuum, arenarum, atomorum numerum inire, quàm tot caſus tam varios, tam inopinatos, tam inexcogitabiles, tam præter omnium hominum opinionem in calculum vocare? Diſertiſſima M. Tullij Ciceronis libro ſecundo de diuinatione, de hac re diſputatio hoc loco deſcribatur. Poteſt ne, inquit, earum rerum, quæ nihil habent rationis, quare futuræ ſint, vlla eſſe præſenſio? quid enim aliud fors, quid fortuna, quid


caſus, quid euentus, niſi cùm ſic aliquid cecidit, ſic euenit, vt vel non cadere, vel non euenire, vel aliter cadere, atque euenire potuerit? quomodo ergo id, quod temere ſit cæco caſu, & volubilitate fortunæ præſentiri & prædici poteſt?

Infrà: Qui poteſt prouideri quidquam futurum eſſe, quod neque cauſam habet vllam, neque notam cur futurum ſit? Solis defectiones, itemque Lunæ prædicuntur in multos annos ab ijs, qui ſyderum curſus, & motus numeris perſequuntur: ea enim prædicunt, quæ naturæ neceſſitas perſectura eſt. Vident ex conſtan- tiſſimo motu Lunæ, quando illa eſt regione Solis facta incurrit in vmbra terræ, quæ eſt meta noctis, vt eam obſcurari neceſſe ſit: quandoque eadem Luna ſubieſta Soli, atque oppoſita noſtris oculis, eius lumen obſcuret, quo in ſigno quæque errantium ſtellarum, quoque tempore futura ſit, qui exortus quoque die ſigni alicuius, aut qui occaſus futurus ſit. Hæc qui antè dicunt, quam rationem ſequantur, vides. Qui theſaurum iuuenturum, aut hæreditatem venturam dicunt, quid ſequuntur? aut in qua rerum natura ineſt, id futurum? quodd ſi ea, quæ ſunt eiufdem generis, habent aliquam talem neceſſitatem, quid eſt tandem quod caſu fieri, aut forte fortuna putemus?

Quid enim eſt turpius, quàm ſortis, & caſus è coelo ducere rationes? quæ ſi rationem haberent, non eſſent neque ſors neque caſus. Quare, aut non intelligimus, ad huc quid temerè, & cæco caſu fiat: aut ea, quæ caſu eueniunt, Aſtrorum fatali neceſſitate ſoluta, & libera exiſtimamus.







## CAPVT XXI.

*Vitia, quæ obsunt valetudini,  
obstare stellarum propen-  
sionibus.*

**V**itæ de vitijis dicam quibus, ut nihil voluntarium magis, ita à syderali necessitate nihil magis liberum, ac solutum. Non negabunt, opinor, Genethliaci illa officere plurimum corporis incolumitati. Siquidem Hippocrates libro de flatibus, multipliciter eos, qui gulæ indulgent, docet peccare in sanitatem. Primum quidem, inquit, cum quis plures cibos liquidos, aut siccos ingerit in corpus, quàm ut ipsum corpus ferre queat; neque laborem saltem aliquem ciborum multitudini adiungit: deinde cum varios, & dissimiles inter se cibos assumit; seditionem enim mouent, quæ sunt dissimilia, aliaque citius, aliaque difficilius coquantur. Quare libro 1. Aphorismorum, aphorism. 14. Cibus varius inquit, morbos generat turbulenta enim, & inæqualis est eius concoctio. Quò sine dubio spectauit. Quintus Horatius lib. 2. Satyra 2 scribens:

*At simul assis  
Miscueris elixa, simul conchyliis tardis,  
Dulcia se in bilem vertent, stomachosq; tu-  
multum*

*Lenta feret pituita. Vides, ne pallidus omnis  
Cœna defurgat dubia?*

Sed letissimæ sunt, & dignæ, quæ hoc loco ponantur, quæ idem Hippocrates libro eodem de flatibus, scribit: Quando igitur corpus cibis, inquit, expletum est, ac spiritus quoque multitudo vehementer excellit, dum cibi in ventre diu immorantur, & inferior venter, vel alius ipsa sit obturata, per vniuersum corpus permeant flatibus, sanguineque plenas corporis partes, maximè patentes frigefa-


ciunt: frigefactis autem his locis, vnde fontes, & radices sanguinis prodeunt, per vniuersum corpus horror consequitur: vniuerso autem sanguine frigefacto, totum corpus horret. Quæ ratio est, cur primum horrores ante febres corpus concutiant, quantòque maiore impetu multitudinis, & frigiditatis ipsi flatibus præcelluerint, tanto maior sit horror, & à pluribus videlicet, & frigidioribus fortior, à paucioribus, & minus frigidis, minus fortes, cum horribus, & tumores corporis accidunt.

Non recensebo verba, quibus idem docet, nimio cibo præfocari naturalem calorem: & eos, quorum vita sagina est, nec diu, nec sanè viuere. Legimus apud Cœlium Rhodiginum lib. 13. variarum lectionum, cap. 25. multos ob ingluuiem morbo articulari, & podagra laborantes, bonorum proscriptio ad simplicem, tenuemque vitam reuocatos conualuisse.

Veneris porro vsu corporis robur imminui nemo ignorat? Id intellexerunt præsci athletæ, quorum multi ab hoc ludibrio penitus abstinerunt, quos nominat Plato libro 8. de legibus. Intelligunt & Turcæ luctatores hodie, qui tuendarum virium studio Veneris omnem usum fugiunt: cuius rei causam reddit Medicinæ magister Hippocrates libro de genitura: Quia id, quod Venere excernitur, robustissimum quid est. Et libro 4. de morbis: Non minima, inquit, nec debilis pars excernitur. Et Aristoteles sect. 4. problemate 6. querenti, cur maximè animalium omnium homo post concubitum læguescat? respondet, proportionem sui corporis plurimum emittere seminis. Video equidem non satis constitutum esse apud Medicos sitne omnis vsus Veneris corporis noxius, an immoderatus solum: nam referunt Aulus Gellius lib. 19. c. 2. Macrobius libro 2. Saturnalium, sub finem, auream Hippocratis sententiam, coitum partem esse morbi terribissimi, quæ nostri comitalem dixerunt, quam sententiam dignam per thalamos omnes scribi. Clemens Alexandrinus libro 2. Pædagogi, cap. 10. Democriti, & Galenus lib. 3. Epidemiorum, commento 1. textu 4. Sabini auctoritate confirmant; & Theophrastus



flus libro 2. de causis plantarum, animalia fecunda citissime senescere scribit. Nec Iulius Cæsar Scaliger exercitatione 269. aduersus Cardanum, eorum probat iudicium, qui existimant retentū semen prohibere concoctionē, & augere melancholiam, propterea quod exonerari solet natura, ubi oppressa est, per somnia, vigilantibusque defluat sine sensu, quando redundat; sed quomocumque se res habeat, luxuriæ vitium valetudini valde perniciosum esse in confesso est apud omnes; vitia verò voluntaria esse, & à syderū potestate aliena, Genethliaci etiam profitentur: velint ergo, nolint, necesse est corporis constitutionem non pendere à cœlo, sed à multis præterea causis, nec de eo quidquam ex astris illis constare posse.



## CAPVT XXII.

*Providentia diuina eludit Astrologorum prædicta.*

**N**ON vitia modò, sed etiam vitiis poenæ solent corporis temperationem afficere non rarò: pestilentias enim, ægritudines, morbos, Dei Optimi Maximi de nostris sceleribus iustas poenas summentis ira immitti, non modò diuinis literis, sed etiam Gentilium historijs, Poëtarumque carminibus traditum est. Hinc Horatius libro 3. Ode 6.

*Dij multa neglecti dederunt*

*Hesperia mala luctuosa.*

Et infra:

*Fecunda culpa secula nuptias*

*Primum inquinare & genus, & domos,*

*Hoc fonte deriuat clades,*

*In patriam, populumq; fluxit.*

Quos autem caduceatores Astrologi ad diuinam providentiam delegabunt, quæ cum fatali syderum necessitate implacabile bellum semper gessit? aut quo tandem federe sociabuntur Dei Optimi Ma-

ximi liberrimi motus, qui rerum momenta nunc huc, nunc illuc conuertunt, cum naturali astrorum vi, quæ ad vnum determinata, quamuis eludi possit, non potest tamen in contrarium flecti? Non confugient, opinor, Genethliaci ad vulgarem cantilenam, ut plurimum astra suos sortiri effectus, seque, si non perpetuò, ut plurimum saltem vera præfagire. Dei enim providentia, quæ pugnat cum astrorum vi, & nisu, non ut plurimum, sed semper finem suum assequitur, nec quædam astrorum administrationi concedit, alia sibi seponit, sed attingit à fine usque ad finem fortiter, & disponit omnia suauiter; nihil mundo toto euenit, quod Dei consilio non eueniat, quod eius effugiat imperium. Nulla ergo potest esse alia astrorum vis, quam generalis quidam influxus, ex quo nihil certum, & singulare, aut definitum esse, vel cognosci possit, quæ à Diuina providentia in varias, contrariasque partes trahatur. Ceterum si quis non intelligit adhuc quantum Planetariorum diuinæ providentiæ detrahant, meminerint plerosque omnes veterum Astrologorum, ex quibus initia, vel incrementa sumpsit Genethliaca, illam à medio sustulisse omnia fatali necessitate concludentes. Id Arabes, quorum adhuc libri leguntur, id Chaldæi, quos M. Tullius, quos Aulus Gellius referunt, id vniuersi Mathematici, qui per Augustini, Basilij, Chrysostomi, Cyrilli, Theodoret, Gregorij tempora floruerunt, professi sunt. Et quid magis apertè procedere poterat mendacia Astrologorum, quàm quod eorum scita, & dogmata sectantur, qui diuinam providentiam funditus euerterunt? Et quidem qui laborant rationum magna inopia, experimentis suam artem partem esse contendunt, experimenta autem facta aiunt à priscis Chaldæis, & Aegyptijs, qui Dei providentiā nullam agnouerunt. At quomodo sub experimentum venit, quod cum fide orthodoxa pugnat? Euentis igitur, experimentisque, ais, fidei dogmata refelli, Christiani videri volumus, & eorum experimenta admiramur, qui Christianæ Religionis firmamenta euertunt; & credimus vilia esse, aut reperiri posse experimenta aduert



aduersus ea, quæ Christiana veritas habet.

Hæc pauca, multis alijs, quæ in eadem sententiam proferre poteram, misfis; satis esse existimaui ad frangendam Mathematicorum confidentiam, qui ex lineis, triangulis, hexagonis, sexagonis, quadratis, tamquam Clotho, Lachesis, Atropos, vitæ nostræ, & valetudinis pensa deducunt, qui aliarum ignari causarum, quæ frequentes, & propè quotidianas inuehant in vitam, varietates à solo cœlo res mortalium suspendunt. Agant aliquid astra, assent nascentes pueros, afficiant corporis temperamentum, quod anceps adhuc est, & dubium valde. Quid tum? scintillam expressam è silice vidisti, incendium orbis dices inde futurum? O ridiculum caput, extingui illa potest, vel impediri innumeris interuenientibus causis; multoque pluribus, & retundi, & præpediri potest astrorum vis omnis, & facultas. Quid ergo de temperamento corporis, de incolumitate, de integritate membrorum, ex genitura, aut præsentire, aut prædicere potes?



## CAPVT XXIII.

*Quo tria Mathematicorum esfugia præcluduntur.*



**R**IA hoc loco pro sua Genethliaca respondere possunt Mathematici. Primum, astra esse causas principales, inferiora omnia esse eorum instrumenta; instrumenta verò nihil moliri, nihil agere posse, nisi quatenus mouentur à principe causa; ideo ex astris aptè deduci posse ea omnia, quibus in vita variari potest natium temperamentum. Secundò, non solum astra, & cœlum se spectare, quando vaticinantur, sed alias etiam omnes causas, quas à cap. 14. huc usque numerauimus,



& ex omnibus capere coniecturam eorum, quæ prænunciant. Tertio, Genethliacam artem esse coniecturalem, & opinabilem, quæ etsi aliquando fallit, id quod declarat ea, quæ hætenus disputauimus, ut plurimum tamen ad veritatem dirigere. An Medicina ars non putanda est, quæ multis oblectantibus causis, non semper finem assequitur suum? an propterea nulla est Reipublicæ gerendæ ratio, atque prudentia, quia multa eam quotidie fallunt? Verùm cum hæc omnia superioribus libris, ita procultata fuerint, ut nulla probabilitate sustineri queat frustra reponuntur in questione: Primum quidem, inferiores causas non esse cœli instrumenta, neque ita omni efficiendi vi destitui, ut à cœlo expectent omnem impulsu, & motu, cumulatè docuimus libro 1. cap. 7. Quin hoc libro 3. cap. 13. ineluctabili ratiocinio euicimus astra proximis causis non præscribere agendi modum. Deinde non eam esse vim astrorum, ut possint suis effectibus inferiores omnes causas aptare, ita ut illa satis sit Astrologo spectare, nec vlla habenda illi ratio aliarum causarum, tradit Ptolemæus lib. 1. de Iudicijs cap. 2. & 3. cuius verba nos descripsimus lib. 2. cap. 3. Præterea recipiunt omnes Astrologi ea, quæ inter plures transigenda sunt, & à diuersis genituris dependent, non posse ex vnius solum horoscopo cognosci. At ea, de quibus nos hætenus disputauimus, & quæ naturale temperamentum mutare solent, dependent à pluribus, à nutrice, à parentibus, à domesticis, ab amicis, ab inimicis, à seruis, ab ancillis, à Medicis, à ciuibz, & huiusmodi alijs: non possunt igitur aptè ex vnius genesi deduci, sed egregiè fallunt, quicunque hæc omnia aiunt ex genitilibz astris prævideri posse. Ad hæc recipiunt Mathematici, Cardanus in primis lib. de temp. & motu, cap. 11. non omnes, sed principales actiones ex genitura prospici; non enim au sis iturus ad balneum, an fricaturus barbam, & id genus alia, astra demonstrant; sed pleraque eorum, quibus docuimus mutari constitutionem corporis, pendere ex leuissimis animorum motibus, ex appetitione cibi alicu-



alicuius, ex balneo, ex ludo, ex usu, ex suasu alicuius, ex exemplo eorum quibuscum degimus, non possunt itaque ex genesi hæc prævideri. Denique profitetur Astrologi hominum arbitria libera esse, à stellarum iure; at omnia, quæ hætenus commemorauimus, à liberis hominū consilijs proficiunt, non possunt igitur ex constitutione astrorum prævideri.

Secundum porro, quod aiunt non solum astra se spectare, quando vaticinantur, sed omnes proximas etiam causas, & ex omnibus sumere coniecturam, discussimus libro 2. cap. 4. planumque fecimus eos, neque id facere, neque facere posse, si velint: ea porro de quibus hoc tertio libro à cap. 14. differuimus, huiusmodi sunt, quæ nullus hominum, immò nullus Angelorum prævidere, nedum expendere, & in calculum vocare possit, depèdent enim à liberis nostris appetitionibus, quæ fugiunt beatarum etiam mentium intelligentias.

Denique neque ut plurimum posse esse vera Mathematicorum vaticinia, disertè docuimus lib. 2. cap. 3. & lib. 3. c. 12. quoties enim pluribus causis opus est, ut aliquid fiat, earum una si desideratur, vel præpedita sit, constat non posse, quod agebatur perfici, ad tuendum naturale temperamentum, non satis est astrorum vis; opus est præterea causis proximis, & coniunctis, quas superioribus capitulis percensuimus, Qui igitur solum celum spectat, ignoratis alijs causis, à quibus constitutio naturalis per singula fermè momenta variatur, non potest de temperamento corporis vera, ut plurimum prædicere fortuito ille aliquando & imprudens in verum aliquod incidet, ex arte nusquam veritatem attinget: id quod experimentum confirmat: quis enim non experitur multò plura falsa esse Astrologorum præfagia quam vera? Illa, quæ aut temerè, aut astutè vera dicunt, (inquit Phauorinus apud Gellium libro 14. cap. 1.) præ cæteris, quæ mentipuntur, pars non fit millesima; ut plurimum itaque falluntur: raro, & cæco casu interdum vera dicunt.




## CAPVT XXIV.

*Quid hætenus disputando effectum, quid in posterum efficiendum sit.*

**I**X duobus Genethliacæ artis firmamentis, quod animi mores sequantur corporis temperamentum, & quod corporis temperamentum è stellis hauriatur, alterum multis admotis machinis iam euertimus, tum quòd ad conformationem hominis stellæ non veniant, tum quòd multis alijs interuenientibus causis, & quidem potioribus, quas ignorare Astrologos oportet, nihil è stellis de nostro habitu corporis denunciari possit, tum quòd natium corporis temperamentum, multis modis, in vita commutetur, labefactetur, & solvatur. Nunc alterum aggredimur, An animi mores sequatur corporis temperamentum. Innasci propensionem quamdam animo ex constitutione, habituque corporis, non inficiamur, sed à multis alijs causis, eam coerceri, ac castigari contendimus; cum enim nihil liberam voluntatem cogat, sed instigent quædam, & incitent tantum, certò prædici non possunt voluntatis motus, sed probabiliter solum, & quoniam hæc probabilitas sita est, in causis, ad impellendas voluntates idoneis, voluntatem autem permouere solent non solum corporis temperamentum, sed multa præterea alia, horum impulsuum, expendenda sunt momenta, ut appareat, quam Mathematici prædicendo sequantur probabilitatem; nam cum animum impellant astra (ut Genethliaci volunt) eundemque aliæ causæ aliò trahant, si has, & plures esse numero, & vehementiores euicerimus, vrbs ipsa Astrologiæ euerfa fuerit, effectum enim erit nullam Astrologos prædicendo sequi probabilem rationem; sed temerè denunciare, quæcumque denun-



nunciant: quis enim probabiliter illum vaticinari dicat, qui ex varijs causis, quæ ad rem constituendam concurrunt, cæteris omnibus ignoratis vnam dumtaxat spectavit, eamque infimissimam cœnium, & inconstantissimam?



## CAPVT XXV.

*Gentium mores facere contra  
Astrologos.*

**D**E moribus Gentium disputat Ptolemæus libro 2. de iudicijs, cap. 1. 2. & 3. Ut enim inquit capite 3. in prædictis constitutionibus aeris, & ijs, quos generaliter calidos, frigidos, temperatos esse perhibuimus, certorum quædam sunt proprietates locorum, ac regionum, ubi illa generalia intenduntur, remittunturve, vel ob positus sui naturam, vel altitudinem, vel humilitatem, vel propter etiam vicinitatem: itaque cum alij equestres sint propter campestria suæ patriæ loca, alij navigatores, ob vicinitatem maris, necnon mitiores aliqui, ob solam bonitatem, &c. Infra: Britannia, Gallia, Bracata, Germaniæ, Bastarum incolæ sunt communiter feroces, pericaces, truces, At Italiæ, Apuliæ, Siciliæ, Galliæ togatæ incolæ, præstianæ, benignitatis, amicitie student, Thyrræni verò, & Celtæ, Hispanique libertatis, simplicitatis, munditiæ sunt amatores.

Iulius præterea Firmicus libro primo, capite primo. Quædam gentes sunt sic formatae, ut propria sint morum quodammodo unitate perspicuæ: Scythæ soli immanis feritatis crudelitate grassantur, Itali sunt Regali semper nobilitate præfulgidi, Galli stolidi, leues Græci, Aphri subdoli, avari Syrii, acuti Siculi, iniuriosi semper Asiani, & voluptatibus occupati, Hispani elatæ iactantia, animositate præpotenti.

Denique Marcus Tullius libro secundo, de divinatione. Quid inquit dissimilitudo locorum? Nonne dissimiles hominum procreationes habet? quas quidem percurrere oratione, facile est. Quid inter Indos, & Persas, Aethiopes, & Syros differat corporibus & animis, ut incredibile varietas, dissimilitudoque sit? Ex quo intelligitur, plus terrarum situs, quam Lunæ tractus ad nascendum valere.

Hæc quoque. Quæ genti, vel regioni alicui conveniunt ex astris repetenda esse contendunt Genethliaci. Nam nostræ terræ, inquit Ptolemæus libro 2. cap. 2. quæ iacet in vno Aquilonari quadrante incolæ, qui subiecti sunt Australibus parallelis, idest, ijs, qui describuntur ab Aequinoctiali, usque ad tropicum Arcticum, cum supra verticem eorum Sol feratur, quasi vstulatis, nigrisque corporibus videntur, & capillo esse crispo, & denso, facie etiam contracta, & statura contorta, natura ferè calidi, moribusque feris, propter magnitudinem æstus, in locis suis, quos Aethiopes vocare consuevimus, qui & ipsi ad expositum modum se habent, & aeris ibi talis constitutio est, omnesque animantes, ac quæ nascuntur è terra, cum his congruere reperiuntur. At qui, sub sunt Aquilonaribus parallelis, hoc est, sub Septemtrionibus posita loca incolunt, cum eorum punctus verticalis à signifero, & Solis calore longè absit, idè etiam frigore, & humiditate abundant, in qua cum alimentum copia insit, non exhauritur ipsa à vicino calore: Ibi sunt igitur colore albo homines, capillo proluxo, statura proceri, & boni habitus, natura subgelidi, sed & ipsi moribus feris, propter frigoris in illis locis vim, & conveniens cum his accidit hyemis magnitudo, & è terra nascentium granditas, & animantium sæuitia; hos vocamus generaliter Scythas. Qui autem loca tenent interiecta, inter Tropicum Arcticum, & Septemtrionem, quia neque supra verticem illorum Sol fertur, neque inde longissime ab Austro recedat, in aere deperunt valde illo quidem temperato, sed frigoris æstusque dissidentia æquodum parum ibi notantur. Quapropter & medio quodam colore,



lore, & mediocri statura, & natura temperata & sunt habitationibus coniuncti, & moribus mansueti: Harum autem propiores Austro, ingeniosiores, & calidiores, & rerum diuinarum periti magis esse consueverunt; quod punctus ipsorum verticalis propinquior sit cum signifero, tum errantibus sub illo stellis, pro quarum quasi familiaritate, & ipsi animos habent promptos, & faciles in comprehensione, ac inuestigatione rerum, vel artium, maximeque earum, quæ Mathematica vocantur. Præterea Orientales viriliores sunt, & animis firmis, nihilque celantes; Orientem enim verè Solaris naturæ esse dixerimus, proinde & pars illa diurna, & virilis, & dextera putanda, cernimus autem in animantibus quoque dextra esse magis valida, & robusta, contrà Occidentales effœminatiores sunt, & molliores, & occultatiores, nam hæc pars Lunæ debetur, quæ ab Occidente semper post interlunaria se conspiciendam præbet, atque ob hanc causam, & nocturna & sinistra, vt opposita Orienti traditur.

Hæc Astrologorum Pater Ptolemæus, in quo constantiam primò requiro: nam initio capitis tertij docuerat hominum mores, oriri ex locorum, & regionum proprietate. Vbi inquit illa generalia, intenduntur, remittunturque, vel ob positus loci, & regionis naturam, vel ob altitudinem, vel humilitatem, vel propter etiam viciniam. Itemque: cùm alij equestres sint, propter campestriam suæ patriæ loca, alij nauigatores ob viciniam maris, necnon initiores aliqui ob soli bonitatem. Postea sui oblitus, & nescio qua mendace stella urgente, diuersos hominum mores ad Astra reuocat & per summam imprudentiam. Britannos, Gallos Bracatos, Germanos, Bastarnos facit feroces, peruicaces, truces, ex dominatu Arietis, & Martis. Atqui apud eos multi nascuntur, etiam præside Venere, vel Ioue, stellis beneuolis, ac mitioribus, vt idem docet, libro item 2. capite octauo. Quas stellas sequemur pronunciando? Natalitias? autem ac benignum illum esse dicemus, cui Ioue, vel Venere, præside

gigni, aut nasci contigit: Nationales, & regionis ferocem, ac truculentum, eundem esse pronuntiabimus. Deinde, & Græcorum leuitas, vt scribit Firmicus lib. 1. cap. 4. frequenter modestæ grauitatis pondus accipit, & effrenata Scytharum rabies quandoque humanitatis clementia mitigatur, & in finibus Galliarum, populus sapientiæ prudentia conualescit, Aphroodorumque subdulas mentes honestæ fidei ornamenta condecorant, & à plurimis Hispanis iactantiæ vitia deseruntur, & Syrorum auaritia mutauit repentina profusio, nec inter acutos Siculos stultos inuenire est difficile, & ab Italis frequenter dominationis imperia translata sunt.

Scripsit quidem Ptolemæus lib. 2. c. 1. cōcurrentibus generalibus & singularibus Astris, vincere efficaciores, infirmioresque subijci, generales autem plus habere virium, quàm particulares, idcirco spectato regionis habitu, Astrologos sine hæsitacione denunciare. Cùm autem inquit prædictiones Astronomicæ in duas potissimum, & propriè partes diuidantur, quarum vna, & prior totas gētes, regiones, vrbes, generaliter spectat quam nominant vniuersalem; altera particularia singulorum hominum fata cōplectatur; quæ dicitur à genituris Genethliaca, conueniens videtur, de vniuersalibus priori loco disputare, quando hæc quidem maiore vi quadam, & efficacioribus causis mouentur quàm particularia. Iam cùm necesse sit submitti imbecilliores naturas, valentioribus; atque aded particularia vniuersalibus, si quis singularium rerum prædictionibus opera dare velit, non possit sine comprehensione generalium, esse ad illas instructus, &c.

Sed adhuc non emerfit è salebris: nam primò cedo, quam decempe da metiendum sit quantum horoscopo particulari decedat vel accedat ex generalibus Astris. Deinde, quod ait Iulius Firmicus lib. 1. cap. 4. nec inter acutos Siculos, difficile esse bardos aliquos inuenire, nec apud Scythas decisse aliqua humanitatis exempla velit, nolit Ptolemæus, extorquet generalia Astra, interdum




dum particularibus submittere fasces, interdum particularia cedere generalibus. Mitigantur itaque generales stellæ à particularibus, & particulares à generalibus. At quoties, ubi, quando, quantum ignorant Astrologi, quæ sicut ad rem maximè pertinent, ita ludificant omnia Astrologica prædicta: dicat enim Gene-  
thliæcus ferociam cuiusdā Bastarnæ sub Ioue nascentis, fore cæteris paribus minorē, quàm cæterorum illius gētis hominū; non intelligat tamen quāto minorē, quoniam modo, quid, quando, ubi, quoties, quantum, acturus, vel passurus sit. Bastarna definit: definire porro debet: quoties aliquid certi, & definiti denunciat.

Quin & in eadem regione, alia vnus oppidi, alia alterius facies est, quæ non parum valet ad cœli salubritatem, & ad variandum corporum habitum, moresq. incolarum, teste Ptolemæo libro secundo cap. 3. sed & in eadem vrbe aliæ partes alijs salubriores, cultiores, patentiores, altiores, humiliores, atque ita de alijs, quæ non exiguum tribubus, vicinijs, familijs inspergunt morum dissimilitudinem, eosque aperti erroris arguūt, qui à cœlo circumstante descendere gentium mores contendunt.

Quid dicam de crebra morum mutatione sub eodem cœlo? parumne illa vitium habet aduersus Astrologos, & Ptolemæum præsertim, qui libro secundo, capite tertio, omnia ex Astrorum triangulis, metitur? Quāto nunc maior est Germanorum cultus, & vrbaneitas, quàm eorum, qui a Cæsare, & Strabone, scribuntur? à Cæsare dixi, & Strabone? longe petiit: quàm eorum, quos S. Bonifacius Germanorum Apostolus, Christianæ Religionis præceptis excoluit? Qui legunt, quæ Ouidius de Gerarum feritate, & barbarie tradit, non credent, eodem loco, nunc degere Polonorum vrbaneitate inclutam gentem. Quàm multi in eadem gente ritus, & consuetudines, subinde exolescunt, & exoriuntur? quæ ante quinquaginta annos damnabantur, nunc renascuntur; quæ ante vigesimum annum vsurpabantur, iam desoluerunt. Eant nunc Astrologi, subijciant certis

astris singulas regiones, & inde earum mores descendere affirmant: frustra, huic belluæ multorum caput, huic Proteo in varias se formas transformanti stellarum certos laqueos intentant, si hi ritus, & consuetudines è cœlo defluūt cum iisdem regionibus, eadem semper stellæ, auctore Ptolemæo libro secundo, capite tertio præsideant, cur non semper iisdem florent mores? Vnde est tanta vicissitudo?

Denique nondum assecuti sunt Astrologi vim illius axiomatis, Animi mores sequuntur corporis temperamentum, qui indiscriminatè semper, & vbique habere veritatem arbitrantur. At boni Auctores ita illud interpretantur, vt animus velint sequi temperationem corporis, quoties nihil obstat: obstant autem plurimum mores, ritus, vsus gentium, multaque alia, de quibus paulò postea disseremus. Hinc igitur Mathematicorum frequentes ineptiæ, ludificationes quotidianæ, fœda mendacia.



## CAPVT XXVI.

*Educatio, & domestica exempla sapè obstant Astris.*



UIS non videt, inquit Marcus Tullius, libro 2. de diuinatione, & mores, & plerumque status, ac motus effingere à parentibus liberos? Hinc Virgilius libro tertio Æneidos.

*Et quid in antiquam virtutem, animosq. viriles,*

*Et pater Æneas, & Auunculus excitat Hector?*

Iuuenalis Satyra 6.

*Scilicet expellas, ut iradat mater bonos, Aut alios mores, quàm quos habet?*

Item Satyra 14.

*— Expellas, ut non sit adultera Larga Filia, quæ nunquam maternos dicere mochos,*

*Tam cito, nec tanto poteris cōtexere cursu, Ut non ter decies respices? —*

I

Et



Et paulò post.

*Sic natura iubet : velocius, & citius nos  
Corrumpunt vitiorum exempla domestica  
magnis*

*Cum subeant animos auctoribus.*

Item Horatius libro secundo Carminū,  
Ode 4.

*— Neque sic fidelem,  
Sic lucro auersam, potuisse nasci  
Matre pudenda.*

Non solum Poetas, sed etiam Oratores huius veritatis lux perculit. M. Tullius oratione pro Roscio Comædo. Nemo ex improbo patre probum filium nasci posse existimat. Et Fabius Quintilianus libro quinto de argumentis docet, sæpè à persona, & genere sumi argumenta, propterea quod similes parentibus filij moribus esse creduntur. Et Aristoteles in Rhetorica. Nemini est obscurum, qui ex bonis, & claris parentibus nati sunt eos consentaneos fieri suis maioribus. Et libro 3. Rhetoricorum ad Theodectem. Verisimile est, probum ex probis, & bene educatum in probum virum euasisse. Diogenes Cynicorum princeps, cum ebrium in foro vidisset. Illius inquit, patrem oportet fuisse ebrium. Nec sine magna causa Martialis miratur libro sexto Epigrammatum ad Tibullum, ebriosi filiam bibere aquam:

*Miror, quod Brassi filia potat aquam.*

Inde Prouerbum effluxit: *malum ouum ex malo cornu*. Plutarchus libro de liberis educandis: Vbi impudens est senectus, ibi & inuerecundos esse iuuenes necesse est, ad comparandam filijs modestiam, danda est opera ut omnia pro rerum conuenientia perficiantur. Et Galenus libro de curandis animi morbis. Mihi, inquit, ingenti foelicitate contigit, ut patrem ab omni iracundia, alienum, iustissimum, frugalissimum, humanissimum haberem, ut matrem usque adeo iracundam, ut etiam interdum morderet ancillas, semper autem & vociferaretur, & contenderet cum patre, & longè quidem odiosius, quàm Xantipe illa cum Socrate. Mihi itaque inuenti bonitatem, honestatemque paternorum officiorum, quæ vitiositatem maternorum affectuum, in proximo collo-

caram quasi è regione respiceret, venit in mentem cum illà amplecti, & amare, tum verò hanc alteram fugere, odioque prosequi. Ut autem in his ipsis maximè cernebam parentum meorum dissimilitudinem: sic item in hoc agnoscebam patrem meum quidem ex nullo damno dolore concipere, matrem verò etiam ob res minimas oppidò quàm moestam euadere. Porro nosti tu quoque, pueros, quæ vehementer attenderint, ea imitari solitos; quæ autem iniucundè, & cum molestia inspexerint, ab his longè fugere consueuisse.

Quid, Iurisconsulti nonne filios tradunt eiusdem præsumendum esse affectus cum patre. l. si operarum iudicio, ff. de oper. liber. In quam sententiam, Gloss. ad cap. si quis cum militibus. causa. 6. quæst. 1. r. cenfet vulgarem versiculum.

*Insequitur leuiter filia matris iter.*  
& Gloss. ad l. quod si nolis. §. qui mancipia. ff. de ædil. & ad l. quis quis, C. ad legem Iulæ Maiestatis refert versiculū alterum, qui Prouerbij vim obtinuit:

*Sæpè solet filius similis esse patri.*  
Quin & S. Ambrosius lib. 2. de Virgini-  
bus. Quid potuit (loquitur de Herodiade) filia, inquit, de adultera matre discere, nisi damnum pudoris? Denique Ezechiel cap. 19. Sicut mater, inquit, ita & filia.

Quid tandem ego de educatione loquar? de cuius incredibili vi in formâdis hominum moribus aduersus omnes corporis propensiones luculenter disputaui Plato Dialogo 4. de Repub. Iure sanè Plutarchus libro de liberis educandis commendat Euridicem his verbis: Imitemur autem potissimum Euridicem, quæ quamuis Illyrica, & barbarissima foret mulierum, ad erudiendos tamen liberos, quanquàm ætate iam prouecta studium, ac disciplinam attigit. Quantam verò in eius filios indulgèciam habuerit, vel illud abundè, quod Marti dicauit, Epigramma, declarat: Hieropolitana Euridice, postquam doctrinæ, ac eruditionis desiderium coepisset, hunc Martis titulum consecrauit: pubescentibus enim liberis, matre iam grandæua studiorum, atque virtutis monumenta, & literas ingenti



genti cum labore perdidit.

Idem & eodem libro: Nutrices, inquit non viles, aut aduentitias, verum quam maximè idoneas, probasque suscipiendas esse censeo. Primum quidem moribus instructas patrijs: sicut enim infantium membra, simul ac nati sunt, formari componique debent, ut recta, minimèq. obliqua fiant, ita puerorum mores principio aptè, concinnèque fingere conuenit: illa namque nouella ætas ad fingendum facilis, ac tenera est, & ipsorum animis, dum molles adhuc extant, disciplinæ melius instillantur; difficilius autè quæ dura sunt molliuntur: quemadmodum enim sigilla mollibus imprimuntur ceris, ita & doctrinæ dum puerilis adhuc animus est, insculpuatur aptissimè. Igitur diuinus ille Plato nutrices admonuisse videtur, ut ne friuolas, aut turpes pueris fabellas narrent, ne illorum animos ex initio stultitia, & corruptis induant moribus. Pulchrè igitur Phoclydes Poeta monuit:

*Dum tener est gnatus, generosos instrue mores.*

Eadem fermè Galenus libro de curandis animi morbis, ubi plurimam esse vim educationis ostendit, licet in quibusdam aliquando fructus tenuis sit, sicut in arborum ætione.

Postquam Aristoteles lib. 1. Ethic. c. 1. docuit virtutem assuetudine comparari, subdit ad finem. Non igitur parùm refert, sicne, an sic statim ab adolescentia cõsue scar aliquis, sed quamplurimum, immò totum in eo penitus consistit.

Discant iam Mathematici tantis Magistris, pueros non sequi syderalem propensionem corporis, sed parentum exempla, educationem, & doctrinam, mores, consuetudines, virosque ex educatione, & cõsuetudine, a pueritia parta operari potius quam impulsu natalium astrorum, & intelligant aliquando, quamuis naturalè corporis propensionem in stellis tanquàm in speculo intuerentur, adhuc non posse cognosci, quid acturi, passuriue sint, qui in hanc lucem veniunt: naturales enim propensiones, & si Deo placet, syderales, vincere, & edomare discunt a pueritia, quod studium reuinent in omni vita, nul-

lus enim est, qui naturalibus propensionibus vim asferre non cogatur. Maritus frangit suas cupiditates in gratiam vxoris, liberorum, domesticorum; vxor elidit quas naturale temperamentum excitat appetitiones, ut gratificetur marito, socero, agnatis, maioribus; filius fingit se ad imperium patris, matris, pedagogi, auunculi; seruus studio obtemperandi compefcit animi vehementes motus; Princeps regnandi libidine, & simulare multa, & dissimulare cogitur, etiam inuita Minerva.

Sed redeamus ad Aristotelè qui lib. 10. Ethic. c. 9. Fieri, inquit, bonos alij natura, alij consuetudine, alij doctrina existimant; & quod ad naturam quidem attinet, in nobis non esse manifestum est, sed ex quadam diuina causa ijs, qui reuera fortunati sunt: Ratio verò, & doctrina videndum est, nunquid non in omnibus vim habeat, sed opus sit, ut præcellus auditoris animus sit, ad rectè gaudehdum, & odio prosequendum, nõ secus, ac terra, quæ semen sit nutritura; non enim audiret orationem dehortantem, neque intelligeret, qui ex perturbatione viuit, qui autem ita affectus est, dissuaderi qui potest? nõ enim omnino orationi, sed vicedere perturbatio videtur. Oportet igitur mores prius virtuti esse accommodatos, ut, & honestatem diligant, & abhorreant turpitudinem. Ut autem à pueritia quis institutione recta ad virtutem instruarur, difficile est, nisi sub talibus legibus fuerit educatus; nam temperatè, toleranterque viuere plerisque, & præsertim adolescentibus iucundum non est: quocirca est opus, ut educatio, & studia constituta legibus sint: ita enim fiet, ut consuetudine tractata molesta esse desinant.

Rursum infra. Scriptæne sint leges, inquit, an non scriptæ, interesse nihil videtur: neque vnusne, an multi per eas instituuntur: quemadmodum neque in musica, & exercitatoria, cæterisque alijs studijs. Sicut enim in ciuitatibus legum instituta, ac mores sic in domibus paternæ orationes, & mores valent. quin & ob cognitionem, & beneficia etiam magis; quippè cum affectu erga parentes iamdu-

1 2 dum,



dum, atque obtemperantes natura sint. Adde quod priuata educationes à publica differunt, non secus atque in medicina; Cum enim vniuersaliter febricitanti inedia, & quies conferat: alicui tamè fortè non ita conducit; & pugillandi artifex non omnibus fortasse eadem pugnam imponit, videnturque magis exactè absolui singula, si priuata cura adhibeatur; magis enim, quod accommodatum est, sibi vnusquisque consequitur.

Si pueri, qui perturbationibus maxime aguntur, & animi impulsibus resistere, & naturæ procliuitates coercere, vincere, ac domare à parentibus, à magistris, à domesticis coguntur, quid faciât alij, in quibus ratio dominatur? Si viri in vltimam vsque senectutem retinent mores, & consuetudines adolefcenciæ, & quo semel est imbuta recens, seruabit odore testa diu, qua licetia ex syderali corporis temperamento de humanis actionibus decernunt Genethliaci, qua confidentia ex habitu corporis genitalibus, vel natalitijs stellis indito de cuiusq. vita pronuntiat? nonne omnium gentium vltu, & experientis compertum est, quouis sub sydere veniant in lucem infantes, à parentibus, à nutricibus, à magistris, à domesticis haurire mores? nonne ex raritate vituperantur degeneres, & qui à maioru institutis, & moribus desciscunt? Quis igitur non fateatur omni syderum impulsu efficacius id esse, quod parentes filijs indiderunt; procreando, vel docuerunt educando, vel ostenderunt viuendo?

Ego verò, dicet aliquis, non quid quis facturum sit, denuncio, sed quid facturum sit Astrorū vi, & impulsu: & nisi ab alijs causis nataliū stellarum efficacitas præpediatur: nam & Ptolemæus syderum impulsus impediri posse scribit lib. 1. cap. 1. lib. 3. cap. 4.

Egregia verò vaticinatio. Fingis tibi hominem, qui non sit inter homines educatus, qui nullum vnquam hominum viderit, nullum à parentibus, à domesticis hauserit, aut virtutum, aut vitiorū exemplum, qui nullū audierit de virtute, aut vitio differentem, & in hunc tua vaticinia cadere vis: cum nusquam huiusmodi reperiantur homines, cur non fateris

in hanc, quam nos degimus vitam, non cadere tua prædicta.

Respondent aliter alij, educationem bonam paucorum esse, ideo plurimos sequi id, ad quod syderali vi propendēt, cuius responsionis duplex est vitium: Prius quod si quid scire possunt, in genere duntaxat possunt; solum enim intelligunt plurimos agi stellarū impulsu, quia non multi solent benè educari. At quoniam, qui sedulos, qui ignauos habituri sint educatores incertum est, nil possunt certò definire. Plures sanè Parisijs sine ciues, qui negligenter, quam qui diligenter liberos instituant; aliqui tamen diligenter parentis munus obeunt. Sit causa exempli, quarta pars ciuium, vel sexta, vel, si ita vis, decima, cum in arbitratu parentum positum sit, velintne de paucorum, an de multorum numero esse: quatalibet sit paucitas eorum, qui accuratè liberos educant; quia tamen indefinita res est; lubricum omnino, & anceps est iudicium Astrologorum.

Alterum huius responsionis est vitium; quod incautè cælo derogant. quod ei maxime volunt arrogare. Hæc enim, negligentia parentum in educandis liberis, è cœlone habet ortum, an aliundè? Si aliundè, iam cœlum spoliant dominatu magno in res humanas. Nam si tanta est bonæ, malæue educationis vis, vt ad eius normam, vt supra comperimus, totius vitæ cursus dirigatur, erepta è stellarum imperio, & potestate, liberorum educatione, reliqua quoque viuendi ratio tota, tanquam è manibus stellarum eripitur: sin educationis quoque, sedulitatem vel negligentiam cœlum sibi vendicat, quærendum est quodnam; An Genethliaci, & particulare? nõ esset hoc cômune malum, nec ad multos hæc corruptela pertineret; sed ad eos solum qui talibus aurigantibus stellis venerunt in lucem. An commune alicuius gentis, aut vrbs cœlum eam liberorum iniuriâ parit? nullus in ea gente, vel ciuitate hoc vitio vacaret? An indefinitus aliquis cæli habitus id præstat? Cur hos potius, quam illos sedulos, segnesuè facit?



## CAPVT XXVII.

*Conatus, & consuetudinis vis  
aduersus astra.*

VIRVS educatio foelix defuit, studio, bonaque consuetudine proficere posse ad virtutem, multis docet duo Medicinæ, & Moralis Philosophiæ lumina, Galenus, & Plutarchus. Et Galenus quidem libro de curandis animi morbis: Scire, inquit, eos oportet, progressu temporis non similiter idem habituros difficile; quo enim maius, rationalis animi nostri pars in huiusmodi exercitationibus, ac studijs incrementum acceperit, (quatenus scilicet superabuntur, minuereturque vitia) eo facilius obsequiū, ac perfectiorem obediētiā obtinebit. Nam cum ea, quæ maxima sunt, ratio nondum exercitata superauerit, haud dubium est, quin ubi duplicem excellentiā spatio temporis adepta sit, facilius sit superatura: etenim ex ijs, in quibus ipsa se exercuerit, multò extat generosior, quam prius: sic etiam illis, quæ minora aliquantò euaserint, abundè iufficiet.

Nec ad bonum tantum, sed ad malum etiam consuetudo valet quamplurimum. Itaque idem Galenus de exandescēti animi vi scribēs, ait: hanc igitur, quæ vehementissima est, cohibere prius oportet, quam ubi incrementum acceperit, vitibus inuictam, inexpugnabilemque se præbeat: tunc enim etiam si volueris eam ultra compescere non poteris; ac tunc demum id dices, quod olim quendam amantem audiui dicere, velle se quidem desinere, sed non posse, frustra que me aduocabis, quemadmodum & ille quondam, ut tibi supplicanti opem feram, vitiumque huiusmodi excidam: nam corporis etiam nonnulla vitia propter magnitudinem insanabilia sunt, quod ipsum

fortasse tu ne cogitasti quidem unquam ante hac.

Quid Plutarchus? quàm subtiliter hac de re disputat? satis fuerit aureum eius locum ex libro de liberis educandis hic exscribere, ubi hoc ipsum tractat quod præ manibus habemus, eos, quibus minus commoda educatio fuit, studio adhuc componere posse mores: Quod si quis, inquit, ita putat eos, qui ingenio non sunt foelici, ubi ad virtutem rectè instituuntur, atque exercentur; non posse errorem naturæ mediocriter resarcire, scire debet in errore se non paruo, immò magno versari. Sordida enim naturæ vires perimit, doctrina tollit ignauiam, facilia quoque ipsos fugiunt negligentes, difficilia quoque cura, & diligentia capessuntur. quàm expeditissima, quàm efficax sedulitas, pariter ac labor existat, compluribus in rebus facile, si conspexeris, disces. Aquarum enim guttæ lapides cauant; ferrum, & æs manuum tractibus obtruncantur, Carpentorum rotæ summis inflexæ viribus, haud vllò pacto pristinam rectitudinem reparare possunt, curuatas histriionum virgas nullo dirigere modo licet. Quin factus præter naturam labor, naturæ vim superauit. An hac duntaxat diligentia potestatem indicant? minime: immò verò & infinita cætera. Si quod fertile natura solum incuriæ datur, squaler incultum; quoddamque natura præstantius est, eò magis si per otium, ac negligentiam omissum erit, perditur. Estne quispiam infocundus, & supra modum asperior ager? ac cultus generosos edet fructus. Quænam arbores sunt, quæ datæ neglectui non simul, & cortæ pullulent, & steriles perstent, cum eadem rectum assequatur patrocinium, fructuosæ sint, & magnoperè fertiles? Quæ corporis fortitudo non obtunditur, & propter incuriam, mollitiæ, & malam valetudinē, non perit? Quæ autē imbecilla adeo natura, quæ per exercitationes, atq. certamina ad maximas non augeatur vires? Qui verò equi à primis benè domiti annis, suis non obsequuntur sessoribus: qui autem indomiti perstant, nonne circuire durissimi, & animis feroces




euaserunt? Et quid admirari cætera opus est, cum truculentissimas feras laboribus mitigari, mansuerique plerumque cernamus? Benè Thessalus ille, qui cum interrogaretur, quinam abiectissimi Thessalorum essent? qui bellicarum rerum quietem agunt, inquit. Et quid multis opus est verbis? consuetudo est, quæ longæua permaneat. Si quis proprias, familiaresque ex consuetudine, virtutes agat, is nullo aberrare possit modo videretur. Quia in re vnico vsus exemplo, ampliùs de hisce rebus prolixiora narrare desinam. Lycurgus ille Spartanorum legislator geminos ex iisdem parentibus catulos suscipiens, haud similibus educauit moribus: alterum enim helluonè, luxuriaque solutū; alterum indagine sagacè, & venationibus idoneū reddidit. Postea cum aliquando Lacedæmonij vnum in locum conuenissent, Ad parandum (inquit) virtutem, Viri Lacedæmonij, ingens est momentum consuetudo, disciplina, doctrina, & vitæ institutio, quæ vobis illic manifeste vehementer esse faciam. duos subinde catulos adducens, cum ollam in medio, leporemque coram eis posuisset, alter quidem in leporem, alter in ollam magno erupit impetu. Cum autem Lacedæmonij nondum quidnam id sibi vellet coniectarent, aut quemadmodum catulos ostendisset. Hi ambo, dixit, iisdem orti parentibus, cætera diuersam consuetudinem vitæ assequuti, alter gulosus, alter venator euasere.

Ita quas in lucem egressi hausimus animi propensiones, vsus, & consuetudo euellere, & funditus tollere consuevit. Quare Marcus Tullius libro secundo, de Diuinatione: Illudne, inquit, dubium est, quin multi cum ita nati essent, ut quædam contra naturam deprauata haberent, restituerentur, & corrigerentur ab natura, cum seipsa reuocasset, aut arte, aut Medicina? aut quorum linguæ sic inhærent, ut loqui non possint, ex scalpello resectæ liberarentur; multi etiam naturæ vitium meditatione, atque exercitatione sustulerunt, ut Demosthenem scribit Phalereus, cum Rho dicere nequiret, exercitatione


fecisse, ut planissimè diceret.

Quam multa oppugnant naturæ propensiones, quibus omnis Astrologia innititur; immò quàm multa eas elidunt, penitusque abradunt? Quid igitur mirum, si omnes Astrologorum prædictiones nutant? Vsus, consuetudo, exercitatio, studium, conatus, ars, disciplina, educatio, patrij mores, ciues, externi, sublunares omnes res, earum fundamentum vocant in ruinam. Qui stare potest præsagium aduersus omnes sublunares causas, quarum vel vna satis est, euertere omnes Mathematicorum machinas.



## CAPVT XXVIII.

### *Exempla eorum quibuscum viuimus, elidunt astrorum vim.*



Ecce vsus solum pugnat contra Astrorum vim, sed etiam exempla eorum, quibuscum degimus, quorum vim supra omnem cæli potestatem esse declarat Plauto libro secundo de legibus, his verbis: Vtrum probabile, an potius necessarium hoc ipsum est? sicut cum quis cum prauis improborum hominum moribus conuersatur, nec eorum mores odit, sed delectatur, & indulget, & tamen veluti per iocum reprehendit, quasi per somnium in seipso percipere eorum malitiam; tunc profectò necesse est, ut similis euadat illis, quibus gaudet, etiâsi laudare vereatur.

Et Plutarchus libro de dignoscendo vero amico ab adulatore, scribit tantam habere vim assiduam consuetudinem, ut imprudenter exprimamus vitia eorum, cum quibus agimus; sic familiares Platonis expresse contractos ipsius humeros, sic Aristotelis amicos eius



eius balbuerientem linguam imitatos, sic affectas Alexandri Regis, eius inflexam in alteram partem cervicem, vocisque asperitatem representasse.

Idem libro de liberis educandis, Generaliter, inquit, liberos nostros à flagitiorum hominum consortio segregare decebit: eorum enim malignitatem reportant; quod & Pythagoras obscuris quibusdam præcepit sermonibus, quos hoc in loco positos explanabo, quoniam adquirendam virtutem non minimum videntur asserre momentum, quale est illud, Negustes ex ijs, quibus nigra cauda est, hoc est, cum hominibus consuetudinem non esse habendam, quos morum depravatio denigrat.

Adfert, & veterum illud oraculum, Si iuxta claudum habitaueris, disces & tu claudicare. Quod proverbum Pindarus quoque usurpavit:

*Claudo vel tui si propinquus furis.*

*Disces & ipse claudicare proximus.*

Iam Seneca, quàm eloquens hac in re est? Sumuntur, inquit libro 3. de ira, à conversationibus mores, & ut quædam contactu in corpus vitia transiunt, ita animus mala sua proximis tradit. Ebrietas conuictos in amorem vini trahit, impudicorum cœtus fortes etiam viros emollit, avaritia in proximos virus suum transtulit: eadem è diuerso ratio virtutum est, ut omne, quod secum habent, mitigent; Nec tam valetudini profuit utilis regio, & salubre cœlum, quàm animis parum firmis, in turba meliorum versari. Quæ res quantum possit, intelleges, si videris feras quoque conuictu nostro mansuescere, nullique immani bestie vim suam permanere, si hominis contubernium diu passa sit.

Idem libro de tranquillitate vitæ. Serpunt, inquit, vitia, & in proximum, quæque transiunt, & contactu nocet. Itaque sicut in pensilentia curandum est, ne corruptis iam corporibus, & morbo fragrantibus assideamus, quia pericula inde trahemus, afflatuque ipso in proximo laborabimus; ita amicorum legendis ingenijs dabimus operam, ut quàm minimè inquinatos assumamus.

Idem libro ad Lucillum, non dubitat asserere, nullam rem magis pertinere ad ferendos bonos mores, proborum consuetudine. Acrius idem virget epistola sexta.

Philo quoque Iudæus libro de providentia: Non facile, inquit, potest euadere, qui degit in regione pestifera, ac veluti cum magna vis pluviæ descendit, nisi sub recto sis; necesse est, etiam si sapiens sis, imbrem perferre; cumque frigidissimus Boreas perflat, frigore premi, & æstatis ardore calefieri re oportet. Eodem modo si cum iniustis vitam agis, necesse est multa inde mala perpeti.

Idem Philo apud Eusebium Cæsariensem, lib. 8. de præparatione Evangelica, cap. 4. de Essæis loquens: In ciuitatibus, inquit, non habitant, existimantes, ut contagionem aeris corporibus, sic conversationem animo nocere.

Et Eusebius Cæsariensis libro 6. de præparatione Evangelica, cap. 5. In hoc ipso argumento versatur, & ostendit multis de causis animum corporis incitamentis resistere, ac de aliorum consuetudine sic ait: Illi, quibuscum viuimus, voluntatem plerumque nostram, rationibus, aut quouis alio modo ad suam conuertunt, & alios meliores, alios deteriores efficiunt: solet enim conversatio praua nocere, sicut è contrario bona prodesse; bonos quippe mores conversatio mala corrumpit, velut etiam prauis mores proba conversatione corriguntur: sic igitur rationalis animæ virtus huc, illucque ab exterioribus fertur.

Iuris porro consultus leg. ædiles. ff. de ædil. edicto. præstandum censet domino, si in aliena familia seruus deterior factus sit; hoc autem, quod deterior seruus factus sit, inquit, non solum ad corpus, sed etiam ad animi vitia referendum est, utputà si imitatione conseruorum apud emptorem, talis effectus est aleator, vel vinarius, vel erro. Et causa vigesima octaua, quaestione prima, capite, sæpè. legimus. Sæpè malorum consortia etiam bonos corrumpunt.

Claudat agmen Marsilius Ficinus, libro tertio de triplici vitæ, capite vigesi-




motertio. Memento, ait, familiaritatem eorum inire, quibus gratia coelestes affluant, quod ex bonis animi, fortunæ, corporis perpendes: sicut enim odor ex muscho, sic ex bonis boni non nihil exhalat in proximum, ac sæpè perfeuerat infusum: mirificus autem foret cœtus, trium felicitium, vel duorum, inter se moraliter conuiuantium. Memento denique effroenatos, & impudentes, & malignos, ac infœlices procul fugere; hi nanque malorum pleni dæmonum, malefici sunt, & tanquam leprosi, pestilentesque non solum tactu nocent, sed & propinquitatem etiam, & aspectu. Sanè propinquitatem ipsa corporum animatorum putatur esse contactus, propter efficacem vaporum exhalationem, foris à calore spiritu affecto manantem, maximè autem pestilens erit flagitiosorum familiaritas, atque crudelium.

Non exèplo modò, sed etià consilijs, ac suasionibus plurimùm familiares apud familiares valent, qua in re plurimus est Galenus libro de curandis animi morbis, totamque ferè spem emendationis eorum, quæ peccamus, in fido, & sapiente amico collocavit; qui seuerus index, ac iudex sit eorum, quæ deliquimus; quia duplicem, inquit, vt Æsopus aiebat, manticam è collo suspensam gerimus; alteram quidem ante pectus alienorum; alteram verò à tergo nostrorum; ex quo fit, vt aliena spectemus semper, propria autem nunquam intueri possimus. Quam quidem narrationem, cum omnes probent, vt veram, tum Plato dat causam, cur id fiat, nobisque exponit. Quidquid enim amat, inquit, cæcum est erga eam rem, quam amat, itaque si nostrum quicquid seipsum maximè omnium diligit, vnusquisque nostrum ad se ipsum maximè cæcus sit, necesse est: quomodo igitur propria mala inspiciet? aut quomodo se peccantem intelligat, nisi altero admonente? Ad extremum profert exemplum cuiusdam Cretensis insigniter iracundi, quem ipse suis monitis fecit mitiorem.

Quàm numerosum exercitum conscripsimus, aduersus Astrologorum apo-

telesmata! quàm libenter, omnes, qui doctrina pollent, huic militiæ dant nomina? quanto impetu Philosophorum omnium manus irruunt in Genethliacam vanitatem? Innumeras alias acies educere poteramus sapientum aduersus Mathematicorum castra, sed non fuit necesse. hi satis, superque frangunt eorum audaciam, qui ex solo corporis temperamento omnes vitæ rationes deducunt: nam si ex corporis temperatione insuperabilis, quædam necessitas, quæ omnia complectatur, innascitur, quod prædicant sapientes viri, de exemplorum vi, & efficacia in vtranque partem futile est, & inane, si familiarium consuetudo euincit propensiones corporis, quod Astrologus præfagire certò possit, ex constitutione corporis, è cœlo hausta habet nihil.



## CAPVT XXIX.

*Obiectorum præsentiam plus habere virium quàm astra -*



IN IL est, quod æquè in vtramque partem valeat, ac obiectorum præsentia, cuius vi solere homines pertrahi ad bonum, malumvè plerique omnes experimur. Hinc laudat Aristoteles Troianorum proceres, qui Helenam, ne eius caperentur specie, fugiebant. Hinc prohibuerunt Græci in certaminibus, & ludis Olympicis, nudare corpora, vt legere est apud Homerum Iliados lib. 23. vbi Euryali, & Epei certamen describit. & Odysseus lib. 18. vbi Vlyssis, & Iri luctam refert: hinc iidem vbi inoleuit mos, corpora nudandi, in ludis Olympicis, lege vetuerunt, huiusmodi ludis mulieres se inferere, quo spectat, & illud Scatij Thebaidos lib. 1.

*Exclusæ expectant præmia matres.*

Et illud Valerij Maximi lib. 8. c. 16. Berenicis non vulgaris honos, cui soli omnium foeminarum Gymnico spectaculo interesse



cesse permiffum est. Et illud Menandri Rhetoris In quibusdam inquit Panegyricis conuentibus non ferè vifuntur mulieres. Quare Sempronius, vt est apud Plutarchum in Problem. Rom. c. 13. vxorem repudiaffe fertur, quod ludos lumbres spectaffet; nec Romani minus prudenter mulierum pudicitiz confuluere: Augustus enim, quod leges apud Suetonium in Augusto, cap. 44. foeminis, non nifi ex superiore loco, gladiatores spectare concessit. Athletarum verò spettacolo, muliebre sexum, plane submouit. Habes in C. de repud. l. confensu, §. vir quoque, licuiffe marito, repudiare vxorem, vel sine iusta, & probabili causa, foris pernoctantem, vel Circensibus, vel Theatralibus ludis, vel arenas spectaculis, in ipsis locis, in quibus hæc affolent celebrari, se prohibente, gaudentem.

Quod Lactantio lib. 7. de vero cultu, cap. 20. satis causæ fuit, vt spectacula cuncta damnaret; quoniam magna sunt irritamenta vitiorum, & ad corrupendos animos plurimum valent. Et infra: in scenis quoque, inquit, nescio an fit corruptela vitiorum: nam & comicæ fabulæ, de stupris virginum loquuntur, aut amoribus meretricum, & quò magis sunt eloquentes, qui flagitia illa finxerunt, eò magis sententiarum elegantia persuadent, & facilius inhaerent audientium memoriæ versus numerosi, & ornati. Infra: Tragicæ historiarum, inquit, subiiciunt oculis parricidia, & incesta Regum malorum; & cothurnata scelera demonstrant. Historionum quoque impudicissimi motus, quid aliud nisi libidines docent, & instigant, quorum eneruata corpora, & in muliebrem incesum habitumque mollita, impudicas foeminas, inhonestis gestibus, mentiuntur? Quid de mimis loquar, corruptelarum præferentibus disciplinam, qui docent adulatoria dum fingunt, & simulatis erudiunt vera? quid iuvenes, aut virgines faciant, cum fieri sine pudore, & spectari ab omnibus libenter cernunt! admonentur utique quid facere possint, & inflammantur libidine, quæ aspectu maximè cõcitatur, ac se quisque pro sexu in illis imaginibus præfigurat;

probantque illa, dum rident, & adhaerentibus vitijs corruptiores ad cubacula reuertuntur, nec pueri modò, quos præmaturis vitijs imbui non oportet, sed etiam senes, quos peccare iam non decet, in talem vitiorum semitam delabuntur.

Addamus & aurea S. Cypriani verba lib. 1. epistol. ad Donatum, epi. 1. Tunc delectat, in mimis turpitudinum magisterio vel quid demi gesserit recognoscere, vel quid gerere possit audire. Adulterium discitur dum videtur, & lenocinante ad vitia publicæ auctoritatis malo, quæ pudica fortasse matrona ad spectaculum accesserat, de spectaculo reuertitur impudica. Adhuc deinde morum quanta labe? quæ alimenta vitiorum, histrionicis gestibus inquinari? videtur contra foedus, iusque nascendi, patientiam incestæ turpitudinis elaboratam, & euirantur mares, omnis honor, & vigor sexus eneruati corporis dedecore emollitur, plusque illic placet quisquis virum in foeminam magis flagrarit, quid non potest suadere, qui talis est? mouet sensus, mulcet affectus, expugnat boni peccatoris conscientiam fortiorem.

Tantam vim habent obiecta præsentia ad commouendos animos; vt eorum, etiam imagines, ita citamenta sint acerrima, ad scelera quæque concipienda.

S. Augustinus libro 2. de ciuitate Dei expendit locum illum Terentij in Eunuchò, vbi Chærea adolescens suspectans tabulam, in qua Iouis & Danaes concubitus visebatur, in feruentem libidinem exarsit.

Quin Propertius lib. 2. elegia 4. impudicitiz veluti originem ascribit picturis obscenis:

*Quæ manus obscenas depinxit prima tabellas,*

*Et posuit casta turpis visa demo,*

*Ille puellarum ingenuos corruptit ocellos,*

*Nequitiaq; sua noluit esse rudis.*

Sapienter quidem Aristoteles lib. 7. Politicorum, cap. 12. monet publicos Magistratus, vt à Republica huiusmodi tabulas, & signa semoucant.

Lacedæmonij verò non imagines modò, sed libros etiam Archilochi parum



rum pudicos à sua Republica iusserunt exulare apud Valerium Maximum lib. 6. cap. 3. & meritò quidem; libri enim vehementer libidinem accendunt, quod tradit lasciuæ Magister Ouidius lib. 2. de Remed. amor.

*Eloquar inuitus, teneros ne tange Poëtas,*

*Summoueo dotes, impius ipse, meus.*

*Callimachum fugito, non est inimicus amor,*

*Et cum Callimacho tu quoque Coë noces.*

*Me certè Sappho meliorem fecit amica,*

*Nec rigidos mores Teia Musa dedit.*

*Carmina quis potuit tuò legisse Tibulli?*

*Vel tua, cuius opus Cynthia sola fuit.*

*Quis potuit lecto durus discedere Gallo,*

*Et mea nescio quid carmina tale sonant.*

Quare sanctus Basilus oratione de Poëtis cautè legendis, Poëtas adulteria Deorum impudenter describentes longius ablegandos censet.

Quid Hiero Syracusanorum Tyrannus? nonne Epicharmum Poëtam comicum multa affecit, quòd vxore sua præfente lascium nescio quid protulisset?

Romulique legibus, ut est apud Plutarchum in vita Romuli, qui coram fœminis obscœnum aliquid dixisset, non secus quàm homicida puniebatur. Quod Iuriconsultus hoster æmulatus l. item apud Labeonem, §. qui turpibus, ff. de iniurijs, iniuriarum voluit teneri, qui cum muliere turpes sermones miscet.

Rectè Tertullianus lib. primo ad vxorem:

*Benos corrumpunt mores congressus prauis.*

*Et Numidius Poëta:*

*Verba benos vitiant mulierum turpia mores.*

*Rursus Pontanus lib. 1. de Amore:*

*Corrumpunt maledicta animum, moresque verendos.*

*In veros sensus saepe abiere ioci.*

*Lasciuo s. igitur sensus, lasciuæq. verba,*

*Pignoribus nostris ritè cauenda vides.*

Mantuanus contra eos qui petulantius scribunt:

*Verba (inquit) mouent animos, oris lasciuia pectus*

*Pulsat, & in venas semina mortis agit.*

Quare Marcus Tullius non iniuria tucensuit Poëtis libro primo de natura Deorum. Nec enim multò absurdiora sunt inquit ea, quæ Poëtarum vocibus

fusa, ipsa suauitate nocuerunt: qui & ira inflammatos, & libidine furentes induxerunt Deos, feceruntque, ut eorum bella, pugnas, prælia, vulnera videremus; odia præterea, dissidia, discordias, ortus, interitus, querelas, lamentationes, effusas in omnem intemperantiam, libidines, adulteria, vincula, cum humano genere concubitus, mortalesque ex immortalibus procreatos.

Itaque Clemens Alexandrinus lib. 2. Pædagogi, cap. 10. Impudicorum inquit verborum & turpium figurarum, mercetriciorum osculorum, & huiusmodi lasciuarum nomina ne sunt quidem memoria tenenda, Beatum sequentibus Apostolum, qui apertè dicit ad Ephesios 5. Fornicatorum autem & omnis obscœnitas ne nominetur quidem apud vos, sicut decet Sanctos.

Si tanta est imaginum, & verborum vis ad pelliciendos animos, quanta erit rerum ipsarum efficacia? Non est mihi per Romanas, aut Græcas historias longius eundum, nec commemoranda, quæ de Caracalla & Iulia eius Nouerca narrat Ælius Spartianus, aut quæ de Tyberio voluptatis libidiniq. asfessore impudentissimo, refert Suetonius in eius vita, aut quæ recenset Plutarchus in Amatorijs narrationibus de Scrabone qui Aristocleam formosissimam puellam nudam videns, in eam magno viriisque malo exarsit. Habemus enim domestica exempla, Susannæ & Seniorum Israël Danieli 13. capite, Davidis & Bethsabæ libro secundo Regum cap. 11. Neque enim inquit S. Hieronymus eris vel sanctior Dauide, vel sapientior Salomone, vel Samsone fortior. Plorat præterea Sanctus Augustinus grauißimos quorundam, quibus non minùs quàm Ambrosio & Hieronymo deferebat, lapsus ob incautam mulierum consuetudinem.

Nec propria est hæc Venerei obiecti vis, sed communis: cernimus enim lapsos ferè vniuersos (aliqui enim se continere) ex præsentissima ambitionis, furti, cædis, gulæ, opportunitate. Per quotidiana experimenta videmus accendi iracundiam iniurijs, irritari odium præsentia inimici, fuscitari consopitas animi



animi appetitiones à vehementi obiecto.

Valeat hoc idem in vtrunque partem: quoties enim cernimus homines nequiter affectos, si in aliquam incidant civitatem, viciniam, domum, contubernium, pietatis, modestiæ, sobrietatis, continentiae, frugalitatis plenum, suorum scelerum periculosos respicere, aut certe perfundi pudore, qui primus est, auctore Galeno, vitæ emendationis gradus. Ex huiusmodi porro actionibus præsentis obiecto susceptis, omnes vitæ rationes cum dependant, (inde enim adulteria, inde matrimonia, inde cædes, inde rixæ, simultates, perpetuæque inimicitiae, inde morbi & ægritudines, inde vita & mors) Astrologos iure prohibemus in posterum, de amicitijs & inimicitijs, de matrimonijs & liberis, de principum gratia & benevolentia, de morbo & morte, de vitæ aut mortis genere ex syderali temperamento prælagire. Fortior est enim obiecti præsentia quovis temperamento è stellis delapso, cuius est enim tanta constantia, tam firmum ac solidum pectus, quod non frangat vehemens & violentum obiectum? Quid respondebunt? Rapi quidem sensus omnes à præsentis obiecto, sed eò trahi quò naturalis proclivitas vergit sit ita: At nisi vrgeret obiectum, nisi accenderet appetitionem, natura sponte sua non conciperet huiusmodi motus. quid enim faciunt obiecta, de quibus locuti sumus, si tantundem natura præstaret per se, nullo urgente obiecto, quantum facit instigante obiecto? Iam vero si agente obiecto suscipit eas appetitiones animus, quas non susciperet si longius ab huiusmodi obiectis fugisset, nullam, aut ferè nullam Astrologi ex solo temperamento corporis capere valent coniecturam. De hac ipsa obiectorum præsentia ex Astris audebunt fortasse vaticinari. Primò infinitam rerum sylvam ingrediuntur ex omnium mortalium & immortalium bonorum malorumque genere coarctentem. Nam si quæcunque in omni vita obijcienda sint sensibus, explorari de cælo posse confidunt, nihil est cur è cælo cognoscere non possint, quot atomi lucenre Sole per aërem volitent, quot & quæ folia bruma adue-

niente è sylvis decidant, quæ maris partes furente Borea dimouenda sint; quot arena in litore maris iaceant. Deinde hæc obiectorum occurratio à liberis aliorum voluntatibus pendent, quos alterius Astra commovere non possunt. Denique quæ est ista præpostera responsio? Nos docuimus obiecta iniicere quasi violentas manus sensibus, isti vt exuant difficultatem, respondent à stellis trahi obiecta. egregiam verò Dialecticam.



CAPVT XXX.

*Ad mores plus valere genus, conditionem, fortunam, quam Astra.*



**Q**UANTVM ad virtutem aut vitium ponderis habeat externorum bonorum copia, vel inopia, Roma testatur, quæ Astra, quam vicerat, victa succubuit. vicerat enim armis, frugalitate, patientia; victa est opibus, luxu, delicijs. Omnesne veterum Romanorum horoscopi viriles fuerunt, effœminati recentiorum? parum certè vel nihil ad eam rem pertinuerunt Astra, sed mediocritas, tenuitas, opulencia, voluptas fuerunt horoscopis potentiores.

Queruntur boni scriptores de suorum temporum corruptela, prisca commendant ætates, sub eodem cœli tractu, & sub eodem climate non diuersos modò, sed etiam contrarios fuisse mores tradunt. Vnus instat esse potest multorum Seuerinus Boëtius metro 5. libro 2. sic inquit:

*Felix nimium prius ætas  
Contenta fidelibus armis,  
Nec incerto perdita luxu  
Facilique sera solebat  
Te unia soluere glande,  
Somnus dabat herba salubres,  
Potum quoque lubricus amnis,*

*Umbras*



*Vmbras altissima pinus  
Nondum maris alta secabat,  
Nec mercibus undique lectis  
Noua littora viderat hospes,  
Odys neque fretus acerbis  
Cruor homicida tinxerat arma:  
Quid enim furor hosticus vlla  
Vellet prior arma mouere,  
Cum vulnera sana viderent,  
Nec pramia sanguinis vlla?*

Sed libeat Christiano philosopho addere  
Gentilem Poëtam Iuvenalem qui Saty-  
ra vndecima in suorum temporum in-  
gluuiem acerrimè inuectus, cum recen-  
suisset veterum escas, subdit:

*Hac olim nostri, iam luxuriosa Senatus  
Cœna fuit. Curius paruo quæ legerat horto,  
Ipse foci breuib; ponebat oluscula, quæ nunc  
Squalidus in magna fastidit compede fossor:  
Qui meminit, calide sapiat quid vulua po-  
pina.*

Quid de copiosis ciuib; de Dynastis, de  
Regulis sentit Galenus libro de curandis  
animi morbis, cap. 3. Oportet inquit qui  
talìa ab amico sit auditurus neque diui-  
tem esse, neque cultu & reuerentia qua-  
dam apud ciues suos esse conspicuum:  
nam si eiusmodi reuerentia insignis fue-  
rit, nemo planè illi vellet vera dicere  
ob timorem: quemadmodum ne locu-  
pletibus quidem solent adulatores lucri  
gratia: quin etiam si quem istis veridi-  
cum aliquis casus obtulerit, ad se hunc  
illicò, suosque mores distrahere consue-  
uerunt: si quis igitur sit vel apprimè po-  
tens, vel opulentus, qui velit in virum  
egregium, ac frugi euadere, ab hoc de-  
poni se ipsum necesse est, atque his præ-  
sertim temporibus, in quibus nullus sit  
inueniendus Diogenes, qui opulentissi-  
mo ac Monarchæ cuipiam sit dicturus  
veritatem. Illi igitur quod sibi factò  
opus sit viderint, tu vero qui neque ex  
potentibus ciuitatis, neque ex opulentis  
es vnus, permitte omnibus, vt quidquid  
damnant in te, liberè aduersus te dicant;  
neque ipse aduersus quenquam indigne-  
re: sic verò sint tibi omnes, vt Zeno di-  
cebat, Pedagogi videlicet, &c.

Ibidem: Cum audieris in vrbe inquit  
quempiam ex ijs, quos tibi neque amo-  
re vllò, neque odio prosequendos in-

telligis, laudari à multis, quòd nullis ho-  
minibus aduleatur, cum tu ad illum vbi  
propius accefferis, quò de illo possis  
ferre iudicium, num sit talis, qualis esse  
perhibetur, huiusmodi periculum fac;  
primùm, si videas ab homine & diuitum  
& apprimè potentum, aut etiam Principi-  
pum, ac Tyrannorum ædes frequentari,  
pro comperto habe te frustra audiuisse  
hominem omnia vera dicere solere (ob-  
sequia quippe huiusmodi mendacium,  
sequi consuevit). Deinde siue id genus  
hominum salutantem, siue illis se ipsum  
comitem exhibentem, conuiujsque il-  
lorum, ac cœnis inferentem conspicias,  
qui quis enim huiusmodi generis vitam  
sibi ipsi sequendam proposuit; non solùm  
non verax esse consuevit, sed etiam om-  
nem malitiam habere necessariò, quippe  
qui aut pecuniarum, aut principatus,  
aut gloriæ, aut honoris sit cupidus, & vel  
aliquibus eorum seorsim, vel omnibus  
simul insidietur: quem verò neque salu-  
tari, neque comitari id genus hominum;  
neque cum valdè potentibus, ac diuiti-  
bus cœnare, sed frugi, ac temperato  
victu vti solitum compereris, spera ve-  
risque veridicum. Conare hunc quoque  
profundius altiusque cognoscere, vt scias  
cuiusmodi tandem sit vitæ. Quod si ta-  
lem offenderis, qualem sperasti, seuoca  
aliquando hominem, & cum solo ser-  
monem confer, rogaque, vt si quem-  
tibi ex illis animi affectibus turbulentis  
inhærere notauerit, eum continuo indi-  
care ne grauetur, teque illi maximam  
habiturum gratiam pollicere, existima-  
turumque te ab ipso magis seruatum,  
quàm si corpore ægrotantem sanasset, &c.

Nec Aristoteles non vidit bona fortu-  
næ secum asferre mores, qui libro secun-  
do Rhetoricorum, capite decimotertio  
differit de moribus Nobilium, & capi-  
te decimosexto. Mores autem, inquit, qui  
diuitias comitantur, facilè omnes per-  
spicere possunt: contumeliosiores namq;  
sunt, ac superbi, qui possessione opum  
perturbantur, nam quasi bona possideant  
sic afficiuntur; sunt enim quasi pretium  
aliorum diuitiæ, quibus eorum dignitas  
æstimatur: & idcirco cuncta videntur  
eui posse diuitijs; delicati etiam sunt,  
sibi que



sibi quæ plurimum arrogantes; illud, propter delicias, ac felicitatis ostentationem; hoc, quoniam omnes in eo versari soliti sunt, quod ipsi amant & admirantur, & quoniam quæ ipsi, ea cæteros quoque putant admirari, nec iniuria sic affecti sunt, cum multi sint qui habentium auxilio egeant. Vnde à Simonide quoque de diuitibus & sapientibus ad Hieronis uxorem dictum est, cum interrogasset vtrum melius esset diutem an sapientem esse, sapientem, inquit: Sapientem enim in diuitum ianuis video.

Plato dialogo quarto de Republica. Ex utrisque inquit tam opulentia quam paupertate & praua artificum opera, & ipsi artifices prauī fiunt. Rursus infra loquens de opulentia & inopia. Illa inquit delicias, desidiam, seditiones, rerum nouarum studium parit, hæc autem cum rerum in nouatione illiberalitatem & maleficia gignit.

Merito sanè Seneca in Hippol. laudat eos qui rurem vitam degunt his verbis:

*Non alia magis est libera & vitio carens,  
Rurusque melius vita qua præscos colat,  
Quam qui relictis mœnibus syluas amat.  
Non illum anare mentis inflammat furor,  
Qui se dicauit montium insentem iugis.  
Non ille regno feruit, ac regno imminet,  
Sper metusque liber, aut illum niger  
Edaxque liquor dento degeneri petit,  
Nec scelera populos atque inter vrbes sita  
Nocuit, nec omnes confectus strepitus paus.*

Quid Venalinus Horat. lib. 2. Sat. 2.

*— Vides, ut pallidus omnis  
Cæna desurgat dubia! quin corpus onustum  
Hæsternis vitis animus quoque prægrauat  
una,  
Atque affligit humo diuina partem auræ  
Alter, ubi dicto citius curata sopori  
Membra dedit, & vegetus præscripta ad munia  
surgit.*

Rursus infra.

*Rusticus inermis sapiens crassaque minerva  
Discite non inter lances mensasque nitentes  
Cum stupet insans agies fulgoribus, & cum  
Auditis falsis animus meliora recusat:  
Verum hic impransus mecum disquirite cur hoc  
Dicam si patero male verum examinat omnis  
Corruptus iudex. —*

Idem libro 2. Ode 16.

*Vinitur paruo bene, cui paternum  
Splendet in mensa tenui salinum:  
Nec leues formos timor, aut cupido*

*Sordidus aufert. —*

Laudat Ouid. lib. 8. Fastorum veterum  
moderata conuiuia:

*Anno focos olim scamnīs considere longis*

*Mos erat, & mense credere adesse Deos.*

Nonne à parentum statu pendunt hæc plurimum? An Astra in pauperum tugurijs instruent opulentas mensas? Cælum ne apparabit opiparas cœnas, Luculeiaque conuiuia? Sed veniamus ad gesim. Nonne ex nobilibus nobiles, ex diuitibus diuites, ex Principibus Principes, opifices ex opificibus, ex stabularijs stabularij, ex nautis nautæ, ferè solent nasci quouis sub cœlo? An genus etiam genitale sydus elargitur? Cur solis Regum filijs fulgent Regiæ stellæ, & prætereà nulli; in Hispania, in Gallia, in Anglia, in Græcia cur patris semper filius est hæres imperij? Num Gallorum Hispanorumque Regiæ regales stellæ operiunt, ut concipiant aut pariant? cur aliæ matres easdem non spectant? cur primogeniti soli beata illa nanciscuntur Astra, quæ ad scepra Regiæque coronas euehunt? cur Venetij, Romæ, alijsq. Urbibus nunquam effulgent huiusmodi stellæ? Scitè Plinius lib. 7. cap. 49. & breuiter. Hoc quotidie toto mundo euenit, ut pariter domini ac serui gignantur, Reges & inopes. Quanto plus virium habet genus, & patria quam horoscopi, & stellarum cœtus iam constat.

Experimur ferè omnes illud vitæ genus profiteri, quod parentes maiores coluere: Agricolæ filij agriculturam sequuntur, nō auspice Saturno, non enim omnes, neque solos paganorum filios Saturnus ducit in lucem, sed parentum impulsu, & imperio: & mercatorum filijs non Mercurius, sed domesticus vsus mercaturæ addicit. Et Cardanus qui ad caput 2. lib. 4. Ptolomæi de Indicijs in, adeunda hæreditate paterna, aut materna, plus ait posse leges humanas quam cœlestes. idem sentire debet de magisterio. & genere vitæ, quod hæreditario ferè iure filij à parentibus recipiunt.

Quantum



Quantum verò rusticana vita, labor  
& quies, quantum vrbani strepitus, &  
negotia, & fastus valeant ad morum ra-  
tionem, declarat abunde vulgatissimum  
Horatianum illud:

*Beatus ille qui procul negotijs,  
Vt prisca gens mortalium,  
Paterna rura bonus exerceat suis  
Solutus omni fœnore.*

*Neque excitatur classico miles truci  
Nec horret iratum mare,  
Forumque vitat, & superba cinium  
Patentiorum limina:*

*Illudque Virgilij Georgic. 2.*

*Fortunatus & ille, Deos qui nouit agrestes,  
Panisque, Sylvanumque senem, Nymphasque  
sorores.*

*Illum non populi fascies, non purpura Regum  
Flexit, & infidos agtans discordia fratres,  
Aut coniuato descendens Dacus ab Istro:  
Non res Romant, perituraq; regna, neque ille  
Aut doluit miserans inopem, aut inuidie ha-  
benti.*

*Quos rami fructus, quos ipsa volentia rura  
Sponte tulere sua, carpsit: nec ferrea iura,  
Insanumque fori, aut populi tabularia vidit.  
Sollicitant alij remis freta caca, ruuntque  
In ferrum: penetrant aulas, & limina Regū.  
Hic perit excidijs urbem, miserosque penates,  
Vt gemma bibat, & Sarrano dormiat ostro.  
Condit opes alius, defossoque incubat auro.  
Hic stupet attonitus rostris, huc plausus hiantē  
Per cuneos, geminatus enim plebisq; patrumq;  
Corripuit, gaudent persusi sanguine fratrum  
Exilioque domos, & dulcia limina mutant,  
Atque alio patriam querunt sub sole iacentē.  
Agricola incuruo terram dimouit aratro,  
Hinc anni labor, hinc patriam, paruosque  
nepotes*

*Sustinet: hinc armenta boum, meritisque in-  
uencos.*

*Nec requies, quin aut pomis exuberet annus,  
Aut fœtu pecorum, aut Cerealis mergite  
culmi,*

*Prouentusq; oneret sulcos, atque horrea vincat,  
Venit hyems, teritur Sicyonia bacca trapetis,  
Glande sues leti redeunt dant arbutea sylue,  
Et varios ponit fœtus Autumnus, & altē  
Mitis in apricis coquitur vindemia jaxis.  
Interea dulces pendunt circum oscula nati,  
Castia pudicitiam seruat domus, vbera vacca  
Lactea demittunt, pinguesque in gramine lero*

*Inter se aduersis luctantur cornibus boedi.  
Ipse dies agitas festos, suisque per herbam.  
Ignis ubi in medio, & socij cratera coronant.*

*Item vulgatissimum illud Tibulli libro  
primo, elegia decima.*

*Quin potius laudandus hic est, quem prole  
parata,*

*Occupat in parua pigra senecta casa.*

*Ipse suas sectatur omes: at filius agnos,*

*Et calidam fesso comparat uxor aquam.*

*Sic ego sim, liceatq; caput canescere canis,*

*Temporis & prisce facta referre senem.*

*Et illud Claudiani:*

*Felix qui proprijs auum transegit in aruis,*

*Ipsa domus puerum, quē vidit ipsa senem.*

*Qui baculo nitens in qua raptauit arena,*

*Vnius numerat f-cula longa case.*

*Non illum vario traxit fortuna tumultu,*

*Nec bibit ignotas mobilis hospes aquas.*

*Non freta mercator timuit, non classica miles,*

*Non ranci lites pertulit ille fori.*

*Indocilis rerum vicine nescius urbis,*

*Aspectu fruitur liberiore fori.*

*Frugibus alterais non Consule computat an-  
num,*

*Autumnū pomis ver sibi flora porat:*

*Idem condit ager soles, idemque reducit,*

*Metiturque suo rusticus orbe diem.*

*Ingeniem meminit paruo que in gramine  
quercum,*

*Æqueumque videt consensuisse nemus.*

*Proxima cui nigris Veron. remotior Indis,*

*Benachumque putat, littora rubra lacus:*

*Sed tamen indomite vires firmisque lacertis*

*Ætas robustum tertia cernit auum.*

*Erret, & extremas alter scrutetur Iberos,*

*Plus habet hic vite, plus habet ille via.*

*Denique illud Claudiani libro primo in  
Ruffinum:*

*Hac mihi paupertas angustior, hac mihi recta*

*Culminibus maiora tuis, tibi querit inanis*

*Luxuries nocitura cibos, mihi donat ineptas*

*Terra dapes, rapiūt Tyrios tibi vellera succos,*

*Et picturæ saturantur murice vestes.*

*Hic radiant flores, & prati vicia voluptas*

*Ingenio variata tuo, fulgentibus illic*

*Surgunt structa choris, hic mollis panditur  
herba,*

*Sollicitum curis non abrupteura soporem*


*Turba salutantum latus tibi prostrepit ades,*

*Hic auum cantus labentis murmura riuui.*

*Quid mihi iam diu nauleanti genita-  
lem*



lem horoscopum obtrudis? Plus momenti est in rusticano vitæ genere ab omni cura soluto, libero à forensium, causarum strepitu, à ciuium similitudinibus, ab insidijs potentum, ab æqualium æmulatione, ab inuiciorum fraudibus, à partium contentionibus, quàm in stellis quibuscunque, doctissimo um hominum sententiæ: his plus tribuo, & iure, quàm nugniendis Astrologis.



## CAPVT XXXI.

*Maiorem casus in moribus habet vim quàm Astra.*

**N**ec infrequenter ratio morum ducitur ex casibus. Quam crebro opus vni aliquod fortuitum plurimorum seminarium est, dum aliud ex alio trahitur. Nocte vna quis patrimonium alea profudit, vertit se statim ad furtum, ad scœnus, ad rapinam, ad seruitium, ad opificium, & in ijs, de quibus nihil antè cogitauerat, consenscit. Lacescitur alius probro, iniuria, maledicto, indignè fert, vulnerat lætissimè. Hinc odia, neces, rixæ, & familiarum perpetuæ similitudines. Iter facit adolescens, obuiamque habet mulierculam in cuius amore exarscit, eamque sibi matrimonio poscit, atque iungit, inuitis parentibus, eam obrem exheredatur à patre, eiecitur domo, agit longè à suis, viuit ex fraudibus, rapinis, lenocinijs. quàm multa id genus in dies videmus?

Sanguinarius vicissim impotens sui, superciliosus, petulans, aleator, blatero, impudicus iuuenis, diuturnitate carceris, tactura bonorum, morbi grauitate, potentiorum iniuria, sic interdum edomatur, vt ad meliorem frugem conuersus, reliquo vitæ tempore temperantiam, iustitiam, modestiam, pietatem colat.

Hinc Ouidiana illa libri vndecimi Metamorphoseos:

*Altera crescit hyems, omniq; à pario feroces  
Bella gerunt venti, fretaque indignantis  
nascunt.*

*Hic votis numen adorat.*

*Et alia libro 3. Fastorum.*

*Vincitur ars vento, nec iam moderator habetis.*

*Vritur, at votis, his quoque poscit epom.*

Quare & Lucretius libro tertio rerum naturalium:

*Multoque (ait) in rebus acerbis  
Acrius aduertunt animos ad religionem,  
Quo magis in dubijs homines spectare periclis  
Conueniat, aduersisq; in rebus noscere qui sint:  
Nam vera voces tum domum pectore ab imo  
Eliciuntur, & eripitur persona, manet res.*

*Syllius Italicus libro 7.*

*Tanta adeo cum res trepida reuertita diuinum  
Nascitur.* —

Quid nugaris Astrologe circa corporis temperamentum? Præter omnem propensionem, præter inclinationem omnem naturæ, præter voluntatem, immò & præter opinionem, sæpenumero accidunt quædam, quibus in aliud longè vitæ genus agimur, quàm natura posset, vrgetque sæpe repentina necessitas, & susceptum iam vitæ institutum, deferere cogimur, eaque relinquere, in quæ magna naturæ procliuitate ferebamur. Paulus II. Pour. Max. adolescens ad mercaturam animum adiecerat iamq; scrinium, & arma, & reliquam nauticam suppellectilem in triremes detulerat, cum ei nunciatum fuit Gabrielem Condelmerium auunculum in Pontificem Maximum electum fuisse, mutato repente consilio ad litterarum studium, licet adultus, & Ecclesiasticum Statum conuertit se se. Ostenditque quanto plus valeant occasionum momenta ad instituentiam vitæ rationem, quàm naturalis propositio ex corporis temperatione orta.

Iustinus Imperator humili loco natus, dum gregem pasceret a prætereunte milite forte inuitatus ad militiam, arma amplexus est: meruit sub pluribus Principibus, mortuo Anastasio ad Imperium euectus fuit. Non Martis in propria domo, aut in exaltatione, in trigono lo-

uis, ac



uis, ac Solis in angulo constituti beneficio militiam secutus est, sed suasu militis Pastoris. alioquin vitam ducturus.

Experimur quotidie plerisque homines eam artem exercere, quam à parentibus acceperunt, sequuntur plerique mercaturam, non auctore Mercurio in Thema te genitili foeliciter posito, sed imperio maiorum, qui mercaturam fecerunt. Exercent alij agriculturam non impulsu Saturni alioquin cur Principes viri, qui in genesi Saturnum in propria domo, & exaltatione foeliciter constituti gerunt, eam artem non obeunt, sed à paribus agricolis orti paternam institutionem sequuntur.


Age verò, cantu & modulatu morbos curari nonne scribit Plato libro quarto de Republica, Plinius lib. 2. cap. 28. Ammianus Marcellinus lib. 16. Creditum hoc à plerisque est, inquit Gellius lib. 4. cap. 13. & memoriam mandatum, Ischidici cum maxime doleant, tum si modulis lenibus tibi cen incinat, minui dolores. Ego nuperrime in libro Theophrasti scriptum inueni, viperarum moribus tibi cinem rectè modulateque adhibitam, mederi. Refert & Democriti liber, in quo docet plurimis hominum morbis medicinam fuisse incentiones tibi arum, tanta prorsus est affinitas corporibus hominum mentibusque, & propterea quoque vitij aut medelis animorum & corporum. Pythagoras etiam perturbationes animi lyra componebat, ut scribit Seneca libro de Ira.

Ex Xenocrates organicis modulis lyphaticos liberauit. Asclepiades quoque phræneticorum mentes sæpe per symphoniam sanitati restituit, ut auctor est Censorinus libro de die natali.

Scribit & Plutarchus libro de Musica, irarum ardores concentu residere, molliri animi mores: id quod exemplis illustrat Ælianus lib. decimoquarto variorum historiarum.


Tu verò Genethliace, si intelligis tam multis variisque causis compesci animi perturbationes à natali temperamento ortas: si fateris infinitis modis corporis motus frangi & retundi, qua consequentia ex syderali temperamento deducis omnes vitæ & mortis rationes? Video

Astrologos iam vinctos quasi ad scalas Gemonias lethaliter impactos. Ideo ad alia transgredior.



## CAPUT XXXII.

*Principum seueritatem & leges  
facere plurimum ad mo-  
rum disciplinam.*




VENIAMODVM Principum socordia ad omnem morum corruptelam habenas laxat, ita eorum seueritas quamuis effrænem & insolescentem naturam coercet, & continet in officio. Propterea Plato libris de legibus grauius commendat ijs qui cum imperio sunt, ut primam operam ponant in fontibus puniendis. Et Aristoteles libro 10. Ethicorum capite ultimo. Si verba ad reddendos homines, inquit, probos sufficerent, multas sanè & magnas mercedes, ut inquit Theognes, afferent, oportetque ea comparare. Sed videntur quidem posse liberales adolescentes hortari, atque inuitari, moresque eorum ex virtute sibi obnoxios generosos, ac veræ honestatis studiosos reddere, at plerisque ad probitatem prouocare non posse; non enim pudori sed timori obedire; neque abstinere à malis ob dedecus, sed ob poenam consueuerunt. Nam cum ex affectu viuunt, proprias voluptates, atque ea, ex quibus existunt, persequuntur, doloresque oppositos fugiunt: eius autem quod honestum, ac verè iucundum est, cum id prorsus non gustauerint, ne notionem quidem ullam habent. Eos igitur qui tales sunt ad moderationem traducere quæ oratio posset fieri enim nequit, aut facile non est, ut quæ ex diutino vfu moribus sunt præoccupata, verbis amoueamus, sed satis fortasse est, si quamuis omnia adfint, quibus probi effici videmur, euadere parti-



participes virtutis possimus. Fieri autem bonos alij natura, alij consuetudine, alij doctrina existimant. Ac quod ad naturam quidem attinet, in nobis non esse manifestum est, sed ex quadam diuina causa ijs, qui reuera fortunati sunt: Oratione verò, & doctrina videndum est, numquid non in omnibus vim habeant, sed opus sit, ut præculta auditoris animus sit ad rectè viuendum, & gaudendum, & odio prosequendum; non secus ac terra, quæ semen sit nutritura; non enim audiret orationem dehortantem, neque intelligeret, qui ex perturbatione viuunt. Qui autem ita affectus est, dissuaderi qui potest? non enim omnino rationi, sed vi cedere perturbatio videtur. Oportet igitur mores prius virtuti esse accommodatos, & ut honestatem diligant, & abhorreant turpitudinem. Ut autem à pueritia quis institutione recta ad virtutem instruat, difficile est, nisi sub talibus fuerit educatus: nam temperanter toleranterque viuere plerisque, & præsertim adolescentibus iucundum non est. Quocirca est opus ut educatio & studia constituta legibus sint: ita enim fiet, ut consuetudine tractata molesta esse desinant; Non satis tamen fortasse est, si quando adolescentibus sunt homines educationem rectam, & curam consequantur, sed cum in viros quoque adulti debeant ipsa hæc exercere, atque assuescere ad hæc etiam, & omnino ad omnem vitam opus legibus est: plerique enim necessitati potius quam rationibus, & multis quam honestati obediunt. Quapropter sunt qui leges latores censent inuitare ad virtutem, ac prouocare homines honestatis causa debere, eò quod probi ex consuetudine præcipue obtemperaturi sint; illis verò qui non parent, suntque natura inertiores, castigationes, & poenas irrogare; qui autem insanabiles sunt, prorsus exterminare: probum enim, & qui ad honestatum viuunt, rationi esse obediturum; prauam autem voluntatem appetentem, non secus ac iumentum dolore puniri.

Vides quantum legum, Principumque vel ignavia ad malum, vel sedulitate ad bonum homines inflammentur, qualem

qualem naturam nacti sint. Si hoc non vides, pudendam produs rerum ciuiliū, & publicarū imperitiā; si vides, agnosce in homine principatum etiam in sydera, siquidē sapiens dominabitur Astris. Define in nos agitare cælestes Leones, Tauros, Capricornos, Scorpiones, Vrsos. Fictis terriculamentis opponimus publicam potestatem, Consulū fasces, & secures, Regum sceptrā, & nudatos gladios, Principum satellitium. Vincentur autem ficta à veris, cederque volens nolens naturalis propensio potestati publicæ.



## CAPVT XXXIII.

*Conscientiam etiam obstare prauis corporis propensionibus.*



Nullus sit supplicij metus in ipso rationis lumine, ex qua omnis humana actio promanat magnum est aduersus corporis prauas propensiones virtutū praesidium, quod ut plarum faciamus, paulò altius repetendum est exordium. Sunt enim hominis propensiones quædam, quæ corpori insident, & ad res corporatas vergunt; quædam contra non ex corporis temperamento, neque ex syderum afflatu, sed ex animorum nostrorum natura ortum habent, quæ nihil humile, aut abiectum spectant, sed in sublime feruntur. Sicut enim animus noster extrinsecus aduenit corpori, auctore etiam Aristotele, ita desert secum proprietates, & facultates quasdam à corpore alienas: quarum tam valida, & vehemens est natura, ut corporum propensiones sæpenuerò vincat, frangatque eius petulantiam, aut certè labefactent plurimum. Huius generis sunt semina illa virtutum, quæ humanis mentibus insita sunt sine vlla disciplina, quæ animorum propensiones ad honestatē, licet dum inualescunt affectus, dum corporales appetitiones

K

nes



nes insolescunt, tardiores, ac debiliores sint, cum tamen deferbuere perturbationes, & corporales motus subsiderunt, ubi animus sibi redditus est, obijcit sese nobis etiam nolentibus lux quædam, & species honestatis, quæ ubi ratio tanquam postliminio in locum vnde deiecta fuerat, redit, sanioris consilij selementem facit: ita ut nefarium quemlibet, licet oblucente corporis temperamento, ac peccandi libidine, à facinorosis actionibus reuocet. Hinc angores, qui peccantem excruciant, hinc suffusus rubor, & pudor, hinc seipsum increpantis poenitentia, hinc admissi sceleris occultatio, hinc permolesta ante actæ vitæ recordatio.

Quod si homines, inquit Marcus Tullius libro 1. de legibus, ab iniuria poena, non natura arcere deberet, quænam sollicitudo vexaret impios sublato suppliciorum metu? quorum tamen nemo tam audax unquam fuit, quin aut abnueret à se commissum esse facinus, aut iusti sui doloris causam aliquam fingeret, defensionemque à facinoris natura, iure aliquo quæreret. Quæ si appellare audent impij, quo tandem studio colentur à bonis? Quod si poena, si metus supplicij, non ipsa turpitudine deterret ab iniuriola, facinorosaque vita; nemo est in ultus, ac incauti potius habendi sunt improbi. Tum autem qui non ipso honesto mouemur, ut boni viri sumus, sed utilitate aliqua, aut fructu, callidi sumus, non boni. Nam quid faciet is homo in tenebris, qui nihil timet nisi testem, vel iudicem? quid in deserto loco nactus, quem multo auro spoliare possit, imbecillem, atque solum? Noster quidem hic natura iustus vir, ac bonus, etiam colloquatur, iuuabit, in viam deducet; is verò, qui nihil alterius causa facit, & meretur suis commodis omnia, videtis, credo, quid sit acturus.

Pleni sunt Philosophorum, Oratorum, Poëtarum libri conscientiae angoribus, qui nefarios homines diu, noctuque exedunt.

Iuuenalis satyra 13.

Cur tamen hos tu  
Enasse putes. quos dixi, conſcia facti

Mens habet attonitos, & surdo verberare cedit,  
Occultum quatiente animo tortore flagellum?  
Poena autem vehemens, ac multo sanior illis,  
Quas & Caditius grauis inuenit, aut Rhadamenchus.


Nocte, dieque suum gestare in pectore testem.

Statius libro 3. Ithebaidos.

Inuigilant animo, scelerisque parati  
Supplicium exercent cura, tunc plurima  
versat

Pessimus in dubijs timor.

Cum itaque & animo, & corpori insint propensiones, & vires, & impellant illæ huc, hæc illuc propendeant; vincat autem sæpe recta ratio, diuinis præsertim firmata præsidij; quale tandem Astrologus habet vaticinium, quod capiat ex temperamento corporis? Fidit corporeis cupiditatibus: quid si animus præualeat? omnia sine dubio aberrant Astrologica instrumenta. At si conscientia vocem non audiunt omnes, audiunt tamen plurimij; si non audiunt ubique, at alicubi; si non quouis tempore, aliquando tamen, & quidem frequenter, & ut plurimum; si non in leuibus, at in valde facinorosis. Itaque cum ab ijs, quæ suapte natura placerent, absterreat conscientia, incertum sine dubio, & mendax fit omne iudicium, quod ex sola corporis constitutione desumitur.



## CAPVT XXXIV.

Multi prætereà cause, quæ  
efficiunt, ne quis sequatur  
syderum impulsus.



VI D ego loquar de parentum, liberorum, fratrum, sororum, propinquorum omnium charitate? Quam multa in horum gratiam gerimus, aut patimur, ab ijs moribus, & studijs, quæ nascendo



scendo hausimus, abhorrentia? Quid de coniugibus, quorum primam esse societatem, & generis humani conservatricem scribit Aristoteles in Oeconomicis? Quam innumerabilia sunt, quae quotidie coniux coniugi praestat officia aliena ab ijs, in quae natura fertur sua, cum unus alteri placere praecipiat, sibi displicere necessarii cogitur. Pleni sunt Platonis dialogi, Lysis, & Coniuium, Aristotelis Ethicorum libri duo, 8. & 9. Laelius Ciceronis eorum, quae amici in gratiam amicorum faciunt, aduersante, & renitente natura. Quid non amicus amici gratia facit, ac molitur! profunditopes, honores, vitam, cuius amor videtur maximus. Nec minus studium societatis aduersatur priuatis commodis, nam si articulus aliquis incidat, quo quis vel suae patriae euerfionem pati, vel ijs, quae priuatim appetit, carere oporteat, nullum reperies, nisi perditissimum, qui patriae salutem suis rationibus non anteponat; sicut pars quaelibet agente natura pro totius incolumitate se vulnerandam exponit. quod accurate disputat, ut reliqua Arist. lib. 9. Ethicorum, cap. 8. & S. Thomas, 1. 2. quæst. 109. art. 3. 2. 2. quæst. 16. art. 3.

Vitæ quoque amor syderali impulsui obstat non raro. Quas non subimus acerbitates, quem lapidem non mouemus, quibus rebus quamquam nostro genio consentaneis, non remittimus nuncium, ut salutis expediendae vias, ac rationem aliquam ineamus? Nihil hic sibi vendicant Astra: nam quocunque caelo nati, quacunque radiante stella geniti homines experimur hoc vitæ tuendae studiū, & propensionem. vnumquodque natura determinatum est ad tuendum se ipsum, idque adeo naturale putatur, ut nemo expetere queat non esse. quam ob rem Arist. lib. 9. Ethic. cap. 8. non dubitauit asserere amorem sui esse principium ceterarum omnium appetitionum, modumque illis facere vniuersis.

Vnum aliquod membrū ita diligimus aliquando, ut illi æquari posse puremus nihil. Adrianus Imperator, inquit Galenus libro de curandis animi morbis, cum Sylio serui oculū vulnerasset, atque eruis-

set, ac post illum vidisset ex eo vulnere factum vniculum, ad se vocauit, fecitque ei potestatem, ut pro illa calamitate munus à se peteret aliquod. Cum autem ille miser taceret, Rurhus hortatus est Adrianus, ut quidquid vellet, peteret; ille negauit se aliud quidpiam petere; optare verò se oculum, quem amiserat. Enimverò quod tandem munus inueniri posset, quo oculus rependatur? Rectè Iulius consuleus lex hac, si quadrupes pauperiem fecisse dicatur, & l. cum liberi. ff. de ijs, qui deiecerunt, vel effuderunt; cicatricum, & deformitatis dicit nullam fieri estimationem; quia liberum corpus nullam recipit estimationem. Quare melior Theologorum pars, quos citat noster Leonardus Lessius lib. 2. de iustitia, & iure, cap. 9. dubio 13. docet bona corporis non posse bonis externis compensari.

Honoris præterea, & gloriae appetentiam ad res agendas maximum esse calcas, tradit Aristoteles lib. 4. Ethicorum, cap. 3. & 4. lib. 2. Rhetoricorum cap. 15. Plutarchus libro de liberis educandis, Plato in Memnone, & in Alcibiade, primo. Hinc illud:

*Excitat auditor studium, laudatque virtus*

*Crescit, & immensum gloria calcas labor.*

Quos labores, quae pericula, quas contentiones, suae naturae licet dissentaneas non subit gloriae cupidus? Neque verò hanc ipsam cupiditatem stellarum sementem esse iactans Genethliaci: nam commune omnibus est studium honoris, & animis ipsis insitum, non corporibus. Quam multos ignominiae metus auocat à libidinibus, à furtis, ab iniurijs, à vindicta, à latrocinio, à stupro, ad quae procliues in primis erant? Pone tibi ob oculos quemcumque velis ex ijs, quos sub missimo sydere genitos aunt Astrologi, lacesse hunc probro, aut verbere; experiri an exardescat. Cur ita? quia studium honoris tuendi, consignatum est animo, nec vlla syderum vi deleri potest, quia cupiditas honoris potentior est omni syderum lenitate.

Agedum, studium sciendi estne haustum è caelo? Omnes homines, inquit Aristoteles in proemio Metaphysices na-

K 2 tura



tura scire desiderant, quæcunque nimirum nanciscantur Astra, quocunque orti fuerint sub coelo. Et quamvis sicut ingenium, ita & sciendi cupiditas non par sit in omnibus, voluptas tamen partem iam scientiæ maxima est, auctore Aristot. lib. 10. Ethicorum, cap. 6. 7. & 8. lib. 12. Metaph. text. 39. quæ non raro sapientem abstrahit ab ijs, ad quæ corporis propensio fertur: multos quidem fateor discendi labor deterret à studio sapientiæ; nullus tamen est, quem sciendi cupiditas non teneat. Varia sunt hominum studia, alios rerum coelestium contemplatio habet, alios Iurisprudencia, alios Mathematicæ disciplinæ, alios Comicorum fabulæ, alios Poëtarum flores, alios dicendi ars, omnes tamen stimulat aliqua sciendi cupiditas, & ad ea commoda contemnenda, quorum est natura appetentissima, impellit. Hæc cupiditas adeo in humano pectore exardescit aliquando, ut omnes propensiones alias absorbeat, clarescente iam passim Astrologorum ineptia, qui ex corporis constitutione omnia metiuntur, vel potius mentiuntur, quæ in hominum vitam cadunt.

Vis alia, quæ, ne quis procliuatatem corporis sequatur, impedimento sunt? Dabo Beatæ vitæ appetitionem, qua nihil communius, nihil minus syderali subiectum imperio, cuius tanta vis est, ut nihil suscipiamus agendum, nisi studio beatitatis. Vltimo nos agente fine ait Aristoteles primo Ethic. cap. 1. agimus, quid agimus. Constat autem nullam appetitionem venire posse in disceptatione cum vltimo fine, ergo frustrari oportet omnem aliam propensionem, quæ cum ea contendat, qua beatitudinem expetimus.

Audiui aliquem huius farinae hominem docentem, ea se re foelices opinari cunctos, ad quam vehementius ex Genethliaco propendit, cuius improba vox, & Christiano homine indigna alibi fortasse dabit meritas pœnas. hic naturam ipsam aduersam habet, quæ vnum omnium quæ in vnaquaque specie sunt, finem esse voluit, non varios pro singularum varietate. vnus est omnium finis æterna beatitudo apud eos, qui Christianam Religionem profitentur. Si Genethliaci propo-

situm habent alium vltimum finem, viderint ipsi quid de religione sentiant, quid de Christi verbis Ioannis 17. Hæc est vita æterna, ut cognoscant te Deum verum, & quem misisti Iesum Christum.

Addo experimento quotidiano compertum esse, plerisque homines, eam religionem sectamque profiteri, ad quam parentum cultu, & vsu appulsi sunt, sectas fere omnes vnum præstituerunt finem, animi ex corpore egressi beatitatem, quæ sicut est ab omni corporis concrectione seiuncta, ita est supra omnem propensionem corporis. Quis ergo ita desipiat, ut ex syderali propensione potius dicat homines finem sibi præstituerunt, quam ex animi naturali appetitione, ex rationis ductu, & sapientiæ placitis? Quod si perdit aliqui homines à Christiana religione defleunt, vel à verò hominis fine, nonne ad institutum cursum reuocantur cogitatione desertæ religionis, & rationis admonitu? id sanè non fieret, si vnusquisque illud vltimum finem sibi constitueret, ad quod syderali temperamento maximè propenderet: nisi vnus esset omnium finis, in quem opifex rerum nos condidit: quilibet enim suo fini adhæresceret, in quem syderum vis, & naturali temperatione corporis propellitur, nec alio auocari vlla ratione posset. nemo enim recedere potest ab eo, quod tanquam vltimum finem amplexus est, nisi amore alterius finis. Quare si id vniuscuiusque finis vltimus est, in quod corporis temperatio maximè propendet, aut inde recedere nequit, aut si illud deserere potest, non id solum esse vltimum finem, in quod natura maximè vergit, sed aliud etiam, cuius desiderio disceditur ab eo, in quod corporalis temperies sponte fertur. Quare in deligendo beatitudinis genere (si eligi potest vltimus finis, in quem ita natura humana fertur, ut ab eo recedere nequeat) rationis magisterium nos sequi potius, quam stellarum ductum, ita euidentis est, ut id qui non videt, ne stellas quidem, aut Solem ipsum videre possit.

Tandem, ne morosior sim, libertas ipsa, quam nullus inficiari potest, corporis propensiones ludificat, Astrologorumque prædictiones ridet effusè. Quid enim, licet



licet temperamento suo genioque maxime aduersum, non subit ac perfert vnusquisque ne redigatur in seruitutem? quot vrbium & gentium extremae clades, studio tuendae libertatis, idque sub omni coelo, & sub quauis potestate stellarum? Tantus est amor libertatis, vt quod placeat, maxime fiat, si impereur, ingratum; grauissimum verò quod vetatur, etiam si per se molestum sit; hinc illa:

*Cui peccare licet peccat minus, ipsa potestas  
Semina nequitiæ languidiora facit.*

*Nititur in vitis semper, cupimusq; negata,  
Sic interdictis imminet aeger aquis.*

Nec id ignorauit Seneca in Hercule Oethzo:

*Illicita amantur (inquit) excidit quidquid  
licet.*

Etiame hæc ex temperamento corporis? quomodo temperamentum se vertit in omnes partes? quomodo idem placet, quod paulò antè displicebat? quomodo nunc huc, nunc illuc propendet eadem temperatio corporis?

Quid quod aggredimur, ac molimur aliqua nonnunquam, nullo alio fine proposito, nemine suadente, nulla alia urgente causa, quam vt libertate nostra fruamur, & videamur omnia posse quæ volumus? Hinc illa S. Augustini querimonia lib. 2. Confess. c. 6. Quid ergo miser in te amauit ò furtum meum! ò facinus illud meum nocturnum sextidecimi anni ætatis meæ? non enim pulchrum eras, cum furti esses, aut verò aliquid es vt loquar ad te. Pulchra erant poma illa, quæ furati sumus, quoniam creatura tua erant, Pulcherrime omnium, Creator omnium, Deus bone, Deus summum bonum, & bonum verum meum, pulchra erant illa poma, sed non ipsa concupiuit anima mea miserabilis: erat enim mihi meliorum copia, illa autem decerpsi tantum, vt furarer, nam decerpta proiecti, epulari inde solam iniquitatem, qua lætabar fruens: Nam & si quid illorū pomorum intrauit in os meum, condimentum cibi facinus erat, & nunc Domine Deus meus, quæro quid me in furto delectauerit, & ecce species nulla est, non dico sicut in æquitate, atque prudentia, sed neque sicut in mente hominis, atque memoria, & sensi-

bus, & vegetante vita, neque sicut speciosa sunt sydera & decora locis suis, & terra & mare plena foetibus, qui succedunt nascendo decedentibus, non saltem vt est quædam defectiua species, & umbratica vitis fallentibus. Nam & superbia celsitudinem imitatur: cum tu sis super omnia Deus excelsus. Et ambitio quid nisi honores querit & gloriā; cum tu sis præ cunctis honorandus vnus, & gloriosus in æternum, Et sæuitia potestatum timeri vult: quis autè timendus nisi vnus Deus, cuius potestati eripi, aut subtrahi quid potest? quando, aut vbi, aut quo, aut à quo potest? Et blanditiæ lasciuientium amari volunt; sed neque blanditius est aliquid tua charitate, nec amatur quidquam salubrius, illa præ cunctis formosa & luminosa veritas tua. Et curiositas videtur affectare studium scientiæ: cum tu omnia summè noueris. Ignorantia quoque ipsa atque stultitia simplicitatis & innocentie nomine tegitur; quia te simplicius quidquam non reperitur. Quid te autem innocentius? Quandoquidem opera tua malis inimica sunt. Et ignauia quasi quietem appetit: quæ verò, quies certa præter Dominum? Luxuria satietatem, atque abundantiam se cupit vocari; tu autem es plenitudo, & indeficiens copia incorruptibilis suauitatis. Effusio liberalitatis obtendit umbram; sed bonorum omnium largitor effusissimus tu es. Auaritia multa possidere vult; & tu possides omnia. Inuidia de excellentia litigat; quid te excellentius? Ira vindictam querit; te iustius quis vindicat? Timor insolita & repentina exhorrescit rebus quæ amantur aduersantia, dum præcauet securitatis; tibi enim quid insolitum, quid repentinum, aut quis à te separat quod diligis, aut vbi nisi apud te firma securitas? Tristitia de rebus amissis tabescit, quibus se oblectabat cupiditas, quia ita sibi nolle, sicut tibi auferri nihil potest. Ita fornicatur anima cum auertitur abs te, & quatit extra te ea, quæ pura & liquida non inuenit nisi cum redit ad te, peruersè te imitantur omnes, qui longè se à te faciunt, & extollunt se aduersum te. Sed etiam si imitando indicant te Creatorem esse omnis creaturæ, & ideo non esse quo à te

K 3 omni,



omni modo recedatur. Quid ergo in illo furto ego dilexi? & in quo Dominum meum vel vitiosè atque peruersè imitatus sum? An libuit facere contra legem saltem fallacia, quia potentatui non poteram, ut mancā libertatem, captius imitaretur faciendo impunè, quod non liceret tenebrosa omnipotentiae similitudine.

Idem 12. de Ciuit. cap. 6. in finem. Si enim, inquit, aliqui duo æqualiter affecti animo, & corpore videant vnus corporis pulchritudinem, qua visa vnus eorū ad illicitè perfruendum moueatur; alter in voluntate pudica stabilis perseueret, quid putamus esse causæ, ut in illo fiat, & in illo non fiat voluntas mala, quæ illam res effecit in quo facta est? neque enim pulchritudo illa corporis; nam eam non fecit in ambobus, quandoquidem amborum nō dispariliter occurrit aspectibus; An caro intuentis in causa est, cur non & illius? An verò animus, cur non vtriusque? ambos enim & animo & corpore æqualiter affectos fuisse prædiximus. An dicendum est alterum eorum occultā maligni spiritus suggestionē tentatum, quasi non eidem suggestioni & qualicūque suasioni propria voluntate consenserit. Hanc igitur consensionem, hanc malam, quam malè suadenti adhibuit voluntatē, quæ in eo fecerit res quærimus. Nam ut hoc quoque impedimentum ab illa quæstione tollatur, si eadem tentatione ambo tententur, ut vnus ei cedat, atque consentiat, alter idem qui fuerat perseueret, quid aliud apparet, nisi vnum voluisse, alterum noluisse à castitate deficere? Vnde, nisi propria voluntate, vbi eadem fuerat in vtroque animi, & corporis affectio? Amborum oculis pariter visa est eadem pulchritudo, ambobus pariter institit occulta tentatio? Propriam igitur in vno eorum voluntatem malam quæ res fecerit scire volentibus, si bene intuentur, nihil occurrit; si enim dixerimus quod ipse eam fecerit; quid erat ipse ante voluntatem malam, nisi natura bona cuius auctor Deus, qui est incommutabile bonum? Qui ergo dicit eum, qui consentit tentanti atque suadenti, cui non consensit alius, ad illicitè vtendum pulchro corpore quod videndum am-

bobus pariter affuit, cum ante illam visionem ac tentationem similes ambo animo, & corpore fuerint: ipsam sibi fecisse voluntatem malam, qui bonus vtique ante voluntatem malam fuerit; quærat cur eam fecerit vtrū, quia natura est, an quia ex nihilo facta est: & inueniet voluntatem malam non ex eo esse incipere, quia natura est; sed ex eo, quod de nihilo natura facta est. Nam si natura causa est malæ voluntatis, quid aliud cogimur dicere nisi à bono fieri malum? & à bono esse causam mali, si quidem à natura bona fit voluntas mala? quod vnde fieri potest, ut voluntas bona siue natura bona quamuis mutabilis ante quam habeat voluntatem malam, faciat aliquid mali, hoc est, ipsam voluntatem malā? Hæc ille.


Atque hæc Astrologorum præfagia ex constitutione corporum è stellis deducta, euidentissimæ vanitatis conuincunt. Si enim nulla est in temperamento corporis causa appetitionum voluntatis, omnia autem quæ agimus voluntate imperante agimus, euauerunt omnes Mathematicorum prædictiones. Rectè quidem Carneades apud Tullium libro de fato, ne Apollinem quidem futura posse dicere, nisi ea quorum causas natura continet. Quomodo igitur Astrologus spectans corporis temperamentum videre potest quid agitur animo? Quomodo in corporis constitutione videt ea quæ nullo temperamento continentur, sed liberis fiunt voluntatibus?

Sed audiamus M. Tull. libro de fato. Similiter ad animorum motus voluntarios non est externa causa requirenda. Motus enim voluntarius eam naturam in se ipso continet, ut sit in nostra potestate, nobisq. pareat, nec id sine causa. eius enim rei causa ipsa natura est. Ex quo edificere possunt Astrologi motum voluntatis nō esse aliā causam, quam ipsam voluntatem.

Frustra tentas certis prædictionum legibus lubricum voluntatis arbitrium deuincire: si enim voluntas suspicari posset à cœlo sibi retia intendi, ne viueret ad cœli præscriptum, toto impetu in aduersa profili-ret, quid vrget? Protei caput vertet se continuò in leonem, in aprum, in draconem, in ignem, in quercum.

I N





# IN ASTROLOGOS CONIECTORES LIBER QVARTVS.

*Quo Astrologia Astrologicis conclusionibus exagitur.*



## PROEMIUM.



AGNO illo concilio, quo Antiochus de inferendo Romanis bello cum suis ducibus egit, Hannibalis, qui ad eius fidem, ac praesidium post euerfas Carthaginis opes confugerat, una atque eadem semper sententia fuit, inquit Liuius, ut in Italia bellum gereretur, Italiam, & commeatus, & militem praebituram externo hosti: si nihil ibi moueatur, liceatque populo Romano viribus, & copijs Italiae extra Italiam bellum gerere, neque Regem, neque gentem ullam parem Romanis esse: sibi centum testas naues, sexdecim millia peditum, mille equites poposcit; ea se classe, primum Aphricam petiturum, magnopere confidere Carthaginenses ad rebellandum compelli posse; si illi cunctentur, se aliqua parte Italiae bellum excitaturum Romanis.


Atque haec, quae grauius Hannibal orauit, certissimis antea fuerat expertus euentis. Primum namque bellum Punicum, quod longè ab

K 4 Vrbe



Vrbe fuerat confectum, leuioribus Romanos, maximis Pœnos cladi-  
bus affligerat. At per initia secundi belli Punici, postquam suas Han-  
nibal copias in Italiam traiecit, multis exercitibus, multis Consuli-  
bus cæsis, cœperat res Romana ad extremum penè discrimen incli-  
nare.

Quorsum ista inquires? Aduersus Astrologos huc vsque pugnaui-  
mus, nec, vt opinamur, infelicitè, longè tamen ab vrbe, atque Arce  
Genethliaca per Medicorum, Philosophorumque regiones, multas  
quidem ex horum castris auxiliares copias in hostem eduximus, qui-  
bus, licet non inauspicatò dimicatum sit, & verò debellatam esse  
Genethliacam existimabunt non pauci. Verùm quoniam nondum  
cominus signa collata, nondum irruptio facta in urbem, nondum per-  
fractæ fores, nec demolitæ sunt arces; periculum est, ne hostes inue-  
teratam adhuc retineant opinionem de firmitate murorum, de vallo-  
rum præditijs, de opum amplitudine, de robore ciuium, de omni Ge-  
nethliacæ gentis intrumento militari. Quare in urbem ipsam arma  
ferenda sunt, in tures, in aggeres, in forum, in ætarium, in delubra;  
vt omnibus tandem patefeat, qualis hæc disciplina sit, quæ in abdi-  
tis nescio quibus Astrorum delubris hætenus delituit. euerendi enim  
sunt recessus, ac latibula, ad quæ se recipere solent Planetarij, cum  
nostris armis vrgentur; penetrandum ad ipsas secretiores tripodas,  
ex quibus oracula populis reddunt, vt artes omnes, fraudesque, ac  
doli, quibus hæc ars sustinetur, patefiant: aperiendæ cortinæ illæ  
quas Genethliaci obtendunt, quando populo responsa reddunt: ape-  
rienda arcana omnia, & mortalibus vniuersis exponenda; ne quem-  
quam in posterum imprudentem fallere possint. Minus hoc quàm  
cæteris libris laboris, ac studiij erit; aduersarij enim ipsi nobis mili-  
tabunt; ipsi ferent arma aduersus Astrologiam, ipsi in Genethliacam  
vineas, pluteosque agent: ipsi ministrabunt tela, quibus hæc bellua  
confodiatur; Cardanus contendet cum Ptolemæo de motu So-  
lis, de anni longitudine, de motu Lunæ, grauissimisque  
Astrologiæ principijs; cum Cardano decertabit Bel-  
lantius; cum Bellantio Gauricus; cum Gaurico  
Cyprianus Leouitius; cum Cypriano Syx-  
tus ab Hemminga, duces cum duci-  
bus concurrent, nobis etiam  
cessantibus conficietur  
bellum, dilucescet  
veritas.



CAPVT



## CAPVT PRIMVM.

*Quæ sint Astrogiæ firmamenta.*


**H**VIVS disciplinæ firmamenta primaria duo sunt. Experimentum, & ratio. Et quamquam rationibus Astrologi cōfidunt parum, gloriantur tamen insolēter experimentis. Quare, vt iugulum causæ petatur, ab his ducemus initium; quorum examen anceps sanè, & lubricum videtur: propterea quod aduersis utrinque certatur exemplis. Proferunt Astrologi, Cardanus in primis, exempla non pauca verarum prædictionum, quæ & priscis experimentis fidem conciliant, & in posterum benè prædicendi spem faciunt non exiguam. Nos vicissim obijcimus innumerabilium rerum euentus longè alios ab eo, quod Astrologi præsignificauerunt; vt Ioannes Marlianus apud Cardanum ad librum primum Ptolemæi, de Iudicijs, l. 13. asseuerare non dubitavit, eum, qui diuinare velit, oportere contraria prædicere ijs, quæ aut pollicentur, aut minantur Astrologi. Quàm multa, inquit Tullius libro secundo, de Diuinatione, ego Pompeio, quàm multa Crasso, quàm multa huic ipsi Cæsari à Chaldaeis dicta memini. Neminem eorum, nisi senectute, nisi domi, nisi cū claritate esse moriturum. vt mihi permittum videatur, quenquam exstare, qui etiam nunc credat ijs, quorum prædicta quotidie videat re, & euentis refelli. Quare cū aliqua veræ, innumera falsæ diuinationis exempla proferantur, experimentis acriter utrimque certatur, & Astrologi quidem ve-

ras prædictiones proficisci contendunt ex suæ artis, & dogmatum veritate; falsas verò non ex artis vitio, sed ex incuria, vel imperitia Astrologorū, qui quoniam paucissimi sunt, quales oportet esse, idcirco infamia ars ipsa apud multos laborat, creberrimique illi obijciuntur errores. Alij contra Astrologorum ignauiam, & incitiam, & agnoscunt, & profitentur libenter, sed addunt præterea, artem ipsam inanem esse, nec vllis constare posse præceptis. Horum nos sententiæ euidentissima veritate coacti subscribimus; nihil enim in tota hac arte inuenimus, quod non sit commentitium, & pro arbitrio constitum. Quare ostendendum est, nulla esse huius artis satis præuisa, aut explorata principia, sed diligentissimum quemque Astrologorum, & artis obseruantissimum oportere labi, & decipi, vt plurimum. Si quando verò (quod rarò contingit) ad veritatem dirigitur, id referendum esse ad humanas coniecturas, ad fortuitum aliquem euentum (nam & Zingari, inter multa quæ mentiuntur, aliquid diuinant) ad malorum dæmonum occultiorem afflatum, ad eorum vaftrum, fallaxque ingenium. Totus igitur huius causæ status positus est in peruestigandis causis, cur Astrologi benè nonnunquam, perperam verò quotidie prædicant, cuius rei duas esse causas ostendimus, Astrologorum imperitiam, Astrologiæ vanitatem.



## CAPVT II.

*Astrologorum imperitia.*

 T Astrologorum quidem imperitiā, non ab alijs quā ab Astrologis ipsis discere volumus; sanē vnaquæque disciplinæ rudes aliquos, & imperitos alumnos patitur, ipsa tamen apud ingenio præstantes, & solertes suam retinet dignitatem. Non fuerunt Philosophiæ probro Bernardini Thelesij deliramenta, quia illa in Aristotelis libris omnibus ornamentis splendescit: At Astrologiæ magistri, qui sunt, & familias ducunt, ipsorum etiam Astrologorum testimonio, grauissimè tenentur erroribus: Et in leuioribus quibusdam decipi nonnunquam, humanæ est imbecillitatis, at si probatum fuerit, Astrologorum Principes, & Antesignanos in primis ipsis principijs, è quibus omnis Genethliacæ disciplinæ ratio pendet, longius aberrasse, a vero, non solū declarata fuerit Astrologorum incuria, & vecordia, sed ipsius etiam Astrologiæ vanitas. Vnde porro sumemus tantæ rei principium? ab ipso Astrologiæ exordio. A Chaldeis igitur, & Egyptijs ad reliquas gentes Astrologiam defluxisse omnibus comperit, & exploratum est. Chaldaeos verò, & Egyptios in obseruatione stellarum, in metiendis earum motibus, in dispositione tabularum, in constituendo anni spatio, alijsque pluribus, quibus præsentationes Astrologiæ, & experimenta, quæ hanc artem pepererunt, innituntur, deceptos fuisse, & Ptolemæus, & Albumazar, & Alchibitius, & Cardanus, & Alphonsinæ tabulæ, & Astrologorum ratio vniuersa, & recipit, & proficitur. Ab his quot profeminati postea fuerint errores, difficile est assequi coniectura.

Astrologi omnes Principe Claudio

Ptolemæo Alexandrino gloriantur, eiq., Astrologiam ipsam acceptam referunt quem lapsum sapias constat, & circa Astrologiæ principia, quibus ars omnis continetur, deerrasse in confesso est. Nā permutatione absidum auctore Cardano Sect. 1. Aphor. 37. Regna, & regiones, & religiones mutantur. Errores Ptolemæi de Solis abside describit idem Cardanus libro de restitutione temporum, & motuum cœlestium cap. 6. Præterea Astrologiam constare scientia motuum cœlestium exquisita, docet idem Card. sect. 1. Aphor. 33. At errationes manifestas Ptolemæi circa motum Lunæ, Martis, Saturni, leges apud Card. lib. de restitutione temporum, & motuum, c. 7. & 8. vt mirum omnino sit, esse vllum Astrologorum, qui Astrologicas sanctiones, & præcepta veterum experimentis confirmata esse asserat; cum constet veterum obseruationes longè diuersas esse ab ijs, quæ nunc emendato syderum cursu, sub alia astrorum constitutione contingunt. Denique sect. 1. Aphor. 71. hæc de Ptolemæo habet Card. Quatuor sunt, ex quibus contingit errare, falsa ratio, falsa computatio, falsa obseruatio, falsa temporum enumeratio, his duobus vltimis Ptolemæus errauit, aut altero eorum.

Proximum à Ptolemæo locum obtinuit Albumazar; quippè qui, & magnarum reuolutionum auctor fuit, de quibus infra; & primus Saturnias reuolutiones inuenit; multaque alia addidit, quibus labatē Genethliacam sustinuit, quemque ipsi Ptolemæo prælatum suo tempore scribit Albertus Pighius Campanensis Astrologus Parisiensis in Astrologica defensione, aduersus Gasp. Laerth. Albumazaris autem grauissimos errores describit idem Albertus loco citato, his verbis: Vt paulò, inquit, euidentius faciamus, quā ingeniosè hi Astrologentur, qui per magnos hos orbes nobis prædicere conantur euentus mundanos, paulò altius exordiendum est. Finxerunt quemlibet ex planetis, & vnumquodque item signorū mundi imperium tenere annis 360. quibus exactis nouum aiunt incipere orbem magnum, cui



cui & planeta priori proximus, & signum quod deinceps hæret signo priori, pariter præfunt; atque ita qualis prædominantis syderis, atque signi natura est, talia euenire in eo annorum spatio: quanquã nemo ex his ita deliret, vt particulares euentus, & maximè, quæ per singulos dies sunt, æreas mutationes putet ex his orbibus pendere. Sed hæc quã fabulosa, quã obrutissimis etiam ingenijs conficta, ex eo patet, &c. Tam foede, & tam frequenter lapsus est Albu mazar, vt recentiores omnes profiteantur fabulosam eius esse disciplinã, quod videre licet apud Cardanum, lib. de iudicijs geniturarum, cap. 26.

Iulium quoque Firmicum, qui Genethliacam octo libris complexus est, fabulari scribit Cardanus libro de iudicijs geniturarum, capite sexto, quod est de significatis reuolutionum, & modo iudicandi ex propria sententia, libro de restitutione temporum, & motuum cœlestium, cap. 11. Firmicum alucinatum esse grauissimè confirmat. Idè ad librum primum Ptol. l. 14. cum acriter reprehendisset Astrologos, qui ex leuissimis signis captant euentuum coniecturas, quod familiarissimum, inquit, est Iulio Firmico; is enim ex minimis causis, atque configurationibus, putat accessu Lunæ plenæ ad Iouem, Prouincias, & administrationes, Regna etiam decernit, nescio an impudentius, an stolidius. Hæc ille. Et verò, vt si vlla alia digna hæc est Astrologi commendatio.

Ipsam denique Cardanum, qui Astrologiæ reparator, & amplificator haberi vult lib. de iudicijs geniturarum, c. 26. libro de reuolutionibus, cap. 1. ad prima principia artis offendisse contendunt alij ferè omnes. Neque ipse obscure producit miscitiam suam, lib. centum geniturarum, Gen. 19. qui in suo horoscopo triginta annis se laborasse affirmat. Rursus ibidè titulo de parentibus hæc artem à nemine cumulare tradi, à nemine addisci pro dignitate scribit, lib. de iudicijs geniturarum, cap. 21. nullam docet esse vim eclipsidis, vel solis, vel Lunæ. Alberus Pighius Campensis, in apologia illa

Astrologica aduersus suæ ætatis Genethliacos p. 2. docet defectiones Solares, & Lunares principes exercere vires in res inferiores, idque grauissimo Ptolemæi libro 2. Apotelesmatum cap. 4. testimonio confirmat, cuius hæc sunt verba. Sol, & Luna rebus inferioribus præfident, & cæterorum ubiq. principes habentur, suntque totius operis etiã causæ, veluti & prædominii stellarum, & prædominantium, tum fortitudinis, tum imbecillitatis, &c. Cæterum ad intelligendum Cardani peritiam, satis fuerit legere, quæ lib. de restitutione temporum, & motuum cœlestium cap. 11. scribit: Honores, inquit, & diuitias, & quodcunque labile est, & vna hora abduci potest, hominibus quidem non paruam, pariunt admirationem, verum causas vix vllas habent cœlestes; nisi maxima hæc sint, & incomparabilia. Quamobrem si de euentibus fortunæ quis iudicauerit ex genitura tantum, non secus, ac sortilegus ex interrogatione pronuntiabit, &c. Idem verò libro de genituris, cap. 1. nihil frequentius, aut magis affirmatè ex stellis pollicetur quàm opes, & honores: & cap. 10. eiusdem libri, totus est in opibus, & diuitijs prædicendis. Denique inscitiam Cardani quadringentis, & amplius exercitationibus complexus est Iulius Cæsar Scaliger.

Cyprianus Leou. in quest. de vita, nullã contendit habere vim directiones Solis, aut Lunæ: in deligendo Domino genituræ recedit à cæteris omnibus: in alijs plurimis aliter atque alij decernit. fatendum itaque est, aut Leouitium, aut cæteros omnes Genethliacos ignorasse artem, quam professi sunt.

Vtinam paucorum hic ignoratiæ morbus esset. Vtinam non esset ex epidemijs, communis omni Astrologorum genti. Cardanus sanè Astrologus & patronus sectio. 3. Aphor. 155. Astrologi, inquit, vt diuinatores, pessimi homines sunt, deceptores, ac malorum morum; Philosophi naturales, veritatis studiosi, ac probi, ob hæc Astrologus tantum verax est, ac probus, quantum in sua diuinatione adhæret principijs Philosophiæ naturalis. Et libro de restitutione temporum



porum, & motuum coelestium cap. 11. omnes qui ante se hanc artem exercere, maxima stellarum fixarum inscitiam laborasse contendit, & cap. 9. & 10. Vterum omnium inscitiam castigat, quos Lunæ, Saturni, Martis motus transuersus egit, & lib. de Iudicijs, cap. 27. Vterque omnes in constituendis finibus alucinatos esse contendit. Quæ libro de reuolutionibus tradidit tunc ait esse momenti, ut sine illis nihil possit ex genituris sumi coniecturæ, eaque à se reperiata, & obseruata, antiquis fuisse ignorata penitus. Idem sect. 1. Aphorism. 33. Manifestum, inquit, est Astrologiam constare ex scientia motuum exquisita, & naturali philosophia, quorum neutrum cum plerique habeant, & verumque ante hæc, nemo habuerit, nihil mirum est, infamiam arti prædecessores nostros addidisse. Magnum omnino testimonium! Ante Cardani ergo tempora nulla fuit Astrologia, sed si quæ fuit, mentita quædā larua fuit, nō vera Astrologia. Et affirmant adhuc artem hanc, vetustate, & diuturnis experimentis esse robustam. Rursus idem libro de Iudicijs geniturarum, capite vigesimo sexto. Ex hoc patet causa cur ante nos nemo de his quidquam rectè pronunciauit; est enim laboriosa valde, & ipsi volunt leui laborem ingentem perficere. Ex hoc etiam patet causa, cur tot inuenerint nugæ, partes, facies, monomerias, quia non poterant tot rebus, quæ homini eueniunt, sibi solum septem planetarum satisfacere; vnde hæc figmenta inuenerunt, &c. Vnde nosti, Cardane, hæc solum esse conficta, non ea etiam, quæ ipse capite sexto tradis ex propria sententia, quæque libro toto de reuolutionibus, cum magna causarum inopia labores, primus inuexisti? Vnde nosti commentitias esse partes, facies, monomerias, domos vero coelestes, stellarum gaudia, familiaritates, domicilia, ducatus, fines, & terminos, antisicia, auditum, quibus vniuersa Astrologia referta est non esse somniantium ludibria? Denique sect. 4. Aphorism. 141. Causa, inquit, quod mille nugæ inuenerint Ptolemæo posteriores, fixas autem reliquerint, fuit, quod pluri-

mi ex his ex Grammatica translatis, artem penitus ignorauerunt, ut Firmicus, Albumazar, Alubater, Bonatus, atque Pontanus, &c. Et Aphorism. 145. Antiqui, ait, huius artis scriptores adeo oscitanter, ac ludibrio artem hanc tractauerunt, ut in eorum libris exempla inuenias, quæ syderum lex non admittit, vnde non solum illos fugere decet, sed qui eorum libris inniti se fingunt, artem ignorant, & plerique eorum sycophantæ sūt. Hæc Cardanus de veterum Astrologia, de Astrologis sui temporis, ita scribit Albertus Pighius libro supra citato, parte prima initio. Ut quàm breuissimè ostendamus, inquit, quæ sunt in dies annorum prognostica minimè Astrologica esse, sed meracissimas esse nugæ, operæpretium erit venire ad fundamenta eorundem, ut cum ea monstrauerimus inania esse, nec Astrologiam quidquam in eis recognoscere de suo, commonstratum sit id, quod proposuimus. Inuenimus itaque vulgatam horum omnium prognosticationum viam esse ex coeli themate in Solis introitu in punctum verni æquinoctij, quod esse autumat, cum Sol numeratur in tabulis in principio Arietis, hic anni dominum constituunt, qui in themate vires obtinet pollentiores: hinc bella: hinc paces prædicunt: hinc caritatem rerum omnium, fertilitates, pestes, atque infirmitates, tam horrendas nobis comminatur, ex statu videlicet domini anni, & planetarum in ea coelesti figura, & in omnibus his supponunt semper deuolutionem magnorum orbium, Saturnias deuolutiones, directiones, perfectionesque à minimis, medijsque coniunctionibus. Hæc trita est via, & Albumazaris, cæterorumque Punicorum doctrina, quorum fabulis omnes hi ad vnum sunt instituti, quorum vnus ex his, cuius nomen est apud Gallos celebre, & primus, præcipuusque Astrologus habetur Gaspar Laeth Physicus Antuerpiensis.

Hæc Albertus Pighius de inscitiam Astrologorum sui temporis, cui licuit eadem de re integrum librum conscribere, & luce clarius ostendere Genethlicos ex Alphonsuarum tabularum principijs



cipijs in temporibus æquinoctiorum, vernorum, & solstitiorum, plus quàm quinque diebus aberrare. Sed felicior hac in re fuit Gaspar Laeth, qui deprehendit Astrologum quendam duobus mēfibus, & vno die errasse in hyberno solstitio assignando. Sed quid Ptolemæus de suæ ætatis Genethliacis, lib. 1. de Iudicijs, cap. 2. dicat, audiamus. Primum quidem, inquit, intelligendum, multa errata eorum, qui parum accuratè in re magnæ, & multiplicis considerationis versantur, derogare fidem scientiæ; & facere, vt fortuita videantur, etiam quæ veritatem complectuntur. Quod non rectè fit; nam hæc imbecillitas non est artis, sed professorum. Præterea bona pars quæstus causa huius scientiæ nomen, & dignitatem alijs artibus vaticinatricibus prætereundis consueuerunt, qui, cum fidem apud vulgus inuenerint, illis quidem imponunt, cum videantur prædicere plurima, atque ea quoque, quibus nulla naturalis ratio subest. Si hæc à Pico Mirandulano Astrologiæ osore, vel à Sexto Empirico scientiarum hoste dicerentur, iure hæc ars odium testium, & infensum animum excipere posset. Nunc verò cum Astrologi ipsi Astrologorum imperitiam prodant, quo tandem malo nostro fato, adhuc eis habemus fidem, quos suæ artis qualis qualis illa sit inscientissimos esse intelligimus, & pretio mercamur mendacia non exiguo.

Audiamus quibus instructum oporteat esse præsidij Astrologum, ne diuinet in incertum; inde enim planum fiet, nullum esse Astrologum, qui suæ artis inscientia non labore. Oportet, inquit Cardanus libro primo Ptolemæi de Iudicijs, text. 13. eum, qui vult hanc artem profiteri cum honore, & laude, vt has omnes conditiones habeat. Prima, vt sit valde ingeniosus: Secunda, vt sit valde memor: Tertia, vt sit prudens, & boni iudicij: Quarta, vt veritatem omnibus alijs præponat: Quinta, vt sit bonus Dialecticus: Sexta, vt sit bonus Philosophus naturalis: Septima, vt optimè polleat astrologum scientiam, quæ motus, & loca docet eorum: Octaua, vt sit bonus arithme-

ticus: Nona, vt clarissimos sui temporis viros audierit, & qui experimenta artis de se egregia, & admiranda ediderint; similiter vt operam ijs libris dederit, qui à clarissimis eius artis auctoribus conscripti fuerunt: Decima, vt sit assiduus in laboribus, & studijs, atque illi arti fermè totus intentus: Vndecima, vt diu, ac longo tempore operam dederit ipsi arti, multaque per se experimenta collegerit: Duodecima, vt agriculturæ, nauticæ, militaris, ac medicinæ artis, tum situs locorum, habitus hominum, morum illius regionis, legum, & religionis, consuetudinisque, & generaliter omnium rerum quandam habeat mediocrem cognitionem. Nam si Architecto hæc necessaria sunt, teste Vitruvio, qui de solis ædificijs tractat, & quæ tractat sub sensibus habet, quid de Astrologo dicendum est, cuius contemplatio est de omnibus, absque sensus auxilio. itaque quantum, & qualiter peccent, qui hanc artem tractant, & quàm pauci sint ad illam idonei, manifestum esse existimo, &c. Ecce quot, & quanta in Astrologo requirit Cardanus, quæ cum in nullo reperiantur omnia, vt idem testatur, omne Astrologorum genus in maxima suæ artis ignoratione versari necesse est.

Magis adhuc declarat Astrologorum inscientiam Cardanus eodem libro primo Ptolemæi de Iudicijs. text. 14. Similem, inquit, hunc errorem præcedenti docet Ptolemæus ex hoc, quod artificis errores in artem reiici non debent, verum dissimilem, quia præcedens error ad negligentiam, aut naturæ defectum pertinet; hic verò ad mores: nam lucri causa alias artes malas tractando, illas Astrologiæ velamine muniunt, quemadmodum Geomantici, qui primam figuram certo Signo tribuunt, vt gratia exempli, minori fortunæ Taurum, atque inde secundæ Geminos, & tertiæ Cancrum, & ita vsque ad duodecimam figuram, & similiter Planetas eis adscribunt impudentissimo mendacio; alij verò, quod natus sit in die Martis, vel Mercurij, Luna quinta, vel sexta, mense Octobri, gratia exempli, fabulosam texentes histo-

riam



riam de futuris Artem naturalem, & egregiam infamem reddunt; quidam nomen proprium, & matris in numeros digerunt, & numeris Planetas, & Signa abscribunt, mendacijs absurdis artem vituperantes; sunt & qui, cum non sint Mathematici, videri volunt, lucrique cupiditate artem profitentur, quam vix à limine salutarunt; velut de illo refert Haly, qui, quòd vellet egregius Astrologus videri, dixit quando cor Leonis (stella hæc est egregia signiferi) ad quintamdecimam partem Leonis peruenerit, quod mundus conflagraret, stultissimam hanc vocem audiens quispiam, ab eo, quem peritissimum in arte iudicarat, præsertim cum eo tempore, quo fortè fortuna maximè sæuiebat hyems, quis, inquit, non irrideat meritò artis tam egregiæ, & præclara iudicia? Neque id rarò euenit, vt rectè Petrus Aretinus scurra famosissimus, dixerit, Astrologos pulchrè prædixisse diluuium anno 1524. mense Februario, quo mense nullus vnquam serenior exiterit: neque enim Februario eo anno pluias dedit, vel etiam saltem nebulas, cum soleat reliquis annis pluuiosus mensis esse, atque id egregium vaticinium, è sex errantium syderum concursu (omnibus quippe, præter Lunam, quod mirum est, in Piscibus existentibus) ortum habuit. Tertium genus est eorum, qui, quæ præstari non possunt arte, per artem pollicentur, vnde ridiculi, cum euadant, ipsi arti infamiam tribuunt; veluti de quodam recitat Haly, qui in Marte secundo loco, volebat propriarum vestium furtum significari; cum neque hoc de furtis propriarum vestium ab Astrologo possit prædici, quippe nimis singulare est, nec si possit prædici, ex tam generali causa prædicere liceat. Igitur hæc supra artem sunt, quæ tamen lucri causa illi præstare pollicentur. Quartum genus est eorum, qui ob eiuldem lucri cupiditatem, res inanes confinxerunt, vt partes, & gradus lucidos, & puteales, aliaque multa, quæ non solum ab Arabibus, verùm neque à Guidone Bonato, atque conditoribus Ephemeridarum descripta sunt: atque his, & huiusmodi rationibus inter-


rogationes, atque electiones finxerunt, quibus pecunias corraderent. Vnde tecum existima, lector, qualem risum mouerint, qui vendita electione infœlicissimum illi exitum pepererunt, cum multi in eadem causa, nullo videntes Astrologico consilio, fœlicissimè rem peragant, atque vt ex multis vnum euidentis, atque præclari exitus exemplum referam hominis à me cogniti. Fuerat Princeps Mediolanensis prouinciæ, Ludouicus Sfortia, qui quæstuosum Astrologum, qui nihil minùs, quàm Astrologiam sciret (erat enim ex ijs, quos meritò Ptolemæus hic fugillat) aleret, eumque ditauerat egregiè centum, atque plus magnis auri talentis, ab hoc pro tanta mercede tempus pro vnoquoque negotio inchoando præscribatur, adeò ridiculè, vt sapientissimus alioquin Princeps cogereur tēpestatibus maximis equum conscendere, totamque aulicam cohortem, & stipatores per medios imbres, per coenium, atque lutum, tanquam hostes, vel insequutus, vel fugaturus deducere: nescio an Astrologi amentia, an ambitione summa, an potius irrisione, vt qui Principi ipsi talibus commentis per flagitium illuderet. Atque ei, quod nullis alijs prouinciæ nostræ Principibus euenit, vt Regno ab inimico Rege spoliatus, & captus, miserè vitam in carceribus, etiam colapho accepto, & inclatrata ferrea dormiens finierit. Vnaquæque enim ars, quanto nobilior est, tanto est perniciosior, si per sycophantas administretur. Quid enim sanctius Religione? Quid iniquius perditio Sacerdote? Quid melius Iurisprudencia? Quid deterius improbo Iuriconsulto? Medicina vtilissima est humano generi; venefici & ipsi titulo sanctissimæ artis pessima admittunt flagitia. Sextum genus hominum, qui eadem causa peccant, eorum est, qui seruientes Principibus, & magnis viris, vt pecuniam extorqueant, leuissima quæque, & quæ nullius propè sunt momenti, fœlicitatis indicia pro maximis, & securissimis ducunt, quod familiarissimum est Iulio Firmico: is enim ex max mis causis, atque configurationibus, putà accensione Lunæ plenæ luminis



minis ad fouem, Prouincias, & admini-  
strationes, & Regna decernit; nescio an  
impudentius, an stolidius; cum multi ta-  
lem habentes configurationem vomere  
terram vertant, aut in parua nauicula  
operam mensuram alijs locent. Ptole-  
maeus tamen primi generis tantum me-  
minit, tanquam notissimi. Hæc Carda-  
nus eo loco non minus vera, quam lu-  
culenta oratione.

Denique nullum omnino existere pos-  
se, qui hanc artem, vel cumulatè trade-  
re, vel planè addiscere queat, testatur  
Cardanus libro de genituris. Ideò scias,  
inquit, lector, quòd hæc sola ars est adeò  
sublimis, quòd, ut illa gemmariorum,  
nunquam planè tradi potest, sed præter  
ea, quæ scribuntur in hoc libro, indiget  
homo singulari quodam lumine, magna,  
& longa experientia, animo veritatis stu-  
diosissimo. Ipsi Astrologorum Principes,  
& Antistites suæ diffidunt artis, eiusque  
profiterentur imbecillitatem, noua quoti-  
die condunt præcepta, nouas tradunt  
obseruationes, damnatis prioribus, &  
receptis, nouos condunt canones, & le-  
ges, veterum improbatas placitis, & ad-  
huc apud mortales reperiunt fidem. Ne-  
mo ambigit, nec ambigere potest, Astro-  
logorum partem maximam esse suæ artis  
ignaram, immò omnes incredibili qua-  
dam rerum maximarum imperitia laborare,  
neque id ætatis nostræ Astrologorum  
virum esse, sed omnium temporum, nec  
vulgi solius, sed Principum etiam Astro-  
logorum, & non intelligimus nihil eos  
habere aliud venale, nisi impudentissi-  
ma mendacia. Nullus sanè Astrologo-  
rum est, qui Astrologis sui sæculi non  
obijciat onum, oscitantiam, inertiam,  
ignauiam, adulationem, quæstus cupi-  
ditatem. Id facit Ptolemæus, ut vidi-  
mus: id facit Iulius Firmicus: id facit  
Bellantius libro primo Apolog. aduer-  
sus Picum Mirandulanum: id facit Bo-  
narius passim: id facit Albertus Pighius:  
id facit Cardanus: id facit Augustinus  
Niphus: id facit Guaricus: id facit Cy-  
prianus Leouius: id facit Hieronymus  
Volphius libro de Astrologiæ vsu: id fa-  
cit Pontanus: id facit Iunstinus: Ut  
inconfessa omnibus res sit Astrologos

omnes artis, quam profitentur esse igna-  
ros.



## CAPVT III.

*Astrologorum fraudes.*

GENETHLIACI omnes non  
vulgo solum, sed probis etiam  
viris malè audiunt, vel quòd  
inanem, & temerariam profi-  
tentur scientiam, vel quòd mala fide,  
quod artis suæ est, exercent: quod &  
Ptolemæus libro primo, cap. 1. in Astro-  
logis sui sæculi, & alij in alijs suæ ætatis  
Genethliacis notarent: vel quòd inanem  
& futilem doctrinam mendacijs, & frau-  
dibus sustineant. Et sanè non bona fide  
Astrologos agere declarant abundè, quæ  
superiori capite ex eorum libris descri-  
psimus; subiiciemus tamen adhuc pau-  
ca quædam, quæ fraudulentum horum  
hominum ingenium ostendant.

Quare ut in vno omnium fraudes, &  
fallax ingenium spectetur, Iulius Firmi-  
cus, qui rerum omnium sublunarium,  
qui omnium humanarum actionum, qui  
totius vitæ nostræ rationes suspendit è  
stellis, de Imperatoris tamen vita, de  
Reipublicæ statu, à quibus Astrologorū  
fraudes, non solum detegi possunt, sed  
iusta etiam vindicari pœna, nihil è cœlo  
pronunciari posse affirmat. Caue, inquit  
libro secundo, cap. vltimo, ne quando  
de statu Reipublicæ, vel de vita Roma-  
ni Imperatoris aliquid interroganti res-  
pondeas: non enim oportet, nec licet,  
ut de statu Reipublicæ aliquid nefariæ  
curiositate dicamus; sed & sceleratus,  
arque omni animaduersione dignus est,  
si quis interrogatus de fato dixerit Impe-  
ratoris; quia nec dicere poteris de eo  
aliquid, nec inuenire: scire enim te con-  
uenit, quòd haruspices quotiescunque  
à priuatis interrogati de statu Impera-  
toris fuerint, & quærenti responderè  
voluerint, extra semper quæ ad hoc fue-  
rint



rint destinata, ac venarum ordines, inuoluta confusione conturbent; sed nec aliquis Mathematicus verum aliquid de fato Imperatoris definire poterit. Solus enim Imperator non stellarum subiacet curibus, & solus est, in cuius fato stellarum decernendi non habent potestatem: cum enim sit totius orbis Dominus, fatum eius Dei summi iudicio gubernatur. Et quia totius orbis terrarum spatium, Imperatoris subiacet potestatibus, et ipse in eorum deorum numero constitutus est, quæ ad faciendam, & conservandam omnia diuinitas statuit principalis. Hæc ratio, & haruspices turbat, quodcumque ab ijs invocatum fuerit nuntium, quia quæ minoris est potestatis, maioris potestatis, quæ est in Imperatore, non poterit explicare subtilitatem; cui enim omnia ingenia, omnes ordines, omnes diuites, omnes nobiles, omnes honores, omnes seruiunt potestates, diuini Numinis, & immortalis sortitus licentiæ potestatem, in principalibus ordinibus collocatur. Quare quicumque de Imperatore aliquid quæsierit, nolo ut eum truci, ac seuera responsione conturbes, sed ei docili sermone persuade, quod nullus possit de vita Imperatoris aliquid inuenire, ut persuasionibus tuis monitus coeptum furorem temeritatis, correcto mentis errore, deponat.

Multa hic despicere est, fraudulentum ingenium, adulatorium dedecus, disciplinam Principibus iniuriam, Reipublicæ perniciosam. Idem est Imperatorum, cæterorumque mortalium ortus, par conditio, cur nulla ex Astris capi potest de Imperatorum vita coniectura? nonne est militum Senatorumque numero legebatur Imperatores veteres Romani? cur negas licere de cælo quidque de Imperatoris vita præfagire, nisi quia intelligis huius artis vanitatem, timesque ne non liceat Imperatoribus, & rerum publicarum Moderatoribus impunè mentiri. Si quid in Genethliaca solidi esset, vel si non esset planè conficta, & commentitia præsentione futurorum maximè iuaret politicam administrationem, gubernationemque Reipublicæ. Ut nullum aut maius, aut firmitus argumentum huius artis vanitatem reuincat, quam quod regendæ Reipublicæ

qua in re præcipua eius partes esse deberent, nihil opis affert. Iam Astrologia quasi sympatio Negromantiam, Geomantiam, Piromantiam, aliasque secretiores dæmonum artes Mathematicos per summam fraudem occultare testatur Prolemæus libro primo, de Iudicijs, cap. 1. testatur Franciscus Iundtinus in Proemialibus, testatur Lucas Guaricus in Apologetico, testatur Cardanus in Aphorismis, obijcit S. August. obijcit Tertullianus, obijcit Origenes Adamantius, obijcit S. Ambrosius locis, quæ describemus libro quinto; adeoque hoc hominum genus fraudibus abundat, ut non inficere aliquis Genethliacam appellare officinarum emporium.

Nulla est genitura, in qua Astrologi non reperiant plures Directiones, Reuolutionesque irritas, & inanes. In genesi Henrici Secundi Gallorum Regis, Directio Medij cœli ad trigonum Iouis, anno ætatis 17. Directio Medij cœli ad sextilem Veneris anno ætatis 25. Lunæ, ad sextilem Veneris anno 37. Solis ad trigonum Iouis anno 40. In genesi Pauli Tertij Pontificis, Directio Medij cœli ad sextilem Veneris cum reuolutione Solis ad cor Leonis, & sextilem Iouis, & Lunæ, ad trigonum etiam Iouis anno ætatis 54. ferè completo. Nihil planè præstiterunt; per summam fraudem eas solum commemorant, quæ cum euentis congruunt. Nam in Genitura Henrici Gauricus, & Cardanus solum considerant Directionem Lunæ ad trigonum Iouis, quæ contigit anno ætatis 28. completo mense 3. die 26. quo, patre mortuo Regnum adeptus est. Et Ceresarius in Genitura Pauli Tertij non meminit, nisi Directionis Solis ad trigonum Mercurij, anno ætatis 66. quo Pontifex renunciatus fuit; ut nemo dubitare possit eos non bona fide agere, neque sincerè ea, quæ secundum artem sunt, exponere, sed occultando, quæ eorum vanitatem redarguere possent, dolis omnia, & fraudibus nescire.


Hieronymus Cardanus, vir in Astrologia Princeps, interrogatus de Edoardi Sexti Anglorum Regis genitura, his verbis respondit: Vita debilis omnino erit;



nd erit; nam luminaria infra terram sunt, & Venus, quæ in ascendente est, in foelix est. Ascendens ad Saturnum peruenit in annis 23. mensibus 9. diebus 22. & tunc animi, & corporis languorem patietur. Saturnus quoque ad Martis sextilem, in annis 34. mens. 5. diebus 20. & significat morbum in cute, & febrem leuem. Sed & ad Lunæ quadratum in annis 55. mens. 3. diebus 17. post quod tempus diuersis conflabitur morbis, & erit mors cum sanguinis profluvio, & seruire maximo.

Ceterum Edoardo mortuo ætatis suæ anno 16. eniuero fraudes, & imposturæ Cardani enitere. quare callidus, ac versipellis Planetarius, ut ex estimatione consuleret suæ, Epignosticon edidit de vita Edoardi Sexti Regis Anglorum, quo ostendit ex astrorum constitutione, & decretis illi migrandum necessarium esse vitæ fuisse anno ætatis 15. mens. 8. diebus 28. scilicet anno Domini 1553. die 6. Iulij. Sic ludunt Astrologi, nobisque suum faciunt.

Quibus fraudibus vsus sit Paris Cerefarius, magni nominis Astrologus, in celeberrimo varicinio de Pauli Tertij Pontificatu, scribit Cardanus lib. 2. Quadripartiti, cap. 14. & Sixtus ab Hemminga lib. Astrologiæ refutatæ, genitura 8.



## CAPVT IV.

*Astrologiæ Genitura.*

NUMERABILIVM annorum obseruationibus artem hanc collectam, & infinitis propemodum experimentis tempore immenso comprobatam, fuisse, scribunt Astrologi, & à Chaldaïs præsertim, & Ægyptijs obseruatâ, & significatione euentus animaduersam, & notaram: in patentibus enim campis, cum habitarent stellarum motus, vias, discessiones, & cœtus commodè obser-

uare potuerunt, cumq. ijsdem Signis antegressis easdem res, & eodẽ modo euenire animaduertentes, artem effecerunt.

Non erit igitur iniucundum, huius disciplinæ genesis excutere, & quæ de eius ortu scribuntur ridicula hoc loco percerere. Ita autem artẽ hanc à Chaldaïs notaram tradit Sextus Empiricus lib. 1. contra Mathematicos, cap. 21. Notu, inquit, sedebat Chaldaus in alto aliquo promontorio stellas spectans, alius autem assidebat parturienti, donec peperisset; cum primum autem peperisset, id significabat magistro, qui erat in promontorio; Is autem cum audisset, obseruabat ipse quoque Signum, quod oriebatur, tanquam horoscopus; interdum autem attendebat horoscopus, & motus Solis.

Rursus infra: Quando dicunt, inquit, quoddam qui parturienti assidet, disco partum significat. Chaldaus aspicienti stellas in promontorio, & ille cœlum aspiciens obseruat Signum, quod oritur; Primum quidem eis ostendemus, quoddam cum partus non sit definitus, sicut paulò ante monstrauimus, nec facile sit eum disco significare. Deinde esto posse cõprehendi partum, non tamen eius tempus potest perfectè adnotari; Accidit enim ut disci sonitus, qui potest longiori tempore sensui distribui, moueatur ad promontorium; Signum autem est huius id, quod cernitur in his, qui ligna secant in montibus; nam satis longo tempore postquam inflata est securis, exauditur ictus vocis, ut qui longiori tempore veniat ad eum, qui audit. Propterea non possunt Chaldaei perfectè sumere tempus signi exorientis, quod est horoscopus. Præterea nō solum post partum transit multum temporis, in quo emittitur sonus ab eo, qui assidet parturienti, ad eum, qui aspicit stellas: sed etiam interim dum sursum aspicit, & considerans examinat in quo signo sit Luna, & unaquæque stella, euadit diuersum, quod ad stellas attinet, thema motus mundi, qui perpetua circumagitur celeritate, priusquam horæ eius, qui natus est, obseruando affixerit, & accommodauerit ea, quæ cernuntur in cœlo. Et alioquin

L

hæc



hæc obseruatio noctu fortasse solet procedere Chaldaeis, quando cernuntur, quæ sunt in circulo zodiaco, & sunt manifestæ stellarum conformationes. Cû autem nascatur etiam nonnulli interdij, quando nihil potest adnotari eorum, quæ prius dicta sunt, sed solus Solis motus, si is quoque potest, dicendum est in quibusdam quidē posse procedere methodû Chaldaeorum, in quibusdam verò minime. Vide autem num etiam noctu non possint certas, & non errantes stellarum facere obseruationes; sæpē enim nubilo, & caliginosæ sunt noctes. Bene autem cum eis ageretur, si abiato omni huiusmodi prætextu, firmum aliquid, & stabile inuenirent in disciplina; tantum abest, ut possint inuenire, si sit aliquod impedimentum, ad perfectam, & absolutam celestium comprehensionem. Cû autem Chaldaeorum fragerimus, & abolerimus horoscopum, & paucis ostenderimus id non posse comprehendere tempore ortus, pergamus ad reliquam promissi partem, &c.

Hæc demum sunt accurata illa, & certissima experimenta, quibus hæc disciplina parca fuit: hæc scilicet illæ, & nunquam errantes obseruationes, quibus fuit Astrologia collecta: quàm incertis orta principiis, quàm ineptis notata hominibus, quàm rudibus, & crassis obseruationibus innixa, viderint alij; ego rationem referam, qua Zodiaci signa in minuta diuisere ij, qui hanc artem pepererunt apud eundem Sextum Empiricum lib. 1. cap. 21.

Nam cû non esset inquit certa animaduertendi, & inspiciendi ratio, quod non contemplarentur signa ex propria circumscriptione, sed septem dispersarum stellarum obseruatione, venit eis in mentem in duodecim partes totum diuidere circulum: Ostendentes autem viam, ac rationem, dicunt, quod cum veteres obseruassent vnâ quandam lucidam stellam, ex ijs, quæ sunt in circulo zodiaco, & deinde perforatam amphoram aqua implessent, siuerunt fluere in alterum vas subiectum, donec eadem stella oriretur, coniectantes ab eodem signo ad idem signum fuisse circuli circumuo-

lutionem. Rursus sumpserunt duodecimam partem eius, quod fluxit, & considerarunt quanto tempore hoc fluxerit, dicebant enim tanto rediisse duodecimam partem circuli, & eandem habere reuersam partem ad totum circulum, quantum habet pars aquæ, quæ fluxit ad totam aquam.

Ex hac relatione duodecimæ partis signabant vltimum finem ab aliqua insigni stella, quæ eo tempore spectabatur, aut ab aliqua ex ijs, quæ simul oriebantur magis Boreales, aut magis Australes. Hoc ipsum faciebant in alijs duodecim partibus, &c.

Sed non possumus prætermittere ea, quæ aduersus hæc Empyricus eodem loco scribit. Dicimus ergo inquit, quod non faciliè possunt inter se definiri, immodò ne possint quidem perfectè definiri partes signorum; & sit verisimile exortum signum nondum videri esse exortum: & contra nondum exortum videri exortum. Neque enim prius dicta hydriarum ratio potest aliquid Chaldaeis asserre adiumenti. Nam & ex aqua defluente, & ex ænis temperatione, fluxus est inæqualis tempore, ob ea, quæ fluxui obstitunt. Aquæ enim motionem verisimile est, esse dissimilem in principio, quando fuit pura, & postea quando est limosa, & fluens difficilior: Aëris autem temperationem est probabile, si sit quidem caliginosus, & paulò crassior, resistere effluxioni, eam quodammodo obstruendo; si sit autem clarus, & subtilis magis adiuuare. Porro autem ipsa quoque amphora non similiter fluet, si sit plena, & si sit inanis, aut si sit in eo, ut exinanietur: sed aliquando quidem celerius, aliquando verò tardius, aliquando verò mediocriter, cû celestis motus semper feratur pari celeritate. Quod est autem in omnibus præcipuum, vniuscuiusque signi non est corpus continuum, neque veluti cum præcedenti compactum, coniunctum est cû id sequitur, nullo interiecto spatio: sed constat è stellis dispersis, & quæ quædam intermedia, & discreta habent spatia, partim in medio, & partim in fine. Vnde cum partibus signorum

Zodia-



Zodiaci omnino describatur, necesse est, vt sit error in ijs, qui obseruant à terra; cum eos lateat occurrens interstitium, siue sit finis precedentis signi, siue initium ascendentis. Tumuli autem ex quibus stellæ aspiciuntur, non semper manent iidem: sed cum in parte diuersus sit, & mutetur mundus, aut imbrium inundationibus, aut terræ motibus, aut alijs huiusmodi casibus vexentur. Quo fit, vt ex eorum mutatione non sint eadem stellarum obseruationes, sed alia sit ex loco excelso aspicientibus obseruatio, alia verò ex humili. Et quod alijs est visum non omnino conspectum sit alijs. Astumi etiam hinc potest sensuum diuersitas; alij enim vident alijs acutius: & quo modo quod à nobis nondum videtur propter intervallum, hoc tanquam maximum comprehendunt aquilæ, & accipitres, propterea, quod sunt acuti visus: ita etiam quod iam oritur signum, & est in horoscopo potest quidem, qui non acutè videt Chaldæus, & qui est obtusi visus, si cum alio conferatur, ob longum intervallum opinari, quod nondum sit exortum. His autem addenda est tanquā euentissimum ad artem Chaldaicam confutandam argumentum, in horizonte, seu finitore aeris differentia. Est enim verisimile, quod cum is sit crassus per visus reflexionem, signum quod est adhuc sub terra, videatur iam esse super terram; Quod quidem fit etiam in radio Solis, qui reflectitur in aqua; Non videntes enim Solem, ipsum sæpè esse Solem opinamur. Quod autem omnia maxime continet, omnibus, qui cœlestia obseruant in orbe terrarum, vnaquæq; pars duodecima Zodiaci si quidē pari appareret tēpore, & recta cerneretur, fortasse possent Chaldæi firmiter, & stabiliter accipere signum, quod oritur in horizonte. Nunc autem quoniam non pari tēpore apparet apud omnes, sed alijs quidem citius, alijs verò tardius, & aliquibus quidem obliquum, alijs verò rectum, sequitur quod non videatur omnibus idem signum esse horoscopus: sed quod his videtur iam esse exortum, hoc alijs esse modo sub terra: & quod

videtur alijs esse in declinatione signi, quod est horoscopus, hoc alijs cerni esse horoscopum. Quod autem hoc ita, se habeat ex hoc est perspicuum, quod stellæ inerrantes, vt Arturus, & Canis, non eodem tēpore apparent omnibus, qui sunt in omni climate, sed alijs alio. Atque hoc, quod non contingat accuratè, & absolutè sumere signum, quod sit horoscopus, & propterea nec vllum ex alijs centris, ex quibus à Chaldæis sunt prædictiones satis ostendimus. Hæc Sextus.

En sapientes illi viri huius artis Parentes, & Auctores, qui ex astrorum congressibus subtiliter notatis, animaduersisq; euentis, Astrologiam certis, & exploratis hionumētis consignarunt, hisque instrumentis cœlum partiti sunt, qui Astrologiam primi certa ratione, & via notarunt. cum autem instrumentorum vitium magnos parere errores soleat, vnde Ptolemæus libro tertio, capite secundo. Instrumentis, inquit, horarum, quæ per aquarum decursus adaperantur, euenit ex aquarum retentione, & decursus differentia, quæ per differentes occasiones, vel per quamlibet vllam occasionem, & contingentem, ei aduenit. necessariò conuenit, vt via, qua gradus circuli singulorum, qui secundum naturalem rationem consecutiva debet esse ascendens deprehendi posse indicemus, &c. Planè constat veterum experimenta, quæ in certo, vagoque cœlo facta sunt, non potuisse nisi fortuita, & temerariam artē parere, horum verò obseruationibus recentiores omnes Genethliaci nituntur. temerariam itaque, & nullis certis experimentis notatam disciplinam sequuntur.


Prima dicet quispiam hæc fuisse huius disciplinæ rudimenta, & balbutientis adhuc Astrologiæ quasi incunabula, cæterū stellarum postea motus, ortus, & occasus ita numeris comprehensos, vt Mathematici quo die, qua hora, quo momento earum congressus, digressus, defectus futurus sit sine vllō errore tradant. Hinc Alphonsi, Copernici, Prutenicæ tabulæ, hinc ephemerides per singulos annos, menses, diesque ductæ. His verò tē-

L 2 pore



pore immenso notatis, & animaduersis, obseruatum quoque quo habitu, qua forma, quaque constitutione stellarum aliquis nasceretur, notata praeterea vitam, fortunam, mores, & ingenium, & ad extremum finem etiam vitae, eaque omnia, ut usu euenerant literis mandata, deprehensumque fuisse, eos qui sub eodem stellarum habitu prodeunt in lucem, parem, vel non admodum dissimilem fortunam nancisci, & ita artem hanc esse conditam. Hunc apertissimi erroris arguent quotidianae eclipses, quarum nulla adhuc vidimus tabulis ita respondentem, ut una, aut altera hora a praestituto tempore non extrauerit, quod sane non contingeret si noti iam essent syderum cursus. Vnde sunt varij, & multis horis dissidentes Mathematicorum calculi, nisi ex eo quod nondum comprehensos habent astrorum cursus. Nihil aut diligentiae, aut curae omisit Ticho Brahe in notandis syderum motibus; libro tamen de noua stella, pag. 648. Martis, & Saturni motus, adeo incertos esse testatur, ut tribus interdum, quatuorve diebus a calculo aberrant. Deinde hic quo errore, aut fraude Chaldaeos, & Aegyptios, qui primi hanc artem coluerunt, fusam, & vagam disciplinam nullo certo fundo conceptam professos esse concedit, & a caelo duxisse, quae a caelo non dependent, eodem cogitur fateri Astrologos nostrates laborare posse, & a caelo tribuere, quae aliunde profiscuntur. Haecenus a Chaldaeis, & Aegyptijs artis suae originem Genethliaci repertuerunt: Claudius Ptolemaeus nihil ex propria, omnia se ex Chaldaeorum, Aegyptiorumque observationibus scribere profitetur. Ex eorundem notationibus Iulius Firmicus, & Albumazar huius artis praeccepta tradiderunt: nunc si apud Chaldaeos, & Aegyptios nullam fuisse Astrologiam admittunt, deserunt inueteratam illam de artis suae antiquitate opinionem, eamque priuant innumeris illis experimentis, quae a Chaldaeis, & Aegyptijs in patentibus capitula facta, haecenus tradiderunt. Et quoniam, aut nunquam, aut non nisi post infinitum prope annorum intervalum astra redeunt ad locum, unde digressa aliquando sunt sublata antiquitate, huic disciplinae haud scio, an satis diu-

turnius illa experimenta confirmari poterit.



## CAPUT V.

*Astronomicis experimentis nihil esse fidendum.*

**I**N experimentis Astrologi suorum Apotelesmatum summam, & ferè vnicum posuere praesidium, experimenti porro vis in similitudine est eorum, quae experimur. Multa inquit Arist. in praemio Metaph. eiusdem rei memoriae, vnius experientiae vim efficiunt, quare experientia penè simile quid scientiae, & arti esse videtur, per experientiam autem ars, & scientia hominibus efficitur. Experientia enim, ut rectè ait Plotus, artem efficit; in experientia autem fortunam. Fit autem ars, cum è multis experimentalibus conceptibus, vna de similibus vniuersalis opinio fiat; opinari enim quod Callias hoc morbo laboranti hoc conducit, similiter Socrati, ac singillatim alijs multis, experientiae: quod autem omnibus huiusmodi secundum vnam speciem determinatis hoc morbo laborantibus conduxit, utpotè pituitosis, aut biliosis, aut febre ardente febricitantibus, hoc artis proprium est, &c.

At in Astrorum iudicijs dissimilissima sunt priscorum, recentiorumque experimenta, atque exempla; ipsius quoque Ptolemaei confessione libro primo, de Iudicijs, capite secundo. Hoc quoque accidit, inquit, ut configurationes, quas veteres tradiderunt, & quibus nos iudicia accommodare consueuimus, pronuntiantes de ijs, quae nunc obseruamus, ut illi olim, variae sint; illae enim, ne semel quidem cum nostris similes, & congruentes repertae sunt; nam magis quidem, aut minus concordare possunt, atque id quidem innumeris temporis ambagibus; prorsus autem conuenire nullo modo, cum omnium



omnium rerum coelestium simul, ac terrestrium instauratio (nisi cui libet, inanitate quadam gloriosa, ostentare scientiam, & perceptionem earum rerum, quarum nulla esse potest) aut non sit prorsus expectanda, aut non intra tempus quod humano intellectu comprehendi datur; si quando igitur in prædicendo erratum fuerit commissum, ex eo visu venit, quod subiecta exempla dissimilia inter se fuerint, atque hæc una est in aeris exploratione difficultas, ad quam nulla accedit causa compendiendorum motuum coelestium.

Iulius Firmicus libro octauo Mathematicos, cap. 5. nouas obseruationes Græcis, & Latinis inauditas, se traditurum his verbis profertur. Accipies nunc Mauortideus nostrum plenissimam huius operis disciplinam, Græcis multis, & omnibus ferme Romanis incognitam, ad quam usque ad hodiernum diem nostrum aspirauit ingenium, &c. Rursus libro quarto, cap. decimosexto. Istam rationem, inquit, veteres inuolucum varijs obscuritatibus reliquerunt ne ad hominum notitiam perueniret, &c.

Scribit Ptolemæus libro tertio, Quadripartiti, cap. 14. dirigendos esse Aphectas ad Aneretas secundum ordinem signorum in orientalibus cœli locis, in occidentalibus verò, non solum secundum ordinem signorum, sed etiam contra successionem. Hieronymus Cardanus rationem dirigendi in sorte non mutat, sed eandem sequitur, quam in horoscopo Sole, & Luna. Cyprianus Leouitius, aliique permulti solum horoscopum dirigunt ad promissores cum agitur de valetudine, morbis, & vitæ longitudine; omisso Sole, Luna, Sorte, & Dominio horum locorum. Sortem porò quocunque loco ponatur, semper dirigunt contra successionem signorum, & graduum: omnes tamē experimentis nituntur, ergo contrarias, & planè pugnant rationes dirigendi certis experimentis ortas credemus? an potius allucinosos esse omnes, nullaque esse experimenta, quæ nobis obiectant?

Cardanus libro de reſtit. temporum, & motuum coelestium tunc veteres om-

nes in motu Solis, Lunæ, Saturni, Martis, obseruando deceptos esse docet, eorumque propterea experimenta sub alio astrorum situ, & constitutione facta esse quam contingant nostro tempore? Et scēt. 1. Aphor. 17. Nullus planeta, inquit, in æternum redibit ad pristinum locum, nec etiā in longissimis temporum spatijs secundum sensum, alijs a Sole. Quamto magis Aegyptiorum, & Chaldæorum experimenta facendum non contigisse sub eodem cœlo, in quod cadunt nostra ætare?

Vicius hoc argumento Lucius Bellantius lib. de Astronomiæ veritate, quæst. 1. art. 1. facetur experimentis deesse similitudinem perfectissimam, sed eam negat esse necessariam, cum de genere vniuerso iudicent, & prædicant Astrologi, de singularibus autem non nisi imperfectè, ac timide, propter coelestium configurationum dissimilitudinem. Qualis imperfectio, inquit, alijs etiam doctrinis, ac disciplinis accidit, sed alijs maior, minor alijs. Hæc Lucius Bellantius, quam lucidè, quam bellè, viderint alijs: ego multa in his desidero.

Ac primùm non video, quid discriminis inter generalia porat, & singularia: Quæ enim vocat generalia? ea ne quæ id vni hominum, sed toti cuidam populo, seu regioni eueniunt? nam hæc generalia appellat Ptolemæus lib. 1. de Iudicijs, cap. 3. At hæc quoque pendet, si pendet, à singularibus certis, & definitis astrorum congressibus, qui pestilentiam, annonæ charitatem, morbi genus quoddam causare dicuntur à Bellantio, ut retulimus lib. 1. c. 10. Quare si nunquā id redeunt astrorum cœtus, ut verè non redeunt, non minùs generalium, quam singularium obseruatione faciunt inconsistentem, & lubricam. Atque adeò generalium etiam experimenta vacillant, labantque. An aliter generalia intelligit, posse nimirum ab Astrologo prædici, quod genus, aut species euentus impendat: non posse verò definire euentuum circumstantias, quæ singularium complent propriam rationem, ac formam. Hoc magis ipse significat artic. 2. ad 3. Hoc modo etiam Ptolemæus in centiloquio, can. 1. in generali, non in particulari

L 3 prædi-



prædicere posse Astrologum scripsit.

At neque id probare possum, quia Astrologi prædicunt singulares euentus mortem violentam ex veneno, ex insidijs, diuitias ex hæreditate, ex industria, ex matrimonio, amicitias Principum, cædes fraternas, & maternas: profitetur, & tempus, & annum, & diem singulorum euentuum à se præsciri posse: pleni sunt libri, plenæ genituræ.

Præterea duo sunt euentorum genera, quædam simplicia, copulata quædam; morietur cras Socrates simplex res est, huic, siue quid accidat, siue nihil definitus est moriendi dies; Philippus gignet Alexandrum ex Olympiade, copulata res est, non potest dici siue fuerit Philippus cum Olympiade, siue non fuerit, gignet Alexandrum. Simplicia quæ sunt non à quocunque astrorum cōgressu dimanant, sed à definito, & indiuiduo, qui si nec vnquam idem reuertitur, nec idem simplex effectus redire potest, nec confici experimentum. Quæ sunt copulata, & ut Chrysippus vocabat, confatalia, vnum sine alio effici non potest; sed vtrunque à certo, & definito syderum aspectu dependet; quare si non reuertuntur alia, quæ singulares præstāt effectus, neque copulata redire possunt, vbi igitur sunt generica ista experimenta?

Ad hæc circumstantias istas, & accidentia euentorum, quæ vocas, vel ais esse à syderum efficientia, vel non. Si secundum rerum partem multò maximam à cœli potestate subducis, nō sine Astrologicarum prædictionum incertitudine, & incredibili ambiguitate. Si primum ais, hæc quoque effici à cœlo, & horum experimenta facta esse oportet ab Astrologis, non generica solum; eadem enim quæstio rediret.

Rursus minima quæque stellarum cōmutatio, & quælibet quanquam exigua configurationis variatio, effectuum non solum circumstantias, sed & genus euariarum, cap. 1. 3. & 6. & lib. de reuolutionibus, cap. 7. Quatuor modis, inquit, planeta iuuat, vel nocet. Primus est ex natura propria, secundus ex qualitate dispositionis, tertius ex irradiatione, &c.

Infrà: Ptolemæus, inquit, posuit Lunam significantem corpus, deinde animi mores, deinde vitam, & vxorem, & natum, & ancillas, & filias, & sorores. Quomodo ergo erit disposita, cui in partu moritur vxor, & ipse longæ vitæ, & filia eius plures incolumes, & ancillæ fugitiuæ, & mater mortua citò, & corpus salubre, & intellectus inconstans, & malus? propter hæc in capitulo sequenti subiiciam vnā, aut alteram figuram.

Idem eodem lib. cap. 5. Quinta, & Venus, & Luna dant filios, Mars cum nona, & Luna dant itinera, Luna Venus dispositores dant matris fortunam, Luna, Mercurius, & tertia dant fratres, & consanguineos, &c. Multa itaque, & genere diuersa, cum ab eodem astro pro vario congressu cum alijs astris proueniāt: eadem verò cœli constitutio redeat nunquam, quamuis enim annis triginta Saturnus, Iupiter duodecim, Mars duobus, Sol, Mercurius, Venus vno, Luna viginti septem diebus, & octo horis absoluat suum cursum, Ptolemæo auctore, ad eandem tamen constitutionem, eo temporis spatio non reuertuntur: vnde Astrologi desumpserunt experimenta, quibus suam disciplinam fulcire solent? vnde hauserunt obseruationes, quas mirificè iactant?

Agè verò, vndenā duxit hanc differentiam Bellantius? stellarum sanè constitutiones in schemate, vel recurrunt, & secundum substantiam, & secundum accidentia similia, vel vtroque modo dissimilia, vel vno modo similia, dissimilia altero.

Si vtroque modo similia, id primò aduersatur Ptolemæo, id aduersatur omnibus, qui astrorum motus numeris, & ratione complexi sunt. Deinde vtraque obseruari potuerunt, & generalia quæ sunt, & priuata, & in artem redigi, nam licet euentus alicuius circumstantias operosius sit notare, quàm genus; præcipuarum tamen circumstantiarum notatio nō superat periti, ac solertis Astronomi diligentiam. nam & historici sæpè pleræque circumstantias complectuntur in bello quopiam, seu pace, seu fœderē, seu



seu fame describenda. Si utroque modo dissimilia sunt, neque generalia, neque singularia, & quæ accidentibus circumscribuntur sub experimentum veniunt. Sin tandem substantia similes, dissimiles accidentibus sunt stellarum congressus, quamnam obsecro, intelligat substantia? astrorum verè quidem, sed nihil ad rē; id enim si satis esset idem genere semper cœlum præstaret. An aspectuum, & virium, quæ pro vario aspectu stellis insunt? nihil his variabilibus, nihil minùs constans, in errantibus præsertim, quæ nunc in fœstilem conveniunt, aliàs in trigonum recurrunt, mox in quadratum cedunt, aliàs ex altera parte sibi respondent. quam inconstantiam abundè declarat effectuum varietas, quos singulis momentis fundunt, declarat geminorū partus qui in brevissimo tēporis intervallo contrarijs temperamentis, contrarijs moribus prodeunt. Sed fac vel vna hora non mutari cœli efficientiam, vnde deduces diversam eorum naturam, qui eo tempore oriuntur? vnde rerum varietatem incredibilem, quæ per id tempus prodeunt in lucem? An signa, dicit Bellantius, vel domos similes esse substantia? nihilo melius; cum enim astrorum tardiora quædam, velociora sint alia, modò in his, modò in alijs, modò in vno, modò in alio gradu sibi obviant, vbi ergo Bellanti, pones tuam illā generis, seu substantiæ similitudinem? Denique cum variantur signa, & signorum gradus, congressus, stationes, retrogradationes, directiones, ortus, occasus, omnia denique, ex quibus simile quoddam genus fingi potest, vbi tandem ex stet ista similitudo?

Ex hac re duo consequuntur necessaria; vnum quidem syderum omnes congressus, cum infiniti propemodum sint, obseruari non potuisse, nec esse, nec fuisse vltos Astrologos, qui sui sæculi quotidianos congressus astrorum, eorūque effectus obseruauerint; vt prorsus oporteat hanc scientiam esse mancā, destitutam nimirum experimentis innumeris, & notationibus, quæ sæculo quolibet, immò quolibet anno, & die fieri potuissent, & facta non sunt; vnde sequitur omnes

obseruationes fallaces, incertas, ambiguas, dubias esse. cum enim non fuerint semper obseruati astrorum concursus, incertum oportet esse, an eisdem semper effectus, an verò aliquando hos, aliquando contrarios fundant.

Alterum experimenta, quæ facta sunt (si vlla tamen sunt facta) non dare scientiam, aut generalem rationem, quæ in posterum pronunciari quidquā possit, aut prædici; quia nullæ sunt astrorum configurationes alijs prioribus similes, ex quibus generalia sumi possint scita, & pronunciata, quæ ad iudicandum de alijs, & similibus iuuare possint.

## CAPVT VI.

*Tria Astrologorum suffugia.*


**R**IPLET via huius rationis vim declinare possunt Astrologi. Primò quidem dicendo, non indigere Mathematicos congressuum similitudine; scire se Solem esse calidum, frigidum Saturnum, Lunam humidam, siccum Martem, & sic de reliquis: Deinde ex optice præceptis commodè dijudicari posse, quantum maioris, minorisve distantiae, & propinquitatis ratio valere possit, vt astrum vnum vim alterius aut retundat, aut exacuat, in mutuis congressibus. Quare posito quolibet astrorum intervallo, non ægerimè conijci posse, quid ex his, & ijs viribus parum, multumque semotis aptum sit consequi.

Existimare secundò possunt Mathematici accidere quidem his obseruationibus, ac mensuris diuersitatem, & errorem aliquem, non magni tamen momenti, satisque esse Astrologo paulò plus, minusve verum attingere, quod & Bellantio visum est, quaestione citata diluente secundum argumentum.

Tertiò contēdent plerique nihil opus esse anxie disquirere qualiter experimentis




mentis Astrologia parta fuerit, experientia qualia oportebat fieri, facta iam esse, idque constare, tum Astrologorum omnium vnanimi consensu, tum quotidiana prædictionum veritate. videmus hæc prædicta nunquam ferè mentiri, quod non eueniret, nisi legitimis experientis Astrologorum scita collecta, fuissent. Quamuis ergo cognitioni hominum obscura sit ratio, qua hæc animaduersa, & notata sunt, notata tamen esse, & obseruata, vt oportuit. Ita ferè fugiunt Astrologi, nos sequamur fugientes; nondum enim argumenti, quod proposuimus, vim declinarunt, immò nec declinare possunt. Sed vt certo ordine disputatio procedat, ostendendum est primo non potuisse planetarum vires Astrologos experiri.



## CAPVT VII.

*Non potuisse Astrologos Planetarum vires experiri.*



VONIAM planetarum præcipuè viribus confidunt Astrologi, easque totius Astrologiæ quasi fundamenta constituant, placet ab his initium ducere, planumque facere, non potuisse eorum vires experientis notare. Saturni stella, inquit Ptolemæus libro quinto de Iudicijs, cap. quarto, maximè frigidifica est, sed & nonnihil arefacit; Stella Iouis temperatæ naturæ est; media enim fertur inter frigidificam Saturni, & ætuosam Martis: Martis stella, & arefacit, & vrit, sicut congruit igneo ipsius colori: Stella Veneris eisdem habet effectus, quo ad remperationem, quos Iupiter, sed ratio est diuersa; nam quòd vicina est Soli nò nihil calidifica est, sed multò vehementius humectat: Mercurij stella ferè quidè non minùs aliquando arefacere, quàm humores absorbere, propterea quòd non longè à Sole recedat: aliquando tamen & humectare deprehenditur cum

superposita sit terræ proximè orbi Iunę, subitarum autem mutationum in vtramque partem effectrix est inflata; quasi celeritudine comitatus solaris, &c.

Quid Cardanus libro de supplemento Almanach, capite decimo octauo? Saturnus frigidus est, maximè Orientalis, siccus maximè Occidentalis. Iupiter calidior, quàm humidior; calorem auget Occidentalis, humiditatem Orientalis. Mars siccior longè quàm calidus, Orientalis calorem, Occidentalis siccitatem auget. Sol calidus valde in passivis paululùm declinat ad siccum. Venus humida plurimùm, maximè Orientalis calida paululùm, magis tamen Occidentalis. Mercurius siccus, plus tamen Occidentalis, temperatus in actiuis, Orientalis tamen modicè calidus. Luna humida vehemèter, maximè Orientalis, idest, post Solem calida paululùm, magis tamen Occidentalis.

Tantum autem Genethliaci Planetarum viribus tribuunt, vt reliquarum omnium stellarum virtutes ad eas reuocent. quare Ptolemæus libro primo de Iudicijs, capite octauo Stellæ in capite Arietis, inquit, effectus habent commistos ex viribus Martis, & Saturni, quæ in ore sunt, idem possunt, quod Mercurius, & nonnihil quod Saturnus, quæ in posteriori pede Martiæ, quæ in cauda Veneræ sunt. Vbi Tauri signum quasi amputatum cernitur, ibi stellæ sunt naturam sapientes Veneris, & Saturni, At Vergiliæ Lunam, Martemque referunt. In capite inter succulas vna luce rutila excellens, quæ & facula dicitur, Martia est. Geminorum signum in pedibus stellas habet, quarum natura similis est naturæ Mercurij, & nonnihil Veneris, In scemoribus lucidæ stellæ Saturniæ sunt, in capitebus duæ nitent, quarum prior Mercurialis est cognomento Apollinis, posterior Martia cognomento Herculis. Percurrit denique omnes Zodiaci stellas, deinde omnes stellas fixas, easque aut Saturnias, aut Iouias, aut Martias, aut Mercurias, aut Veneras, aut Lunares, aut Solares facit. Ptolemæum sequuntur minorum gentium Astronomi, & ad septè planetas reuocant

cære-



cæterarum omnium stellarum vires, & efficientiam. Quo fit, ut si probatum fuerit, non potuisse Astronomos experiri vires Planetarum, Astrologia vniversa, & Genethliaca omnia scita vocentur in dubium; nam astrologia non habet alia præcepta, quam quæ experimentis sancta & collecta sunt, si constiterit eius dogmata nullis nisi experimentis, artem totam fabulosam esse, & fictitiam constabit.

Agite ergo, si placet, in ipsam Astrologiæ Arcem expediamus Arietem. non leui, ac ludicra de re disceptatur, sed ad summum ventum est; agitur de primis Genethliacæ principijs, quibus tota hæc ars continetur.

Principio itaque sciscitari libet, vnde nam Astrologis primis innotuerit Saturni frigiditas, siccitas Martis, aliaque aliorum Planetarum priuatæ vires? Experimentis, inquiunt. Bene est: & quidem de Solis calida, de Lunæ humida, vniuersimodè merito conuenit, ex quotidiano visu, perpetuoque sensu. De alijs quæro, vnde cognoscatur eorum virtus? Saturni, gratia exempli, quem nemo ita solum vidit è cælo fulgere, ut notare potueris, priuatæ eius vires, vnde constat frigidas? An quia sentimus frigus? quid si frigiditas, quam experimur, non sit Saturni, sed aliorum syderum, quæ cum Saturno feruntur in orbem? Experimur, inquiunt, semper gelidum aërem præsentè Saturno, licet alijs, & alijs semper stellis consocietur. Nihilne ergo faciunt ad frigus reliquæ stellæ, quas vos dicitis habere naturam Saturni, quasque natura frigidas esse vultis? Quo pacto probatis frigus à Saturno desuere, non ab alijs Astris? Nonne quotidie, aut noctu, aut interdiu, nostrum hemisphærium Saturnus pertransit? nonne rapitur motu diurno ab Ortu in Occasum? num sentimus quotidie eius frigus? etiamne furente Leone, etiam latrante Caniculæ? Annon id ait, sed tunc quoque minus æstare dicitis cælum, quando maximè æstare videtur, obfistente Saturno Leone, & Caniculæ calori? vnde id nostis? an Saturni absentiam de cælo vidistis, & tunc maiorem calorem experti estis?

Vnde igitur probatis minus nunc esse in mundo caloris, quàm esset, si Saturnus cælo abesset? quibus id probatis certis experimentis?

Vt paucis rem conficiamus, bipartitam facio quæstionem, & interrogo, Habesne huius frigiditatis experimentum, perpetuum, & nunquam interruptum, an quorundam duntaxat temporum? Si perpetuum, hoc aliunde non potest deduci, quàm ex eo, quòd cum perperuò Saturnus è cælo fulgeat, qualibet hora frigidior reddit mundum, quàm esset, si Saturno cælum careret; at id nullam vim habet, nisi apud eos qui sibi iam, persuasere frigidum esse Saturnum; alij enim id inficiabuntur, & experimentum requirunt. Qui igitur detrahes Saturnum de cælo, ut experimentum exhibeas frigiditatis, qua sub Saturno, & sine Saturno mundus vititur?

Sin quorundam temporum affers experimenta, & non continua; quorundam? quatuor, inquires, potissimum: nam interest primo cum quibus alijs stellis congregiatur: secundò, interdiu, an noctu fulgeat: tertio, quam hemisphærii nostri partem, seu situm occupet: quarto, quantum denique per Zodiacum ad nos accedat, vel recedat. At nihil horum certam Saturno frigidum fidem facit.

Et de primo quidem experimento nihil in præsentiarum laboramus, conuenit enim nobiscum, variabiles esse congressus Astrorum, nunc autem similia quærimus, & vniuersimodè non varia, & inconstantia experimenta, quæ ad secundum effugium pertinent, de quo supra differuimus, & capite sequenti redibit disputatio.

Deinde vel Saturnus quibuscunque iunctus stellis fundit frigus, vel cum quibusdam solum, non cum alijs. Non primum; non enim cum Sole, non cum Canicula, non cum Leone, non cum Marte, ut satis constat. Dices, cum his quoque exhibere frigus, sed tenue, & vix sensibile: nugæ. Experimentum quærimus sensibile, & certum, nemo autem rapidus dum Sirius ignes exeret sentit Saturni frigus. Affirmabis ab his Astris eius efficientiam impediri rectè quidem, sed non habes



habes adhuc experimentum quod proferas, & quod inquirimus. Unde enim nosti illum natura sua frigefacere, ab alijs Astris impediri, ne fundat frigus?

Cum quibusdam verò Astris si Saturnus frigefacit, non cum alijs. Primum quidem tam possum Saturno frigus, quod è coelo defluit, tribuere, quàm tali syderum compositioni: nam si eadem redire posset compositio absente Saturno, redargueret fortasse; si enim semoto Saturno aliorum Astrorum concursus frigefaceret nihil, certissimo comprobaret experimento à Saturno potius, quàm ab aliorum Astrorum congressu frigus proficisci; quo enim separato nihil sit, constat in eo aliquid esse causæ, cur res fiat. At syderum compositio cum Saturno, qua posita expertus sum frigus, non est separabilis à Saturno, nec redire potest sine Saturno, quomodo igitur redargues eos, qui contendunt non à Saturno, sed à congressu stellarum frigus delapsum esse, quod proferebas? quo experimento suadebis Saturnum esse frigidum? Saturnus sane separatur quidem, & redit, cum alijs stellis, sub quo congressu, vel experimur frigus, & redargui nequit, qui id tribuit novæ constitutioni Astrorum, sicut, & priori, & non Saturno: vel nihil sentimus frigoris, & experimentum destruit potius quàm alstruat Saturni frigiditatem. Deinde, vel Saturnus cum quibuscunque stellis tantundem fundit frigoris, vel cum vnis aliquid, cum alijs plus, plurimum cum alijs; non primum, quia Mathematici volunt modò plus, modò minus frigefacere Astra, volunt variabiles, & inconstantes esse eorum vires. Deinde id reprobatur experientia, non enim tantundem experimur frigoris sub cane quantum sub Capricorno. Si cum quibusdam nihil vis, cum quibusdam aliquid, cum quibusdam plus, cum quibusdam plurimum Saturnum efficere frigoris, probandum tibi erit hanc frigoris inconstantiam non proficisci à varia syderum constitutione, & proferendum experimentum, quod concludat à Saturno, non autem à configuratione stellarum, hanc varietatem provenire, quod experimentum quia

non reperies succumbas necesse est probando per experimenta Saturni frigiditatem. Video quid acuto alicui venire possit in mentem: dicet non posse quidem Saturni seorsim vim, & efficientiam concludi, probari tamen stellarum congressu & constitutione frigescere hæc sublunaria; Ne id quidem, nam sub eadem constitutione stellarum, non experimur idem frigus noctu, & diu, Æstate, & Hyeme, quo modo itaque ostendes frigus illud à stellis dilabi, non ab alijs causis propter quas plus frigoris experimur noctu, quàm interdiu, Hyeme, quàm Æstate, in montibus, quàm in aliqua planitie. Aristoteles sanè lib. 2. de generatione à tex. 56. ita Solem facit omnis caloris, & frigoris auctorem, vt generationes, & corruptiones, quæ his inferioribus contingunt, non desiderent aliud frigus aliunde calorem quam Solis. Nolque lib. 1. cap. 3. ostendimus Solem accedendo recedendoque causam esse caloris, & frigoris omnis quod experimur à coelo proficisci, cui si addas frigus, quod terra, & aqua fundunt sua natura, non reperies experimētum, quod Saturni frigus efficiat.

Ad secundum quod attinet, si contendas noctes, vel dies frigidiores esse præsentem Saturno, quàm eodem absente, res tibi erit cum Astrologis tuis; non enim potest aliter abesse Saturnus, nisi quia dum nox nostro hemisphærio incubat, ille infra Orizontem oberret, vel dum nos dies luce perfundit, Saturnus infra terram commoretur. At Astrologi stellas sub alio hemisphærio dum sunt, suas exercere vires volunt; nam alias nocturnas, diurnas alias faciunt, quod nocte nobis dominantur quædā vbi vbi eo tēpore existant, aliæ diu quocunque tandem loco fulgeant; & Lunam certis noctium, dierumq. intervallis docent concitare maria, morborū humores, arborū temperamentum; implere conchyliā vbiunque illa sit, neque cum alicui syderi dominationem in annum tribuunt, eum interrumpunt per noctis, & diei vices: Denique cum natalitiam alicuius configurationē discutiunt errantium omnium stellarum per domos diuisarum, & signorum



rum statum, siue supra nos, siue infra, contemplantur, omnibusque Astris, siue in nostro siue in altero hemisphærio suas tribuunt vires.

Rursus si noctes, dieve frigidiores esse, ais cum nostrum decurrat hemisphærium Saturnus quia è propinquo efficacius agit, id quidem affirmare potes, experimentis comprobare non potes: cum enim Saturnus quolibet anno sex menses noctu, totidem menses interdiu, nostrum percurrat hemisphærium, atque hi menses, iidem semper non sint, sed aliquando æstiu, aliquando hyberni, aliter oporteret nunc sex mensium dies, nunc sex mensium noctes esse frigidiores; id verò quis notauit, aut notare potuit, in tanta præsertim temporum mutabilitate, cum quolibet etiam mense experiamur nunc noctem, nunc diem, magis minusque frigidam, seu calidam?

Aliorum dices Astrorum vi impeditur Saturnus, ita ut aliquando frigefaciat minus, aliquando penè nihil. Crederem id sanè libenter, si iam probasses esse per se frigidum; tunc enim consequens esset, quando non fundit frigus ab alijs impediti; id verò nondum probasti, immo nec probare potes, nam vel impeditur semper, & eius vis sub experimentum nunquam cadet, vel aliquando, & ab aliquibus: à quibus igitur ab iisdem, an à diuersis? non ab iisdem, quia nunquam Saturnus bis eodem modo congregitur cum alijs Astris; non à diuersis, seu iisdem diuerso modo compositis, quia nondum fecisti experimentum, ac proinde tam liberum est mihi negare Saturno frigus, quam tibi concedere.

Quæro præterea an velis à solo Saturno fieri frigus, an ab alijs etiam causis? Et Auer. quidem lib. 2. cœli tex. 94. infima elementa terram, & aquam ait frigida esse, quia plurimum à cœlo distant: remotio enim à motu, inquit, dat grauitatem, quietem, frigiditatem; id quod fusius prosequitur Iacobus Zab. libro 1. de qualitatibus elementorum, capite ultimo, libro de regionibus aëris, cap. 6. & 7. quin & Aristot. lib. 1. Meteor. sum. 1. cap. 4. Oportet, inquit, intelligere sic, & hinc cum inceperimus, quod enim sub

ea quæ sursum est circulatione, corpus veluti materia quædam existens, & potentia calida, & frigida, & sicca, & humida, & quæcunque alia has sequuntur passionibus, sit talis, & est à motu & immobilitate; cuius causam, & principium diximus prius, in medio igitur & circa medium est grauissimum segregatum, terra & aqua, &c. Alij terram & aquam natura sua frigidas esse contendunt, ab extrinseco interdum calefieri, vel igitur solo Saturno tribuis frigus, vel alijs præterea causis? non prius; quo enim experimento efficies nullum esse aliud nisi Saturni frigus? non secundum; quo enim experimento ostendes si noctes aliquas, vel dies sentias frigidiores à Saturno profectum id frigus, non à terra, neque ab aqua, neque ab alijs inferioribus causis, quas fundere frigus in confesso est apud omnes? Præterea nemo metiri potest dierum, noctiumque frigus, & ita inter se Saturnias noctes cum ijs, quæ Saturno non subsunt conferre, ut certò possit affirmare has, illis esse frigidiores. unde ergo ostendes Saturni frigus? Sed largimur Astrologis, quod probare nequeunt, frigidiores esse noctes præsentæ Saturno, quam eodem absente. quam ratione efficiant non ob aliam causam, nisi ob Saturni efficientiam esse frigidiores?

Nutant itaque Astrologica omnia experimenta, & in vtranque partem claudicant, omniaque adhuc ambigua sunt & incerta, quod planius faciet sequens argumentatio.

Postremò Saturnò defunt ea quæ, auctore Ptolemæo lib. 1. cap. 2. Solis, & Lunæ astruunt calorem, & humorem, nam Sol diurnus semper nobis est, dies verò noctibus calidiores experimur quouis anni tempore, iure propterea Solem caloris auctorem existimamus. Saturnum verò qui modò est diurnus, modò nocturnus, nec proprium vllum sibi vendicat tempus, ex cuius perpetuo temperamento, eius vis deprehendi possit, cur facimus auctorem frigoris? Interdiu quoque cum lumen Solis distinetè possit ab alijs secerni luminibus, accessu ad ipsum periculum de eo facimus; calcemus enim



eò magis, quò magis applicamur, cum in umbram secedimus frigemus, ideo vis Solis non ignavis, & ambiguis, sed certis & exploratis experimentis comperta est. At Saturni siue lumen, siue arcana, vis, cum seorsum ab alijs ad nos non perveniat, experimenti incapax est. Conveniunt eadem Lunæ: nam distinguimus eius lumen ab alijs, & crebro recursum manifestam vim prodit suam, còspicuisq. accessiõibus, & decessiõibus varie, afficit maria, arbores, conchyliã, & alia id genus humida. Saturni tardissimus est motus, lumen exiguum, & minimè sensibile, alia virtus abdita, & arcana, unde itaque desumes experimentum, quo eius frigus confirmes?

Quoad tertium si contendas deprehendi Saturni frigidam naturam ex vario eius ascensu per partes hemisphærij nostri, eandem tibi rationem obijcio. Solem enim quo magis ad nostri cœli verticem accedit, sentimus feruentiorem, quotidie, propterea calidam vim Soli addicimus; nihil tale de Saturno proferre potes. quotus enim quisque observavit horas nocturnas diurnasque solito magis frigescere, quo ad cœli medietatem propius Saturnus ascendit? planè si eius ad nos propinquior accessus maiorem afferret frigiditatem per stas, & fere quotidianas vices, ex vario situ, & partibus hemisphærij, quas occupat, magnum frigiditatis sumeretur experimentum, quod modò nullum planè est, quod sensu saltem deprehendatur. quis enim incrementa frigiditatis experitur, quo magis Saturnus ad cœli verticem accedit?

Possumus & eodem modo quartum, diluere experimentum ex accessu, & recessu à Tropici, & motu Saturni. Nam Sol quia in reditu ad Cancrum, Zonamq. nostram auget anni calorem mensuris ferè incrementis, qui paribus propè intervallis deferuescit, ob abscessum, ut animaduertere possit etiam vulgus, qui sit fons, & origo caloris, quem sentimus. Iam verò Saturnus, qui totos quindecim annos consumit versùs Cancrum progrediendo, totidemque reuertendo ad Capricornum, quod aut


quale præbet experimentum suæ frigiditatis? quis vnquam distinxit quindecim annos frigidos à quindecim calidioribus, quibus ad nos propius Saturnus accedit? quis notauit frigiditatem gradatim crescentem per quindecim annos, & sensim decrecentem per alios quindecim? ne cogitatum quidem fuit vnquam de huiusmodi incremento, & decremento; addo nec potuisse cogitari, quia inter annos quindecim, quibus Saturnus prope nos circumfertur, multi sunt calidiores ijs annis, quibus idem longius à nobis agit; & multi anni, quibus longius à nobis distat, frigidiores nonnullis, quibus prope nos moratur, interturbant aliorum syderum congressus, constantem vnus syderis obseruatione, multisq. alijs causis augefcente calore eo tempore, quo Saturni frigus experiendum esset. Ut dormitasse, aut etiam somniasse Bellantium oporteat loco, supra citato, diluendo decimum argumentum; qui ait, ex consortio aliarum stellarum magis clarescere vim Saturni, seu alterius in sua actione persistentis, locum, & aspectum alijs subinde commutantibus. quomodo enim in eadem persistit actione, in tanta temporum inconstantia, quantam experimur quindecim annis, in tanta annorum varietate, quantam videmus inter huiusmodi temporis intervallum? quo experimento probas Saturnum persistere in sua actione? an contra omnium Mathematicorū scita negas vnus Astri vim posse, ab alijs, & contrarijs debilitari, frangi, impediri? ne Sol quidem Saturni frigus retundere valet? quod promisi rei incredibilis experimentum? & quidem triginta annos, quibus quindecim Saturni frigus mundus algere magis dicitur, quàm alijs quindecim, quis memoria complecti potest, & conferendo perpendere, qui frigidiores sint? idque si semel in vita, aut bis fecerit nimium quantum est: at non vna, aut altera eiusdem rei memoria, sed multæ, auctore Aristotele in proemio Metaphysic. ad experientiam requiruntur. Versa igitur centies, aut millies Saturnum, deinde proferes eius frigiditatis experimentum. Mathusalem anni tibi non satis essent,



sent, vt Saturni frigoris caperes certum experimentum.


Quæ de vno Saturno dixi, de alijs Planetis intelligi velim: multo enim maiorem hæc vim habent aduersus Iouem, cuius natura temperata dicitur, & actio exigua, ac procliuus ad aliorum efficiendam, multò verò magis hæc quadrant in Venerem, & Mercurium, quorum hic non longius à Sole, quàm vnus Signi intervallo, siue illum antecedit, siue subsequatur, illa nunquam à Sole duorum Signorum intervallo longius abest, & antecedit, & subsequens. Nam cum tam parum à Sole discedant, agnoscere vix potest quid ipsi, quid Sol efficiat. Accedit quod Venus accessu, & recessu à Sole augetur non secus, ac Luna, id quod libro primo, cap. 1. retulimus vis autem eius non augetur per statas vices, vt Lunæ. nullum ergo hoc syderum tale præbet experimentum, quo ad eius vim peruenire valeamus, quale exhibet Luna. Vidit hæc Cardanus quoque ad lib. 1. Ptolemæi, cap. 16. Syderum aliorum, inquit, quàm Lunæ, ac Solis opera obscuriora sunt tribus de causis: Prima, quòd propter tarditatem non adeò frequenter licet obseruare earum actiones. Secunda, quòd tempus exquisitum non adeò licet habere declinationis, aut conjunctionis, aut cum primum operari incipit, propter motus tarditatem, vnde certa sit obseruationis ratio. Tertia, quia eadem tarditate fit, vt opus ipsum sensim fiat; quod autem sensim fit, occultius est, quàm quod statim, etiamsi longè sit maius; veluti de motu Solis in cœlo, & lapidis proiecti in aère, si alter ad alterum comparatur, liquet. Hæc ille. Addere possum quartam: ea enim, quæ tardè, & longo temporis tractu sunt multarum causarum interuentu, aut præpediti, aut promoueri possunt, vt non liceat dispicere, à qua potissimum causa promanent. Concidit igitur primum Astrologorum effugium, quod nitebatur solertia, studioque obseruandi, quid stellarum per se vnaquæque valeret, vt inde daretur potestas conijciendi, quantum longa, breuique distantia cæterarum impediri quælibet posset, aut iuari. Con-

cidit & Astrologiæ primum, & maximum fundamentum experimentis compactum: si enim stellarum priuatæ vires non potuerunt sub experimentum venire, neque potuerunt communes.



## CAPVT VIII.

*Errores, qui contingant Astrologis, in syderum obseruationibus, esse maximi momenti.*



**I**X tribus latibulis, in quæ Astrologi recipiunt sese, quoties dissimilibus Astrorum congressibus vrgentur, primum iam deiecit.

*Et specus, & Cæci detecta apparuit ingens Regia, & umbræ penitus patere cauerne.* Aliud superest, quo aiunt errores, qui in syderum obseruando congressu contingunt, non esse magni momenti, nec quidquā officere aut Astrologiæ, aut experimentis, aut obseruationibus, aut prædictionibus, aut scitis. Leuis, inquit, sit euentuum commutatio ex priorum, posteriorumque configurationum dissimilitudine: exigua enim dissimilitudo paruum effectuum variationem facit, hæc Astrologicarum prædictionum veritati nihil detrahit.

His tria ego oppono, Primum, si quid euenit, exempli gratia, sub conjunctione Solis, & Iouis in primo gradu Librae, non inde continuò fieri, vt propter huiusmodi conjunctionem eueniret. Quid enim si id acciderit vi aliarum causarum, quæ minùs obseruatæ fuerunt? cum præsertim libro primo demonstratum sit sublunarium causarum effectus, nec facultates instrumenta cœli non esse, sed efficere quod suum est. aliquando sine ope cœli, aliquando cum cœlo quidem, sed pro ipsarum, non pro cœli conditione,



ditione, & statu, vt omnis effectuum varietas principijs debeat proximis, non cœlo.

Qua igitur temeritate, quove casu eam effectuum varietatem Soli, & Ioui, in Libra confociatis tribuimus, quæ ex tot, tamque dissimilibus superiorum, & inferiorum efficientijs accidere potuit? quid magis arduum, quàm in tanto causarum concursu dispicere, quid vnaquæque efficiat? quid difficilius in tanta multitudine euentuum vni causæ priuatum, ac certò aliquid tribuere? Id planè facere non potest, nisi qui sæpius obseruauerit eundem effectum sequutum esse, Sole, & Ioue in eadem cœli parte agentibus, quamuis aliò alij Planetæ diuertissent, id verò obseruare potest nemo.

Secundò, ne id quidem, quod modò dixi, satis est, vt constet effectum à Sole, & Ioue in Libra existentibus esse profectum, nisi constet iterum atque iterum Sole, & Ioue recurrentibus in Libram idem euenisse, quod priùs, etiam variato cæterarum sublunarium causarum statu. si enim eadem causæ inferiores persistant, iure dubitabitur, sitne id, quod tunc accidit, profectum à Solis, & Iouis coniunctione simili, an ex alijs proximis causis similiter affectis, an ex illarum, harumque mutuo congressu. Quare, nisi seiungantur ea, quæ rei cuiuspiam causa esse possunt, experiri nequimus quid vnumquodque rei illi conferat, vel non conferat.

Postremò, aio totum hoc experimentorum genus infirmum esse, non modò propter concursum sublunarium causarum, sed etiam (quod magis ad rem nostram facit) ob syderalium configurationum maximam dissimilitudinem. modicæ enim diuersitas, quam Astrologi nobis obtendunt, & qua se tuentur, rarò; permagna verò frequentissimè contingit, vt obseruationes priores nihil à posterioribus iuuentur, neque posterioribus quidquam roboris accedat à prioribus, nec ex vtrisque possit quidquam vniuersim colligi, quo ars comparetur, vel præcepta rectè iudicandi. Quam fanè rem nobis declarant.

Primum orbis Aphanis conuersio ab

Occasu in Ortum, ex quo sæpissimè contingit non redire in idem Signum Astro-  
rum concursum. Audiamus nostræ æta-  
tis Mathematicorum Principem Christo-  
phorum Clauium ad cap. 1. Sphæræ Ioan-  
nis de Sacro Bosco. Distantia stellarum  
fixarum, inquit, à punctis solstitialibus,  
& æquinoctialibus, non manet eadem  
semper, sed crescit, & augetur secun-  
dum successionem Signorum, id est, ver-  
sus Orientales partes progrediendo; ita  
vt stellæ, quæ verbi gratia antiquo tem-  
pore fuerunt ante puncta solstitialia, &  
æquinoctialia, modò reperiantur post ip-  
sa puncta solstitialia, & æquinoctialia,  
vt ex obseruationibus antiquorum, & re-  
centiorum liquidò constat, &c. Itaque si  
qui Planetæ sub æquinoctij verni puncto  
quondam conuenere, cum Aries eidem  
puncto subiaceret, retrocedente mox  
Ariete ex Occidente in Orientem, sit  
æquinoctij vertex Occidentior, quàm  
Aries, in eiusque locum subeunt Pisces,  
auctore Ptolemæo in Almg. dist. 7. cap. 2.  
Quare quæ Astra colerunt olim sub æqui-  
noctium in Ariete, si iterum conueniant  
sub æquinoctio, non Arieti, sed Piscibus  
sociabuntur. Vnde vna coniunctio disse-  
ret ab alia bifariam, abscessu prioris Si-  
gni, & aduentu noui: plurimum verò in-  
teresse, in Ariete ne, an in Piscibus coi-  
tiones fiant, patet ex horum Signorum  
diuersitate maxima. In capite Arietis,  
inquit Ptolemæus libro primo de Ludi-  
cijs, cap. 8. quæ stellæ sunt, effectus habent  
commixtos ex viribus Martis, & Satur-  
ni, quæ in ore sunt, idem possunt, quod  
stella Mercurij, & nonnihil, quod Satur-  
nus, quæ in posteriore pede Martiæ, in  
cauda Venereæ sunt. Quid de Piscibus?  
Stellæ, inquit, in capite Piscis Australes,  
Mercurij vires representant, habentque  
Saturni quippiam, in huius corpore stel-  
læ Mercuriales, & Iouiales sunt, quæ sunt  
in cauda, & filo Australi, cum naturam  
referant Saturni, accedunt sensim tamen  
ad Mercurium, quæ sunt in corpore, &  
spina Piscis Septentrionalis, Martiæ sunt  
valent tamen & Venerum quiddam; quæ  
in filo Septentrionali, Saturniæ sunt, &  
Iouialis illa in nodo splendida, Martis na-  
turâ, & Mercurij quoque nonnihil habet.

Quid



Quid his vtriusque Signi stellis diuersus? quid magis disitum? quid ex congressu Solis, & Iouis in Ariete, & ex coniunctione eorundem in Piscibus colligi, aut statui potest? vnumne effectum præbent coitiones adeo diuersæ? quando erunt diuersi effectus? quando diuersa configuratio stellarum, si hæc non sunt diuersæ? vnde tanta effectuum varietas, multitudo, contrarietas, discrepantia, si coniunctiones in Ariete, vel Piscibus factæ, nihil afferunt varietatis? congedi verò Planetas eisdem in Signis diuersis, quotidianum est propemodum, in iisdem perrarum; id enim alijs non conuenit, nisi post annos ferè duos, vt Soli, & Marti; Marti, & Saturno; alijs post annos viginti, vt Saturno, & Ioui; alijs post annos 199. vt Saturno, & Ioui ex trigono in trigonum; alijs post annos 795. vt Saturno, & Ioui in Signo Arietis; alijs post tantum temporis, vt multi congressus in eodem Signo, (multis enim opus est ad experimentum) vix sub humanam cadant obseruationem.

Vultis hæc eadem ex ipsis Astrologis magistris audire? Referam verba Hieronymi Cardani libro de Iudicijs genit. cap. 22. Neque eadem ad vnguem significant, inquit, fixæ, vel erraticæ, vel cœli partes, quæ Romanorum temporibus; nam nec in eisdem erraticæ locis sunt, nec æquali motu mouentur, nec erraticas eodem modo excipiunt; alix enim latitudinem erraticæ, alix longitudinem variam suscipiunt. Hæc eadem in erraticis, motis absidibus, & signiferi rursus alia natura est; nam calidæ, & vehementes, quæ alias in Leone erant, nunc sunt in Virgine, vnde vtrique Signa temperatiora.

Quàm mira prædicant Astrologi de coniunctionibus Planetarum sub idem Signum, nec minùs asseueranter, quàm si ea quotidie experirentur, non minùs constanter, quàm si obuium id cuique esset experiri. Vix primus Ptolemæus præscorum collaris obseruationibus, Planetarum coniunctiones, & situs constabiliuit in Almagesto. Quid igitur antiquiores, à quibus manu traditam Genethliacam accepimus, obseruare potue-

runt, de Planetarum scibus, de euentis ex varijs Planetarum constitutionibus, & congressibus, modò cum his, modò cum illis pendens?


Non pudet Genethliacos de admirandis harum coniunctionum potestatibus inflare buccas? onerare aures? implere libros? quibus hæc scribuntur? rudibus opinor, & rerum cœlestium imperitis. Istæ nimirum sunt artes, quas suprà commemorabamus Astrologorum, circumuenire ignaros, imponere rerum inscijs. O artem excogitatam non in commodum, sed in fraudem, & captionem mortalium! Quid Cardanus? lib. 2. Ptolemæi tex. 54. mira, & inusitata quædam futura denunciat sub coniunctionem capitis Arietis octauæ sphaeræ cum capite Arietis nonæ, quæ fieri non potest nisi post triginta sex millia annorum. Hæc sunt experimenta Mathematicorum, hæc obseruata tempore immenso; hæc significatione euentus animaduersa, & notata. Vbi nam, nisi in Cardani capite Arietes hi duo octauæ, & nonæ sphaeræ concurrerunt? Quid iuuat quod Cardanus idem eodem libro secundo Ptolem. tex. 63. ait non loqui se de experimentis, omnibus numeris absolutis, & quæ recta ratio præscribit, sed rudi quodam experimentorum genere, quod vulgò circumfertur? Experimenta nos quærimus, eaque recepta, & probata, & omnino qualia ipsi iactant se habere, quando hanc artem, quæ rationum est egentissima, experimentis constare affirmant. Ea experimenta requirimus, quæ inficiari non

possint, qui huic arti denegant fidem. Hæc si promere non possunt, fateantur aliquando, nec ratione,

nec experimentis Genethliacam constare, sed rudi quadam persuasione, & voluntaria otiosorum quorundam hominum asseueratione.

C A-





## CAPVT IX.

*Syderum configurationes Astrologis perspectas non esse.*




NON generatim docuimus ignorare Mathematicos Astrologum situs, & constitutiones, illustri exemplo, & Astrologorum irrefragabili testimonio confirmare licet. Nam cum à vernali illi æquinoctio ducant temporum, annorumque initia, si constiterit eos nunquam potuisse verum æquinoctium notare, effectum erit neque cæterorum Astrologum situs perspectos habere. Vnum porro æquinoctium ignorari adhuc, Mathematici omnes recipiunt, & profitentur. hinc enim annorū incōstantia, hinc castigatio temporum toties repetita, hinc delapsus sacrorum dierum à Concilij Niceni veterumque Patrum constitutione; qua de re disputat Albertus Pighius Apologia pro Astrologia, pag. 2.

Sed à quo audire hæc malumus, quàm à Cardano Astrologorum nostratum, magistro, & Astrologiæ restauratore? Sectione prima, Aphorism. 21. Quædam, inquit, sciuntur perfectè, ut circulorum ascensiones, quædam propinquo modo, ut Solis reuolutio, quædam sciri possunt, & si non sciuntur, ut reuolutio superiorum, quædam sub scientiam sunt, sed nunquam sciri poterunt, ut ingressus Solis in æquinoctij punctum, quædam nec sciuntur, nec sciri possunt, ut mixtiones syderum, ac vires.

Nemo maiori cura ac solertia Astrologum cursus obseruauit quàm Ticho Brahe. is verò libro de noua stella, pag. 648. ita scribit. Satis mirari non possum Appianum non saltem diem, sed horam atque minutum huic coniunctioni præfiniuisse, cum Martis præsertim motus, ut de Saturno nunc nihil dicam, hæcenus non ita sit exploratus quod intra tres vel qua-

tuor dies, eorum copulationem è calculo præsertim Alphonsino, quo ille usus est, imò ne quidem Copernico, hoc paulò exactiore, notam reddere tutò liceat. O perspectas Astrologum congressiones, & congressionum notatas vires, & virium cœlestium certa, & explorata experimenta. Ita igitur, quod vnaquæque stellarum ad alias relata efficere possit, Astrologi notarunt. Ita domorum, finium, terminorum, graduum, minutorum Zodiaci animaduertunt. Ita singulorum signorū decanos, dominos constituerunt! Hæc cum mecum ipse reputo, mirari satis non possum, esse homines, qui scribant disciplinam hanc certis experimentis collectam. Qui potuerunt stellarum efficientiam per singula Zodiaci signa, per singulas signorum partes, & minuta experiendo notare, qui ignorant Planetarum ingressum in signa, & in gradus signorum? Apud rude vulgus iacent Astrologi experimenta, quæ sapientes viri iam dudum exhibilarunt.



## CAPVT X.

*Syderalium configurationum alia magna dissimilitudo.*



VERVM estò recurrant aliquando errantes stellæ, nouumque conuentū in eodē Signo celebrent. At rarò in eundem signi gradū conuenient, sed distabant quatuor, sexdecim, quindecim, viginti gradibus, quæ non leuis, sed magna est diuersitas duabus de causis. Primū quia varijs eiusdem signi gradibus variæ stellæ sunt insitæ, quarum quædam Saturni, quædam Iouis, aliæ Solis, Martis aliæ, Aliæ aliorum sequuntur naturam. In Cancris oculis, inquit Ptolemæus libro primo de Iudicijs, capite octauo, stellæ duæ effectum similem habent Mercurij, & aliquantum Martis, in branchijs stellæ Saturniæ sunt, & Mer-



& Mercuriales, illæ verò in pectore quasi gyrus nebulosus cognomento Martius, & Lunaris est, iuxta quem utriusque posita Martia sunt & Solares; duæ stellæ in Leonis capite idem possunt, quod Saturniæ, & paulatim accedunt ad Martem, in ceruice tres Saturniæ sunt, & aliquantulum Mercuriales, ac illud in corde lucidum Sydus, regulum vocant, æquale est Marti, & Iouis, aliæ in illo ex una in cauda splendida Saturniæ, & Veneræ, aliæ in femoribus Veneræ, & non nihil Mercuriales sunt. Pergit verò & aliarum stellarum, quæ in alijs signis insunt vires explicare, in quibus vix reperias duas, aut tres, quæ consentiant. Quare si multum refert sub Saturnone, an sub Ioue quis nascatur, multum etiam interfit, necesse est, fiatne coniunctio syderum cum eiusdem signi stella Saturnia, aut Iouia, vel cum alia Martia, aut Veneræ.

Deinde quia multi simul gradus Zodiaci, qui in eodem signo multum variare possunt Aquilonarem, aut Australem Planetarum declinationem, facta præsertim comparatione cum terra, in qua quilibet gradus cælestis occupat, auctore quidem Fernelio Ambiano in sua Cosmatheoria 68. miliaria, auctore Ptolemæo Astrologorum magistro 61. Ex recentiorum obseruatione, qui non semel Oceanum traiecerunt 53. prorsus ut denis quibusq. gradibus respondeant plus quàm quingenta miliaria, quo intervallo, quæ distant ciuitates sub eodem meridiano, diuersissimas experientur mutationes aeris. Argumentum sanè firmissimum, valde referre in quoto gradu declinationis Australis, seu Borealis fiat Planetarum coniunctio. Nam in aeris qualitate constituenda, variandaque positas esse stellarum efficientias docet Ptolemæus libro 1. de Iudicijs, cap. 2. & 3. & nos planè cumulatè perfecimus lib. 1. cap. 3. & 5. Quare Ptolem. lib. 1. de Iudicijs, capite 10. capite 16. lib. 1. capite 2. 3. & 4. præcipuam in prædictionibus, & genituris rationem habendam esse præcipit declinationis Planetarum. Hinc Planetarum exaltationes, & casus, altitudines, & eluationes, ex quibus

omnem mortalium foelicitatem hauriunt Astronomi, Ptolem. lib. 1. de Iudicijs, cap. 18. Card. libro de mutatione aeris, capite 12. Iulius Firmicus lib. 1. capite 3. & reliqui Astrologi scriptores, hisque vel leuiter enatiatis maximas his inferioribus fieri commutationes contendunt. Audiamus Cardanum libro de Iudicijs geniturarum, cap. 16. Ex quo patet quomodo, quod à multis quæsitum est, nati eadem hora, eodem momento, habent diuersam fortunam; nam cum loco distant reuolutiones, & comparationes ad verticales stellas, sunt necessario diuersa, &c. Pertinet ergo maximè ad rem, de qua agimus, Astrologorum quoque sententia, quilibet maior, minor, minimus stellarum accessus, vel abscensus à verticali. Vnde Cardanus libro de restitutione temporum, cap. 12. Saturnus, inquit, in Ariete significat aeris corruptionem, si sit Borealis: si Australis, frigoris magnitudinem. In Tauro Borealis præter stellas, siccitatem & tranquillitatem aeris: Australis corruptionem aeris. In Geminis Borealis terræ motus facit, & ventos: Australis corrumpit aerem & calefacit ad tepus, &c. Firm. loco citato. Tunc verò, inquit, homines infœlicitatum infortunijs opprimuntur, quoties stellarum pars maxima in ijs partibus constituta fuerit, in quibus humili deiectione multum de sua potestate demittunt: altitudines autem dictæ sunt ab hoc quod cum in ipsa parte fuerint stellæ, in qua exaltantur, opportunitis scilicet genituræ locis homines faciunt beatos, deiectiones autem earum homines faciunt miseros, pauperes, ignobiles, inopes, &c.

Quid ergo ais? quamuis non in eodem signi gradu conueniant Planetæ, leues esse euentuum commutationes? itane? quinquaginta & tria, vel sexaginta & duo miliaria exiguam efficiunt mutationem? at diuersarum ciuitatum longè minus distantium, diuersas aeris constitutiones, diuersos ciuium mores ex diuerso climate deducitis. Eorū qui eadem hora in eadem vrbe nascuntur contrarij mores, propensiones, naturæ à diuersitate loci quāquam minima profici-

M

sciuntur




scuntur apud Astrologiæ peritos : nunc verò nihil ad euariandos effectus valet integer gradus, & magnum locorum intervallum ? amoto tandem quæramus seria ludo, facessantque aliquando ludicra.

Huc accedit, quod si rarò in eundem signi gradum recurrunt coniunctiones Astorum, multò rariùs in idem eiusdem gradus minutum, quod quia sexages est in quolibet gradu, minorum numero non parum siderum declinatio variatur. Conuenerit aliquando Sol, & Iupiter in Arietis primo gradu, primoque eius gradus minuto, & ex eo loco Romæ nascentes afflauerint. Rursus in minuto decimo quinto, vigesimo, vel 29. congregiantur plusquam quindecim, viginti, aut viginti, quinque miliaribus vna coniunctio quam altera ab vrbe distabit. Quare posterior non afficiet genituram, vt prior, sed tanquam si translata fuisset multis miliaribus versus Austrum, aut Boream intercapedo verò quindecim, vel viginti, vel vigintiquinque miliarium non modicas parere solet apud Astrologos differentias: & quinque interdum, aut sex millia passuum faciunt aëris, morum, valetudinis, ingeniorum dissimilitudinem maximam.

Hanc rationem vrget Phauorinus Philosophus apud Aulum Gellium lib. 14. capite 1. his verbis: Si Principes Chaldæi, qui in patentibus campis colebant stellarum motus, & vias, & discessiones, & coetus intuentes, quid ex ijs efficere obseruauerunt; procedat hæc sanè disciplina, sed sub ea modò inclinatione cœli, sub qua tunc Chaldæi fuerunt. Non enim potest ratio Chaldæorum obseruationis manere, si quis ea vti velit, sub diuersis cœli regionibus. Nam quantæ partium, circularumque cœli ex deuergentia, & conuexionibus mundi varietas sit, quis non videt? Eadem igitur stellæ, per quas omnia diuina, humanaque pruinæ, aut calores cient, sed mutant, & variant, tempestatesque eodem tempore alibi placidas, alibi violentas mouent: cur non euenta quoque rerum, ac negotiorum alia efficiunt in Chaldæis,


alia in Getulis, alia apud Danubium, alia apud Nilum? Per autem inconsequens ipsum quidem corpus, & habitum tam profundi aëris, sub alio, atque alio cœli curuamine non eundem manere. in hominum autem negotijs stellæ istas, opinari idem semper ostendere, si eas in quacunque terra conspexeris. Hæc ille, & disertè; quis enim non videt, quantum momenti sit in natura loci ad moderandos cœli influxus, ad concipiendum calorem, frigus, ventos, nebulam? Præclarè & Tullius lib. 2. de diuinatione. Quæ tanta, inquit, dementia est, vt in maximis motibus, mutationibusque cœli nihil intersit, qui ventus, qui imber, quæ tempestas vbique sit? quarum rerum in proximis locis tantæ dissimilitudines sæpe sunt, vt alia Tusculi, alia Romæ eueniat sæpe tempestas. Quod qui nauigant maximè animaduertunt cùm in flectendis promontorijs, ventorum mutationes maximas sæpe sentiant. Hæc igitur cùm sit tum serenitas, tum perturbatio cœli, estne sanorum hominum, hoc ad nascentium ortus pertinere non dicere, quod non certè pertinet? Ita Tullius. Quare cùm modò hoc, modò illo nascentium naturas, & ortus, prodeuergentia ad Austrum, vel Septentrionem Astra temperent, adhuc desideramus ea experimenta, quorum tantam apud se copiam aiunt esse Astrologi? nisi enim

Astra ad idem planè minutum redeant, qui potuerunt eorum vires experiri, aut quid effectura alio loco sint, certò statuere?



C A-





## CAPVT XI.

*Epicyclis, & eccentricis euaria-  
ri syderum constitutiones  
in vno, eodemque si-  
gni minuto.*

**I**n quando in idem minutum  
sele recipiunt errantes stellæ,  
quod vel tardè, vel nunquam  
cōtingit, obseruantne id Astro-  
logi alijs etiam rebus intenti frequen-  
tius, quam Astroorum congressibus? De-  
ponuntne vnquam è manibus Quadran-  
tes, & Astrolabia? Quomodo ergo ob-  
seruant omnia minuta, nocte, dieque,  
Hyeme, & Æstare, sereno & vdo cœlo?  
Sed nihil illis aliud sit negotij, vigilent  
noctu, nec dormiant diu, an habent pa-  
ratos mulierum vteros per singula mo-  
menta, qui ea hora, atque puncto tem-  
poris fundant partum, quo ipsi egent ad  
experimentum? Nugæ istæ sunt attela-  
næ. Sed hæc omnia mittamus, conceda-  
mus ad eundem signi gradum, idemque  
minutum Astra redire, idque ab Astro-  
logis obseruari posse; Contingere tamen  
potest, vt eorum Epicyclus, vel Eccentri-  
cus absidem habeat, nō in ea parte in qua  
prius: Quare humiliora, vel altiora erunt,  
quàm priori coniunctione, & nihil ex-  
periri potest Astrologus: id enim adeo  
permutat Astroorum congressus, vt con-  
trarios planè effectus excutiat.

Duplex enim Astri vicinitas esse po-  
test; vna, quando Tropicum Cancrī re-  
petens, aut ex Oriente conscendens, re-  
stiores radios demittit ad nos; altera,  
qua ex sublimiori sui orbis parte delabi-  
tur ad infimam, terræque proximam.  
Atque harum quidem si ambæ in pari  
siant gradu, efficacior est posterior.  
Quare si prioris habenda est ratio, vt do-  
cent Astrologi, multò maior habenda

est posterioris, quæ multò plus valet ad  
dissimiles nascentiū temperationes. Ma-  
ximè verò spectandum est, quando Astri  
vtrouque modo, aut distat, aut appropin-  
quat. quæ omnia si expectanda sunt Astro-  
logis, vt experiantur Astroorum vires,  
canescent sine dubio experiendo. Expe-  
ctandum enim vt Astra ad idem reuer-  
tantur signum, deinde vt redeant ad eun-  
dem signi gradum, sed neque id satis  
fuerit, præstolari eos oportet, vt in eodē  
gradus minuto conueniant, nec id so-  
lum, sed præterea, vt ex eadem distantia  
terras prospectent, quæ antequam omnia  
conueniant Nestoris elabentur anni.

Neque verò contemnendum est discri-  
men, quod oriri potest ex latitudine  
Zodiaci, quæ cum duodecim pateat gra-  
dibus, etiamsi redeant eorundem syde-  
rum congressus in idem minutum longi-  
tudinis, potest tamen à priori dissidere  
sex, vel octo, vel decem, & amplius gra-  
dibus latitudinis, quæ cum multò nobis  
vicinior, vel seuioriorem faciant stel-  
lam, multò aliter efficiet eorundē Astro-  
orum congressus partū nunc, quam prius.  
fieri enim potest, vt ait Cardanus ad li-  
brum primum Ptolemæi de iudicijs, tex.  
15. vt quæ in Gallia circa Religionem  
significabantur in priori congressu, signi-  
centur supra discordias in posteriore.

Quamquam non ex gradibus modò Zo-  
diaci, sed multò magis ex numero Pla-  
netarum, qui conueniunt, grauis oritur  
diuersitas, in eundem sanè confluunt lo-  
cum modò duo, modò tres, modò qua-  
tuor, modò plures: si duo in Pari gradu  
latitudinis, in diuerso alij, & si tres

longitudine consentiunt, vnus  
discrepabit, aut plures,  
quæ sanè res tot mo-  
dis variari po-  
test, vt pro-  
eorum

multitudine & varietate hæc  
omnis ars, vel nullis, vel  
paucissimis pateat  
experimen-  
tis.




M 2 C A-





## CAPVT XII.

*Non posse Astrologos vires stellarum  
sapius experiri in  
vna, eademque  
materia.*



VICIMVS, ni fallor, non potuisse Astronomos obseruare omnes Astrorum in quolibet Zodiaci gradu, & minuto congressus: Faciamus iam illis quidquid è cœlo notari potest, esse obseruatum, sine errore. Quid tum? nisi cum cœlestibus consentiant sublunares causæ, ex quarum nihilo minus, quàm ex Astrorum opera, stabiliuntur euentus, nonne inanis est omnis experiendi labor, nonne omnium Astrologorum experimenta acseunt. Secundæ nauigationis exitum si quis æstimet ex vento duntaxat, nulla nauis, & nautarum habita ratione, quos illum nauigandi canones conditurum, putamus? vehemens incumbit Auster, oneraria nauis resistit sua mole; quin & nautarum solertia ita vicissim velum, obuertit, laxauit, contraxit, erexit, vt ad nauigationis celeritatē potius, quàm ad periculum vllum, ea vis Austri pertinuerit: sanciat inde præceptum Austro fauiente foeliciter, & sine periculo nauigari. Experientur illud naues aliæ, licet onerariæ, sed nautarum peritia destitutæ, experientur cymbæ, quarum nulla firmitas est ad oblectandum ventis, suoque malo discent nauigandi præcepta non esse solo vento metienda.

Quid toti è superioribus orbibus penderis Astrologi? quid occinitis collecta experimenta hoc, vel illo syderum congressu? sub eadem Astrorū constitutione fuitne eadem etiam materia? fuitne idem sublunarium causarum concursus? fuit idem pater, eadem mater,

eodem modo affecta, eiusdem ætatis, & roboris, idem semen quod variari solet in humano corpore singulis momentis? Si quid ex his defuit (& non possunt adesse omnia) omnia experimenta concidunt. Dicam euentorum quæ obseruatis causam, non ad ventum solū, sed multò etiam magis ad nautas, & nautarum pertinuisse industriam; Quo argumento persuadebitis à stellarum potius congressu profectum, id quod obseruatum fuit, quam à proximis causis?

Responduri estis veteres experiendo contulisse causas cum cœlestibus sublunares, & examinatis vtrarumque ponderibus, artis præceptiones condidisse. Non credimus. Et magna ratione non credimus; Nam & qui nūc vigent Astrologi, stellas obseruant, præterea nihil, quod & Cardanus ingenue profitetur: Quod si dicant se nihil experiri, sed priscorū experimentis niti: qui possunt veterum experimentis vti, quæ ex supernarum, infernarumque causarum concursu desumpta sunt, nisi post obseruatum cœli statum, perquirant etiam, num sublunarium status is sit, quem veteres experiendo seruauerunt? Ni supernas infernasque causas conferant expendantque vtrarumque momenta diligenter, non possunt ea arte vti, quæ sublunares cum cœlestibus causis confert. Ac veteres, vt Bonatus, Albumazar, Alchibitius, & huius farinæ alij, non tradunt, quæ stellarum vires sublunarium causatum effectionibus intercipi possint, aut promoueri, sed cœli solū cardines obambulant, de cæteris scribunt nihil: nec aliquid in hoc genere memorant se accepisse à prioribus, at neque obseruare hæc veteres potuerunt, neque enim scetus expectat Astrologos, vt prodeat in lucem, neque ex Astrologorum præscripto concipiunt matres, neque elementa, tempestatesque aëris audiunt Genethliacos. Quomodo ergo inferiora attemperarunt Astrorum congressibus, vt experirentur quid illa virium haberent in hac, quid in illa materia?

Verū enim uerò, ne quis rem totam ad priscos illos reuocet, ij sanè vel Aegyptij,



ptij, vel Caldæi fuere; apud hos enim hæc syderalis scientia orta est. Iam verò Chaldæos, qui apud Tullium lib. 1. de Diuinatione cccclxx. millia annorum monumentis comprehensa habent, nunquam de sublunariis causis fuisse sollicitos perspicuè declarant, quæ idem autor lib. 2. de Diuinatione his verbis scribit: Quid? cum dicunt id, quod ijs dicere necesse est, omnes omnium ortus, quicunque gignantur in omni terra, quæ incolatur, eisdem esse, eademque omnibus, qui eodem statu cœli, & stellarum nati sunt, accidere necesse esse, nonne eiusmodi sunt, ut ne cœli quidem naturam interpretes istos cœli nosse appareat? cum enim illi orbes, qui cœlum quasi medium diuidunt, & aspectum nostrum definiunt, qui à Græcis *ἰσθμοί* nominantur, à nobis finientes rectissimè nominari possunt, varietatem maximam habeant, alijsque in alijs locis sint; necesse est ortus, occasusque syderum non fieri eodem tempore apud omnes. Quod si eorum vi cœlum modò hoc, modò illo modo temperatur, qui potest eadem vis esse nascentium, cum cœli sit tanta dissimilitudo? In his locis, quæ nos incolimus, post solstitium Canicula exoritur, & quidem aliquot diebus, apud Trogloditas, ut scribitur, ante solstitium: ut, si iam concedamus aliquam vim cœlestem ad eos, qui in terra gignantur pertinere, confitendum sit illis eos, qui nascuntur eo tempore, posse in dissimiles incidere naturas, propter cœli dissimilitudinem. Quod minimè illis placet; volunt enim illi, omnes eodem tempore ortos, qui vbiq; sint nati, eadem conditione nasci, &c.

Quare à cœlo sine dubio voluerunt prisca Astrologi ita hæc inferiora effici, ut eius efficientia à nullo aliò, quam eius natura ferat, trahi possit. Nullam ergo inferiorum causarum rationem habuerunt, nec aliud experiendo spectarunt, quam constitutionem syderum.

Quid reliquum est? Ab Ægyptijs & Chaldæis profecta est omnis hæc Astrologum præfata vis, & qualem illi proximis causis destitutam collegere, talem suis tradidere Gentilibus, qui eam postmo-

dum in Græcia, in Italia, totoque orbe terrarum disseminarunt, inferiorum causarum notitia orbatam.

Vnus Ptolemæus, qui pro singulari sua modestia, & ingenij perspicacitate rem, de qua nunc agitur, sapienter intellexit, & sub initium lib. 1. grauitè suæ ætatis Astrologis succenlet, quod artis existimationem obscurarent negligentia, & ignoratione causarum, quæ sub cœlo sunt, quanquam & ipse rei difficultate superatus, & quia nihil de his acceperat à maioribus, de ijs breuissimè, & vniuersim differit. neque postea, quatuor libris quibus sanxit Canones iudicandi, docuit rationem, qua illi variari possint causarum, quæ apud nos sunt dissimilitudine, sed totus ipse quoque in tradenda arte cœlo defixus est. Itaque in tenebris ea res tota delituit, nullis veterum experientis, nullis illustrata præceptis, nulla recentiorum animaduersione comprehensa. Tameñ quid miramur factum non esse, quod fieri non potuit? nam ne proximarum causarum vires comprehendantur, efficiunt multa; præsertim circumstantiarum diuersitas, & multitudo, quarum quidem genera si species, pauca sunt, sin cuiusque generis partes, inexplicata varietas. Quot in sæculo anni, menses in anno, hebdomadæ in mense, in hebdomada dies? ex tot diebus, quis vnum alteri planè similem vidit? Quid de locis dicam? mitto Europam, Asiam, Aphricam, Nouum orbem, terræ partes primarias; nihil de nationibus, quas sermonis, & linguæ discrimen internoscit dico; prætereo prouincias, regna, ditiones. De vna aliqua loquor ciuitate, aut oppido; quot tribus, vicinæ, fora, theatra, officinæ, templa, curiæ, domus, prata, campi, lacus, colles, valles? ex ijs si quis aliqua duo, inter se conferat, quam dissimilem comperiet esse amborum faciem, altitudinem, planitiem, latitudinem, temperiem, feracitatem, cœli vim, celebritatem opificum, ornamentum, opportunitatem?

Iam verò quid de personis, & adiunctis personarum dicam? quorumnam vnquam duorum omni ex parte consenserunt conceptus, ortus, mores, vires, ingenia, ordines, fortunæ, vultus, studia,

M 3 amici-



amicitiæ, propinquitates, temperationes, valetudo, procliuities? Sileo circumstantias alias, in quibus diffensiones & dissimilitudines nihilo minores quàm in sylvarum folijs, in animantium pilis, in maris arenis reperies, vt illarum nequidquam expeditior, quàm harum observatio sit. Distingue mihi horum omnium rationes, & Astrologicis experimentis præstabis fidem; nisi enim omnia vocata fuerint ad examen fallax censebitur experimentum, & multis expositum erroribus.

Quid attinet (inquires) tot prosequi minutias, præcipua rerum capita observasse satis est ad experimentum. Nihil minus. Est in minutijs mira vis, & potestas commutandi res humanas. Dum obambulas urbem, ecce tibi repente præteruolat grauis trochus contortus à ludentibus, si dextrorsum vno amplius digito pedem posuisses, actum fuisset de vita; oppressit alterum prætereuntem, qui si paulò lentius ingressus fuisset, ferius ad periculum peruenisset, & incolumis. Dum ad Syphacem ex Hispania P. Scipio nauigat, si semihorula tardius subijisset portum, in Asdrubalis potestatem venisset. In C. Cæsarem sexaginta, & eo amplius conspirant, viginti & quatuor vulneribus in curia confossus vnum duntaxat lethale accepit à Bruto. tot inter coniuratos, quantum in vno Bruto, inter tot vulnera, quantum in vno Bruto fuit? vnus si Brutus abfuisset, vno si minus vulnere cæsus fuisset, viginti quatuor fidas, sexaginta sicarios eluisset. Quàm leui ex ictu, fortuna Octauij Augusti, Respub. Rom. & Imperium orbis terrarum pependit? Quid de Alexandro Magno? Concidit telo confossus, & si paulò maior fuisset in iaculante vis, ad cor Regis telum penetrasset. Quid? dum telum à medico extraheretur, si Rex, qui vinciri noluit, leuiter se commouisset nonne, telum cor pupugisset. In leuissimo igitur impetu, & motu, salus Regis, & Monarchia Persarum tanquam in parua lance pependit. Plenæ sunt ijs euentis historiæ gentium. Quid historias dixi? quotidie & in horas cernere est, quantum in vtrunque fortunam

valeant tenuissimæ circumstantiæ, quæ quamlibet diligentiam fugiunt, nec ad experimentorum leges reuocari volunt.

Neque circumstantiarum numerus solum, earumque vis effugiunt faciliè experientis industriam, sed multò etiam magis earundem abditissimæ causæ, & humanis vel sensibus, vel rationibus incomprehensæ penitus, & inaccessible. Tegula diu pependit ex impluuiò, decidit tandem in Aristippi caput: cur casura foret tunc potius quàm antè, vel postea causam prælagire quis possit? In campo dum applicaretur Sophocles iam senectute caluus, an aliquis præsentire valuit, eò potius, quàm aliò volaterram aquilam, & sub id tempus potius, quàm aliàs testudinem rapiendam, & in senis potius caluitium quàm in saxum deiiciendam? Cùm cæsum ferires Calliam, grauissimo ictu auriculam, solum abscidisti, si paulò magis sinistrosum vibrasses ensen, caput medium secasses ad mortem: An Astra ictum vltro citroque librarunt ad numerum? An potuit quicquam notare stellarum constitutionem, quæ causa fuit, vt ictus ne lato quidem vngue in alteram partem deflexerit? Horum similitudine causas si quis deprehendisse se putet, is etiam omnem fortunæ, omnem casus temeritatem suis se legibus obstringere posse confidat. Vanissimum igitur est omne in ea re studium. Quod si latent nostrisque se abdunt experimentis rerum sublunarium, & humanarum in primis actionum causæ, quantum obscurior erit earundem causarum cum coeli syderumque effectibus comparatio; at ea sublata fluctuat omnis Macheis, vt vidimus, & non secus

Astrologus, sine harum causarum peritia & obseruatione nihil præuidere, ac prælagire potest, quam venator nihil consequi prædæ qui sagittam habeat, ad collimandum, arcum non habeat.

†

CA.



## CAPVT XIII.

*Suffugium tertium refellitur.*

**E**XPERIMENTORVM, quibus hanc disciplinam Mathematici ortam contendunt, nullam esse fidem luce palam quando ostenditur, nihil, dicere solent, opus esse anxie disquirere qualibus experimentis Astrologia parta sit; Astrologorū quotidianā veritatem in prædicendo, Astrologicis præceptionibus fidem amplissimā astruere, & ostendere à veteribus experimentis, pro vt oportebat, facta iam esse; hoc enim erat, vt vidimus cap. 6. tertium Astrologorum suffugium, & vt ait ille:

*Dirarum nidis domus opportuna volucrum.*

Cæterum volucris fortasse opportuna,

de qua idem Poeta:

*Que quondam in buxis, aut culminibus  
deserta*

*Nocte sedens serum canis importuna per  
umbras.*

Astrologiæ verò opportuna parum, si enim veteres non potuerunt syderum vires experiri, quod hætenus docuimus, quo tandem modo recentiores experientur eorum obseruationes respondere euentis; si nequiverunt veteres certis experimentis stellarū vires notare: nec obseruatione certa huius artis præcepta condere; propterea quòd nec eadem omnino Astrorum constitutio redeat vnam, quòd necessarium est ad longam obseruationem, & ad experimentum: nec si redeat, eandem offendant materiam, in quā agat: nec vlla ope subijci illi possint eadem prorsus inferiores causæ, aut dispositiones, quibus effectus mirifici euariari solent, quo tandem pacto Astrologi nostrates veterum obseruationes respondere euentis animaduertunt? An his aliter Astra decurrunt, quam antiquis? An materia, quæ priscis Astrologis obstitit, his parer ad nūm? An redeunti Astro-

rum configurationi hac tempestate præstò sunt iidem parentes, eodemque modo affecti, idque non bis, terve, sed sæpius, vt eodem planè temporis momento coeant, nec coeant solum, sed etiam concipiant, quod priscis temporibus contigit nunquam? Iam verò, si non potest sine errore notari Astrorū situs, quo quis nascitur, vel gignitur, interest autem plurimum non solum, quo quis anno, aut mense, sed etiam quo die, immò qua hora, & ineunte hora, an media, an exeunte ortus sit, momentum verò il'ud, quo quis aluo matris fusus, spiritum primò duxit, nec parentes, nec obstetrix subtiliter notare possint, quo pacto Astrologus experitur veras esse Astrologicas obseruationes, quæ non indefinitæ sunt, sed certæ Astrorum configurationi astrictæ, quæ per singula fere momenta diuersa sunt, & varia.

Hoc loco venit mihi in mentem Sanctus Basilus homilia sexta in Genesim. Genethliacæ artis inuētores (inquit) cum in temporis amplo spatio complures figuras suam ipsorum conscientiam fugere percepissent, in angulum admodum temporis contraxere mensuras; vt minutissimo quoque, & subitaneo articulo, quale est, quod Apostolus dicit, in momento temporis, in ictu oculi, plurimum differentia sit inter natiuitatem, & natiuitatem. Vt is quidem, qui hoc in momento genitus est, futurus sit Rex ciuitatum, populorumque Princeps, locupletissimus, præpotens. Is autem, qui natus est temporis sequentis momento, pauper quidam sit futurus, aut mendicus circulator, vel præstigiator, ex ostijs ostia permutans, quotidiani consequendi causa victus. Quamobrem eo orbe, qui significer appellatur, duodecim in partes diuiso, cum in triginta dierum spatio, partem Sol eius globi transeat duodecimam, quem inerrantem appellant, triginta in portiones singulas illas duodecim partes secuerunt. Tum singulis portionibus illis in sexaginta diuisis, minutæ hæc singula rursus in alia sexaginta, modo simili diuisere. Posito igitur enixu eorum qui in lucem eduntur, videamus obsecro si hanc exactissimam

M 4 tempo-



temporis diuisionem, Auctores hi sibi valeant conseruare. Nam simul atque editus pufio est, mas an focmella fit, obfetrrix explorat, tum vagitum expectat infantis, nimirum indicium vitæ, eius qui natus recens est. Quot hoc tempore vis sexagesima præterijfe minuta? Dicit obfetrrix deinde Chaldæo partum, qui editus est: Quot minutissima momenta vis, interea dum obfetrrix loquitur, prætercurrifse? præfertim fi fortè fortuna fuerit non in conclauī mulierum Chaldæus ille præfens, sed in ædium atrio, aut vestibulo, tempus horamque reponens. Et cū eum, qui definiturus est diligenter tempus, ac horam, exploratoria nimirum horarum percipere oporteat instrumenta, siue diurna sint, siue nocturna: Quot minorum hoc quoque tempore quæfo præteruolat, præteritque examen? Compertam enim eam esse stellam, qua tempus, horaque fit exploranda, non solum quanta in parte fit duodecima, sed etiam quā iuxta duodecimæ portionem partit, in quotoque minuto sexagesimæ eorum in quæ subdiuifa sūt singula sexagesima illa prima, necesse est. Atque hanc tamen aded tenuem, subtilemque temporis inuentionem quamquam attingere nequeunt, singulis in stellis errantibus faciendam esse necessariò dicunt, vt qualem ad cælo fixas stellas ipsæ dispositionem habitudinemque haberent, qualisque ipsarum esset inter sese figura, cū in lucem ederetur foetus, compertum fit tandem, ac exploratum. Quæ cū ita sint, si fieri non potest, vt tempus illud exactissimè quisquam attingat, variatio neque vel breuiffimi temporis fit, vt tota via penitus aberretur, deridendi profectò non mediocriter esse videntur, tam ij, qui studio huius indulferunt artis, quam in ratione rerum nunquam esse, constat, quā ij, qui hiantes ab illorum ore pendent intenti perinde quasi omnia illi scire possint, quæ ipsis sunt euentura. Hactenus Basilus.


Cū res ita se habeat, vrgent Astro-nomi multa Astrologica prædicta certissimis euentis confirmata, quæ sanè veritatē consequi non potuissent, nisi præcepta artis ritè fuissent constabilita, & hæc

aiunt esse experimenta illa, quibus artem suam quotidie confirmari contendunt, quæ calumniando velle peruertere, genus quoddam affirmant esse insanix. Quibus nos vicissim innumera eorundē prædicta, quæ quotidie re, & euentis refelluntur, obijcimus. Quare cū aliqua veræ innumera falsæ diuinationis exemplā, Astrologis quoque fatentibus, promere liceat, nullum adhuc constat experimentum, quod huic arti faciat fidem. Cur quæso aiunt veras ex certis obseruationibus profectas esse, falsas cur negant esse ex vanitate artis? An quia notationes Astrologicæ certæ, & exploratæ sunt fidei, ideoque si quis error aliquando contingit ex eo contingit, quod contra artem peccatum fuit, non quod ars ipsa non constet? Id anceps, ac dubium est; id demum est, quod inquirimus. Vnde id probabunt? experimentis? redeunt eadem ambages. An quia id tradunt veteres Astrologi? vidimus neque illis constare potuisse de veritate Astrologiæ. An quia ita persuasum est omnibus Astrologis? id scire auemus cur sibi persuaserint? An quia id supponendum est tanquam primum principium naturæ ipsi notum? ac multis, & sapientissimis viris, quos nemo dicet naturali lumine orbatos, tam falsum est, quā quod falsissimum. Cur ergo veras prædictiones tribuunt arti, falsas alijs causis? cur falsas non assignant artis inanitati, quam ostendimus nullis potuisse experimentis comparari, verasque alijs causis? quibus ostendemus cap. 3. 1. 3. 2. 3. 3. 4. 3. 5. redi per accidens interdum præfensiones veras.

Huc accedit quod Ptolemæi, & recentiorum ferè omnium Astrologorum confessione cæli efficientia, à causis sub-lunaribus, & proximis impediri potest, & quoquo versus trahi. Quare & Astrologiarum prædictionum veritatem non solum à cælo, & ijs, quæ ab euentu longè disita sunt, sed à coniunctis etiam causis pendere fatendum est necessariò; à duplici igitur causarum genere cœlestium, & sub-lunarium prædictiones cū debeant, cur veras auctore cælo, veras esse, falsas proximis causis



causis impredientibus, falsas esse contendunt? affirmantes præfensiones veras à proximis causis mutuari veritatem, falsas à falsis. Astrologiæ præceptionibus falsitatem haurire, quomodo redarguet? ò mira artis vanitas? O leuissimam disciplinam? Aliqua in ea vera, innumera sunt falsa; sed id vitio illi non vertimus, illud sciscitamus solum, cur vera, quæ sunt, non ab alijs causis, sed astrorum vi vera sint? & quod respondeant habent nihil. Quid opus est amplius vanis has paleas agitare? Nihil subest tritici, nihil firmi, ac solidi, tota hæc ars est extra arcem disciplinarum.



## CAPVT XIV.

*Experiendi difficultas ex Cardano.*


**Q**UAM arduum sit Astrorum vires, si quas habent, experimentis assequi, intellexit ipse quoque Cardanus Astrologorum nostrarum coryphæus. Libro siquidem de Iudicijs geniturarum, cap. 21. differens de electionibus, difficiles eas esse docet quatuor de causis. Prima inquit, ob multitudinem negotiorum, vni non possumus esse intenti, nec etiam illam eligere facili, quæ sit excellentioris conditionis. Secunda, quia non est facile eligere ex significatoribus, quid propriè decernat; nam iam pluribus annis, sicut in quinquagesima genitura, aliquid magnum, ut in tua pollicebamur, & sperabamus, quale autem hoc futurum sit, plane fateor, me vix assidue posse. Tertia verò, quæ maxima est, ea est; quod congressus rerum perpendere non possumus: præcessit enim primò trini Solis ad Lunam accessus, cum illicò oppositi Solis ad ascendens iter significans. Post hæc autem simul Mercurij ad Solis

corpus autionem dignitatis decernentis, erant autem simul, & reliqua, paulò post cor coeli, trinus Solis attingit, & Martem Solis quadratus. Itaque iam peracta re facili est causas, & etiam naturales inuenire, ante difficillimum; Nam nisi fiant congressus, non perficiuntur res, congressus autem temporum rationem supponunt. At longissimus est hic labor, tum magis me alijs in rebus, etsi non dignioribus, attamen mihi necessarijs, intento: hæc enim ars plurimum, & negotijs vacuum, ut quisque hic scriptum assequatur postulat. Quarta, quæ omnibus alijs adhuc difficilior est causa, quod quantitatem rerum attingere non possumus, atque in hac omnes ferme laborant artifices, qui coniectura vtuntur, ut medici, nautæ, imperatores exercituum, veterinarij: tamen eò magis, quod non minus in hac arte, quam in alijs accidit diuersitates ex regionibus, & ciuitatibus, & legibus, & temporibus. Neque enim eadem ad vnguem significant fixæ, vel erraticæ coeli partes, quæ Romanorū temporibus, nā nec in eisdem erraticæ locis sunt, nec æquali motu mouentur, nec erraticas eodè modo excipiunt, aliæ enim latitudinè erraticæ, aliæ longitudinè, variam suscipiunt. Hæc eadem in erraticis motis absidibus, & Signiferi alia natura est; Nam calidæ, & vehementes stellæ, quæ alias in Leone erant, nunc sunt in Virgine: vnde vtraque Signa temperatiora. Ergo rerum initia à genitura pendent tribus modis, vel ab ipsa, vel à directione, vel à reuolutione; hæc verò generalibus causis comparari debent. Cæterum electio in his aliquid facit, sed quis scit eligere? indicat tamen satio, & insitio prodesse electionem, in rebus tamen voluntarijs parum prodest, & difficillima est: cum tamè ad genituras respicimus faustis temporibus, id est, annis, magna aggredi bonum est: non enim astra, quantum necesse est, semper impellunt, &c.

Quod si adeò difficile est experiri quid astra valeant in electionibus, quæ sunt in nostra potestate, & in ijs rebus, quas singulis diebus pro arbitratu licet astris subicere, & obseruare quid in



ijs iuris exerceant, quanto difficilius fuerit notare astrorum vires, quas in generationibus obtinent, quæ sæpè nolentibus nobis peraguntur, & optantes, ac votis omnibus exposcentes deludunt?



## CAPVT XV.

*Electiones, quas vocant, inanes esse ex Astrologorum confessione, & Ludouici Sfortia exemplo.*



**Q**UICVMQVE res omnes, quæ terra, marique, quæ mûdo vniuerso fiunt, cœlo auctore fieri sibi persuaferunt, auspiciato volût negotia quælibet suscipienda esse, & obseruanda sydera apta ad vniuersumque negotium foeliciter peragendum. Interesse enim aiunt plurimum, quibus astris præsidibus vnumquodque negotiû suscipiatur, quæ cœli constitutione adeatur Princeps, agatur iter, suscipiatur bellum, accedatur ad mercaturam, ad studia literarum, ad urbem, ad aulam. Eligenda idcirco tempora vnicuique negotio peragendo oportuna. Ex huiusmodi enim electionibus rerum omnium momenta pendere: illum enim, qui bonis astris iter ingreditur, foelici euentu ad sua rediturum; contra illû, qui se viæ dat dominantibus malignis stellis, difficili, ac periculoso itinere vsurum. hæc Planetarij, quæ nec ipsa per se cohære, nec consentire cum ijs, quæ de natalitijs astris iisdem scribunt, planum est. Nam vel rem, quam aggredieris, foelicem tibi, & ex voto natalitia astra pollicentur, vel infœlicem, & inauspicatam, vel nihil natalis horoscopus de ea habet. Si primum, quocumque astro rem aggrediaris, prospero, secundoque exitu negotium tractabis. Si secundum, nullæ stellæ aduersus natalitia decreta rem tibi prosperabunt; si res ad genitalia

sydera non pertinent, perit omnis Gene-  
thliaca disciplina, quæ ex astris, quæ conceptui, & ortui præsident, res omnes deducit. Nam ex rebus etiam minimis, vt supra planum fecimus, rerum omniû, & publicarum, & priuatarum momenta dependent. Quare si singula negotia natalitia astra effugiunt, pendetque ex horarum, & dierum electionibus, quibus suscipiuntur, nihil certi ex genituris intelligi, aut conijci potest. Quod si negotium vnum ex astrorum dominatu eximimus, eximere cogeris & alterum, & tertium, & quartum, & omnia; quo admissio genitalium astrorum vis eludetur omnis. Nam res ex rebus, & euenta ex euentis nascuntur, vt supra dicebamus. Vnde commutatis vel leuissimis rerum momentis, maximarum quoque seriem perturbari necesse est, omniaque contrario cursu fieri, quàm natalitia astra sponderent. Nihil verò iuvat Cardanû, quod ipse ait libro de Iudicijs geniturarum, cap. 22. non semper natale sydus inclinare mortales, quantum necesse est; idcirco iuuari genituras electionibus, & faustis stellis aggredienda ea, ad quæ genitura propèdet. nam si non facis sunt ad negotia peragenda sydera, quæ genitura præfunt, quod ex ijs colligere possumus, habemus omnino nihil; omnia ex electionibus petenda nobis sunt, in quibus rerum omnium rationes continentur, quas cum nullus fermè obseruare soleat, consequens est, nihil ex astrorum præscripto mortalibus accidere. Natales stellæ non vagè, & indefinitè, sed certo quodam, & definito tempore agunt, quo nisi fausta fulgeant electionis astra, electio præpediat potius quàm promoueat genitalia sydera.

Sed faciamus eo cœli habitu aliquem iter capeffere, quo ad iter auspicandum nihil desiderari possit magis faustum, huiusmodi cœli constitutio perduratne toto longissimi itineris tempore stare, igitur oportet cœlum, quamdiu homines mouentur; quis feret huiusmodi deliria? an cû tempore dilabitur? quo tandem modo sospitabit multorum dierum, aut etiam mensium longum iter? an dicturus es affari hominem ab astris, quando primo



in id equum conscendit, eumque afflatum hospitalem perdurare toto viæ tempore, faustitatemque præstare? itane verò? Qui iter facit, nonne quotidie equum accendit? cur non alijs, & alijs quotidie astris afficitur, quæ sibi succedunt in rerum sublunarium dominatu? Iam verò si variè singulis diebus, immò singulis horis afflatur, quid prodest fausta, aut infausa itineris auspicatio? Nec illud explicabunt Astrologi, quomodo iter agenti stellæ sternant viam, abigant à via latrones, discussis nubibus temperent Solis ardorem, sustineant equos, ne offendant, exæquent montes, vallesque: quæ omnia præstare debet cælum, si prosperum iter præstat.

Quanta verò, & quam ridicula nedum inani superstitione, huiusmodi electiones obligent mortales, declarant ea, quæ de Ludouico Sfortia Mediolanensium Duce scribit Cardanus ad text. 14. Ptolemæi de Iudicijs. Atque ut ex multis, inquit, vnum euidentis, ac præclari exitus exemplum referam hominis à me cogniti: Fuerat Princeps Mediolanensis provincie Ludouicus Sfortia, qui quatuorsum Astrologum, qui que nihil minus quam Astrologiam sciret, (erat enim ex his, quos Ptolemæus hic meritò sugillat) aleret, eumque ditauerat egregie, centumque, atque amplius magnis aureis talentis, ab hoc pro tanta mercede tempus vnicuique negotiis inchoando præscribatur; adeo ridiculè, ut sapientissimus alioquin Princeps cogeretur tempestatibus maximis equos conscendere, totamque aulicam cohortem, & stipatores per medios imbres, cœnum, atque lutum, tanquam hostes, vel insequutus, vel fugaturus deducere. Nescio an Astrologi amentia, an ambitione summa, an potius irrisione, ut qui Principi ipsi talibus commentis per flagitium illuderet, atque ei, quod nullis alijs provincie nostræ Principibus contigerit vnuquæ euenit, ut regno ab inimico Rege spoliatus, & captus, miserè vitam in carceribus, etiam colapho accepto, & in claustra ferrea dormiens, finierit, &c.

De quo Ludouico idem Cardanus libro centum geniturarum, genitura nona,

scribit: Ruente regno, bello spoliatus, fraude captus, mortuus autem in carcere, ut fama est quinquagesimo quarto ætatis anno, cum septem annis miseram in latronijs transeisset vitam. En exitus faciliore Astrologicarum electionum, id demum assequutus est clarissimus Princeps obseruando apta negotijs astra.

Scio multis Astrologorum non probari electiones, rem inutilem, & confictam ad corradendam insipientium Principum pecuniam. Legi enim quæ aduersus hæc Astrologiæ partem scribit Haly Ptolemæi interpres; vidi quæ scribit Cardanus libro de Iudicijs geniturarum, capit. 22. Cæterum electio in his aliquando facit, sed quis sciet eligere? indicat tamen satio, & insitio prodesse electionem, in rebus tamen voluntarijs parum prodest, & difficillima est; cum tamen ad genituras respicimus faustis temporibus, id est, annis, magna aggredi bonum est: non enim semper astra, quantum necesse est, impellunt; dierum autem, & horarum electio absurdissima est, nisi naturalibus deligentur perpetua Lunæ ratione, quandoquidem nec eò perfectionis deuenimus, ut dierum decreta possimus attingere, &c.

At si electiones commenta sunt Astrologorum, cur non & genitura? an comminisci potuerunt Astrologi electiones, genituras non item? An saliere voluerunt, qui electiones inuenerunt, non ij, qui genituras? Cur ita? An qui singula negotia à stellis auspicantur, non bona fide artem tractant, Genethliaci sine fraude exercent artem? Quis credet? aut cur credet? An decipiuntur errore magno, qui negotia singula ex astris aptè deduci posse existimant? qui ex ijs astris, sub quibus ortus quis est, iudicant de rerum euentis, non decipiuntur? quibus id persuadebis? An hi certò vident se artem tenere? At illi quoque videntur sibi rem acu attingere. An hi experimentis nituntur, non illi? utrique experimentis artem suam tuerentur, sed vera experimenta utrique desiderant; an Genethliaci vera, qui electiones sectantur, falsa effantur? semperne vera? an semper falsa? utrumque falsum. An utrique veræ, & fal-



& falsæ prædictiones contingunt? cur electionum disciplina commentum dicitur esse, ad ludificandum mortales excitatum, quæ genituras tradit omnes veritatis numeros habere? Quare concludamus, sicut electiones ipsorum quoque Astrologorum testificatione fictitiæ sunt, ita Astrologiam vniuersam commentum esse omni somniantium ludibrio vanius.



## CAPVT XVI.

*Pugnantes Astrologorum sententia de Alfridarijs.*

**N**on ægrè ferent Astrologi, si Hieronymi Cardani rationē Alfridariorum describemus prius, quàm Ptolemæi: nam neque natura semper incipit à perfectionibus, & ut verum fateamur, explicatius nescio quid hæc continet, quàm illa, propter quod non incongruè à faciliiori auspicamur. Caterùm, ne vlla sit imposturæ suspicio, quæ in tam apertis nugamentis euitari vix posset, verba ipsa, & Ptolemæi, & Cardani describere non grauabimur. Alfridaria, inquit Cardanus libro de Iudicijs geniturarum cap. 2. experimento, & ratione constant. Anni septem primi sunt Lunæ, tunc corpus molle, & conuulsioni paratum, licet Princeps dicat ad quintum vsque tantum. Septem sequentes, vsque ad quartumdecimum Mercurij; tunc fit agilis, & rationis capax. Septem alij ad vigesimumprimum Veneris; tunc fit formosus, & Veneris potens. Septem alij vsque ad vigesimumoctauum Solis, crescere desinit ob siccitatem, honoris agit curam, robur crescit. Septem alij ad trigessimūquintum Martis; tunc ad laborem, audaciamque vertitur, statumque roboris assequitur. Septem alij Iouis vsque ad quadagesimumsecundum; tunc consilium, sapientia, & cura rei familiaris

superuenit. Septem alij ad quadagesimumnonum vsque sunt Saturni; tunc sollicitudine, & timore, & auaritia vexantur homines. Post reuertitur ad Lunam vsque ad quinquaginta, & sex, & incipiunt repualscere. Vnde attonitus morbus maximè, à quadagesimumsecundo ad quinquagesimumsextum aduenit, Luna, vel Saturno dominante. Et qui in genitura foelicem habet Planetam, foelicus aget, dum sub illius custodia anni labuntur, melius verò, si per reuolutiones rectè se habuerit, ut in decimanona genitura, à quadagesimumsecundo ad quadagesimumnonum mediocriter sub Saturno, à trigesimoquinto ad quadagesimumsecundum benè sub Ioue, à quadagesimonono ad quadagesimumsextum, malè sub Luna. Horum igitur Alfridariorum si genitura diurna sit, primus annus Soli, secundus Veneri, tertius Mercurio, sicque descendendo, ut ultimus Martis sit: si autem nocturna, primus Lunæ, secundus Mercurio, atque sic ascendendo, donec Saturnus ultimus sit, dedicatur; quamobrem vltimi climaterici semper sunt infortunarum Saturni in nocturna; Martis in diurna, ut septimus, decimusquartus, vigesimusprimus, & alij deinceps; Vnde fit ut quinquagesimus sextus in nocturnis genituris propter frigiditatem Saturni duplicatam, & sexagesimus tertius in diurnis ob siccitatem Mercurij, & Martis, utroque subscribente, iam ætate frigida, & sicca maximè periculosi sint: si tamen Saturnus in nocturna, aut Mars in diurna dominantur principalibus vitæ locis, nunquam melius se habebunt, quàm his temporibus. Si autem quis moritur in climaterico Saturni, frigida aliqua causa comes est morbi, etiamsi calidus sit, qui in climaterico Martis causa aliqua calida. Vnde in his plerumque acuta in diurnam, versa: in alijs ex diurna, cui acuta coniuncta est, moriuntur. Cum verò ambo domini generalis, & proprius benè dispositi fuerint, natus benè viuet, etiamsi directio mala occurrat, & quæ mortem significet; poterit enim anno integro produci vita. Sunt autem benè dispositi, vel genituræ tempore, vel reuolutionis



nis, directio autem non immutat Planetas, sed solum loca eorum, plurimum autem potest in vita, valetudine, honoribus, ducenda vxore, & filijs procreandis, & moribus, minimum autem in diuitijs. Alfridaria igitur ingenij sunt à septimo ad vigesimooctauum annum, medij tamen à decimoquarto ad vigesimumprimum sunt debiliores, quia Veneris, id tempus est, & voluptatum. Alfridaria honoris à vigesimoprimum ad trigessimumquintum. Sed generationis filiorum à vigesimo octauo ad quadragesimumsecundum, & hoc intellexit Plato subobscuris verbis. Alfridaria diuitiarum à trigesimoquinto ad quadragesimumnonum; tunc enim Iupiter, & Saturnus dominantur, à quadragesimosecundo ad quadragesimumnonum est propriæ astutiæ, & consilij, &c.

Hæc Cardanus de Alfridijs. Contraria planè scribit Ptolemæus libro 4. de Iudicijs, cap. 9. Hæc autem via, inquit, siue ordo à primis annis, & à sphæra nobis affiniore, scilicet Lunari, sumit exordium, & in extremis annis ab vltima Planetarum sphæra, quæ Saturni dicitur, explicatur. Sciendum est etiam, singulis annis res accidere cum illius Planetæ natura, quin illius anni decreto fuerit, similitudinem sortientes. Huius autem observatio rei necessaria est, ad generalis horum vniuscuiusque temporum qualitatis comprehensionem, quorum differentiarum particulares ex eis, in habentibus proprietatibus cognoscetur. Nam quia Luna ad plus quatuor primorum annorum, infantis dispositioni dominatur, quo numero, per quem quatuor primos annos intelligimus, assimilatur infans, sui corporis teneritudinem, & infirmitudinem, festinūque incrementum suscipit, cuius etiam maior, & frequentior est aquosa cibatio, eiusdemque formæ leuis alteratio: necnon ipsius anima debilis, imperfectaque tenetur, secundum quod ex his, qui propter opificem infantis animæ partem accidunt conueniens est. Ut quoniam secundus Planetæ qui Mercurius appellatur, dominus ex sit dispositionis decem annorum sequentium, qui & pueritiæ sunt, & secun-

di nominantur, propter hoc, inquam, quod numeri medietatis viginti annorum ipse dominus est, infans hoc annorum spatium, effectum intellectus, & rationationis animæ, manifestum puer ingreditur; veluti si quasi eruditionis planta, & qualitatum animæ radices in eo plantarentur. In his etiam annis ex eorum, quæ aptantur proprietatibus castigatio, nec non & doctrina splendet, & ad primi exercitij modos expergefactus insurgit. At quia dispositioni subsequentium annorum octo, qui & adolescentiæ sunt, & tertij nominantur, Venus dominando præsidet, & quia numero annorum eius propriæ circūuolutionis equatur motus, decursus spermatidis, cuiusque multitudinis adunatio sumit initium, & ad actus vsque Venereos adolescens ipse mouetur: hoc autem tempus esse dicimus, in quo, animæ quasi bolismi similitudinem sortiuntur, & vix minimam abstinentiæ portionem tangentes, ad plurimumque cupidinis impetum, omnibus ex rebus Venereis contingere possibilibus peruenientibus tempestiuam Lunariam deceptionem, mentisque cæcitatem in opranti omnibus incurrunt. Et quia Sol medialis sphære dominatur dispositioni annorum viginti, qui quarto loco notati, & ordine sunt medij, & iuuentuti deputati, præesse dicitur in operibus potentiæ, & fructuosa dispositione vitæ: nec non eiusdem directione sollicitudine iuuenilem habere animam facimus, & ex qualitatibus decretorijs, ludicris, & deceptibilibus ad animæ salutem, pudorisque conseruationem, ac honoris affectū eam adulterari dicimus.

Post Solem autem quia Mars quindecim annis quinto loco constitutus dominatur, qui sunt anni roboris, atque vigoris, numero propriæ rationis ipsius æquantur vitæ grauitas, ac impedimentum, & adueritas incumbunt; animæ verò cum corporibus anxietates, & impedimenta sustinent, & corporis declinatio serè sentitur, & intelligitur; operabitur etiam homo grandia; vnde sibi summus labor euenit, quorum explicationem ante suæ mortis accessum expectat. Deinceps autē Ioui sexti loci senium vin-



vindicanti senectutis annos duodecim suæ propriæ circumuolutionis æquales assignamus, in quibus homo ab operibus corporis, & laboriosis, necnon ab anxietate manum retrahit, animamque suam deinde periculo non committat: pro quibus omnibus sanum mentis habitum induens, bonæ conseruationi studebit, & præ sua magnanimitate turpia negligens in omnibus rebus desiderando prouidus, necnon fermocinator consolator habebitur. In hoc etiam tempore circa libertatem, & honorificentiam, bonamque famam cum pudore, & reuerentia maximè sollicitabitur. Post hos autem anni Saturni, veluti in extremo positi, qui sunt senij, nec ante vitalis loci egressum terminati, ordinati eueniunt: Hos frigidior temperatio, corporisque motus grauedo, & aspectus diminutio, necnon & naturæ festina declinatio comitantur. Hæc autem qualitas vitam hominis exuit, impedimentum, & tristitiam, modicamque rerum sustentationem propter suorum motuum debilitatem imprimit. Hæc sunt igitur qualitatum temporum proprietates, quæ secundum generales res naturæ apparent. Particulares verò temporum proprietates, quoniam nonnisi ex natiuitatis proprietatibus obseruare debemus id, quod in eis vniuersale apparuerit nobis ab Astri lege dominatrice considerabimus, &c.

Hæc Ptolemæus, hæc Cardanus. Ab utroque dissentit Firmicus libro secundo, cap. 29. Initium, inquit, temporis in diurnis genituris Sol accipit, in nocturnis Luna, nec aliam rationem admittas: quia hæc ab omnibus approbatur. Cum itaque Sol dominus temporum fuerit, teneat dominatum annos decem, menses nouem; simili modo, & Luna, cum domina temporis fuerit, tenebit annos decem, menses nouem. In diurna igitur genitura primum decennium Sol accipit; secundum, qui in genitura per signorum cursum in secundo loco fuerit inuentus; tertium qui post secundum fuerit, & simili modo cæteri, quod ut manifestius intelligatur, hoc docemus exemplo. Si in diurna genitura Sol in Ariete fuerit inuentus, ipse erit decennij dominus, sic

& in quocunque alio signo fuerit. quicunque ita in Tauro fuerit, ipse erit in secundo loco; qui post Taurum fuerit, ipse erit tertius, & sic in cæteris hoc modo, & etiam in nocturnis genituris à Luna inchoantes faciemus, &c.

Deus Optimus Maximus benè faciat Genethliacis, qui tot, tantis, & tam manifestis mendacijs artem suam onerarunt, ut nullos nisi volentes, & prudentes ea fallere possit. Huius generis esse Alfridaria, de quibus agimus non solum declarant contrariæ, & pugnantes de eis Astrologorum sententiæ, sed etiam illud quod cum præcipuis Astrologiæ placitis non cohærent.

Eamus per omnem Astrologiam, decurramus Domos, Antiscia, Fines, Horoscopus, Cardines, Signa, Configurationes, Triangula, Stationes, Directiones, Retrogradationes, Irradiationes, Curus, Carpentæ, reperiemus sine dubio varias esse Astrorum vires, pro varietate signorum, domiciliorum, triangulorum, antisciorum, cæterorumque, quæ recensuimus. Et Iulius quidem Firmicus lib. 3. Matth. singulorum Planetarum potestatem, quam per singulas cœli stationes obtinent, accuratè persequitur. Libro verò quinto eorundem decreta per singula Zodiaci signa tradit, totusque in reliquis libris est in eo, ut doceat varias Astrorum vires in varijs cœli partibus, varijsque domicilijs.

Ptolemæus verò libro primo, cap. 21. Atque hoc fermè modo (inquit) se habent familiaritates stellarum, locorumque duodecim. Dicuntur autem stellæ, & suas quasi personas gerere, quod videre facie ad faciem vulgus vocat, cum singulæ eo modo cum Sole, aut etiam Luna configurantur, quo domicilia ipsorum cum domicilijs luminum, ut verbi causa, Venus in sexangula configuratione, cum luminibus, sed cum Sole vespertina, cum Luna matutina esse debet, pro eo, atque etiam domicilia collocata sunt, suis autem quasi in regijs curribus, & carpentis inuehi, & solijs insidere, & in huiusmodi excellentijs tunc esse dicuntur, cum duobus, aut pluribus nominibus declaratis in superioribus famili-



miliaritatis ius exercuerint in ijs locis stellæ, in quibus institerint. Nam quia tunc maximè efficaces eorum vires sũt propter convenientiam, & similitudinem, & quasi collatam operam duodecim locorum, ideo solijs suis confidere & illustres dicuntur. Gaudere etiam volunt cum loca, in quibus stella fuerit, non ipsi, sed alteri suæ conditionis obnoxia fuerint, quæ quidem satis è longo congruitatis ratio ducitur, sed similitudo illam efficere putatur. Contra autè si in locis alienis, & contrarijs conditionis suæ alia inueniantur, valde diluitur peculiaris ipsarum vis, diuersarum naturarum confusione, propter dissimiles signorum constitutiones. Pergit cap. vigesimosecundo. In vniuersum, inquit, intelligimus applicari præcedentes sequentibus, sed non oportet longum esse interuallum, idque intelligitur in corporeis congressibus, & configurationibus illarum. Nisi quòd in corporeis congressibus applicationis, & defluxus etià latitudines conuenit notari, nam nonnisi eos qui in linea per media signa ducta existunt admittere consueuimus, quod in configurationibus obseruare superuacaneum fuerit, cum radij vniuersi eodem, idest, in terræ punctum tendant, atque ita vndecunque existit semper concurrant. Ex quibus omnibus euidentis sit, habitudines stellarum singularum, exquirendas, cum ex propria natura earum, tum ex natura signi, in quo fuerint, necnon secundum configurationem ad Solem, & cardines, quæ cuncta à nobis indicata sunt, sed vires assumunt, primò si Orientales sint, & cursum suum intendant, tum etiam plurimum possunt; sicut minimum, si occidentales sint, & remittentes cursum suum. Deinde proposito suo, & respectu erga finitorem: nam in medio cælo, aut succedente illi loco, potentes maximè, sed potentes etià sunt in ipso finitore, & succedenti loco, plurimum autè possunt in finitore Orientali, contra verò vicinus in imo cælo, aut alio cõformi finitori Orientali loco, sed extra hæc omnia reperti imbecilles, & prorsus infirmi habentur. Hæc Ptolemæus, nec vllus dissentiat Astrologorum.

Reuertamur ad rem nostram. Qui aiunt Lunam primis quatuor, aut septem annis ab ortu præesse, non docent, opinor, eo toto tempore affixam illam esse vni cœli parti, aut seruare eandem semper constitutionem cum reliquis Astris, sed admittunt aliquando ex sua, aliquando ex aliena domo, terras spectare, aliquando proprio curru vehi, nunc vnum, nunc aliud Zodiaci signum occupare, nunc Orientalem, nunc esse Occidentalem, & quod hinc necessario fit, fatentur ijs annis, quibus pueris præesse dicitur, interdum maiorum, interdum minorum, interdum nullarum esse virum. Quid igitur aiunt, quando aiunt Lunam primis septem annis à natiuitate puero dominari? Astra his inferioribus non alio, quàm actionis iure dominantur, actio Lunæ singulis momentis varia est. Quid ergo est dominium istud, quod illa septem integros annos in puero obtinet? Nonne eundem sequentibus annis, & mensibus retinet cursum, eandemque constantiam? Cur igitur primi anni Lunæ tribuuntur potius quàm reliqui? Cæteri Planetæ interim cessantne, an aliquid agunt? non otiantur, domi præteritum suæ, in suis solijs; in finitore, & succedente loco, in finitore maximè Orientali, vbi præcipuè suas exercent vires, auctore Ptolemæo. Agunt igitur non minus quàm Luna: plus etiam, si in ijs locis hæc existat, in quibus minimum, aut nihil obtinet virum; alij verò Planetæ, vel in suo domicilio, vel in finitore sint, alioque loco, ex quo in hæc inferiora vehementius agere solent, aliarumque stellarum efficientiâ impediri: à verò pugnare inter se Astra, & nunc hæc; nunc illa superare pro varia constitutione, & situ, primū est Astrologiæ principium: Item singulis diebus, singulis horis, singulis transuolantis temporis momentis variantur Astroorum congressus, & constitutio. Quid ergo iuris Luna obtinet in puero, per septem integros annos? qualem exercet potestatem, quam non exerceat reliquo vitæ tempore? quas vires obtinet primis annis, quas non obtineat in sequentem ætatem. Nugamenta hæc sanè sunt,




sunt, & ludibria puerorum bullas cœlo toto sectantium. His accedit, quod cum singulis diebus alij pueritiam, alij afolescentiam, alij virilitatem, alij senectutem ingrediantur, si Alfridaria starent, oporteret pugnantem stellas vno, eodemque tempore vires obtinere contra omnia Astrologica decreta.

Dicent fortè, non idcirco Lunam præsidere pueritiæ, quia toto eo tempore inter reliqua omnia sydera Imperij iura obtineat; sed quia, cum ea ætas humida in primis sit, humor verò à Luna præcipue defluat, Luna illi ætati maxime censeatur salutaris, & accommodata; idemque de Saturno, reliquisque existimandum, quæ alijs ætatibus præesse dicuntur. Argutè hi quidem disputant, sed non soluerunt adhuc nodum difficultatis, non solum enim humorem, sed etiam calorem, & multò magis, auctore Aristot. libro de Iuuentute, & Senectute, capite decimoquarto, ætas illa continetur, Soli igitur tribuenda potius, quam Lunæ. Quin si pueritia abundat humore, siccitate potius indigebit, & Saturnum agnoscat principem, non Lunam; humorem enim à se, non à Luna, siccitatem à cœlo, non aliundè obtinet. Præterea solane pueritiæ redundat humore? Non sanè; toto adolescentiæ tempore, quod minimum viginti, & vnum annum continet, exuberare humorem, scribit Aristoteles libro de Iuuentute, & Senectute; quin & Cardanus libro de Iudicijs geniturarum, capite secundo, circa vigesimumprimum annum tradit cessare augmentum propter siccitatem, supponens non septem primis annis, sed viginti, & ampliùs redundare humiditatem.

Quid Aristoteles? Oportet inquit libro de Longitudine, & Breuitate vitæ, capite tertio. accipere quod animal est natura humidum, & calidum, & ipsum viuere tale est, senectus autem frigida, & sicca, & quod mortuum videtur enim sic. Materia autem corporum existentibus hæc, calidum, & frigidum, siccum, & humidum. Necessè igitur est senescentia exsiccari, &c. Tota igitur vita dominari oportet Lunam, non


solum in primis annis, si fouet humidum radicale. Iam verò quod aiunt Venerem præesse ab anno decimoquarto ad vigesimumprimum, quod eo præsertim tempore genitale semen oriri soleat, quantum continet leuitatis? nonne ad quinquagesimum, & sexagesimum annum humor hic perdurat? cur & eius vis ad eius usque ætatem non perstat?

Denique quæ Genethliaci tradunt de chronocratore, & temporum moderatore, funditus Alfridaria euertunt? Initium temporis, ait Firmicus libro secundo Matheos, cap. 29. in diurnis genituris Sol accipit, & cæteris diuidit; in nocturnis Luna, nec aliam rationem admittas, quia hæc ab omnibus probatur. cum itaque Sol dominus temporum fuerit, tenet dominatum annos decem, menses nouem; simili modo, & Luna cum domina temporis fuerit, tenebit annos decem, menses nouem. In diurna, itaque genitura primū decennium Sol accipiet, secundum qui in genitura per signorū cursum in secundo loco fuerit inuentus, tertius qui post secundum fuerit, &c. Qui sit ut primum decennium Soli subfit, si Luna, sibi septem primos annos vendicat? Si facessant fabulæ, & commenta, tota hæc disciplina tãquam inanis fumus euanescet. Nos Alfridarijs prætermisiss, ad reuolutiones veniamus.



## CAPVT XVII.

*Magnas reuolutiones confictas  
esse Astrologorum testimo-  
nio probatur.*



Quameūque Astrologiæ partem incido, infinita fabularum ludibria offendo. ab Alfridarijs digressus magnas statim reperio reuolutiones commentum, tam immane, quam quæ aniculæ pueris narra-



narrare solent, animi causa.

Verum quos excitabimus huius rei, aut testes, aut iudices? Non alios sanè quàm Astrologos ipsos, & Astrologiæ Magistros, & Albertum Pighium Campensem, & perse, & Augustini Niphi Astrologiæ restauratoris test. monio, Mathematicum clarissimum. In Apologia enim, quam pro Astrologia edidit anno 1518. par. 1. Ut itaque paulò euidentius inquit faciamus, quàm ingeniosè hi astrologentur, qui per magnos orbes nobis edicere conantur euentus mundanos, paulò altius exordendum est. Finxerunt quemlibet ex Planetis, & vnumquodque item signorum mundi imperiũ obtinere annis 160. quibus exactis nouum aiunt incipere orbem magnum, cui & Planeta priori proximus, & signum, quod deinceps heret signo priori, pariter præfunt, atque ita qualis dominantis syderis, atque signi natura est, talia euenire eo annorum spatio; quanquam nemo ex his vsque adeò deliret, vt particulares euentus, & maximè quæ per singulos dies sunt aeris mutationes putet ab his orbibus pendere, nisi Gaspar ille, qui nos his suis ineptijs prolixius agere de his magnis orbibus coegit. Dicunt insuper coepisse novum orbem magnum, quo tempore ea fuit Saturni, Iouisque coniunctio, quæ præcessit annis, vt aiunt, 279. huic autem orbi præfuisse ex Planetis Saturnum, ex signis Cæcrum, & ab eo veluti supputationis cardine magnos orbes ad nos vsque reuoluunt. Sed hæc quàm sint mendacia, quàm fabulosa, quàm obtusissimis etiam ingenijs conficta, ex eo patet: Nam auctores huius figmenti Albumazar, Aomar, & reliqui dicunt, sicut post eos Alphonsus, fuisse ab initio ad diluuium annos 2218. à coniunctione autem illa, cum qua nouus ille coepit orbis, annos 1947. ex quo numero, quinque orbes constari necesse erit, & adhuc annos superesse 147. sexti orbis imperfecti, & ita necesse erit, vel mundi creationem non cum nouo orbe coepisse, aut præterisse orbis primi 213. annos antequam essent anni, hoc est, ante ipsius mundi primordia, qua re quid potest esse delirius, aut amentius? Dein-

de vt Saturnum, Cancerumque orbi illi præfecerant, qui coepit ab ea Saturni, Iouisque coniunctione, quæ dicunt præcessisse diluuium, ea ratione, vt causam in cælo haberent, à qua inundationem illam deducerent, ita quia consonum videbant, vt gubernationem mundi à Sole inter Planetas, ab Ariete inter signa exordirentur, Solem mundi Planetam fecerunt, Arietem autem signum. Hæc enim scribunt Haly, & Albumazar libro primo, de magnis coniunctionibus, tamen hæc manifestissimè inuicem pugnant, atque contradicunt. Nam cum sint ante orbem diluij ad mundi initia iuxta eorum computationem, orbes quinque perfecti, sex autem imperfecti, veluti ante diximus, siue quinque, siue sex numeremus, necesse est orbem diluij, aut sextum, aut septimum, fuisse. Eapropter si primo orbi Aries dominetur, sexto, aut septimo, qui diluij est, non Cancer, sed aut Virgo, aut Libra necessariò præfuerit; & si primum rexit orbem, Solare sydus, orbi diluij, non Saturnum, sed aut Iouem, aut Martem præfuisse necesse erit. Quàm igitur sibi sit consona ista de magnis orbibus fabula, imo quàm obtusissimo ingenio eius fuerint auctores, vel ex hoc cuiuslibet euidentissimum esse potest, quòd tot repugnantia includat. Qui etenim ingeniosè mentiri volunt, saltem mendaciorum suorum memores esse debent, ne sibi ipsis contrarij inueniantur. Postremò videamus quàm ingeniosè, ac diligenter hos orbes reuoluat iste, qui illos orbes tam efficaces nobis adducit. Putat enim hunc, qui nunc reuoluitur, decimum quartum esse ab orbe diluij, & agi annum eius 221. sed cū à diluuiò ad Christum secundum sacras Hebræorum Historias, anni sint 2300. erunt ab orbe diluij ad annum præsentem anni 4098. Hos autem annos, si per annos magni orbis partiaris, inuenies orbem præsentem duodecimum esse, non decimum quartum, nec Leonem cum Luna, sed potius Geminos cum Venere nobis præesse. Et ita manifestum est, etiam si essent aliquid hi magni orbes, falsum tamen necessariò esse oportere quicquid

N iste,



iste, & sui similes ex ijs nobis prædicere contendunt. Sed nimis multa; contestatur clarissima voce Astrologia, nihil horum omnium pro suo se recognoscere, sed meracissima hæc esse nugamenta, Syracusanis illis vaniora; quemadmodum, & ea, quæ dicunt Albumazar, & cæteri hi fabulatores de maximis, quas appellant coniunctionibus Saturni, & Iouis, quibus tam pollentes effectus tribuunt, Dogmata, Sectas, Religiones, Regna, diluua, portenta, & omnia miracula ante Christi aduentum, fines Religionum omnium. Sed vtiā verum prædixisset Albumazar, de termino impijssimæ suæ sectæ Mahometanæ, quæ iam longo tempore ultra terminum ab eo præfixum perdurat.

Adhæc & Christum coniunctionibus his subiiciunt, & ipsam nostram sanctissimam Christianam Religionem, ipsum etiam diluuium vniuersale, quod Deus ob hominum peccata induxit, & ne parum impij Christiani sint, ipsa etiam Christi miracula, quæ hoc ipso miracula esse desinunt. hæc, & multa alia impijssima contra Deum, & nostram sanctam Religionem, blasphema fabulantur. Inter quos maximopere admiror Dominum Petrum Aliacensem Cameracensem Cardinalem, qui his tam impijs fabulis in sua senectute, & iam Episcopus Cardinalis factus subscripsit. Sed his omnibus Astrologia constantissimè contradicit, neque vnquam tam impijs istorum fabulis contra Deum, & Religionem Christianam, se consensisse palam protestatur, falsò sibi hæc adscripta: paratam se ab omni hæreseos suspitione purgare: si quid præter communem naturæ cursum fiat, vel in peccatorum vltionem, vt illud diluuium, vel in veritatis alicuius supernaturalis confirmationem, ea se libenter Deo permittere, qui cælorum legibus non constringitur, in his nihil se velle vindicare, & si quid eorum ab impijs hominibus iniuste sibi tribuatur, se donationem illam minime ratam habere. Quæ autem de maximis coniunctionibus isti fabulantur, quorum effectus in tam multa sæcula extendunt, è quibus orbes magnos, &

Saturni reuolutiones confingunt per omnes cælos, deierat; se omnino ignorare, imò omnino se non intelligere, quod hi loquantur, vt qui seipsum non intelligunt. Ingeque cōfiteretur nihil se posse scire, nisi quod obseruatione deprehendi potest: Obseruationem omnium Apotelesmaticarum, aut Astrologicarum veritatum vnicum principium esse, quod nisi præcesserit, fabulosum esse quidquid dicitur, & fictitium necesse est. At constellationem aliquam cœlestem (accipiant quam voluerint) post tam multa tempora aliquid efficere, vt est à ratione alienissimum, ita nec aliqua experientia, aut obseruatione deprehendi possibile est. Constat enim, & testatur Aristoteles, experientiam, obseruationemve, nonnisi ex pluribus singularibus effici. Quis autem hominum, imò qui plures homines tanto vixerunt tempore, vt multas eiusmodi singulares obseruauerint, ex quibus talem aliquā, verbi gratia, vniuersalem rationem deducere potuissent maximam videlicet coniunctionem, quam vocant Saturni, & Iouis, si cum Solari aliquo deliquio fortè acciderit, in tria, aut quatuor millia annorum suum effectum extendere? sed do eis ampliùs, vnum scilicet hominem, tribus, aut quatuor millibus annorum vixisse, imò si volunt, à mundi initio ad præsens vsque, impossibile tamen erit, vel vnicam huiusmodi singularum obseruationum veram deprehendere. Qui enim certificari poterit ea, quæ nunc videt accidere, ab aliqua coniunctione provenire, quæ nos mille annos præcesserit, & non potiùs à præsentibus constellationibus, quas fortasse ipse ignorat? potissimum cum medio interim tempore tot coniunctiones, constellationesque extiterint primæ illi contrariæ, & repugnantes, quæ aut mutauerunt quidem, aut ex toto irritauerunt, quod à prima illa significabatur. Manifestum itaque est, hæc somnia esse, & anilibus fabulis inaniora.


Hæc Astrologiæ Magister, & Patronus. Vtiā reliquas huius disciplinæ fabulas nobis enodasset pro ea auctoritate, quam apud Astrologos obtinuit maximam facillè eos ab huiusmodi ludibrijs reua-



renocasset, magno humani generis bono. laboraremus enim minus eorum, imposturis, minusque mortales paterent Astrologiæ fraudibus. ut enim sumus abditarum rerum scientiæ immodicè appetentes, ira nescio quo modo ijs etiam, quæ inconstanter, & incredibiliter dicuntur, non denegamus fidem, & quam singulis diebus mentientes stellarum vates deprehendimus, vix tamen quotidianis experimentis, vix sensibus ipsis credimus vanitatem huius artis.

## CAPVT XVIII.

*Videntium, & audientium stellarum fabellæ.*



PERABAM Astrologos aliquādo a fabulis redituros ad sapientum hexedras, sed mens egregiè me fefellit: fabulantur adhuc, quæque astra se videant, aut non videant, audiant, aut non audiant, ausi sunt apud sapientes viros enarrare.

Nunc quæ stellæ, inquit Iulius Firmicus, alias videant, & quæ audiant, breuiter explicabo. Aries Leonem non videt, sed audit, Leo autem Arietem videt, sed non audit. Aries Cancrum videt pariter, & audit: Cancer autem Arietem non videt, sed audit. Aries Cancrum videt pariter, & audit: Cancer autem Arietem non videt, sed audit. Taurum & videt Leo pariter, & audit. Similiter Leo, Aries, Gemini, Virginem vident leuiter, & audiunt: Virgo Geminos leuiter videt, sed plenissimè audit. Cancer Libram, & videt pariter, & audit. Leo Scorpionem nec videt, nec audit: Scorpionem verò Leonem videt pariter, & audit. Virgo Sagittarium ex obliquo respicit, sed eum non libenter audit: Sagittarius Virginem, & audit pariter, & videt. Libra Scorpionem, & audit pariter, & videt, atque a Capricorno auditur pariter, & videtur. Scorpionem Aquarius non videt, sed audit, simili modo, &


Aquarium Scorpium non videt, sed audit. Sagittarius Pisces non videt, nec audit. Pisces verò Sagittarium, & vident pariter, & audiunt. Pisces Geminos non vident, sed audiunt. Capricornus, & Aries, nec audiunt se, nec vident. Aquarius, & Taurus ex obliquo se respiciunt, & audiunt. Gemini Libram vident pariter, & audiunt. Similiter Libra Geminos audit pariter, & videt. Sagittarius, & Leo se pariter vident, & audiunt. Virgo Capricornum quidem respicit, sed non audit. Libra Aquarium videt, sed ipsa ab Aquario non videtur, audiunt se tamen inuicem. Et pariter Scorpium quidem Pisces videt, sed non audit, Pisces similiter Scorpionem vident, sed non audiunt. Sagittarius, & Aries ita sunt collocati, ut nec videre se, nec audire queant. Capricornus, & Taurus, nec audire se possunt, nec videre. Aquarius, & Gemini vident quidem se, sed omnino separantur auditu. Pisces, & Cancer, non se quidem vident, sed audiunt. Ut enim formas integras ordinationes acciperes, & scires quatenus sint in Zodiaci circulo signa disposita, hæc ex causa, istius rei secreta tractauimus, neque enim certo ordine, & gradu, hæc duodecim signa sunt collocata, nec sic sunt posita, ut quæ posteriori loco oriuntur præcedentia, vel sequentia signa semper aspiciant. Nam ut non argumentis, sed re ipsa hoc tibi ostenderem, tractatum istum ex Abrahæ libris exceptum edimus, ut ea, quæ diximus, sermo noster manifestus tibi interpretationibus intimeretur. Hæc ille.

Lymphaticas quasdam plantas esse legeram, quæ hominem mente primum mouent, tum audire, & videre faciunt incredibilia quædam, ij verò in quorum mentibus Astrologia insedit, sidera sibi audire, & eorum interesse terminacionibus videntur. Asino illi Apuleio fabulæ, quibus nihil non permissum est, non sunt ausæ tribuere loquelam, Astrologia & Arietes, & Tauros, & Cancros, & Leones, & Scorpiones, & quod maius est, mutos Pisces facit loquentes. Et quomodo vna stella audit alteram, nisi loquatur, aut sonum edat aliquem? Fac voluisse

N 2 fabu-



fabulas narrare, non tradere Genethliaca præcepta, quid fabulosum magis excogitari poterat, quam Altra audire, & audiri, blandè, toruèque aspicere, gaudere, lætari? Sileat iam quercus Rodonea, de qua Lucianus in Micillo; Argus Carina, de qua Apoll. in Argonauticis; Vlmus Gymnosophistarum, quæ Apollonium saluasse fertur; Caucasus fluuius, qui autorem Philosophiæ Pythagoram allocutus dicitur; Achillis Pegasus equus; sola loquantur Altra, tantum Cancer, Capricornus, Aquarius audiantur. quem haurit stella sonum, quando alteram dicitur stellam audire, & non videre? quam linguam eligit Aries quando Cæcro auditur, non auditur Leoni? aut quos inter se miscet sermones, qua de re loquitur stellæ? qui sit, ut stella vnâ stellam videat, non videat alteram? quo experimento Astrologus rem est assecutus tam absditam, tamque incredibilem? cur vna dicitur stella audire, non videre, alia contra videre, non audire, alia audire vnâ, sed eam non videre; rursus alteram videre non audire, alia nec audire, nec videre, alia toruè, alia blandè videre, alia leuiter, alia plenè audire? Quomodo in Altris intelligis distinctum sensum oculorum, & aurium, quomodo distinguis leuem, & plenum auditum, blandum, & toruè visum? Mida illi fuisse aures oportuit, qui quid sydera audiant, aut non audiant; haussit è coelo.



## CAPVT XIX.

*Duodecim locorū significationes.*

**D**UODECIM locorum vires ex Iulio Firmico referemus, lib. 2. c. 22. tum rationes subijciemus, cur ita de locorum facultatibus à Mathematicis putatum sit, etsi enim non eodem modo omnes de locorum vi censcant, nos tamen ea solum referemus, quæ magis recepta, & communia sunt. Quare ut ad rem veniamus.

Primus locus, inquit Firmicus, est pars illa, in qua horoscopus est constitutus. In hoc loco vita hominum, & spiritus continetur: hic locus ab ea parte in qua fuerit horoscopus, vires suas per residuas partes triginta extendit; est autè cardo primus, & totius genituræ cōbago, atque substantia, quæ reliquis aditum præbet.

Secundus ab horoscopo locus in secundo loco constituitur, & accipit initium à trigesima horoscopi parte, & vires suas per triginta residuas partes extendit. Ex hoc signo spei, ac possessionis incrementa nascuntur. Est autem piger locus ab horoscopo alienus, idè & Inferna porra appellatur, quod nulla cum horoscopo radiatione coniungitur, nec aliquo miscetur aspectu.

Tertius locus est, qui in tertio ab horoscopo constituitur, qui à sexagesima ab horoscopo parte initium accipiens in nonagesima desinit. Ex hoc loco de fratribus, & amicis cuncta dicemus: hunc loco Rea nomen est, est autem peregrinationis locus, hic primus cum horoscopo tenui societate coniungitur. respicere enim horoscopum de hexagono videtur.

Quartus ab horoscopo locus, idèst Imum cœlum, in quarto ab horoscopo constituitur signo, cuius initium à parte nonagesima profectum, vsque ad partem centesimam vigesimam peruenit. Hic locus ostendit nobis parentes, patrimonium, substantiam, fundamenta, mobilia, & quidquid ad latentes, vel repositas patrimonij pertinet facultates. Est autem hic genituræ cardo Imum cœlum, idè dicitur quod in diametro medij cœli constituitur. Sed hic locus cum horoscopo maxima societate coniungitur, quia de quadrato horoscopi respicit, & per quadratum aspectum ab horoscopo videtur.

Quintus locus ab horoscopo in quinto ab horoscopo signo constituitur; quia à centesima vigesima parte ab horoscopo initium accipiens, vsque ad centesimam quinquagesimam extenditur. Ex hoc loco filiorum numerus, & generis æqualitas inuenitur; appellatur autem bona fortuna, quia locus est Veneris, &c.

Sextus



Sextus locus in sexto ab horoscopo signo constituitur, qui à centesima, quinquagesima parte initium accipiens, vsque ad centesimam octuagesimam extenditur. In hoc signo causam vitij, ac valetudinis inueniemus, qui locus mala fortuna appellatur ob hoc, quòd locus est Martis, &c.

Septimus locus in septimo ab horoscopo signo collocatur, quia à centesima octuagesima parte profectus ad ducentesimam decimam extenditur, & illic definit. In hoc loco alius est cardo genituræ; appellatur autem occasus à nobis. Ex hoc loco qualitatem, & quantitatem quæramus nuptiarum, sed & hic locus violenta cum horoscopo societate coniungitur, & de diametro ab horoscopo videtur.

Octauus locus in octauo ab horoscopo signo constituitur, qui à ducentesima decima parte ab horoscopo profectus vsque ad ducentesimam quadragesimam partem extenditur. Est autem piger locus, quia nec ipse aliqua cum horoscopo societate coniungitur. Ex hoc loco mortis qualitas inuenitur; scire autem nos conuenit, quòd nulla in hoc loco gaudent stella, nisi sola Luna, sed noturnis solummodo genituris, &c.

Nonus locus in nono ab horoscopo signo constituitur, cuius mensura à ducentesima quadragesima profecta vsque ad ducentesimam septuagesimam partem extenditur, est autem diu, ac Solis locus. In hoc loco hominum sectas inueniemus, est autem de religionibus, & peregrinationibus, &c.

Decimus locus in decimo ab horoscopo signo constituitur, qui à ducentesima septuagesima parte initium accipiens, vsque ad trecentessimam partem extenditur; sed hic locus principalis est, & omnium cardinum potestate sublimior. Hic locus medium cœlum appellatur, in hoc loco vitam, spiritus, actus etiam omnes, patriam, domicilium, totamque conuersationem inuenimus, artes etiam, & quidquid nobis artis suffragio confertur. Ex hoc loco animi vitia facili ratione perspicimus, &c.

Vndecimus locus in vndecimo ab ho-

roscono signo constituitur, qui locus à trecentesima parte profectus, vsque ad trecentessimam trigessimam partem constituitur; appellatur autem à nobis hic locus bonus Dæmon. In hoc loco medium cœlum frequenter partiliter inuenitur; est autem locus Iouis, &c.


Duodecimus locus in duodecimo ab horoscopo constituitur signo, qui à trecentesima trigesima parte profectus, vsque ad trecentessimam sexagesimam partem constituitur. Hic locus malus Dæmon appellatur. Ex hoc loco inimicorum qualitas, & seruorum substantia facili nobis significatione monstratur, vitia etiam in hoc loco, & ægritudines inueniemus, &c.

Hæc sunt locorum celestium significata, quæ legere etiam potes apud Cardanum libro de Iudicijs geniturarum, capite sexto. Audiamus nunc rationes, quibus permoti Genethliaci singulis locis has significationes tribuerint.


Primo itaque loco, qui in Oriente constitutus è tenebris prodit in lucem vitam, & spiritum aiunt contineri. Cæterum, quia post vitam maximè diligimus diuitias, & opes ex proximo loco, idest, secundo, opes, & substantiam petunt. Ex tertio loco, quia hexagona radiatione, quæ est amica, cum ascendenti iungitur, de fratribus, & amicis iudicandum censent. Ex quarto loco, qui est principalis, & Imum Cœlum, de parentibus prædicunt. Ex quinto de filiis, qui parentes proximè sequuntur. Sexto docent significari seruos ea de causa, quia septimus locus indicat patres, quare sexto necesse est indicari im² patres, & seruos. Septimo, quod patres, ut dicebamus, signat, vxores, & nuptias contineri putant. Ex octauo mortem aiunt pendere, & exilia; quia maligna radiatione ascendens intuetur. Nonum dicunt portendere religionem, itinera, dignitates; Itinera quidem, quia Sol in diurno loco positus, inquit Auenazdra libro rationum, ad nonum descendens mouetur; religionem, quia hic locus proximus est summo cœlo. Decimo loco, qui est medium cœli, & maximè ad nostrum verticem accedit, Artes, & om-



nes disciplinas docent contineri, tum mores, & dignitates. Vndecimo Card. loco citato scribit indicari amicos, gaudia, voluptates, quia locus Iouis, & bonus. Dæmon appellatur. Duodecimo tradunt aliqui significari animalia, quibus vehimur, quoniam coniunctus est cum ascendente. Ridiculus sit, quicunque ridiculas has rationes nostra refutatione egere existimarit. Quare ad alia pergamus.



## CAPVT XX.

*Directionum commentum.*

**E**CC tibi aliud commentum planetarum, partiumque Zodiaci directiones, ut vocant: Aiunt enim horoscopus quavis natiuitatis hora longius à Planeta aliquo distet, peruenire tamen aliquando ad eum locum, & tunc vel nato, creare periculum aliquod, vel tribuere sospitatem, aliumve effectum. Exempli gratia, sit alicuius geniturae horoscopus Leonis pars decimaquinta, & Saturnus partem sextam Virginis teneat, cum Saturnus horoscopo, nec aspectu, nec alia re iungatur, vel ad illum pertineat, manifestum est non posse vlla ratione illi officere quare ut aliquando illi obesse, queat aiunt peruenire aliquando horoscopus ad Saturni locum, & quo anno eò peruenit, periculum aliquod nato imminere: peruenire autem horoscopus ad Saturnum, aliumve Planetam existimant hoc modo: singulis annis singulas signorum partes tribuunt, ita ut primo anno vitæ, designent gradum, in quo est horoscopus, in quo si Planeta existat, vel si illum locum respiciat, vel ex quadrato, vel ex trigono, vel alio aspectu; primo anno illum purant vim effundere suam: secundo anno attribuunt secundum gradum ab horoscopo, tertio tertium, & reliquis reliquos; quibus aiunt Astra

suas exercere vires. Quare si Saturnus, gratia exempli, primum, & vigesimum gradum ab horoscopo occupat, anno vigesimoprimum tradunt Saturnum, suis usum viribus. Vnde eos, qui tempus inquirunt, quo euentus aliquis bonus, malusve expectandus sit, iubent numerari gradus inter loca principalia geniture, & corpus, aut radios Planetæ interceptos, & pro numero graduum iudicare quo anno effectus futurus sit. Huiusmodi delapsus horoscopi ad Planetarum loca vocant directiones, ex quibus Ptolemæus vitæ spatium, reliqui rerum omnium euentus prædicunt. Lege Iulii Firmicum lib. 2. cap. 3.

Hinc Cardanus libro de Iudicijs geniturarum, capite sexto. Cum aliquis Planeta ad locum Martis, vel Saturni peruenit, nec cum illo concordia iunctus ab initio fuerit, in eo significato res, quæ significatur, non leue detrimentum patitur, maius quidem si in angulo in genitura, minus si in reuolutione. Rursus post aliqua. Planetæ, inquit, cum ad locum coniunctionis luminarium peruenierint, quæ in genitura præcessit, debilius operantur, quam si ad locum Lunæ venissent. Ascendens cum ad Saturnum venerit, vel Iovem, aut illi in eo fuerit, dum anni initium est, erit res composita ex significato Saturni, vel Iouis, & dispositionis eorum, & significationis eorundem, &c. Hæc ille, quæ unicuique sunt hac tempestate omnium præfagitionum firmamentum, repudiatis enim Arabum monomerijs, faciebus, nouenarijs, alijsque innumeris figmentis Solis directionibus, & reuolutionibus recentiores Astrologi omnem hominum vitam, moresque nent.

Nos verò, quibus Aristoteles persuasit locum esse terminum corporis continentis immobilem, non possumus animo informare Planetarum locum. Cum enim ab eodem libro secundo cœli Text. 43. & sequentibus didicerimus non se iungi astra à suo orbe, sed eius esse partes, quasdam crassiores; partes autem idem libro quarto Physicorum, text. vigesimotertio neget existere in toto, tamque in loco, existimare non possumus



mus Planetæ locum esse orbem illum, in quo pars quædam est. Quanquam autem superior orbis inferiorem completur, ac continet, id quod loci munus visum est Aristoteli quarto Physicorum, text. 40. & 41. nobis tamen, qui Planetæ locum proprium requirimus, non orbis, non constat adhuc, qui sit Astrî locus proprius, & seorsim ab orbe. In continuo enim corpore nullæ sunt partes, auctore Aristotele libro quarto Physicorum text. 11. Orbis superior, à quo inferior continetur, vniuersi modi est, & continuus, nulla ergò parte sui locum Planetæ exhibet. His accedit, quod sydera perpetuo, & irrequieto motu agitantur, ea, quæ mouentur nullum certum, & adæquatum locum obtinere Physicæ rationes iamdudum euicerunt, libro sexto Physicorum à text. 78. Ambiguus itaque, & anceps adhuc est astro- rum locus. Eminus Planetas spectantibus, nunc in vno, nunc in alio Zodiaci signo videri fatemur, sed ea ratione, quæ montes videntur exorientem Lunâ vertice contingere. Quare cum multo longius plerique Planetarum ab orbe signifero absint, quam montes à Luna, non est dubium ea insania, quæ orbis Lunæ diceretur montium locus, fieri Zodiaci etiam signa loca Planetarum, in quibus nimirum per oculorum errorem, Planetæ videntur esse. Præter hæc itaque, qui sit Planetarum locus, in quo suorum Apotelesmatum summam Astrologi collocant audire percipimus.

Nec minus difficile fuerit animo completi horoscopi naturam. Quid enim Genethliaci horoscopi nomini subiiciunt, quando aiunt eum Planetarum locum persuadere, & suo quasi domicilio derelicto per alienas regiones vagari? An partem aliquam Orientalis orbis? Cuius orbis Lunæ, Mercurij, Veneris, Solis, Martis, Iouis, Saturni, Zodiaci? nullus orbis errantium stellarum ea ratione mouetur, vt singulis annis, vno gradu ad certum terminum accedat, nulla igitur orbis Lunaris, aut Solaris pars horoscopi gerit munus. Multo minus in signifero reperies partem vllam, quæ vno quot annis gradu progredient-

do ad Saturni, alteriusve Planetæ locum perueniat. Tres enim motus cum in octauo orbe Astrologi agnoscant, eorum nullus hanc calculi rationem admittit.

Iam verò si loci abusi nomine, eâ partem stelliferi sub qua natiuitatis tempore Planetæ fuit, vocant Astrologi eius locum. Rursusque horoscopus appellat eam eiusdem signiferi partem, quæ in Oriente fuit hora natiuitatis; quæ tandem impudentia affirmare audent vnam Zodiaci partem ad aliam eiusdem orbis partem accedere? Aut cur eadem licentia non docent Zodiaci signa vltro, citroque commeari, stellas fixas conuenire interdum, & faustos, aut infastos celebrare congressus? Nec illud minus incredibiliter dicitur, quo anno, quo die, qua hora horoscopus ad eam signiferi partem pertingit, sub qua in natalitio themate Planeta fuit, secuturum eius effectum in genitura significatum. Nā multos ante annos Astrum eum locum deseruit iamdudum illum nec vidit, nec audiuit (nam Astra quoque videre, & audire volunt) vnde ergo est, aut vbi residet ea syderis vicaria potestas? Speravi equidem non tantum ausuros Genethliacos, vt dicerent insectam fuisse partem illam cæli à Saturno, quando ibi fuit, & tanquā veneno quodam inbutam. Sed spes me fecellit. Cardanus enim sect. 1. Aphor. 38. Impressiones, inquit, à genitura, quæ in loco remanent, vique ad tempus, in quo perfici debent, sunt partim in loco, partim in materia. Ergò cælum imperium contrarijs qualitatibus istam pestem suscipit? Quomodo contagio hæc tot annis delitescit? Cur, aut à quo prouocatur post vigesimum annum? Cur Saturnus non perpetuo huiusmodi vim fundit? Aut cur cælum vniuersum, per quod transit non inficit, sed certam solum partem orbis, quam occupat, aut occupare videtur, ortus, & conceptus tempore? Quolibet tempore, & quolibet temporis momento homines cum nascantur, perpetuò vim suam Saturnus fundat necesse est: totum itaque cælum Saturni veneno perfusum cum horoscopus reperiat, nihil est causæ, cur vige-




simoprino anno potius, quàm sequentibus, aut antecedentibus eius efficiencia prouocetur. Deinde quæ Zodiaci pars in vnus genesi Saturni fuit locus, in alterius natali sæpè est locus Iouis, Martis, aut alterius. Fatendumque Planetarijs si sibi constare volunt, illam simul vires Saturni, Iouis, & Martis obtinere. Cur ergò aduentante horoscopo Saturni potius præstat effectum, quam alterius Planetarum difficile fuerit explicare. Sciscitabor præterea quando persistat hæc vis, cur euanescat vigesimo primo anno, potius quàm vigesimo? His difficultatibus fractus Ioannes Keplerus libro de trigono igneo, capite decimo, ingenuè fatetur nihil ex Planeta in signa Zodiaci, eiusue loca manare, sed in nascentis pueri facultate generatrice, altrice, formatrice, sensitiua, animali, ait excipi cœli constitutione, quæ ortus tempore erat; ea propter quoties Planeta ad ea loca perueniunt, quæ nascenti infanti, vel oriebantur, vel Solem, Lunamue hospitio exceperant, excitari huiusmodi facultates, & alacrius incumbere in sua opera, quando verò syderum constitutio non congruit, cum cœli charactere his facultatibus ortus tempore impresso, nonnisi præpostere, & magna difficultate suum munus obire; ac propterea planetis ritè collocatis prosperos sequi euentus: ijsdem malignis in locis constitutis, præpostere omnia, & infelicitè contingere. Hæc ille. Qui nouis rem hanc difficultatibus auger, prioribus nequidquàm solutis. Ac primum quidem quod hic auctor ait nõ recipi huiusmodi charactere in corpore, quod crassius est, quam vt suscipere possit subtilem adeò formam, & minimè tractabilem, sed in facultate generatrice, aut altrice, non admittet Philosophia, quæ has facultates non, seiungit ab organo corporeo. Deinde negabunt multi verisimile esse in singulis animi facultatibus, innumerabilium Astrorum schemata, omnia Zodiaci signa, omnium errantium, & inerrantium syderum constitutionem, distantiam interualla contineri non obiectiue, sicut in potentia cognoscente, sed subie-


ctiue. Præterea sydera, quæ in hominis facultate insiderunt, aut mouentur ad numerum cum cœlestibus, aut conquiescunt planè, & cessant. Si nusquam mouentur, quo modo nunc facultatem ad opus expediunt, nunc verò impediunt? Si eundem cum cœlo cursum tenent, à quo, vel qua ratione mouentur? Postremo Zodiaci signa, & horoscopus, qui in huiusmodi charactere, vel cratere, dicuntur esse, Quo modo ad loca Planetarum accedant, nondum exposuit Keplerus.

Motus denique iste horoscopi ad locum Planetæ Astrologis etiam fatëtibus nudis cogitationibus fit, reapse nusquam horoscopus accedit ad locum Planetæ, nec ullus numerando orbium cœlestium motus, horoscopi motum recenset: quod sola cogitatione hominum fit, nihil efficere, recipiunt Astrologi omnes, omnes Philosophi, omnes sanæ mentis. Quid igitur fingi potuit magis insanum, quam directiones? quid potuit magis delirum cogitari? locus omnis Planetarum fictitiùs est, fabulosus motus, quo ad illum acceditur, excogitata graduum diuisio, commentitia vis, quam Planeta tribuere dicitur loco. Et ex his ludibrijs casus omnes, vicesque rerum, vitæ spatium, mortis tempus, morborum causas, omnia negotiorum momenta pendere credemus? O beata ingenia, quibus

comminisci tanta fecelicitate  
licuit, ò fecunda ludibriorum noualia,  
quibus rerum  
omnium,  
quæ  
mari, quæ terra  
sunt, principia  
continentur.  
†







## CAPVT XXI.

*Duodecim Zodiaci partibus nul-  
lam inesse vim.*

**D**UODECIM Mathematici nume-  
rant Zodiaci partes, duode-  
cim item in eo formant stella-  
rum schemata, utrisque eadem  
faciunt nomina communia, Arietis, Tau-  
ri, Geminorum, Canceri, & reliquorum;  
aliud tamen nescio quid mente sibi in-  
formant, quando Signa Zodiaci, ac quan-  
do eiusdem schemata, & imagines de-  
scribunt. Nam primum stellæ, quæ ima-  
gines constituunt, excurrunt sæpe ultra  
terminos Signi, sæpe non occupant id to-  
tum spatium, quod occupat Signum.  
Hinc Manilianum illud,

*Scorpius in Libra consumit brachia.*

Præterea Signa inter se æqualia sunt,  
Astrorum asterismi non item. Adde,  
quod Signa inter puncta æquinoctiorum,  
solstitiorumque, immobilia hærent, ne-  
que ad puncta Cardinalia accedunt vn-  
quam, aut ab eisdem recedunt: Asteris-  
mi ab Occasu in Ortum iugiter deferun-  
tur: spica Virginis, quæ Thimocharis  
ætate octo gradibus autumnale æquino-  
ctium antecedeat, & Hipparchi tem-  
pore sex tantum, viuentis Ptolemæo tri-  
bus duntaxat gradibus æquinoctium  
præibat, nostra ætate æquinoctium iam  
transgressa versus brumam, octodecim  
gradibus ab eodem distat. Rursus stel-  
læ, quæ aliquando in Ariete fuere, nunc  
in Tauro viuunt. Denique Planetae,  
qui cum stellarum Asterismo congruit,  
sæpe non congruit cum Signo. Tauri  
enim stellæ magnam habent cum Marte  
cognitionem, nulla tamen est Marti cum  
Signo Tauri societas, in quo deijci dici-  
tur. De Asterismis differendum infra, de  
Signorum potestate hic disputamus: ne-  
que enim frustra duodecim Zodiaci Si-

gna à stellarum imaginibus longè diuer-  
sa, in Astrologiæ censum induxerunt Ge-  
nethliaci; sed multa illa per se funder-  
e, multa efficere volunt, temperanda  
Planetarum efficientiam.

Manilius lib. 2.

*Non licet (inquit) à minimis animum  
desistere curis:*

*Nec quicquam rationis eget, frustra, crea-  
tum.*

*Fœcundum est propriè Canceri genus, acer &  
ictu*

*Scorpius, & partu complentes aquora Pisces.  
Sed sterilis Virgo est, simili coniuncta Leoni.  
Nec capit, aut capros effundit Aquarius oreus.  
Inter utrumque manet Capricornus corpore  
mixto.*

*Et qui Cretæ fulget Centaurus in arcu.*

*Communisque Arietis, æquantem tempora Li-  
bram.*

*Et Geminos, Taurumque pari sub sorte re-  
censet.*

Atque ita se habent Signa infœcunda, &  
fœcunda; describit idem Auctor fœmi-  
nina, & masculina, his versibus:

*Namque mascula sex sunt.*

*Diversi totidem generis sub Principe Tauro  
Alternant genus, & vicibus variantur in  
orbem.*

Nocturna præterea alia, alia Signa di-  
cuntur esse diurna, de quibus idem:

*Nec se prætereant nocturna, diurnaquo Signa  
Quæ sunt, prospicere, & propria subducere lege.  
Item alia terrestria, alia vocantur aqua-  
tica:*

*Quin nonnulla sibi (ait idem) nullo mon-  
strante loquuntur*

*Neptuno debere genus, scopulosus in undis  
Cancer, & effuso gaudentes quore Pisces.*

*Ut quæ terrena censentur sidera sortis.*

*Princeps armenti Taurus, regneq; superbus  
Lanigeri gregis est Arietis.*

Rursum alia Signa amica, alia censentur  
inimica:

*Quin etiam proprijs inter se legibus Astra  
Conueniunt, ut ceræ gerant commercia re-  
rum.*

*Inque vicem præstant visus, atque auribus  
hærent,*

*Aut odium, fœdusque gerunt, conuersaque  
quædam*

*In semet proprio ducuntur plena fauore:*

*Itcirco*



*Recedi aduersis nonnunquam gratia signis,  
Et bellum sociata gerunt, alienaque sede  
Inter se generant coniunctus omne per eum,  
Vtrique & fori pugnare, fugiuntq; vicissim:  
Quod Deus in leges, mundum cum conderet  
omnem,*

*Affatus quoque diuisis variantibus Astris;  
Atque aliorum oculos, aliorum contulit aures,  
Iunxit amicitias horum, sub fœdere certo  
Cernere, ut inter se possint, audireq; quidam,  
Diligenter alia, & noxas, bellumque mo-  
uerent.*

Denique Signorum apotelesmata perfe-  
quitur idem Auctor lib. 4.

*Nunc tibi (inquit) Signorum mores, sem-  
munque colorem,*

*Et studij varias artes ex ordine reddam.*

*Dinas fecundis Aries in vellera lanis,  
Exutisque nouis rursus spem semper ha-  
bebit. &c.*

Omnino duplex actionis genus Signis  
Mathematici ascribunt: alterum, quo  
Astra ipsa afflantur, eorumque vis aut  
promouetur, aut retardatur, aut in con-  
trarium planè commutatur: aiunt enim  
Planetas nouas subinde, & ascititias vi-  
res assumere à Signo, in quo versantur,  
& ex bonis fieri malos, ex beneficis ma-  
leficos, ex fortunatis infortunatos. Hinc  
gloriosa illa nomina, retrogradatio, sta-  
tio, velocitas, tarditas, motus æquali-  
tas, longitudo, latitudo, aspectus Orien-  
talis, Occidentalis, combustio, directio,  
progressio, reuolutio, transitus. Item  
gaudium, detrimentum, exaltatio, ca-  
sus, triplicitas, terminus, peregrinitas,  
facies, receptio, applicatio, & id genus  
plura supersticiosa artis vanissima nu-  
gamenta, quæ Planetarum vocant acci-  
dentia, quæque sine dubio præcipui sunt  
Astrologiæ fontes, è quibus Genethlia-  
ca vaticinia promanant. Alterum actio-  
nis genus, quod Signis Mathematici tri-  
buunt, est, quo in hæc inferiora agunt  
per se, & sine ope stellarum; quo perti-  
nent ea, quæ scribit Cardan. libro de re-  
uolutionibus, cap. 11. si ascendit Aries,  
erit natus in timore mortis violentæ; si  
Taurus, ægrotabit ex libidine; si Gemi-  
ni, sollicitabitur in secretis perquiren-  
dis; si Cancer, erit amator rerum publi-  
carum.

Item Manilius lib. 4.

*Nec te perceptis (inquit) Signorum cura re-  
linquat*

*Partibus, in tempus quadam mutantur, &  
ortu*

*Accipiunt proprias vires, utraq; remittunt.  
Namque ubi se summis Aries extollit ab  
undis;*

*Et ceruicæ prior flexa, quàm cornibus ibit  
Non contenta suo generabit pectora consu,  
Et dabit in prædas animos, soluetq; pudorem.  
Tanta audere inuat: sic ipse in cornua fertur,  
Et ruit, & mutat; non vltis sedibus idem.  
Mollia per placidas deludunt otia curas,  
Sed inuat ignotas semper transire per urbes,  
Seruarique nouum pelagus, rotius & esse  
Orbis in hospitio, restis sibi laxior ipse. &c.*

Item Iulius Firmicus lib. 8. Matheseos,  
à cap. 19. Prima pars Arietis (inquit) si  
in horoscopo fuerit inuenta, & beneuo-  
larum stellarum radius accesserit, nascen-  
tur Reges, Duces, & quæ prosperè sem-  
per suum ducant exercitum; si secunda  
pars Arietis in horoscopo fuerit inuen-  
ta, contumaces erunt, fures, & qui sem-  
per præpostero furore grassentur, quique  
domicilium suum transferant ad exterarum  
nationes.

Quid multa? vniuersa sua apotelesma-  
ta ita à Signis pendere volunt Geneth-  
liaci, vt si constiterit nulla esse eorum  
iura, non recusaturi sint profiteri artis  
suarum vanitatem. Agè ergo, quoniam in  
magnum Astrologiæ locum incidimus,  
nec leuiter, nec cursim prætereamus;  
quæ veteres, quæ recentiores Astro-  
nomi de Signorum natura tradiderunt.

Primum itaq; ij, qui ante Alphonsi Re-  
gis tempora octo solum numerarunt orbes,  
illumq; fecerunt supremum, quo Astro-  
rum cætus, & quasi coloniarum visuntur;  
non ne hominum opinione constare vo-  
luerunt omnem alium Zodiacum, qui à  
Zodiaco octauæ sphaeræ mobili & variis  
Astris apto diuersus dicitur? Quæ Signa  
nisi planè commentitia agnouerunt, di-  
uersa ab ijs, quæ in octauo orbe variæ  
stellæ constituunt? nihil supra octauum  
orbem, qui innumeris clarescit stellis,  
esse existimarunt, Zodiacumque octauum  
orbis stellis insignem, & mobilem esse  
intellexerunt: alterum itaque immobi-  
lem



lem nullis conspicuum Astris, nudis sine dubio Mathematicorum cogitationibus constare existimarunt. Qua ergo ratione, quibusve naturæ legibus, ijs ludibrijs, quorum nulla est natura, veram, & physicam efficientiam tribuerunt? O egregij Astrologiz magistri, & digni, quibus Genethliaca ipsa locuta credatur? Hæc veteres; Recentiores verò, hoc est Alphonsus, & qui post Alphonsi tempora inire cœlestium orbium numerum, vt expedirent rationem, qua octauus orbis motu diurno ab Ortus fertur in Occasum, & rursus alio motu, quo stellæ fixæ à punctis Cardinalibus & quinoctiorum, & Solstitionum recedunt ab Occasu in Ortum, duos adhuc orbes supra octauum excogitarunt, nulli plane sensuum conspicuos, sed sola mente perceptos, quorum decimus vniformi, regularique motu ab Oriente in Occidentem spatio 24. horarum feratur; nonus, motu quodam librationis agitur, de quo fusiùs noster Clavius ad caput 1. sphæræ Ioannis de Sacro Bosco; Motum eum quo stellæ fixæ diximus recedere à punctis cardinalibus, & ab vno Signo sensim delabi in aliud, octauæ sphæræ at tribuerunt. Recentiores, in quâ, qui hunc cœlestium orbium ordinem constituerunt, duos fixerunt Zodiacos, Alterum in octaua sphærâ mobilem, duodecim stellarum Asterismis illustrem, Alterum in decimo, & supremo orbe immobilem, stellis destitutum, solum animo conspicuum. & in priori quidem duodecim illas collocarunt imagines stellarum, Arietem, Taurum, &c. in posteriori duodecim Signa iisdem nominibus notata distinxerunt, quæ cum Planetis consentire, & dissentire, eorumque vires acuerre, vel retundere, tum proprijs, priuatisque facultatibus ad rerum omnium constitutionem venire docuerunt. Atque ita professi illi quidem sunt veterum Astrologorum errorem, qui imaginarium quendam Zodiacum, veram, & physicam causam fecerunt, tota reclamante natura: sed Genethliacæ nihil tulerunt opis, quod ita planum facio.

Singulos cœlestes orbes vnus esse naturæ, & vndequeque sibi similes re-

ceptum est in Philosophorum scholis: docuit sanè Plato in Timæo Astra esse animata, & lib. 10. de legib. vniuersa, quæ cœlo continentur, ignem etiam, & ærem, animo esse prædita, simplicia illa tamen non minùs quàm elementa voluit; quod Carpentarius notauit comment. ad cap. 12. Alcinoi de doctrina Platonis, idem docet Aristoteles bonus Auctor lib. 1. cœli, tex. 7. lib. 2. cœli, t. 41. & seqq. Id euincit ratio, motus simplex debetur corpori simplici; motus diurnus, cuius decimus orbis Auctor dicitur, simplex est, à simplici itaque corpore proficiscatur necesse est. corporis simplicis vnâ tantum esse naturam quis ambigat? vna itaque decimi orbis natura est. Specie præterea, & natura distinctas partes non posse coherere inductione apud Physicos compertum fuit: quare orbes cœlestes discreti inter se sunt? nonne quoddam naturâ dissident? Membra certè animalis animo, qui est forma corporis organici, coagmentantur, vnde & eius abscessione soluuntur. si cœli partes naturâ essent diuersæ, quo tandem glutino cohererent? aut qua continerentur, ne à seipsis desciscerent, forma? Hac ratiocinatione Aristoteles lib. 1. de anima effecit, animi non constare ex elementis; quia ab alio oporteret ea contineri, ne diffunderent. Denique si decimus orbis vniuersi non est, sed varijs constat partibus, non potest illi motus diurnus esse naturalis, vt disputat Aristor. lib. 1. cœli, tex. 9. 13. 14. siquidem vnaqueque natura proprium sibi, & singularem motum poscit lib. 2. phys. tex. 1. quare si in cœlo plures sunt naturæ, & plura motus principia: vna natura hunc, alia alium postulante motum; qui fieri potest, vt motus diurnus decimo orbi sit naturalis? si vni illi parti congruit, violentum oportet esse alijs, at nihil violentum perpetuum lib. 1. cœli, tex. 15. Constitutissimum itaque sit singulos orbes cœlestes vniuersi esse, omnique partium diuersitate carere. In corpore porro simplici, in quo nullas natura fecit partes, nullus à natura Zodiacus esse potest, sed si qui est, Mathematicorum cogitatione est. Equis enim discreuit

Zodia-



Zodiacum à reliquo orbe, si in orbe nulla est partium discretio? Quis diuisit Zodiaci Signa, si totus decimus orbis vnus est naturæ, nisi Astrologorum mens, & cogitatio? Ergo partibus decimi orbis solo animo informatis, eas vires ascribere non vereris, quas reliquo orbi negas, partiumque Zodiaci, quarum vna est natura, quasdam foemininas, quasdam masculinas, alias diurnas, alias nocturnas facies? Quis præscripsit Zodiaco fines, ne ultra 23. gradum, & aliquot minuta excurrat? Quis Zodiaci partibus terminos fixit? nonne sola mens? Vnde ergo diuersæ, & contrariæ vires? Et cuius est tanta potestas, ut sola cogitatione vim tribuat rebus, & efficientiam, aut adimat?

Eandem rationem alio modo versabo. Partitio Zodiaci in duodecim signa non naturalis, sed voluntaria est, quod lectissimis rationibus probauit Ioannes Keplerus lib. de noua stella, cap. 4. quodque scriptum nobis reliquit Abraham à Vnesdra initio libri Astrologicarum rationum. Aliqua, inquit, dicuntur de signis, quæ probantur, alia verò ex arbitrio; declarat quæ sint arbitraria; Diuisiones inquit, signorum, cur tantum in trecentas, & sexaginta tantum partes sint, arbitrium fecit; quoniam hic numerus diuisionibus est accommodatior. Idem proficitur Aly. Auerroldan ad librum Apotelesmatum Ptolemæi. Diuisimus, ait, Zodiacum in partes duodecim, quæ signa nuncupantur, & vnumquodque signum in partes triginta, quæ dicuntur gradus, & partem quamlibet in minutias sexaginta, quoniam hi numeri diuisionibus idonei magis reputantur. Ipsa sanè cœli natura, vnus modi & simplex, non patitur aliam partium diuersitatem, quam arbitriariam. furor furor est partibus in Decimo Orbe Mathematicorum arbitrio confectis variam agendi potestatem tribuere. Ergo si aliter Zodiacum partiri libuisset, alias cœlum habuisset vires? quis non miretur Genethliacam vanitatem?

Hoc ipsum adhuc angustius vrgeo. Nam vis illa, quæ signis tribuitur, aut profuit ab Orbis natura, & hæc cum

vna eademque sit toto Zodiaco, non potest esse ratio, cur vni signorum vna, alteri altera insit virtus. aut proficiatur ab externo aliquo principio. ac qualitas ab externa causa profecta, diuturna esse nequit. Deinde causa externa, cur vnum vna, alterum signum altera imbuat qualitate? Accedit, quod supremus Orbis longè semotus est ab omni externarum causarum impulsu; Aut denique, tribuitur à Mathematicorum cogitatione, quæ signa secernit à signis, ac cuius sit ea vis ut pro arbitrio commutent cœlum?

Illud quoque appositè declarat fabulosa esse omnia, quæ de signorū potestate Genethliaci mentiuntur, quod ea quæ veteres Astronomi de Asterismis Octauæ sphaeræ prodiderunt, recēiores transulerunt in signa Zodiaci Decimi Orbis, nuperrimè, id est, Alphonsi tēpestare excogitati: Nam quæ signa apud veteres Astronomos Octauam sphaerā supremam esse existimantes, erant foecunda, sterilia, humana, ferina, terrestria, aquatica, muta, vocalia, diurna, nocturna. Eadem nunc in Decimum Orbem translato Zodiaco, sunt foecunda, infocunda, humana, ferina, aquatica, terrestria, nocturna, diurna. Itaque Aries, quem veteres libidinosum, & oculis languidum esse scripserunt, nunc quoque quanquam in Decimum Orbem migrarit, libidinosus oculisque languidis dicitur. & vsque eò hac licentia progressi sunt, ut sicut in octauo cœlo stellis apto partes quædam lucidæ, quædam sunt tenebræ, vel puteales, ita in Decimo Orbe, renitentibus oculis, reclamante ratione, dicant esse partes lucidas & tenebras. Non licebat vobis, o Genethliaci, quæ veteres Astrologiæ Magistri de Zodiaco Octauæ Orbis, & eius signis scripserunt Decimo Orbi ascribere; sed qua licentia eiusdem Orbis, signis, quibus summa est naturæ communio, diuersas attribuisitis vires, eadem & fortasse maiori diuersis Orbibus, quibus nulla est naturæ societas, easdem fecistis potestates communes. nonne tantum Decimi Orbis signa distāt ab imaginibus octauæ sphaeræ, quantū Orbis ipse Octauus à decimo dissidet?



disidet? unde ergo tanta virtutum, proprietatumque communio? Semperne hærebimus in labellis? nunquam lux aliqua veritatis diluceſcet?

Si quis adhuc eſt qui non intelligat, quantum ſigna huiusmodi ad ineptiarum naturam accedant; ablegabo illum ad Chaldaeos Authores illos Aſtologiæ, qui in patentibus campis multis annorum, millibus cœlū obſeruaffe dicuntur: quos ſolis Aſternimis contentos, nullam ſignorum, quæ carent ſtellis, rationem habuiſſe conſtat. Cur Chaldaei diuturnis accuratiſſimisque obſeruatiōibus, non deprehenderunt Martem deiſci in Tauro, exaltari in Scorpio, inter Saturnum & Capricornum magnam intercedere affinitatem, Veneri non exiguas accedere vires ex Libra? Aſtrorum iura accuratè perſeuerati ſunt, vt ſi vſquam alij, cur nihil de ſignorum poteſtate memoriæ prodiderunt? Notarunt diligentiffimè omnes cœli angulos, hexagones, tetragones; oculatiſſimi denique in cæteris omnibus, hac ſolum in re cur cæci fuere?

His accedit quòd Aſtra quoque Octauæ Orbis, quæ fixa vocantur, ab vno ſigno in aliud demigrant. Cor Leonis notiffimum ſyſtus, & innumeris Aſtologorum laudibus celebratum, in vltimo gradu Cancræ aliquando fuit, nunc ad vigefimumquartum gradum Leonis peruenit; & ſtella, quæ alias in Ariete, nunc in Tauro videntur. Aſtra fixa non aſſantur à ſigno, ſed eaſdem prorsus vires in illis agnoſcunt recentiores & veteres Mathematici, quamvis alia ſigna occupent nunc quàm illorum tempore occuparent. Qui itaque ſit, vt à ſignis ſupremi Orbis aſſiciantur Planetæ, nihil patientibus Aſtris fixis, nihil recipientibus Zodiaco ſtellaris, per quem deſuere debet quidquid à ſupremo Orbe ad Planetas deſcendit?

Sciſcitabor etiā ex Genethliacis quando aliorum Orbium vires, Iouis puræ, Saturni, Martis, cæterorumque in ſolo Aſtro reſidere docent, qua conſequentia in decimo cœlo Aſtris orbatō vllas vires conſtituant? imò cum duos faciant Zodiacos, alterum in decima, alterum

in octaua ſphæra, requiro, cur hic nihil eſſerit, niſi ſtellarum vi, cur partes, quæ inter Aſtra iacent inertes & orioſas eſſe velint, illius virtutem non Aſtris conſiderari, quæ nulla habet, ſed toto ſigno ſuam dicant?

Duos dixi à Mathematicis fingi Zodiacos, nimis parum dixi, tot illi fingunt, quot ſunt cœleſtes Orbes. Sicut enim in decimo, & in octauo, ſic in nono, ſeptimo, ſexto, reliquiſque varios ſibi formant Zodiacos: vnum tamen decimi orbis faciunt rerum omnium cauſam, reliquis vim omnē & efficienciā adimunt.

Sed largiamur Mathematicis varias eſſe ſignorum proprietates; concedamus Planetas varios fundere eſſectus pro cōditione ſigni, in quo verſantur; tribuamus tantum Mathematicorum commentis, quantum veris cauſis, alij concedunt, adhuc nihil obſinuerunt, quod ad cauſam faciat. Quāvis enim magna eſſet ſignorum vis, & poteſtas, non poſſent tamen ex ijs vllam probabilem coniecturam de futuris euentis ducere. Nam ſi Planetæ efficacitatem omnem mutuatur à ſignis, vt Genethliaci ſomniant, perſpicuum eſt non poſſe quid illi facturi, vel non facturi ſint, cogitatione præire Mathematicos, niſi eis conſtet, quæ ſingulis temporis momētis Planetæ percurrant; id verò ignorant, ergo & ignorare eos oportet, quid Planetæ per ſingula temporis momēta moliantur. Res illuſtrior fiet exemplo. Iupiter in 59 gradu, & 59. minuto, & 59. ſecundo Geminorum, cenſetur in detrimento ſuo eſſe, verſari in ſigno inimico, & quinque atros calculos habere; poſt minutum temporis, tranſitione facta, ad Cancræ gradum, id eſt ad primum ſecundum illius ſigni, iam ſcelix, iam in exaltatione ſua eſſe, & quatuor albis calculis gaudere putatur. at Genethliacos latet temporis illud minutum, quo Iupiter ex Geminis in Cancrum demigrat, latere ergo eoſdem oportet, quid Iupiter ex Geminis, quid præſet ex Cancro.

Negabunt opinior ignorari à ſe tranſitum Aſtri ab vno in aliud ſignum: At cui negabunt? Hieronymone Cardano, qui Aſtologiæ agit Maſtrum lib. de temporum,



porum, & motuum erraticorum restitutione? An Tycho Brahe lib. de noua stella, c. 2. cui omnes recentiores Astro-nomi iam submisere fascies? & vnde quæso tot, tamque discrepantes tabulæ, Ptolemæi, Alphonsi, Copernici, Tycho-nis Brahe, aliæque permulæ? vnde tan-tum inter Astrologos dissidium? Nuperime Tycho Brahe lib. de noua stella ta-bulam nobis confecit, ingressus Solis in quatuor puncta Cardinalia; quæ 24. & 26. horarum spatio veteres Astronomos Al-phonsum & Copernicum hac in re erras-se demonstrat. quam Tycho ipse ad ve-ritatem proximè collimarit, eorum erit iudicium qui sequentibus seculis ad sol-stitiorum æquinoctiorumq. puncta acu-ratius obseruabunt Solis accessus. De vno Marte idem Auctor lib. de noua stel-la pag. 649. scribit, Mirari satis non pos-sum Appianum non solum diem, sed ho-ram atque minutum (alias enim cuspidēs domorum vti vocant cœlestium adapta-re nequiuisset) huic coniunctioni præfi-niisse, cum Martis præsertim motus, vt de Saturno nunc nihil dicam, hætenus non sit exploratus, quod intra tres vel quatuor dies eorum copulationem, è cal-culo præsertim Alphonsino, quo ille vsus est, imò ne quidem Copernico hoc paulò exactiore notam reddere tutò liceat.

Sed faciamus certa numerorum ratio-ne posse Astrologos ingressum Planeta-rum in Zodiaci signa assequi; quis non intelligit quantum instrumentorum ini-quitas numerorum rationibus officere possit? horologiorum præterea maligni-tas, quæ nunquam ex fide & sine erro-re tempus reddunt quod requirimus, quàm transuersos agit Astrologos certas Astrorum sedes cognoscere cupientes? Legantur quæ Tycho Brahe lib. 1. de stella noua, pag. 140. scribit de instru-mentorum & horologiorum tarditate & ignauia, cessabit eorum insolens iac-tatio qui non minus fidenter cœlum, quàm campos certo limite partiri con-sueuerunt.



## CAPVT XXII.

*Rationes ob quas Astrologi va-  
rias signis vires attribuere.*



RODEANT iam rationes, ob quas Astrologi absonas signo-rum potestates in Genethli-cam artem inuexere; & qui-bus veluti montibus quibusdam, monti-bus impositis, Gigantum exemplo cœ-lum in minutissimas partes discindere aggressi sunt. Iuuerit enim non parum ad veritatem dispiciendam, ea expende-re rationum momenta, quibus sibi pri-mò, deinde plerisque alijs Astrologi rem tantam persuasere.

Primum itaque experientia compar-tum est, Planetas aliud ex vna, aliud ex alia cœli plaga efficere. Sol enim ex Ariete vernum illum teporem omnia pertingentem edit, quo mundus ipse hyberno rigore soluto, iam reuifescere, & quodammodo reuiuiscere videtur. Contra vero ex Leone acrem quandam & noxium fundit calorem, qui absumit, & exurit vniuersa. Quod autem in So-le animaduertimus, probabili coniectu-ra ad alia quoque Astra transferendum est, vt cum vno signo vnum, cum alio præstent alium effectum.

Deinde, quod scribit Ptolemæus, So-lem in Ariete edere tonitrua, fulgura, fulminare, miscere, non modò Græciam, sed mundum vniuersum, negant aliò re-ferri posse, quàm in naturam & proprie-tatem illius signi. Accedit quòd signa mobilia non alia de causa id nomen as-secuta sunt, nisi quia magnarum muta-tionum sunt causa, vt ait Christophorus Clavius ad cap. 1. sphaeræ.

Tertiò videmus subitas interdum aë-ris mutationes, media Aestate repentè ingruit frigus, decidunt imbres, salie-grando, furit ventus, in Hyeme ingruunt calores



calores non modici: quouis tempore inopinati seuiunt venti, nubes exemplo nigrescunt, ruunt imbres, quæ non possunt aliundè proficisci, nisi ex subito transitu alicuius Astri ex vno in aliud contrarium signum, vel ex vno in alium eiusdem signi gradum.

Denique qui eodem postu stellarum nascuntur, sæpè nascuntur vita, moribus, studijs, corpore, animo dissimilissimi. Id quod clarissimo exemplo illustrat Sanctus Augustinus libro quinto de Ciuitate Dei, cap. 1. Sæpè verò adeo prodeunt similes, vt ne natura quidem eos internoscere videatur. Cuiusmodi fuerunt, qui apud eundem auctorem loco citato simul valere, & ægrotare, eadem pati incrementa, & decrementa valetudinis, eodem morbi genere affligi, iisdem medicamentis leuari soliti sunt; inter horum, illorumque ortum diuersitas aliunde esse nequit, nisi ex eo, quòd hi dum oriuntur astra ex vno signo, in aliud transuolant, quando illi prodeunt in lucem eandem signi partes, aut signi gradus similes natura, & viribus decurrunt. Hæc Astrologiæ Magistri ad stabiliendam signorum potestatem asserere solent, quæ trurina egere videntur.

Quid ais? dicitis ex eo, quòd Sol nunc acrius, nunc temperatius calefacit colligi diuersas signorum vires. Cur ita? quia nisi aliquid ex signis Soli accederet semper eandem promeret actionem. O lepida ratiocinatio, nõ intelligitis quòd Sol nunc magis, nunc minus, nunc ferè nihil calefaciat, ex eo oriri, quòd nunc magis, nunc minus, nunc minimè à nobis recedit? quid opus est secretis signorum viribus, vbi causa est aperta? si nullum esset cælum, si nullus Zodiacus, Sol tamen accederet ad nos, & recederet, sicut accedit, & recedit. nonne eodem pacto calefaceret, ac calefacit? quò magis accedis ad ignem, nonne maiorem experiris calorem? Qui sunt ignis Zodiaci, quæ signa, quibus eius actio promoueatur, aut retardetur? Quo tempore nos Sol acriter urit ex Leone, nonne leuissimè afficit eos, qui ad alterum polum spectant? Rursus quando ex Aquario illos magno ardore exurit, nonne

imbris, & frigore nos perfudit? Vnde hæc varietas? à signone, an ab accessu, & recessu Solis? Consule, quæ scribit Aristoteles lib. 1. de gener. à t. 56. Nos friuola hæc nihil morantur.

Quod ex Ptolemæo proferunt, Solem dum Arietem percurrit, tonitrua edere, & fulgura, eandem habet rationem: abscessu enim Solis hyems, frigusque conualescunt, quæ glacies, geluque spiritibus qui intra terræ viscera sunt, exitum intercludunt. Reuertens ergo Sol, & ad Arietem accedens, omnia calore perfundit, quare spiritus, qui hyberno tempore frigore prohibente exitum, intra secreta terræ continebantur, glacie, geluque soluto, patefactis terræ meatibus, vbi Sol propius ad nos accessit, vbi terras vberiori calore perfudit, liberi iam, & soluti, attenuati præterea & excalefacti, in sublime feruntur; ibique calidis cum frigidis, humidis cum siccis pugnantibus, fulgura, tonitrua; procellæ, venti exsistunt, vt ait Ptolemæus. Quid hic opus est occulta signorum vi? omnia præstare potest Sol auctor caloris, qui laxat spiritibus huiusmodi vias.

Dicuntur autem hæc signa mobilia, quia ad ea quando Sol peruenit magnas efficere solet tempestatum mutationes, nulla signorum vi, sed accessu, aut recessu, & terræ præparatione, quam inuenit. Audiamus quid scribat Aristoteles lib. 1. Meteororum, sum. 1. cap. 1. de ventis, & intelligemus, quæ causa sit huiusmodi mutationum. Sol autem, inquit, cessare facit, & commouet flatus; debiles enim & paucas existentes exhalationes, extinguit, & ampliori calido, illud quod in exhalatione minus exiit, disgregat; adhuc autem & ipsam terram præuenit exsiccans, antequam facta fuerit multa simul excretio, sicuti si in multum ignem inciderit modicum exustibile, præuenit sæpè antequam fumum faciat, exustum esse: propter has igitur causas cessare facit ventos, & à principio fieri prohibet, consumptione quidè cessare faciens, celeritate autem siccitatis fieri prohibes. Quapropter & circa Orionis ortum maxima sit tranquillitas, & vsque ad Ethelias, & Prodomos. Vniuersaliter autem

fiunt



sunt tranquillitates propter duas causas. aut enim propter frigus, cum extinguatur exhalatio, veluti cum fuerit gelu fortè, aut cum marcescit à suffocatione; plurimæ autem, & intermedijs temporibus, aut eo, quod nondum facta sit exhalatio, & alia nondum aduenit. Incertus autem, & molestus Orion esse videtur, & occumbens, & oriens, quia in transmutatione temporis accidit occasus, & ortus, æstate, aut hyeme, & propter magnitudinem Astri dierum fit aliqua pluralitas: transmutationes autem omnium turbulentæ sunt, propter indeterminatorem. Ethesiæ autem flant post versiones, & Canis ortum, & neque tunc, quando maximè prope fuerit Sol, neque quando longè; & diebus quidem flant, noctibus autem cessant. Causa autem, est; quia propè quidem existens præuenit exsiccans, antequam fiat exhalatio: cum autem abscefferit modicum, mediocris iam fit caliditas, adeò vt congelatæ aquæ liquecant, & terra exsiccata, & à propria caliditate, & ab ea, quæ Solis est, quasi ardeant, & exhalent.


Eodem sine dubio reuocandæ sunt subitæ mutationes aeris, quod enim æstate subitæ interdum contingant mutationes, non è cœlo, sed è terra repeto: ex copia, vel inopia spirituum, ex præparatione materiæ, ex antiperistasi, ex alijs sexcentis causis proximis immediatis, veris, Physicis, non commentitijs, fabulosis, imaginarijs.

Postrema denique ratio, quæ ex Gemminorum simili, aut dissimili natura ducitur, sumit id, quod maximè controuersum, & anceps est; hominum ortum, atque naturam à cœli constitutione pendere: & quoniam eorum, qui sub eodem stellarum congressu veniunt in lucem, varia temperatio non potest in diuersos Astrorum congressus referri, reuocandam putat in coniunctionem eiusdem Astri, cum alia, atque alia cœli particula. Id verò est, quod toto hoc opere improbamus, quod sexcentis modis ostendimus à veritate alienum. à proximis ego causis, à dissimili materia, à vi procreatrice, ab alimento, à loco, ab extrinsecis & adiunctis causis, aio esse

diuersam constitutionem eorum, qui eodem partu dissimiles nascuntur; quemadmodum qui similes prodeunt à simili materia, & efficiente similitudinem habent.

Quare rectè Aly Auuerrodam, Signa, inquit, mansiones sunt, quæ nihil operantur; operantur autem stellæ fixæ, quæ sunt in eis. Nam quia Sol ea singulis annis percurrit, ex operationibus, quas in eis constitutus Sol operatur, signa ipsa nomina accipiunt, & agere putantur. Hinc Aries, Cancer, Libra, Capricornus, signa mobilia nūcupantur, quia Sol in illis signis constitutus mutare solet tempestates: his proxima signa fixa, dicuntur, quia in illis tempus mutari non solet.

Quæ Aly verba duas evertunt mendaciorum opulentissimas officinas, quarum altera illud axioma continetur, Luna existere in signis mobilibus, quicquid auspiciatus fueris caducum, ac fluxum fore; altera docet; quicquid Luna existente in signis immobilibus aggressus fueris, fixum, ac diuturnum futurum, propterea cauendum ne Luna in Tauro, Leone, vel alio signo fixo morante incidantur, vel consuantur vestes, quia signa hæc fixa significant id, quod eorum auctoritate factum fuerit fixum, ac ratum futurum, vestes autem diuturnæ esse non possunt, nisi dominus, aut lecto decumbat, aut mortem obeat, Nos ad alia festinantes amiles superstitiones retardare non debent.



## CAPVT XXIII.

*Zodiaci asterismis nullas inesse vires.*



ON iniuria sanè boni auctores semper succedere Astrologis, qui Barbaris figmentis cœlum illud diuinitatis domicilium ineptissimè deformarunt, quid enim oportuit, aut Medusæ cruentum caput



caput, aut Orionis arma, aut Cassiopeæ, vel Andromachæ, fabulas ineptissime, cœlo consignare? quid habuit Sagittarius ex homine in equum per posteriora membra degenerans, quid Capricornus caper ex Pisce cum Astris commune? Cur huiusmodi monstris placuit potius, pulcherrimam mundi partem cœdare, quam hominibus virtutum gloria illustribus insignire? Cæterum non fuit satis Genethliacis huiusmodi figmentis cœlum inspergere, his ludibrijs, & fabellis tantum arrogarunt auctoritatis, ut, totius illis mundi imperium, & iura tribuerint; nec puduit homines qui arcanam quandam & plane cœlestem doctrinam profrentur, fabellis à poetis animi causa confectis, & temere in cœlum illatis rerum omnium efficientiam adiscere. Hæc nobis temeritas hoc loco castiganda est, & docendum nihil huiusmodi imaginibus subesse potestatis, sicut ostendimus cap. 24. nullas esse signorum vires.

Ac primum quidem Astra vnus imaginis non omnia eisdem habere vires, Mathematicis ipsis auctoribus didicimus, tradunt enim in vnoquoque signo tres esse decanos varijs respondententes planetis, varijs præditos viribus. Rursus in vnoquoque signo alij Dodecatemoria, diueria alij Monomerias: alij Nouenias, fines alij, alij facies cum varia potestate præficiunt; hinc signorum variaz partes. Arietis (inquit Firmicus lib. 8. cap. 3.) primæ, & secundæ partes in cornib. sunt continutz; tertiæ quartæ quintæ in capite, sextæ septimæ in facie, octauæ nonæ decimæ in ore, vndecimæ & duodecimæ in pectore; tertiædecimæ quatuordecimæ quintadecimæ in ceruice; decimæ sextæ decimeseptimæ in corde; decimæ octauæ decimenonæ in armo dextro; vigesimæ vigesimæprimæ vigesimesecundæ in armo sinistro; vigesimæ tertiæ vigesimæ quartæ vigesimæ quintæ in ventre; nouissimi verò pedes vigesimæ sextæ, & vigesimæ septimæ habent; in renib. vigesimæ octauæ & vigesimæ nonæ, in cauda trigessimam partem habent & sic hæc partes per totum Arietis corpus tali ordine diuiduntur. Hæc Firmicus,

qui sequitur aliorum signorum partes, & partium proprietates. Idem facit Ptolemæus Astrologorum Princeps, qui alia Arietis Astra facit Iouia, alia Martia, alia Saturnia, quo recepto firmamento, aut doceant Mathematici vbi vis illa signi resideat, quam ab Astrorum virtute, & à partium signi facultate diuersam esse dicunt, aut si id docere non possunt, ut verè non possunt, discedant ab ea, de signorum potestate sententia, quam hætenus innumeris aluere mendacijs.

Humana, inquit Io. de Sacrobosco, persuasio stellis numeros & nomina fecit, non ex sua natura, sed ex significatione distinctionis accomodata. Vnde Bernar. Syluest. dicit: Quæ modò sunt stellis nomina, fecit homo. Et Virg. Geor. 1.

*Nauis dum stellis numeros, & nomina fecit  
Pleiades, Hyades, claramque Lycaonis, &  
Arcton.*

Licuit Chaldeis solertissimis Astrorum obseruatoribus ex Libra, & Scorpione vnâ efficere imaginem, & vndecim tantum Zodiaci asterismos numerare: licuit Arabis, qui humanam effigiem referre, religioni sibi ducunt, omnes Aegyptiorum Chaldeorumq. imagines euertere. Aquarius enim illis est mulus clitellatus, Gemini duo pavones, Virgo spicarum manipulus, Centaurus versus equo cõmissus, Ophiacus ciconia, Sagittarius pharetra, Cassiopea canis in seliquattro, Andromeda Phœa aut vitulus marinus, Cepheus canis, Bootes barbara figura. Denique dū humanas effigies fugiunt, omnes Aegyptiorum, & Chaldeorum asterismos commutant. Licuit Ptolemæo Hipparchi asterismos commutare, licuit Hebræis non imagines, sed literarum elementa cœlo figere. Licuit alijs Persis, alijs Indis, alijs auctoribus sphaeræ Barbaricæ cœlo figere imagines, ut refert Aben-Ezra apud Iosephum Scaligerum in notis Manilianis. Et dubitamus adhuc an arbitraria sint stellarum schemata nullo certo fundo concepta.

Ipsi quoque Astrologi Magistri agnoscunt cœlestium imaginum arbitriam rationem. Cur enim tradunt pro distantiarum opportunitate imagines finendas esse, si dux stellæ humeros, y. g. corporis humani

O



humani designant; aliæ verò duæ pedes referant, longius autem distent, quàm ut vlla symmetria corporis humani seruari possit, Reijcienda aiunt Astra illa in aliâ figuram, quæ commodè ad humanam imaginem referri nequeant; intelligentes nimirum pro arbitrio ad hanc, vel ad illam imaginem Astra referri.

Quid multa? fabulæ, ex quibus desumptæ sunt cœlestes imagines, declarant abundè arbitriam esse stellarum diuisionem: nam Cassiopeam quod Nereidibus se præferre aulæ sit, inter sydera relatum ad perpetuum vitandæ temeritatis exemplum, scribit Aratus apud Tullium his verbis & versibus:

*Labitur illa simul gnata lacrymosa re  
quirens*

*Cassiopea, neque ex cœlo depulsa decoro  
Fertur, nam verso contingens vertice primæ  
Terras, post humeros eversa sepe refertur.  
Hanc illi tribuunt penam Nereides alme,  
Cum quibus, ut perhibent, ausus est contendere forma.*

Tauri fabellam describit Ouidius lib. 5. Fastorum.

*Idibus ora prior stellantia tollere Taurum  
Indicat, huic signo fabula nota subest:  
Præbuit ut Taurus, Tyria sua terga puella  
Iuppiter, & falsa cornua fronte tulit:  
Illa iubam dextra, leua retinebat amictus:  
Et timor ipse noui causa decoris erat.  
Aura sinus implet, flauos in uet aura capillos;*

*Sidoni sic fueras conspicienda Ioui.  
Sæpe puellares subduxit ab aquore plantas,  
Et metuit tactus assuetis aque.  
Sæpe Deus prudens tergum demisit in undas.  
Hareat ut collo fortius illa suo.  
Littoribus tacitis stabat sine cornibus illis  
Iuppiter, inque Deum de bone versus erat.  
Taurus inquit cœlum: te Sidoni Iuppiter implet:  
Parque turm terra tertia nomen habet.  
Hoc alij signum Phariam dixere iuuenem,  
Que bos ex homine est: ex bone facta  
Dea, &c.*

Sed cœlestium imaginum fabulas exequitur Ioannes Stoslerinus in sphaera Præli, ut nulla maior imaginum cœlestium vis esse possit quàm sit fabularum, quas poëtæ narrant. Addam S. Augustini de ciuitatib. lib. 2. de doctrina Christi. c. 21.

qui cum docuisset veterum Mathematicorum arbitrio Astris nomina imposita fuisse, subdit. Non enim mirum est, cum etiam proprioribus recentioribusque temporibus sydus, quod appellamus Luciferum, honori, & nomini Cæsaris Romani dicere conati sint, & fortasse factum esset, atque isset in vetustatem, nisi auiæ eius Venus præoccupasset hoc nominis prædium, neque iure villo ad hæredes traiceret quod nunquam viua possederat, aut possidendum petiuerat; nam ubi vacabat locus neque alicuius priorum mortuorum honore tenebatur, factum est quod in rebus talibus fieri solet. pro Quintili enim & Sextili mensibus, Iulium atque Augustum vocamus, de honoribus hominum Iulij Cæsaris, & Augusti Cæsaris nuncupatos, ut facile qui voluerit intelligat, etiam illa sydera prius sine his nominibus cœlo vagata esse, &c.

Atque hinc Genethliacæ vanitas longè lateq. clarescit; cum enim hominum arbitria has aut illas imagines cœlo finxerit, & pro libidine homines Tauros, Arietes, Geminos, Virgines, Leones, Scorpiones, potius quàm alias animantes in cœlum euexerit, per summam delirationem proprietates, quas huiusmodi animantes naturæ sunt, ad Astra, & Astrorum schemata translata fuerunt, & alia signa vocata serina, alia humana, alia aquatica, alia terrestria, alia muta, alia vocalia, alia fecunda, alia infœcunda.

Hinc illa arcanis recondita ollis oracula, Luna in Tauro commorante non esse medicinam sumendam. Cur ita? quia Taurus cibum, semel in ventrè transmisum reuocare solet, quare Luna dum Tauri signum decurrit, si medicinam sumas periculum est, ne eam reijcias. Itane fulmenta lectum scannunt? obaudite Astrorum internuncij: Taurus non medicinam sed cibum reuocat, dum itaque Luna in Tauro oberrat super sedendum vobis à cibo potius, quàm à medicina censeo, cumque Aries quoque ruminare soleat, & reuocare cibum, auctor vobis præterea sum, ut ab omni edulio caueatis quamdiu Luna in Ariete, & Tauro moratur. quod si diligenter præsteritis, satis vobis, & nobis consultum fuerit. Ex eodem fonte

mana.



manauit & illud. Edes, quæ Scorpione quarto cœli loco existente, exadificata fuerint, fore Scorpionibus obnoxias. Eodem pertinent etiam illa, qui corona horoscopante nascitur, futurū Regem; Qui oriente Lyra prodit in lucem euasurum Musicum, aliaque plurima Astrologiæ principia, quæ non alio nituntur fundamento, quam tenuissimæ cuiusdam, & arbitrariæ nominis societati, quæ inter Astra, & res sublunares aliquādo intercedit, quā Poëtarum fabulis, qui hæc, aut illa stellis nomina fecerunt pro arbitrio. Quam rationem si sequamur, nihil est causæ cur non dicamus eos, qui Oriente Aquila nascuntur, volaturos; vsuros quatuor pedibus qui sub Cane eduntur in lucem; qui sub Cancro, futuros sine sanguine, & alia huius generis innumera.



## CAPVT XXIV.

*Monomeriarum lepidissima fabula.*

VANTAM Deus bone Astrologica noualia ferunt ludibriorū & commentorum copiam, quarum infelicitum herbarū purgatio nos diutius quam vellemus detinet, dissimulare tamen non licet splendidiore quædā & incredibilia mendacia. Nihil autem tam repugnans, nihil tam delirum cogitari potest, quod Astrologi cœlo non finxerint. Præter eas, quas ex stellis finxerunt rerum alienissimarum imagines, alias adhuc commenti sunt formas inuisibiles, in vnoquoque enim Decano formas quasdam commenti sunt nullis subiecta ferribus sola Mathematicorum cogitatione confictas, quas vno aut altero exemplo ex Agyptiorum monomerijs explicandas suscepimus.

Primum ergo decanum Arietis aiunt esse Martis. In primo gradu huius decani, qui omni stella caret, aiunt esse vi-

rum dextera falcem, sinistra balistam tenentem.

In secundo gradu, virum item, sed capite canino, dextera protensa, læua baculum tenentem.

In tertio gradu, virum quoque, qui sinistra manu zonæ apposita, dextera ostendat varia mundi regna.

In quarto gradu virum crispo capillo, qui dextera accipitrem, sinistra flagellum teneat.

In quinto gradu duos viros constituunt, quorum alter ligna scindat, alter dextera sceptrum gerat.

In sexto gradu Regem coronatum, dextera pomum imperiale, sinistra sceptrum sustentem.

In septimo Cataphractum sagittam manu tenentem.

In octauo virum galeatū cætera ieremem, balistam dextera gerentem.

In nono gradu virum capite nudatum, cætera vestitum.

In decimo virum qui vrsū transuerberat.

Longum esset per censere omnes decanos. Transeamus ad alia signa.

Tauri primum decanum tribuunt Mercurio, in cuius primo gradu aiunt esse virum, qui Taurum agit ad macellum.

In secundo mulierem, quæ manu equi caudam apprehendit.

In tertio mulierem subligaculo cæcā,

In quarto mulierem dextera flagrum tenentem.

In quinto bouem in ahenō sedentem.

In sexto virum tribus capitibus dextera porrecta.

In septimo mulierem stantem.

In octauo mulierem tristem in seliquastro sedentem.

In nono virum qui flagello agnos, & capras agit.

In decimo duas mulieres stantes, inter quas catellus ludit.

Hæc mirantur homines, hæc stupent qui ignorant Genethliacam vanitatem, hac disciplina gloriantur Astrologi.

Has & huiusmodi cōminiscuntur imagines Genethliaci alienissimas à sensu, alienissimas à ratione. Caterū ut sunt mendaces omnes, inconstantes, ita dis-

O 2 sentie n




sentientes sunt de his imaginibus Astrologorum sententiæ. Nam Ægyptij in primo gradu Cancræ, virum, & mulierem fingunt manibus se apprehendentes, si bique gratulantes. Arabes formosum iuuenem, eleganter amictum, qui digitos habet contortos, reliquo corpore equum vel Elephantem referat.

In primo gradu Leonis, Ægyptij faciunt virum dextera caput Leonis tenentem. Arabes arborem, cuius ramis insidet Canis.


Non minorem his imaginibus Genethliaci arrogant auctoritatem, quam Zodiaci asterismis, ut nulli dubium esse possit tam nullas esse vires imaginum Zodiaci, quam vanæ sunt formæ inuisibiles quas recensuimus.

Ex quibus rideas quod scribunt nonnulli, Christum Dominum natum Oriente primo gradu Virginis, in quo Astrologi dicunt esse virginem puerum recenter natum lactantem. Ægyptij enim in primo gradu Virginis collocant mulierem bene ornatam, quæ virum expectat, non Virginem qualem recentiores fingunt. Alij contrà, alia ibidem somnia vident, quæ non est necesse recensere; æquæ enim commentitia sunt omnia. Rogatos autem velim Astrologos ne ægrè ferant somniorum & ludibriorum nomina, quæ frequenter hoc opere usurpata vident: hæc enim nugamenta alijs nominibus exprimi non potuerunt.



## CAPVT XXV.

### *Alia Zodiaci ludibria, & ridicula Astrologorum commenta.*



VLTA in Zodiaco, & Zodiaci signis luse Genethliaca, sed nondum satis sibi luxuriata, videtur; quare quemadmodum signa in triginta gradus, ita in tres decanos diuisit, denos gradus singulis decan-

nis attribuens, singulosque decanos vni Planetarum ascripsit. Primus itaque decanus Arietis apud Ægyptios est Martis; secundus Solis, tertius Veneris. Primus decanus Tauri Mercurio, secundus Lunæ, tertius Saturno ascribitur. Primus Geminorum Iouis, secundus Martis, tertius Solis dicitur. Primus Cancræ Veneris, secundus Mercurij, tertius Lunæ, & sic in reliquis. sed aliter Chaldæi, aliter Arabes, aliter alij, qui primum cuiusque signi decanum patrifamilias, id est, ei qui in signo Dominus est tribuunt. His accedunt Dodecatemoria, de quibus Manilius lib. 2. Astronomicon:

*Per spicæ nunc tenuem visu rem, pondere magnam.*

*Et tantum Graio signari nomine passam, Dodecatemoria in titulo signantia causas; Nam cum tricenae per partes sydera constent, Rursus bis senis numerus deducitur omnis; Ipsa igitur ratio binas in partibus esse, Dimidiaque docet partes. his finibus esse Dodecatemoriū constat, bis senaq; cuncta, &c.*


Duo autem genera Dodecatemoriarum reperies. Alterum Planetarum, alterum signorum: quemadmodum enim notauit Ioseph Scaliger in Manilio pag. 129. vnum signum dicitur habere Dodecatemorium in alio, pars decimatertia Geminorum in sexta parte Libræ Dodecatemorion habet.

Indi porro ne Græcis cederent commentis, signa non in decanos, nec in Dodecatemoria; sed in nouem partes tribuerunt, quas Nouenias appellarunt, & primam domino signi, reliquas secundum ordinem reliquis Planetis consignarunt, ita ut si prima sit Martis, secunda tribuatur Veneri, tertia Mercurio. Et sic deinceps.

Rursus Ægyptij alia somniarunt somnia, singulas partes Zodiaci in Monemorias fecerunt, quas varijs Planetis donarunt; quæ omnia miris modis exagitaui Ptolemæus. sed nescio qui fiat ut quæ magis inepta sunt, magis admirentur mortales, capianturque fabulis magis quam veris & solidis disciplinis. Pudet me generis nostri, apud quos video tam ridiculas fabellas reperisse fidem.

C A-





## CAPVT XXVI.

*De gradibus lucidis, tenebrosis,  
plenis, vacuis, & alijs id  
genus nugamentis.*



**T**QVÆ has sectiones Zodiaci Astrologi referunt ad Planetas, sed ne quis sit finis ludibriorum, rursus illum diuidunt; nulla relatione facta ad Planetas, in partes lucidas, & tenebrosas, vacuas & plenas, masculinas, foemininas, valetudinis & morbi.

Cœlum, inquit Cardanus librorum, Ptolemaei, quos quadripartitos vocant lo cupletissimus interpres, se habet vt terra; stellæ sicut montes, & lapides, ipsa cœli substantia (risum teneatis amici) quadam affert bona, malave, calidior frigidior, siccior, humidior, pinguis macilentia, arida, foecunda, foelix, infœlix, æqualis, inæqualis, pertinax, mutabilis, ferax, sterilis, turbida, perspicua, &c.

Triginta sex itaque decani, inquit Iulius Firmicus lib. 4. cap. 16. omnem Zodiaci possident circulum, ac per duodecim signorum numerum, Deorum, seu decanorum hæc multitudo diuiditur; sed cum sint insignes singuli terni decani, non in omnibus triginta partibus eorum, est nomen constitutum, sed per singula signa terni decani, quasdam partes possident, quasdam verò relinquunt. Plenæ sunt itaque partes, in quibus decani fuerint inuenti, vacuæ verò, ad quas nunquam decanorum numerus accedit. Quicumque igitur in genitura sua Solem, Lunam, & quinque Planetas, in plenis partibus habuerit, erit quasi Deus maximæ maiestatis præsidio subleuatus, sed nunquam fieri poterit, vt in hominis genitura, Sol, Luna, & quinque Planetæ in plenis partibus constituentur. Qui ergo vnam stellam præter Solem, & Lunam,

in plenis partibus habuerint, mediocres erunt; qui duas, ad omne foelicitatis genus accedent; qui tres, vltra modum multiplicata foelicitatis ornamenta accipient, qui verò quatuor, ad potentiam Regiæ foelicitatis attingent: vltra autem hunc numerum in nullis genituris plenas stellæ possident partes. Qui verò in horoscopo nec Solem, nec Lunam, nec aliquam stellam in plenis habuerint partibus, erunt miseri, destituti semper, & pauperes, & ad omne infœlicitatis discrimen miseriarum continuationibus applicati. Sanè in omnibus locis, ac stellis rationem istam debes diligenter inspicere: si enim horoscopus in plenis partibus fuerit, erunt vitæ virtute, animi æqualitate, corporis, & auctoritatis potestate præualidi; qui verò in partibus vacuis horoscopum habuerint, erunt corpore miseri, animo deiectioni, inualidi viribus, ac semper potentioribus deseruiantes, &c.

Tantum Genethliaci tribuunt partibus plenis, & vacuis; sed quid de masculinis, & foemininis idem Auctor scribat, videamus.

Nunc, inquit lib. 4. cap. 17. masculinas & foeminas signorum partes referabo: sunt enim tam in masculinis, quam in foemininis signis, & masculinæ similiter & foemininæ partes; ex ijs verò partibus, cuius genitura sit masculina, cuiusve foeminina ita reperitur; sunt itaque masculinæ partes 197. foemininæ verò 103. Quomodo autem facillimè dignoscantur, per sequentem tabulam explicabo, &c.

Hæc omnia ratione destituta, solis experimentis constare aiunt Astrologi Magistri; sed quam habebimus fidem istorum experimentis, qui contrarias partium vires experti sunt? quas enim partes Firmicus facit masculinas, Albumazar dicit esse foemininas; Auenrodam non consentit eū Alchabitio, ab utroque dissentit Abraham, alij duodecimam cuiusque signi partem alternis vicibus masculinam, & foemininam esse docent. Alij primos duodecim gradus sexui signi tribuunt; nam si signum sit masculinum, primos duodecim gradus masculinos




nos docent esse, sequentes foemininos, reliquos sex æqua partitione diuidunt.

Sic Astrologi inter se digladiantur, ita nihil inter eos certi, & constituti est; & adhuc iactant artem suam experimentis partam. Scilicet pugnancia placita, certis experimentis stabilire potuerunt, quibus habebimus fidem? quos sequemur duces? quorum experimentis orta est hæc disciplina, quæ nutat inter contrarias sententias?

Non minor inter Astrologos dissensio est de plenis, & vacuis partibus; multas, quas Firmicus vocat vacuas, Albimazar dicit esse plenas, & quas Elphesion Thebanus inter plenas numerat, Alchabitius recenset inter vacuas.

Denique nil dico de partibus lucidis, & tenebrosis, nec quàm multis offusæ sint tenebris; veteres eam partem lucidam vocabant in qua est stella, obscuram quæ stellarum splendore caret, at postquam Zodiacus translatus fuit in decimam sphaeram omni luce orbatam, recentiores Genethliaci easdem signorum partes lucidas retinere volentes, in decimo etiam orbe partes lucidas, & tenebrosas collocarunt. In orbe omni luce destituto quid lucida pars, quid obscura sit adeo obscurum est, ut cymmerias superet tenebras.



## CAPVT XXVII.

### *Cœlestium domorum, nugamentum.*

**N**ILVS sit scribendi finis, si omnia persequi velim, quæ ab Astrologis dolose conficta fuerunt. Condonabo igitur reliqua libenter breuitati; sed quæ de Astrorum domicilijs, de cœlestibus domibus commenti sunt, præterire omnino non possum. si enim domos, quibus omnia Astrologiæ arcana mysteria con-

tinentur, figmentum esse constiterit, & inane ludibrium, Astrorum, & Astrologorum penetrales ædes euersæ fuerint, ex quibus tanquam ex occultioribus delubris, populis reddere responsa consueuerunt.

Tradunt enim Genethliaci non solum varias, sed & contrarias vires Astra sortiri in varijs domicilijs. Vnde Iulius Firmicus lib. 3. Mar. cap. 3. Saturnus, inquit, per dies in horoscopo partiliter constitutus, id est, in ea parte, in qua est horoscopus, faciet cum summo clamore edi partum; erit autem iste, qui nascitur, maior omnibus fratribus; aut si quis ante eum natus, à parētibus separabitur; semper autem iste per diem in omnibus quatuor cardinibus facit primos nasci, aut primos nutriri, aut eos fratres, qui ante se nati fuerint, recedere; facit quoque inflatos, ac superbiam spiritu elatos.

In secundo loco ab horoscopo, Saturnus facit ægritudines graues, euerfiones maximas, vxorum etiam, & filiorum interemptor est, & maximarum turbarum, frequentiumque concitator, sed & paternam, & maternam substantiam dissipat; ipsum verò, qui natus fuerit, tardior in omnibus motibus facit, quibusdam etiam perpetuas indicit corporis valetudines.

In tertio loco Saturnus ab horoscopo constitutus, facit pigros, tardos, & nullam patrimonij substantiam requirentes; si verò cum Mercurio, ac Luna in hoc loco fuerit, facit cum stultitia malitiosos, sacrilega contra diuinitatem verba iactantes, &c.

In quarto loco Saturnus ab horoscopo partiliter constitutus, id est, in Imo cœlo, si per diem hunc locum tenuerit, faciet pecuniarum auidos, custodes auri, & argenti; per noctem verò si fuerit in hoc loco, paternum patrimonium dissipat, & citam patris mortem facit, ægritudines etiam graues, & frigidos humores corporis, & infirma ætate, faciet semper infames.

In quinto loco Saturnus ab horoscopo constitutus, si per diem in isto loco fuerit, Reges faciet, & Duces, & maxima largitur insignia potestatis; si verò sic Saturno posito, Sol in parte horoscopi fuerit in-



rit inuentus, & conjunctionem Lunæ cre-  
fcentis Saturnus exceperit, perpetuas  
tribuit foelicitates, & maiorum potesta-  
tum ornamenta decernit.

In sexto loco Saturnus ab horoscopo  
constitutus omne patrimonium dissipat:  
malè enim semper in isto constituitur lo-  
co; facit etiam ægritudines, præsertim  
si deficiens se ei Luna coniunxerit, vel si  
quadrata ei deficiens fuerit, facit enim  
incoelices, infames, erraticos, qui scilicet  
in vno nunquam possint consistere loco.

In septimo loco Saturnus ab horoscopo  
constitutus, id est, in occasu partili-  
ter, si matutinus fuerit, in diurna scilicet  
genitura bonus erit, & hominibus maxi-  
mam decernit substantiam, sed tunc cum  
fuerint limen senectutis ingressi: maxi-  
mam enim sic positus senectutis largitur  
ætatem, & pecuniarum custodes facit,  
latentes verò corporis dolores indicit:  
facit enim hæmorrhoidicos, aut neruorum  
dolore contractos. Si verò in hoc loco  
vespertinus fuerit, fistula circa podicem  
facit, & simili modo hæmorrhoidicos, &c.

In octauo loco ab horoscopo consti-  
tutus Saturnus, si per diem fuerit hæte-  
nus collocatus, procedente ætatis tem-  
pore, augmenta patrimonij largitur; qui-  
busdam verò si in hoc loco constitutus  
in Martis Signo fuerit, vel in Martis fi-  
nibus, ex alienis mortibus pecunias de-  
cernit, &c.

In nono loco Saturnus ab horoscopo  
constitutus Magos famulos facit, vel  
Philosophos opinatos, vel Sacerdotes  
templorum, in magica semper opinione  
clarissimos, facit etiam pro qualitate  
Signorum haruspices, vates, Mathema-  
ticos, ac vera semper interpretatione  
fulgentes, & quorum responsa sic sint  
quasi quadam diuinitatis auctoritate  
prolata; quosdam autem facit in templo-  
rum cultu semper perseuerare, ac præ-  
positos interdum Religionum, somnio-  
rumque diuinos reddit interpretes, sed  
& frequenter facit Philosophos capilla-  
tos. Si verò per noctem in hoc loco fue-  
rit constitutus, facit iras Deorum, Im-  
peratorum odia, &c.

In decimo loco Saturnus ab horosco-

po constitutus, hoc est, partiliter in me-  
dio cælo, facit Imperatores, Duces,  
Præfectos, Prætores, si sic posito Satur-  
no in his locis, in quibus exaltatur, Sol  
in horoscopi parte fuerit constitutus, Sa-  
turnus autem, sicut antè diximus, in me-  
dio cæli si per diem fuerit inuentus, fa-  
ciat honestos, ac honestis moribus agri-  
colas, sed locupletes, & quorum posses-  
siones aut mari, aut fluuijs, & aut syluis  
semper adiaceant; dabit etiam substan-  
tias maximas, magnam gloriam, & à  
maioribus personis hæreditates, &c.

In vndecimo loco ab horoscopo consti-  
tutus, mediocria decernit bona; & quan-  
do aliquid malignum fuerit largitus eum,  
qui natus fuerit, in eo loco, & in eo or-  
dine collocabit, in quo fuit pater eius  
antè collocatus, sed post trigessimum æta-  
tis annum: nam ante illum quicquid que-  
sierit amittet, nec poterit dignitatem, vel  
matrimonium consequi, nisi prima tri-  
ginta annorum spatia transferint.

In duodecimo loco Saturnus ab ho-  
roscopto constitutus, tumultus, sermonis  
discrimina, vel propter seruos pericula  
decernit, & distringit seruitio, qui sic  
eum in genitura habuerit collocatum;  
facit etiam maximas ægritudines, sed  
& valetudines non modicas, &c. Hæc  
Iulius Firmicus, qui eodem libro perse-  
quitur cæterorum Planetarum per sin-  
gulas cæli stationes, potestates, & effe-  
ctus varios, qui ab eis dimanant.

Nihil est magis receptum apud Ge-  
nethliacos, quàm quædam Astra esse be-  
nigna, quædam maligna; ac ne id quidem  
perpetuum, & constans est, sed bonum  
sydus ex malo loco obesse plurimum,  
malum ex bono loco prodesse putatur.  
Itaque Iupiter, qui in Oriente magna bo-  
na decernit, in duodecima domo, quæ  
Orientem attingit, magna incommoda  
denunciat: opes, amplasque diuitias idem  
Iupiter largitur; ac in tertio, octauoque  
loco patrimonium profundit. Quod de  
Ioue tradunt, tradunt de cæteris Astris,  
mutare subinde vires, & tamquam Ca-  
mæleontes induere colores, & virtutem  
loci, in quo morantur. Quare Cardanus  
lib. de reuolutionib. cap. 12. Planetæ ma-  
li, inquit, domibus nocent, in quibus sunt;

O 4 & bo-



& boni iuuant eas, si in eis sunt. Et infra: Cum fuerit dominus domus in opposito domus, cadet ille magna ex parte à dispositione significata per illam domum. Iterum infra Sol, & Iupiter, vel eorum alter, cum in septima fuerint, & Saturnus, & Mars, vel alter eorum in medio cæli dominum ascendens, vel ascendens violauerit, vel Lunam, morietur publica morte; si verò infortunæ in septimo loco Solis, & Iouis solum, occidetur.

Eadem leges apud Ptolemæum lib. 3. de Iudicijs, præsertim, c. 10. quo de spatio vitæ differit, c. 12. quo de morbis, cap. 13. quo de animi qualitatibus, & seqq.

Comentitias verò esse huiusmodi domos, quibus tantum Astrologia tribuit, & nullum illis fundamentum in cælo esse, vel ex eo constare, quod neque inter Astrologiæ Magistros conuenit de constitutione domorum: Alij enim diuidendo cælum in duodecim spatia seu domicilia, Zodiacum, alij Æquatorem, alij Verticalem circulum, alij Parallelum per gradum eclipticæ orientem Meridiano circulo interceptum, assumunt. & alij Abraham, Auenezram, & Monteregium, alij Alchabitium, Firmicum, aut Cardanum sequuntur decempedatores. Euariatis verò domorum finibus, alij Planetam in vna, alij faciunt in alia domo commorantem. Iam verò qui ignorant ad quam potissimum domum Planeta pertineat, quomodo notarunt quid ex vna, quid ex alia domo efficiat? Hoc si perspectum Astrologi non habent, qua fronte Astrorum vires per singulas cæli stationes tradunt tanquam rem omnium consensione receptam, & certis experimentis conspicuam?

Huc accedit quod huiusmodi Astrorum sedes, & domicilia fixa faciunt Mathematici & immobilia. prima enim domus est in Oriente, sexta in Occidente, quarta in Imo cælo, decima in Medio cælo. At nulla est cæli pars Orientali, vel Occidentali, medio vel imo cælo, ita adhærescens, ut vnâ cum diurno motu non feratur ab Oriente in Occidentem. commenta itaque necesse est esse Astrorum ædes, & hominum opinione constare, sine vlllo prorsus naturæ præsidio.

Verum quoniam per signa Zodiaci

Planetarum domos diuidunt Astrologi, videamus qualem Zodiacum dicant, & quæ signa adhibeant ad eas constituendas. hinc enim planum fiet, quæ sit cælestium domorum natura. Et quidem in octaua sphaera, qua stellarum cætus varij visuntur, duodecim esse signa, certis quibusdam Astris notata Arietem, Taurum, Geminos, Cancrum, Leonem, Virginem, Libram, Scorpionem, Sagittarium, Capricornum, Aquarium, Pisces, quæ Zodiacus dicuntur, in confesso est: cæterum cum hæc Astrorum schemata ab Oriente in Occidentem circumferantur; Alibi Planetarijs quærendæ sunt domus quas Orientali Occidentali summo imoque cælo inseparabiliter hæerere tradunt, & in quibus ipsa quoque signa, ita esse dicuntur, ut ex vna in aliam domum demigrent.

Alium Zodiacum reperio apud Astrologos in decimo Orbe, de quo Christophorus Clavius, is, qui clarissimi ingenij plurimis monumentis Mathematicas disciplinas in lucem, hominumque admirationem reuocauit, ad c. 1. sphaeræ Ioannis de Sacro Bosco, hæc scribit: Duo sunt in corporibus cælestibus Zodiaci concipiendi; vnus quidem in primo mobili seu decimo cælo, qui solus est verus, ac proprius Zodiacus, quæ Astronomi intelligunt, quando de Zodiaco absolute loquuntur, constans duodecim partibus æqualibus, quæ signa cælestia vocantur, &c. Alter verò Zodiacus concipiendus est in nona sphaera priori Zodiaco directè suppositus, cum eisdem duodecim signis. Primus ille Zodiacus dicitur ab Astrologis immobilis, & fixus, non quod non moueatur ad motum sui orbis, in quo est, sed quod eius signa semper eodem modo se habeant ad æquinoctialem, & coluros primi mobilis, ita ut semper principium Arietis sit in æquinoctiali circulo, similiterque principium Libræ ubi nimirum colurus æquinoctiorum æquinoctiale interfecat. Rursus principium Cancri reperitur semper in coluro solstitiorum, similiterque principium Capricorni, idemque de reliquis signis & punctis primarijs illius Zodiaci proportionem quadam dicendum erit. Secundus autem Zodiacus dicitur mobili-



mobilis, & non fixus, non ea solùm ratione, quòd a motu sui orbis, in quo est, moueatur; hoc enim commune est etiam primo illi Zodiaco, qui tamen immobilis appellatur, sed quod eius signa non semper eodem modo se habeant ad æquinoctialem, & coluros primi mobilis; non enim principium Arietis, & Libra huius Zodiaci semper reperitur in æquinoctiali circulo, siue coluro æquinoctiorum primi mobilis, neque principium Tauri, & Capricorni in coluro solstitiorum mouetur, neque posterior hic Zodiacus sub illo primo paulatim versus signa Orientalia prioris Zodiaci, hoc est, versus signa illa, quæ posterius oriuntur.

Ne in hoc quidem Zodiaco Astrorum figi possunt sedes, & domicilia: nam præterquam quòd commentitia esse omnia signa; quæ in decimo orbe Mathematici cogitarunt, docuimus supra cap. vigesimoprimum; Domos, sedesq. cœlestes immobiles volunt Astrologi, decimus autem orbis, qui motu diurno ab ortu fertur in occasum, nihil recipit fixum, ac stabile, quod ex ortu non tendat in occasum. Quæ ergo sunt in tæta orbium cœlestium conuersione rata, ac stabiles ædes? quibus æthereæ domus definiuntur terminis? Vbi cogitant mirificam illam vim, quam cœlestibus domibus tribuunt Genethliaci? Interuallum quoddam inter Orientem, & Meridiem, inter Meridiem, & Occidentem, inter Occidentem, & imum cœlum, inter imum cœlum, & Orientem, illi cogitare possunt omni corpore denudatum, firmum, ac stabile: nam & veteres Philosophi, quos refert Aristoteles libro quarto Physicorum, text. trigesimo sexto, cum non possent animo complecti, quid sit locus immobilis, quique motis corporibus idem semper permaneat, interuallum quoddam, seu intercapedinem inuenerunt in naturam à corporibus seorsum, firmum, ac stabile, in quo corpora omnia tãquam in loco, & immobilem naturam, loci collocarunt. Verùm quoniam non in rerum natura, sed solum in nudis hominum cogitationibus huiusmodi commentum reperiri leuissimis ra-

tionibus effecit Aristoteles, figmentum quoddam esse oportet cœlestes domos, non minus, quàm interuallum illud, de quo disputat Philosophus. His accedit, quòd huiusmodi interuallo nulla agendi vis congruere potest, omnis siquidem effectio, aut à substantia, aut ab accidente proficiscitur; hoc interuallum non est substantia aut corporalis, aut spiritualis, neque accidens, cum per se sit; Vbi ergo Planetarij constituunt, aut quo subiecto excipiunt agendi vim illam, quam domibus inesse dicunt? Vnde Cardanus libro de Iudicijs geniturarum, cap. nono. Inter domos robustior est in hoc significato, (agit autem de vita) vt apparet prima, inde septima, inde decima, inde nona, inde vndecima, &c. ita Ptolemæus libro 3. de Iudicijs, capite decimo. Fortioris auctoritatis esse dicitur, quod est cœli mediū super terram, post hæc ascendens, deinde id, quod cœli medium ascendit, & post ipsū Occidens, ad quod cœli medium præcedit; omne autem quod sub terra moratur, hac in re, tam præclara, & tam excellenti prætermittendum fore decreuimus, præter id, quod Ascendens super terram apparuit, &c.

Respondebunt Kapplerus fortasse aliquis nullā cœlestibus domibus inesse vim, sed in sublunaribus rebus esse characterē, domorū, qui id omne efficiat, quod Planetarum domibus tribui solet. Nihil ad rem. Ambigimus enim à quo principio, tanquā ab efficiente huiusmodi forma defluerit; Non à Planetis, qui non vnius potius quàm alterius domus characterem reddunt. non à domibus, quorum nulla est vis, nulla natura. Præterea eius, quod nusquam est, nulla esse potest effigies, vel similitudo, domos ostendimus nequidquam esse: quæ igitur esse potest earum forma? Astris dicit alius incumbere omne agendi munus, cæterum quia variè illa ex varijs cœli plagis nascentes afficiunt, hinc factum esse, vt domibus ipsis vires non exiguæ tribuæ fuerint, idque Physicis exemplis illustrabit plurimis. constat enim figuræ, magnitudini, relationi, situi nullum esse agendi principium, varios tamen causæ naturales edunt effectus



Atus, pro ut variè ab his affecta sunt. Cur calor cum siccitate ignem, cum humore præstat aerem nonne ex coniunctione cum alio, & alio principio? quæ copulatio nihil est aliud, quam relatio quædam. cur equus, cum equa equum, cum asina gignit mulum? si copulatio, & relatio nihil valet ad euariandam efficientiam agentis, quam ob rem calor, quo magis accedit, eo acrius vrit, nisi propter situm? Cæterum. Nondum promittitur exemplum, quod constet ea, quæ nusquam sunt, commutare agentium efficientiam, & ad effectus deducere, quos per se fundere non possunt; domos verò cœlestes, si ab aspectibus Planetarum, de quibus infra, si à signis, de quibus supra differuimus, abiungantur, nusquam esse probatum est. Præterea ea, in quibus nulla residet agendi potestas, non possunt causam efficientem ex vno in contrariū genus actionis deducere: sius figura magnitudo non faciunt, ut equus gignat mulū, quod facit Asina, quæ generandi prædita est facultate: domus cœlestes carere omni agendi potestate, iā est demonstratū. Denique nō est Astrologis facis Planetarū actio: contēdunt domos ipsas proprios edere effectus. Hinc Ptol. Cōuenit, inquit, ut ex luminaribus illud, quod loco maioris, & fortioris potestatis fuerit, sumamus, dispositore autē eligere semper luminaria nullatenus cōuenit, nisi cum loco maioris, & fortioris dignitatis fuerit, &c. Hinc mortis domus, hinc domus laboris, bonæ, malæque fortunæ, filiorum, diuitiarum, dignitatum, quæ à Poetis crediderim Genethlia eos mutatos, & ab inferis ad cœlum, à ludicris licenter transtulisse ad res serias. Hinc ille:

*Vestibulum ante ipsum, primisq; in faucibus Orci*

*Luctus, & ultrices posuere cubilia curæ,*


*Pallentesque habitant morbi, tristisque senectus,*

*Et morus, & malesuada fames, & turpis egestas.*

*Terribiles visus formæ, lethumq; laborque.*

In nunc, nega hanc disciplinam ex fabulis cœli. Etiam ab otiosis hominibus hæc in vulgus huiusmodi commentis agitari res,

mortalium; & ijs, quæ nusquam sunt, veram, physicamque efficientiam adscribere. Cum notionibus illis hæc pugnant, quas nostris mentibus non vsus, aut disciplina, sed natura ipsa consignauit. Vel abstergendæ ergo illæ sunt, vel nunquam Astrologi adducunt mortales, ut credant ea, quæ nusquam sunt, sed Astrologorum solum cogitatione coagmentantur, aliquid efficere, aut moliri posse. Facit ad declarandam earundem vanitatem domorum, quod Augures quoque malorum dæmoniorum interpretes simili cœli partitione vsi dicuntur ad fallendos mortales. Cœlum, inquit Tullius libro secundo de Diuinatione, in sexdecim partes diuiserunt Etrusci. Facile id quidem fuit, quatuor, quas nos habemus, duplicare: post idem iterum facere, ut ex eo dicerent, fulmen qua ex parte venisset. Primum id quid interest? deinde quid significat? &c. Nam qua vanitate Augures, dæmoniorum internuncij, super hac cœlisectione auguriorum vanissimam superstitionem collocarunt, eadem Astrologis licuit cœlo in duodecim domos diuiso, nugas vendere, & pro ære lupinos.



## CAPVT XXVIII.

### Planetarum Domicilia.



ACTENVS de æthereis domibus, nunc de Planetarum domicilijs differendum, de quibus Claud. Ptolemæus libro primo de Iudicijs, capit. 16. hæc scribit. Domus autem ratio naturalis, hæc est, quia ex duodecim Signis duo proxime accedunt ad verticalem nobis punctum, idēdo calores, & æstus generant. Ea sunt, Cancer, & Leo. Placuit attribueri illa duobus præcipuis, & maximis, hoc est, ipsis luminibus, Soli quidem Leonem, propterea quod masculinum est Signum; Lunæ verò Cancrum, quod

fœmini-



fecundum esset. Atque ita factum est, ut conuenienter dimidium orbis, à Leone vsque ad Capricornum, solare vocaretur; dimidiumque, ab Aquario vsque ad Cancrum, lunare, ut in utroque possent singula loca suis stellis assignari, quarum alia figura cum Sole, alia cum Luna describerent pro conuenientia orbis motus ipsorum, & naturæ proprietate. Nam Saturno, quod natura maximè frigidificus esset, quoddamque supremum à luminibus remotissimum haberet orbem, ob contrarietatem caloris opposita Signa tributa fuere. Cancro, & Leoni, Capricornus, & Aquarius, quæ Signa, & ipsa sunt frigida, & hyberna, & propter oppositionem malefica. At Ioui, qui esset temperatæ naturæ, & subiectus Saturni globo, data sunt proxima illi Signa spiritui, & fecunditate præstantia. Sagittarius, & Pisces, quæ cum luminum Signis triquetram figuram describunt, quæ conueniens est beneficentiæ. Post quem Marti desiccatori, & subdito sphaeræ Iouiali, similiter proxima his adscripta sunt, quæ & ipsa similem haberent naturam, Scorpio, & Aries quadrata dispositione, ut congruebat illius corruptrici, & noxiæ constitutioni. Veneri verò, quod natura esset temperata, & sub Marte, dederunt coniuncta his Signa, quod fecundissima esset, Libram & Taurum, in quibus, & ipsis suis constituitur sexangularis, neque ipsa hæc stella amplius duobus Signis vnquam nec antecit, neque subsequitur Solem. Mercurio, qui & vitimus, neque vnquam ultra vnum Signum abisset à Sole, omniumque aliarum stellarum infimo in loco data fuere proxima Signa luminum Signis Gemini, & Virgo, quibus & ipsis ambobus ferè in primis vicinus ferretur. Hæc Ptolemæus, quem in hac domorum diuisione, non experimenta, sed leuissimas coniecturas, & suspiciones sequutum videmus, ut vbique appareant Astrologorum pudenda mendacia, qui Astrologi omnia dogmata certis, exploratis, & minimè fallentibus experimentis collecta esse confirmant; sed & rem hanc totam memoriæ causa, his versibus Astrologi commendat:

Saturni domus est noctis Caper, verna diei,  
Huic dolor est Aries, gloria Libra seni.  
Iuppiter Arcitenentis habet cum Pisce Sagittam,  
Cui tamen in Cancro, sors bona, iniqua capro.  
Sed Martis domus est Aries, & Scorpio pugnam.  
Huicque Caper tollit, Cancer ad ima premit.  
Sol habet hospitium sibi solus in ade Leonis,  
Atque illi est Aries gloria, Libra dolor.  
Ac Venus in Tauro, Librisq; per atria versat,  
Piscibus exultat, Virgine pressa iacet.  
Mercuriusq; habitat Geminorum in sede, triumphat  
Virgine, & est maximus Pisce adextere caput.  
Luna domum Canceri tenet, illam Taurus honorat,  
At supra hæc versans Scorpio forte premit.  
Nobis, nè a proposito longius dilabamur, rem, Mathematicorum more, sequenti schemate oculis subijcere placuit.



Aded minutatim has coeli partes partiti sunt, ut singulis non solum domibus, sed etiam minutis Planetarum vires euariari dicant; quod supra cap. 25. & 26. vidimus. Singula Signa in tres partes diuiduntur, inquit Firmicus, libro secundo, cap. quarto. Singula autem partes singulos habent decanos, ut sint in singulis Signis terni decani, quorum singulis

ex tri-



ex triginta partibus denas possideant, & dominium suum, & potestatem in decem partes exerunt, sunt autem infinitæ potestatis, & licentiæ, & qui facta hominum potestatis suæ auctoritate designant, sed & ipsi decani singulis stellis deputantur; & cum in ipso decano stella fuerit, licet sit in alieno domicilio constituta, sic tamen est habenda, quasi in suo sit domicilio, &c. Quod verò Planetæ ex vno ad aliud Signum transientes contrarias fortiantur vires, declarat exemplum Iouis: is enim in quinquagesimonono gradu, & quinquagesimonono minuto, & quinquagesimonono secundo Geminorum, censetur natus atros calculos quinque in suo detrimeto, post minutum temporis, transi-  
tione facta in primum secundum gradum Cancri iam foelix, iam exaltatus, quatuor albis calculis gaudeat.

Non aliunde quam ex fabulis mutua-  
ti sunt, quæ de Solis domo scribunt.

*Regia Solis erat sublimibus alta columnis,  
Clara micante auro, flammæque imitan-  
te pyropo,*

*Cuius ebur nitidæ fastigia summa tegebat,  
Argentæ bifores radiabant lumine valus.*

His Magistris profecerunt Genethliaci, è quibus cum accepissent Astra quoque clarissimis habitare domicilijs non dubitarunt Poetarum fabulas in Genethliacum censum referre. Egregiam verò disciplinam fabulosis ortam natalibus, fabulis auctam, & fabulis nutritam. Iam verò, quæ de syderum folijs scribit Ptolemæus libro primo, capite vigesimoprimum, & vigesimosecundo, nonne ex iisdem Poetarum fontibus promanarunt.

*In folio ( inquit Ovidius eodem lib. 1.  
Metamorphoseon.)*

*Phæbus claris lucente smaragdis.*

*A dextra, leuæque dies, & mensis, & an-  
nus,*

*Seculæque, & postea spatijs aqualibus horæ;  
Verque nouum stabat cinctum flore co-  
rona;*

*Stabat nuda Aestas, & spicæ ferta ge-  
rebat:*

*Stabat & Autūnus calcatis sordibus vuis  
Et glacialis Hyems canos hirsuta capil-  
los.*

Quæ de carpentis, & curribus Astrorum, & Ptolemæus, & Firmicus scribunt, in iisdem fabularum campis orta sunt.

*Ergo quæ licuit genitor cunctatus ad altos  
Deducit iuuenem Vulcania munera, curvus  
Aureus axis erat, temo aureus, aurea  
summe*


*Curuatura rote, radiorum argenteus ordo  
Per iuga chrysoliti, posuisset ex ordine gema.*

Hæc de Planetarum ædibus. Nunc quo iure Planetis tributæ sint, audiamus ex Ptolemæo libro primo, de Iudicijs, capite decimo sexto, qui accuratissime omnium hæc de re scripsit. Capricornus inquit, & Aquarius hyemalia signa sunt, & frigida; Saturnus quoque natura frigidus est, iure itaque illi debebantur hæc signa. Ita ille: Sed cum consueuerint Astronomi Planetarum vires præsertim noxias contrarijs temperare; unde Saturnum frigidum diurnum, Martem calidum nocturnum faciunt; Cur Saturno signa calida non tribuerunt potius quam frigida? Deinde si congruas Planetis sedes tribuere voluerunt, cur Saturno siccum, Aquarii humidum domicilium dederunt? Adhæc Marti sicco, & calido, Aries tributus est humidus, & Veneri humidæ, & calidæ Libra, signum Autumnale, siccum videlicet, & frigidum. Præterea Iouis natura temperata, & benigna nullam habet communionem cum Sagittario, & Piscibus. Cancræ denique calor magnus, non congruit frigori Lunæ; & Leonis signum nobis calidissimum, qui sub alio polo degunt frigidum est, non minus quam nobis frigeat Capricornus. Vidit & Ptolemæus hanc rationem non posse per omnes Planetas deduci, idem alteram adiecit à Planetarum constitutione desumptam. Saturno, inquit, qui à nobis longissime distat, iure Capricornus ab orbe nostro longissime etiam distans. Lunæ terræ citimæ Cancræ, qui ad nos proximè accedit, consignatus fuit. Cæterum ratio hæc nihilo priori firmior sustinere onus non potuit: post Lunam enim non sequitur Sol, sed Mercurius. Cur ergo Leo, Cancro proximus, Soli potius quam Mercurio tributus fuit? A nobis non magis Gemini, quam



quàm Leo distat. Cur igitur Sol in Leone non in Geminis domicilium sibi constituit? Sit Capricornus à nobis maximè distans, sicut Saturnus, Aquarius, qui non adèd distat, cur Saturni domus dicitur? Ob hæc nondum munitas satis cælestes domos tertio fulcire Ptolemæus aggressus est. Constitutis siquidem Sole in Leone, Luna in Cancro; reliquis aut tributa esse domicilia pro benignitate, aut malignitate naturæ. Saturno Capricornus, & Aquarius obtigerunt, quia Leoni, & Cancro maximè opponuntur. Ioui verò Pisces, Sagittarius, qui triquetra Leoni, & Lunæ irradiatione, quæ salutaris est, respondent. Marti Scorpius, & Aries, qui ex quadrato Leonem, & Cancrum prospectant, Veneri Libram, & Taurus, quod secundissima sint signa, & in quibus situs constituitur sexangularis; Mercurio denique, qui est ultimus, data fuere proxima signa Solis, & Lunæ, Gemini, & Virgo, Hæc ille. Cæterum nondum malæ fundatæ domus perstant: domus enim illa Planetæ cõgruit, ut supra vidimus, quæ est illius naturæ maximè accommodata, & in qua ille vires melius exerceat suas: At Marti obest plurimum quadrata radiatio luminariû, nec Saturno nocet parum oppositio cû ijsdem. Neque igitur Saturnus in Capricorno, & Aquario, neque Mars in Arie, & Scorpione opportunum habet domicilium. Quod si addas, quod docet Ptolemæus foelices esse omnes Planetas, quando tanto intervallo à Sole seiunguntur, quanto eorum domus distat à domo Solis (quod Arabes amulgeum vocant) necessariò efficitur, Saturnum oppositum luminariû, Martem ex quadrato ijsdem respondentem fortunatos esse, contra omnium Astrologorum scitæ, quæ volunt infortunatos hos esse syderum concursus, & calamitatis plenissimos. Postremò, quando aiunt has, vel illas domus quadrangulas, vel triquetras esse domibus luminariû, vel aiunt utriusque, Leoni, & Cancro, quadratas esse, aut triquetras, vel alteri solùm, & ei quæ secundum ordinem sequuntur, ita ut à Leone ad Capricornum, ad Leonem à Cancro, ad Aqua-

rium à Cancro referantur: non primum, siquidem domus Veneris tam quadrangulæ, quàm triangulæ dici possunt, Libra enim est quadrata Cancro, Taurus Leoni, Libra triangula est Leoni, Taurus Cancro, Idem de cæteris dici potest: non secundum; quoniam neque Aquarius Cancro, neque Capricornus Leoni opponitur. Cum nullo igitur fulcimen- to sustineantur Planetarum, quas vocant domos bona cum Astrologorum venia, eas vespertilionibus, & muribus illocamus.



## CAPVT XXIX.

*Quid Astrorum congressus sit,  
quàm nouis Astris varius,  
& nouus.*

**P**LVIMA hætenus ex Astrologis audiuius de syderum congressibus, & concursu, expendere oportet quid tandem sit ista stellarum coniunctio. Docet enim ratio Mathematicorum, inquit Tullius libro secundo de Diuinatione, quàm Chaldæis notam esse oportebat, quanta humilitate Luna feratur, terram penè contingens, quantum absit à proxima Mercurij stella, multò autem longius à Veneris, deinde alio intervallo distet à Sole, cuius lumine illustrare putatur, reliqua verò tria intervalla infinita, & immensa à Sole ad Martis; Vnde ad Iouis ab eo ad Saturni stellam, inde ad cœlum ipsum, quod extremum, atque vltimum mundo est. Quis ergo est iste Astrorum congressus? quæ coniunctio? in tanto locorum intervallo, quanti m animo, & mente cogitare difficile fuerit, nisi oculorum fallacissimo sensui species quædam eminus obiecta coniunctionis, eorum, quæ infinitis interstitijs inuicem separantur? itane visu iudicamus



mus ea, quæ ratione, atque animo videre debemus?

Quid, quod neque stellas omnes perspectas habent Astrologi? Quare Cardanus ad librum primum Ptolemæi commentum. 3. aperte proficitur incertam hanc artem esse, & quod plura sint Astra, quàm Astrologi norint, & quod eorum, quæ norunt, natura perspecta non sit, & quod eorum, quorum natura perspecta sit, ignoretur modus agendi, per circulum ne positionis, an per locum, an per antisicia, an per declinationem.

Iam verò quod Phauorinus apud Gelium libro decimoquarto, capite primo suspicatus est, fieri posse, ut alij quidam Planetæ essent, quos cernere homines non possent propter exuperantiam altitudinis, factum iam vidit nostra ætas. Galilæus Mathematicus Florentinus theloscopio, quod nuperrimè hominum solertia excogitavit ad minima quæque in magna distantia videnda, quinque propter Iovem Planetas superioribus sæculis inuisos Conspectiendos dedit, & circa Solem maculas quasdam, vel stellas deprehendit errare, quarum nulla apud Veteres Astrologos mentio extat. Qui sit verisimile omnibus alijs Astris in hæc inferiora agentibus, hæc sola oriri prorsus, & nihil efficere, si hæc quoque agunt, quorum nulla hæcenus habita est ratio ab Astrologis, & quorum nullus congressus, aut digressus hæcenus observatus fuit. Planè sit, siue perspectos Genethliaci habeant Astrorum congressus, siue non, siue observent, eodem modo divina-re.

## CAPVT XXX.

*Pugnare ea, quæ Astrologi tradunt de obsessiōe, & aspectu Astrorum.*

**P**LANETARVM efficientiam tribus omnino modis euariari autumant Genethliaci, domibus, signis, aspectibus. nihil à signis, nihil à domibus accedere, aut decedere Planetis efficientiæ hæcenus docuimus; nunc de aspectibus suscipitur disputatio. Scribunt enim aliter Saturnum commouere sublunaria, quando duobus signis à Ioue distat, ac quando quatuor, aut tribus integris signis ab eodem seiungitur. Item alias idem Sydes exercere vires iunctum cum alio Sydere, alias cum diametro ei radiatione opponitur.

Etiā inprimis (ait Firmicus libro secundo, capite vigesimoquinto.) illud docere debemus quid sit triangulum, quid trigonum, quid quadratum, quid hexagonum, quid abiectum; quid sit etiam trigonum dextrum, quid sinistrum, quid hexagonum dextrum, quid sinistrum. Diametrum est Aries, & Libra, Tauri diametrum est Scorpio, & cætera signa simili modo, à signo ad signum septimum, quod fuerit, hoc est diametrum. Sed hæc semper maligna radiatio est, & minax. Trigonum est à signo, à quo incipimus signum quintum, quod hoc docetur exemplo, ab Ariete vsque ad Leonem Trigonum est, & similiter à Tauro vsque ad virginem, & sic per omnia signa quodcunque in signo quinto fuerit, hoc est trigonum. Scire etiam debemus, quid sit dextrum trigonum, quid sit sinistrum. Dextrum est, quod ab eo signo, à quo incipimus, retro est, sinistrum verò, quod ante; utputà Arietis, dextrum trigonum est Sagittarius, sinistrum verò Leo, & simili modo Leonis dextrum trigonum est Aries, sinistrum verò Sagittarius, Sagittarij verò Leo.



Leo dextrum trigonum est, Aries verò finitrum, sic & in cæteris omnibus trigona quæres. Et hæc est prospera, societateque radiatio.

Quadratum est ab eo signo, à quo inchoamus quod quartum fuerit signum, quod hoc docetur exemplo. Arietis quadratum est Cancer, & Cancrì libra, & Libræ Capricornus, Capricorni Aries; sed quod sit quadratum dextrum, quod finitrum, simili ratione, sicuti in trigonis diximus, inuenies: nam quodeunque retro fuerit, quadratum dextrum est, vt Arietis Capricornus, finitrum Cancer, sic & in cæteris omnibus quadratis, quod retrò fuerit dextrum, & quod ante finitrum, & hæc minax est radiatio, malitiosa potestate composita, ac inimicitia liuore plena.

Hexagona hoc idem sunt, quod trigona, sed minoris potestatis; hexagonum est ab eo signo, à quo initiamus tertium, vt Arietis sunt hexagoni Gemini, quod autem sit hexagonum dextrum, quod finitrum, sicut cætera inuenies. Hæc ille. Leges eadem apud Cardanum, libro de Iudicijs, capite septimo. Aspectus oppositus, inquit, fit ad oppositum signum sub eadem parte in longitudine, & in totidem partibus latitudinis in parte contraria, quod subiecta tabella subiiciet etiam oculus.



Quadratus aspectus est per nonaginta partes eclipticæ ante, & retrò, & ipsæ aspecta absque latitudine.

Trinus autem est, addendo partes centum viginti, exceptis quibusdam minutis, quas describemus in tabula sequenti, & est dexter anterior, & sinistè, secundum signorum successionem.

Per has tabulas, & sequentes absque computo colliges similem partem in suo signo respiciente, diminuendo pro trino secundum latitudinem Planetæ; minuta in tabula vltima, & ponendo in opposito aspectu, vt dictum est totidem partes latitudinis in parte opposita, & pro quadrato sine latitudine, & pro trino dimidium latitudinis in parte opposita, prout dictum est, sed pro sextili accipies consimilem partem in signo sextili, finitro quidem secundum successionem signorum, aut dextero in parte anteriori, addendo minuta contenta in tabula præcedente pro parte latitudinis, &c.

Et infra. Scias quòd vires aspectuum sunt, velut laboris & tend. balistam; nam coniunctio, vel aspectus ex duabus partibus est decuplus illi, qui fit cum distantia decem partium, & qui ex eadem parte decuplus, ei qui fit cum distantia duarum partium, & qui per sex minuta decuplus, ei qui fit per distantiam ferme vnus partis, vnde maximi euentus, &c.

Eadem habet Ptolemæus lib. 1. de Iudicijs, cap. 12. 13. 14. quibus addit cap. 15. hos solum quatuor esse stellarum aspectus, quibus se mutuo, aut iuuant, aut impediunt; in reliquis signis Altra, nec videre se, nec audire, idèdque ea signa vocari inconiuncta. Ea verò, inquit, quæ nullam habent numeratarum societatum rationem, loca inconiuncta, & aliena nominamus, quæ nec imperant, neque obediunt, neque se intuentur, neque idem possunt. Atque insuper nullam quatuor illarum figurarum describunt, quas diximus esse dimetientis, triquarram, quadratam, sexangulam, sed vel secunda, vel sexta numerantur, nam illa si à se mutuo detorqueantur, & cum bina sint singulos angulos complectuntur; illa vero, quæ sexta numerantur, totum orbem in partes inæquales secant, cum aliæ figuræ in omnes partes & quales illum diuidant.

Nec



Nec passi sunt desiderari rationes, cur hi cōgressus aliqua sint radiationis societate coniuncti, reliqui abiuncti, & nullo necessitudinis vinculo deuincti. Ptolemæus libro primo, cap. decimoquinto, & Firmicus libro secundo, capite vigesimo confutatas fuisse testatur Ioan. Keplerus lib. de Trigono igneo, cap. 9. vbi eorum vanitatem proficitur, quia alios faustos, alios infastos aiunt esse aspectus, multaue alia superstitiosa, & aperte mentientia non sine laude tollit.

Nos porrò corrupta, vbique Astrologorum iudicia satis demirari non possumus. Et primum Astra, quæ infinita propemodum locorum interualla diuidunt per summam insaniam ex eodem se circulo spectare, & vno eodem orbe aspectus constituere putatur. Ergo qui à signifero longissimè distant Planetæ in signifero hexagonos, tetragonosque reddunt potius quàm in nullo aliorum orbium? ergo Luna, quæ citima est terris, Saturnusque, qui longissimè à nobis oberat, & Sol, qui medius inter errantia sydera fertur, ex æquo conueniunt ad constituendos quadratos, & hexagonos? Nonne Planetarum magnitudo incredibilis debuit ab hac insania Astrologos reuocare. Saturno enim qui nonagies maior est orbe terrarum, Ioui, qui quinques, & nonagies continet terræ molem: Soli, qui centies sexagies, & sexies eiusdem magnitudinem habet, nemo sanæ mentis, puncti vices tribuet indiuiduas, cuius proprium est quadrati, trianguliue latera copulare, quis enim in tanta Astri amplitudine cogitari, potest angulus, aut laterum coitio? Solis quidem radios vbi in puncto aliquo conuenerunt, colligere vires suas, acriusque vrgere actionem, non est admodum difficile cogitare; ac in tanta laxitate, quæ centies, & eo ampliùs superat terræ amplitudinem, quæ aut laterum coitio, aut virium congressus intelligi, cogitariue potest?

Sed faciamus syderales angulos tales esse, quales Mathematica præscribit. Sunt ne aspectus, quos vocant momentanei; an certo aliquo tempore perdurant? si

puncto temporis euanescent, nihil efficere possunt eorum, quæ aliquo temporis spatio sunt, cuiusmodi sunt omnes mortalium actiones, de quibus Planetari diuinant, omniaque sublunaria, quorū & si aliqua momentanea dicantur, & sint, nulla tamen reperies, quæ vel ratione sui, vel ratione præuix dispositionis non exigant moram aliquam, vt fiant. Si temporales, & vt ita dicam morales egrè congruere possunt cum eorum mora, quæ hic sunt. Dicatur exempli gratia, Ioannes Austriacus Philippi Secundi Hispaniarum Régis frater, anno 1571. feliciter in mari Egeio dimicasse contra Turcas ex directione medij coeli, vel Lunæ ad Trigonum sinistrum Iouis, si hæc constitutio minus persistit quàm sex, aut octo horas magna pars belli sine Trigoni ope peracta est: si persistit diutius, frustra fuit, & sine effectu vis tota, quæ parta victoria bellum, adhuc poscebat: Nè inferiorum, superiorumque æqua semper mora sit, effici quod illa eundem semper seruant tenorem, eandemque constantiam, hæc varia sunt, & inconstantia. Actiones præterea, quæ his aspectibus adscribuntur, difficillimos habent explicatus. Anno 1519. 28. Iunij Carolus Quintus, dum in Hispania ageret in Germania à Septemviris dictus fuit Imperator, vt Genethliaci scribunt ex directione Medij coeli à Ioue feliciter illa strati ad Trigonum Veneris. Quid hæc syderum compositio Carolo præstitit, quod ad Imperium adipiscendum faceret? aut quo actionis genere Trigonum Veneris Carolus ad tantam dignitatem euexit? Dum in Germania inter septem viros de constituendo Imperatore ageretur, Quid in Hispania molita est Venus, quod Caroli electionem in Germania perageret? Audio Ioannem Keplerm, dicentem in facultate altrice, sensitiua animali esse natalitij thematis quasi cœlestem characterem, qui vbi natalitia Astra ad ea loca, in quibus natali hora fuerunt, vel ad loca, quæ cum his coniunctum quid habent, peruenerunt, excitet hominis naturam, vt sedulo in ea omnia opera incumbat, quæ sub manibus sunt

Sed



Sed a thuc non video qua facultate, sensitiuane, an altrice, an animali Carolus vehatur ad Imperium. Virgeat Venus trigona ad medium coeli die 28. Iunij anni 1519. Carolum, ut sedulo in id omne incumbat, quod agit, quid ad electionem, quæ eodem die fit in Germania, id pertinet? Et ne difficultas omnis spectet ad locorum interuallum, non apparet, cur huiusmodi character, qui semper in facultate hæret nunc eam excutiat, & commoueat, nunc oriatur plane, nihilque efficiat; non constat ratio; quæ moueat facultates ad rite operandum, munusque suum obeundum: multo operosius est explicare quomodo alios moueat ad electionem, ad amorem, ad instituendum heredem, & huiusmodi.

Atque hæc de Astrorum aspectu. Quid de obsessione tradunt Genethliaci? Pugnantia planè, & quæ maligna irradiatione configurationes intuentur. Aiunt enim Planetam obsideri, quoties illum vtrunque ex proximis signis maligna duo sydera circumstant; Exempli gratia, Iouem obsessum aiunt à Marte, & Saturno, quando ille est in Libra, Mars verò in Virgine, Saturnus in Scorpione, quæ vocantur loca inconiuncta. Non dico quàm absurdè proxima signa dicantur inconiuncta; nullum sit incommodum, quod reclamante natura coniunctorum, quæ maximè distant coniuncta, proxima, quæ sunt, vocantur inconiuncta. Illud tantum quæro; si Mars ex Virgine non aspicit Iouem in Libra existentem, quomodo illum obsideat? vel quando duo Planetæ sunt in duobus proximis signis, aliqua actione copulantur, & perit ratio aspectuum explicata, aut nulla inter eos intercedit vis, & evertitur tota ratio obsessionis. Constantiam hic requiro, & coherentem disciplinam. An nihil censes Martem ex Virgine agere aduersus Iouem in Libra commorantem, ideoque loca esse inconiuncta: quando verò ex altera parte in Scorpione correspondet Saturnus, tunc vtrunque obsideri Iouem, & constare obsessionem? Oportebit tunc docere, cum Ioui nihil impedimenti proveniret à Marte in Virgine existenti Saturno ingrediente Scorpionem, & nihil

in Iouem moliente, quid Marti accedat, ratione cuius incipiat Iouem, cui nequidquam prius officiebat, obsidere.


Agedum putantne Planetam in Planetam fundere vim ullam, aut vtrum ab alio Planeta maligna irradiatione affici? sibi loquuntur à scholis Philosophorum; qui enim sit, ut quando eodem, vel proximis signis continentur, nihil inuicem agant, aut patiantur; quando vnus ab altero longius recessit, tunc demum mutua se actione petant? Sol Astrorum decus proximus calefacit nos magis, quàm ubi abiit longius; quod si aliquid adhuc interuallum requirunt inter Astra, ut mutuo agere, patique possint, meminerint quantis inter se Planetæ distincti sint interuallis, intelligent multò magis quando in proximis signis sunt, infestare se mutuo debere, quàm longè distantes.

Si natura syderum talis est, qualem Peripatetici tradunt, qualem docent Theologi, qualem agnoscunt sapientes, qualem probat experimentum, ab omni vi contraria libera, & quæ à nullo violari possit, doceant, rationem, quæ Astra ab alijs Astris obsideri, vel malignari radiatione affici dicantur; Nam sempiterna illa, & immortalis natura, quæ à nullo labefactari potest, non videtur maligna radiatione affici comburitur, vel aliarum stellarum aspectu debilitari posse. Respondebis, opinor, nil Astra ipsa inter se agere, aut pati: Cæterum actiones, quæ in mundum hunc inferiore effundere solent, mutuo se præpedire. Commodè id quidem dicitur, verum efficientiam, quæ à Ioue defluit, dum in Libra moratur, multo magis impediri oporteret ab influentia Saturni, dum est in Scorpione, quàm postquam inde longius recessit; Nam physicis rationibus, & certissimis experimentis compertum est, causam, quæ alteram prohibere potest, & solet, ne aliquid efficiat, eo plus exhibere expeditum, quo propius accesserit. Noxijs humores, qui actiones vitales præpedire solent, tantò eas inturbant magis, quantò propiores fuerint cordi, quod est fons vitæ, & origo; nec Remora retardat magis nauis cursum è longinquo, quàm è propinquo.

Et igitur



Et ignis propius admotus melius prohibet hyemalis frigoris actionē. Solane sydera naturali agentū lege eximes, & in proximis signis dices esse incōiuncta, nec iuuare se, nec impedire, vbi longius discefferint, præstare vtrunque? Accedit eodem, quod ex quacunque cœli plaga, cum vim aliquam semper Planetæ fundant, etiam ex proximis signis effundere oportet, Sit verbi gratia Iupiter in Libra, Saturnus in Virgine, Mars in Capricorno, Iupiter ex quadrato respicit Martem, Saturnus quoque in Virgine ex trino respicit alium Planetam in Cancro existentem, vterque igitur agit, & Iupiter, & Saturnus, viresque suas fundunt per medium, aut itaque huiusmodi vires similes sunt, & coniunctæ, & se mutuo iuuabunt, aut contrariæ, & pugnautes, & se necessariò impediunt, & retardabunt; cur ergo proxima signa, cuiusmodi sunt Libra, & Virgo, vocantur inconiuncta? Verisimilem aliquam rationem, & philosophiæ principijs coherentem expectamus. Anilium nugarum iam nimium habuimus. Sed nimirum in delirantiū ludibrijs rōnem exquirere insanire est. Pergamus ad reliqua.



## CAPVT XXXI.

*Vrbium ridiculas esse genituras.*

**E**O mentiendi progressi sunt, plerique eorum, qui Genealogiacas rationes sectantur, vt non solū hominum, sed etiam vrbium ortus, & interitus, omnemque fortunā ad Astrorum cōgressus retulerint. Quare Cardanus libro centum geniturarum, non dubitauit Venetiarum ædificationem, Bononiæ, Mediolani, Florentiæ instaurationem inter genituras numerare. Et Mediolano quidem hæc denunciat. Mars, inquit, in Iouis Trigono non conueniens, & Luna in opposito Veneris, in Scorpione multa detrimenta, bellorum causa ostendit,


atque in his aliquando infœlices, & multam sobolem; mulieribusque deditos nimis, atque ea causa infortunatos. Porro Mercurius in domo propria, in Saturni Trigono, ipso in Aquario existente, diuina prorsus ingenia, tum etiam ad artes præstantissima. In cæteris valde disrita est hæc cœli constitutio, quam vix verisimilem esse crediderim. Homines misericordes, laboriosi, ingenio magno præditi, minimè concordēs, publicæque vtilitatis custodes. Populus simplex, ac leuis, benefici tamen, ac ciuiles. Vrbs ipsa talis est, quæ si optimè regatur nulli alteri veniet postponenda, nec vlla alia eruditiorum maiorem copiam virorum, nec insigniorum edidit, vel fortiorum. Iacet tamen suo olim intestino iactata malo, quo & Roma iam gentium domina, & ipsa exteris seruire cogitur. Eudæmonis locus vnus Saturni, alter Mercurij, tertius Iouis. Cacodæmon octaua Leonis pars, alter Scorpij pars vigesima prima. Quadratum Solis, ac Iouis, non ex conuenientibus signis seruire alienis cogit. De Florentia hæc addit. Ciuitas hæc Martem habet cadentem, vnde non multum bello proficere potest. Ofsensum est autem, Mercurium in Piscibus damnari, vnde ad literas non adeo, vt Mediolanenses apti. Diū libertatem retinuit, nuper amisit: causam in libro de arcanis æternitatis aperuimus. Luna etiam à Saturno, & Sole infortunata. Saturnus in cœli medietullo, & domo propria, & mobili signo mutationes multas à seipsis ostendit, seditionesque. Cum igitur Saturnus, & cœli medium perueniunt ad Iouis quadratum, hostilem in vltima parte Capricorni amisit Vrbs libertatem, in 26. anno Saturni, nec recuperabit, donec vterque manserit sub radijs Iouis, idest, per annos 24. Saturni, & sic de alijs, &c.

Nec Romæ Principis vrbium genituram veteres desiderarunt. Lucius quidem Tarutius Firmanus, inquit Tullius 2. de Diuinatione, familiaris noster in primis Chaldaicis rationibus eruditus, vrbis etiam nostræ natalem diem repetebat ab ijs Parilibus; quibus eam à Romulo coaditam accepimus, Romanque cum



cum esset in iugo Luna, natam esse dicebat, nec eius fata canere dubitabat. O vim maximam erroris? etiamne vrbis natalis dies ad vim stellarum, & Lunæ pertinebat? fac in puero referre, ex qua affectione cœli primum spiritum duxerit; num hoc in latere, aut in cœmento, ex quibus vrbis effecta est, potuit valere? &c.

Et quando vultis urbem ædificari? quando effoditur terra? vno die, an vna hora id peragitur? an quando iaciuntur fundamenta? quæ fundamenta vnius, aut alterius domus? quotidie cum fundentur noua ædificia, novos horoscopus querere vos oportet singulis diebus: ciuitas tota non construitur vnica ædificatione, & vetera ædificia vetustate confecta, quoniam corrunt, nouaque eriguntur, nulla est vrbis hodie eadem, quæ condita fuit à suo fundatore; vbi ergo resident Astorum Apotelesmata.



## CAPVT XXXII.

*Cur Astrologi nihil de animantibus, aut Stirpibus, sed de hominibus solum, præsertim opulentis, pronunciant è stellis.*

**N** A s o adhuc fraudum Astrologorum non leue argumentum; nam fortuitos, repentinisq; euentus, abdita, & arcana consilia, voluntatis arbitria, & appetitiones, quibus nihil dici, aut cogitari potest magis incertum, & ab agente corporato magis liberum, moueri, agitariq; desuper à cœlo contendunt: Stirpium, & animantium fortunam, ortum, casus, & euenta Astrologicis rationibus non persequuntur: qui tanto studio Astorum ducatus, & dominia,

pigra, deiecta que loca, obseruant. Cur animantium, quæ magis cœlo subiecta sunt, quàm humanae mentes, ortus, & euentus, vitam, & mortem ex syderum congressu non prædicunt? cur non denunciant quis equus senio, quis morbo, quis bello interiturus sit? quos editurus foetus? quod munus obiturus? ex ipsè futurus sit, quos describit Vates?

*Stabant sercentum niri in præsepibus albis,*

*Aurea pectoribus demissa monilia pendent,  
Tecti auro fuluum mandant sub densibus aurum.*


An ex ijs,

*Quos legere duces, & pecori duxere maiores.*


Si vitæ, inquit Phauorinus apud Gellium libro decimoquarto, cap. primo, mortisque hominum, rerumque humanarum omnium, tempus, & ratio, & causa in cœlo, & apud stellas foret, quid de muscis, aut vermiculis, aut echinris, multisque alijs vermiculis terra, marique animantibus dicerent? An ista quæque ipsdem quibus homines legibus nascerentur, ipsdemque itidem extinguerentur: vt aut ranunculis, & culicibus nascendi fata sint de cœlestium syderum motibus attributa: aut si id non putarent, nulla ratio videtur, cur ea syderum vis in hominibus valeret, deficeret in cæteris.

Vrbium nimirum, & diuitum viro- rum, à quibus certum sibi lucrum pollicentur, natalitia Astra, Genethliaci diligenter obseruant; cæterorum, quibus nihil est causæ, cur mentiantur, negligunt horoscopus, & genituras; vt vel ex hoc solum constare possit prudenti viro, huic arti fallacijs inuētæ, nihil aliud propositum esse, nisi lucrum, nihil aliud Genethliacos spectare, nisi quantum, quibus Ennii vetustissimi Poetæ carmen aptissimè congruit.

*Sui questus causa fidas suscitant sententias.*







## CAPVT XXXIII.

*Geminorum dissimiles exitus.*

**V**LGARE illud argumentum, & omnium sermone contritum aggredimur, quod quotidie magis vrit Genethliacos; Cur Gemini, qui eadem sortiti sunt Astra genitalia, paremque ortum, disparem sæpè nanciscantur fortunam, sexum, corporis temperiem, formam, & mores? si enim perinde, utcunque temperatum cælum fuerit, ita pueri orientes animantur, atque formantur, & ex eo ingenia, mores, animus, corpus, vitæ ratio, casus cuiusque, euentusque finguntur; vnde quæso est, eorum, qui simul nascuntur, sexus disparitas, formæ dissimilitudo, morum diuersitas, contraria corporum constitutio, vitæ, mortisque genus diuersum? Vno, eodemque temporis puncto nati, inquit Tullius lib. 2. de diuinat. dissimiles & naturas, & vitas, & casus habet. Proclus, & Eurysthenes Lacedæmoniorum Reges gemini fratres fuerunt: At hi nec totidem annos vixerunt, anno enim Procli vita breuior fuit, multumque is fratri rerum gestarum gloria præstitit. Nouimus Geminos, inquit S. Augustinus libro quinto de Ciuitate Dei, capite sexto, diuersi sexus, ambo adhuc viuunt, ambo ætate vigent adhuc, quorum cum sint inter se similes corporum species, quantum in diuerso sexu potest; instituto tamen, & proposito vitæ, ita sunt dispares, ut præter actus, quos necesse est à virilibus distare foemineos, ille in officio comitis militat, & à sua domo penè semper peregrinatur; illa de solo patrio, & de rure proprio non recedit. Insuper (quod est incredibilius, si Astra fata credantur; non autem mirum, si voluntates hominum, & Dei munera cogitentur) ille coniugatus, illa Virgo sacra est; ille nume-

rosam prolem genuit, illa nec nupsit, &c. Vrget eundem locum Plinius libro septimo naturalis historię, cap. quadragésimonono, qui postquam multa falsè in Astrologos fudit, ad extremum, Homerus, inquit, eadem nocte natos Hectorem, & Palydamanta tradit; tam diuersæ sortis viros. C. Mario, & Cn. Carbone Conss. ad Quintum Kalendas Iunias Marcus Cæcilius Rufus, & Cn. Licinius Caluus eodem die geniti sunt, oratores quidem ambo, sed tã dispari euentu. Hoc etiam iisdem horis nascentibus in toto mundo quotidie euenit, pariterque domini, ac serui gignuntur, Reges, & inopes. Quin & Poetæ quoque hoc loco insultant petulantius; & Genethliacos omni præsidio destitutos exagitant insolenter.

*Vna eademque dies (inquit non aliquis)*

*eadem quoque protinus hora,*

*Atque idem minimi temporis articulus,*

*Humana, in lucē, duo corpora protulit almā*

*Patriā sic natis vna duobus erat:*

*Fulserunt eadem nascentibus Astra ductus,*

*Atque vno radios conseruere modo;*

*Idem syderibus positus, respectus, & idem,*

*Diuersum mundi nil habuere plaga,*

*Iam quæ natalis pars sit violentior hora,*

*Quo cælumvè illis ordine fata dicent?*

*Desine scrutari numeris Babylone petitis,*

*Atque polos bis sex stringere cardinibus,*

*Alter ad eximios maturè enectus honores*

*Firminus fati munere magnus erit.*

*Nobilitate, opibusq; potens augebit heriles,*

*Alter in attrito tegmine verna latet.*

*Atqui non alius respexit Iuppiter illum:*

*Non alia effluxit Luna, Venusq; domo.*

*Non alios cælo satus, aut Cyllenius ignes*

*Extulit, aut aliam Martia stella facem.*

*Excepit radijs Titonia lampas iisdem*

*Impositum gremio matris verumque sua.*

*Non alius vita ordo, non porta planetas*

*Insera non densa ianua noctis habet:*

*Non media cuspis lucis, non templa potentis*

*Fortune: genij siue dicata loca:*

*Nil non ambobus commune volubilis æther,*

*Affectq; Astris continuere domus.*

*Quod si fata hominum facie natalis Olympi*

*Monstrantur, nulla vana futura die.*

*Cur in Firminum cælum nil iuris habebit,*

*Servitio collum qui premit alterius?*

*Cur*



Cur miser obnoxat tolerabit verna labores,  
 Firminum fatis res cumulante bonis?  
 Cur simile est illis, adem quos Astra teneant  
 Totius vira conditione nihil?  
 Scilicet aeterni, quae sine decreta parentis,  
 Arbitrio ostendit linea ducta tuo?  
 O vana iudiciorum, o se se fallere iurea,  
 Poëtera, & infami decipere arte modi?  
 Quid dudum a soli templa, Astorumq; meatus  
 Et fortidantes quid fatui radices  
 Cogitis in numeris, & mortuibus ardua fata  
 Ambiguunt trepidi queritis in tabulis?  
 Gratia fama, valetudo, genus, et pudor, & res,  
 Et status, & vira conditio, soboles,  
 Et quicunque homini contingunt aspera, siue  
 Prospera, mortali dum pede caueat humi,  
 Sola nota Deo sunt, quoniam peres omnia solum  
 Nutibus hic fatum temperat omne fatis.  
 Non illos stella, aut genitialis unguis horat,  
 Aut postea variant Astra notata suo.  
 In corpus, mentemq; tuam, quod huius, & horres,  
 Nullum is corporibus ius dedit aetheris.  
 His qui derulerit liquet, ipsaq; nomina rerum  
 Prius reliquias impietatis habent:  
 Auspexis documenta, suiq; amplissima praebet  
 Vnum quae putat non tolerare Deum.  
 Ita Poeta rudis satis, non poetice, nec  
 felicitati ingenij, sed rei euidentia fiden-  
 dens Astrologis insultat, adeo non sa-  
 pientibus modo, verum etiam vulgari-  
 bus hominibus Genethliaca ludibrio,  
 habetur, hoc Geminorum argumento.  
 Quare plerique Astrologi, ut fugientem  
 artis suae dignitatem, ut cunctum retineret,  
 negare aggressi sunt Geminos sub eo-  
 dem coeli posito oriri: Inter Geminor-  
 um enim ortus, cum aliquid semper  
 temporis intercedere oporteat, quo-  
 us autem, vel breuissimo temporis mo-  
 mento rapidissima coeli conuersio infi-  
 gnem faciat Astorum variationem:  
 Ex ea aiunt oriri dissimiles Geminorum  
 mores, dispares casus, vitam, mortem  
 diuersam. Refert enim Petrus Aponen-  
 sis Arabi cuiusdam sententiam, coelum  
 qualibet hora ascendere viginti quatuor  
 millia Robur, hoc est, 10000. sta-  
 diorum, stadium quodlibet contine-  
 re decem millia momenta, & momen-  
 ta singula propriam habere vim, & po-  
 testatem. Itaque negant in tam praeci-  
 piti coeli vertigine, Geminos sub eo-

dem Astorum ducatu nasci. Id, quod  
 P. Nigidius, de quo Lucanus libro  
 primo canit:

At figulus, cui cura Deos secretaque  
 mundi

Nosse fuit, quem non stellarum Aegyptia  
 Memphis

Aequaret visu, numerisq; motibus astra.

Is, qui Augusto nato orbis terrarum  
 imperium praedixit, declarauit exem-  
 plo rotae à figulo, quam citissime con-  
 tortae, quam currentem cum bis, quan-  
 ta maxima potuit celeritate atramento  
 signasset, reperissetque desciscen-  
 te motu, magno quodam intervallo duo  
 illa signa distare. Sic, inquit, minima  
 etiam momenta ingentes coelo faciunt  
 mutationes, nec si alter post alterum  
 tanta celeritate nascatur, quanta rota  
 bis percussa fuit, propterea Geminis ea-  
 dem coeli, aut stellarum constitutione  
 nascuntur. Hæc ille. Sed quid agit  
 hic rota figuli? Figmentorum habemus  
 satis ab Astrologis, non egemus figu-  
 lorum opera. Coelestium conuersionum  
 celeritatem maiorem esse intelligimus,  
 quam ut quisquam consequi possit cogi-  
 tando. Variari per singula momenta  
 Astorum licet fatemur libenter, sed si  
 transuolantis temporis leuissimum mo-  
 mentum, tantas coelo facit mutationes,  
 cur Astrologiae Magistri in genituris præ-  
 termisissis momentis dierum solum, &  
 horarum rationem habent? Legantur  
 centum geniturae Cardani, vidoantur,  
 quæ vulgo circumferuntur natalitia,  
 schemata, mentior, si pleraque eorum,  
 quæ diuinant, notata solum die, & ho-  
 ra ortus, non diuinant. Quid! si tantas  
 vtriusque fortunæ commutationes faciunt,  
 vel leuissima temporis momenta, nemo  
 autem notare potest transuolantis tem-  
 poris citatissima momenta, nonne consequens  
 est, Genethliacos non posse obseruare  
 cuiusquam natalitia Astra. Quid quod  
 Hippocrates, Medicorum parens, scri-  
 ptum reliquit, inter geminos quosdam  
 fratres, tantam corporis, animique  
 consensionem intercessisse, ut altero agro-  
 tante, alterum morbus idem continuo  
 corripere, altero grauato grauari & al-  
 terum, conualecente altero, alterum quoque

P 3 leuari?



leuari? nonne Possidonius, cæterique Astronomi in Astra retulerunt? eodem momento, an diuerso, hos mater fuderat in lucē? si diuersis orti sunt Astris, vnde tanta naturæ cognatio? si eodem dicas ortos momento, mulierum conui- tijs obrueris.

Præterea cum generatim eam simili- tudinem, quæ inter Geminos interdum maxima intercedit, natalitijs Astris tri- buant huius disciplinæ Magistri, & rur- sus quando moribus, sexu, forma, dis- similes prodeunt gemelli, negent iisdem eos ortos stellis, & nunc negent magni esse momenti breue temporis interuallū, nunc maximam contendunt vim esse, vel leuissimi momenti, quod inter Ge- minorum ortus intercipitur, nonne apertè nugæ agunt? Confugient fortas- se ad varias graduum, minutorum, par- ticularum proprietates, de quibus cap. 22. 23. sed frustra: nam cum non possint Astrologi syderum congressus, ita certò prædicere, quin vna, aut altera hora, aberrant, quod declarant eclipses, quæ nunquam tabulis perfectè respondent, quod ostendunt dissentientes Astrologo- rum tabulæ, Alphonsi Copernici, Ty- chonis, & aliorum, quod omniū Astro- logorum confessione constare ostendi- mus supra cap. 22. Si ergo tantum est mo- menti in quacunque, vel minima tempo- ris varietate, consequens est non posse Genethliacos obseruare Astrorum con- gressus, quibus infantes prodeunt in- lucem.

Denique quando supra docebamur nō potuisse Genethliacos syderum vim ex- periendo obseruare; propterea quòd experimentum nascitur ex eiusdem rei sæpius iterata actione, Genethliaci au- tem non potuerunt notare minutissima temporis momenta, per quæ variantur Astrorum congressus, & constitutiones, atque adeò non potuisse sæpius experiri quid singuli Astrorū congressus valeant, nonne responderunt nihil ad rem facere temporis momenta? oportebat menda- ces esse memores.

Id velim, inquit Phauorinus apud Gel- lium lib. 4. cap. 1. respondeant, si tam- parum, atque rapidum est momentum

temporis, in quo homo nascens fatum accipit, vt in eodem illo puncto, sub eodem circulo cœli, plures simul ad eā- dem competentiam nasci non queant: & si idcirco Gemini quoque non eadem vitæ sorte sunt, quoniam non eodem tem- poris puncto editi sunt; peto respon- deant cursum illum temporis transuolā- tis, qui vix cogitatione animi compre- hendi potest, quoniam pacto, aut asse- qui queant, aut ipsi perspicere, & de- prehendere; cum in tam præcipiti die- rum, noctiumque vertigine minima mo- menta ingentes dicant facere mutatio- nes? Hæc expediant, si possunt, si ne- queunt, desinant hominum fata decan- tare, quæ eorum sententia ex minutis- simis momentis, ab humana mentis incomprehenfis dependent.



#### CAPVT XXXIV.

*Qui dissimilem sortiti sunt or-  
tum, similem sæpè sortium.  
tur interitum.*



IRVM est, quàm multis argu- mentis patefiant Astrologo- rum, & Astrologiæ fallaciæ. Vidimus superiori capite, quàm perspicuè Astrologiæ rationes aberrant in ijs, qui eodem editi sunt par- tu, nec eundem tenere vitæ cursum, nec idem obiere mortis genus.

Ecce tibi ex aduerso multi dissimilli- mis orti natalibus, qui idem sectantur vitæ institutum, eandem proficuntur re- ligionem, idem suscipiunt iter, eadem seruntur naui, eandem sequuntur mili- tiam, eodem occumbunt mortis genere. Nauigent ergo in aperto, & procelloso mari, vnde facultas enauigandi nulla sit quingenti diuersis regionibus orti, Ger- mani, Galli, Græci, Arabes, Aegyptij, Angli, Itali, inter quos duo, tresve sint, quibus ex Astris tunc sit fatale nautica- gium.



gium, ceteris scilicet Astra spondeant nauigationem, mergeturque naus? quadraginta, & amplius horoscopi fallaces erunt, enauigabit incolumis? mentiētur aliorum Astra. Dices, opinor, emersurā nauem, si plurium horoscopi sospitatem polliceantur; interitum, si plures ij sint, qui malignis Astris vrgentur; nec mirum si duo, tresve horoscopi vincantur felicitate, vel malignitate multorum. Sed temerē id dices; Nā quis nisi insanus iurauerit quoties merguntur naues in alto mari, vectores, & nautas omnes, vel maiorem eorum partem agente Genethliaco reos esse naufragij? sed esto, vincant plures; si paucis, quos Astra damnauerāt naufragio, aliove periculo multorum liberant facta, nihil Astrologi ex singularibus genituris diuinare possunt de vita, & morte, de itineribus, & exercitatione nati: omnium enim qui sunt in mari, vel naui, diuersis cum sint nati regionibus, genituras perspectas habere non possunt Planetarij, naufragium, vel incolumitas naus dependet à plurium horoscopo, à naufragio, & incolumitate naus vniuscuiusque vita, & mors, à vita, & morte reliqua oīa. Ignorato itaque vel vnius horoscopo, nihil Astrologus de vllius vita, aut interitu, de cōpendio, aut dispendio, de liberis, aut vxoribus prædicere potest. Quod de naufragio diximus, de cōmunibus alijs calamitatibus dictū volo, quos necessariō plures subire oportet. Cogitent igitur Genethliaci, quid responsum velint M. Tullio lib. 2. de Diuinatione interroganti, Omnesne, qui Cannesi pugna ceciderunt, sub eodē Astro orti fuerint? quid Phaurino obijciāt apud Gelliū requirenti, cur homines vtriusque sexus, omnium statū, diuersis stellarum moribus in vitam editi, regionibus geniti longē distantibus, aut hiantibus terris, aut labentibus tectis, aut oppidorū opugnationibus, aut tempestate, aut fulmine, eodem genere mortis, eodemque ictu temporis intereant? quod, inquit nunquam eueniret, si momenta nascendi singula attribura, suas vnumquodque leges haberet? Quod quædam, inquit, in hominum morte. atque vita etiam diuersis temporibus editorum per stellarū

pares quosdam postea conuentus, paria nonnulla, & consimilia posse dicuntur obtingere, cur non aliquando possent omnia quoque paria vsu venire, vt existant per huiusmodi stellarum conuersiones, & similitudines, Socrates simul, & Antisthenes, & Platones multi genere, forma, ingenio, moribus, vita omni, & morte pari? quod nequaquam prorsus fieri potest. Non igitur hac causa probē vt queunt aduersum hominum impares ortus, interitus pares, &c.

Vidit huius rei difficiles explicatus Hieronymus Cardanus, timuitque Astrologiæ extremam eersionem, idcirco annorum, mensium, dierum reuolutiones instituit, quibus generales quosdā euentus, & pluribus communes expediret. Longa, inquit lib. de reuolutionibus, capit. 1. satis serie à nobis pertractatum est de futurorum generibus, & qualitatibus, sed cū distinctio temporum rei veritatem indicet (nam cunctis cuncta conueniunt, aut non) fit, vt solum in genere æstimatio collocetur Astrologia; si temporum determinata conditio auferatur, multa etiā ab euentis vniuersalibus permutantur eorum, quorum ratio ex singularium genituris omnino non penderet; nam non potest vnum genus mortis tot, tantisque viris diuersis regionibus, temporibusque ortis, vna hora conuenire, nisi à quadam vniuersali causa completantur. Idcirco ratio etiam vniuersalium semper habenda est, &c. Item libro de ludicijs, capite vigesimotertio. Cum pestis, inquit bellum, naufragium originem à syderibus accipit, communis fit constellatio, seu syderum congressus, rapit autem eos, cum quibus conuenit regiones; nam belli quod apud Italos celebratur, Indi, & Æthiopes omnino sunt expertes; deinde itinere, neque enim fieri potest, vt Romanus Romæ existens Cannensi clade cadat: Necessarium est autem, vt signa itineris conueniant; sed non semper signa itineris apparent; nam ex ordine illo ab initio fuit, erat enim eques, aut legionarius miles. Rursus violentia causæ generalis, tum singularis genitura sunt comparandæ, vis autē generalis, singulari aqua lance præferri debet



debet; quis enim vitæ significator proderit illi, qui medio mari periclitatur? ob hoc aduersus fatum nulla prouidentia, aduersus syderum decreta, magna frequenter prouidet. Rursusque libro de reuolutionibus, capite tertio. Secundum quod quæritur est, an cuiuslibet euentus, qui per reuolutionem ostenditur, significatum in genitura sit constitutum: an verò reuolutio per se sit sufficiens aliquid omnino de nouo condere? Respondemus in genere quidem esse necessarium, in specie autem nequaquam. Vnde cum cuilibet in genitura mortis significata sint constituta, non inconuenit quolibet tempore, & mortis genere mori; cum autem non in omni genitura coniugis significata sint, nulla poterit efficere reuolutio, ut illud eueniat, cuius ne significatum quidem in genitura sit constitutum, minimum tamen vestigium sufficiet validæ reuolutioni, debili autem reuolutioni validæ genituræ indicatæ requiruntur. Itaque si quis genituram reuolutionibus comparauerit, cum per æternos motus sit connexio, merito potuit quis dicere, in genitura quæcunque ventura sint perfecte contineri, &c.

Iterum infra. Superuenientibus reuolutionibus, malum conuertitur in bonum, vel bonum in malum, &c.

Hæc Cardanus, & videtur sibi nouus Hercules Taurum interemisse, qui Cretam Insulam deuastabat: sed fallitur, siquidem annuæ reuolutiones non probantur Astrologiæ Principibus, ut videtur apud Albertum Pighium Apologia pro Astrologia, Augustinum Niphum libro de causis calamitatum nostrorum temporum, apud Picum Mirandulanum libro septimo, cap. quinto, sexto, septimo. Et magna ratione non probantur; quia ut ait Ptolemæus libro secundo Apotelesmaticum, nullum certum constitui potest anni principium, unde reuolutio desumatur: in circulo, inquit nullum cogitari principium simpliciter poterit, in Zodiaco autem ea quidem principia iure quis constituet, quæ Equinoctijs, atque Solstitijs terminantur, quæ sunt quatuor, quæ scilicet Equino-

ctia, & duo Solstitia. Verum hic locus hæsitætionis aliquid habet, an aliquid horum quatuor sit præponendum; nam si ipsam quidem circularem naturam spectes, nullum eorum singulare principij priuilegium obtinebit: Vtuntur autem, qui de his scripserunt, aliquid supponentes diuersimodè in vnoquoque illorum quatuor, quasi principium, moti ab aliqua eorum propria ratione, naturalique consensu; Habet enim vnaquæque illarum partium particulari aliquid, & excellens, unde sibi principij, & noui anni auctoritate videatur vendicare, ut Vernum Equinoctium, quod tunc primum dies nocte incipiat longior fieri, & quia tempus id anni abundat humiditate, quæ qualitas, & natura, ut supra diximus, in omni principio generandarum rerum plurima est. Æstiu Solstitij prærogatiua hæc est, quod tunc maximè dies in suo quasi fastigio, consummationeque perducitur; tum verò apud Ægyptios inundat Nilus, & Canicula exoritur. In Autumnali æquinoctio fructus omnes colliguntur, & terræ semina iaciuntur. In Brumali Solstitio post decrementum incipit dies, tunc primum augeri: quod autem mihi conuenientius, & naturæ consonum magis videtur, hoc est, ut in obseruatione rerum anni quatuor illis principijs utamur, obseruantes, quæ ante illa proximè fiant Solis, & Lunæ, vel coitus, vel oppositiones, & præsertim eclipticas, ita ut ex principio, quod sumitur ex Ariete, Ver quale futurum sit præuideamus, ab eo verò quod à Cancro Æstatem, à Libra Autumnum, Hyemen à Capricorno. Hæc Ptolemæus.

Cardanus verò, qui fatetur reuolutiones non esse ad mentem veterum Astrologorum, sed earum auctorem gloriose se facit, & cap. 6. libri de Iudicijs magnifico titulo de significatis reuolutionum, & de modo iudicandi ex propria nostra sententia, non dubitauit prænotare, nonne veterem omnem Astrologiam, veterumque Genethliacorum experimenta repudiavit: repudiavit ille quidem, sed nodum quem suscepit explicare.



explicandum nodum soluit; reuolutiones enim nihil efficere posse, quod in genitura non contineatur constat ex libro de reuolutionibus, cap. 3. vnde libro de iudicijs, cap. 6. Scire debes, inquit, naturam reuolutionum sequi naturam geniturarum, sed debilius, veluti si Mercurius & Venus in genitura fuerint, in ascendente faciunt habilem ad tractanda negotia leuia, & artes, & ad conuersandum cum hominibus. Si igitur mihi idem contingat in reuolutione quamuis in genitura fuerit in sexta, non in prima, & Iupiter fuerit in prima, ero tamen habilior ad hæc illo anno respectu dico mei, non tamen aliorum, &c.


At qui Cannensi pugna ceciderunt diuersis regionibus, & temporibus orti, non potuerunt eiusdem mortis signa in genitura habere, non ergo Astorum, sed pilorum telorumque reuolutiones eos interemerunt. Cur non omnes ea clades deleuit Romanos? nullus erat alius his reuolutionibus subiectus? cur Romanos magis, quam Pœnos afflixit? an quia Pœnorum genitura illius diei reuolutioni resistebant, non Romanorum? ò lepidum commentum? Cur viros potius, quam mulieres Romanas, ea reuolutio transuersum egit? nugæ nugarum. Adhæc reuolutiones quas inuexit Cardanus, in dubiam incertamque fidem Astrologorum omnes prædictiones adducunt, & Astrologiam ipsam ab humano capto longè repellunt; cum enim genitalium syderum viam reuolutiones annuæ, vel infringant, vel tollant, rursus annuæ reuolutiones simili ratione à mensuris dependant, & hæc à nocturnis, & diurnis, hæc denique ab horarijs, & momentaneis, nemo autem percurrente omnes vnius hominis annos, menses, dies, noctes, horas, momenta, inire possit rationem, omnium reuolutionem, quæ ad eum pertinent, necessario efficitur Astrologicas prædictiones esse humanis mentibus planè inaccessas. Quod nec Cardanus inficiari potuit lib. de reuolutionibus, cap. 8. Scias, inquit, quòd qui fecerit omnes reuolutiones à principio natiuitatis vsque in finem sine intermissione, & experientia

compararit tria, vel quatuor accidentia illius, & veritatem illorum quaferit per reuolutionem anni, mensis, & diei, & horæ, solus ille exactè iudicabit de tota vita illius sine errore, & confusione, & omnis alius deuiabit à recto iudicio, &c. Rursus cap. 3. eiusdem libri. Cum autem optimus Astrologus, inquit, natiuitatem sine reuolutionibus considerauit, dupliciter continget ipsum longè falli, & optimam genituram pessimam iudicare, pessimam verò summis extollere laudibus. Primò, cum optima promissa, vel pessima ad senilem referunt ætatem, ipse verò occurrente reuolutione, vel directione præuenitur, non habebit ille vestigium eorum quæ à genitura promissa sunt: secundum est, cum superuenientibus pluribus reuolutionibus, malum conuertitur in bonum, vel bonum in malum, &c.

Nihil præterea reuolutiones efficere posse, cuius signum aliquod in genitura non existat, auctor est Cardanus lib. de reuolutionibus, cap. 3. libro de iudicijs, cap. 23. At multi in mari, in bello, in peste perierunt, non solum sine vlla genituræ significatione, sed etiam contra eiusdem decreta, vt fatetur idem Cardanus libro de iudicijs, cap. 23. Neque itaque reuolutionibus intereunt, qui vel, clade, vel peste, vel naufragio pereunt sed alijs causis. Quid multa? Non est necesse rationibus vrgere reuolutiones, quas res ipsæ, euentaque quotidie refellunt. Legantur eorum prædicta,


qui per singulos dies temporum vicissitudines diuinant; ex huiusmodi reuolutionibus, facile patiar tantum fidei genituris haberi, quantum in his prædictionibus veritatis quotidie deprehendimus.

\* \*



C A





## CAPVT XXXV.

*Quodlibet ex qualibet genitura  
conficere posse Astrologos.*

**I**N tanta euentuum varietate, qui terra, mari, aëre, ad Septentrionem, ad Meridiem, ad Orientem, ad Occidentem, in urbibus, in pagis, inter homines, inter muta an imantia, singulis annis, mensibus, diebus, horis, momentis, publicè, & priuatim, domi, militiæ, principibus viris, & populo, rei priuatæ, & publicæ eueniunt, quia magna Genethliaci laborabant causarum inopia (Zodiaci enim signa, & Planetarum numerus impar est multitudini rerû, quæ toto mundo fiunt) coacti sunt varia cœlo fingere Astrorum gaudia, Antiscia, nouenarias, facies, curus, carpenta, familiaritates, odia, exaltationes, deiectiones, Alfridaria, fines, ducatus, defluxus, domicilia, loca, pro quorum varietate, varios stellæ fundere effectus. Quare Cardanus libro de Iudicijs geniturarum, cap. 26. Ex hoc, inquit, patet causa, cur tot inuenerint nugæ, partes, facies nouenarias; quia non poterant tot rebus, quæ homini eueniunt, situ solum septem Planetarum satisfacere, vnde hæc figmenta inuenerunt.

Sed nimirum inciderunt in Scyllam, cupientes vitare Charybdim, tam multa toto cœlo collocarunt commenta, tam varias, & contrarias singulis cœli particulis vires attribuere, vt ex qualibet genitura, quælibet quanquam prodigiosa euenta deduci possint, liceatq. Astrologis ex qualibet genitura nos magnis onerare promissis.

Nam quemadmodum in marmoribus, quæ multis qua vndatim, qua crispatum natura atperit coloribus, alij Apollinem cum Musis, alij Augustum Casarem, alij Tiberium, alij Nilum cum sex-

decim liberis, alij alia ludibria sibi spectare videntur, cum tamen in marmore nihil aliud sit, nisi commistio quædam diuerforum, variorumque humorum; Ita in genituris, in quibus nihil aliud est, quàm stellarum situs, & lineamenta quædam, Astrologi & Reges, & Pontifices, & Poetas, & Historicos, & honores, & dignitates, & opes, & vxores, & liberos vehementi agitatione mentis sibi fingunt. Hoc ipsum alio exemplo docet S. Augustinus lib. 2. de doctrina Christiana, cap. 24. Sicut vna figura literæ, inquit, quæ decussatim notatur, aliud apud Græcos, aliud apud Latinos valet, non natura, sed placito, & consensione significandi; & idè qui vtrunque linguam nouit, si homini Græco velit aliquid significare scribendo, non in ea significatione ponit hanc literam, in qua eam ponit, cum homini scribit Latino: Et beta vno eodemque sono apud Græcos literæ, apud Latinos oleris nomen est: & cum dico, Lege, in his duabus syllabis aliud Græcus, aliud Latinus intelligit. Sicut ergo hæc omnes significationes pro suæ cuiusque societatis consensione animos mouent; nec idè cōsenserunt in eas homines, quia iam valebant ad significationem; sed idè valent, quia consenserunt in eas: sic etiam illa Signa, quibus perniciofa dæmonum societas comparatur, pro cuiusque obseruationibus valēt, &c. Quid igitur mirum, si non eadem sunt de eadem genitura iudicia, &, vt ait Cardanus libro de reuolutionibus, cap. 3. si optima genitura pessima iudicatur, pessima iudicatur optima?

Res exemplo fiet manifesta magis. Tradunt Genethliaci Astrorum vires debilitari, aut confirmari, acui, vel retundi, quando exaltantur, aut deiciuntur, vel quando sunt nocturna, aut diurna, quando sunt domi suæ, aut demorantur in aliena, quando suos habent fines, aut ingrediuntur alienos, quando matutina, aut vespertina sunt, quando Australia sunt aut Septentrionalia, quando in Signis masculinis, aut foemininis, pigris, aut deiectis, quando iuuatur aliorum benigno aspectu, aut maligna radiatione perstringuntur, quando gaudent,



dent, aut tristantur, quando vespertina, aut matutina sunt, quando genitura dominatur, aut alijs deferunt, quando supra, aut infra terram discurrunt quando in loco sunt à maligna stella infecto, vel soluto, & libero, alijsque sexcentis modis.

Rursus cœlum vniuersum in duas partes secant, ab Ariete ad Libram aiunt Solem exaltari, à Libra ad Arietem deijci; Lunam verò exaltari à Tauro vsque ad Scorpionem, deijci à Scorpione vsque ad Taurum; aliosque Planetas in alijs Signis deijci, vel exaltari, vt videre est apud Ptolemæum lib. 1. de Iudicijs, cap. 18. Et in exaltatione Astrorum maximas esse vires, in deiectione exiguas. Idem cœlum iterum alia ratione diuidunt in duodecim domos, vt supra retulimus, cap. 18. Soli tribuentes Signum Leonis; Lunæ, Canceri, aliasque domos alijs Planetis, qui in illis potissimum vires suas exercent. Iterum singula Zodiaci Signa in tres partes tribuerunt, eisque tres decanos attribuerunt: quod ex Firmico descripsimus supra cap. 21. 22. 24. Quamuis igitur totum Signum domus sit Saturni, Martis, & alterius, in ea tamen admittit alios decanos, qui in suo decanatu, & finibus tantumdem valent, quantum domi suæ; singula præterea Zodiaci Signa vni ex his quinque Planetis, Saturno, Ioui, Marti, Veneri, Mercurio deputauerunt. His addiderunt directiones varias, multiplicesque reuolutiones, Alfridaria, & Absides, caudam, caputque draconis, triangula, dextra, sinistra, ignea, ærea, aquea, hexagona, tetragona, item dextra, sinistraque, quadrata, antisicia, dodecatemoria, aliaque innumera, quibus repleti sunt libri Cardani, Lucij, Bellantij, Gaurici, aliorumque.

Itaque quodcumque Astrorum, quacunque cœli parte constitutus sit, tam multis obnoxium faciunt extrinsecis causis, quibus in omnem partem eius virtus trahitur, vt nullus sit adeo prodigiosus euentus, quem sagax, & paulò acutior Astrologus ad illud referre nequeat. Quo fit, vt qui genituras obseruant, cum alius vnum, alius aliud triangulum, alius vnâ, alius aliam directionem, aut reuolutio-


nem, aut antisicia, aut radiationem spectet, nullus autem omnia, quæ in vna genitura insunt, aut mente complecti, aut consideratè expendere possit, contraria de eadè genitura ferant iudicia, & cui vnus Nestoris pollicetur annos, alter breuissimam præscribat vitam, cui vnus Croesi decernit opes, alter extremam præuideat egestatem. Facile mihi esset genituras percurrere omnes Bellantij, Iunctini, Gaurici, Cardani, Firmici, & docere astrologicas prædictiones, quas magna hominum admiratione exitus aliquando comprobauit, non fuisse ex Astrologiæ præceptis explicatas, potuisseque longè aliter, quàm factum sit, exponi; potuisse alias ex eis prædictiones commodè colligi; sed quia Sixtus ab Hemminga Frisius Astrologiæ laude longè clarissimus id nobis laboris præripuit, & triginta geniturarum exemplis ostendit, quàm varios Generalia synagmata explicari habeant, & Astrologis res est manifesta, sine exemplis; alij verò, qui hanc disciplinam non attigerunt, non possunt sine molestia in huiusmodi geniturarum labyrinthos induci, in quibus infinitæ sunt ambages, cuniculi inaccessi, creberrimæ sores, occurfus, & recursus infiniti, errores, denique inextricabiles, breuitati hæc omnia concedemus, cum præsertim qui synceræ Astrologiæ magistrum ubiq. agit, Hieronymus Cardanus lib. centum geniturarum, genitura 43. ea, quæ de Francisco Sfortia Mediolanensium Duce, anno 1401. die 23. Iunij, hora 0. minuto 20. post Occasum nato, ex natalitijs stellis collegerat, fateatur ingenuè eadem de eo enunciari potuisse, si vno die ante eadem hora natus fuisset. Martini Lutheri hæresiarchæ variæ circumferuntur genituræ, diuersæ ab ea, quam ponit Cardanus lib. centum geniturarum, genitura 11. ex omnibus tamen eandem vitæ improbitatem, predictionem Religionis, eandem impietatem, eandem labem morum, eundem vitæ exitum deducunt. Audiamus Tycho-nem Brahe lib. de noua stella, pag. 777. hac de re differentem: Silentio, inquit, præterire non possum, quàm inconsideratè, & perperam tam Gauricus, quàm

Carda-



Cardanus natalitium Lutheri tempus, una cum huic superinstructo coelesti schemate designarit: natus est enim anno 1483. die 10. Nouembris, hora 1. ante mediam noctem sequentem, ut habet Kalendarium Eberi, cum tamen Gauricus integro anno post natiuitatem eius assignet: & licet Cardanus quoad annum ipsum rectius sentiat, tamen quia tam is, quam alter diem 22. Octobris illi natalitium faciunt, ambo nouemdecim dies anticipando aberrant. Taceo, quod Gauricus unam horam a meridie, & alter decem elapsas habeat, &c.

Quæ est igitur ista ars? quæ ista disciplina, quæ Astrologorum declarat ingenium potius, quam Astrorum vim, & potestatem? Quid aliud significant contrariæ de eadem genitura sententiæ, vel de diuersis eadem iudicia, nisi ingeniorum acumen coniecturas huc, illucque ducentium?



## CAPVT XXXVI.

*Astrologorum veras prædictiones nihil fauere huic discipline.*

**N**ULLA res maiorem Astrologiæ conciliat auctoritatem, quam prædictiones quædam admirabiles, quas præter omnium opinionem euentus confirmant. Quo die natus est Augustus, in curia agebatur de Catilinæ coniuratione. Octavianus pater cum seriùs in Senatum venisset, vxorisq. puerperium excusasset, P. Nigidius clarissimus per ea tempora Mathematicus cum partus horam cognouisset, affirmavit dominum terrarum orbi natum. Quamobrem Augustus postquam Imperium adeptus est natale thema suum vulgavit, descriptumque stellarum ordinem, sub quibus natus erat, argenteis nummis in vulgus dedit. Sub

eadem ferme syderum constitutione, Cosmus Medices, qui Florentinorum Dux electus fuit, natus Capricorni Signo, non solum in nummis, sed etiam in publicis operibus usus dicitur. Tiberius Nero ab Augusto in Rhodum insulam relegatus, ibi plurimam huic arti Thrasyllo magistro operam impendit, quem in rupes quasdam inductum aliquando, ecquid sibi Astra portenderent interrogasse fertur, Cui Thrasylus cum Imperium Romanum magnamq. felicitatem, coelum polliceri audacter respondisset: Rursus Tiberius sciscitatus dicitur num suam quoque genitalem horam comperisset, quorum annum, quorumue diem ageret; Ille positus syderum, & spatia dimensus hæzere primò, deinde pauere, & quantum introspiceret magis, tantò magis sibi timere cœpit, tandem exclamasse dicitur ambiguum sibi, ac propè vltimum discrimen à Tiberio instare: tum còplexus eù Tiberius præscium periculorum etiam incolumem fore affirmavit. Nec minus illustre alterum Thrasylli Vaticinium fuit. cum enim secundum maris litus animi euasa obambulet eidem Tiberio ægre exilium illud ferenti affirmavit naue, quæ eminus spectabatur, vehi literas Tiberio fortunatissimas. nam res ita omnino euenit, ut vates monuerat; siquidem naue in portum delata, Tiberius literas ab Augusto, Liuiaque accepit, quibus Romam reuocabatur ad Imperij certissimam spem.

Quas ob res Tyberius tantam Mathematicorum prædictionibus fidem adhibuit, ut rerum potius, nihil habuerit antiquius, quam Romanorum ciuium genituras introspicere; atque animaduersionum fortuna, & moribus, eos è medio tollere, quibus Astra adipiscendi imperij spem aliquam facerent: vni Glabæ pepercisse dicitur, cuius serum, & breuiue significabatur Imperium, eique ut scribit Tacitus, prædixit; Et tu aliquando principatum degustabis: significans eum serò, & breui tempore regnaturum; quod & euentus comprobauit.

Neronem Claudium Cæsarem 18. Kalend. Ianuarias natum ante Solis ortum Astrologus, qui conspexerat syderum cursum,



cursum, Romæ regnaturum respondit, sed occisurum matrem. Quod cum Agrippina mater audisset, Interficiat, respondit, modò imperet.

De genitura eius, inquit Suetonius, statim multa, & formidolosa, multis coniectantibus: non fuisse coniecturas vanas, euentus declarauit. Vespasianus verò Astrologiæ peritissimus suæ genituræ tantum fidit, ut inter continuas insidias coniuratorum Senatui affirmaret, aut neminem, aut filios sibi in imperio successuros; & Domitiano apud se cœnanti, & fungos tanquam venenatos respicienti, à ferro esse cauendum, dixit non à tubericus, & rectè: nam à Stephano Domitillæ procuratore, Satorio decurione cubiculariorum, alijsque iuratis socijs septem vulneribus confossus tandem interijt.

Nec Domitianus minùs, quàm pater, aut Astrologia valuit, aut Astrologicis prædictionibus fidei adhibuit: pridie enim quàm periret, ut scribit Suetonius, affirmauit fore ut sequenti die Luna se in Aquario cruentaret, factumque aliquod existeret, de quo loquerentur homines per terrarum orbem.

Nerua Domitiano ab Astrologis delatus, quòd Imperatoriam genefim haberet, non euasit mortem, nisi quia vnus ex ijs affirmauit, eum non diu victurum. Id quod euentus comprobauit. vno enim anno, & quatuor mensibus imperium tenuit.

Adrianus item Imperator singulis annis Astrologicas prædictiones comparauit, easque eo anno, quo, è vita excessit, vsque ad eum mensem tantùm extendit, quo mortuus est, intelligens sine dubio non licere per sydera sibi ulterius fatum extendere.

Et ne omnia ad veteres illos Gentilium Imperatores superstitionis plenissimos reuocentur, nostra ferè ætate Ioannem Picum Mirandulæ Comitem, virum & generis nobilitate, & ingenij splendore, & doctrinæ copia postertis omnibus commemorandum, cum duodecim libris Astrologicas rationes vanitatis accusasset, Astrologi ad experimentum prouocarunt, & inspecto eius Genethliaco, trigessimotertio ætatis anno illi à viuis

ingrandum pronunciarunt: Nec eos se felix euentus, eo ipso anno decessit, vir immortalitate dignissimus: quo experimento existimarunt omnes Genethliaci duodecim libris, quos aduersus Astrologiam vulgauerat, responsum satis.

Mortuo Leone X. Pont. Max. quæsitum fuit ex Paride Ceresario Mantuano Astrologo per ea tempora celeberrimo, an Cardinalis Farnesius ex Astris aspirare posset ad Pontificatum, Qui in hæc verba; ut refert Cardanus, respondit: Sydera pro nunc non sunt disposita, sed in aliud tempus erunt benigniora: pollicentur enim assumptionem ad summum gradum anno Domini 1534. ex directione Solis ad trigonum Mercurij cum testimonio Iouis, & Saturni, quo ille anno renunciatus fuit summus Pontifex.

Nec minùs mira fuit, ut ait Cyprianus Leouitius lib. 8. suorum Aphorism. de morte violenta Petri Aloysij Pauli III. filij genitura, ex qua Lucas Gauricus, Lucius Bellantius, alijsque permulti eius necem die 10. Septembris anno 1547. Placentiæ patratam, multò antè prædixerunt: quorum suasu Paulus III. literas illi dedisse fertur, quibus significauit, ut caueret à die 10. Septembris, quo interemptus fuit. Sub hoc ipsum tempus, inquit, Ioannes Sleydanus lib. 9. suorum Commentariorum Aloysio scribit Paulus Tertius Pontifex, ut à die 10. Septembris caueret; Astra enim ei pronunciare cladem aliquam insignem. His acceptis literis Aloysius erat in metu, & sollicitudine, cum dies illa venisset, magno cum comitatu lætica deportatus, ex arce egreditur, ut vrbis munitionem, quam instituerat, videret: aderant etiam coniurati, sed cum ibi non possent, quod vellet exequi, subsistunt: & cum ille domum rediret, comitantur, & tanquam officij causa præcedunt numero triginta & sex, & ubi iam in arcem cum lætica peruenisset, è vestigio pontem pensilem ad se reducunt, ne quis præterea subsequi posset: Ibi continuo strictis pugionibus illum percutunt, & in lætica confo-diunt, &c.

Rursus Cyprianus Leouitius, Hieronymus Cardanus, Basilus, describunt Alexan-



Alexandri Medices Florentinorum Ducis genesim, in qua luce clariùs aiunt videri eadem, quam à Laurentio Medice passus est.

Mitto Caroli V. Imperatoris, Francisci II. Galliarum Regis, Edoardi VI. Regis Angliæ, aliorumque Principum genituras, Astrologorum libris explicatas, non sine magna omnium admiratione.

Sed quis prætereat id quod magni nominis Astrologus, Galeatio Mariæ Vicecomiti Mediolanensium Duci denunciavit, illum excessurum è viuis ex vulnere à suo vassallo infligendo, quod ubi Dux audiuit iracundia percitus, ex Astrologo quæsiuit, quod mortis genus ipse esset obiturus. Cui ille fidenter respondit, se in publico ex casu trabis excessurum; tunc Dux ut falsas eius præfagitione declararet, iussit illum capite plecti. Paratur locus, pulsatur campana, concurrunt vndique ad funestum Astrologiæ spectaculum, occupantur fenestæ, onerantur tecta, refertæ domus, oppletæ viæ expectantium miserrimi Astrologi supremum obprobrium, educitur reus è carcere, ducitur ad certissimam necem; dum ante Ducis ædes ingreditur, è sublimi cadit trabs, & è viuis tollit Astrologum cum carnifice; tunc enim verò timere sibi Dux, & obseruare Astrologiam, populusque malè illi ominari, & cruentam Ducis mortem expectare. Nec Astrologia eos fefellit. Die festo Sancti Stephani in Ecclesia eiusdem inuictissimi Martyris, vniuerso astante populo, spectantibus aulicis, Dux à suo vassallo multis vulneribus confosus interimitur.

Irideamus nunc Astrologos; vanos, futiles esse dicamus; disseramus contra Astrologica placita; condénemus Astrologos stultitiæ, fraudis, imprudentiæ; inuehamur in hexagona, tetragona, quadrata, triangula, domos, signa, gradus, ducatus, decantatus; doceamus hanc artem incertis ortam natalibus, nihil nisi futile, nihil nisi fabulosum continere: potuissentne tot præfagia tam varijs edita temporibus, eam veritatem consequi, quam consecuta sunt, nisi Astrologia certis constaret præceptionibus, & ars es-

set veritatis plena? Possumusne vanam eam disciplinam iudicare, quam re, & euentis quotidie confirmari videmus? Pleni sunt veterum Annales, plenæ historiæ, referta hominum vita huiusmodi prædictionibus. Nobis de multis paucas retulisse satis est.

At ea nonnunquam, quæ prædicta sunt minùs eueniunt: Ita sanè, sed errata hæc sunt Astrologorum non Astrologiæ, cuius perceptionibus si quis ritè uteretur, nunquam à vero aberraret: Nunc verò cum multi Astrologiæ præcepta non teneant, & qui ea callent non obseruent omnia, quæ ex arte obseruanda essent, quid mirum si ea prædicunt, quæ nunquam eueniunt? Quæ tandem ars id non habet, inquit Q. Frater apud M. Tull. lib. 1. de Diuin. earum dico artium, quæ coniectura continentur, & sunt opinabiles? An medicina ars non est puranda, quam tamen multa fallunt? Quid? gubernatores nonne falluntur? An non Achiuorum exercitus, & tot nauium rectores non ita profecti sunt ab Illo, ut profectioe lati, piscium lasciuia inuenerentur, ut ait Pacuuius, nec tuendæ salietas capere posset?

*Interea prope iam occidente Sole inhorrescit mare.*

*Tenebrae conduplicantur, noctisque & nubium occæcat nigror.*

Num igitur tot clarissimorum Ducum Regumque naufragiū sustulit artem nauigandi? aut num Imperatorum scientia nihil est, quia summus Imperator, nuper fugit amisso exercitu? Aut num propterea nulla est reipublicæ gerendæ ratio, atque prudentia, quia multa C. Pompeium, quædam M. Catonem, nonnulla etiam te ipsum fefellerunt? Similis est omnis opinabilis diuinitio; coniectura enim nititur, ultra quam progredi non potest. Ea fallit fortasse nonnunquam, sed tamen ad veritatem sæpissimè dirigit: est enim ab omni æternitate repetita, in qua cum penè innumerabiles res eodem modo euenirent, ipsdem signis antegressis ars est effecta eadè sæpè animaduertendo, atque notando. Hæc ille.

Neque verò errata, quæ contingunt Astrologiæ, possunt ei derogare fidem, quæ



quæ etiam si semel tantum verum prævidisset, vera ars censenda esset diuinandi, vt disputat Cratippus apud M. Tull. lib. 1. de Diuinatione his verbis. Si sine oculis non potest constare officium, & munus oculorum, possunt autem aliquando oculi non fungi munere suo, qui vel semel ita est vsus oculis, vt vera cerneret, is habet sensum oculorum vera cernentium. Ita igitur si sine diuinatione non potest officium, & munus diuinationis constare, potest autem cum quis diuinationem habeat errare aliquando, nec vera cernere, satis est ad confirmandam diuinationem, semel aliquid ita diuinatum, nihil vt fortuito cecidisse videatur, sunt autem huius generis innumerabilia; esse igitur diuinationem confirmandum est.

Hæc ferè Genethliaci pro sua Genethliaca disputant, nec intelligunt, si ista conclusio vera esset, eadem vt possent Haruspices, Fulguratores, Caballistas, Sortilegos, Zingaros, Coniectores somniorum, quorum generum nullum est, ex quo non aliquid, sicut prædictum fuerat, aliquando euaserit. An tu censes veteres Romanos, tam superstitiosè Augurijs daturos fuisse operam, nisi vidissent multa ita euenisse, vt Augures prædixerant? Calchantem, quem Augurem fuisse longè optimum, scribit Homerus, ad eam opinionem præuenisse, quam ob quam classis Dux constitutus fuit nisi per multa uaticinia, quæ euentus confirmauit? Nunquam Amphiarus, qui auihus, & signis admonitus futura dicebat, tantam apud Græcos famam consecutus fuisset, vt ab eo etiam post mortem, & ex sepulchro oracula peterentur, si verum nihil vnquam prædixisset. Quid Helenus Priami filius, quam Aeneas de suo in Italiam aduentu his verbis consuluit.

*Triuigena interpret diuini, qui numina Phæbi.*

*Qui tripodas Clarij lauros, qui sydera scis;  
Et velucrum linguas, & præpetis omnia penna*

*Fate age, &c.*

Nihilne vnquã verum vidit? Quid Druidas Gallis, Persis Magos, quid Etruscos Romanis commendauit, nisi multæ, &

admirabiles prædictiones euentis confirmatæ? Vnde orta est exticina, & haruspicina, nisi quia aliqua in augurijs, & haruspicijs aliquando veritas eluxit? nũ propterea augurijs fidem habere me iubebis? Cum Lucius Vitellius contra Arabes exercitum duceret, Aræ Arabum Regi Romanorum arma extimescenti responderunt Arioli, vt refert Ioseph. libro 18. cap. 7. exercitum illum non peruenturum ad Petram, sed prius excessurum è vita, aut qui exercitum parauit, aut cuius iussu paratus fuerat. Præsagium euentus comprobauit, mortuus mox est Tiberius Cæsar, & exercitus dimissus. Caius Iulius Cæsar prædixit, Spuria proximos triginta dies quasi fatales caueret, quorum vltimus erat Idus Martiæ. Eo cum forte mane, uterque in domum Caluini Domitij ad officium conuenisset, Cæsar Spuriam, Ecquid scis, inquit, Idus Martias iam venisse? Et is, Ecquid scis, respondit, illas nondum præterisse? Eodem die interfectus fuit Cæsar, nec augurium Spuriam, sed securitas Cæsarem fefellit. Agrippa Herodis nepos à Tiberio Cæsare in vincula coniectus, quod Caius fauere videretur, ab Augure audiuit è vinculis ad regnum se peruenturum. Post sex menses, Tiberio vita functo, Caius successit in Imperio, qui Agrippam Regio titulo, & dignitate cohonestauit. Alexandro Magno Oxydracurum Indorum metropolim oppugnaturum Demophon, qui ex ostentis diuinare solebat, prædixit vulnus, quod in ea oppugnatione accepit. Cælio Pontico ius dicenti picus supra caput insedit, tunc Haruspices responderunt, Si quis liberaret, victuros hostes, si interficeretur, à Cilicibus victoriam staturam, sed moriturum qui interemisset; ita res euenit, oppressa aue, qui interfecerat, illico interiit. Lege veterum monumenta historiæ, nullam victoriam, nullam cladem, nullius Principis ortum, aut mortem reperiens, quam augures non præsagierint; non potuerunt tamen huiusmodi prædictiones impetrare à Christianis hominibus, vt vllam esse Augurum, Haruspicumque disciplinam existimarent, nec



nec efficere ut auim volatui, alijsque Gentilium superstitionibus fidem adiungerent. Age verò, si Augurijs, Auspicijs, extis nullam conciliare potuerunt fidem prædictiones quædam, quæ verè euaserunt, cur Astrologiam paucis quibusdam, & ex omni æternitate repetitis prædictis confirmamus? Nonne qua ratione Astrologia inducitur, eadem induci possent Auguria, Auspicia, cæteræque vanissimæ superstitiones? Nonne Zingari quoque, quos vocant, aliquando diuinant? Nonne sortilegis etiam nonnunquam aliqua contingit veritas? Quo die interfectus fuit Tiberius Gracchus, è domo egrediens, grauissimè ad limen offendit; idem accidit Crasso eo die, quo infaulto prælio cecidit, an propterea Tiberullo fidem habemus canenti:

*O quoties ingressus iter, mihi tristia dixi*

*Offensum in porta signa dedisse pedem?*

*Aut Lao lomia scribenti marito:*

*Cum soribus velles ad Troiam exire paternis*  
*Pes tuus offensus limine signa dedit.*

*Vt vidi, ingemui, tacidoque in pectore dixi:*

*Signa reuersuri sint, precor, ista viri.*

Huiusmodi etiam nugis fidem nos habere coges? coges sine dubio, si hanc Astrologorum rationem recipimus.

Faciamus Astrologiam confictam esse, faciamus excogitatam esse ad quæstum, nonne ex innumerabilibus, quæ quotidie Genethliaci prædicunt, oporteret aliqua interdum vera euadere? possentne semper falsa enunciare, etiam si maximè vellent mentiri? Quæ est igitur ista conclusio, aliquæ Astrologorum denunciationes euentis responderunt, Astrologia itaque certis, & exploratis præceptionibus constat? Quæ ratio, si quid efficit, efficit ea, quæ commentitia sunt vera esse? At, oculis quamuis aliquando peccent, quia tamen vera aliquando vident, necesse est inesse vim vera videndi; cur ergo Astrologum, qui vera aliquando prævidet, tamen nonnumquam decipitur, diuinandi arte polere non patamur? Ea de causa, quod oculi vera cernentes vtuntur natura, atque vi sua; Astrologi, si quando vaticinando vera prædicunt, non vtuntur Astrologia, sed cæco casu, & fortuna,

nec eorum præfagia ab Astrologia veritatem repetunt suam, sed aliunde. Solane Genethliaca obnunciationes veras reddere potest? si aliunde prædictiones mutuari possunt veritatè, quàm ab Astrologia, quàm nullà esse sexcentis argumentis iam euicimus? Vnde norunt Astrologi sua præfagia non ab alio, quàm ab Astrologia ducere veritatem? Qui videt, non nisi oculis videt; idcirco, qui vel semel vsus est oculis, vt vera cerneret, eum oportet habere sensum veracernentem. Qui verum enunciat, si alio quopiam verum enunciare potest quam Genethliaca qua licentia veras præsentiones ad Astrologiam refert? cur falsæ vaticinia alijs causis vera Astrologiæ solum tribuis? An responsurus es, quia Astrologia est veri disciplina; Id demum est de quo discipamus, an Astrologia disciplina vera sit, an commentitia. Pones ne tanquam certum, & exploratum de quo maximè ambigitur? quo te conuerteres? quomodo expedies hunc nodum? Dices fortasse, Astrologorum prædictiones huiusmodi esse, quæ non aliunde, quàm ab Astrologia habere possunt veritatem. Vnde id planum facies? quomodo probabis? vnde id efficies? assumesne quod dubium, & anceps est, pro certo atque concessio? quid inde efficies? Aio quamuis nullum esset Astrologiæ nomen, nulla natura, sed temere, & cæco casu Astrologi enunciarent, quæ prædicunt, aliqua necessario euentura ex ijs, quæ prædixerunt, non secus ac nunc eueniant? Quomodo ergo ostendes ea, quæ Astrologi prædicunt, non posse nisi ad Astrologiam referri cum sine Astrologia rerum omnium ratio constet? quomodo, aut vnde docebis eam veri esse disciplinam? P. Nigidius Octauio Augusto orbis terrarum dominatum. Thrasyllus Tiberio reditum in Italiam, & summam rerum Tiberius Galbæ ferum, & breue Imperium prædixit; Quid tum? perspicuas alias Astrologorum narras præfagitiones, Quid est perspicuum interdum eorū obnunciationes veras euadere, quid ad rem de qua agimus? Hæc præfagia ab Astrologia mutuari veritatem? quid magis ambiguum? P. Clodius

Augur,



Augur apud Tullium lib. 1. de Diuinat. Consuli nunciauit bellum domesticum, triste, ac turbulentum fore, quod paucis post mensibus exortum est; num propterea Augurum disciplina vera fuit?

Addam ad extremum, mirum esse, cum mendaci homini ne verum quidem dicenti credere iure soleamus, Genethliacos vna, aut altera prædictione, quæ vera euasit velle Astrologica dogmata confirmare. cum nos innumera, quæ longè aliter quàm ipsi prædixerint, euenerit, proferre possimus aduersus pauca quædam quæ fortuitò vera euaserunt, quid causæ est, cur his potiùs Astrologia confirmari, quàm illis labefactari dicatur?



## CAPVT XXXVII.

*Prædictiones, quibus Genethliaci suam artem confirmare solent, non esse Astrologicas.*



ASTROLOGORVM præsentiones, si quæ veræ sunt, nullam huic disciplinæ conciliare auctoritatem, satis docuimus superiori capite, ea præsertim de causa, quòd cum aliunde, quàm ab Astrorum scientia habere possint veritatem, nullam, verà præsentia huic arti astruere possint fidem, nisi planum fiat, huiusmodi prædicta non ab alijs causis, sed ab Astrologicis præceptis mutuari veritatem. Nunc ostendendum, restat, prædictiones illas, quibus suam artem Astrologi stabiliri existimant, non esse Astrologicas, id est, ex Astrologiæ præscripto, quòd cum probatum fuerit, perspicuum erit in ijs prædictionibus, nullum Astrologiæ collocari posse præsidium; non abibo autem longius, sed ex Astrologorum decretis rem deducam.

Primum quidem Mathematicis rationibus, & quibus ne Genethliaci quidem negare possunt fidem, id euincit Sixtus ab Hemminga Astrologorum facile Princeps, libro Astrologiæ refutator, qui præcipuas genituras, quibus Astrologi suam artem confirmare solent, luce clarius ostendit alienas esse à scientiis Astrologorum, & Astrologiæ decretis. Deinde non posse Astrologos ex arte enunciare, nisi generalia quædam, & indefinita auctor est Ptolemæus in cent. numero primo. Rursus lib. secundo. Quadripartiti, sic ait: Fieri autem nequit, ut qui sciens est particulares rerum formas pronunciet; sicuti nec sensus particularem, sed generalem quandam suscipit, sensibilis rei formam; oportetque tractantem hæc, rerum coniecturæ uti, soli autem numine afflati prædicunt particularia. Hinc Pontanus in dialogo quodam. Illi ipsi, inquit, qui ad particulares delabuntur prædictiones ab ipso etiam Ptolemæo habentur derisui, &c. Consentit Hieronymus Volphius de Astrologiæ usu. Consentit Franciscus Iunctinus in Defensione Astrologorum. Consentit Cyprianus Leontius in doctrina de Iudicijs natiuitatum. Consentit Cardanus sect. 1. Aphor. 3. lib. de temporum & motum erraticarum stellarum restitutione, cap. 11. Consentit Lucius Bellantius, quæst. 1. artic. 1. & artic. 2. ad 3. qui indefinitè solum ait Astrologos cognoscere natum futurum Principem, diutem, militem, literis deditum: non posse autem ex Astris deduci futurum Imperatorem potius quàm Regem, aut Regem quam Ducem. Item diuinare posse Astrologos aliquem obitum morte violenta, non autem à quo inferenda illa sit, aut quo instrumento, aut quo loco subeunda. Prædicere etiam posse itinera, navigationes, vxores: non posse tamen præscire, quo quis equo, quibus socijs, quot dierum iter sit factururus, quâ ducturus vxorem, aliasque circumstantias. Et sanè congressus stellarum, qui apud Romanos significabant dignitatem Consul, Tribuni plenis, nunc extinctis huiusmodi dignitatibus constat non posse hoc ipsum



ipsum indicare, neque sydera, quæ nunc Cardinalatum spondent, potuerunt apud antiquos eandem dignitatem portendere. Dignitatem ergo indefinitè significant Astra, non hanc, aut illam certam, & constitutam.

Quare, ne rem manifestam onerare videar non necessarijs exemplis, constitutum sit, non posse Genethliacos nisi generalia quædam, aut præsentire, aut prædicere; At ea, quæ proferunt Astrologi ad confirmandam artem suam sunt certa, ac definita, singularia, & determinata. Publius Nigidius Octauio Augusto, Thrasyllus Tiberio non vagam, & incertam dignitatem, sed Imperium Romanum dicuntur prædixisse; Neque qui Neronem Romæ regnaturum, sed occisurum matrem responderunt, generalem sed singularem, denunciarunt euentum; Constat igitur non diuinasse ex artis præscripto.

Vbi didicerat Mediolanè. Astrologus, qui Galeatij Ducis necem prædixit, se ex casu trabis, non lapidis, non tegulæ, alteriusve rei interiturum? Qui Astorum congressus, quæ domus, qui aspectus talem mortem portendit? Vbi Ptolemæus, aut alius vllus Astrologiæ magister disputauit de trabium casu, aut morte ex casu trabis? Quibus auctoribus cognouerat, quando Princeps occidendus sit à vassallo, & quando ab alio quopiam? Quibus Astris nascuntur ij, qui à vassallis perimendi sunt? Qua Astrologiæ parte differitur de morte à vassallo inferenda? Nullus è plebe, aut eorum, qui in alios dominij iura non exercent, nascitur sub huiusmodi stellarum coetu? Certum itaque, & exploratum est, transcendere Genethliacæ fines, quicunque ad euentus particulares descendunt. Et his prædictis confirmamus Astrologiæ disciplinam? Quid? nonne Cardanus sectione prima, Aphorif. vltimo docuit Principum successus Astris non subiacere? nonne libro centum geniturarum, genitura septima, quæ est Caroli Quinti Imperatoris, affirmat ex genitura non posse de publicis negotijs ferri iudicium? Nonne Iulius Firmicus libro secundo, capite vltimo, negat licere

de statu Reipublicæ, vel de vita, & negotijs Romani Imperatoris quidquam ex Astris cognoscere? qua ergo constantia ad natalitia Astra referimus Principatum, Augusti, Tiberij, Neronis, Adriani, Vespasiani, Domitiani? Quid clamat Cardanus sectione prima, Aphorismo 59. Artis veritatem ostendunt Tiberij, Claudij, Neronis, Adriani, Gordiani Cæsarum experimenta, præter ea, quæ Piccinino, & nostris temporibus acciderunt?

En tibi quod tibi suprâ dicebamus, Genethliacos perinde diuinare, siue seruent Astrologi præcepta, siue negligant. Addo nunc, ad veritatem magis accedere, quando artis spretis legibus fortuito, & cæco casu fundunt quidquid venit in buccam, quam quando Astrologica consulunt decreta; id euincunt prædictiones de Augusti, Tiberij, Claudij, Neronis, Domitiani, Galbæ, Gordiani principatu, si quid euincunt.

Sed veniamus ad Octauium Augustum, cui Nigidius Imperium Orbis terrarum prædixit. Nam non potuit ille ad imperium peruenire, nisi Iulio Cæsare, & Pompeio, aut vita, aut ea auctoritate, quam maximam in Republica obtinebant, orbatis; At Astrologi, & Cæsari, & Pompeio eadem obseruatione, qua Nigidius Augusto, & haud scio an etiam meliori, pollicebantur principatum. Quàm multa, inquit Tullius lib. 2. de Diuinatione, ego Pompeio, quàm multa huic ipsi Cæsari à Chaldæis dicta memini? neminem eorum nisi senectute, nisi domi, nisi cum claritate esse moriturum.

Persimiles fuisse Augusti, & Cosmi Medices genituras, scribunt ferè omnes, qui hac de re scribunt, vnde Asterismo Capricorni, quo Augustus in nummis argenteis usus est, Cosmus non modo pecuniam, sed publica etiam ædificia signasse fertur. In Cosmi porro genitura Hieronymus Cardanus nullum Principatus indicium, sed solius prudentiæ signa vidit libro centum geniturarum, genitura 49. Sol in Septimo loco, inquit, fortunam, quæ ex prudentia oritur, præstat: Luna in ascendente magnam



gnam felicitatem, quia verò cum Saturno iuncta est, & ad Iouis trinum vadit, separans se à Saturno, & signo igneo, ostendit maximum consilium; quod si Iouis radij abessent, æqualem tantæ prudentiæ stultitiæ. Nunc vides quantum referat immutatio, quæ poterat esse stultissimi si soli Saturno applicasset, sic posita sapientissimi est. Sol autem fuit iuxta Virginis spicam per duas cœli partes. Cætera, ingenuè fateor, tanto viro vix consentiunt, &c. Hæc Cardanus de celeberrima genitura, in qua alij innumera alia, & incredibilia viderunt; sed nimirum, ut supra cap. 28. dicebamus, quisque sua sibi somnia fingit: & quemadmodum in nubibus ventorum vi huc, & illoc agitat, alius nauem, alius montem, alius arborem, alius milites armatos egredere, sibi videtur, ita in genituris egregij vates varia ludibria somniant.

Quod spectat ad Tiberium, Thrasylus ex vaferrimo eius ingenio, ex benevolentia Augusti erga Liuiam eius matrem, ex Liuiæ dolis, ac fraudibus, quibus duo Augusti filij interiisse dicuntur, multò facilius quàm ex Altris præfagire illi potuit imperium. Periculum verò, quod Tiberio interrogante quod genus mortis esset subiturus, sibi immineret, cognouit, in Tiberij truculento ingenio, in animo ira percito, in vultu, in oculis vidit ille potius, quàm in stellis, quæ nec liberas Tiberij voluntates agere poterant in Astrologum, nec certam, ac definitam illius periculi horam significare. Iam verò quod Thrasylus eidem Tiberio prædixit nauem, quæ Rhodum appellebat litteras deferri gratissimas, ne Astrologi, quidem admittent ex arte fuisse pronunciatum, cum nulum hæcenus tota Genethliaca latum sit præceptum iudicandi, è stellis, quas nauis quælibet ferat litteras: excogitatum id crediderim à Thrasyllo ad leuandam Tiberio exilij molestiam, quod sæpius fortasse fecerat, casusque, ut aliàs sæpe contingit, confirmavit denunciationem, non ars, neque consilium. Nil necesse est dicere de ijs, quos, genituris inspectis, Tiberius è medio subtulit; res enim

ipsa declarauit vanas fuisse astrorum vires, quæ pollicebantur Imperium. Nil de Galba, quem verbis, ut multos alios Senatores permulcere voluit callidus veterator Tiberius. Nil de Neronis natali, cuius truculentia cum perticuerit ad multos, non potuit ex vnius horoscopo cognosci. Nil de confidentia Vespasiani; Astrologia enim, quæ est coniecturalis, & probabilis solùm, non potuit certò cognoscere filios sibi in imperio successuros. Nil de Domitiano natura timido, & suspicioso, qui non ea solùm nocte, sed toto Imperij tempore cruentam mortem sibi timuit. Nil de Neruæ genesi, quam alijs negantibus, alijs affirmantibus esse Imperatoriam, necesse fuit alterutros diuinare. Nil de Adriani morte, qui alia de causa fortasse intercidit Astrologicos calculos, quàm quia putaret eum mensem sibi fore supremum. Certè si sui excessus tempus præsciuisset, melius domui suæ, amicis, Imperio, Vrbi, Militibus consulisset.

Ad Ioannem Picum Mirandulanum venio, cuius genituram describit Cardanus libro centum geniturarum, numero 65. his verbis: En eius, qui per calumniam Astrologiam infectatus est genitura. Verùm non absque ratione Luna in Saturni, & Mercurij quadrato, cum ipsa atque Saturnus in domibus, ac fixis signis sint, ipseque Saturnus genituræ dominus, profundissimam memoriam, acre ingenium ad studia, incorruptamque perseverantiam decernunt; Tum verò quia Luna in octauo loco erat, turbidum ingenium; & quia radiatio quadrata est, iudicium tollit. Manifestum est autem, & luce clarius quod diuitias spargeret: nam Mars in secundo loco; non tamen deficiente crumena; nam Sol in eius trino, & ipse in domo sua. At quia ambo in triplicitate aquea, nomen decernunt gloriosum. Deicidium verò animi, & à generis origine alienum faciunt cadetes omnes Planetæ ab Angulis præter Iouem, qui in Capricorno cadit. Necesse verò est brevis vitæ hominem fore, cum sola Luna, quæ super terram est, à Saturni, & Mercurij radijs, tum

Q 2 etiam



etiam à Martis impedita vitam adimat: quæ nisi Solis sextili foueretur, atque in Taurio domo sua esset, mortem in infantia decreuisset. Vixit igitur annis 33. cum eius obitum Astrologus eodem anno prædixisset, qui etiam aduersus illum scripsit. ita Cardanus: Ex quibus constat, nihil potuisse aliud Bellantium ex genitura de Mirandulano præsentificare, nisi futurum illum brevis vitæ. Itaque quod addidit, excessurum anno 33. ætatis, non ex Genethliacis fontibus, sed aliunde, hausit.

Planius adhuc facere possum, non fuisse hanc prædictionem ex artis Genethliacæ præscripto, Ptolemæi clarissimi Astrologiæ Magistri testimonio, qui lib. 1. de Iudicijs, cap. 3. negat posse quidquam certò, & indubitato de vita, & morte statui ex solis Astris. Non autem existimandum est, inquit, omnia à supernis causis in res humanas deriuari, tamque inuolabili, & diuino quodam edicto, ita vt nulla vis obistere possit, quin illa, ita grassentur; Nam ipse quidem cœlestium corporum motus sempiternus est, & procedit diuino, & inuariabili ordine, ac lege: Inferiora verò mutationibus subiiciuntur, idè non à superioribus tantum, & primis causis res accidunt, sed etiam per consequentiam legis, & ordinis naturalis, & variabilis.

Rursus ibidem: Atque ita par est existimare, naturæ studiosos prædicere, hac scientia euenturas res hominibus, non inanitate quadam opinionum ingredientibus; quæ enim habent multas, & ingentes effectuum vires, euitari non possunt, cum alia, quibus illud non accidit, facile conuersiones admittant; hoc modo, & medici, si qui in notandis morbis exercitati sunt, præuident, qui lethales sint morbi quique curabiles. De his igitur, quæ mutationibus obnoxia sunt, ita audiemus differentem Genethliacum, vt si verbi causa talem orationem habeat; quoniam talis est, de qua loquor, constitutio, fiet si proprietates aeris tali modo conuertantur, magis quidem, aut minus ad subiectas congruentias, vt illinc talis quispiam morbus exi-

stat, &c. In tanta supernarum causarum imbecillitate, qui potuit Bellantius Astrologice Mirandulanum facere reum mortis anno trigésimo tertio ætatis?

Et illud quod Ptolemæus libro primo de Iudicijs capite secundo scribit his verbis: Quis nesciat quantum seminum diuersitas ad proprietatem generis vniuscuiusque momenti habeat? cum, & hoc ipse cœli circumfusi, & definiti omnibus terris hemisphærij ambitus opus sit, vt vires omnibus seminibus instruantur, quibus vnumquodque in sui generis effectione, & informatione excellat, vt hominis, equi, & cæterorum. Dilucidè belleque declarat Lucij Bellantij temeritatem, ex nataliis Astris defigientis Pico Mirandulano supremum, vitæ diem; si enim tanta est seminum vis, nec Bellantius perspectum habere potuit semen, quo Mirandulanus efformatus fuit, non nisi temere potuit ex Astris decernere certum mortis annum; cum enim & bonitas seminis, & multa alia possint stellarum malignitati obstare, fortuito in veritatem incidit, qui Mirandulano mortem ex stellis denunciavit.

Non ne Astrologi omnes eo præsertim nomine Genethliacam apprime vtilem dicunt esse mortalibus, quod qui præscius sit futurorum facile auertere potest impendentem mortem, declinare mortis pericula? cur ergo Mirandulano non licuit necem quam Astra 33. anno ætatis minabantur aliqua procuratione declinare? si declinare quidem potuit, non declinauit tamen, casus sine dubio Bellantij vaticinium confirmauit potius, quam ars: præfagia porro quæ, vel casu, vel alia sublunari causa vera euaserunt, quàm Astrologicæ disciplinæ faciunt fidem? Renunciariit Bellantius moriturum Mirandulanum 33. ætatis anno. Quid tum? constabat ne illam veram esse Mirandulani genesim? si id certum non erat, nec exploratum, quod infra capite 44. demonstrabimus: quæ confidentia Bellantius, decreuit de supremo Mirandulani anno? Denique cum recipiant Astrologi directiones, quæ diræ maxime sunt;



sunt; interdum nihil inferre detrimenti, contra verò minus ominosas interficere, quod bene longa inductione probauit Sixtus ab Hemminga libro Astrologiæ refutata Genit. 4. & nos ostendemus infra cap. 46. qui potuit Bellanius ex arte asserere Mirandulanum non excessurum 33. annum?

Atque hæc de Mirandulano, venio ad Pauli Tertij genituram quam à Paride Ceresario perperam explicatam fuisse probat Sixtus ab Hemminga certissimis Astrologiæ decretis. Primum enim quod Ceresarius, ait, anno 1521. ætatis Farnesij 54. labente non fuisse Astra rite disposita, alienum est ab Astrologia; eo enim anno videre est, in genitura Farnesij à Ceresario erecta Directionem Medij cœli ad sextilem Veneris, gr. 29. min. 2. Capricorni, mense Septembri: Reuolutionem Medij cœli ad sextilem Veneris grad. 29. min. 2. Tauri, Mense Octobri, quo excessit Leo X. Reuolutionem Solis ad cor Leonis, & sextilem Iouis. Reuolutionem Lunæ ad Trigonum Iouis grad. 21. min. 46. Libræ, Mense Aprilis. Successit autem Adrianus Sextus Leoni X. in Pontificatu die 9. Ianuarij anno 1522. quo tempore Sol erat in fine Capricorni. Neque Mars, aut Saturnus foelicissimis his Farnesij stellis officiebant vlla ex parte; X Astrologicis, itaque rationibus foelicissima quæque potuit Ceresarius Farnesio polliceri. Directio enim Medij cœli in honorum, & bonorum fortunæ negotio præcipuas semper partes habuit. Aliud sine dubio Genethliacus spectauit, quam astra: vidit nimirum alios Cardinales Transensam, Campegium, Borbonum, Medicum, qui postea Adriano successit, Farnesio longo intervallo antecedere, ideo negauit Astra tunc esse disposita.

Nec minus ab Astrologica arte alienum est, quod secundo loco asseruit Ceresarius, benigniora futura Farnesio Astra anno 1534. ætatis 66. ex Directione Solis ad trigonum Mercurij; nam contra omnium Astrologorum placita Mercurium facit honorum auctorem. Deinde eodem anno in genitura Farnesij Sol directione peruenit ad Iouem.

Nullaq. facta huius directionis mentione Mercurium prætulit Ioui, trigonum Mercurij pluri fecit, quam Iouem ipsum, contra omnia Astrologica decreta. Lapsus fuerit, dicit aliquis Ceresarius, hic tamen videmus directionem Solis ad Iouem contulisse Farnesio Summum Pontificatum. Nihil tale videmus, nam huiusmodi corporum cœlestium defluxus, id est directiones Medij cœli, Solis, & Lunæ ad corpora, siue ad radios, beneficorum frequentissimæ sunt in singulis genituris sine vlllo effectu. Ab electione Clementis VII. vsque ad obitum Pauli Tertij viginti & quinque, & eo amplius anni effluerunt, quot directiones per id tempus in Cardinalium genituris inanes dilapsæ sunt? Cur Soli Farnesio eam dignitatem contulerunt? Qua nota inter noscitur foelix illa directio, quæ tantam præstat dignitatem, ab ijs quas sine effectu præteruolant? Constitutum igitur sit Ceresarij prælagium non fuisse Astrologicum.

Sed neque eorum prædictio ex arte fuit, qui Petro Aloysio Placentiæ Ducis necem anno 1547. die 10. Septembris, ætatis anno quadragesimoquarto ominari sunt. Nam Lucas Gauricus primæ auctoritatis Astrologus diligenter eius genesi inspecta statuit, non tam cœlestes Orbes, quam eius peccata, tam miserandi interitus causam fuisse. & Sixtus ab Hemminga libro Astrologiæ refutata Genitura 9. luce clarius ostendit die 10. Septembris anni 1547. nihil ominino fuisse in Petri Aloysij genitura ominosum: sed si quam Directiones, si quæ Reuolutiones vim habent, timendum illi fuisse in fine Martij, quando Sol in eius genesi ad oppositum Saturni peruenit, & reuolutione eiusdem corpus attigerat die 21. 22. 23. cū Mars eodem tempore transisset 7. gradū Geminorum oppositum Solis, & Luna 12. 13. 14. eiusdem Mensis peruenisset ad corpus Martis. Quare cum tam dira conspiratio syderū nihil Petro Aloysio intulerit incommodi, sed die 10. Septembris sublatu fuerit integris Astris, non Astrologiam eos secutos oportet, qui à die 10. Septembris illi cauendum dixerunt, sed ali-

Q 3 quid



quid de inita coniuratione, & Placentinorum consilio de Petro Aloysio interficiendo cognouisse.


Alexandri Medices genitura tam aliena fuit à morte, quam illi Astrologi præsignificauerunt, vt necesse fuerit Gaunico detrudere ex hora natiuitatis minuta 4. secund. 20. vt tempus ortus congrueret cum eo genere mortis. Quod vitium frequens est apud Astrologos: ex euentis enim rectificant tempus natiuitatis, & rursus ex hora natali, pendenda nugatione, de euentis decernunt. Huiusmodi nos genituras admiramur, huiusmodi illi genituris Astrologiam confirmant: spectata Alexandri genescleari nominis Astrologus, de eo anno, quo mortuus est, loquens, omnia, inquit, videbantur salua, Directiones, & Reuolutiones innoxie; nam horoscopi ad quadratum Martis iam præterierat. Ingressus anni, & transitus Planetarum tollerabilis, nulla luminarium ominosa Eclipsis, Tempus mortis carebat omni suspitione.

Denique Caroli Quinti, Ferdinandi Imperatoris, Henrici Secundi, Francisci Secundi, Caroli Noni Galliarum Regum, Henrici Octauo, Edoardi Sexti Regum Angliæ genituras alienissimis interpretationibus ab Astrologis deprauatas fuisse, & aduersus omnes Astrologiæ tabulas, declaratas ab Astrologis leges apud Sixtum ab Hemminga,

lib. Astrologiæ refutata: Cos.

mi Medices Florentinorum Ducis genesim omnium Astrologorum

lite-  
ris illustratam, Cardanus libro centum geniturarum, ingenue fatetur cum eius rebus gestis non congruere.



## CAPVT XXXVIII.

*Prima ratio, ob quam Astrologi verum aliquando denunciant.*



VA MVIS nihil possem disputare quamobrem obnunciationes Astrologorum veræ aliquando euadant, & tantummodo docerem eas non esse ex Astrologiæ præscripto, nullaque huiusmodi prognostica huic disciplinæ facere fidem, quemadmodum neque augurijs, neque sortibus, neque Cabalæ conciliant tales prædictiones ullam auctoritatem, abunde sine dubio satisfecissem ijs, qui re, & euentis quotidie hanc artem confirmari contendunt: verum ne summo Dialecticorum iure secum agi Astrologi ægrè ferant, non grauabor causas aliquas exponere, ob quas euenit vt nonnunquam à veritate non omnino aberrant.

Principio casu, & fortuna id euenire censent grauissimi viri, & cum tam multa quotidie fundant prognostica, negant mirum esse aliquid aliquando perinde ac prædictum est, euenire. sed mirandum potius esset, inquit, si in tanta prædictionum multitudine, & varietate nulla euaderent vera. Quis enim est (inquit Tullius) qui totum diem iaculans non aliquando collimet? Quid est tam incertum, quam talorum iactus? tamen nemo est, quin sæpe iactans, Venereum aliquando iaciat, nonnunquam etiam iterum, & tertio. Aspersa temerè pigmenta in tabula oris lineamenta effingere possunt; Suem rostro A, literam imprimere quid prohibet? Tradidit Carneades in Chiorum lapicidinis saxo defosso caput extitisse Panisci. nulla est tam delira anus, quæ aliquid interdum non diuinet. quid miramur igitur Genethliacos aliquid



aliquid diuinare? Et quidem nobis conuenit cum Astrologis aliqua, quæ prædicuntur, euenire; multo plurima longè aliter contingere, quàm Genethliaci prædixerunt: quare cum aliqua vera, multo plura falsa sint Astrologorum responsa, nonne ipsa varietas, & inconstantia, quæ est propria fortunæ, & casus, declarat fortunam, & casum, non artem causam esse, cur Astrologi verum aliquid fundant? quod si in alijs rebus multo plura, & magis mirabilia, quàm in Genethliaca casu effici videmus, cur is inter prædictiones quoque Astrologicas locum non habeat? Sumentis C. Stauo virilem togam cum tunica lati clauu resuta ab veraque parte ad eius pedes decidisset, exclamauit suor futurum aliquando, ut is ordo, cuius illud insigne esset, ei subiretetur; diuinasse suorẽm dicemus, an fortè fortuna eius verba vera fuisse? Thrasyllus, qui Tiberio affirmavit ea nauis, quam appellere videbant, literas vehi læta, & foelicia nuntiantes, artene, an casu vsus est?

At non potest casu fieri, inquit, quod omnes in se habet numeros veritatis. Aspersa, ait Q. Frater apud Tullium libro 1. de diuinat. temere pigmenta in tabula, oris lineamenta affingere possunt, num etiam Veneris Cnidiz, Cozq. pulchritudinem effingi posse adspersione fortuita putas? Sus rostro si humi A, litteram imprefferit, num propterea suspicari poteris, Andromacham Ennij ab ea posse describi? Pingebar Carneades, in Chiorum lapicidinis saxo sessosso caput extitisse Panisci: Credo, aliquam nondissimilem figuram, sed certè non talem, ut eam factam à Scopis diceres: sic enim se profectò res habet, ut nunquam perfectè veritatem casus imitetur. Enimuerò hoc ipsum declarat fortuitam esse Astrologiarum prædictionũ veritatem: quemadmodum enim sus vnã, aut alteram litteram humi imprimere potest, Virgilij Æneadem describere non potest, & aliqua oris lineamenta casu fieri nihil prohibet, Veneris tamen pulchritudinem casus nequit exprimere, ita Genethliaci vnum, aut alterum euentum diuinare, omnia quæ in vita eueniunt,


assequuntur nunquam. Ex quadraginta rebus, inquit Cardanus lib. de Iudicijs geniturarum, cap. 6. vix eueniunt decem. Legantur centum genituræ Cardani, quæ consistunt sunt, & aptè excogitatae ad eorum vitam, & mores, quorum res gestæ iam perspectæ erant, tam paucos tamen continent euentus, ut si conferantur cum infinita rerum multitudine, quas viri clarissimi in vita gesserunt, sus aliquam litteram humi impreffisse videatur: ipsimet Astrologi nihil in suis libris inculcant frequentius, quàm non posse omnes vitæ actiones ex Astris prædicere, nec eas quæ prædicuntur certa, sed probabili quadam coniectura prædicere. Aut ergo omnia quæ fiunt, quæque futura sunt, ex omni æternitate definita esse, fataliter constitutum est, quo nihil potest esse magis alienum; aut recipiendum (quod res est) Astrologicas præfensiones non habere perfectam, & omnibus numeris absolutam veritatem, sed fortuitam, incertam, opinabilem, ex qua nulla planè huic disciplinæ accedat auctoritas.

Afsidebat, inquit Gellius lib. 7. noctium Atticarum, cap. 1. P. Scipio Africanus, oppugnabatque oppidum Hispaniæ, sicu manibusque, ac defensoribus validum, & munitum, re etiam cibaria copiosum, nulla eius potiundi spes erat; & quodam die, ius in castris sedens dicebat, atque ex eo loco id oppidum procul videbatur, cum è militibus, qui in iure apud eum stabant, interrogauit quispiam ex more, in quem diem, locumque vadimonium promitti iuberet, & Scipio manum ad ipsam oppidi, quod oppugnabatur, arcem protendens Perendie inquit, se se fiant illo in loco, atque ita factum est, die tertio, in quem vadarii iusserat, oppidum captum est, eodem die in arce eius ius dixit. Hæc ille. Num Scipionem diuinatione vsus existimamus? Nihil minùs, id casu contigisse dicimus libentiùs; nec huiusmodi vaticinium aut vatis illi adiunxit auctoritatem, aut inter Vates illum reposuit; & Astrologo satis est, semel vera præsentire, ut inter Vates numeretur? Sanè, cum mendaci homini ne verum quidem dicenti

Q 4 crede-



credere soleamus, cur Genethliacis quotidie mentientibus adhuc habeatur fides?



## CAPVT XXXIX.

*Altera causa, ob quam Genethliaci aliquando diuinant.*



ON solùm casus, sed etiam Astrologorum vtrum ingenium, qui ita Genethliacas prædictiones componere consueverunt, ut quodcunque eueniret, prædictum videatur, efficere solet, ut Genethliaci vera præfagire non raro putentur.

Primum quidem generatim, & indefinite Astrologi enunciare consueverunt quæcunque denunciant è cælo. Quare Ptolemæus in Centiloquio num. 1. Fieri, inquit, nequit, ut qui sciens est, particulares rerum formas pronunciet, sicut nec sensus particularem, sed generalem quandam suscipit sensibilis rei formam: oportet tractantem hæc, rerum coniectura uti, &c. Et Cardanus sect. 1. Aphorism. 3. cum artes, quæ proprijs subiectis inhaerent, nihil certi polliceri de futuris possint, Astrologus nunquam absolutè quidquam de futuris pronunciare debet. Generalia verò cum trahi in varia possint, nihil mirum est Genethliacos vera denunciare interdum. Sumam exemplum ex Cardani genitura, quam ponit libro centum geniturarum, numero 83. & est Herculis Ferrariæ Ducis. Hæc genitura, inquit, est Principis viuentis, & cum habeat Iouem in Veneris opposito, significat abundantem luxum, sceleritatemque, Sol cum Mercurio in Ariete discurrendi per singula rationem bonam, Mars, & Saturnus in Sextili Iouis potent; Saturno cadente aliqua decernit pericula ex occultis insidijs, ipsumque ad aliqua peragenda disponunt, quæ non adeò

quandoque à cæteris probentur.

Rursus genitura 85. Vitam habebit laboribus plenam, nam maximi superiores sunt in cæli medio, & retrogradi, &c.

Item genitura 50. Luna Veneri iuncta in Cancro, inquit, & caput in prima, fortem decernunt vitam, amplamque fortunam, &c. Lib. de Iudicijs, cap. 6. Quia Mercurius, inquit, & Iupiter in genitura sunt significantes substantiæ, & Promissor est Venus, & hi tres sunt in trino ac sextili, hoc anno aliquid inchoabo, quod erit causa lucri non mediocris.

Et cui hæc non possunt accommodari? aut in quem non cadunt, quæ adeò indefinite dicuntur? Eodem altu, & fraude sæpe denunciant imminere periculum aliquod, & siue offendamus ambulantes per urbem, siue calce petamur ab equo, siue sella decadat in cubiculo, siue aliud quodcunque contingat, id demum esse cõtendunt, quod prædictum erat. Pollicentur alias dignitates, & honores, cui prædictioni incredibile est quàm multis euentis conciliant fidem, siue quis ab amicis honorarius arbiter in causa aliqua constituatur, siue sacris initiatur, siue doneatur laurea doctoratus, siue à Principe honorificè excipiat, siue vrbi, aut oppido præficiatur, siue in Principis aulam asciscatur, siue alia quacunque ratione splendoris aliquid, & dignitatis consequatur, insolenter iactant id esse à se multò ante præuisum.

Quare quod Cardanus ait genitura trigesima prima, stellas decernere Hieronymo Morono gratiam apud Principes, potestatemque maximam, quandoque etiam supremam, quàm multis modis verum esse poruit? Quod Philippo Archinto genitura 32. canit, cum Sol ad Lunæ quadratum perueniret, merito honore decorabitur, quot habere potuit veritates.

Cauere præterea solent tam calide suis prædictis, & tam multa ad ea requirere, ut mirâ quadam arte ab Astrologia planè diuersa, vera denuncient. Nam cum omnia fermè, quæ mundo toto sũt naturali quadam colligatione copulata sint; ut, Inuenies thesaurum, nimirum si terram effoderis, nisi æger fueris, si per Prin-



Principem licuerit, si veneris ad eam-  
 atatem, qua Astra thesaurum pollicen-  
 tur, si id non prohibuerit violentus ali-  
 quis casus, deinde reliqua. Item susci-  
 pias liberos, si duxeris uxorem, si uxor  
 fuerit fecunda, si tandem vixeris, uno  
 verbo ita muniunt suas prae-dictiones, &  
 in ea se abdunt penetrata, quibus non-  
 nisi vera responsa prodire possunt. Nam  
 si ea omnia, quae requirunt ad sua prae-  
 dicta, confertè, contextèque, conueniant  
 ad rem efficiendam, non potest id, quod  
 denunciatum fuit, non euenire: si ali-  
 quid desit ex ijs, quae Astrologus exige-  
 bat, verè adhuc eius est enuntiatio, quae  
 rem antecedentibus omnibus causis, &  
 re nulla impediende dixit esse futuram.  
 Praedicte exempli gratia Astrologus, Cò-  
 ualesces è morbo, ita accipiendū aiunt,  
 si adhibueris Medicum gnauum, solertè,  
 peritum, si Medico obtemperaueris, si  
 pharmaca non fuerint vitata, si alius  
 non intercesserit grauis error. Siue ita-  
 que conualesces, siue non, Astrologus  
 vera vidit: si enim non sequitur sanitas,  
 aliquid desuit ex ijs, quae necessaria  
 erant ad valetudinem: Si conualueris,  
 rectè Astrologus varicinatus fuit, qui sa-  
 nitatem pollicebatur. O praeclaras prae-  
 dictiones! o admirabilem disciplinam!  
 Quorsum tot Astrolabia, tot Quadran-  
 tes, tot Tabulae, tot Alfridaria, tot Absi-  
 des? Quilibet è vulgo certò, & indubi-  
 tatè salutem polliceri potest, sine vlla  
 Astrorum scientia: si enim nihil eorum  
 desit, quae ad sanitatem conducunt, sine  
 dubio sequitur salus.

Quo loco longè, latèque splendescit  
 Astrologorum inconstàtia. quando enim  
 eis ostendimus, nihil posse certò ex astris  
 cognosci, propterea quòd ea, quae sunt,  
 non solis astris agentibus sunt, sed con-  
 currentibus etiam sublunaribus cau-  
 sis, quas Astrologi nec obseruant, nec  
 obseruare possunt, responderunt ab  
 astris moueri, & aptari reliquas causas  
 ad id efficiendum, quod astra porten-  
 dunt. Nunc quoniam re, & euentis eo-  
 rum prae-dicta quotidie refelli luce palà  
 ostendimus, à proximis, & coniunctis cau-  
 sis, aiunt, astra prohiberi, ne id praesent,  
 quod Astrologus pollicebatur. Egre-

giàm sanè disciplinam!

Quid dicam de verborum inuolueris,  
 & inaccessis latebris? ita interdum lo-  
 quuntur, ut Chaldaeos ipsos, aut Aegyptios  
 loqui putes. hinc creberrima Arabica-  
 rum vocum vsurpatio, *Allilago, Almugea,*  
*Rabus* hinc flexiloquae orationes: illae,  
 quae in omnem partem trahi possunt:  
 hinc obscura, & caeca prae-dicta, & quae  
 nullo Astrorum tanto splendore illustra-  
 ri possunt, ut intelligantur; hinc ambiguè  
 prae-dictiones, & quae ad Dialecticos re-  
 ferendae sint pro explicatione; hinc ver-  
 borum tricae inexplicabiles, & æquiuo-  
 cationes qualibus ne Demones quidem  
 in Gentilium oraculis vsi sunt. C. Caligu-  
 lam monuit Astrologus, ut à Cassio ca-  
 ueret: qua de causa Cassium Longinum  
 Asiae tunc Proconsulem virum in Repu-  
 blica per id tempus longè clarissimum,  
 è medio tolli imperauit, sed à Cherea  
 Tribuno, qui alio nomine Cassius nun-  
 cupabatur, occisus fuit. Ioanni Manar-  
 do Ferrariensi Medico praedixerat Astro-  
 logus non ignobilis, in fouea periturum,  
 exinde Medicus cauere omnes foueas,  
 supersticiosè obseruare scrobes, quoad  
 ducta vxore, immodico coitu extinctus  
 fuit, in quem Paulus Iouius non insulsè  
 lussit:

*In fouea qui se periturum dixit haruspex,*

*Vates verus erat, coniugis illa fuit.*

Quid opus est circuitu, & anfractu ver-  
 borum? quid ambiguis prae-dictis, si è  
 stellis prauident, quae imminet? cur  
 non apertè denunciant quae clarè intuen-  
 tur? aut quòd pertinent tot obscuritates,  
 & anigmata verborum? quauè mente  
 denunciant ea, quae intelligi non possunt,  
 nisi euentu sequuto? Nonne perspicuum  
 est, nihil eos habere certi, & constitu-  
 ti? idcirco ea querere verborum inuo-  
 lucra, quae aptari possunt, quibuscun-  
 que euentis.

Sapienter sanè Phauorinus apud Gel-  
 lium libro decimoquarto, capite primo  
 extremo nos monet, ut caueamus, nè  
 qua nobis isti sycophantae ad faciendam  
 fidem irrepant, quòd videntur quaedam  
 interdum vera effutire, aut spargere:  
 non enim comprehensa, inquit, neque  
 descripta, neque percepta dicunt, sed  
 lubri-





lubrica, atque ambagiosa coniectatione nitentes, inter falsa, atque vera pedentim, quasi per tenebras ingredientes eunt, & aut multa tentando incidunt repentè imprudentes in veritatem; aut ipsorum, qui eos consulunt, multa credulitate ducente, perueniunt callidè ad ea, quæ vera sunt, & idcirco videntur in præteritis rebus, quàm futuris veritatem faciliùs imitari; ista tamen omnia, quæ aut temerè, aut astutè vera dicunt, præ cæteris, inquit, quæ mentiuntur, pars ea non sit millesima, &c.

His fallacijs Genethliaci confidunt magis, quàm Astris, atque hæc sunt triangula, & tripodes, quibus eorum vaticinia insistant. Hinc Lucas Gauricus in genitura Alexandri Cardinalis Farnesij viri clarissimi. Venus, inquit, in suo domicilio Solem recipiens, sub nono cœli templo, Luna Mercurium, & summum cœli apicem hexagona radiatione fuscipiens: Item Mercurius, & Iuppiter summum cœli cardinem circundantes: Et Auus eius Paulus Tertius Pontifex Maximus contribuerunt Alexandro Farnesio Cardinalis dignitatem, cum prouentibus affluentissimis. Mercurio, Veneri, Ioui, Paulum Tertium Pontificem addit, non quod

solus Pontifex hæc omnia præstare non potuerit  
nausentibus Astris.

Sed ut arcanum  
aliquid ef-  
fari vi-  
de-

retur Mercurium in socie-  
tatem, communio-  
nemque Pon-  
tificis vo-  
cauit.



## CAPVT XL.

*Multa Astrologos diuinare ex  
prudentia, & usu rerum,  
quàm ex arte Astro-  
logica.*

**N**ON pauca diuinant, qui Astrologi habentur, ingenij acumine, & peritia rerum humanarum potiùs, quàm Astro- rum admonitu. Qui enim ingenio valent, & prudentia, perspectis cuiusque temperamento, corporis habitu, & constitutione, ingenio, consilijs, opibus, studio, animique propensione, instituto, vitæ genere, consuetudine, familia, domo, patria, maioribus parentibus, vxore, liberis, dignitate, munere, potestate, cæterisque huius generis, sagaci quadam solertia, & rerum usu multa prævident futura, quæ rude vulgus ex Astris deduci magno errore existimat. quid enim est faciliùs, quàm grassatori prædicere violentam mortem? furi prælagire suspendium? aleatori vap- pæ, nebuloni rei domesticæ euerisionem, auaro, & qui argento post omnia ponit, canere Horatianum illud:

*Non vxor saluum te vult, non filius  
omnes,*

*Vicini oderunt, noti, pueri, atque puella.  
Miraris, cum tu argento post omnia ponas:  
Si nemo præstet, quem non merearis, amo-  
rem?*

*Vuidius quidam (inquit Horatius) non  
longa est fabula, diues.*

*Vt metiretur nummos, ita sordibus, ut se  
Non unquam seruo, melius vestires. Ad  
vsque*

*Supremum tempus, nec se penuria victus  
Opprimeret, metuebat; at hunc liberta  
securi*

*Diuisit medium.*

*An Astris opus fuisset, ut huic quisquam  
necem*



necem comminaretur? ex pecunia, quam congestam habebat, nonne satis coniecturæ sumi poterat multorum illum insidijs expositum esse?

Quid Virgilium? ex Astrisne, an ex proximis, coniunctisque causis, ex genere vitæ, ex negotiorum natura deduxit ea, quæ libro secundo Georgicorum scribit?

*O fortunatos nimium, sua si bona norint,  
Agricolæ, quibus ipsa, procul discordibus  
armis,*

*Fundit humo facilem victum iustissima  
tellus,*

*Si non ingentem feribus domus alta su-  
perbis*

*Mane salutantum totis vomit adibus un-  
dam,*

*Nec varios inhians pulchra refudine po-  
stes.*

*Illusaq; auro vestes, Epyreiaq; ara:  
Alba, nec Assyrio fucatur lana veneno,*

*Nec casia liquidi corrumpitur usus oliui:  
At secura quies & nescia fallere vita,*

*Dines eum variatum; at laetis otia fun-  
dis.*


*Spelunca, viniq; lacus; at frigida Tempe,  
Mugitusq; bouum mollesq; sub arbore somni*

*Non aofunt: illis salus ac lustra ferarū,  
Et patiens operum, paruoque assueta iu-  
uentus,*

*Sacra Deum, sanctique Patres: extrema  
per illos*

*Iustitia excedens terris vestigia fecit, &c.*

Hæc spectant, qui vera præagere solent, & ex his coniecturam faciunt, non ex Astris, ut perspicuum iam sit, sublato casu, sublata fraude, sublata coniectura, quæ ex consuetudine, & usu rerum defumatur, mendaces omnes Astrologorum prædicationes esse, & Astrologiam, qua Astrologia est, & ab alijs coniecturis destituta, nihil fundere, nisi mendacia. Quare aut omittant iam Astrologi sua prædicta euentis confirmata nobis obijcere, aut ostendant, quæ vera Astrologi prædicunt, non aliunde vim, & veritatem habere, quam ab Astrologia; alioquin negabimus Astrologiam nisi certis experimentis.



## CAPVT XLI.

*Leuitate consulentium vera prædicere Astrologi putantur.*





Ec nimia consulentium credulitas, & leuitas in credendo iuuat parum Astrologorum prædictiones. Hæc in bello (inquit Tullius libro secundo de Diuinatione, de prodigijs loquens) plura, & maiora videntur timentibus, eadem non tam animaduertuntur in pace: accedit illud etiam, quod in metu, & periculo, cum creduntur facilius, tum finguntur impunius. Tunc enim maxime Genethliacos consulere solemus, quando vel periculi aliquid imminet, vel quando magna aliqua spe erecti ingens aliquod bonum anxie expectamus. inter hos animorum fluctus, & agitationes, nimium quantum fidei tribuimus rebus etiam fictis: quemadmodum enim ebrijs, & mente motis etiam quæ stant moueri videntur: ita ij, qui timore, aut spe vehementi agitantur, falsa pro veris crebro admittunt. Huc accedit, quod Genethliaci, mali, bonique opiniones accendere solent: pollicentur enim aliquando opes, dignitates, ampla matrimonia, Principum gratiam, cæteraque huius generis; aliquando comminantur egestatem, exilia, carceres, morbos, mortem, similesque calamitates, opinione porro boni, aut mali imminenti, duo existunt animi motus, spes, & metus, quibus impellimur sæpè ad suscipiendum negotium, quod Astrologus prosperè, sciliciterq; cessurum pollicitus est. magna adhibita cura, ac diligentia, si res ex animi sententia eueniat, Astris tribuitur, quod studio, ac solertia debetur. Multi nanque, quinè cogitassent quidem de Principis aula, excitati Astrologorum amplius, certisque pollicitationibus, se Principis dant seruitio; eaque, quam conce-



conceperunt, maximarum rerum spe-  
diū, noctuque stimulant animū, tan-  
tum adhibent curæ, laboris, vigilia-  
rum, munerum, officiorum, obsequij,  
industriæ, ita omnes neruos, omnes co-  
gitationes intendunt in procuranda Prin-  
cipis gratia, in assequenda dignitate,  
aliqua, vt labori aliquis tandem respon-  
deat fructus. Et tu huiusmodi euentum  
ab Astris deduci potius, quàm à muneribus,  
ab officijs, à studio, quibus hi operā  
suam Principi probarūt, existimas? Rur-  
sus prædicunt alicui magnas opes ex  
mercatura, accedunt sine dubio vehe-  
mentem quæstus cupiditatem, quæ per-  
meat in venas, hæret in medullis, altè  
in visceribus infidet. Ardet ille merca-  
turæ desiderio, curas omnes, & cona-  
tus dirigit in mercimonium; quid multa?  
tradit se totum mercaturæ, non parcat la-  
bori, non somno, non sanitati, non vi-  
tæ, omnes quæstus rationes init; perue-  
nit ad amplas opes, parat diuitias; di-  
uinavit Astrologus: diuinavit quidem,  
sed non è cælo.

Contra verò denunciant alicui infau-  
stam aulam, mercaturam, literarum  
studium, eumque à negotio, ab aula,  
à literis absterrent. Ille viuit inglorius,  
inops, rudis literarum. Conclamata res  
est. Genethliacus multò ante diuinavit.  
Egregium planè vaticinium, & in quo  
magnam vim habent Astra. Sic P. Ni-  
gidij vaticinium Octauium Augu-  
stum, Thrasylli Tiberium erige-  
re potuit ad spem Impe-  
rij, qui ad illud po-  
stea non syde-  
rum ductu,  
sed pro-  
prio  
consilio, & indu-  
stria peruene-  
runt.

†



## CAPVT XLII.

*Auctore demone interdum Ge-  
nethliacos diuinare.*



**M**AGNA Genethliacis cum  
humani generis hoste in-  
tercedere solet consuetu-  
do, eoque vruntur sæpè fa-  
miliariter, quo Auctor  
mira quædam, & quæ humanam supe-  
rant coniecturam prælagire nonnunquā  
consueuerunt. His omnibus considera-  
tis (inquit Sanctus Augustinus libro 5.  
de Ciuitate, capite septimo extremo)  
non immeritò creditur, cum Astrologi  
mirabiliter multa vera respondent, oc-  
culto instinctu fieri spirituum non bo-  
norum, quorum cura est has falsas opi-  
niones de astralibus fati inferere huma-  
nis mentibus, atque firmare, non horo-  
scopi notati, & inspecti aliqua arte,  
quæ nulla est.


Rursus libro secundo de doctrina  
Christiana, capite vigesimosecundo, &  
vigesimotertio. Quare istæ quæque opi-  
niones, quibusdam rerum signis humana  
præsumptione institutis ad eadem illa,  
quasi quædam cum dæmonibus pacta,  
& conuenta referenda sunt; hinc enim  
fit, vt occulto quodam iudicio Diuino  
cupidi malarum rerum, homines tra-  
dantur illudendi, & decipiendi pro me-  
ritis voluntatum suarum, illudentibus  
eos, atque decipientibus præuaricatori-  
bus Angelis, quibus ista pars mundi in-  
fima secundum pulcherrimum ordinem  
rerum diuinæ prouidentia lege subiecta  
est; quibus illusionibus, & deceptioni-  
bus euenit, vt istis superstitiosis, & per-  
niciosis diuinationum generibus multa  
præterita, & futura dicantur, nec ali-  
ter accidant, quàm dicantur, multaque  
observationibus secundum observatio-  
nes suas eueniunt, quibus implicati cu-  
riosio-



riofiores sunt, & sese magis, magisque inferant multiplicibus laqueis perniciosissimi erroris. Hoc genus fornicationis animæ, salubriter diuina Scriptura non tacuit: Nec ab ea sic deterruit animam, ut propterea negaret talia esse sectanda, quia falsa dicuntur ab eorum professoribus, sed etiam si dixerint vobis, & ita eueniret, ne credatis eis; non enim quia imago Samuelem mortui, Sauli Regi vera pronunciauit, propterea talia sacrilega, quibus imago illa præsentata est, minus execranda sunt; Aut quia in Actibus Apostolorum ventri loqua foemina, verum testimonium perhibuit Apostolis Domini, ideo Paulus Apostolus pepercit illi spiritui, ac non potius foeminam illius demonij correctione, atque exclusionem mundauit. Omnes igitur artes huiusmodi, ex quadam pestifera societate hominum, & demonum, quasi pacta infidelis, & dolose amicitia constituta penitus sunt repudianda, & fugienda Christiano. Hæc ille. Vix autem reperies Genethliacum vllum, qui archissimo necessitudinis vinculo cum dæmone non sit coniunctus; iusto enim Dei iudicio (quod docebat paulò antè S. Augustinus) sit, ut qui perquirunt, quæ humanum caput excedunt, in demonum disciplinam dilabantur; ille enim admiscere se solet magnis ausibus, & conatibus eorum inferere se se, qui aliquid humano fastigio maius moliantur. Et multi quidem secretas demonum amicitias non inscij colunt, multi non quidem explicite, sed tacite cum illis foedus habent, multi fortasse nec animaduertunt demonum operam, qua vtuntur prædicendo, multos nullo inito pacto, sponte sua dæmones iuuant, verasque immitunt furorum præfensiones, ut illis illecti, & irretiti ad venerationem suam, & cultum sensim, pertrahant. Hac ratione vasserimus anguis ante Euangelij lucem, oraculorum superstitionem inuexit, multaque Delphis alijsq. locis prædixit admiratione plenissima, quibus cultum suum & venerationem diu retinuit.

At ego ipse, qui Astrologorum insipientiam coarguo, videar desipere, nisi latelligam profligatam iam eorum cau-

sam; vnicum enim est huius artis firmitamentum præfensiones, quas Genethliaci fundunt à veritate non abhorrentes: At obtinuiamus iam, ea, quæ nonnunquam ita eueniunt, ut prædicta sunt, à Genethliacis, multis alijs causis ita euenire, ut præuisa sunt; fatendum igitur nullis Astrologiam stabiliri fundamentis, sed vagum quoddam esse commentum ab hominibus æriscatoribus quæstus causa excogitatum. Quo recepto iam, & constituto terminalia sine dubio celebrare licebat; Verum ut magis, ac magis Genethliaca vanitas elucescat, non grauabor Astrologicis conclusionibus, certis viuisque exemplis ostendere, nihil Planetarios dicere posse, ex arte, aut de prospera & aduersa fortuna, aut de honoribus, & dignitatibus, aut de vita & morte, aut de summo Pontificatu, quæ præcipue è stellis peti solent.



## CAPVT XXXIV.

*Nihil Astrologos ex natalitijs  
Astris decernere posse de  
cuiusque prospera aut  
aduersa fortuna.*



OT o mundo, inquit Plinius libro primo, cap. 7. & locis omnibus, omnibusque horis, omnium vocibus fortuna sola inuocatur, vna nominatur, vna accusatur, vna agitur rea, vna cogitur, sola laudatur, sola arguitur, & cum conuiuijs colitur; volubilis, à plerisque verò, & cæca etiam existimata, vaga, inconstans, incerta, varia, indignorum faulrix: huic omnia expensa, huic omnia feruntur accepta, & in tota ratione mortalium, sola vtrunque paginam facit, &c.

Et Horatius lib. 1. ode 35.

*O Diua gratum, qua regis Antium  
Præsens vel imo tollere de gradu  
Mortale corpus, vel superbes*

*Vertere*



Vertere funeribus triumphos :  
 Te pauper ambit fellicita prece  
 Ruris colonus : te dominam equoris ,  
 Quicumque Bithyna laeſſit  
 Carpathium pelagus carina .  
 Te Dacus aſper , te proſugi Scythæ ,  
 Vrbesque gentesque , & Latium ferox ,  
 Regumque matres barbarorum , &  
 Purpurei metuunt tyranni :  
 Iniurioſo ne pede proruas  
 Stantem columnam : neu populus frequens  
 Ad arma ceſſantes , ad arma  
 Concitet , imperiumque frangat .  
 Te ſemper anteit ſua neceſſitas ,  
 Clauos trabales , & cuneos manu  
 Geſtans aena : nec ſeruus  
 Vincus abeſt , liquidumque plumbum .  
 Te ſpes , & albo rara fides colit  
 Velata panno : nec comitem abnegat ,  
 Vicunque mutata potentes  
 Veſte domos inimica linguis .  
 At vultus inſidum , & meretrix retro  
 Periura cedit : diffugiunt cadis  
 Cum ſace ſecatis , amici  
 Ferre iugum pariter doloſi , &c.

Hoc quoque ludibrium vagum, volubile, inconstans, cæcum, varium, incertum, ad ratos cœli motus referunt Genethliaci, & quasi virgula quadam diuina è cœlo deducunt; quid tam contrarium rationi, & constantiæ, quàm casus & fortuna? quid magis ratum, ac definitum, quàm Astrorum motus inuolabiles? quis ergo sit adeò à veritate auersus, qui dicat fortuitos euentus ab Astris, hoc est, sempiterna causarum serie pendere, & ea, quæ temere, cæco casu, & volubilitate fortunæ sunt, certas cœlo habere causas, cur rato tempore fiant? hoc verò est quod volunt Mathematici, qui è cœlo de cuiusque prospera aut aduersa fortuna diuinant: Quorum duo præcipua sunt placita. Primum quatuor, aut plures Planetas in suis dignitatibus essentialibus constitutos prosperam spondere fortunam. Secundum, totidem, aut plures in suis deiectionibus positos aduersa omnia indicare. Ad duo hæc principia referunt quæcunque de prospera, aut aduersa fortuna dicuntur, his quasi fortunæ fanis tanquam in Delphico templo supersticiosa oracula concipiunt: ex his duabus speculis vniuersusque viræ cursum, multò antè præiuderi posse contendunt.

Nos contrà infelicitissima duo hæc principia, & multis exposita ludibrijs putamus, eaque certissimis experimentis ex eorummet libris petitis aduersari, tam certò deprehendimus, ut nullis præstigijs eorum veritas retineri possit. Ludouicus siquidem Sfortia, Mediolanensium Dux, natus anno 1452. die 3. Augusti, in genitura habuit Solem in gradu 19. Leonis minut. 20. Iouem in Piscibus, Venerem in Libra, Martem in Ariete, Saturnum in Libra, id est, quinque Planetas in dignitatibus suis essentialibus: Aluit præterea domi Astrologum non infimæ conditionis, ex cuius præscripto omnia egit. In tanta syderum foelicitate infelicitissimus semper vixit, perpetuis duexatus bellis à Ludouico Duodecimo Gallorum Rege: Tandem bello captus fuit, & in vinculis aliquot annis ignominiosè habitus, omnium malorum lernam expertus migravit è vita.

Franciscus Sfortia Ludouici filius natus anno 1595. die tertia Februarij, nullum Planetam, præter Martem, in sua dignitate habuit; quin etiam in eius genitura videmus Solem in suo detrimento in fine Aquarij in domo 12. termino maleficæ, & quadrato Martis, in domo hæreditatis positi, Lunā in quadrato Saturni, tanto verò patri foelicitate præstitit, ut quem ille Ducatum amiserat, hic Caroli V. Imperat. auspicijs receperit, & ad paternam ditionem, & opulentiam reuocatus bonis omnibus affluentem vitam duxerit.

In Ferdinandi Gonzagæ qui natus est anno 1507. die 27. Ianuarij, genesi quinam Planetæ sunt in suis dignitatibus? Solem cernimus in grad. 17. Aquarij minuti. 54. Venerem in Ariete, Saturnum in Leone, Mercurium in Piscibus, quatuor videlicet Planetas in suo detrimento. Vixit tamen ille foelix ut si vllus alius Mantuanus Princeps, domi militiæ clarus, à Carolo V. Roman. Imperat. summo loco habitus, Insubriæ cum summo Imperio præfectus.

Alexan-



Alexander Vitellius Dux militari laude longè clarissimus in secundo, ac prospero rerum omnium cursu, Lunam habuit in sua deiectione in gradu decimono nono Virginis, Iouem in Capricorno, Martem in Libra, Mercurium in Sagittario, quatuor Planetas extra dignitates essentielles.

Adulphus Holsatiz Princeps, natus anno 1527. die 25. Ianuarij, quo tempore quinque Planetæ in suis detrimentis versabantur, quam tandem calamitatem subiit? aut quam est aduersam fortunam expertus?

Ioannes Picus Mirandulanus, malleus ille Astrologorum, Lunam habuit in Tauro, Venerem in Piscibus, Martem in Scorpione, Saturnum in Aquario, nullo prosperæ, aut aduersæ fortunæ notabili euentu.

Michael Angelus Bonarota, pictor, sculptor, architectus nobilissimus, ortus dicitur Sole peregrino in Piscibus, Luna in Capricorno, Venere in Ariete, Saturno in Cancro; de eius aduersa fortuna nullus fando audiuit.


Sixti ab Hemminga Frisij nobilis mater quinque Planetas sortita est in proprijs domicilijs, & quidem omnes, si Venerem excipias in angulis constitutos, ut cernere est in themate à Sixto filio exposito, quæ multorum exercita calumnijs, perpetuis diuexata litibus, multorum appetita insidijs, infelicitissimam duxit vitam.

Marthæus ille Taphurius, cuius supra meminimus, quatuor Planetas in suis dignitatibus essentialibus nactus, sæuentis fortunæ ludibrium fuit.

Atque hæc ita conuellunt Astrologorum de prospera, & aduersa fortuna apotelesmata, quæ retulimus, ut superuacaneum sit alia exempla recensere, hoc ipsum conscientia, quæ in Gaurici, in Cardani, in Sixti, in Iunctini genituris visuntur.

Iam verò si quis neget satis esse ad prosperam fortunam tres, aut plures Planetas in sua exaltatione constitutos, contendatque alia multa requiri, quæ in genituris relatis desiderantur. Is primo quidem arcem ipsam Genethlia-

cam prodit, principia illa, unde omnis de prospera fortuna, hæcenus præsagium desumpta fuit. Deinde si ab his principijs discedamus: cum alia cudad Leouitius, alia Rantzouius, alia Bellantius, alia Cardanus, cum vnus his, contrarijs alius vtatur observationibus. Fateri profectò cogimur, nihil esse certi, unde de secunda, aut aduersa fortuna decerni possit, sed arbitraria esse omnia fortunæ apotelesmata.



## CAPVT XXXIV.

*Non licere Astrologis per accidentia rectificare genituras.*



TA omnes Astrologicas præfensiones à natalitio Themate dependere volunt Mathematici, ut eo vel leuissimè commutato, totius vitæ cursum, omniumque rerum ordinem mutari oporteat. Cum autem difficillimum, sic notare illud temporis momentum, quo ex materno utero infans egressus primò spiritum ducit, varias adinuenerunt rationes ad verum natiuitatis tempus deferentes: æstimatas enim genituras, & à veritate dislapsas ex Hermetis, trutina, vel ex accidentibus restituere solent. Sed prius Cancer recta incedet, quàm Astrologi ad verum natiuitatis tempus perueniant; prius lupus ouem ducet uxorem, quàm Genethliaci lapsam genituram in suum domicilium, laremque reducant. Non posse Planetarios ex loco Lunæ conceptus tempore, deducere natiuitatis horam disputauimus libro tertio, cap. 7. Quare ut aliàs prætereamus artes, quibus Astrologi ad verum horoscopum perueniri contendunt, postremam, quæ ex accidentibus verum natiuitatis Thema conficit exponere agredimur, ut ex vna, quæ omnium certissima putatur, & cui recentiores omnia sua vaticinia committunt, de alijs con-



coniecturam facere liceat. Quoniam vim quandam esse aiunt in Zodiaco, quod supra retulimus, & talē, ut eius Orbis vnaquæque pars aliam, & aliam vim obtineat, qua variè moueat Planetas, & in contrarios deducat effectus; perinde atque stellæ in ijs finitimisque partibus sint quoque tempore, varios a cœlo docent dimanare effectus. Quare cum Planetæ in eam partem orbis incidunt, in qua est ortus eius, cuius fata quæruntur; aut in eam, quæ coniunctum aliquid habet, aut consentiens, quæ triangula, & quadrata nominant, non verisimile solum, sed etiam necessarium censent, eū, qui sub tali horoscopo ortus sit afflari à syderibus ijs, atque immutari. Quare, ut inueniatur verus horoscopus, aiunt tempore alicuius accidentis, putà morbi, casus, periculi, & huiusmodi, obseruandum esse locum Martis, aut Saturni, aut vtriusque. Quod si eorum alter, vel vterque repertus fuerit in eodem gradu, in quo in existimata natiuitate est horoscopus, rite natalem horam notatā fuisse putant; sin autem Saturni, aut Martis, aut vtriusque locus longè distet ab eo gradu, qui censetur horoscopus, nec cum eo coniunctum aliquid habet, falsatam aiunt esse genituram; relictoque priori horoscopo, locum quo tempore accidentis, vel hi Planetæ occupant, vel aliqua radiatione attingunt, pro vero horoscopo habent: quo fit, ut si in existimata genitura gradus vigesimus Virginis censeatur horoscopus, Mars verò tempore mortis non in vigesimo, sed in decimo septimo gradu Virginis reperitur, secundum artem, decimus septimus gradus Virginis statuatur verus horoscopus, & tempus illud, quo decimus septimus gradus Virginis fuit in horoscopo censeatur verum tempus natiuitatis.

Cyprianus Leouitiū hanc restituendi horoscopus, rationem ad omnes Planetas pertinere putat. Dato, inquit, tempore alicuius accidentis, vide in Epemeridibus vtrum eo ipso tempore Planeta, cui significatio talis accidentis cōuenit, transeat gradum horoscopi, aut aliquo aspectu eum irradiet, quod si fiat gradum, & minutum eius Planetæ ve-

rum ascendens natiuitatis esse scias, &c.

Rursus si Planeta, qui effectum quempiam significat, huiusmodi accidentis tempore, non reperiatur quidem in gradu, qui pro horoscopo habetur, sed certo aliquo aspectu eum irradiet, putà ex trigono, quadrato, & huiusmodi, verum in genitura tempus natiuitatis contineri existimant. At si neque aspectu vlllo, neque corpore, ut loquuntur, horoscopus attingit, tempore accidentis falsatam genituram putant, & ex aspectu, vel loco Planetarum, genesim restituendam censent, gradumque illum faciendum horoscopus, ad quem Planeta talis euentus auctor, accidentis tempore, vel corpore, vel aliquo aspectu peruenit. Hæc Genethliaci, qui tanquam ardeliones huc, & illuc volitantes, nunc ab horoscopo ad futuros euentus, nunc ab euentis ad horoscopus progrediuntur: sed nimirum telas texunt aranearum, tricas nent apinas.

Primum cum alij per Aminodar, alij per trutinam Hermetis, alij hoc, alij alio modo restituendum horoscopus, censeant, hæc inconstantia declarat nihil Genethliacos adhuc certi habere quo ad natalem horam perueniatur.

Deinde constat maleficos Planetas sepius transgressos horoscopus, eiusque triangula, & quadrata, consentientibus etiam annorum initijs, sine vlllo omnino effectus; id quod multis exemplis planum facit Sixtus ab Hemminga in genitura Ferdinandi Imperatoris, Federici Saxonum Ducis, Isabellæ Hispaniarum Reginae, Pauli Tertij Pontificis, Petri Aloysij Parmensium Ducis, Alexandri Medices, Mariæ Reginae Angliæ, Elisabethæ Reginae Angliæ, Henrici Octauj Anglorum Regis, Bernardi de Merode, Caroli à Briem. Nobis ex Caroli Quinti Imperatoris genitura per accidētia à Mathematicis restituta, plures maleficorū coitiones cum horoscopo proferre licet, sine vlllo successu. In ea siquidem genitura alij. 6. alij 7. alij 8. alij 11. gradum Capricorni constituunt horoscopus: At Saturnus mense Decembri, anni 1517. mense Ianuario, anni 1518. in eisdem gradibus hæsit nequidquam Carolo Quinto in com-



incommodi patiente. Iterum anno 1547. ab ineunte Ianuario spatio sex mensium, Saturnus per initium Capricorni delatus nullum malignitatis suæ vestigium reliquit, quin is annus præ cæteris Carolo foelix, fortunatusque illuxit, ob insignem memorabilemque victoriam, quam de Principibus Germaniæ reportauit.

Hieronymus Cardanus, qui triginta ipsos annos in sua genitura exponenda laborauit, apud Sixtum ab Hem. horoscopus ponit Aphetam, siue vitæ significatorem, cuius gradum 7. Tauri permeauit Saturnus anno 1528. mense Aprili, anno 1557. mense Maio, & Iunio, anno 1558. mense Februarii, siue vlla Cardani noxa. In genitura Alexandri Medices, quam ex morte, quæ accidit anno 1537. ætatis 24. Mathematici restituerunt. Directio horoscopi ad quadratum Saturni, quæ incidit in annum 1519. Ianuario mense irrita fuit. alia, quæ accidit eodem anno, mense Iulio sine effectu effluxit. In genitura Doconis ab Hemminga Sixtus eius frater enumerat 10. huiusmodi conjunctiones sine effectu vllò.

His si addas, quod Genethliaci proficentur, non omnia, quæ hominibus contingunt, defluere ab Astris, sed multa à liberis proficisci volucribus, multa à sublunariis, & proximis causis: nec vllò discrimine intermisci ea, quæ ab Astris, quæque à sublunariis causis efficiuntur, intelliges nullam Planetarijs potere viam, quæ ex accidentibus in veram natiuitatis horam deferat: constat enim ex ijs, quæ non ab Astris, sed à sublunariis causis proficiscuntur, non licere de vero horoscopo coniecturam facere; sed nulla inter ea, quæ à cælo, & ea, quæ à proximis causis promanant, intercedit nota: nihil ergo certi ex accidentibus statui potest de vero horoscopo. Quæ res ad certum, & ineuitabile exitum omnem vocat Genethliacam, quæ ex incertis Astris de futuris vaticinatur euentis: & ex incertis euentis de veris decernit Astris. Quo enim modo certa ars notari potuit ab euentis, quæ ex stellis mundanos dicat euentis; cum non constet, qui effectus ab Astris, quiue ab alijs causis proueniant? & rursus, qui

potest illa veri esse disciplina, cui perspectus non est stellarum congressus, vnde haurire debet futurorum præsentionem?

Quamquam autem Cyprianus Leouitius in doctrina de Iudicijs natiuitatum scribit quendam, ex directione horoscopi ad Solis sextilem dextrum, lucratum esse Carolinos aureos 20. Et Franciscus cognomento Monachus, magni nominis Astrologus, ex occurſu Medij cœli ad radium benefici Planetæ nouum par calcamentorum ab amico sibi dono datū tradit: Consentunt tamē probati Astrologi, quod videre est apud Card. lib. de temp. & mot. errat. restit. cap. 11. plurimos euentus non pendere à cælo. Nū fortuitos etiam, & repentinos animi impetus in leuissimis rebus, moueri desuper agitarique purabimus? num si fortē ire in forum volueris, ac deinde nolueris, atque id rursus volueris, ex errantium quadam syderum reciprocatione contingere potius existimabimus, quàm ex varia, disparique animi agitatione? studeat nē quis, an otierur, legat, an scribat, se deat, an stet, vigilet, an dormiat, comedat, an bibat, ne Mathematici quidem proficentur se dicere posse. In tanta porro accidentium varietate, quis non videt aleam quandam in ijs deligendis, per quæ verus horoscopus requiratur?

Quid, quod euentus sæpè non consentiunt, sed vnus hunc, alius alium horoscopus postulat? Quod videre est in genitura Caroli Quinti Imperatoris, quæ ad vnguem restituta ex electione ad Imperium, ex coronatione Aquisgranensi, & Bononiensi, cum animaduertetur nobilis quidam Astrologus non congruere cum alijs Caroli euentis; hæc scripta reliquit. Necessariò, inquit, vel hoc ipsum tempus statuendum est, vel aliud ab hoc diuersum; si aliud non conueniet cum electione directio longè præcipua Medij cœli ad trigonum Veneris, nec reuolutio Solis ad Medium cœli. Neque cum coronatione Aquisgranensi reuolutio Medij cœli ad trigonum Veneris, Lunæ ad oppositum Veneris. Neque cum inauguratione Bononiensi directio Medij cœli ad quadratum Iouis, reuolutio ad sexilem Iouis, neque Lu-

R

12



næ reuolutio ad trigonum Iouis, & Medij cœli; sed sine vilo effectu præterijisse videntur. Si statuendum hoc tempus est: occurfus Lunæ ad trigonum Saturni, ac Martis, breuium ascensionum, horoscopi ad eundem trigonum; Lunæ, & horoscopi ad quadratum Saturni, & Martis; horoscopi ad quadratum proprium; Solis ad Saturnum, & Martem, irriti fuerunt; nulla autem numeratarum directionū, aut similis fuit tēpore mortis, &c.

Ex tanta accidentium multitudine, cui potissimum suas Planetarij committunt coniecturas? arripiunt ne quidquid fors, & cæcus casus offert? nulla est ars, nulla disciplina restituēdi horoscopum, sed omnia fortunæ, sortisque patent ludibrijs. Eliguntne certa, & definita accidentia, & ea potissimum, quæ à cœlo sunt, non à proximis, ac coniunctis causis? qua illa nota internoscunt, cum eadem, quæ auctore cœlo contingunt, à proximis causis fieri possint? Vrget hūc ipsum nodum Sixtus ab Hemminga in sua genitura, cap. de rectificatione horoscopi; ex morbis enim, quibus laborauit anno ætatis vigesimo sexto, mens. 10. & anno 33. mens. 10. euidentissimè conficit, non posse vnum horoscopum pluribus accidentibus aptari. Quod si, inquit, ex priori directione statuamus gradum 23. minut. 6. Scōrpij in horoscopo, iam altera directio septem mensibus; & diebus aliquot anticipauit assignatum effectum, & differt verum momentum ab existimato minutis plus minus 7. si verò ex altera ponamus gradum 22. minut. 40. in horoscopo, iam prior directio totidem mensibus, & diebus euentum assignatum subsecuta est, & differt verum momentum ab existimato minutis plus minus 9. si inter duos hos locos medium eligamus gradum 22. minut. 53. iam prior directio euentū subsecuta fuit mensibus ferè 4. alteram totidem mensibus præcessit, &c.


Non faciam longius. Legimus plurimas genituras à Gaurico, à Bellantio, à Iunctino, à Cardano, à Leouicio, ab Astrologis magistris rectificatas per mortem, quas nimirum restituere nequie-runt per accidentia vitæ. Si ex postremo

solum vitæ actu, de vero horoscopo discernere licet, omnia Mathematicorum Apotelesmata conciderunt. nihil enim Astrologi prouidere possunt futurum, ignorato verò ortus tempore, natalem horam non possunt, nisi ex supremo vitæ actu cognoscere: nihil itaque quod futurum sit diuinare possunt. Ea, quæ facta sunt aliqua fortasse interpretatione ad Astrorum compositionem reuocare queunt, de futuris euentis nihil omninò ex arte dicere valent. Quo fit, vt genituræ ex accidentibus rectificatæ, & restitutæ, consistat sint, & euentis callidè aptæ. Cæterum mirum est in tanta fingendi licentia nullam genituram esse, quæ omnia accidentia complectatur; vt vel vnica hæc ratio, huius artis vanitatem efficiat, quod nullus vnquam Astrologorum fuit, qui non dico plurimum, sed vnus hominis genituram fingere potuerit, quæ omnibus, aut certè præcipuis eius accidentibus congrueret. lege genituras, quas Lucas Gauricus, Lucius Bellantius, Cyprianus Leouicius, alijque vulgarunt, si duos, aut tres euentus illis respondent, nimium quantum est. Lege eorum res gestas, quorum genituras Mathematici describunt, vix millesimam partem reperies, reuolutionibus, & directionibus respondere. Ver-te quoquo versus cœlum: versa in omnem partem horoscopum: Finge pro arbitrio natalem horam, nullam inuenies genituram, in qua non sint innumerabiles directiones, & reuolutiones irritæ, & planè inanes, vt constabit ex capite sequenti, & cūmulatè ostendit Sixtus ab Hemminga genitura octaua, nona, decima, vndecima, decimasexta, vigesimasexta, & alijs. Magis nimirum aliena est hominum vi-

ta ab Astrorum cursu,  
quam vt vllis Astrolo-  
gorum fallacijs  
eò reuoca-  
ri pos-  
sit.  
†

CA-





## CAPVT XLV.

*Nihil Astrologos predicere posse  
ex arte de vita, aut morte.*



**M**ALAM metimus messem Astrologicas vanitates; sed quoniam cœpimus, non pigebit me dicere, quanta temeritate de cuiusq; vita, & morte Mathematici decernant. Addā, inquit Sixtus ab Henninga clarissimus Astrologus, in genitura Caroli a Brimeu, insuper argumentum, quod refutari non potest, inspecto themate cœlesti natalitio infantis alicuius, non possunt Astrologi affirmare, aut archē oīa assequi coniectura, vtrum viuatur, necne. Quod si viuatur, vtrum superuicturus sit ad mensem vnum, ad diem vnum, aut horam vnā; multo minus de morbis, de vitæ longitudine, de genere, & qualitate mortis, laudabile iudicium ferent.

Hæc vir in Mathematicis rationibus versatissimus; post diuturnum experimentum, post multorum annorum studium in Genethliaca collocatum, omnibus testata esse voluit.

Et verò cum omnia, quæ de vita, & morte Genethliaci edunt prognostica, ex directionibus Significatorum vitæ, ad Promissores eiusdem ducantur; res autē in vniuersum esse possint significatores vitæ, Sol, Luna, horoscopus, etsi aliqui addunt etiam Sortem, siue partem fortunæ, & Dominum horum locorum, nec ullam certam legem Astrologi habeant, quam sequantur deligendo significatorem, promissoremque vitæ: quis non videt, nec exploratis, nec satis prouisis principiis Mathematicorum prælagia de vita, & morte nutare omnia, & fatiscere? Contingit porrò hæc incertitudo tā in existimatis, quam in veris genituris: in vtriusque enim par est designandi promissores, & significatores difficultas.

Accedit, quod ominosissimæ interdum directiones, & reuolutiones inanes planè, & sine vllō effectu præterlabuntur; interimunt autem minus ominosæ, minusque diuæ: in qua inconstantia nihil potest Planetarius, nisi temerè, & fortuito de vita, & morte dicere. Si enim qui noxius maximè est Astrorum concursus sæpè nihil infert detrimenti; interdum verò miniora, & minus maligna sydera interficiunt, nullus intromocere potest inter lethales, innoxiasque Directiones, & reuolutiones. Ignoratis verò Directionibus, & reuolutionibus, quæ allaturæ sunt mortem, temere, ac cæco casu Planetarios de vitæ exitu vaticinari oportet. Fabulas narramus, an rem ab Astrologis ipsis proditam? Alexander Medices, cuius genesim descripsit Lucas Gauricus, mortuus est anno ætatis vigesimoquarto, & mense 11. initio Ianuarij, cum superasset annum 1. 8. 6. quibus Astrologi magis timendum dicebant, quàm vigesimoquarto, aut vigesimoquinto. Neque est cur causentur maiorem vim Directiones, & reuolutiones habuisse in ætatem prouectiorem, quàm in pueritiam; firmior enim Alexander fuit viribus 24. ætatis anno, quàm primo, aut 6. aut 8. Quod ex Alexandri Medices genitura retulimus, videre est in genitura Henrici Octauī Anglorum Regis, in genitura Henrici Secundi Regis Gallorum, in genitura Ferdinandi Romanorum Imperatoris, alijsque innumeris à Cardano, Gaurico, Leouitio descriptis. Sed non possum silentio præterire, quod Cyprianus Leouitius in quadam genitura scribit, natum illum quarto ætatis anno laborasse interno apostemate, parumque abfuisse à morte, ex Directione horoscopi ad terminum Martis. Eundem anno 13. ex Directione horoscopi ad quadratum sinistrum Saturni amisisse solum aliquot dentes: cum enim quadratus Saturni ominosissimus habeatur ab Astrologis, nec vlla ex parte conferri illi possit terminus Martis; iniquè admodum extremo vitæ periculo comparauit excussione quorundam dentium.

Vltu præterea venit id, quod nè Ma-

R 2 matici



matici quidem inficiari possunt, ut multi sine manifestis causis directionū, & reuolutionum moriantur, ut infinitus sit eorum numerus, qui eo tempore ē viuis excesserunt, quo neque vlla erat, aut reuolutio, aut directio suspecta, neque vllus luminarium ominosus defectus præcesserat, neque anni ingressum maleficorum aspectus macularant.

Plurimi quoque morte violenta extincti fuere, quibus apertē Astra naturalem portendebant; contra verō alij, quibus sydera violentam mortem minabantur, naturalem oppetierunt, ut in tanta, & tā perspicua inconstācia luce clarius sit, nihil certi habere Astrologos, vnde fundant præfagia. Sed res euadet exemplis manifestior.

De Henrico Secundo Gallorum Rege Christianissimo Hieronymus Cardanus, ille Astrorum foelicissimus interpres, illud Astrologiæ prodigium, illud Astrologorum lumen, tale edidit oraculum: Vctor, inquit, à facis quidquam dicere, sed Iupiter in Occidente Regnum decernit, erit certē senectū tantō felicior, quāto etiam plura expertus fuerit, &c.

De eodem Lucas Gauricus, alterum Astrologiæ columen, ita varicinatus est: Inuictissimus, inquit, Gallorum Rex Henricus erit Regum quorūdam Imperator, ante supremos cineres ad rerum culminā perueniet, foelicissimamque, ac viridem senectū, vti colligitur ex Sole, Venere, & Luna horoscopantibus, & potissimum Sole in suo throno partiliter supputato. in ciuitatibus Arieti subiectis maximum fortietur dominium: si forte, superauerit suæ ætatis annos 56. 63. 64. ad annos 69. menses 10. dies 12. facili, ac foelici tramite perduceretur, &c. Papē quā prælārē summi Vates! quantā consensione viridem, foelicemque senectū pollicentur ei, qui anno 40. in ipso flore ætatis extinctus est, eoque genere mortis, quo vix aliud miserum magis cogitari potest.

De Francisco Secundo item Gallorum Rege, & Henrici Secundi filio sic vaticinati sunt. Spes est fore, ut significatio- nes reuolutionum, principalium locorū, ad maleficorum corpora, vel radios, &

ingressum ab anno 1562. vsque ad annū 1571. quā minima mala adducant, &c. O rem dignam, in qua non modō docti, sed etiam agrestes erubescant mortuus enim Franciscus est anno 1560. die 4. Decembris: quā mortem cum Mathematici nō possent vlla maliciā ad Astrologicos calculos reuocare, coacti sunt ad solitum asyllum confugere, dicentes falsatam fuisse genituram. Sisyphi artes: cur enim prius, quā quidquam pronunciarent, non rectificarunt genituram per accidentia, per Hermetis trutinam, per Aminodar, & huiusmodi. Quis credat in genitura tanti Regis prætermisisse Astrologos quidquam, aut artis, aut diligentia, aut studij?

Carolus Nonus Gallorum Rex, qui Francisco fratri in regno successit, natus est anno 1550. die 26. Iulij, hora 10. minuto 30. obiit nihil coelo mali ominante, anno 1574. die 30. Maij, ætatis anno 23. mens. 10. die 4. ex febris acuta, & magna sanguinis effusione, cuius euentum nullam cēlo toto causam Mathematici repererissent, geniturā ex alijs euentis constitutam per supremū vitæ actum conuellere coacti sunt, haud obscure professi, veram genituram haberi non posse, nisi post supremos cineres.

Isabella Vallesia Henrici Secūdi Christianissimi Regis filia, & Francisci, ac Caroli soror, Philippi Regis Catholici coniux clarissima, nata anno 1546. die secunda Aprilis, hora 11. minut. 26. secund. 44. mortua est ex difficultate partus anno 1568. die 7. Octobris, nil tale suspicantibus Mathematicis.

Petrus Aloysius Parmæ, & Placentiæ Dux, diem obiit anno 44. ætatis, 1547. die decima Septembris, repugnantibus Astris, quæ robur corporis, & longam vitā spondebant; quare Lucas Gauricus primæ auctoritatis Astrologus, inspecto natalicio themate, pensitatis directionibus, & reuolutionibus omnibus, in hæc verba prorupit: Non stellæ, sed ipsius Aloysij peccata huius cordis causa fuerunt. Scio post Petri Aloysij necem Hieronymum Cardanum. Aneretis quibusdam, & Aphetis tribuisse Aloysij obitū, nauseantibus cæteris Astrologis scio monitum



nitum Aloysium à Paulo Tertio per literas, vt caueret à 10. die Septembris. Sed hæc nihil ad rem, ex astris nihil illi eo tempore timendum fuisse, fatentur præcipui Astrologorum. Alexandro Medicis, Florentinorum Duci Lucas Gauricus, alijque principes Astrologorum, inspecta genitura, expensis reuolutionibus, & directionibus, timendum censuerunt annum 1. 29. 42. 59. 64. ultra negarunt illum viuere posse: is verò à Laurentio Medices è medio sublatus fuit anno ætatis 25. quem nullus Astrologorū inter fatales enumerarat. Itaque ipsorum Mathematicorum confessione constare potest, Basilium, & alios Genethliacos, qui Alexandro prædixisse dicuntur imminere necem ab affine quopiam corpore gracili, taciturnitate suspensum, moribus infociabili, humanam aliquam coniecturam sequutos fuisse, ex similitudinibus, quæ inter Alexandrum, & Laurentium Medices, à quo interfectus fuit, intercedebant, deductam, non Astrologicas rationes, in quibus vt demonstrat Sixtus ab Hemminga, nihil huiusmodi erat, quod violenta mortē portenderet.

Henricus Octauus Anglorū Rex obiit anno ætatis 55. mens. 7. 1547. ita nihil naturalij Astris de morte significantibus, vt Lucæ Guarico, de horoscopo loco mutando cogitandum fuerit ad tuenda Astrologica decreta. Sed frustra eam suscepit cogitationem; in vita enim Henrici sapius per accidentia reificata fuit eius generis. Alterum ergo fatendum est, aut eam fuisse veram Henrici genituram, sed mortē non respondisse: aut non potuisse Astrologos Henrici genituram reificare per accidentia, quæ multa, & max. mē insignia in viro illo fuerunt, quorum vtrunque Genethliacam artem conuellit.

In Edoardi Anglorū Regis, & Henrici Octauī filij genitura interpretanda centum horas ita posuisse scribit Hieronymus Cardanus, post quod studium sic statuit: Vita debilis omnino erit; nam luminaria infra terram sunt, & Venus, quæ in ascendente est, est infelix, & Saturnus illi succedit, ascendens quoque ex Signis minime vitalibus; Saturnus ta-

men, aut Venus Apheta est. Ascendens ad Saturnum perueniet in annis 23. mē. 9. diebus 22. & tunc animi, & corporis languores patietur. Saturnus quoque ad Martis sextilem in annis 34. mens. 5. dieb. 20. & significat morbum in cute, & febrem leuem. Sed & Lunæ quadratum in annis 55. mens. 3. dieb. 17. post quod tempus diuersis consistabitur morbis; & Mars cum sit Anereta, erit mors cū sanguinis profluio, & seruire maxime. Hæc Cardanus ille, qui lib. 1. de Iudicijs. c. 2. scribit: Nostra sola quantulacunque sedulitate effectum est, vt si ars gloriæ esse non potuerit, tam profligatis eius rebus, salte dedecori non fuerit. Atque pro vna genitura centum coronatos habuerimus, aliasque reiecerimus non minori honorario remunerandas, &c. Hæc Cardanus ille, qui acriter in eos inuehitur, qui hanc artem oscitanter tractant. Atqui omnia, contra, ac prædixerat Ter Maximus Vates, euererunt: Rex enim varijs morbis diuexatus fuit annis maximè salutaribus, & anno 16. ætatis, 1553. 6. Iulij, sine vlla Astrorum significatione, excessit febre tabifica. Quare Cardanus in tam apertis, & tam splendidis deprehensus mendacijs, Epignosticon edidit de longitudine vitæ Edoardi Regis Anglorum, quo palinodiam locantur, excusauitque fatum, quod Aphetas non direxerit. Sed hoc familiare est Astrologis omnia ad Astra reuocare. Egregiam sanè artem, quæ post rerum euenta vaticinatur!

Ferdinandus Romanorum Imperator natus anno 1503. die 10. Martij, hora 9. min. 50. cum multos superasset annos infauos, tandem anno 1564. die 20. Iulij sub integris, & scelicissimis Astris obiit.

Mauricius Saxonum Dux, sub tanta cæli benignitate interijt, vt ne post obitum quidem eius mortis, toto cælo Mathematicis causam comminisci licuerit.

Carolus à Brimeu Frisæ Præfatus mortuus est anno ætatis 47. mens. 11. die 8. octantibus stellis, & nihil aduersi molientibus.

Quid ad hæc Genethliaci? (vt prætermittamus alia innumera, quæ nobis, & quotidianus vsus, & Astrologorum libri

R 3 suppe.




suppeditant.) dicent ne Astrologorum hæc esse errata, non Astrologiæ? Et qui erunt Astrologi, quibus habenda sit fides, si ijs, qui omnium consensione principem locum obtinent, nemo tutò credit? Vbi refidet vera Astrologia, si apud eos non refidet, quos duces, & magistros omnes agnoscunt? Quos audiemus Mathematicos, si eos audire tutò non possumus, quorum ore ipsa Astrologia loquuta putatur?

An Ptolomæi se tuebuntur auctoritate, qui lib. 1. Quadripartiti, Initio scribit, eos etiam, qui singulari diligentia hanc artem tractant, sæpè falli, nò quod Astrologica præcepta non sint certissime fidei, sed propter imbecillitatem humani ingenij, quod magnitudinem artis nò consequitur? Recipimus id quidè libenter. Sed perinde est, siue nulla sit Genethliaca, siue sit supra nostrum captum, & longius ab humano sensu posita. Delphinum patina non capit: quid cæcum speculo? Cur sequimur, quæ consequi non possumus? nostra mediocritate contenti nihil ultra quæramus.

At cur admittimus hæc errata esse Astrologorum? nonne ostendimus multos tunc oppetisse mortem, quando ars ipsa Genethliaca maximam pollicebatur incolumitatem? Geniturae sanè quas nos commemorauimus, illæ sunt, quibus Genethliaci artis suæ veritatem confirmare solent. Illæ sunt, ex quibus iidem multa fuderunt vaticinia; ut nullo modo illis liceat suarum prædictionum laudè retinere, nisi ex arte eas constitutas esse fateantur. Illæ sunt, quæ omni vitio liberæ suspiciendæ propositæ sunt mortalibus. Quod si neque præcipuis Astrologiæ Magistris, qui has genituras euulgarunt adhibes fidem, expende eas diligenter, vide etiam, atque etiam, quæ in re ab arte descuerint; si nihil repereris, quod Astrologicis sanctionibus aduersetur, constitutum sit, ea, quæ commemorauimus, non arguere Astrologorum insciã, aut oscitantiam, sed Astrologiæ vanitatem.

O maximam huius artis labem! subla- tis enim obseruationibus, è quibus de vita, & morte Mathematici diuinant; nihil reliquum est, quo de magisterio, de libe-

ris, de fernis, de honoribus, de diuitijs, de itineribus, de coniugijs vaticinetur?



## CAPVT XLVI.

*Nihil Astrologos de futuris honoribus dicere posse ex Astris.*



VILLA in re magis est Genethliaca prolixa, quam in pollicitatione honorum, & dignitatum; nam alijs Prouinciarum Præfecturas, alijs Regnorum administrationes, alijs Sceptra etiam & Coronas spondet sanè quam confidenter. Quæ de re Claudius Ptolemæus in hæc verba scribit, lib. 4. de Iudicijs, cap. 3. Quæ ad dignitatē pertinent, & hanc beatitudinis partem à luminum statu, & satellitum Astrorum accipimus, obseruantes eorum familiaritates. Nā si in masculinis signis fuerint ambo luminaria, & in angulis, siue alterū horum maximè conditionarium, & stipatum quinque erroribus, erga Solem quidem matutinis, vespertinis verò erga Lunam, Reges erunt qui nascentur. At si satellites Planetæ, vel in angulis ipsi fuerint, vel ad superiorem cœli cardinem configurati, magnam decernunt, ac stabilem potentiam, orbisque Imperium. Hæc ille. Quæ dum explicat Hieronymus Cardanus, non dubitat affirmare talem Astrorum constitutionem, non solū Principibus viris, aut Regis filio, sed rustico etiam cuius, & mendico indubitato Regnum conferre, neque nudum solum quendam præbere accessum ad huiusmodi fastigium, sed perdurabilem, stabilemque potestatem, Regnumque florentissimum. Quale, inquit, est Galliæ, Hispaniæ, Angliæ. Ad- ditque id tam exploratæ esse fidei, ut nihil in libris Ptolomæi de Iudicijs reperitur verius, magisque euentis confirmatum. Recipio, quod tradit Cardanus, nullas obseruationes in libris de Iudicijs contineri, magis fide dignas ijs, quæ ad honores pertinent; sed si has à veritate alienas certissima experimenta ostende- rint



riti, eiurandum illi erit, iniquum illud de Iudicijs opus. Duo porro experimentorum genera vrgent Ptolemæum, Alterum eorum, qui foelicissimis orti Astris nihil consecuti sunt dignitatis, Alterum eorum, quibus nulla honorum insignia natalitia sydera protendebant ad summos tamen dignitatis gradus peruenerunt. Ordiamur à primo. Omnia, quæ Ptolemæus in foelicissimi ortu Regis desiderat, in Francisci Vallesij Henrici Secundi Gallorum Regis filij genitura cernimus, vt vix vllus vnquam Astrologorum fortunatâ magis viderit syderum compositionem: Hic autem, cui tam præclaro cœlum effulsit, vt omnes foelicitatis gradus polliceretur; Hic fortunæ filius, in ipso inuentutis flore anno ætatis 16. & Regni primo, magno Galliz mœrore, ac damno excessit è vitis, vix inter Reges numerandus, si Reges dicuntur, qui populos regunt, & supremi Imperij iura administrant. Conser eius natale schema cum Francisci Vallesij eius aui, cum Henrici Secundi patris, cum Henrici Tertij fratris, Henrici Quarti Gallorum Regum clarissimorum, cum Caroli Quinti, Ferdinandi Secundi, Maximiliani Secundi Imperatorum, cum Philippi Secundi, & Tertij Hispaniarum Regum genituris, videbis nullam ex his, si Ptolemæo habemus fidem, posse cum Francisci genesi comparari. At is, qui omnes nostri aui Principes syderum claritudine antecessit, omnibus foelicitate concessit, quo vix alterum legimus Rege patre ortum, & primogenitum, minori fortuna ad hæreditarium Regnam peruenisse.

Accedit, quoddam cœli compositio sæpè visa fuit, qua verumque luminare in signo masculino, & in cardine aliquo existerunt. Planetis omnibus, aut Solem ab Oriente, aut Lunam ab Occidente stipantibus, & in angulis: nullus tamen per ea tempora, & sub tali cœlo, natus est Rex. Atque ne longè abeamus eodem mense, quo Franciscus Secundus Gallorum Rex venit in lucem ab ingressu Solis in Aquarium, signum masculinum, vsque ad ingressum in Pisces, triginta p̄s diebus Planetæ omnes Orientales fuere Soli, Lunaque interea plura

masculina signa peragrauit, quo tempore multos per Galliam, per Germaniam, per Hispaniam, per Italiam, ortos constat, quorum nullus ad Regiam dignitatem peruenit. Et non dubitat Hieronymus Cardanus scribere, tam exploratæ fidei Ptolemæi esse doctrinam, vt huiusmodi genitura humili etiâ loco natos, & filios, si Deo placet, terræ ad opulentissima Regna indubitato euehat! cui ista arrident, meis non gaudeat.

Contra verò multos vidimus amplissimas dignitates assecutos, quorum genituras clarissimi Mathematicorum descripserunt sine huiusmodi syderum compositione. Franciscus Valeſius Dux Engolismensis vxorem duxit Claudiam Ludouici Duodecimi Gallorum Regis filiam, mortuo Socero sine virili prole rerum potitus est anno 1514. Regisque insignia Rhemis suscepit anno 1515. 25. Ianuarij, in cuius genitura nemo Astrologorum talem Astrorum compositionem finxit, qualem Ptolemæus requirit ad regios honores. Mortuo Henrico Octauo Angliz Rege, Edoardus Sextus eius filius Regni habenas accepit; Hoc breui extincto, Regnum ad Mariam eius sororem deuolutum est. Hac quoque sublata; Elisabetha altera Henrici filia consalutata fuit Regina; In cuius genesi à Cardano, à Leouicio, à Monacho accuratissimè descripta, nullum luminarium, aut est in signis masculinis, aut in angulis, aut stipatur erroribus. Longum esset ire per omnes Regum genituras; sed si quis eas consulere non grauabitur, deprehebat nullam syderum compositionem minus facere ad consecutionem honorum, quam luminaria in angulis constituta, & stipata Planetis in Signis masculinis.

Hæc, & huiusmodi recentiores Astrologi animo reputantes varijs modis Ptolemæi doctrinam vndique diffluentem confirmare conantur.

Placet primùm dignitates significari à luminaribus, præsertim à Sole, & Planetis medietate suorum orbium circumstantibus, aut aspicientibus verumque luminare, præsertim Solem, & à medio cœlo, & Planetis constitutis in medio cœlo.

R 4 Secun-



Secundò, si huiusmodi significatores dignitatum reperiantur in proprio domicilio, exaltatione, aut mutua receptione essentiali, natum consecuturum amplas administrationes, munera publica, magnos honores; si fuerint in triplicitatibus, in terminis, in faciebus, mediocria fore omnia; si fuerint peregrini, in suis deiectionibus, vel detrimentis absque essentiali receptione, exiguas, aut nullas decernere dignitates.

Tertiò, si dignitatum Auctores ex angulis prospectent partum, futuras magnas dignitates; si ex succedentibus, mediocres; si ex octaua domo, & succedente, exiguas, aut nullas; si honorum significatores sint in proprio domicilio, in angulo cum duplici testimonio magnas dignitates designari.

Quartò, si honorum moderatores iuncti sint, aut certè non plus distent, quàm quinque gradibus ante, aut retro à stellis fixis regijs primæ, aut secundæ magnitudinis, & quæ parum ab ecliptica defleunt, decernere magnos honores; huiusmodi stellas esse:

Regulum, siue cor Leonis, in vigesimo tertio ferè gradu Leonis.

Oculum Tauri in tertio ferè gradu Geminorum.

Herculeum in decimosextimo ferè gradu Cancrì.

Spicam Virginis in decimosextimo ferè gradu Libræ.

Illustriorem lancem Meridionalem Libræ, in octavo ferè Scorpij.

Antares in 3. ferè gradu Sagittarij.

Quintò, Planetas beneficos in decima domo promittere magnos honores, maleficos negare, medios mediocres decernere.

Sextò, Dominum horoscopi in Medio cœli, vel contra Dominum Medij cœli in horoscopo indicium esse magnarum dignitatum.

Ex his quasi honorum promptuarijs Cyprianus Leouitius, & plerique recentiorum vatum expromunt sceptras, coronas, purpuras, fasces, Pontificatus, Cardinalatus, Episcopatus. Quare si probatum fuerit multos, qui ma-

ximas, amplissimasque dignitates affecti sunt, nihil huiusmodi stellis debuisset contra verò multos, quorum genitura tali stellarum compositione illustres maxime fuerunt, nullos, aut exiguos adeptos honores, euerfa fuerit Astrologiæ pars multò præcipua, quæ in prædictionibus honorum versatur: constiteritque eos, qui Augusto, Tiberio, Claudio, Neroni, Ottoni, Galbæ, Neruz, Macrino, Diocletiano, Vespasiano Orbis terrarum Imperium prædixerunt, non ex arte vaticinatos fuisse, sed aut casu, & fortuna, aut humana aliqua coniectura, aut dæmonum opera usos. Item eos, qui Leoni Decimo, Iulio Secundo, Paulo Tertio, Sixto Quarto, Marcello Secundo Pontificatû sponponderunt è cœlo nihil certi habuisse, vnde huiusmodi præfagia deduxerint, sed fortè fortuna in veritatem incidisse, quod & Zingaris, & Agyrtis, & olitoribus aliquando vsuuenit: nam sæpè & olitor est opportuna locutus.

Ad hoc autem demonstrandum non est necesse nouas cudere genituras, sed vulgatæ satis sunt, & receptæ, quas Lucas Gauricus, Hieronymus Cardanus, Cyprianus Leouitius, alijque Astrologi sine controuersia Magistri descripserunt.

In genitura Pauli Secundi Pontificis, vt hinc initium sumatur, videre est Solem in deiectione sua in Aquario, in opposito Saturni, in termino Martis: Lunam peregrinam in Piscibus, in termino Martis in octaua domo: Venerem dominam Medij cœli, in Sextili Lunæ, in Capricorno positam peregrinam, in cadenti cœli loco, in termino Saturni: Caudam Draconis in medio Cœli. Tempore electionis, hoc est Anno Domini millesimo quadringentesimo sexagesimoquarto, die trigesima prima Augusti, ætatis anno quadragessimosexto expleto, mense sexto, & die vigesima quarta, Medium cœlum peruenerat directione ad gradum decimumnonum, minut. 2. Geminorum, in quem nulli cadunt radij beneficorum: Reuolutione peruenerat ad gradum vigesimum, minut. 46. Piscium.

In ge-



In genitura Alexandri VI. Sol est in Capricorno, Mars Dominus Medij cœli in Aquario, domo secunda, sine vlla prærogatiua: Luna est iuncta Ioui debili, peregrina in domo cœli cadente tertia. Tempore electionis, hoc est, ætatis anno 6. mense 7. die 17. Medium cœli peruenit ad directionem, ad gradum 1. min. 1. Capricorni: Reuolutione ad sextilem Martis, & Veneris in Sagittario, quod parum ad rem facit.

In genitura Iulij II. cernimus Solem dominum Medij cœli peregrinum in Cancro in domo octaua: Lunâ in Aquario, in quo nullam habet dignitatem, in domo cadente tertia: Martem in trigono Lunæ in Geminis & domo octaua. Tempore electionis, anno ætatis 18. mense 3. die 16. medium cœli peruenit ad directionem ad 13. gradum, min. 0. Libræ. Reuolutione ad gradum 3. minut. 5. Cancræ. Regulus quidem fuit in medio cœli, & illustrior lanx Libræ Meridionalis in horoscopo, sed Sole & Luna præcipuis honorum auctoribus malè constitutis, quid facere potuerunt stellæ fixæ, quæ auxiliares solum vires habere dicuntur?

In genitura Leonis X. indices dignitatum fuerunt Sol, Luna & Iupiter respiciens Lunam ex trigono; Saturnus Lunam aspiciens ex sextili: Venus domina Medij cœli, quorum nullus in propria domo, aut in sua exaltatione fuit: Saturnus in suo detrimento, & octaua domo exstitit. Luna in abiectissimo cœli loco & domo sexta: Iupiter oppositus Saturno in domo secunda. Tempore electionis ætatis anno 37. mense 1. die 12. peruenit Medium cœli directione ad gradum 21. minut. 33. Scorpij, qui gradus nullis beneficorum radijs illustratur. Venus quidem domina Medij cœli in horoscopo fuit, & spica Virginis in apice medij cœli: at contradicentibus alijs pluribus & potentioribus Astris tanti effectus causa esse nequiverunt.

In genitura Clementis VII. Pont. Max. nulla cernitur de amplis honoribus significatio.

De genitura Pauli III. in qua multa iusserunt, quot capita, tot senten-

tia. Paris Ceresarius, vt refert Cardanus ex directione Solis ad trigonum Mercurij, futurum illum summum Pont. anno ætatis 66. die 253. hora 9. minut. 34. multò antè prædixit, cuius vaticinium cum euentus confirmasset, anno Domini 1534. mira Genethliacæ disciplinæ per ea tempora auctoritas accessit. Alij verò Astrologorum longè Principes nihil Mercurio in bonis fortunæ iuris esse contendunt, pro quibus & Ptolemæus & Arabes testimonium ferunt. Alij Pauli Pontificatum tribuunt directioni Solis ad Iouem quæ in eundem annum, Cardano teste incidit. Alij, inter quos Sixtus ab Hemminga nullos in ea genitura magnos vident honores. Alij directiones & reuolutiones, quibus mortuo Leone X. anno Domini 1521. & ætatis 54. Paulus ad Pont. ferebatur, præferunt ijs, sub quibus anno 1534. ætatis 66. Pontifex renunciatus fuit; vt omnia alia, quàm Astra spectasse oporteat Ceresarium illum, qui mortuo Leone X. affirmasset, fectur anno 1534. Paulum futurum Pontificem, non anno 1521. vel 1522. In tot tamque varijs Mathematicorum sententijs de genitura Pauli III. illud certò constat, nihil Genethliacos ex arte de eius Pontificatu pronunciare potuisse.

Morto Paulo III. anno 1550. Patres ex more conuenerunt ad electionem summi Pont. quorum alijs Cardinali Polo Anglo, & Regio sanguine orto, alijs Cardinali Saluiato Florentino Pontificatum deferentibus, magna in conclauis coorta dissensio est, quæ vt componeretur die 7. Februarij omnium suffragijs Ioannes Maria Cardinalis de Monte Pontifex dictus fuit, & Iulius III. appellatus. Nemo ambigit, aut ambigere potest Cardinalis Saluiati genesim etiam ex descriptione Lucæ Gaurici, in dignitatum negotio longè præstare genituræ Iulij III.

Genitura Marcelli II. Cui & pater ipse è cœlo auguratus dicitur Pontificatum, à præcipuis Genethliacis descripta vix vllas dat honorum significaciones.

In Themate Pauli V. tres fecerunt periti honorum significatores, Solem peregrinum in Cancro, & domo succedente, Lunam in Aquario domo cadente, Saturnum



turnum Dominum medij coeli, in suo detrimento.

De Cardinalium genituris, quas plurimas descripsit Lucas Gauricus nihil attinet dicere: non enim eos puto esse Astrologos, Qui, cum Pontifex vno eodemque tempore, vno eodemque temporis momento viginti aut triginta Cardinales dicit, diuersæ ætatis, gentis, nationis, velint eorum omnium directiones & reuolutiones, Solis, Lunæ, Medij cœli eodem temporis momento ad radios beneficorum peruenisse.

Vidimus iam plurimos ad supremos honores peruenisse, quorum genituræ honorum significatione illustres non erant. Restat eorum genituras nunc percernere, in quibus amplissimas dignitates sine vilo successu Astra spoponderunt.

Georgius Trapezuntius, vir doctissimus in Themate à Gaurico descripto, Solem habuit in Ariete domo propria, iuxta gradû Imi cœli, Venerem dominam medij cœli, & Sextili Lunam aspicientis in domo propria Tauro, constitutam in angulo Imi cœli, & Iouem quadrato Lunæ aspicientis iuxta Aldebaram insignis magnitudinis stellam, Martem quoque dominum signi intercepti in decima domo, positum in Ariete domo propria. In tanta syderum claritudine per Italiam professione literarum Trapezuntius victitauit, donec à Nicolao V. inter scribas Apostolicos ascitus est: fame alioquin periturus.

In Genesi Andreæ Alciati Iuriconsultissimi, ab eodem descripta, vt si in villa alia conspicuæ visuntur maximarum dignitatum significationes, is tamen, præter eum qui ex Iurisprudentiæ magna opinione, apud omnes obtinuit, honorem, qui ad exercitationem pertinuit, nullo gradu dignitatis claruit.

Edidit Lucas Gauricus genituram Romuli Vtinenfis oratoris eximij, summo- rum honorum significatione clarissimam: sed tanta syderum benignitas nihil homini eloquentissimo præstitit.

Petrei Tyara Medici ac Philosophi non postremi Thema Sixtus ab Hemminga ab significatione honorum mirificè commendat, quem medicè nihilominus

vixisse, & Medicum mortuum esse constat.

Idem alterius genituram conscribit, qui natus est anno 1509. die 27. Martij hora 21. minut. 50. tanta (quod ad honores attinet) syderum claritudine, quanta vix in alterius ortu visa fuit, qui iam senex in diuitum mensis aliena coactus fuit viuere quadra. Matthæus ille Thaphurius literis, & Græcis, & Latinis, omnique liberali eruditione penitus imbutus, cuius genituram honorum significatione insignem Lucas Gauricus vulgauit, obscurus & inglorius vixit.

Cernere est apud eundem genituram Francisci Roscij Rauennatum quondam oratoris ad Leonem X. Pont. Max. cui honorum significatione non facillè parem reperies, qui vix honestam duxit vitam, quam abscissione sinistræ manus, & violenta morte finiuit.


Francisci Monzæ Mediolanensis musici genituram magnis laudibus celebrant & Lucas Gauricus, & Hieronymus Cardanus; quatuor enim in ea Planetæ sunt in dignitatibus suis essentialibus, qui honores designant. Itaque Cardanus non dubitauit affirmare, vix posse meliorem syderum constitutionem optari. Monza, verò præter Musicæ laudem, quæ ad dignitatem non pertinuit, honorum affectus est nihil.

Lucas Gauricus vir in Genethliacis Princeps hoc de Henrico II. Gallorû Rege præclarum vulgauit vaticinium: Inuidiosissimus Gallorum Rex Henricus II. Christianissimus erit Regum quorundam Imperator, ante supremos cineres ad rerum culmina perueniet, foelicissimamque ac viridem senectam; vt colligitur ex Sole in suo throno partiliter supputato: in ciuitatibus Arieti subiectis maximum fortiter dominium. Ita verò Henricus nullû adeptus est Imperium, vt anno 40. paternum Regnum infœlicissima morte amiserit.

Atque his tam clarè probatum esse confido, nullam Genethliacis præceptis, quibus de futuris dignitatum gradibus vaticinari solent Mathematici, subesse fidem; vt superuacaneum putem percurrere aliàs genituras à Cardano, à Gaurico,



rico, à Bellantio, à Iunctino, à Leouitio descriptas, in quibus splendorum cerimus honorum sponfiones, omni effecta destitutas.



## CAPVT XLVII.

*Nibil posse Astrologos de summo Pontificatu ex Astris decernere.*



VLLA in re ludunt magis Genethliaci, quam in summo Pontificatu. Non solum promittunt eam dignitatem, quæ est maxima, sed & annum, & diem, & horam prædicunt electionis. Hinc illud Paridis Astrologi Mantuani, de quo superius cap. 36. de Pauli III. Pontificatu memorabile vaticinium, omnium Astrologorum libris, & linguis celeberrimum. Hinc Cardanus genitura 47. de Leone X. scribit. Sol verò existens, inquit, in constellatione trium fixarum, cum peruenit ad Iouis locum, & Iouis quadratum ad cæli medium, quod est cor, dedit Pontificiam maximam dignitatem, & hoc cum radicibus nostris concordat. Et Genitura 48. de Julio II. Quid mirum, inquit, hunc stirpe quamquam ignobili, ad summum fastigium euectum fuisse tanto syderum consensu? Quid ais, syderum impulsu Paulum III. & Leonem X. & Iulium II. Christi Domini Vicarios electos? Enimvero Christianis tanta impietas ferenda non est. Astrologorum ergo asslatu potius quam diuina prouidentia fiunt nostræ Religionis Antistites? Quid est Christiana Religio? nonne à Christo Domino diuinitus instituta? nonne supernaturalis, nonne supra omnium naturalium causarum efficientiam? Quid est summus Pontifex? nonne Christi Vicarius, moderator huius Religionis, quam supernaturalem esse profitemur? Stellarum itaque naturales vires

quam habent communionem cum ea dignitate, quam Euangelij auctor Christus Dominus ultra omnes naturæ leges grauitur, & liberaliter in sua Ecclesia instituit? Christiani haberi volumus, fidem Catholicam profitemur; & pronis auribus audimus eos, qui ex Astris religionis moderatores, quotidie spondent? Video fontem, & originem, vnde tanta impietas defluat. A stellis Planetarum docent humanis mentibus Religionem generari, à stellis varias feri religiones, congressuq. vario stellarum varias identidem leges excitari. Iouem aiunt auctorem esse Religionis, & pro vario congressu cum alio, & alio Planeta varias religiones efficere; sunt autem sex solum Planetæ cum quibus Iupiter congregi potest; quare sex etiam species religionum, non plures, non pauciores esse posse contendunt. Quare Albumazar Mahumetanam superstitionem ex concursu Iouis & Saturni in Scorpione, Christi Euangelium, ex magna quadam coniunctione, quæ in Leone contigit Christi Domini ætate ortum scribit. Non Arabes solum mendaces, sed Christiani etiam Astrologi religionem omnem Astris subijciunt. Cardanus libro centum geniturarum, genitura 8. quæ est Francisci Gallorum Regis: Porro, inquit, Christianam legem fouet igneus trigonus, Mahumeti Aqueus, vnde à centum quinquaginta annis circiter secta illa inualuit: fundata enim est post Saturni Iouisque congressum in Scorpione factum in anno 630. Annis autem postmodum quatuor legem promulgauit, vel, ut quidam volunt, promulgata est anno 619; coniunctio autem præcesserat anno 610. in Piscibus. Porro Christianam legem præcessit eodem anno promulgationis magna coniunctio in Leone: Christum exorientem maxima coniunctio in Arietis initio præcessit sex annis; Exorientem Mahumetem in initio Cancris anno Domini 590. non maxima, sed magna tantum coniunctio. Rursus genitura XI. quæ est Martini Lutheri: Porro quod ad Religionem attinet, inquit, iam sæpius adeo dictum est propter spicam Virginis, ut repetere pigeat. Incredibile igitur quantum aug-

menti



menti breui tempore habuerit hoc dogma . nam Germaniæ magnam partem adegit, Angliam totam, multasque alias regiones, cum adhuc uiuat, nec vlla est ab huius sectatoribus immunis præter Hispanias. Feruet mundus huius schismate, quod quia Martem admixtum habet, & caudam, soluitur in se ipso, infinitaque reddit capita, ut si nihil aliud errorem convincat, multitudo ipsa opinionum ostendere possit, cum veritas vna tantum sit. Scitè & verissimè Tycho Brahe libro de noua stella scripsit: Certum est Astorum decreta in veram Religionem, & pietatem nihil iuris habere, cum hæ non ab vlla Astrali influentia, aut naturali lumine, sed solius Dei Spiritu & dispositione procedant. Cum ergo omnem Religionem impia temeritate ex Astris deducant, & ne Euangelio quidem parcant, quod Christus Dominus diuinitus supra omnes naturæ gradus, trans omnem naturalem vim, & potestatem collocauit. Christianæ quoque religionis Moderatorem maximum Astorum naturali vi, non diuina prouidentia eligi impiè existimant; Quid expectamus? an dum in foro, in plateis, in theatro clament contra Euangelium, contra sacras, diuinasque literas, nullam esse summi Pontificis potestatem, aut esse humanam solum, non diuinam illius auctoritatem? aut nihil in Christi Ecclesia esse supernaturale, nihil arcanum, & diuinum? An coërcēbimus aliquando tantam licentiā, quæ per sacra omnia & diuina debacchatur? Sed ad Theologiam per imprudentiam delapsus, ad Philosophiam, ex cuius principiis quatuor hisce libris aduersus Astrologorum vanitatem disputaui-mus, reuocabo orationem.

Euectio alicuius ad summum Pontificatum non ex vnius, sed ex omnium Cardinalium genituris pendet (si pendet ex genituris) cum enim omnes ad eam dignitatem euehi possint, si stellarum ductu ad eum gradū dignitatis perueniretur, nemo iudicare posset quis futurus esset summus Pontifex, nisi qui omnium Cardinalium natalitia Astra perspecta habuerit, expenderitque diligenter cuius sydera cæteris præpolleant: om-

nium verò Cardinalium genituras cum nullum Astrologorum habere possit, nugæ eos vendere necesse est, & somniantium deliria.

Nec satis fuerit omnium Cardinalium genituras perspectas habere, sed cum singulis fermè annis alijs demortuis, alijs succedant Cardinales, eum, qui Pontificatum alicui vaticinaturus est, oportet omnium qui possunt ad Cardinalatus dignitatem euehi, genitalia sydera nosse, eaque conferre cum eius Astris, cui Pontificatum decernit; alioquin pugnantibus multorum genituris, & impediētib; se mutuo Astris, prælagire nihil potest Astrologus.

Præterea vnus Pontificatus pertinet ad plurimos, ad cognatos, ad affines, ad amicos, ad Reges, ad Principes, ad Christianos omnes, ad Christianorum hostes; cum quibus Christiani bellum gerunt, horum quoque omnium genitalia sydera spectare oportebit, & animaduertere, quæ eius promotioni aduersentur, vel faueant.

Ad hæc proficitur Hieronymus Cardanus in genitura Caroli V. Imperatoris, quæ est septima in libro centum geniturarum, ex natalitijs Astris nihil posse de Imperatorum, aut Regum negotijs publicis decerni, sed ea pendere ex Regnorum, & Statuum stellis, sed solum coniecturam fieri posse, de vita priuata, de temperamento corporis, de sanitate, & morbo, de prudentia, & consilio. At Pontificatus non pertinet ad vitam priuatam, sed ad publicam Christianæ Reipublicæ administrationem: non ergo ex genitura cuiusquam de eo iudicari potest Astrologorum sententia, sed ex stellis Regnorum, Prouinciarumque illi subiectarum.

Postremò Astrologiæ professores tradunt, genitalia sydera non vagè, sed certo, ac definito tempore agere, quæ pollicentur: promittant ergo alicui Pontificatū 60. aut 70. aut alio quocunque ætatis anno, manifestum est quòd eo anno ad Pontificatum euehant Astra, si quid valent, & non alio, quando maligna irradiatione percelluntur, quando premuntur aduersa reuolutione, quando si-

gno.



gno, vel domo infortunantur; at fieri potest, vt per id tempus non vacet sedes Pontificia, Cardinales non agant de Pontifice eligendo. Quid ergo proderunt stellarum suffragia? Quid vaticinari potest Astrologus ex Astris? Nugæ sine dubio, & mendacissima commenta sunt, quæ Genethliaci per aulas venditæ, consueuerunt.

His si addas, quod superiori capite vidimus, multos summum Pontificatum adeptos, in quorum genituris, à præcipuis Astrologorum diligenter descriptis nulla erant honorû dignitatumq. inditia; Rursus multos gradu, sine vlllo dignitatis vixisse, quibus Astra amplos honores portendebant; constiterit eorum, infamia, qui ex Astris de summo Pontificatu quidquam se dicere posse confidunt. Prolixa præterea inductione à Paulo II. ad Paulum IV. deducta ibidem, ostendimus eos Pontificatû adeptos fuisse, quorum genituras non admodum Astra commendabant. contra verò spe frustratos fuisse eos, quorum natale Thema magna honorum significatione clarescebat, vt nulla iam Genethliacis superesse possit è cœlo, non dico, probabilis coniectura, sed ne tenuis quidem suspicio, de futuro cuiusquam Pontificatu: Ex proximis quidem, coniunctisque causis, ex politicis rationibus aliquid è stellis nihil omnino de Pontificatu coniectare possunt.

Quin etiam constat multos eo tempore ad Pontificatum euectos, quo nulla directio, nulla reuolutio ad eam dignitatem aditum aperiebat. Contra verò eisdem passis eo tempore repulsam, quo directiones, & reuolutiones Pontificatum spondebant. nam Paulus III. Leoni X. vt vidimus capite præcedenti, non Clementi VII. succedere debuisset. & Alexandro VI. Iulium potius Secundum, quàm Pium III. substituebant Astra ex calculo Cardani, Sixti, aliorumque. vnde ita clare patescit eorum deliratio, qui à stellis potius repetunt Ecclesiæ Pontifices, quàm à Diuina prouidentia; vt haud sciam, an vllum sit diuinationis genus magis præposterum, quàm quod Planetarij concipiunt de futuris Pontificibus.

Quod si quis est adhuc adedò hebes, ac tardus, qui non intelligat Astrologorum ineptiam vana de Summo Pontificatu vaticinantium, deferat cuius eorum aliquis genesim, quem ille, non norit, nec suspicari possit cuius illa sit. vno verbo deferat genituram omni humana coniectura destitutam, solis Astris contentam, perquiratque, an partus ille mas sit, an femella; viuus, an mortuus; Christianus, an Iudæus; Ecclesiasticus, an secularis. Episcopus, prælatus, an Cardinalis. si hæc dicere quiverit (excipio dæmonis afflatus) patiar illum in posterum Genethliacis habere fidem. At si profitebitur, quod profiteretur Ptolem. lib. I. de Iudicijs, cap. I. nihil se ex Astris dicere posse sine præsidio sublunarium causarum; constitutum tandem sit nihil è stellis coniecere posse Planetarios. quod initio huius operis probandum suscepimus.

Sed ego insipientior sum, quàm illi, qui Astrologorum fabellis aures præbent, si contra tam aperta mendacæ diutius disputem. Quare, vt aliquem nostra oratio finem reperiat, si aduersus Astrologos stant omnium iudicia sapientum; si contra eos faciunt ratio, experientia. Philosophorum decreta, eorum in primis, qui familias ducunt, & quibus alij omnes fauces submisere; si non potuerunt sapius ijdem syderum congressus obseruari; si nunquam redeunt ijdem Astrorum cœtus, & si redirent, nunquam eandem offenderent materiam; si veterum, recentiorumque Astrologorum obseruationes contraria & pugnantres sunt; si ex qualibet genitura quodlibet confici potest; si vnâ eandemque syderum constitutionem vnus in vnâ, alter in alterâ, atque adedò contrariam partem deducit; si incredibilis est eorum, qui hanc artem proficuntur, rerum cœlestium, ignoratio; si non habent perspectos planè Astrorum motus; si Astrologorum pars maxima suæ artis est ignara; si ipsimet auctores artis negant posse quemquam eam consequi; si ijdem proficuntur, tam se diuinare posse seruatis, quàm neglectis artis suæ præceptis; si mala, fide tractant artem suam; si dolus, falacijs, & si fraude neceunt omnia; si dæmonum




num operam adhibent frequenter; si nihil aliud propositum habent, quam mendacijs sibi cibum quærere, corradere alienam pecuniam; si nihil Altra efficere possunt sine ope sublanarium causarum, quas Astrologus nec memoria complecti, nec obliuando notare potest; si hæc ars nullis nititur experimentis; si nulla certa obseruatione constat; si omnibus sæculis, omnibus gentibus, & populis, suspiciosa semper visa est; si omnia, quæ de domibus, de signis, de directionibus, de reuolutionibus, de principio anni, de stellarum gaudijs, odijs, antiscijs, combustionibus docet, fictitia sunt, & ebriorum somnia; Quid superest, nisi ut hæc ludibria omnium sapientum vocibus, libris, disputationibus, scriptis, lucubrationibus explodantur; Atque hoc artificij fallax, & Reipublicæ perniciosum Principum omnium legibus, decretis, constitutionibus in vltimas terras amādetur. Ego quidem Philosophorum, Theologorumque omnium postremus in tanta in-

genij, doctrinæque mediocritate, rei indignitate commorus, postquam Astrologicas vanitates, postquam Astrologorum fraudes perspexi, debere me hanc disputationem impericæ multitudini intellexi, cui per summam fraudem Astrologorum astus imponit. Cessarunt veterum Romanorum augures, recesserunt Prænestinæ sortes, sublata est haruspicina, siluerunt Apollinis oracula, nemo amplius consulit exta, euauerunt diuinationes, ex auium volatu, cantu, pastu, tripudio solistimo, ex prodigijs, somnijs, spero fore ut Astrologia quoque, quæ nullo firmiori innititur fundamento, Deo auctore tandem aliquando euanescat.








# IN ASTROLOGOS CONIECTORES LIBER QVINTVS.



*Qui & exotericus.*



VT VLI auxilium petiuere à Diomede, arbitratum, qui Troianorum fuerat hostis, in acie Troiana, in Italia quoque prono futurum animo in Troianorum internecionem.

*Mittitur (inquit Virg.) & magni Venulus Diomedis ad urbem*

*Qui petat auxilium, & Latio consistere Teucros, Aductum classe Aeneam, victosque Penates*

*Inferre, & satis Regem se dicere posci  
Edoceat, multasque viro se adiungere gentes  
Dardanio, & latè Latio increbrescere nomen.*

At res longè aliter euenit, quàm putarant; Diomedes in contrariam abiit sententiam, cedendum Troianorum armis censuit, absteruitque Rutulos quibus potuit modis à bello suscipiendo.

*Hos inter motus (ait idem) medio fragante tumultu  
Ecce super mælli magna Dardanis ab urbe  
Legati responsa ferunt, nil omnibus actum  
Tantorum impensis operum, nil dona, nec aurum,*

*Nec*




*Nec magnas valuisse preces: alia arma Latinis  
Quarenda. —*

Haud aliter Genethliaci aduersus eos qui in Astrologiam arma-  
sumperunt à Philosophis & Philosophorum Principe Aristotele sup-  
petias implorant, opiaati illos, qui tantâ cœlo auctoritatem arroga-  
runt, vt eius motum omnium motuum principem & causam fecerint,  
libro octauo Physicorû, libro secundo de Generatione, & libro secundo  
Cœli textu decimoseptimo Astrologorû quoque consilijs & conatibus  
subsidio futuros, sed lôgè alia Aristoteli & Philosophis mens est; neque  
enim qui anni tempora vicesque generationum sine definito quodam  
cursu recurſuque Solis per Tropicos & Equatorem constare posse ne-  
gant, continuò Astorum concilijs, congressibus & consistorijs res  
omnes humanas administrari affirmant. & quidem Solis ac Lu-  
næ imperium, quod in res sublunares exercent, internoscit  
etiam vulgus Nautarum, Agricolarum, Pastorum;  
Saturni, Iouis, Martis, Mercurij, Veneris ar-  
cana iura delitescunt in Astrologorum scri-  
nijs, & in inuolutis planè voluminibus,  
fugiuntque lucem Philosophiæ.

Quare videamus, si pla-  
cet, & quid sapien-  
tum Sena-  
tus  
de Astrologia, & Astrolo-  
gorum gente cen-  
suerit.

†



CAPVT



## CAPVT PRIMVM.

*Nullam sapientes viri Genethliacæ disciplinæ habuerunt fidem.*

**S**I vlla Genethliacæ disciplinæ subesset veritas, sine dubio non neglexissent rem tantā viri ingenio, & doctrina præstantes, Socrates, Plato, Aristoteles, Hippocrates, Galenus, ceterique sapientes & antistites. cur enim illi, qui in veri peruestigatione omnem ætatem consumpserunt, & ad omnia naturæ arcana aditum sibi patefecerunt, præterissent eam disciplinam, quæ miris vaticinijs, & præfagitionibus omnium animos mentesque in sui admirationem traxit. At nullum eorum, aut ipsi ineptijs delectatum, aut inter Mathematicas disciplinas Genethliacam numerasse. videmus Socrates qui in Phædone Mathematicas omnes disciplinas enumerat Geometriam, Arithmeticam, Astrologiam, Musicam, in Mathematicum censum Genethliacam non refert, haud obscure profusus veritate planè destitutam indignam esse, quæ in disciplinarum numero censeatur. Plato verò, libro septimo de Republica in sceleratissima illa sua Repub. quam omnibus commodis affluere, omnibus ornamentis efflorescere cupiebat, reliquas Mathematicas disciplinas retinendas censuit, Arithmeticam, Musicam, Geometriam, Sterometriam, Astronomiam, vnā Genethliacam neglectui habuit, quā rude vulgus humanæ vitæ rationes, & rerum sum-

mam contineri existimat. Multum illi quidem Astronomiæ tribuit, quæ Astrorum cursus numeris, & ratione profequitur, quodd rei militari, quodd navigationi, quodd agriculturæ apprimè sit necessaria. Genethliacam vero silentio præterijt, quæ si adesset veritas, vel si abesset vanitas, omnes alias disciplinas utilitate, vsu, splendore, dignitate longè antecelleret, à qua innumera commoda in omne genus vitæ manare ab Ægyptijs, ad quos studij causa peregrinatus dicitur, sine dubio inaudiuerat.

Quid Alcinoùm, quid Proclum, quid Plotinum, quid reliquos Platonice disciplinæ alumnos commemorem, qui etsi innumeras complexi sunt fabulas, & vanissimas superstitiones, Genethliacas tamen nugæ, Philosopho homine plane indignas duxerunt?

Aristoteles Stagiritès, vberimum, & foelicissimū ingenium, & ad omnia summa factum, omnes alias disciplinas arctissimè complexus, vnā Genethliacam neglexit, non quodd eam consequi non potuerit, consecuti enim sunt alij ingenio, & doctrina infinitis intervallis inferiores; non quodd per ea tempora nulla esset Genethliaca; longè enim altius, quam ab Aristotelis ætate, hæc ars ortum repetit suum; sed quodd meracissimis ineptijs constare animaduenerat. Quam ille artium omisit, vel earum, quæ in inspectione & existimatione rerum positæ sunt, vel earum quæ in agendo

S                      confi.



consistunt? Quam multa de Rhetorica, de Poëtica, de Politica, de Oeconomica, de Ethicis, quam multa de Physica, de Cœlo, de rerum ortu, & interitu, de Meteoris, de Anima, de Historia animalium, de eorundem generatione, de sanitate, & morbo, de Metaphysicis scripsit? Vnde in tot & tam luculentis lucubrationibus, tam altū de Genethliaca silentium? vnde tantus præstantissimæ disciplinarū neglectus? cur nil de cœlestium domorum potestate, de signorū viribus, de Astorum congressibus, de stellarum gaudijs, differit? Quanto acuminē à Physica, lib. 2. Phys. tex. 16. 17. 18. 19. 20. lib. 11. Metaph. summa 3. c. 1. scernit Perspectiuam, Harmonicam, Geometriam, Astrologiam? quā accuratē Mathematicarum naturā discuit toto lib. 13. Metaphysicæ? quantū tribuit Astrologiæ li. 2. Cœli, tex. 57. 58. 59. lib. 12. Metaph. t. 44. quantis laudibus eandem effert lib. 12. Metaph. tex. 44. 45. quā multa ibidem tex. 46. 47. & lib. 2. Cœli, tex. 41. & seqq. de orbium cœlestium numero, ordine, motu, de Zodiaci obliquitate, de Astorum motu, figura, natura? de natalitijs Astris, de diurnis, & nocturnis, de fœmininis, & masculinis, de fœcundis, & infœcundis, vbi differit? Lib. 2. de ortu, & interitu inquit causas, quibus existant ea quæ singulis annis, & statis tēporibus gignuntur fruges, arbus, herbæ, plantæ, nihil tribuit Astris, nihil signis, nihil domibus cœlestibus, sed rem totam reuocat in auctorem luminis Solem, qui nunc accedendo, nunc recedendo quatuor anni tempora, Ver, & Æstatem, Autumnum, & Hyemem efficit, & ea quæ ortus habent, & interitus statas vices. Lib. 2. Meteororum summa 2. c. 2. interroganti cur circa Canis ortum Etesia venti incipiant flare, quam faciliē erat Procionem in causam vocare, & respondere, eius occulta vi ventum illum concitari? nihil tamen huiusmodi responderet, sed Solem facit huius rei auctorem. Etesia, inquit, flant neque tunc quando maximē propē fuerit Sol, neque quando longē, quia propē quidem existens præuenit exiccans, antequam fiat exalatio, cum autem abscefferit modicum, mediocris

iam fit caliditas, &c.


Requirit ibidem, quæ de causa Orion, & occumbens, & oriens molestus esse soleat, non commemorat Astri iura, & imperium, sed rem totam ad tempus hybernū & æstiuū, in quod huius syderis ortus, & occasus incidit, refert. Sect. 1. probl. 17. sciscitatur cur à Vergiliarum occasu ad Fauonij vsque flatus, ij potissimum pereant, qui diurno morbo laborarunt, omnia alia, quam Astra vocat in causam. Probl. 26. cur circa vtrumque solstitium per centum dierum spatium mori maximē contingat: non Astorum Ortus, aut Occasus, sed temporis versiones, & commutationes aëris in causa esse docet.

Libro quarto de Generatione animalium, quā anxie perquirat, cur filij, vt plurimum parentibus similes prodeant, cur alij fœcundi, infœcundi alij sint, cur alij integri, & valentes, alij nascantur debiles, aut manci, nec implorat stellarum opem, non confugit ad Cancrī, Tauri, aliorumq. signorum naturam, non spectat Astorum congressus, & compositionem, sed omnia ad materiam, ad vim effectricem, ad proximas refert causas. Vt multa paucis complectamur, omnia quæ ad hominis constitutionem, ad temperationem humani corporis pertinent, executus est Arist. libris de Historia, de partibus, de Generatione animalium, nec quidquam à Marte, à Ioue, à Saturno, à Tauro, à Geminis, à Cancro, à Leone, à Vergilijs, à succulis emendicauit. Intellexit nimirum acerri mi vir ingenij confictam hanc artem, esse ad fallenda tardiorum hominum ingenia, nullamque illi sub-esse veri speciem.

Quid Hippocrates, quid Galenus? quā multa disputant de septimestri partu, de partu octomestri, de genitura, de sterilibus, de fœtatione, de formatione fœtus, de natura humana, de femine, de natura pueri, de causis morborum, de temporibus morborum, de morbis vulgaribus, quæ omnia è stellis Genethliaci pendere contendunt, nec in tam luculentis disputationibus vel fando audiuntur Alfridaria, directiones, reuolutiones, aspectus, congress-



congressus, digressusque stellarum? Cur in formatione foetus conticescunt Astra genitalia, foeminina, masculina, benigna, maligna, signa contorta, integra? Cur in partu silent horoscopi, fortunæ, dæmones, geniturarum cardines, Mars quadratus, Saturnus trigonus? Cur inter morborum causas non censentur dilapsus Planetarum, locorum congressus, & huiusmodi sexcenta? Hippocrates aureo libello de Aëre, aquis, & locis obseruanda Medico præcipit sollicita, & æquinoctia, quorundam præterea Astrorum ortum, & occasum Arcturi, Canis Pleiadum. Multi, inquit, in his maximè diebus iudicantur, alij enim perimunt, alij desinunt, aut in aliam speciem, aliumve statum mutantur, idque non horum syderum arcanis viribus, non Planetarum congressibus tribuit, sed mutationibus aëris, quæ his maximè temporibus contingere solent, à quibus constitutio humani corporis mirificè afficitur, Astrorum aspectus, domicilia, fines, exaltationes, deiectiones, cæteraque Astrologorum commenta ne nominanda quidem sapientibus viris, existimauit. Nullas Philosophi, nullas Medici in homini constitutione agnoscunt Astrorum partes, rudes solum Astrologi, & qui ne à lumine quidem salutarunt Philosophiam, à stellis & stellarum vario congressu aunt humana corpora efformari.



## CAPVT II.

*Sapientum consensu Genethliaca damnatur.*

**I**TA Philosophorum Medicorumque Principes de Astrologia censuerunt, quorum iudicia omnium sapientum suffragatio comprobauit. Et Socrates quidem negabat, ut refert Eusebius Cæsariensis lib. 4. de præparatione Euangel. cap. 4. homini

per coelestia corpora, futurorum, quæ in potestate diuina sunt, cognitionem esse querendam: nec enim possunt homines illa cognoscere, aiebat, nec dijs gratum est, si quæ illi occultarunt, ea tu diligenter inquiras, possesque facile ira deorum in insaniam Anaxagoræ cadere, qui cum coelestium scientiam profiteretur, in id amentiarum incidit, ut Solem ignem esse putaret, &c. Eudoxus, Platonis auditor, in Astrologia, iudicio doctissimorum hominum facile princeps, Chaldaeis in notatione cuiusque vitæ ex natali die minimè credendum censuit. Nec minus constanter Panætius Stoicus apud Tull. lib. 2. de Diuinatione, Astrologorum prædicta reiecit. Archelaus præterea, & Cassandrus, summi Astrologi, cum cæteris Astrologiarum partibus excellerent, hoc prædictionis genere non sunt vsi.

Item Scylax Halicarnassæus, familiaris Panætij excellens in Astrologia, idemque in regenda ciuitate sua princeps, totum Chaldaicum negotium repudiavit.

Phauorinus Philosophus apud Aulum Gellium, lib. 14. Noctium Atticarum, cap. 1. Genethliacam ait esse officinarum genus ab eruscatoribus excogitatum, ad eradendam ex alienis oculis pecuniam. Sapienter & Dion ridiculos Astrologos esse pronunciauit, qui non videntes pisces iuxta se ad littus nantes, profiterentur se videre pisces coelo labentes. Nec magis acutè quàm verè Diogenes Cynicus cuidam ostendenti in Astrologorum egregia concione, depictas stellas errantes, respondisse fertur, Ne mentiaris, bone vir, stellæ nequidquàm errant, Astrologi insaniunt potius. Intellexit Alexandria, vrbs celeberrima, eorum insaniam, & rarditatem ingenij, qui Genethliacos cōsulunt, & hac de causa vestigal quoddam eos perfoluere iussit, quod fatuum appellauit, ut ipso nomine moneret non nisi fatuos homines huiusmodi ineptijs uti solere.

Bardasanes Syrus, Genethliaca doctrina longè clarissimus, apud Eusebium libro 6. de præparatione Euangelica, c. 8. luculenta oratione Astrologos proditæ veritatis reos agit, quod & Marcus Tullius multis similibus argumentis fe-

S 2 cit.



cit. lib. 2. de Diuinatione.

Vnde non sine verisimili coniectura, Lactantius noster lib. 2. de origine erroris, cap. 17. dæmonum mendacij auctorum inuentum esse Astrologiam, scripsit. & Tertulianus lib. de Idolatria. De Astrologis, inquit, ne loquendum quidem est, sed quoniam quidam istis diebus pronunciauit defendens sibi perseuerantiam, professionis istius, paucis utar. Non allego quoddam idola honoret, quorum nomina cœlo inscripsit, quibus omnem Dei potestatem addixit. quod propterea homini non putant Deum requirendum, præsumentes nos stellarum immutabili arbitrio agi. Vnum propono, Angelos esse illos desertores Dei, amatores scæminarum, proditores etiam huius curiositatis, propterea quoque dānatos à Deo. O diuina sententia vique ad terram pertinens, cui etiam ignorantes testimonium reddunt! Expelluntur Mathematici sicut Angeli eorum. Vrbs, & Italia interdicitur Mathematicis, sicut cœlum Angelis eorum; eadem pœna est exilij discipulis, & Magistris.

Iam Tatianus orat. contra Græcos figuras inquit positionis syderum hominibus dæmones ostendentes, tanquam in tesserarum ludo fatum, rem prorsus inquam introduxerunt. & Cyrillus Alexandrinus lib. 10. in Iulianum. Vides, inquit, illos habere erroris officinas. mendaciorum fora. hi admirantur semper Astrorum cursus, & pro minimis obolis interdum cœlestia loquuntur sacramenta, mulieres autem comprehendentes, & plebeiorem mentem demulcentes, extenuant maritupia, & suffurantes paruos quæstus, suæ frigidæ vaniloquentiæ mercedem lucrantur, &c.

Idem lib. 4. in Esaiam cap. 47. extremo. Si verò putas meum sermonem à veritate aberrasse, stent, & seruent te Astrologi cœli, qui censuerunt stellas, annunciant tibi, quid tibi sit venturum, alius hic est ordo nugarum, &c.

Eodem pertinent quæ S. Gregor. disseruit homil. in cap. 2. Matth. S. Chrysost. hom. 2. ad 2. cap. S. Matth. S. Hieron. lib. 2. in Ierem. cap. 10. in cap. 2. Sophoniæ, & quæ ex S. Aug. S. Basil. Ambros. Orig. Eu-

seb. referemus sequētibz capitulis, quorum vna est sententia Genethliacam, nil aliud vendicare nisi mendacia.

In horum sententia turmatim iere. Theologi quoque Scholastici, & S. Thom. Aquin. in primis 1. par. q. 115. 1. 2. q. 85. art. 5. Alexand. Alensis, S. Thomæ Magister 2. par. summæ, quæst. 164. num. 6. religionis reos, ait, esse, qui huiusmodi nugis fidem habent, & S. Bonauentura in 2. dist. 14. art. 4. quæst. 3. qui non obiter, sed ex professo rem hanc discutit. Scotus in 2. dist. 19. quæst. 3. S. Antoninus 2. par. sum. tit. 12. cap. 1. §. 6. Ioannes Bacconius in 4. quæst. 9. prolog. art. 3. & 4. Heruzus tract. de materia cœli, q. 9. Richard. 2. dist. 14. art. 3. quæst. 5. Mairon. 2. d. 14. q. 4. Gabriel 2. dist. 14. quæst. vnica, dub. vlt. Argentina in 2. d. 14. quæst. 1. art. 3. & 4. Dominicus Bagnes 1. par. quæst. 115. ar. 4. dub. 1. Franc. Zumel, 1. part. quæst. 57. art. 3. §. ad tertium. Franc. Quietus in 2. dist. 7. quæst. 1. Ioan. Cælaia in 2. dist. 14. quæst. 4. qui subtilius rem hanc limarunt Gulielmus Parisiensis tract. de legibus, & Michaël Medina lib. 2. de recta in Deum fide, cap. 1.

Eandem sententiam frequenti suffragio Philosophi firmarunt, Iulius Sirrenus libro 9. de fato, cap. 29. Georgius Trapezuntius libro curus titulus, cur Astrologorum iudicia, vt plurimum sint falsa, Franciscus Valesius lib. de sacra Philosophia, cap. 31. Cornelius Dorcensis lib. de superstitione, par. 2. cap. 3. Marsilius Ficinus comm. ad librum Plotini, cuius verba digna signa sunt, quæ hoc loco describantur. Verum stellæ aliquid, inquit, agant quæritur inter sapientes, sed omnium quæ nobis accidunt, finē à nobis, manifestas sufficientesq. causas apud nos reperimus in propria genētis nostri natura, in consuetudine, affectu, consilio, actione, occasione, concursu circumstantium causarū, neque vnquam sine his causis è cœlo sit aliquid: vt nihil opus sit horum in cœlo causas præscrutari, quæ sæpe in terra patent, neque tamen inueniuntur in cœlo, &c. Ioannes Picus Comes Mirandulanus libris duodecim contra Astrologos, Franciscus Picus eius nepos libris 5. de prænatione.

Longum



Linguae esset: Philosophos omnes per-  
censere, qui Astrologicas rationes dam-  
narunt, quotquot lib. 1. huius operis,  
cap. 9. induentiarum iniquum philoso-  
phiae forum eiurarunt, Genethliacæ va-  
nitate professi sunt.

Ad hos accesserunt Iurisperiti, pru-  
dentissimi viri, Ioannes Andreas Anchar.  
& Abbas ad cap. ex tract. de sortilegijs,  
Ioannes Cardinalis Turrecremata ad ca-  
pit. illos, eodem titulo, & iterum in  
summam de Ecclesia, Albericus Ros-  
tus verbo sortilegus, Troilus Maluetius  
tract. de sortibus, par. 1. Baldus, Sal-  
cetius, alijque permulti ad leg. artem, &  
leg. nemo, C. de maleficijs, & Mathema-  
ticis, Giraldus de sortilegijs quæst. 3.  
num. 8. quæst. 11. num. 16.

Sed quis maiori fide testificari potest  
Genethliacæ vanitatē quam Mathematici  
ipsi Astrologicis præceptionibus egre-  
giè instructi, & arcanorum omnium my-  
steriorum conscij? quos si omnes turpis  
egestas, aut iniquus quæstus pateretur,  
id quod sentiunt ingenuè fateri, nullos  
iam haberemus Astrologicarum fabula-  
rum patronos. Certè ij qui procul frau-  
des, procul habuerunt mendacia luce,  
palam artis suæ vanitatem professi sunt,  
ex quorum infinito numero ut præci-  
puos proferemus, Claudius Ptolemæus  
lib. 2. quadripartiti, Fieri autem nequit,  
inquit, ut qui sciens est, particulares re-  
rum formas pronunciet: sicut nec sensus  
particularem, sed generalem quandam  
suscipit formam: oportet autem tratan-  
tem hæc rerum coniectura uti, soli au-  
tem numine afflati prædicunt particula-  
ria.

Rursus Pontanus in dialogo quo-  
dam, Quoniam, inquit, certa cogni-  
tio, quæ scientia dicitur, generalibus  
versatur in perquisitionibus; quis hu-  
morum, è quibus constat, singulas  
assequi possit siue commistiones, siue  
temperaturas? quis rursus syderum  
particulares vires, quæ tum abstrusissimæ  
sunt, tum penè infinitæ? quis item aduer-  
santium inter se gladiationes particula-  
tim cognitæ & obseruatas habeat, &  
quantum, & quousque? Itaque illi ipsi,  
qui ad particulares delabuntur prædi-

ctiones, ab ipso etiam Ptolemæo habentur  
derisui; cum necesse sit eorum conie-  
cturas, obseruationesque hac in parte va-  
cillare, ipsosque non solum errare è via,  
verùm turpissimè dilabi, deque vegetio  
ruere, &c.

Ioannes Kepplerus, & propter inge-  
nij magnitudinem, & propter doctri-  
næ copiam, iure inter Astrologiæ Prin-  
cipes numerari potest; At hic lib. 1. de  
stella noua, cap. 2. extremo, repudiatis  
omnibus Astrologiæ instrumentis, solos  
stellarum aspectus retinendos censet.  
Atque hoc genus rerum, inquit, aspectus  
duarum stellarum, quarum vel vtraque,  
vel altera sit immobilis, illud est, quod  
ego penè solum in Astrologia retinen-  
dum censeo, quod quidem tanta conten-  
tione contra Philosophos artis penitus  
ignaros philosophicè, & ex doctrina  
harmonica (penè in solidum ignoratæ)  
defendo, quanta fidentia reliquam Astro-  
logorum supellestem penè omnem eli-  
minandam esse censeo, idque in omni-  
bus meis scriptis Astrologicis indefinen-  
ter protestor.

Sixtus ab Hemminga Frisius in Astro-  
logicis disciplinis apprime versatus re-  
centi opere, cui Astrologiæ refutata ti-  
tulum fecit, multis geniturarum allatis  
exemplis, diuturno vsu, & experientia  
edoctus, Astrologorum deliramenta pa-  
tescit.

Tycho Bræhe lib. 1. de noua stella,  
pag. 612. Astrorum vires Astrologis per-  
ceptas negat, & Astrologiam, si quæ est,  
à mortalibus percipi posse negat; Rursus  
pag. 648. negat Astrorum congressus pos-  
se certò notari. Pag. 689. Frustra, inquit,  
pro se Arabum, atque aliorum Astrolo-  
gorum placita vanitatibus implicita al-  
legat Appianus. fuseque refellit Astrolo-  
gorum decreta, pag. 777. ita, in Gauri-  
cum, ita in Cardanum inuehitur, ut planè  
ostendat nullam esse Astrologorum disci-  
plinā. Neque Ioanni Pico Mirandulano  
Comiti, neque Frâncisco eius nepoti obji-  
ci potest Astrologiæ ignoratio, Nam, tam  
multa, & tam accuratè huius disciplinæ  
placita, & arcana mysteria referunt, ut fa-  
cilè pateat omnes Genethliacæ lat. bras  
& abditos recessus illis perspectos fuisse,



tam multis tamen modis Astrologicas fabulas patefecerunt, ut nemo possit amplius de huius inanitate disciplinæ dubitare.

Quid multa tam sapientum omnium testificatione manifesta, tam Mathematicorum confessione certa sunt Astrologiæ ludibria, tam pudenda Genethliacæ mendacia, ut Poëtæ etiam fabularum, mendaciorumque Architecti Genethliacis obiectare mendacia, & futilitatem artis non dubitarint.

*Non habeo denique (inquit Ennius) nauci  
Marsum augurem,*

*Non vicinos Aruspices, nō de circo Astrologos  
Non Isiacos coniectores, non interpretes som-*

*nium;*  
*Non enim sūt hi, aut arte diuini, aut scientia,  
Sed supersticiosi vates, impudentesque arioli,  
Aut inertes, aut insani, aut quibus egestas  
Imperat,*

*Qui sui questus causa fectas suscitant senten-*

*tias,*  
*Qui sibi semitam non sapiunt, alteri mon-*

*strant viam,*  
*Quibus diuitias pollicentur ab his drach-*

*mam petunt.*  
*De his diuitijs deducant drachmam, reddant*

*catera.*  
*Mitto quæ Iuuenalis ludit lib. 2. sed non  
possum omittere quatuor aureos versiculos  
inuestigatissimi, clarissimi que Martyris  
Mori in vatem fama inclitum:*


*Astra tibi, inquit, atherea pandunt sese om-*

*nia vati,*  
*Omina, vel quæ sint fata futura monent.*

*Omnibus ast vxor quod se tua publicat: id te  
Astra licet videant omnia, nulla docent.*

Quare in tanto omnium disciplinarum, omnium Academicarum, Scholarum omnium, omnium ætarum, temporum, omnium, Philosophorum omnium, omnium sapientum de Genethliacæ vanitate consensu, neminem reperiri arbitror ita ad intelligendum hebetem, qui huius artis incredibilem leuitatem non videat; ipsimet hostes veritatis, etiam si insanire velint, quod omnium sapientum iudicijs respondere possint, reperient nihil. Verum ne sola auctoritate sapientum circumuentos se Genethliaci querantur, aliquot disertissimorum hominum luculen-

tas disputationes his attexam, quibus rationes continentur, ob quas sapientiæ optimates Astrologos tanquam veritatis hostes à republica literaria amouerunt.



### C A P V T III.

#### *Disertissima S. Ambrosij in Genethliacos disceptatio.*



**D**VERSUS Planetarios, qui ex motu positæque stellarum quæ futura sunt, dicere se posse profiterentur, omnes qui literis, & doctrina pollent stare, superiori capite docuimus; verum ne quis existimet sapientes viros temere, nec satis perspecta causa in Genethliacam leuitatem tulisse sententiam, placuit eorum, hoc loco adscribere disputationes; ut planum fiat eos non ignorasse Astrologorum scita, sed improbasse. Initium autem faciemus à S. Ambrosio, qui lib. 4. hexameron, cap. 4. descripsit S. Basilij disputationem hom. 4. in hexameron. Sic autem ait: Denique nonnulli natiuitatum tentauerunt exprimere qualitates; qualis futurus sit vnusquisque, qui natus sit: cum hoc non solum vanum, sed etiam inutile sit querentibus, impossibile pollicentibus. Quid enim tam inutile, quam ut vnusquisque persuadeat sibi hoc esse, quod natus est? Nemo ergo debet vitam suam, statum, moresque mutare, neque eniti quo melior fiat. Sed in ea persuasionem neque probum potes laudare, nec condemnare improbum, cum necessitati natiuitatis suæ respondere videatur. Et quomodo Dominus aut bonis præmia, proposuit; aut improbis poenas, si facit necessitas disciplinam, & conuersationem stellarum cursus informat? Et quid est aliud, quam hominem de homine exuere, si nihil moribus, nihil institutioni, nihil studijs derelinquitur? Quam multos videmus ereptos criminibus, atque peccatis, in meliorem statum esse conuersos? Redempti sunt Apostoli, & congregati ex pec-



ex peccatoribus : non utique natiuitatis suæ hora, sed Christi eos sanctificauit aduentus, & hora Dominicæ passionis redemit à morte. Latro ille damnatus, ille cū Domino crucifixus, non beneficio natiuitatis suæ, sed fidei confessione ad Paradisi æterna transiit. Ionam in mari non vis natiuitatis, sed dissimulatæ diuinæ præceptionis præcipitauit offensa, eundemque cetus excipiens ad iudicium futuri mysterij post triduum reuocauit, & propheticæ merito gratiæ reseruauit. Petrum de carcere imminente morte perimendum Angelus Christi, non stellarum series liberauit. Paulum cæcitas conuertit ad gratiam, & percussus à viperis, turbatumque naufragio, non remedia natiuitatis, sed deuotionis merita seruaerunt. Quid de illis dicimus, qui eorum precibus, cū fuissent mortui, reuixerūt? Vtrum illos sua natiuitas, an Apostolica gratia suscitauit? Quid opus fuit, ut se ieiunijs, periculisq. committerent, si quod volebant, natiuitatis beneficio poterant peruenire? Quod si credidissent, dum expectant fatorem necessitatem, nunquam ad tantam peruenissent gratiam. Inutilis igitur ista persuasio. Quid, quod etiam impossibilis? Nam ut de eorum aliquid disputatione sumamus redarguendi gratia, non probandi, magnam vim dicunt esse natiuitatis, eamq. minutis quibuscūq. & certis colligi oportere momentis: ac nisi veriùs colligatur summam esse distantiam. Breui enim atomo, exiguoque momento distare natiuitatem inopis, & potentis, egentis, & diuitis, innocentis, & noxij; & plerumq. eadem hora generari, longæuitati debitum, & prima pueritiæ ætate moriturum, si reliqua disparia sint, & alio puncto discretæ. Hoc quemadmodum possint colligere, respondeant. Constitue partum fœminæ; obsterrix utique eum primò recognoscit, explorat vagitum, quo nati vita colligitur: attendit vtrum masculus sit, an fœmina. Quot vis inter has moras præterire momenta? Pone Mathematicum præparatum nusquid potest vir interesse puerperio? Dum mardat obsterrix, aut Chaldæus, ponit horoscopus, in alterius sortem iam nati fata migrarunt: de altero quaritur, & alte-

rius genitura proponitur. Pone veram esse eorum opinionem de natiuitatum necessitatibus, non potest vera esse collectio. Puncta transeunt, fugit tempus irreparabile. Non est dubium, quod tempus in atomo, & momento oculi sit: adducor, ut credam, quando omnes in atomo, in momento, in istu oculi resuscitamur, ut Apostolus protestatur, dicens: Ecce mysterium vobis dico, omnes quidem resurgemus, non omnes autem immutabimur, in momento, in istu oculi, in nouissima tuba, (canet enim tuba) & mortui resurgent incorrupti, & nos immutabimur. Inter effusionem & susceptionem, depositionemq. pignoris, sletum eius, & nuncium quot atomi transferunt? Et hoc, ut simpliciter ista texuerim. Nam si ipsi vitalem illum Signorum duodecim circuitum in duodecim partes diuidunt: & quia triginta diebus Sol duodecimam partem sphaeræ eius, quæ inerrabilis habetur, egreditur, quo gyrus Solis anni circuitu compleatur, in triginta portiunculas, quas *μῶρας* Græci vocant, vnamque duodecim illarum distribuunt portionem, ipsam quoque portiunculam in sexaginta vices conferunt. Rursus vnumquodque de illis sexaginta sexages fecant. Quam incomprehensibile est, in quo sexagesimo sexagesimæ portiunculæ natiuitatis momenta consistant; & qui singulorum Signorum sit aut motus, aut species in natiuitate nascentis? Vnde cū impossibile sit tam subtiles minutias temporis comprehendere, exigua autem mutatio inuehat vniuersitatis errorem, totum negotium plenum est vanitatis. Disputatores eorum quæ sua sunt nesciunt, quomodo alia nouerunt? quid sibi imminet ignorant, quomodo possunt alijs, quæ sibi futura sunt, denunciare? Ridiculum est credere, quia si possent, sibi potius prouiderent. Iam illud quàm ineptum, ut si quis signo Arietis ortum se dicat, ex usu pecudis aestimetur præstantissimus consilio, quod in grege huiusmodi emineat pectus, aut locupletior, eo quod vestitum habeat Aries naturalē, & quotannis lucrum capiat indumenti, eoque viro illi familiaria videantur quæ suum esse compendia. Similiter & de Tauri &



de Piscium signis argumentantur, vt ex natura vilium animantium cœli motus, & signorū interpretandas existiment potestates. Cibus ergo noster viuendi nobis decreta constituit, & alimenta nostra nobis, id est, Aries, Taurus, & Piscis, morum imprimunt disciplinam? Quomodo igitur de cœlo nobis causas rerum, & substantiam vitæ huius accersunt, cum ipsis cœlestibus signis causas motus sui ex qualitatibus esæ vilis impertiant? Liberalem aiunt signo ortum Arietis, eo quod lanam suam Aries non inuitus deponat: & huiusmodi virtutem vilis animantis malunt naturæ deputare, quàm cœlo, vnde & serenitas nobis fulget, & pluuia sæpe descendit. Laboriosos, & patientes feruitij, quos nascentes Taurus aspexerit, quia animal laboriosum, & asfuerum iugo spontanea feruituri colla, submittat. Percussorem quoque, cuius natiuitatem Scorpius in sua parte complexus sit, & malitiæ venena reuomentem, eo quod animal venenatum sit. Quid igitur auctoritatem viuendi daturum te signorū cœlestium dignitate prætendis, & de nugis quibusdam argumentum asserctionis assumis? Nam si de animalibus assumptæ huiusmodi morum proprietates cœli motibus imprimuntur: & ipsum videtur bestialis naturæ potestati esse subiectum, ex qua causas vitalis substantiæ, quas hominibus impertiret, accepit. Quod si hoc abhorret à vero, multò magis illud ridiculum, veri subsidio eos desitutos, hinc fidem suæ disputationis accersere. Deinde illud cōsideremus, quod Planetas illa signa appellant, quorū motibus formari asserunt vitæ nostræ necessitates. Siue igitur, vt nomen sonat, semper vagentur: siue, vt ipsi dicunt, quod concito motu ferantur, & decies millies in die, aut, si hoc incredibile videtur, multiplicem speciem innumera sui conuersione commutent: fide careret, quod tā vago sui errore, & tā celeri motu fixam nobis, atque immobilem viuendi substantiam, sortemque decernant. Ferunt tamen nō esse æquales omnium motus, sed aliorum celeriores, aliorum tardiores esse circuitus, vt in eadem hora & videant se frequenter, & frequenter abscondant,

dum aliud ab alio præteritur. Aiunt autem plurimum referre, ortū generati benefica Signa videant, an malefica, & noxia: & in eo natiuitatis esse distantiam, quodd benefici Signi aspectus plurimum conferat, malefici, & noxij plurimum noceat. Sic enim eadem Signa, quæ venerantur, appellare consueuerunt. Necessè enim habeo eorum vt nominibus, quorum vtor asserctionibus, ne ignorata magis, quàm vacuefacta, atque destructa sua argumenta commemorent. Itaque cum illū vagum, celeremq. motum nō queant comprehendere, sæpe fit, vt per illā pun-cti, & momenti incomprehensibilis subtilitatem ponant, benefici Signi aspectum, vbi grauis, atque nocitura incurrat offensio. Et quid mirum, si ibi luduntur homines, vbi Signa innoxia blasphemantur? Quæ si natura noxia esse creduntur, Deus ergo summus arguitur, si fecit quod malum est, & fuit improbitatis operator. Si verò ex sua volūtatē putantur assumpsisse quod noceat infontibus, & nullius adhuc facinoris pessimi sibi cōscijs, quibus pœna adscribitur, antequam culpa: quid tam irrationabile, quod etiam irrationabilium bestiarū excedat immanitatem, vt vsus fraudis, aut gratiæ, non meritis hominum deputeretur, sed Signorum motibus deferatur? Nihil, inquit, ille deliquit, sed noxia eum stella conspexit. Saturni ei sy-  
dus occurrit: auertit se paululū, & ærumnam abstulit, & crimen aboleuit, sed hæc eorum sapientia telæ aranæ cōparatur, in quā si culex, aut musca inciderit, exuere se non potest: si verò validiorum animantium vllū genus incurrisse visum est, pertrāsuit, & casses rupit infirmos, atque inanes laqueos dissipauit. Talia sunt retia Chaldæorū, vt in his infirmi hæreant, validiores sensu offensionē habere non possint. Itaque vos, qui validiores estis, cum videritis Mathematicos, dicite telā aranæ texunt; quæ nec vsum aliquē potest habere, nec vincula, si tu non quasi culex, aut musca, lapsu tuę infirmitatis incurras, sed quasi passer, aut colūba casses inuolidos præpetis volatus celeritate dissoluas. Etenim quis prudentiū credat, quod Signorū motus, qui ad diem sæpe mutantur, & multipliciter in se recurrunt, insignia defe-



Deferant potestati. Nam si ita esset, quare ad diem regaliū natiuitatum exprimerentur figuræ? Quotidie ergo Reges nascerentur, nec Regalis in filios transmitteretur successio, sed semper ex diuerso statu, qui ius Imperialis acquirerent potestatis, orirentur. Quis igitur Regum genituram filij sui colligit, si ei debeatur Imperium, & non proprio successionem regni in suos transcribit arbitrio? Legimus certè, quòd Abia genuit Asa, & Asa genuit Iosaphat, & Iosaphat genuit Ioram, & Ioram genuit Oziam: & reliqua omnis vsque ad captiuitatem per Reges generis pariter, & honoris ducta successio est. Nunquid quia Reges fuerunt, Signis cœlestibus formandos motus suos imperare potuerunt? Quis enim hominum potest habere in his dominatum? Deinde si ad necessitatem genitalem, non ad instituta morum actus nostri, factaque referantur, cur leges propositæ sunt, iura etiam promulgata, quibus, aut pœna improbis decernitur, aut securitas defertur innoxij? Cur non venia datur reis, cum vtiq̃, vt ipsi aiunt, non sua voluntate, sed ex necessitate deliquerint? Cur laborat agricola, & non magis expectat, vt inelaboratos fructus priuilegio suæ natiuitatis inuehat receptaculis horreorum? Si ita natus est, vt ei diuitiæ, atque opes affluant? vt sibi spontaneos reditus sine vlllo semine, atque opere terra parturiat: non vomerem aruis imprimat, non curug manum falci admoueat, non legendæ vindemiæ subeat expensam, sed vltro ei in omnes serias vina fundatur fluenta, spontè ei oleum nullis inserta caudicibus syluestris olæ bacca defudet, nec diffusi æquoris transfretaturus periculum, propriæ salutis sollicitus mercator horrefcat, cui otioso potest, vt aiunt, quadam sorte genitæ diuitiarum thesaurus illabi. Sed non hæc est vniuersorum sententia. Denique impiger depresso aratro terram scindit agricola, nudus arat, nudus ferit, nudus Sole feruente tostas æstate colligit fruges: & negotiator impatiens flantibus Euris, in tuto plerunque nauigio sulcat mare. Vnde importunitatem eorum, temeritatemque con-

demnans Propheta ait: Erubescere Sidon, dixit mare: hoc est, si pericula vos non mouent; vel pudor comprimat, verecundia confundat. Erubescere Sidon, in qua nullus virtuti locus, nulla salutis cura, nulla iuuentus pro excubijs patriæ bello dedica armisque exercita, sed omnis sollicitudo de quæstu, omne studium mercaturæ. Semen, inquit, mercatorum sicut messis. Quæ autem merces homini Christiano, si non ex voluntate, sed ex necessitate curas suas, & opera componit? Vbi enim directa necessitas, ibi inhonorata industria. Hæc Sanctus Ambrosius mellita quidem, sed neruosa æquè, & aculeata oratione.



## CAPVT IV.

*Disceptatio Sancti Augustini;  
aduersus Astrologos conie-  
ctores.*

**D**E BEO, & Sancti Augustini lectissimam de Genethliacæ leuitate disputationem hic ponere; is enim & propter magnitudinem ingenij, & propter incredibilem doctrinæ copiam, & propter singulare huius disciplinæ studium, quod tum libro quarto Confessionum, capite tertio, tum libro septimo, capite sexto, proficitur; dignus est, vt eius testimonium omnium rationum momenta contineat: Libro ergo secundo de doctrina Christiana, capite vigesimo primo, vigesimo secundo, vigesimo tertio, sic scribit: Neque illi, inquit, ab hoc genere perniciosæ superstitionis segregandi sunt, qui Genethliaci propter natalium dierum considerationem, nunc autem vulgò Mathematici vocantur. Nam & ipsi quamuis veram stellarum positionem, cum quisque nascitur, confectentur, & aliquando etiam peruestigent, tamen quòd inde conantur, vel actiones nostras, vel actio-



actionum euenta prædicere, nimis errant, & vendunt imperitis hominibus miserabilem seruitutem. Nam quisque liber cum ad huiusmodi Mathematicum ingressus fuerit, dat pecuniam, ut seruus inde exeat, aut Martis, aut Veneris, vel potius omnium syderum, quibus illi, qui primi errauerunt, erroremque posteris propinauerunt, vel bestiarum propter similitudinem, vel hominum, ad ipsos homines honorandos, imposuerunt vocabula. Non enim mirandum est, cum etiam propioribus, recentioribusque temporibus syds, quod appellamus Luciferum, honori, & nomini Cæsaris Romani dicare conati sint. Et fortasse factum esset, atque illet in vetustatem, nisi auija eius Venus præoccupasset hoc nominis prædium, neque iure vlllo ad hæredes traiceret, quod nunquam viuæ possederat, aut possidendum petiuerat. Nam vbi vacabat locus, neque alicuius priorum mortuorum honore tenebatur, factum est, quod in rebus talibus fieri solet. Pro Quintili enim, & Sextili mensibus, Iulium, atque Augustum vocamus, de honoribus hominum Iulij Cæsaris, & Augusti Cæsaris nuncupatos, ut facile, qui voluerit intelligat etiam illa sydera, prius sine his nominibus coelo vagata esse. Mortuis autem illis, quorum honorare memoriam, vel coacti sunt homines, regia potestate, vel placuit humana vanitate, nomina eorū imponentes syderibus, eos ipsos sibi mortuos in cœlū leuare videbantur. Sed quomodolibet vocetur ab hominibus, sunt tamen sydera, quæ Deus instituit, & ordinauit, ut voluit, & est certus motus illorum, quo tempora distinguuntur, atque variantur. Quem motum notare, cum quisque nascitur, quomodo se habeat, facile est per eorum inuentas, conscriptasque regulas; quod sancta Scriptura condemnat, dicens: Si enim tantum potuerunt scire, ut possent æstimare sæculum, quomodo eius Dominum non facilius inuenerunt?

Sed ex ea notatione velle nascentium mores, actus, euenta prædicere, magnus error, & magna dementia est. Et apud eos quidem, qui talia dediscenda didicerunt, sine vlla dubitatione refellitur

hæc superstitio. Constellationes enim, quas vocant, notatio est syderum, quomodo se habebant, cum ille nasceretur, de quo isti miseri à miserioribus consulantur; fieri autem potest, ut aliqui gemini tam sequaciter fundantur ex utero, ut interuallum temporis inter eos nullum possit apprehendi, & constellationum numeris annotari. Vnde necesse est, nonnullos geminos easdem habere constellationes, cum paria rerum, vel quas agunt, vel quas patiuntur, euenta non habeant, sed plerunque ita disparia, ut alius foelicissimus, alius infoclicissimus viuatur. sicut Esau, & Iacob geminos accepimus natos, ita ut Iacob, qui posterior nascebatur, manu plantam præcedentis fratris tenens inueniretur. Horum certè dies, atque hora nascentium aliter notari non posset, nisi ut amborum constellatio esset vna. Quantum autem intersit inter amborum mores, facta, labores, atque successus, Scriptura testis est, iam ore omnium gentium peruagata. Neque enim ad rem pertinet, quod dicunt ipsum momentum minimū, atque angustissimum temporis, quod geminorum partum determinat, multum valere in rerum natura, atque cœlestium corporum rapidissima velocitate. Et si enim concedam, ut plurimum valeat, tamen in constellationibus à Mathematico inueniri non potest, quibus inspectis se fara dicere proferatur. Quod ergo in constellationibus non inuenit, quas necesse est, vnas inspiciat, siue de Iacob, siue de eius fratre consulatur, quid ei prodest, si discat in cœlo, quod temerè securus infamat, & non discat in tabula, quam frustra sollicitus intuetur? Quare istæ quoque opiniones quibusdam rerum signis humana præsumptione institutis, ad eadem illa quasi quædam cum dæmonibus pacta, & conuenta referenda sunt.

Hinc enim fit, ut occulto quodam iudicio diuino cupidi malarum rerum homines tradantur illudendi, & decipienti pro meritis voluntatum suarum, illudentibus eos, atque decipientibus præuaricatoribus Angelis: quibus ista pars Mundi infima secundum ordinem rerū diuinæ prouidentia lege subiecta est.

Quibus




Quibus illusionibus, & deceptionibus euenit, ut istis superstitiosis, & perniciosis diuinationum generibus multa præterita, & futura dicantur; nec aliter accidant, quàm dicunt, multaue obseruantibus secundum obseruationes suas eueniant, quibus implicati curiosiores fiant, & sese magis, magisque inferant multiplicibus laqueis perniciosissimi erroris. Hoc genus fornicationis animæ salubriter diuina Scriptura non tacuit, neque ab ea sic deterruit animam, ut propterea talia negaret esse sectanda, quia falsa dicuntur à professoribus eorum. Sed etiam si dixerint vobis, inquit, & ita euenit, ne credatis eis. Non enim quia imago Samuelis mortui, Sauli Regi pronunciauit, propterea talia sacrilegia, quibus imago illa præsentata est, minus execranda sunt; aut quia in Actibus Apostolorum ventriloqua scemina verum testimonium perhibuit Apostolis Domini, idèd Paulus Apostolus pepercit illi spiritui, ac non potius sceminam illius demonij correptione, atque exclusione mundauit. Omnes igitur artes huiusmodi, vel nugatoriae, vel noxiae superstitionis ex quadam pestifera societate hominum, & demonum, quasi pacta infidelis, & dolosae amicitiae constituta penitus sunt repudianda, & fugienda Christiano: non quòd Idololum sit aliquid, ut ait Apostolus, sed quia quæ immolant Idolis, demonijs immolant, & non Deo: nolo autem vos socios fieri demoniorum. Quod autem de Idolis, & de immolationibus, quæ honori eorum exhibentur, dixit Apostolus, hoc de omnibus imaginarijs signis sentiendum est, quæ vel ad cultum Idolorum, vel ad creaturam, eiusque partes tanquam Deum colendas trahunt, vel ad remedium, aliarumque obseruationum curam pertinent; quæ non sunt diuinitus ad dilectionem Dei, & proximi, tanquam publicè constituta, sed per priuatas appetitiones rerum temporalium corda dissipant miserorum. In omnibus ergò istis doctrinis societas demonum formidanda, atque vitanda est, qui nihil cum principe suo diabolo, nisi reditum nostrum claudere, atque obserare co-

nantur. Sicut autem de stellis, quas condidit, & ordinauit Deus humanæ, & deceptorie coniecturæ ab hominibus institutæ sunt: sic etiam de quibusdam nascentibus, vel quoquo modo diuinæ providentiæ administratione existentibus rebus multi, multa humanis suspicionibus, quasi regulariter coniecta literis mandauerunt, si forte insolentè acciderint, velut si mula pariat, aut fulmine aliquid pereutiat.

Quæ omnia tantum valent, quantum præsumptione animorum quasi communi quadam lingua cum demonibus fœderata sunt. Quæ tamen omnia plena sunt pestiferæ curiositatis, cruciantis sollicitudinis, mortiferæ seruitutis. Non enim quia valebant, animaduersa sunt, sed animaduertendo, atque signando factum est, ut valerent, & idèd diuersis diuersè proueniunt secundum cogitationes, & præsumptiones suas. Illi enim spiritus, qui decipere volunt, talia procurant cuique, qualibus eum irretitum per suspensiones, & consensiones eius viderint. Sicut enim, verbi gratia, vna figura literæ, quæ decussatim notatur, aliud apud Græcos, aliud apud Latinos valet, non natura, sed placito, & consensione significandi; & idèd qui veranque linguam nouit, si homini Græco velit aliquid significare scribendo, non in ea significatione ponit hanc literam, in qua eam ponit cum homini scribit Latino. Et beta vno, eodemque sono, apud Græcos literæ, apud Latinos oleris nomen est. Et cum dico lege, in his duabus syllabis aliud Græcus, aliud Latinus intelligit. Sicut ergò hæc omnes significationes pro finæ cuiusque societatis consensione animos mouent: & quia diuersa consensio est, diuersè mouent: nec idèd consenserunt in eas homines, quia iam valebant ad significationem: sed idèd valent, quia consenserunt in eas, sic etiam illa signa, quibus perniciofa demonum societas comparatur, pro cuiusque obseruationibus valent. Quod manifestissimè ostendit ritus augurum, qui, & antequam obseruent, & posteaquam obseruata signa tenuerint, id agunt, ne videant volatus, aut audiant



audiant voces auium, quia nulla ista signa sunt, nisi consensus obseruantis accedat.



## CAPVT V.

*Alia Sancti Augustini grauissima in Astrologos coniectores disputatio.*



**INCREDIBILE** est, quam multis, varijsque modis Sanctus Augustinus Astrologiae futilitatem ostendat, & cum ea sit mendacij natura, vt multis se prodar argumentis, non vnam, aut alteram, sed plurimas, vir ingenio, & doctrina incomparabilis, in Astrologos contorquet rationes. Quare libro septimo Confess. cap. 6. Iam, inquit, Mathematicorum fallaces diuinationes, & impia deliramenta reieceram. Consecrantur etiam hinc tibi de intimis visceribus animae meae, miserationes tuae, Deus meus. Tu enim, tu omnino, nam quis alius à morte omnis erroris reuocat nos, nisi vita, quae mori nescit, & sapientia mentes indigentes illuminans, nullo indigens lumine, quia Mundus administratur vsque ad arborum volatica folia? Tu procurasti peruicaciae meae, qua oblectatus sum, Vindiciano acuto seni, & Nebridio adolescenti mirabilis animae: illi vehementer affirmanti; huic, eum dubitatione quidem aliqua, sed tamen crebro dicenti, non esse ullam artem futura prauidendi, coniecturas autem hominum habere saepe vim sortis, & multa dicendo dici pleraque ventura, nescientibus eis, qui dicerent, sed in ea non tacendo incurrentibus. Procurasti ergo tu hominem amicum, non quidem regnum, consultorem Mathematicorum, nec eas literas bene callentem, sed (vt dixi) consultorem otiosum, & tamen scientem aliquid, quod à patre suo se audisse


dicebat, quantum valeret ad illius artis opinionem euertendam ignorabat. Is ergo vir nomine Firminus liberaliter institutus, & excultus eloquio, cum me tanquam charissimum, de quibusdam suis rebus, in quas secularis spes eius intumuerat, consuleret quid mihi secundum suas, quas constellationes appellant, videretur. Ego autem, qui iam de hac re in Nebridij sententia flecti ceperam, non quidem abnuerem coniectare, ac dicere quod nutanti occurrebat: sed tamen subijcerem, propè iam esse mihi persuasum ridicula esse illa, & inania. Tum ille mihi narrauit patrem suum fuisse librorum talium curiosissimum, & habuisse amicum aequè illa, simulque sectantem, qui pari studio, & collatione flagrabant in eas nugae igne cordis sui, ita vt mutorum quoque animalium, si quae domi parerent, obseruarent momenta nascentium, atque ad ea positionem coeli notarent, vnde illius artis, quasi experimenta colligerent. Itaque dicebat audisse se à patre suo, quod cum eundem Firminum praegnans mater erat, etiam illius paterni amici famula quaedam pariter vtero grandescerebat, quod latere non potuit dominum, qui etiam canum suarum partus examinatissima diligentia nosse curabat. Atque ita factum esse, vt cum ille coniugis, ille autem ancillae dies, & horas, minutioresque horarum articulos cautiissima obseruatione numerarent, enixa essent ambae simul, ita vt easdem constellationes vsque ad easdem minutias vtrique nascenti facere cogerebantur, iste filio, ille seruulo. Nam cum mulieres parturire coepissent, indicauerunt sibi ambo quid in sua cuiusque domo ageretur, & parauerunt quos ad se inuicem mitterent, simul vt natum quod parturiebat esset cuique nunciatum, quod tamen vt continuò nunciaretur tanquam in regno suo facile effecerant. Atque ita qui ab alterutro missi sunt, tam ex paribus domorum interuallis sibi obuiam factos esse dicebat, vt aliam positionem syderum, aliasque particulas momentorum, neuter eorum notare sineretur: & tamen Firminus amplo apud suos loco

co na.



to natos, dealbatiores vias seculi cursu-  
cabat, augebaturque diuitijs, subl ma-  
batur honoribus: seruus autem ille con-  
ditionis iugo nullatenus relaxato, do-  
minis seruiebat, ipso indicante, qui no-  
uerat eum. His itaque auditis, & credi-  
tis, talis quippe narrauerat, omnis illa  
reluctatio mea resoluta concidit: & pri-  
mo Firminum ipsum conatus sum ab illa  
curiositate reuocare, cum dicerem con-  
stellationibus eius inspectis, ut vera pro-  
nuntiarem, debuisse me utique videre,  
ibi parentes inter suos esse primarios, no-  
bilem familiam, propriam ciuitatis, nata-  
les ingenuos, honestam educationem, li-  
beralesque doctrinas. At si me ille seruus  
ex iisdem constellationibus, quia & il-  
lius ipse esset, consulisset, ut eidem  
quoque vera proferrem, debuisse me  
rursum ibi videre abiectissimam fami-  
liam, conditionem seruilem, & cetera  
longe a prioribus aliena, longèque di-  
stantia. Unde autem fieret, ut eadem in-  
spiciens diuersa dicerem, si vera dice-  
rem: si autem eadem dicerem, falsa di-  
cerem. Inde certissime collegi ea, quæ  
vera consideratis constellationibus di-  
cerentur non arte dici, sed sorte: quæ  
autem falsa non artis imperitia, sed tor-  
tis mendacio. Hinc autem accepto adi-  
tu, ipse mecum talia ruminando, ne quis  
eorundem delirorum, qui talem quæcum  
sequerentur, quos tam inique inuadere,  
atque irritos refellere cupiebam, mihi  
ira resisteret, quasi aut Firminus mihi, aut  
illi propter falsa narrauerit, intendi consi-  
derationem in eos qui gemini nascuntur:  
quorum plerique ita post inuicem fun-  
duntur ex utero, ut paruum ipsum tem-  
poris intervalum quamtamlibet vim in  
rerum natura habere contendat, colligi  
tamen humana obseruatione non possit,  
litterisque signari omnino non valeat;  
quas Mathematicus inspecturus est, ut  
vera pronunciet. Et non erunt vera quia  
eisdem literas inspiciens, eadem debuit  
dicere de Esau, & Iacob, sed non eadem  
utrique acciderunt. Falsa ergo diceret,  
Aut si vera diceret, non eadem diceret,  
si eadem inspiceret. Non ergo arte sed  
sorte vera diceret. Tu enim, Domine,  
iustissime, moderator vniuersitatis, con-

sulentibus, consultisque nescientibus oc-  
culto instinctu agis, ut dum quisque con-  
sultat, hoc audiat, quod eum oportet au-  
dire occultis meritis animarum ex abyf-  
so iusti iudicii tui, cui non dicat homo:  
quid est hoc? aut ut quid hoc? Homo est  
enim, &c.



## CAPVT VI.

*Rursus S. Augustinus aduersus  
Genethliacos differit.*



ON piget me sapius S. Augu-  
stinum in Genethliacam pa-  
lustram deducere: nam neque  
illum piguit sapius eum hu-  
iusmodi monstro congregari. Rursus ira-  
que lib. 5. de Ciuit. cap. 5. cum de gemi-  
nis quibusdam retulisset ex Porsidonio  
Astrologo, quod simul ægrotare, simul  
conualescere solerent. Si ergo hæc  
(inquit) ad illas pertinent minutias tem-  
porum, quæ inter se habent gemini, &  
constellationibus non ascribuntur, quare  
aliorum constellationibus inspectis, ista  
dicuntur? si autem ideo dicuntur, quia  
non ad minuta incomprehensibilia, sed  
ad temporum spatia pertinent, quæ ob-  
seruari notarique possunt: quid hic agit  
rora ista figuli, nisi ut homines luteum  
cor habentes in gyrum mittantur, ne  
Mathematicorum vaniloquia conuincan-  
tur? quid denique iidem ipsi, quorum  
morbum, quod eodem tempore grauior  
leuiorque apparebat, amborum, medi-  
cinaliter inspiciens Hippocrates, gemi-  
nos suspicatus est? nonne satis istos re-  
dargunt, qui volunt sideribus dare,  
quod de corporum simili temperatione  
veniebat? cur enim similiter eodemque  
tempore non alter prior, alter posterior  
ægrotabant sicut nati fuerant: quia uti-  
que simul nasci ambo non poterant? aut  
si nihil momenti attulit, ut diuersis tem-  
poribus ægrotarent, quod diuersis tem-  
poribus nati sunt: quare tempus in na-  
scendo



scendo diuersum, ad aliarum rerum diuersitates valere contendunt? cur potuerunt diuersis temporibus peregrinari, diuersis temporibus ducere vxores, diuersis temporibus filios procreare: & multa alia, propterea quia diuersis temporibus nati sunt, & non potuerunt eadem causa diuersis temporibus ærotare? Si enim dispar nascendi mora mutauit horoscopum, & disparitatem intulit cæteris rebus, cur illud in ægritudinibus mansit, quod habebat in temporis æqualitate conceptus? aut si fata valetudinis in conceptu sunt, aliarum verò rerum in ortu esse dicuntur, non deberent inspectis natalium constellationibus de valetudine aliquid dicere, quando eis inspicienda conceptionalis hora non datur. Si autem ideo prænunciant ægritudines non inspecto conceptionis horoscopo: quia indicant eas momenta nascentium, quomodo dicerent cuilibet eorum geminorum ex natiuitatis hora, quando ærotaturus esset, cum & alter qui non habebat eandem horam natiuitatis, necesse haberet pariter ærotare? Deinde quæro si tanta distantia est temporis in natiuitate geminorum, vt per hanc oporteat eis constellationes fieri diuersas, propter diuersum horoscopum: & ob hoc diuersos omnes cardines, vbi tanta vis ponitur, vt hinc etiam diuersa sint fata: vnde hoc accidere potuit, cum eorum conceptus diuersum tempus habere non possit? aut si duorum vno momento temporis conceptorum, potuerunt esse ad nascendum fata disparia, cur non & ad duorum vno momento temporis natorum possint esse ad viuendum, atque moriendum fata disparia? nam si vnum momentum quo ambo concepti sunt, non impediuit vt alter prior, alter posterior nasceretur: cur vno momento si duo nascuntur, impediat aliquid, vt alter prior, alter posterior moriatur, &c.

Hæc ille.



## CAPVT VII.

*Alia S. Augustini cum Astrologis congressio.*



VLLVS aut sapius, aut acrius in Astrologos inuectus est, quam sanctus Augustinus, à quo vt verum fatear, inuitus discendo, sed nimis ille multa aduersus Astrologorum vanitatem nobis scripta reliquit, libro 4. Confess. cap. 3. lib. 5. cap. item 3. in Psal. 3. lib. 5. de ciuitate Dei, cap. 2. 3. 5. 6. 7. quare omisiss alijs ea potestremò referam quæ habet lib. octuaginta trium quæstionum, quæstione 45. [Non eos (inquit) appellarunt Mathematicos veteres, qui nunc appellantur, sed illos qui temporum numeros, motu cœli, ætherum peruestigarunt, de quibus rectissime dicitur in Scripturis sanctis. Iterum nec his debet ignosci: si enim tantum potuerunt scire, vt possent æstimare seculum, quomodo huius dominum non facilius inuenerunt? mens enim humana de visibilibus iudicans, potest agnoscere omnibus visibilibus seipsam esse meliorem. Quæ tamen cum etiam se propter defectum, præfectumque in sapientia fateretur esse mutabilem, inuenit supra se esse incommutabilem veritatem: atque ita adhærens post ipsam, sicut dictum est, adhæsit anima mea post te: beata efficitur intrinsecus inueniens etiam omnium visibilium creatorem, atque dominum, non quærens extrinsecus visibilia, quamuis cælestia, quæ aut non inueniuntur, aut cum magno labore frustra inueniuntur, nisi ex eorum, quæ foris sunt, pulchritudine inueniatur artifex, qui intus est, & prius in anima superiores, deinde in corpore inferiores pulchritudines operatur. Aduersus eos autem, qui nunc appellantur Mathematici, volentes actus nostros corporibus cælestibus subdere, & uos vendere stellis, ipsumque pretium,



pretium, quo vendimur, à nobis accipere, nihil verius, & breuius dici potest, quàm eos non respondere nisi acceptis constellationibus. In constellationibus autem notari partes æquales trecentas sexaginta dicunt habere signiferum circulum: Motum autem coeli per vnā horam fieri in quindecim partibus, vt tanta mora quindecim partes oriantur, quantam tenet vna hora; quæ partes singulæ sexaginta minutas habere dicuntur: Minutas autem minutarum iam in constellationibus, de quibus futura prædicare se dicunt, non inueniunt. Conceptus autem geminorum quoniam vno concubitu efficitur attestantibus medicis, quorum disciplina multo est certior, atque manifestior, tam paruo puncto temporis contingit, vt in duas minutas minutarum non tendatur. vnde ergo in Geminis tanta diuersitas actionum, & euentuum, & voluntatum, quos necesse est eandem constellationem conceptionalem habere, & amborum vnā constellationem dare Mathematicos, tanquam vnus hominis? si autem ad genitales constellationes se tenere voluerint, ab ipsis Geminis excluduntur, qui plerumque ita post in inuicem funduntur ex vtero, vt hoc temporis interuallum rursus ad minutas minutarum reuertatur; quas tractandas in constellationibus nunquam accipiunt, nec possunt tractare. Cum autem multa vera eos prædixisse dicatur, ideo fit, quia non tenent homines memoria falsitates, erroresque eorum: sed non intenti, nisi in ea, quæ illorum responsis prouenerunt, ea quæ non prouenerunt obliuiscuntur: & ea commemorant, quæ non arte illa, quæ nulla est, sed quadam obscura rerum sorte contingunt. Quod si peritiæ illorum volunt tribuere, dicant artificiosè diuinare etiam mortuas membranas scriptas quaslibet, de quibus plerumque pro voluntate fors exit. Quod si non arte de codicibus exit sæpe versus futura prænuncians, quid mirum, si etiam ex animo loquentis, non arte, sed ex sorte exit aliqua prædictio futurorum, &c.

Sed tempus est, vt lectores in sancti Augustini Theorijs plus satis moratos

ad Origenis Adamantij hexedras, & scholam reuocemus: non enim vnus, aut alterius, sed plurimorum testimonio veritatem firmandam suscepimus.



## CAPVT VIII.

*Disputatio Origenis Adamantii in Astrologos.*

VITIS Origenem Adamantium Platonica disciplina imbutum erroribus non negauerim; id enim profitemur S. Basilii lib. de Spiritu sancto, cap. 30. id scribit S. Epiphanius libro de hæresibus, id docet S. Hieronymus, sed Astrologiæ vanitatem tam conspicuam & illustrem esse cõtendo, vt neque Origenes, qui in alijs multis allucinatus est, Astrologorum vanitatem ignorare potuerit. Sic autem apud Eusebium Cæsariensem lib. 6. de præpar. Euang. cap. 9. disputat.

Valde necessarium est (inquit) diligentius exponere in signa facta esse luminaria, Solem scilicet, atque Lunam, & reliquas stellas. Non enim solum Gentiles stellarum coniunctione atque aspectu, quæ in terris fiunt, necessariò accidere credunt, quam vim fatum appellant: verum etiam multi ex fidelibus cõturbantur, impossibile aliter fieri credentes, quàm stellarum cursus effecerit. Vnde sequitur, nullam in nobis esse libertatem, nullam operationem nostram laudari, aut vituperari iure posse, ita prædictum à Scripturis Dei iudicium, quo alij ad æterna supplicia, alij ad æternam beatitudinem destinantur, falso fore prædicaretur. Quid plura? ipsa quoque fides, & Saluatoris nostri aduentus, & omnis Prophetarum labor, ac Apostolorum in constituendis Ecclesijs prædicatio, inania erunt, nisi fortè Christum quoque quis audeat dicere coelestium corporum vi coactum, fecisse, quæ fecit, passum.



passumque fuisse, quæ passus est, nec suæ deitatis, sed stellarum cuncta virtute euenisse. His impijs verbis etiam illud conficitur, ut fideles fato ducti in Christum credant: quos libenter interrogabimus, quamobrem Deus huiusmodi mundum produxit? An ut in eo alij absque culpa muliebria paterentur, alij immanes bestias crudelitate vincerent, homicidio, & rapina gaudentes? Quid oportet hæc innumerabilia dicere, in quibus non hominibus, sed Deo culpam attribuunt, quem nullo modo iustum esse ostendere poterunt? Quomodo enim qui tot tantaque mala produxit, iustus esse diceretur? Præterea interrogandi sunt, utrum etiam ipsi, qui hæc dicunt, stellis subiecti sunt, an Soli miseriam effugerunt. Si primum, manifestum est, quia à stellis etiam hanc opinionem consecuti sunt: quæ si vera est, cur omnibus insita similiter non est? Sin alterum, cur non omnes simpliciter ab huiusmodi necessitate liberamur? Ad hæc si fato res humanæ aguntur, cur orant? cur vovent? cur temere aliquid à Deo petunt? quid plura? abundè namque his paucis patet temere susceptam à multis opinionem de fato, &c.] Hæc Origenes, qui multò plus hæc in re vidit quàm quicquam existimare possit: quare apud eundem Eusebium loco citato paucis interpositis iterum repetit Astrologicum certamen, iterum in Genethliacam arma mouet.

[Nunc ostendamus (inquit) nihil humanarum rerum à stellis effici, sed tantummodo significari. Primum igitur illud patet, si quid à stellarum sextili aspectu, qui hodie fiat, efficeretur, nullo posse illud pacto præteritum esse, prius enim efficiens effectum non est. Nō ignoramus autem eos, qui hanc scientiam profitentur, multa præterita hodiernæ stellarum positione prædicere. Nam cum positionem Zodiaci diligenter in duodenas sedes diuiserint, gradusque, ac minuta singulis conuenientia domibus perspexerint, ac erraticas stellas, cæteraque ut solent aptè collocauerint, & ortus atque occasus, aspectus, & conjunctiones considerauerint, non solum

futura, verum etiam, quæ natiuitatem hominis, & conceptionem præcesserunt, dicere conantur. Patris enim fortunas, & corporis eius prosperas, aut è contra dispositiones, similiter matris, atque fratrum, ab hodierna positione percipi posse putant. Verum de gradibus domorum, alijsque huiusmodi postea dicemus. Nunc quasi exquisitissime omnia possint inuenire interrogentur. Si res humanas necessitate agi stellarum putatis, quomodo talis hodiernus aspectus, ea quæ præcesserunt potuit efficere. Quod si hoc impossibile simpliciter est, inuenitur autem vera dixisse Astrologus de præteritis, patet non à stellis illud effectum fuisse. Si quis igitur non nihil veri eam rem putat continere, certe necesse est, ut concedat, non fecisse id stellas, sed solummodò significasse. Quod si quispiam obijciat, præterita quidem significari, futura vero à stellis effici, differentiam ostendat, causam discriminis afferat. Quare quæ ad patrem, matrem, fratresque pertinent, præteritaque sunt, hæc positio significauit, futura vero quasi efficiens causa producit? Sed nullam huius rei causam asserre vnquam verisimilem poterunt. Quare nisi pertinaces sint, nihil humanarum rerum à stellis effici, sed forsitan significari concedent, tanquam si non à stellis, tam præterita, quam futura, sed ab ipso Deo per prophetica orationem quamdam quispiam perciperet. Nam quemadmodum potestas humana, ut diximus, minime tollitur, quamuis Deus quæcumque facturi sumus præuideat: sic etiam signa, quæ ad significandum diuinitus ordinata sunt, libertati nostræ nequaquam officiant: sed est vniuersum cælum, quasi liber apertus, omnia futura in se conscripta continens. Idcirco in oratione Ioseph, quod à Iacob dicitur, sic intelligi potest: Legi enim, inquit, in tabulis cæli quæcumque contingent vobis, & filiis vestris. Forsan autem etiam illud: Complicabuntur cæli, ut liber significatiuas futurorum rationes consummatas, & ut ita dixerim adimpletas fore ostendit: sicut prophetias etiam adimpletas dicimus, cum iam euenierint. Hoc modo in signa



signa secundum Scripturæ vocem stellas factas arbitramur. Hieremias autem, ut homines ad seipsum conuertat, utque for midinem, quæ à signis impendet, auferat, ac ut omnem forsitan huiusmodi opinionem ab hominum animo eijciat, à signis, inquit, cœli non timeatis. Sed rursus alia ratione non efficientes stellas esse ostendamus. Concedentes igitur interim posse ab hominibus hanc scientiam cōprehendi, quærimus, quomodo à multis natiuitatibus eandem rē contineri contendunt? Nam si patibulo moriturū aliquem dixerint, non à natiuitate sua id solummodo, verum etiam fratrum, filiorum, aliorumque attinentium, imò verò etiam interfectorum posse intelligi credunt. Stultum mihi certè videtur, in vnaquaque tam multarum natiuitatum mortem vnius esse contentam. Nescio autem quomodo respondere poterunt, si quis eos interroget, in vane vniuersi positione, Iudæi omnes in lucem eduntur; ut necesse sit in octauo die omnes circumcidi, & statim in hanc vitam ingressimale vulneribus affecti, medico cgeat? Ismaëlitas autem, qui in Arabia degunt tredecim annos cunctos circumcidi; ita enim de ipsis traditum est. Quomodo enim hæc in quibusdam gentibus stellæ perpetuo faciunt, in quibusdam nunquam, & nulla profecto ratio verisimilis, ut mihi quidem videtur, asserri potest. Verum cum multæ prouidendi viæ ab hominibus excogitatæ sint, ut augurium, auspiciū, somniorum interpretatio, nescio cur alias omnes vias significare tantum Genethliologiam verò efficere putarunt. Si enim futura cognosci possunt, ut hoc sibi gratis concedamus, fiunt autem inde, vnde cognoscuntur. Quare à stellis potius quam ab extris, aut aurbus, aut somnijs, aut fulguribus, & tonitruis producuntur? His satis demonstratum esse puto stellas non esse causas humanarum rerum. In præsentiarum perferentemur, an verum sit exquisitè loca stellarum, & domorum posse ab hominibus inueniri, quod superius (nihil enim oberat) dedimus. Asserunt enim Genethliologici, Planetarum loca exactissimè inuenienda, ut & gra-


du, & minuta, & minutorum minuta non ignorentur. Similiter non signum solummodo, verum etiam gradum, & gradus minuta primæ domus, quam ascendentem appellant recte teneri oportere. Quomodo igitur cum vna hora largo modo mediam signi occupet partem, ascendentis minutum inuenies, cum tam minutam diuisionem temporibus habere nequeas? Opus enim esse scire quora hora, & minutis, minorumque minutis ex vtero puer effusus sit. Alia enim, atque alia posse significare volunt minimo temporis discrimine habito. In Piscibus verò atque Ariete per obliquam istorum ascensionem signorum (hora enim & tertia horæ parte ascendere penè videntur) minimam temporis partem magnam mutationem facere non ignoramus, ut vel vigesima horæ vnius pars gradum ascendentis immutet. Sed hoc etiam eis concedatur. Demonstratum autem esse scimus, quemadmodum erraticæ ab occasu ad ortum feruntur sic & fixæ centum annis vno gradu moueri, & in hoc spatio temporis positionem signorum mutari, cum aliud sit intelligibile signum, aliud quod quasi figura quædam est. At non ad figuram, sed ad intelligibile aiunt omnia signa esse referenda. Quod nescio quomodo comprehendere queant. Sed hoc etiam sibi condonemus, ut aut intelligibile signum cōprehendere, aut à sensibili veritas haberi possit. Quæ autem commixtione, cōpositione, ac cum temperie diversorū aspectuum vim fieri asserunt, profecto cōcedent nullo modo scire posse. Quomodo enim quantum diminuat à laesione maligni propter inspectionem benigni percipies? Et vtrum auferat malignus, quod à benigno conceditur, quoniam locum eius aspexerit, aut mutet, aut imminuat, aut mixtura quædam inde fiet, quis percipiet? Quæ omnia si quis altius inspiciat, facillè credat non posse ista humano ingenio penitus percipi. Vnde si quis harum rerum periculum fecerit, videbit in pluribus errare, quam veritatem consequi Genethliologicos. Quamobrem Esaias etiam quasi hæc omnibus impossibilia sint, ad filiam Chaldeorum, qui maximè ista profitentur, ait:

T

Ansit,



Adire, & saluam te faciant Astrologi coeli, annuncient tibi quid tibi accidat. His enim verbis docemur, vel diligentissimos in hac re Chaldaeos non posse predicare quæ velit vnicuique genti Deus attribueret, &c. At Origer est, sicut æquum est, cum bona gratia dimittamus, & ad Bardasem Syrum Astrologum eruditum sanè & apud suos probatum veniamus.



## CAPVT IX.

*Disertissima Bardasenis oratio  
in Astrologos.*

**D**I CAMVS igitur, ait Eusebius Cæsariensis, lib. 6. de præpar. Euang. cap. 8. non mea, sed ea, quæ de eo Bardasenes vir genere quidem Syrus, doctrina verò omnium Chaldaeorum excellentissimus, in dialogo, quem sciscitantibus amicis composuisse ait, hoc modo scribit: Natura homo nascitur, inquit, alitur, crescit, comedit, bibit, dormit, senescit, moritur: quæ omnia sibi cum cæteris animalibus communia sunt. Sed bruta quidem cum animalia sint coniunctione procreata, natura omnino feruntur. Leo carneus est; saluti suæ propugnat, si quis iniuriam infert. Oves scænum edunt, carnes non tangunt, nec ab iniuria se defendunt. Scorpio terram comedit, & pestifero non iniuriantes stimulo petit. Formica natura duce hyemem suspicatur, idcirco summis laboribus futura sibi alimenta in æstate recondit. Apes mel operantur & melle nutriuntur. Plura mirabilioraque possem narrare, sed hæc sufficere arbitror ad intelligendum natura fieri expertia rationis animalia, & secundum eam iucundè viuere. Soli autem homines cum & natura ducantur, ut dictum est, mentem etiam, & orationem, quæ à mente pro-

fertur, quasi præcipuum quoddam donum possident, quo non natura feruntur. Non enim vnus cibus omnibus est, sed alij sicut leones nutriuntur, alij sicut oues. Non est vnus vniuersis vestitus, non mos, non lex, non vnus viuendi modus, non simplex rerum cupiditas; singuli enim hominum propria voluntate vitam sibi eligunt: nec vicinos, nisi quantum volunt, imitantur. Libertas enim hominis seruituti subiecta non est. Nam etiam si sponte seruiat, libertatis suæ id quoque est, ut possit cum velit seruire. Multi hominum, ac maximè Alaneorum gentis, quasi atroces bestiarum, carnibus aluntur, panem non comedunt; non quia non habent, sed quia nolunt. Nonnulli carnes omnino fastidiunt, alij pisces solummodo edunt: nonnulli etiam si famemorerentur, pisces non essent: alij aquam, alij vinum, alij ceruisiam bibunt. Ad eod multiplex atque diuersa cibi, & potus in hominibus est differentia, ut in oleribus quoque comedendis conuenire non videantur. Sunt etiam qui veluti Scorpiones, aut aspides non læsi iniuriuntur: & qui non iniuriuntur quidem, sed læsi propulsant iniuriam: nonnulli tanquam lupi rapiunt, & sicut caræ furantur, alij tanquam oues sic omnia ferunt, ut etiam iniuria vexari perpetiantur. Vnde alios iustos, alios iniustos appellamus. His rebus apertum est, non natura in omnibus hominem ferri: vna enim in omnibus natura est, hæc verò diuersa, sed in quibusdam natura, in quibusdam voluntate. Quare in his laudem vel vituperationem meretur, in illis autem iure inculpabilis est. Post pauca, deinde subiicit diuersas hominibus leges scriptas, & non scriptas in diuersis regionibus latas esse: è quibus (inquit) narrabo quantum melius possum. Apud Seras lex est nec occidere, nec fornicari, nec furari, nec adorare simulachra: vnde in illa regione nullum templum conspicitur, nulla mulier meretrix, nulla adultera, nemo fur, nemo homicida: nec voluntatem alicuius illorum ardentissima stella Martis, in medio coeli constituta ad eadem hominis coëgit: Nec Venus Marti coniuncta, ut alienam quispiam solici-



solicitaret vxorem potuit efficere. Atqui singulis etiam apud eos diebus, in medium cœli Martem peruenire necesse est, & in tanta regione singulis horis nasci homines non negandum. Apud Indos autem, & Bactros multa millia hominum sunt, qui Brachmanes appellantur. Ij tam traditione Patrũ, quàm legibus, nec simulachra colunt, nec amarum aliquid comedunt: virum, aut ceruicem nunquam bibunt: ab omni demum malignitate absunt, soli Deo attendentes. At ceteri omnes Indi in eadem ipsa regione adulterijs, cæde, temulentia, simulachrorum cultu inuoluuntur, inueniunturque ibi nonnulli, imò verò gens quadam Indorum est in eodem climate habitans, quæ homines venantes, atque sacrificantes deuorat; nec vlli Planetarum, quos scelericis, ac bonos appellant, à cæde, ac sceleribus istis prohibent: nec maligni Brachmanas pellere ad malefaciendum potuerunt. Apud Persas lex erat filias, sorores, matres quoque ipsas in matrimonium ducere: nec in Perside solum, verum etiam quicumque Persarum ad alia climata orbis è patria exiuerunt, nefanda hæc diligenter matrimonia celebrant, quos alij æ gentes hoc scelus abominantur, Magusos appellant; Suntque ad hodiernũ diem in media Ægypto, Phrygia, Galatiaque plurimi Magusæi successionem patrum, eisdem sceleribus contaminati. Nec dicere possumus in terminis, & domo Saturni cum Saturno ipso in natiuitatibus omnium, Marte aspiciente Venerem fuisse. Apud Getulos lex est, à mulieribus agros colli, ædes ædificari, huiusmodiq; cætera opera fieri, & ad hæc, vt quibuscumque velint conueniant, nec à maritis acculantur, nec adulteræ appellantur, cum passim omnibus misceantur, ac præcipue aduenis. Aspernantur quoq; apud eos foemina vniuersos odores, nec tinctis vestibus induuntur, & nudis omnes pedibus degunt: cum viri apud eos è contris, & vestibus, & odoribus, & coloribus varijs gaudeant, nec id molliæ faciant; fortes enim, & bellicosissimi præter cæteras gentes sunt; nec omnes apud eos natæ foemina in Capricornio, aut Aquario malè affecta Venerem ha-


buerunt; nec viri omnes in Ariete vna cum Marte constituta Venere nati sunt, quod fortes simul, & delicatos efficere viros, Chaldæorum nugæ conclamant. Mulieres in Bactris præstanti ornatu, atque vnguents vtuntur, & ab ancillis, & seruis multò magis, quàm earum mariti cultræ, singulari quadam pompa equitantes exeunt, auro, atque lapidibus, phaleris equorum ornatis; nec castè viuunt, sed tam seruis, quàm conseruis permiscuntur; nec à viris accusantur, quippe cum eorum dominari videantur. Nec Bactrianarum omnium natiuitas Venerem cum Ioue, ac Marte in medio cœli, & terminis Veneris habuit. Apud Arabes adulteræ omnes interimuntur, & suspensæ solummodo puniuntur. In Parthia verò, atque Armenia interdum à iudicibus, interdum occisi à cognatis homicidæ necantur. Qui autem vxorem, aut filium, aut filiam, aut cælibem fratrem, aut innuptam sororem interfecerit, nec accusatur quidem: lege namque ita sancitum est, cum apud Græcos, & Romanos videamus maiori supplicio parricidam expiari. In Atrijs qui aliquid vel minimum furatus est, lapidibus obruitur. In Bactris qui pauca furatur, spurijs dedecoratur. Romanorum legibus vulneribus ceditur. Ab Euphrate fluuiò vsque ad Orientalem Oceanum, cui cædes, vel furtum obijciunt, cum magno moerore torquetur. Qui verò pudorem masculi eripuit, si res in lucem venerit, magnitudine ignominia seipsum interficere cogitur. Græcorum etiam sapientes speciosos sequi pueros non verentur. In eadem Orientis plaga parentes, atque cognati si cognouerint filios, aut agnatos turpitudini se subiecisse, & interfecisse, & sepulturæ tradere non dignantur. Apud Gallos autem pueri publicè nubunt, nulloque dedecore propter legem notantur; nec est profectò possibile omnes, qui apud Gallos produnt florentis ætatis, Venerem, & Mercurium in domo Saturni & Martis termino occidente habere. Multi apud Britannos vnā vxorem habent: apud Parthos contra multæ femina vnum maritum, castæque omnes viuunt, legibus obtemperantes.

T 2 Ama-



Amazones viros non habent, sed tempore veris fines suos egredientes cum vicinis conueniunt. Vnde omnes naturali lege eodem tempore pariunt, masculisq; interfectis, solas foeminas alunt; bellicosaeque omnes similiter sunt, magnam exercitationis bellicae curam gerentes. Mercurius in domo sua cum Veneré à Chaldaeis efficere dicitur homines numularios, & qui fingere, atque pingere sciunt. In domo verò Veneris vnguentarios, vocem exercentes histriones, actoresque fabularum. At apud Saracenos, & Mauros, in superiore quoque Libya & exteriore Germania, & apud Sarmatas, & Scythas, ceterasque gentes, quae Septentrionales Ponti partes habitant, in Alania quoque atque Albania, Othene, Saunia atque Aurea nullus numularius, nullus pictor, non architectus, non geometra, nemo exercens vocem, nemo fabularum actor inuenitur; sed inanis omnino in tot tantisque orbis terrarum partibus Mercurij, atque Veneris huiusmodi coniunctio inuenitur. Omnes Medici canes non parua alunt cura; quibus morientes homines adhuc spirantes projiciunt, neque omnes in natiuitate diurna Lunam cum Marte sub terra in Cancro habuerunt. Indi mortuos cremant, quibuscum sponte vxores concremantur, nec omnes, quae sponte rogum mariti, ascendunt mulieres, in natiuitate nocturna, Solem cum Marte in termino Martis in Leone habuerunt. Plurimi Germanorum laqueo gulam frangunt, nec est possibile omnes, qui ita se suspendunt, interceptam à Saturno atque Marte Lunam habuisse. Quid plura? singulis horis apud omnes gentes homines nascuntur. Vbiq; autem leges, atque mores propter liberam hominis potestatem praeualere videmus, nec natiuitas aliqua nolentes Seras ad homicidium compellit, aut Brachmanas ad esum carniū, nec Persae à sceleratis nuptijs remouentur, nec Indi à rogo, nec Medici à canibus, nec Parthi ne multas ducāt vxores, nec à castitate Mesopotamienſes foeminae; nec Graecia gymnasijs, vbi nudis corporibus exercentur; nec Romani ab imperando, nec Galli muliebria patiantur; nec gen-

tes omnes quas Barbaras appellamus; Musarum cognitionem approbandam ducunt. Singulae namque gentes ut volunt, & quando volunt libertate sua utuntur legibus moribusque obedientes, Naturam quoque ipsam, quae corpus homini tribuit, sequentes, interdum sponte, saepius etiam coacti, sunt vbiq; diuites, atque pauperes, principes, & subditi, sani, & ægroti, nemoque ipsorum necessaria natiuitatis sorte hæc consecutus est.



## CAPVT X.

*Excluditur Astrologorum ludificationo aduersus Patrum doctrinam.*



NTEQVAM ad alia progrediar, necesse habeo exponere rationē, qua Astrologi Sanctorū Patrū, qui omnes quasi agmine facto in Genethliacam irruunt, impetum declinare consueuerunt. Aiunt ergo sanctum Ambrosium, sanctum Augustinum, aliosque quos recensuimus, in eos Astrologos disputare, qui ex Astrologorum concursu, & antecedentibus causis, ita naturali colligatione confertē, contextēque omnia fieri tradunt, ut fati necessitatem inducant, illorumque disputationes in eos valere, qui fato recepto, libertatem arbitrij aut funditus euertunt, aut aliqua ex parte labefactant; eos verò, qui sublato fato, verisimili quadam coniectura de futuris euentis è coelo prædicunt, alienos esse à sanctorum Patrum insimulatione; seque qui fati necessitate suas prædictiones liberant, nihil à sanctorum Patrum disciplina alienum, aut sentire, aut docere; sic vaserrimæ vulpes sapientissimorum hominum retia eludere conantur, sed frustra; tenentur enim adhuc disertissimis disputationibus vndique implicita, nec vllus apparet euadendi exitus; nam cum eandem nostras



res Astrologi profiteantur artem, quam vereres Planetarij, Chaldaei, Aegyptij, Gentiles, qui sine dubio fatali vti sunt necessitate, cum iisdem nitantur observationibus, & praeceptis, eadem obseruant astra, & astrarum influxus, non video quomodo suam Astrologiam expedire possint à fati necessitate, aut cur in eos etiam cadere non debeant ea, quae sancti Patres grauius in Astrologos disputant. Ita ne tardi, ac stupidi fuerunt viri ingenio, & doctrina principes, ut non viderint, quid ex Astrologorum scitis, ac placitis sequatur? non intellexerint, vtrum ij, qui Astrologicas praedictiones sectantur, cogantur fati necessitate obligare mortales? Porro si id illis constabat, cur laesa humanae libertatis reos Genethliacos fecerunt, qui ad tuendam, quam profitentur, artem nequidquam coguntur libero arbitrio detrudere? An per calumniam, & malitiosam quandam artis interpretationem integerrimi viri illis fati necessitatem obiecerunt? An intelligebant scelerissima, & incluta ingenia, verbis Astrologos humanae mentis libertatem tueri, re, & factis fatalem vim, & necessitatem asserere? quod fusius disputauimus lib. 3. huius operis, cap. 1. extremo. Nascentur enim obstetricantibus astris, alij libidinosi, alij iracundi, aut crudeles, aut superbi, aut auari; idque Astrologi caluus cognoscant: quid tum? si liberae voluntatis nostrae appetitiones sunt, si eorum, quae agimus, nihil stellis definitum, & constitutum est, quid tandem è coelo vaticinari possunt Astrologi? At sequuntur homines ut plurimum corporis propensiones naturales: quid ut plurimum? liberae si sunt nostrae mentes, ad vtrumlibet se habeant oportet, in causis verò liberis, & a quae in vtramque partem paratis, ne Deus quidem quid futurum sit cognoscere potest, auctore Sancto Thoma 1. part. quaest. 14. art. 13. in corp. Hinc Tullius lib. 2. de Diuinatione, Mihi ne in Deum quidem cadere videtur, ut sciat quid casu, & fortuito futurum sit. Itaque Carneades dicebat, ne Apollinem quidem futura posse dicere, nisi ea, quorum causas natura contineret. quid

enim potest prouideri, quidquam futurum esse, quod neque causam habet vllam, neque notam, cur futurum sit? Solis inquit idem. defectiones, itemque Lunae praedicuntur in multos annos ab ijs, qui syderum cursus, & motus numeris prosequuntur. ea enim praedicunt, quae naturae necessitas perfectura est; vident ex constantissimo motu Lunae, quando illa è regione Solis facta incurrit in vmbra terrae, quae est meta noctis, ut eam obscurari necesse sit: quandoque eadem Luna subiecta Soli, atque opposita nostris oculis, eius lumen obscurat: quo in Signo quaeque errantium stellarum, quoque tempore futura sit, qui exortus quoque die Signi alicuius, aut qui occasus futurus sit. Haec qui ante dicunt, quam rationem sequuntur, vides, qui thesaurum inuenturum, aut haereditatem venturam dicunt, quid sequuntur, aut in qua rerum natura inest id futurum, &c. Haec Tullius, quae multò magis valent in liberis appetitionibus; nihil enim habent causae, cur ita fiant. Usque adeò hæc ratio permouit multos Philosophorum, & Theologorum, ut negarint vllam veram, aut falsam esse enunciationem, quae aut ait, aut negat id esse futurum, cuius nulla adhuc causa est, cur futurum, aut non sit futurum. Ita Aristoteles lib. 2. Periermen. cap. 8. ita Aureolus apud Gregorium in 1. dist. 38. quaest. 2. art. 1. ita Ambrosius Catherinus opusc. de veritate enunciationum, alijque permulti. Non iniuria itaque sapientissimi mortalium Astrologos semper insinularunt, quod humanas mentes fati necessitate deuinciant; nam quamuis in speciem illi libertatem arbitrij retineat, re tamen, & factis, ut suarum praedictionum, ut artis Genethliacae fides constet, eam è medio tollunt. Hinc nefariae illae voces,

*Si te fata vocant.*

*Astra viam inuenient.*

*Sic mea me fata trahunt.*

*Sic erat in fati.*

*Fata volentem ducunt, nolentem trahunt.*

*Fatorum immobilis ordo.*

T 3

Hinc



Hinc Poetæ, Virgilius :

*Testatur moritura Deos, & conscia fati  
Sydera.*

Ausonius :

*Te cœli numeros, & conscia fati  
Sydera.*

Manilius :

*Carminē diuinas artes, & conscia fati  
Sydera.*

Idem lib. 2.


*— — — — — Ut vitas, ac fata ministret  
Gentibus.*

Quare Petrò Castellæ Regi crudeli, cui plurimum ex astris foelicitatis, & gloriæ pollicebantur Astrologi, desperatis iam rebus, requirenti ut prædictionum fides constaret, respondisse quidam fertur, Si quis rigente cœlo in balneo lauaret, sudaturum nihilominus, ut legere est apud Marianam, lib. 17. de rebus Hispaniæ, cap. 14. significans, ea esse Astrorum decreta, quæ nulla vi liceat violare. Creberrimos errores, qui in Astrologorū prædictis quotidie deprehenduntur, non in liberis hominum mentes. Astrorū impulsus ludificantes, sed in Astrologorum imperitiam, socordiam, incuriam reijciunt Prolem. lib. 1. de Iudicijs, cap. 1. & 3. Firmicus lib. 1. cap. 2. & 3. Cardanus lib. 1. Ptolomæi de Iudicijs, text. 14. Iunctinus, Bellantius, reliqui omnes. cur ita quia inuitabili quadam lege humana à cœlo manare existimant: ea propter eum, qui cœli constitutionē ritè obseruauerit, qui Genethliaca scita tenuerit, existimant à vero aberrare non posse. Sed disputationem hoc loco suscepi minimè necessariā: non enim sancti Patres eo solum nomine in Astrologos inuehuntur, quodd nostras mentes fatali necessitate obligent, ut aduersarij putant, sed etiam quodd fulem, fallacem, seditiosam, mendacem, circulatoriam, vaniloquam artem profiteantur, quæque innumeris mendacijs, erroribus, fraudibus scateat. Incomprehensibile est (inquit S. Ambrosius) in quoto sexagesimo sexagesimæ particulæ natiuitatis momenta consistant, & qui singulorum Signorum sit aut motus, aut species in natiuitate nascentis. Vnde cum impossibile sit tam subtiles minutias temporis comprehendere, exigua

autem mutatio inuehat vniuersitatis errorem, totum negotium plenum est vanitatis, &c.


Nihil hic auditur de fatali necessitate; nihil de læsa libertate arbitrij; de vanitate artis disputatur.

Item S. Augustinus lib. 5. de Ciuitate, cap. 5. Si hæc, inquit, ad illas pertineat minutias temporis, quæ inter se habent gemini, & constellationibus non ascribuntur, quare aliorum constellationibus inspectis ipsa dicuntur? si autem ideò dicuntur non ad minuta incomprehensibilia, sed ad temporis spatia pertinent, quæ obseruari, notarique possunt, quid hic agit rota illa figuli, nisi ut homines luteum cor habentes, in gyrum mittantur, nec Mathematicorum vaniloquia conuincantur, &c. His, & alijs multis sancti Patres coarguunt Genethliacam, vanitatē, quibus luce clarius constat, eos non solum fati naturam, & nomen in Genethliaca arte improbare, sed etiam leuitatem, commenta, futilitatem, ineptias, vanitatem. Verum quoniam de sapientum sententia iam satis constat, videamus & quid Rerumpublicarum moderatores, & Principes viri de hoc hominum genere censuerint.



## CAPVT XI.

*Astrologos sape è Republica pul-  
sos fuisse.*



Reſtigiatores hi, & infuſu-  
buli, qui ex aſtris homines  
ſuſpenſos habent, tamquam  
publicæ quietis euerſores,  
quique exerceant artem publicis ra-  
tionibus aduerſam, ſæpius à Republica  
amoti fuerunt. Expelluntur, inquit Septi-  
mius Tertull. lib. de Idololatria, Mathe-  
matici, ſicut Angeli deſertores, eorū ma-  
giſtri. Vrbs, & Italia interdicitur Mathe-  
maticis, ſicut cœlū Angelis eorum, eadē  
pœna exilij eſt diſcipulis, & magiſtris.


Pri-



Primum itaque Marco Popilio, & Cn. Calpurnio Coll. publica lege Vrbe, & Italia hæc peccata amota fuit, iterum Marcus Agrippa Aedilis anno vrbis 721. magno Reipublicæ bono eam exulare iussit. Tercio anno 761. vetita fuerunt omnia, vaticinia auctore Dion. lib. 56. Seuerius autem, & maiori cum cura Tauro, & Libone Coll. facta de Mathematicis, Magisque Italia pellendis Senatusconsulta. Atque vt ostenderent Patres, quanto studio hoc genus hominum cauendum censerent, Lucium Piscarium è saxo eiecerunt; & in Marium extra portam Esquilinam, cum classicum canere Consulles more prisco iussissent, grauitè animadueterunt. Denuò Cn. Pomponio, & Rufo Coll. Mathematicis, & Chaldaeis Senatusconsulto aqua, & igni interdictum fuit. Vitellius præterea Cæsar iussit Roma, & Italia excedere omnes Mathematicos intra Kalend. Octobris. Vsurpata deinceps sæpe de abolenda Genethliaca Senatus consulta, & subinde repetita à Principibus Mathematicorum electio. Donec Iartem, c. de Maleficiis, & Mathematicis ab Imperatoribus Diocletiano, & Maximiano in hæc verba sanctum fuit. Artem Geometriæ discere, atque exercere publicè interest, ars autem Mathematica damnabilis est, & interdicta omnino. Rursusque eodem tit. l. nemo: Nemo haruspice consulat, aut Mathematicum, nemo ariolum: augurum, & vatum praua confessio conticescat. Chaldaei, ac Magi, & cæteri, quos maleficos ob facinorum magnitudinem vulgus appellat, nec ad hanc partem aliquid moliantur. Sileat omnibus perpetuo diuina curiositas: etenim supplicio capitis ferietur, gladio vltore prostratus, quicumque iussis nostris obsequium denegaue-rit. Iterum l. etsi. eodem tit. Si quis Magus, vel magicis carminibus assuetus, qui maledicus vulgi consuetudine nuncupatur, aut haruspex, aut ariolus, aut certè augur, vel Mathematicus, aut enarrandis somnijs occultam artem aliquam diuinandi, aut certè aliquid horum simile exercens, in comitatu meo, vel Cæsaris fuerit deprehensus, præsidio dignitatis exutus, cruciatus, & tormenta non su-

giat: si verò conuictus fuerit, & ad proprium facinus, detegentibus repugnauerit, pernegando: sic equuleo deditus, vngulisque sulcantibus latera perferat poenas proprio dignas facinore. Item, l. Mathematicos. C. de episcopali audientia, Mathematicos, nisi parati sint codicibus erroris sui sub oculis Episcoporum incendio concrematis, Catholicæ Religionis cultui fidem tradere, nunquam ad errorem pristinum redituri, non solum vrbe Roma, sed etiam omnibus ciuitatibus depelli decernimus.

Vnde quæso tot aduersus Mathematicos sapientissimorum Principum decreta, nisi quia certissimis experimentis didicerant, eos non solum futilè, & inanem artè, sed etiam perniciosam profiteri? Quo loco mirari subit Ioannem Fordiensem Franch. Decanum, qui, vt est apud Dominicum Bagnes 1. part. quæst. 155. artic. 4. dub. 1. negat Astrologorum placita improbata alijs, quàm Romanis Pontificibus, & Theologis scholasticis, ab ijsq; non damari, quod inania fundat oracula, sed quod cum Christiana Religione, cum sanctis Patribus, cum diuinis litteris congruat parum. quis enim reperitur, aded ab Historia alienus, qui non legerit Romanorum Principum decreta, aduersus Genethliacam labem, qui profecto non Religioni Christianæ, sed politicis rationibus consulebant, eamque labem non minus quam furtum, quam adulterium, quam homicidium, humano generi noxiam existimant?



## CAPVT XII.

*Quàm seuerè olim Ecclesia in Genethliacos animadueterit.*

**N**ON modò Rerumpublicarum Præsides, verùm etiam sacrorum Antistites, & cœcumenica concilia Astrologorum pestem amandare longius ab Ecclesia Dei conata sunt, & Planetarios humani generis

T 4 hostes



hostes iudicarunt. Nam Aquilam Ponticum diuinarum literarum attentum interpretem, ob eam maxime causam à Patribus ex Ecclesia eiectum accepimus, quod geniturarum interpretationibus impensè vacaret. Et libros illos, quos combustos memorat S. Lucas Actorum. c. 19. ad Astrologicam geniturarum observationem, & curiositatē pertinuisse auctor est S. Aug. Psal. 61. Quo loco refert Christianum quendam, qui eo tempore secutus fuerat Astrologicas prædictiones, non fuisse in Ecclesiam receptum, nisi publica peracta poenitentia. Sic autem inquit, iste ex Christiano, & fidei poenitens redit, & territus potestate Domini, conuertitur ad misericordiam Domini: seductus enim ab inimico, cum esset fidelis, diu Mathematicus fuit, seductus seducens, deceptus decipiens, illexit, fefellit, multa mendacia locutus est contra Deum, qui dedit hominibus potestatem faciendi quod bonum est, & non faciendi quod malum est; iste dicebat quod adulterium non faciebat voluntas propria, sed Venus; homicidium non faciebat voluntas propria, sed Mars; & iustum non faciebat Deus, sed Iupiter, & alia multa sacrilega non parua. Quam multis eum putatis Christianis nummos abstulisse? Quam multi ab illo emerunt mendacium? quibus dicebamus, filij hominum usquequo graui corde, ut quid diligitis vanitatem, & queritis mendacium? modo sicut de illo credendum est, horruit mendacium, & multorum hominum interitum; se aliquando sensit à Diabolo illectum, conuertitur ad Deum poenitens. Nostis in Actibus Apostolorum esse scriptum c. 10. quia multi periti, id est, talium artium homines, & doctrinarum nefariorum sectatores, omnes codices suos ad Apostolos attulerunt, & incensi sunt libri tam multi, ut pertineret ad scriptorem, estimationem eorum facere, & summam pretij conscribere. Hoc utique propter gloriam Dei, ne tales etiam desperarent ab illo, qui nouit querere quod perierat; perierat ergo iste, nunc quaesitus, inuentus, adductus est, porrat secum codices incendendos, per quos fuerat incendendus, ut illis in ignem missis ipse in refri-

gerium transeat. Ante Pascha enim coepit querere de Ecclesia Christi medicinam, sed quia talis est ars, in qua exercitus erat, quæ suspecta esset de mendacio, atque fallacia, dilatus est, ne tentaret, & aliquando tandem admissus, ne periculosius tentaretur. Hactenus S. Augustinus.

Fertur etiam Alexander Papa I I I. Presbyterum, qui consuluerat Astrologos de furto quopiam in sua Ecclesia, admissio, per integrum annum amouisse à Diuinis.

Secunda Decreti parte, causa 26. q. 2. cap. sed & illud; vñ cum S. Hieronymo Ecclesia vniuersa damnat eos qui stellarum cursus, & ex illis futurorum euentus rimantur.

Rursus ibid. q. 3. cap. Illud. legis Mathematicos, qui ex Astris conantur actiones nostras, vel actionum euenta prædicere, nimis errare. Item c. Illos. Planetarios à Christiana, & vera Religione damnari.

Denique ne omnia illius quaestionis capitula perceramus q. 5. cap. non liceat. prohibentur Christiani obseruare Lunæ, aut stellarum cursus, aut inanem signorum fallaciam, pro domo faciendâ, vel coniugio ineundo.

Concilium item Bracarense I. Can. 9. Si quis inquit animas, & corpora humana, fatali signo credit adstringi, sicut pagani & Priscillianistæ dixerunt, anathema sit. Rursus Can. 10. Si quis ait duodecim signa, quæ Mathematici obseruare solent, per singula animæ, vel corporis membra disposita credit, anathema sit. Iterum Concilium Lateranense sub Leone X. & Iulio I I. coactum Astrologiam prohibuit, & contra Arnoldum Villanouensem, aliosque huius farinae homines, grauitè censuit.

Concilium Tridentinum, De libris prohibitis regula 9. ita Episcopis præcipit: Episcopi diligenter prouideant, ne Astrologiæ iudiciariæ libri, tractatus, indices legantur, vel habeantur, qui de futuris contingentibus, successibus, fortuitisque casibus, aut ijs actionibus, quæ ab humana voluntate pendent, certò aliquid euenturum affirmant, &c.

Con-



Concilium Provinciale Mediolanense sub S. Carolo Card. Borromeo celebratum part. i. ferè extrema Astrologi, inquit, qui ex Solis, Lunæ, & aliorum Astorum motu, figura, & aspectu de hominum actionibus, quæ à libero voluntatis arbitrio proficiuntur, certò aliquid euenturum affirmant, grauibz poenis plectantur, quæ poenæ etiam ad eos pertineant, qui ad illos de huiusmodi rebus detulerint, &c.

Sixtus Quintus vir humanarum, diuinarumque literarum scientissimus, Reipublicæ administrandæ laude, & ciuiliū rerum vfu, ac prudentia incomparabili ad Pontificiam dignitatem euectus, nihil habuit prius, quàm Christi Domini Ecclesiam ab Astrologis lappulis, tribulis, lolio repurgare, primo siquidem ipso Pontificatus anno, Astrologiæ vsum planè interdixit.

Nec verò (inquit in saluberrima constitutione aduersus Astrologos lata) ad futuros euentus & fortuitos casus prænoscentes vllæ sunt veræ artes, aut disciplinæ, sed fallaces, & vanæ, improborum hominum astutia, & Dæmonum fraudibus, introductæ, ex quorum operatione, consilio, vel auxilio, omnis diuinationo dimanat, siue quòd expressè ad futura manifestanda inuocentur, siue quòd ipsi prauitate, & odio in genus humanum occultè etiam præter hominis intentionem, se ingerant, & intrudent, vanis inquisitionibus futurorum, vt mentes hominum perniciosis vanitatibus, & fallaci contingentium prædictione implicentur, & omnis impietatis genere deprauentur, quæ quidem ipsis cognita sunt, non diuinitate aliqua, nec vera futurorum reminiscencia, sed naturæ subtilioris acumine, & alijs quibusdam modis, quos hominum obfusior intelligentia ignorat. Quamobrem dubitandum non est, in huiusmodi futurorum contingentium & fortuitorum euentuum inquisitione, & præcognitione diaboli operam se fallaciter immiscere, vt sua fraude, ac dolis miseros homines, à via salutis auerrat, & laqueo damnationis inuoluat. Quæ cum ita sint, non nulli hæc fideliter & religiosè, vt debent, non at-

tendentes, sed curiosa sectantes, grauius Deum offendunt, errantes ipsi, & alios in errorem mittentes. Tales in primis sunt Astrologi, olim Mathematici, Genethliaci, Planetarij vocati, qui vanam, falsamque syderum, & Astorum scientiam profitentes, diuinæque dispositionis ordinationem, suo tempore reuelandam, præuenire audacissimè satagentes, hominum natiuitates, & genituras ex motu syderum, & Astorum cursu metiuntur, ac iudicant futura, siue etiam præsentia, & præterita occulta, atque ex puerorum ortu, & natali die, siue quauis alia temporum, & momentorum vanissima obseruatione, & notatione de vniuscuiusque hominis statu, conditione, vitæ cursu, honoribus, diuitijs, sobole, salute, morte, itineribus, certaminibus, inimicijs, carceribus, cædibus, varijs discriminibus, alijsque prosperis & aduersis casibus, & euentibus præcognoscere, iudicare, affirmare temere præsumunt, non sine magno periculo erroris, & infidelitatis, cùm S. Augustinus, præcipuum Ecclesiæ lumen, eum qui hæc obseruat, qui attendit, qui credit, qui in domum recipit, qui interrogat, Christianam fidem, & baptismum præuicasse affirmet, &c.

Rursus infra: Hæc perpetuò, inquit, valitura constitutione, Apostolica auctoritate statuimus, & mandamus, vt tam cõtra Astrologos, Mathematicos, aliosque quoscunque dictæ iudiciariæ Astrologiæ artem, præterquam circa agriculturam, nauigationem, & rem medicam, in posterum exercentes, aut facientes iudicia, & natiuitates hominum, quibus de sueturis contingentibus, excessibus, fortuitisque casibus, aut actionibus ex humana voluntate pendentibus, aliquid euenturum affirmare audent, etiam si id se non certò affirmare asserant, aut protestentur, quàm contra alios cuiusque, qui supradictas dānatas rationes fallaces, & perniciosas diuinandi artes siue scientias exercent, profitentur, & docent, aut discunt, quive huiusmodi illicitas diuinationes, sortilegia, superstitiones, veneficia, incantationes, ac detestanda scelera & delicta, vt præfertur, faciunt, aut in eis quomo-




quomodolibet se intromittunt, cuiuscunque dignitatis, gradus, conditionis, existant, tam Episcopi, & Prælati, superiores, ac alij ordinarij locorum, quam Inquisitores hæreticæ prauitatis, vbique gentium deputati, etiam si in plerisque ex his casibus, antea non procedebant, aut procedere non valebant, diligentius inquirant, & procedant, atque in eos seuerius Canonicis poenis, & alijs eorum arbitrio animaduertant. Prohibentes omnes, & singulos, libros, opera, tractatus, huiusmodi iudiciariæ Astrologiæ, Geomantiæ, Hydromantiæ, Pyromantiæ, Ouomantiæ, Chiromantiæ, Necromantiæ, Artis Magicæ, aut in quibus sortilegia, Auguria, Auspicia, execrabiles incantationes, ac superstitiones continentur, ac super in memorato indice interdictos, sub censuris, & poenis in eo constitutis, à quibuscunque Christifidelibus legi, aut quomodolibet retineri, sed illos Episcopis, & ordinarijs locorum, vel Inquisitoribus prædictis præsentari, & consignari debere. Et nihilominus eadem auctoritate statuimus, & mandamus, vt contrā facientes, legentes, aut retinentes libros, & scripta huiusmodi, seu in quibus talia continentur, similiter iisdem Inquisitores liberè, & licitè procedant, ac procedere, & poenis dignis punire, & coërcere possint, &c.

Hæc sunt Philosophorum, Medicorum, Iurisconsultorum, Theologorum, sanctorum Patrum, Principum, Pontificum, Conciliorum de Astrologia iudicia. Infamiat itaque oportet, qui tot, tantosque viros allucinatos esse existimat, & nugiuendulis quibusdam credendum potius ducit, quam viris, vitæ integritate doctrinæ copia vbertate ingenij, rerum vsu longè clarissimis. Quis sanæ mentis sibi persuadeat sapientes omnes à veritate defecisse, solos mendaces Astrologos pro veritate stare? Iactent illi experimenta, dicant suam artem certis & nunquam fallentibus constare obseruationibus. Scilicet acerrimi doctissimique mortaliū ignorarunt, quid Planetarij experiendo consecuti sint. Cur fidem illis habuerunt nullam? Nonne cognouerant Astrologorum multa vera prædicta?

Cur perstiterunt in sententia de vanitate Genethliacæ? Est in huiusmodi præfagijs longè plus deceptionis, & fraudis, quam vulgus existimare valeat: plus in hac arte sapientes viderunt officiarum, quam vulgus suspicetur; ideo numquam adduci potuerunt, vt huic arti adiungerent fidem.

## CAPVT XIII.


*Genethliacam artem exitio fuisse multis Principibus.*



Vn miramur & Rerum publicarum moderatores, & sacrorum Antistites, semper Astrologiæ fuisse infensos? Multis illa Regibus, & Imperatoribus exitio fuit, magnasque Rebus publicis intulit calamitates. Simeon Bulgarorum Princeps, Mathematicorum suasu in Crobatos validum exercitum duxit, certissima cum victoriæ spe, sed inter angustias montium à Crobatis profligatus incredibilem cladem accepit. Emanuel Comnenus Imperator audita clade, quam in Sicilia acceperant sui, rem in malè auspiciatum classis egressum è portu retulit. Atque vt in posterū foelicius bellum administraretur, Astrologorum pensatis rationibus, nouam classem adornat, & quam opportunissimo Altrorum congressu Angelo Duce è portu dimittit; quæ vbi ad Siculum fretum peruenit, à Rogerio Rege, capta est, Duces omnes, omnes naues, validus exercitus, magna auri argentique vis, in hostium potestatem venit. Petrus Castellæ Rex, cui Iudæus Astrologus, noua regna, & imperia ex Altrorum rationibus pollicebatur, multa eo auctore suscepit bella, quibus omnibus infelicitè gestis, ab Henrico tandem fratre notho captus multisque confossus vulneribus vitam, Regnumque miserimè amisit. Ludouicus Sforzia Mediolanensium Dux, qui nihil vnquam aggressus est, nisi ex Astrologorum præscripto, quorum suasu aduersus Ludouicum



ticum Duodecimum Gallia Regem bellum suscepit, ab hoste captus Mediolani ditione expoliatus, ignominiose in carcere habitus, confectus ærumnis, in vinculis mortem obiit. Plenæ sunt huiusmodi exemplis historiarum, referta eorum hominum vita, qui Astrologorum vanis prædictis delectantur. quot enim vidimus Astrologorum vaticinijs à suis sedibus excitos ad aulam, ad militiam, ad mercaturam, ad forum accessisse, qui infelici, ac miserando exitu decesserunt? Et non intelligimus quantum publicis, priuatque rationibus detrimenti afferat hæc pestis? procul ab huiusmodi ludibrijs degant, quicunque aut sibi, aut Reipublicæ consultum volunt: solum ij Genethliacos audiant, qui miseram, & omnibus ærumnis exercitam vitam ducere desiderant.



## CAPVT XIV.

*Astrologiam nullius esse frugis.*

**S**I vlla ex Astris aptè ducere-  
tur futurorum præsentio, constaret sanè aliquis Astrologiæ fructus, nec esset Astrologorum gens, egestate, mendicitate, ærumnis, calamitatibus infamis: nulla enim ars, aut veri disciplina reperitur, quæ non aliquid aut utilitatis, aut dignitatis pariat. in Astrologiæ noualibus infelix solum lolum, ac steriles dominantur auentæ. repetita enim ab omni æternitate memoria, nullum reperimus, cui honoris illa fuerit, aut utilitati. Mihi quidem non solum nihil prodesse, sed etiam obesse plurimum videtur. serit enim rerum alienissimarum varias opiniones, quibus concitatus animus nunc absonas concepit appetitiones, nunc suscipit fuilem timorem: Pollicetur interdum montes aureos, accenditque maximarum rerum spem, à qua plerique deiectionis incredibile est, quam infelicem, & miseram degant vitam. Rursus varijs terribilimentis absterret alios à literarum studio, à militia, ab aula, à matrimonio, à religione;

magno salutis, honoris, rei familiaris, dispendio. Quot illa angoribus, curisque eos, diu noctuque cruciat, quibus aut occultas insidias aut à domesticis, & ab amicis, aut à ciuibus, & à Principe minitatur. Fac alicui promississe Astrologum opulentam hæreditatem, à fratre, à socero, à consanguineo; quas illi animo subiecit faces? quam accendit alieni patrimonij cupiditatem? Non abbo longius. Astrologorum prædictionibus plerique inflammati, atrocissima quæque aggrediuntur scelera, parentibus, vxoribus, liberis, patriæ, Reipublicæ exitium moluntur. Sedandæ sunt hominum effrænatae cupiditates, non incitandæ præfagijs; conseruanda sunt sedata mentis iudicia, non conturbanda vanis prædictis, quæ si animi appetitiones incitauerint vehementius, difficile erit rationis præscriptum tenere, appetitionesque regere, ne in omne flagitium erumpant. Nec illud postremum est Astrologiæ præconium, quod omnes Astrologos ad postremam redegit egestatem. Nullum sanè reperiesset scriptorem, qui huic hominū generi probrosam non obijciat mendicitatem. nam, vt prætermittamus Astrologiæ ofores, quibus fidem eleuare posset suspicio, nullus Mathematicorum est, qui sui seculi coniectoris non exporet infamem egestatem, & inopiam. Facit id Ptolemæus Astrologorum Princeps libro primo de iudicijs, cap. 3. facit Iulius Firmicus libro primo Mathes. facit Hieronymus Cardanus ad librum primum Ptolemæi tex. 13. & 14. facit Franciscus Iunctinus libro defensionis Astrologiæ, facit Bellantius libro primo Apologiæ contra Mirandulanum, facit Bonatus, facit Albertus Pighius Apologia pro Astrologia, faciunt denique omnes, qui Astrologicas rationes attigerunt. Ex rei familiaris inopia ortæ sunt fraudes, fallaciæ, dæmonum familiaritates, mendacia, quibus vniuersa Astrologorum natio infamis est. Equidem Genethliacam in partem felicitatis collocarem multò maximam, si Genethliacis nihil nisi meditarum, nihil nisi animo prouisum, contingere animaduertem; nunc verò cum constet non minùs quàm cæteros, eos



eos improuisis vrgeri euentis, subitis casibus transuersos agi, multas grauissimasque nequidquam tale cogitantibus accidere calamitates, impetrare (fateor) à me non possum, vt credam, aut istas nocte lucas aliquid videre, aut vilius frugis eorum esse præsagia. Nam si totius vitæ cursum in natalitio schemate (vt profitentur) tanquam in leuissimo speculo viderent, si rerum omnia euenta anticiparent cognitione, si tanta animi prouisione anteuertent quæcunque euentura sunt, nonne aut prouisione aliqua enerterent, aut aliqua declinatione effugerent impendentes sibi casus? At eorum alios videmus in crucem actos, alios necatos suspendio, alios vincto impactos, alios præsocatos aquis, alios igne exustos, alios securi percussos, alios à Tarpeio saxo deiectos, alios demersos mari, alios insidijs oppressos, alios grauissimis afflictatos morbis, alios fame, sique enectos, alios subita ruina obuios, alios carceris macie, & ærumnis confectos, alios pulsos in exilium, alios alijs innumeris exagitatos modis. Tragœdias loquimur aut fabulas? An rem omnium gentium, omnium ætatum, omnium temporum, omnium scripturarum, omnium mortalium testificatione certissimam? Recenti memoria Lucas Gauricus Genethliacæ fama nobilis, à Ioanne Bentiuolo Bononiæ viro Principe, cuius fatalè horâ vulgarat, magnis cruciatibus diuexatus, extinctus fuit.

Bartholomæus Cocles Bononiensis, quem in Astra ferunt laudationes Astrologorum, adacta in occipitium securi, ea sola de causa à Capono extinctus fuit, quod eum homicidam fore prædixerat.

Antiochus Tibertus Casenas à Pandulpho Malatesta in carcerem coniectus resti impetrata dum fugam adornat securi percussus è vita migravit.

Qui Ioannem Galeatum Mediolanensem Ducem adhuc florentibus annis è vita cessurum, ex natalitjs eius Astris, pronunciauit, suspendio vitam confecit.

Clari nominis Astrologus Henricum Septimum Anglorum Regem intra annum obitum prædixerat. res ad Regem delata est, qui accersit hominem,

honorificeque excepit; tum interrogat, num ex Astris certi aliquid prælagiri possit, ille præclaram sibi oblatam occasionem ratus insinuandi se in Regis gratiam, respondet, posse, tum Rex exquirat num ipse Astrologicas rationes attigisset, affirmat. Iterum Rex, fare, inquit, vbi futurus sis proximis natalitjs ferijs (instabat enim Domini natalis dies) Hæret Astrologus, vrget Rex, respondet tandem se id planè ignorare. Ego verò inquit Rex, præscius magis futurorū sum quam tu. noui enim te futurum in Turri, & simul in carcerem conijci imperat.

Hieronymus Cardanus in sua genitura exponenda triginta ipsos annos se posuisse scribit libro de Iudicijs, cap. 6. At illo nullus magis varia vltus est fortuna. quot illum morbi ad mortem vsque diuexarunt? quot vitæ discrimina adiuit? quoties in carcerem coniectus, quoties insidijs appetitus fuit? magisterij dignitate, qua in Papiensi Academia fungebatur, per summum dedecus expoliatus, Romam religionis causa sæpius accersitus, malè apud plurimos audiuit. Idem sæpe in Astrologicis meminit suorum liberorū, nunquam tamen mentionem fecit, de primogeniti captiuitate, & tristici casu, de quo capite sequenti dicemus.

Placene igitur eos habere vates, quos in suis rebus cæcutire certū est? Credeamus eos futurorū conscios, qui instantia, & præsentia non vident? aut ab alijs aliorū exitus requiremus, qui ignorant suos?

Negabit aliquis multos ex ijs quos commemorauimus ignorasse quæ sibi instabant pericula. Lucam enim Gauricum Bartholomæus Cocles eius discipulus monuit, vt fuga suæ salutem consulere. Domitianum imperatorem Mathematicis rationibus cognouisse fatalem sibi noctem illam futuram, qua contrucidatus fuit, scribunt omnes, qui eius res gestas scribunt. Nil in præsentiarum moror, dummodo constet nullam ex Astrologorum prælagijs percipi vtilitatem, id verò perinde sequitur, si dicas Astrologos conscios quidem esse impendentium sibi calamitatum, sed eas nulla procuratione aut declinare, aut auertere posse, ac si admittas, eos rerum suarum infœlices



lices exitus ignorare. Adde si prius illud recipitur, Astrologos præsentiscere suas ærumnas, & infelices casus, multo magis miseram ac miserabilem esse eorum, quam cæterorum conditionem: hos enim instantes solum & præsentis afficiunt calamitates, illos impendentium etiam malorum opinio, & anxia ærumnarum expectatio perpetuo cruciat: itaque quod Poetæ Tantalum apud inferos ob scelera animique impotentiam excogitantur supplicij genus maximum, saxum quoddam impendens, quod nullam illi quietis partem relinquat, id experiantur & qui Astrologiæ dant operam, & qui Astrologorum prædictis fidem adhibent: suscepra enim impendentium malorum opinio, innumeris curis, ac sollicitudinibus eo exedit, quin huiusmodi egri- tudinibus admissis, mens sæpe à se ipsa discedit, eaque suscipit consilia, quæ ad certissimum deferunt exitum.

Sed quis aut vberius, aut foelicius hoc argumentum explicauit, quam Tullius? Atque ego, inquit, ne vtilem quidem arbitror esse nobis futurarum rerum scientiam. Quæ enim vita fuisset Priamo, si ab adolescentia sciisset, quos euentus senectutis esset habiturus? Abeamus à fabulis, propiora videamus. Clarissimorum hominum nostræ ciuitatis grauissimos exitus in consolatione collegimus. Quid igitur, vt omittamus superiores, Marcone Crasso putas vtile fuisse, tunc cum maximis opibus, fortunisque floreret, scire sibi interfecto Publio filio, exercituque deleto, trans Euphratem cum ignominia, & dedecore esse pereundum? An Cn. Pompeium censes tribus suis Consulatus, tribus triumphis, maxima rerum gloria lætaturum fuisse, si sciisset se in solitudine Ægyptiorum trucidatum iri, amisso exercitu? Post mortem verò ea consequutura, quæ sine lacrimis non possumus dicere? Quid verò Cæsarem putamus? si diuinasset fore, vt in eo Senatu, quem maiore ex parte ipse cooprasset in curia Pompeiana, ante ipsius Pompeij simulacrum tot centurionibus suis inspectantibus, à nobilissimis ciuibus, partim etiam à se omnibus rebus ornatis, trucidatus ita

iaceret, vt ad eius corpus, non modò amicorum, sed ne seruorū quidem quisquam accederet? Quo cruciatu animi vitā acturum fuisse? Certè igitur ignoratio futurorum malorum vtilior est quàm scientia.

Tullio addo Phauorinum apud Gell. lib. 14. noctium Attic. cap. 21. Aut aduersa, inquit, euentura dicunt, aut prospera: si dicunt prospera, & fallunt, miser fies frustra expectando, si aduersa dicunt, & mentiuntur, miser fies frustra timendo; si vera respondent, eaque sunt non prospera, iam inde ex animo miser fies antequam è fato fias: si foelicia promittunt, eaque euentura sunt, tunc plane duo erunt incommoda, & spectatio te spei suspensum fatigabit, & futurum gaudij fructū spes iam tibi deflorauerit. Nullo igitur pacto vtendū est istiusmodi hominibus res futuras præfagientibus.

## CAPVT XV.

*Ioannis Baptiste Cardani Hieronymi Cardani filij infelix exitus.*



IN ILLI iactant insolentius Genethliaci, quàm Genethliacæ vtilitates. Atque prænosce, quæ hominum imbecillitati impendent, prodesse ad instituendam eam vitæ rationem, quæ vnicuique maximè sit accommodata, ad inchoanda opportuno tempore negotia, ad declinanda, quæ imminet pericula. Nos contra superiori capite, multis illustrissimisque exemplis planum fecimus, nihil Astrologis profuisse præfensiones futurorum, hoc ipsum nunc confirmare aggredimur exemplo Hieronymi Cardani, qui Astrologiæ reparatorem ubique agit. Hic ex liberis primum suscepit Ioannem Baptistam, qui ætatis anno 24. exeunte, infans patre, uxorem duxit tenuioris fortunæ, nec satis pudicam, à patre propterea domo eiectus, rei familiaris inopia laborare cœpit, cum enim nullum ex arte, (erat enim medicus) quam exercebat quæstum face-




faceret, quodd stupidi esset ingenij, & à patre destitueretur necessarijs, in summa versabatur rerum inopia; cogeatur tamen non solum vxorem, sed etiam socrum, socrum, sorores aliquot, & fratres vxoris alere, in tanta egestate vxor quæ luxuria & procacitate nulli cedebat mulierum, maritum maledictis profcindere, impetere conuiuijs, laceessere adulterijs, corporisque prostitutione, propemodum publica, quotidiana iurgia in capitale odium abierunt, quod cum toto biennio perdurasset, neque finem, vllum res habitura videretur, consilij expers veneno vxorem è medio tollere constituit, vt ea ratione aliquando molestias exueret. Quare vxori decumbenti ex puerperio, placentam exhibuit veneno infectam, quam cum illa degustasset, mortem obiit, maritumque ea cura exoluit, qui cum intolerabilem sarcinam deposuisse sibi videretur, & perbelles facinus successisse existimaret non leuia patrati sceleris indicia dedit, ob quæ non ita multo post à publica potestate comprehensus, & in carcerem coniectus fuit, vbi questionibus addictus non solum factum confessus est, sed addidit præterea bis sine successu prius à se vxori propinatum venenum: quare capite damnatus, securi percussus obiit anno 1560. die 7. Aprilis ætatis anno 26. nec dum exæcto.


Vade hæc habemus à Cardano ipso patre, de libro de vilitate ex aduersis capienda, præcipue ex tractatu de luctu, & oratione pro filio ad Senatum Mediolanensem habita, vbi foemineo vultu deplorat miserimi filij calamitatē: sic enim ad Iudices ait: Vultisne, vt apud omnes gentes, & omnia secula legantur hæc, sapientissimus, iustissimus, æquissimus Senatus Mediolanensis sub Clementissimo Rege Filippo, maioris partis orbis Domino, Ioannem Baptistam Cardanum medicum, filium Hieronymi, optimæ spei adolescentem, capite puniunt, hoc ipso, quod vxorem obstinatissimo animo veneno necauerit, quoniam illa cum focu sæpius obiecerat adulterium se perpetrasse, atque etiam liberos duos genitos masculum, & foeminam ex adul-

terijs, non ex ipso procreatos? Quid dicent Gentes? quid dicturi sunt posteri? an hunc adolescentem iuste damnatum? nequaquam: qui tantam causam, & tam atrocem habuerit se ipsum vliscendi: an Senatum iniuste egisse, aut minus prudenter? multo minus, quandoquidem tanta sapientia, tam confirmatus æquitatis animus vno actu vitari non possit. Quid ergo dicent, dicturive erunt, vt monstruosus hic casus est, ita fuisse prodigiosam damnationem, &c.

Quid agis Cardane? quo tot annorum studium in Genethliaca collocatum pertinuit quid centum genituris explicatis, quid tot clarissimorum Regum, & Imperatorum natalibus notatis, quid septem Aphorismorum libris, quid tot commentarijs in Ptolemæum editis assecutus es? cur à filio non excusasti securim? cur non cauisti ne vxorem duceret impudicam? qui omnes naturæ latebras perlustrasti, cur non vidisti filij pudendum matrimonium? alterum hic facendum est, aut ignorasse te miserimi filij infelicitissimam fortunam, & non credimus tibi patere ex genituris futuros euentus: aut præscium te multo antè filij miserabilis exitus fuisse, sed non potuisse quidquam afferre opis ei, quem Altra ferro deuouerant: & inutilem istiusmodi artem esse, ac nullius frugis iure contemnimus, qui sibi nequam, cui bonus? consule primò rebus tuis, deinde magna animi prouisione aliorum casus anteuertes. Non possumus credere eos esse futurorum, conscios, quos videmus, earum quæ sibi impendent calamitatum inscios.



## CAPVT XVI.

*Astrologorum dissensiones.*

ON vna est Astrologiæ ratio, sed multiplex, & varia, mutat enim monstrum istud subinde formas, & tanquam nouus Proteus vertit se in Leonem, in Aprum, in Draconem, in ignem, in quercum, in auem,



avem, in aquam, non tot Cameleon induit colores, quot Astrologia suscipit à loco, in quo versatur, ab opifice, à tempore formas, alia est apud Hebræos, alia apud Chaldæos, apud Ægyptios alia, alia apud Persas, ab his omnibus dissentiunt Arabes, Albumazar, Auerodam, Azamar, Mazanalla, Zahel, nec Arabes probant Græci, nec Græcos Latini: Aduersus antiquos Astrologos stat Ptolemæus Alexandrinus; hunc refellit Albumazar, aduersus vtrunque disputat Auenazra, veteres omnes rejicit Cardanus libro de Iudicijs Geniturarum, cap. 26. Lib. de reuelationibus, cap. 1. Lib. de restitutione temporum, cap. 11. Contra Cardanum faciunt omnes recentiores, Cyprianus Leouitius, Corradus Dasypodius, Hieronymus Volphius, quem Tycho Brahe lib. 1. de noua stella, cap. 2. & hominē Astrologiæ quam venditat ignarum, & eius obseruationes non dubitat appellare ridiculas. Nec leui aliqua & ludæra de re dissentiunt, sed his illis est de tota possessione, de ipsa Astrologiæ forma, de constituendo natalitio schemate, è quo de toto vitæ cursu statuitur: vnde omnes prædictiones, tanquam à fonte promanant. Ioannes Antonius Maginus libro Isagogico, par. 2. cap. 10. refert tres modos construendi syntagma Montregij, & Rainaldi, quem vocant rationalem, Arabum, & Iulij Firmici: Alchibitij quem Ioannes de Saxonia in commentarijs Alchibitij contendit esse Ptolemæi.

Alij enim signiferum, alij æquatorem, alij verticalem circulum, alij parallelum per gradum eclipticæ orientem meridiano circulo interceptū diuidendo domos cœlestes, assument, qua in re ceteros omnes errore deceptos scribit Ioannes Antonius Maginus loco citato, nouas tabulas, quæ solæ ad veritatem accesserint, pollicetur his verbis. Igitur neglectis domorum tabulis perperam supputatis, quæ aliorum Ephemeridibus præfigi cōsueuerunt, nouas & correctiores nostris diarijs apposuimus. In tanta de constituendo Themate, Astrologorū dissensione Abraham libro de natiuitatibus duplex constituendum censet alte-

rum ad signa mobilia, alterum ad immobilia, qui nouis præceptis auxit Astrologorum dissidium, non composuit. In quaestione, quæ est præcipua, de vitæ spatio Ptolemæus lib. 3. quadripartiti, c. 14. docet, posse esse Aphetas Solem, Lunam, horoscopum, sortem, & dominum horum locorum puta Solis, Lunæ, horoscopi, sortis, siue partis fortunæ. Cyprianus Leouitius totus diuersus abit, solum enim dirigit horoscopum omisso Sole, Luna, Sorte, & Domino horum locorum. Idem Ptolemæus Aphetas ad Aphetas dirigit secundum ordinem Signorum in Orientalibus Cœli locis: in Occidentalibus contra, dirigit aduersus Signorum ordinem. Cyprianus Leouitius, & recentiores Sortem semper dirigit contra successiōnem Signorum. Non minor inter Astrologæ magistrōs dissensio est de domorū potestate, & iure. Mallius enim totus à cæteris diuersus abit. Ptolemæus dissidet à nostratibus omnibus, sunt qui à Luna in septima celibatum signari dicant, contra alij vxorem sterilem, alij vetulam putant indicari, & quod mireris magis, alij contendunt significari plures vxores. Ptolemæus Lunam in Signo vnus figuræ & vni tantum per aspectum aplicans Planetæ vnā ait dare vxorem, quacunque tandē domo reperiatur. Arabes & Latini seruos à sexta domo diiudicant Ægyptij ab ea quæ à sexta distat plurimum: Morbos à septima, & à prima significari putat Ptolemæus; cæteri à sexta. In quinta domo Arabes, & Latini quarunt filios, Ptolemæus in decima, & vndecima. Mallius ab Oriente, Porphyrius à decima domo natorum fortunam, & parentum vora suspendit: secunda domus significat subitam spem recentioribus, vt Cardano lib. de Iudicijs geniturarum, c. 1. apud veteres diuitias: De coniugijs ferè omnes ab Occidente diuināt, Heliodorus à medio etiam cœlo, Ptolemæus negligit vtrunque: à tertia Cardanus, & recentiores, itinera conicant, & labores, alij hæc petunt à nona. Denique ne singula persequamur, non minus inter se, quā nobiscum de præcipuis Astrologiæ capitibus Planetarij disceptant: & iactant adhuc experimentis paratam



ratam hanc artē, cū vnus vno, alius alio  
mō lo experiatur, nōne fatendū est nullis  
Astrologiam certis constare experimen-  
tis: ipsinet Astrologi, cū alij vnam, alij  
aliam sequantur rationem, alij has, alij  
illas seruent obseruationes, vni negli-  
gant vnas, alij alias sanctiones, aperte  
profitentur nullam certam esse ex stellis  
prælagendi disciplinam. Decanos negli-  
git Ptolemæus, eosq. aliter instituunt In-  
di, aliter Egyptij: nesciunt Arabes Mo-  
nomerias quas irident Græci, veneran-  
tur Egyptij. Alij medias obseruant con-  
iunctiones, alij veras, alij nunc veras,  
nūc medias pro arbitratu, vt videre licet  
in Genituris Gaurici. Nulli rei magis fi-  
dunt Astrologi nostrates, quam Directio-  
nibus, & Reuolutionibus: idem fatentur  
in qualibet genitura plurimas esse di-  
rectiones, & Reuolutiones irritas, & ina-  
nes. In genesi Ferdinandi Imperat. qui  
natus est anno 1503. die 10. Martij ho-  
ra 9. min. 50. inanis fuit directio Medij  
cœli ad quadratū Iouis: anno ætatis 10.  
completo, & mense 6. die 9. Solis ad ca-  
put Draconis anno 15. & mense 5. die 24.  
Lunæ ad oppositum Veneris: anno 18.  
mense 9. die 0. Solis, ad Sortem anno 25.  
mense 11. die 15. Medij cœli ad opposi-  
tum Veneris anno 30. mense 3. die 12.  
Medij cœli ad Trigonum Iouis anno 38.  
mense 4. die 12. In Genesi Elisabethæ Re-  
ginæ Angliæ, quæ orta est anno 1505. die  
8. Septemb. hora 12. min. 4. occurfus So-  
lis ad sextilem Iouis anno 11. mense 4.  
die 18. Medij cœli ad Iouem anno 14.  
mense 11. die 6. Lunæ ad Trigonum Ve-  
neris anno 19. mense 4. die 24. Medij cœ-  
li ad quadratum Veneris, Lunæ ad oppo-  
situm Iouis, Solis ad Medium cœli, Solis  
ad Sextilem Veneris, quæ contigerunt in-  
ter 30. & 40. annum. superuacuum est  
percurrere alias genituras à Luca Gau-  
rico descriptas, nulla enim est in qua

aduersarijs etiam fatentibus non repē-  
riantur multo plures directiones irritæ,  
& mentientes, quam efficaces, & euentis  
respondentes. vt si experimentis habenda  
sit fides, fatendum Planetarijs sit nul-  
las esse directionum vires. Quod inge-  
nue confessus est Sixtus ab Hemminga,  
vir in Astrologis rationibus longè Prin-  
ceps: in Genitura 22. quæ est Adria-  
ni Iunij. Ego vero, inquit, praxim Astro-  
logicam aggressus, longo vsu, & exer-  
cicio assiduo assecutus mihi videor expe-  
rientiam, prorsus Astrologorum expe-  
rientiæ contrariam, non fallacem, aut du-  
biam, sed veram constantemque, qua to-  
tius eorum doctrinæ fugata veritas, aper-  
tissimæ falsitatis conuincitur, ex innume-  
ris enim geniturarum experimentis didi-  
ci nihil omnino ex syderum positione  
deprehendi posse. Idem in Genit. Caro-  
li V. hæc immortalitati testata reliquit.  
Hoc à primis annis in votis maxime ha-  
bui, vt cognoscere possem an hæc infe-  
riora omnia ab Astris gubernarentur, ac  
ipforum quasi Imperio administrarentur,  
quòd si non omnia, quæ? quousque? quan-  
tum? deinde an hoc ipsum posset ab hu-  
mano ingenio exactè deprehendi ac per-  
cipi, tum an ea ipsa cognitio utilis esset  
humano generi: cui indagatiōi cum non  
exiguū temporis, sumptuum, & laboris  
plurimū impendi. Cū autem longo vsu  
& experientia multa doctus, rem penitus  
inspexissem, comperi Astrologorum do-  
ctrinam, cui prius, antequam nota esset,  
impensè fauebam, esse impossibilem, fal-  
sam, nulla fide dignam, & inutilem. Qui  
nulla habent rationū momenta Geneth-  
liaci solis experimentis artem suam con-  
stare profitentur: expressimus iam expe-  
rimēta quoque facere aduersus Geneth-  
liacam; Restat vt omnium scriptorum libri,  
omnes hominum ordines, omnium gentium  
linguæ Astrologiæ loquantur vanitatem.

*Laus Deo, Beataque Virgini Mariae.*

INDEX



# INDEX COPIOSISSIMVS

E O R V M,

QVÆ IN HIS QVINQVE LIBRIS  
Contra Astrologos Coniectores  
continentur.

A



- A**BORTVS in muliere quando fiat. 71. 2  
Abortus causa. ibid.  
per Accidentia an liceat Astrologis rectificare genituras. 155. 2. Et seq.  
Accidentibus pluribus horoscopus unum non posse accommodari. 157. 2  
Actio corporis duplex est. 15. 1  
Actio Solis omnium astrarum validissima. ex Ptol. meo. 20. 1  
Affinis genus quatuorplex attribuitur signis à Mathematicis. 202. 1  
Actio celi in subiecta corpora variis habet explicatus. 5. 1  
Adamas si angitur. 39. 2  
Adamas trahit electrum, pites sarculus. 26. 2  
Adrianus Imperator singulis annis Astrologicas pradiitiones comparauit. 237. 1  
Adriaticum mare non concipit altum, quem concipit Tyrrenum. 12. 1  
Adolphus Holsatie Princeps contrariam suæ geniture fortunam obtinuit. 255. 1  
Ædes, qui scorpionis quarto celi loco existens ex discente fuerunt, Scorpionibus eluxia dicant Astrologi. 211. 1  
Æstificationem Venetiarum inter genituras numerat Cardanus. 216. 2  
Ægina quod alimentum prescribat senibus. 103. 1  
Ægris corporibus an exercitationes utiles sint. 106. 1  
Ægriudines in quo horoscopi loco inueniantur. 197. 1. Et 2  
Ægyptij artem Genethiacam tradidere, inferiorum causarum presidio planè diligentiam. 151. 1  
Ægyptiorum, Chaldeorumque imagines coelites emens cur Arabes euertant. 209. 2  
Æquinoctium vernum ignotatum à Mathematicis. 206. 1. 176. 1  
Æquinoctij verni prerogativa quanam sit. 232. 2  
Aër num selet comutari omnibus Aëris Orientibus, Occidentibus. 9. 1. 10. 1. 207. 2  
Aër cur quibusdam lectis sit insalubris, in alijs salutaris. 11. 2  
Aëris, ignisque aër semper celi motu. 14. 1  
Aëris situs circumspiciendus in domesticis electis, ex doctrina Hippocratis. 107. 2. Et c.  
Aëris mutationes pubescenti eumiant. 207. 2. 208. 1  
Æstate media nix, et frigora nonnunquam grassantur, et quando id fiat. 7. 1. 207. 2. 208. 1

V

Æstina-



# INDEX

- Æstivalis solstitij prerogativa quanam sit.* 232. 2  
*Æstates & hyemes unde efficiantur.* 4. 2.  
 174. 1  
*Æstates non sunt aqualiter calide.* 7. 1  
*Æstus maris stellarum latentes laqueos eludit.* 12. 1  
*Ætas nouella & senescens cur magis generet feminas.* 69. 1  
*Æthiops pulcherrimum filium edidit.* 66. 1  
*Æthiopum descriptio, ex Ptolemaeo.* 127. 2  
*Aphri, ex Firmico, subdoli.* 127. 1. 128. 2  
*Agaricum vim habet pituitam educendi.* 36. 2  
*Agni si caprarum lacte alantur, lanam habent duriorum.* 100. 2  
*Agnorum duorum simul genitorum disparitas unde fiat.* 23. 2  
*Agricola à cibo pestem hausert.* 102. 2.  
 103. 1  
*Agrippa Herodis nepos quid audiuerit ab augure.* 239. 2  
*Alberti opinio de fluxu, & refluxu maris.* 12. 2  
*Alberti Pighij iudicium de Astrologis sui temporis.* 156. 2. 154. 2  
*Alberti Pighij disputatio de aquinoctio uerbo.* 157. 1  
*Albumazar agnouit liberum arbitrium.* 62. 1  
*Albumazar quantus fuerit apud Astrologos.* 154. 2.  
 154. 2. 156. 2  
*Albumazar errata.* 154. 2. 156. 2  
*Alexandri Vitellij genitura.* 255. 1  
*Alexandri Regis affectus, eius inflexam in alteram partem ceruicem, vocisque asperitatem imitati.* 135. 1  
*Alexandri Medices genesis à quibus descripta.* 238. 1. 146. 1  
*Alexander Papa III. presbyterum, qui consulerat Astrologos, per integrum annum à diuinis amouit.* 296. 2.  
 265. 1  
*Alexandro magno Oxydracarum Indorum Metropolim oppugnaturum quid Demophon pradiixerit.* 239. 2  
*Alfridaria Cardano quid sit.* 188. 1. & 2.  
 eorum genitura uel diurna, uel nocturna. ibidem.  
*Alfridaria honoris, & diuitiarum à quo tempore incipiant.* 188. 2  
*Alimentorum facultates.* 99. 1 & 2. 102. 1. & 2
- Alimenta pro singulis anni temporibus.* 103. 1  
*Alimenta pro singulis ataribus.* 103. 2  
*Alimentum patitur ab eo quod alitur.* 20. 1  
*Allium, ualentior cibis est, quam pastinaca.* 102. 1  
*Allia curi imposita cur eam erodant, comesta uerò non item.* 114. 1  
*Alphonfi, Copernici, Tychonis, & aliorum tabula dissentientes sunt inter se.* 164. 1  
*Aly Auerrodam de signis doctrina, duas emerit mendaciorum opulentissimas officinas.* 208. 2  
*de Amicitijs, & fratribus ex quo horoscopi loco discimus.* 179. 2  
*Amphiarus uates.* 139. 1  
*Alimenta apta.* 109. 2. 110. 1. & 111. 1.  
 113. 2  
*Amor sciendi.* 147. 2  
*Amor honoris.* ibid.  
*Amor patriæ.* 147. 1  
*Amor coniugalis.* ibid.  
*Amor membrorum.* 147. 1. & 2  
*Amor beatitudinis.* 148. 1  
*Amor libertatis.* 148. 2. & 149. 1  
*Amor religionis.* ibid. 2  
*Amor filiorum erga matrem.* 100. 2. 101. 1  
*Amor uita.* 147. 1  
*Amphiarus magnam apud Græcos famam uaticinandi adeptus est.* 239. 1  
*Andreas Alciatus eos non obrinuit honores, quos promittebat eius genitura.* 266. 1  
*Animalia imperfecta.* 19. 1. 20. 1. 27. 1. 29. 2  
*Animantium generatio qua requiratur.* 57. 2  
*Animalia omnia calida.* 16. 2  
*Animalcula ab uniuocis causis non proueniunt.* 28. 2  
*Animalia plurima fiunt hyeme, à calore.* 21. 1  
*Animalium sterilitas fit ex patris, uel matris uitio.* 57. 2  
*de Animantibus mutis, aut stirpibus cur Astrologi nihil pronuncient.* 227. 1. & 2  
*Animantium imperfectorum forme unde, tanquam ab efficiente primario.* 27. 1. & 2.  
 30. 1  
*Animantium proprietates è caelo nō desuunt.* 36. 1. 52. 1. & 2  
*Animantium motus omnes aut boni, aut mali opinione existunt.* 40. 2. 251. 2  
*Animus in corpus dominicum habet imperium, mens uerò in appetitum, ciuile ac regium.* 87. 2. 86. 1  
 Animus



- Animus est liber à siderum potestate.* 52. 2.  
53. 1. & 2. 82. 2. 83. 2. 84. 2. 85. 1. & 2.  
87. 2
- Animus quo modo moueatur à corpore.* 86. 1.  
& 2
- Animi motus cunctantur à subitis casibus.*  
121. 1. & 2. 122. 1. & 2. 143. 1. & 2.
- Animi mores an sequantur corporis tempera-  
mentum.* 52. 1. & 2. 53. 1. & 2. 54. 1. 126.  
2. 130. 2. 131. 1. 132. 1. 133. 1. 136. 1. 137.  
fufe. 139. 1
- Animus moliri concutu.* 144. 1
- Animi vitia ex quo horoscopi loco perficiantur.* 179. 2
- Anni, & menses non sunt aequaliter saluta-  
res.* 7. 1
- Anni tempora, rerumque vices non fierent si-  
ne definito quodam cursu, recursuque So-  
lis.* 4. 2. 6. 1. 16. 1. 21. 2
- Annum generales quosdam euentus, & plu-  
ribus communes instruit Cardanus.* 121.  
132
- Antipathia & sympathia rebus unde fiant.*  
39. & 40. fufe.
- in Aium aut vespatum genere an monstra  
accidant.* 75. 1
- Aque vis inest humectandi per se, & ex na-  
tura principis.* 17. 1
- Aque salubrem, aut insalubrem reddunt ra-  
tionem.* 107. 2. 108. 1. & 2. 109. 1
- Aquatica signa ex Manilio.* 201. 2
- Aquila Ponticus ob quam causam à Patribus  
ex Ecclesia eiectus fuerit.* 296. 1
- Arabes re & factu liberum arbitrium perne-  
garunt.* 83. 1
- Arabes negauerunt diuinam prouidentiam.*  
124. 2
- Archelaus, summus Astrologus, predictioni-  
bus non est usus.* 175. 2
- Archilochi libros parum pudicos prohibue-  
runt Lacedaemonij.* 137. 2. 138. 1
- Architecti honorabiliiores & sapientiores, quàm  
ij qui manibus operantur. fufe disputan-  
tur.* 83. 2. 84. 1. & 2
- Arietis stella quales.* 168. 2. 209. 2. 78. 2
- Aries domus Martis.* 219. 1. 220. 2
- Aries decimi orbis.* 216. 2
- Aries, octauis orbis.* 217. 1
- Arietis principium non est semper in acquino-  
tiali.* ibid.
- stelle que fuerunt in Ariete nunc in Tauro  
sunt.* 201. 1. 205. 1
- Aries signum commune.* 201. 2
- Aries signum terrestre.* ibid.
- Aries in horoscopo significat mortem violentam.* 202. 1
- Aries in horoscopo quid significat.* ibid.
- Arietis varia partes à Mathematicis tradi-  
ta.* 209. 1
- Arietis primus decanus quis sit.* 212. 2. 211. 1
- in Ariete Saturnus quid significet.* 177. 2
- sub Ariete orti liberales.* 280. 1
- Aries libidinosus, & oculus languidus.* 204. 2
- Sol in Ariete ver facit.* 206. 2. 107. 2
- Aries pro arbitrio collocatus inter sydera.*  
210. 2
- Arietis monomeria.* 211. 2
- stella qua coiere in Ariete nunc conueniunt  
in piscibus.* 174. 2
- Aries octaua sphaera, & aries nona sphaera  
quando conueniunt.* 175. 2
- Aristippus regula occisus, qui ex impluui-  
o in caput decidit.* 182. 1
- Aristoteles quo reserat, quod Echini in ple-  
nilunijis uberius impleantur.* 10. 2
- Aristoteles unde deducat monstrorum cau-  
sas.* 74. 2
- Aristoteles, agnouit liberum arbitrium.* 81.  
1. & 2
- Aristoteles Genethliacam neglexit.* 273. 2
- Aristotelis doctrina motus caeli, non pertingit  
usque ad inferiora.* 14. 1
- explicatur difficilis locus Aristotelis ex lib. 2.  
caeli, tex. 42. & 1. Meteor. summ. 1. cap. 4.  
14. 1. & 2.*
- Aristotelis dogma. primum in vno quoque  
genere est causa ceterorum.* 18. 1
- Aristoteles cur motum circulem dicat esse  
primum.* 18. 1. 16. 1
- Aristoteles negat eolum esse animatum.* 25. 2.  
26. 1
- Aristoteles vult epus assimilari artifice non  
instrumento.* 27. 2
- Aristotelis sententia de generatione imperfe-  
ctorum.* 29. 2
- Aristoteles quo sensu dicat generationes esse  
à caelo.* 16. 1
- Aristotelis sententia de temperamento.* 31. 2
- Aristotelis sententia cur filij similes parenti-  
bus.* 63. 64. fufe. 66. 1
- Vnde sexus diuersitas secundum Aristot.*  
69. 1. & 2
- Aristotelis responsum querenti cur proles ce-  
terorum animantium magis quàm homi-  
nis.* V 2



# I N D E X

- vis, sui parentis gerat naturam.* 63. 2  
*Aristet-lis amici eius balbutientem linguam imitati.* 135. 1  
*Aristotelis sententia de moribus nobilium.* 140. 2  
*Ari Tippus.* 182. 2  
*Artamon è plebe natus est similis Antiocho Regi Syrie.* 66. 2  
*Asclepiades phreneticorum mentes per symphoniam sanitati restituit.* 144. 1  
*Asclepiades damnat exercitationes.* 104. 2. 105. 1. 106. 1  
*Aspectus quid sit, ex Cardano.* 223. 1. & 2  
*Asperum vires sunt velut labor flendi balistam.* 223. 2  
*Aspectus domorum.* 219. 1. 221. 1  
*Asterismi ex uno, in aliud signum.* 205. 1  
*Asterismi nulla est vis.* 209. 1. & 2 210. 1. & 2  
*Asterismi astrorum distinguuntur à signis.* 201. 1  
*Asterismi Arabum quàm dissimiles, ab Aegyptiorum, Chaldeorumque asterismis.* 205. 1. 209. 2  
*Astri vicinitas quatuorplex potest esse, & quae efficacior.* 179. 1  
*Astri seu Planetae locus quid sit, ex Aristotele.* 198. 2. 199. 1  
*Astra omnia lumine esse pradita.* 3. 1. & 2  
*Astra cur, singula inferioribus orbibus, ex Aristotele.* 83. 1  
*Astra solo lumine efficiunt primas qualitates.* 5. 2. 6. 1  
*Astra sunt pars densior orbis.* 4. 1. 198. 2  
*Astra octavi orbis, quae fixa vocantur, ab uno signo in aliud migrant.* 205. 1  
*Astra non solum varia, sed & contrarias vires sortiuntur in varijs domicilijs.* 202. 1. 214. 1. 222. 2  
*Astrorum omnium lumen natura simile est.* 6. 2  
*Astrorum vires occultas non desiderant ea quae sunt intra terre viscera.* 11. 2  
*Astrorum defertur ad nos efficientia caeli motu.* 14. 1  
*ex Astrorum quae conceptui praesunt, solo congressu, nihil posse decerni.* 56. 1. & 2. 57. fufe.  
*Astrorum in iudicijs dissimillima sunt priscorum recentiorumque experimenta, atque exempla.* 163. 1. 164. 2. 165 fufe. 177. fufe. 179. fufe.  
*Astrorum omnes congressus an possint observari ab Astronomicis in quolibet Zodiaci gradu, & minuto.* 178. & 279 fufe.  
*Astrorum sedes, & domicilia.* 210 fufe.  
*Astrorum domicilia à fabulis desumpta* 220. 1  
*Astrorum congressus quid sit, quàm novis astris varius, & unus.* 221. 2. 222. 1  
*Astrorum gaudia cur finxerint Astrologi.* 234. 1. 195. 1. 156. 1  
*ex Astris non posse Astrologos coniecturam facere de moribus.* 97. 2. 94 fufe.  
*Astris omnibus tum orientibus, tum occidentibus cur aer soleat mutari, sed Cane precipue, ex Aristotele.* 9. 1. & 2. 10. 1. 207. 2  
*Astris praesentibus negotium unumquodque suscipiendum.* 186. fufe.  
*Astrologus non potest omnes causas inspicere, è quibus factus ducit originem.* 56. fufe.  
*Astrologus quibus instructus esse debet praedictis ne diuinet in incertum.* 157. 1  
*Astrologi pollicentur quae non possunt praestari per artem.* 158. 1  
*Astrologorum impericia.* 154 fufe.  
*Astrologi pessimi homines.* 155. 2  
*Astrologi ante Cardani tempora quales.* 156. 1  
*Astrologi ignorant Astrorum congressus.* 178. 179  
*Astrologi cuiusdam historia.* 158. 2. 187. 1  
*Astrologi cuiusdam praedictio de Nerone Cesare.* 236. 2  
*Astrologi cum Philosophis agnoscunt caeli potestatem in mundum sublunarem, & corpora subiecta.* 4. 1. & 2  
*Astrologi quo rationem dierum criticorum referant.* 49. 2. 50. 1  
*Astrologi si quando verum dicant, quo referendum sit.* 240. 1. & 2. 246. 2. 248. 1. 250. 2. 251. 2. 252. 2  
*Astrologi questuosi.* 157. 1. 158. 1. 159. 1. 227. 2  
*Astrologorum fraudes.* 159. fufe.  
*Astrologi non habent vera experimenta.* 164. 2. 213. 2. 180. 1. & seqq. 185. 2. & seqq. 176. 2. 182. 1. & 2. 185. 1. & 2  
*Astrologi non possunt observare omnes causas.* 181. fufe. 184. fufe.  
*Astrologi geomantici.* 157. 2  
*Astrologi ignorant stellas, quae conceptui praesunt.* 89. 2  
*Astrologi ignorant veram natalis horam.* 91. 1. & 2  
*Astrologus quidam duobus mensibus erravit in Solstitio assignando.* 157. 1  
*Astro-*



*Astrologi non considerant causas sublimares.*  
180.2. 181.1. & 2.  
*Astrologi ignorant ingressum Solis in Ari-*  
*tem.* 156.2. 206.1  
*Astrologi duos faciunt Zodiacos ydem signis*  
*notatos.* 203.1  
*Astrologi non possunt ex signis sumere ullam*  
*emendatam quamvis magna esset figu-*  
*rum potestas.* 205.2  
*Astrologi cui res inuenerint nugae, paries, fu-*  
*ciae, nouenarias.* 234.1. 195.1. 156.1  
*Astrologi qui praesare non possunt per artem*  
*pelluntur.* 158.1  
*Astrologi Saturni frigidam naturam notare*  
*non possunt.* 169. & deinceps.  
*Astrologi qui dicunt veras diminutiones ex*  
*cortis observationibus esse, falsas negant esse*  
*ex naturae artis.* 184.2  
*Astrologi recentiores duos sinxerunt Zodiacos.*  
203.1. 205.2  
*Astrologi cur nihil de mortis animantibus, aut*  
*de stirpibus pronuntiant de stellis.* 227.2  
*Astrologi ignorant siderum congressus.* 105.2.  
205.1. 176.1. & seqq. 167.1  
*Astrologi non possunt de summo Pontificatu*  
*aliis astra discernere.* 267.1. & seqq.  
*Astrologi non possunt de futuris honoribus, ac*  
*dignitatibus dicere.* 262.2  
*Astrologorum ratio, qua factus stellis respon-*  
*det.* 77.1. & 2  
*Astrologorum iudicium lubricum & immuta-*  
*rium esse, etiam si, notatis astris, hominum*  
*temporamenia perspicua haberent.* 97.1.  
exempla confirmantur. 97.2  
*Astrologorum imperitia ex ipsis Astrologis pro-*  
*bat.* 154.155. & seqq.  
*Astrologorum errores in siderum observando*  
*congressus esse magis momenti.* 173.2.  
174. fufe.  
*Astrologorum praedictiones quantum inuen-*  
*tur a consulentium leuitate.* 251.2. & seqq.  
*Astrologi cur eadem non sit adhibenda fides,*  
*que & Physicis.* 3455. fufe.  
*Astrologi non possunt notare Planetarum*  
*vires.* 169.1. & 2. 162.1. 205.2  
*Astrologi non licet per accidentia rectificare*  
*geniuras.* 255. fufe.  
*Astrologia à quibus principium suum duxe-*  
*rit.* 161.2. 162.163. & seqq.  
*Astrologia à Chaldaeis notata.* 161.2. 164.1.  
178.1. 106.1. 163.2  
*in Astrologia errores magnos parit instrumen-*

*torum vitium, ex Ptolema.* 91.1  
*Astrologia primaria fundamenta quae, & quae*  
*sint.* 153.1. & seqq.  
*Astronomia multum tribuit Italiae & quare.*  
273.1  
*Athleta praesci cur à Venere abstinerent.* 123.2  
*Attici acutiores.* 109.1  
*Anari sunt semper, qui Saturno subiaciuntur.*  
30.2  
*Audacem eundem hominem, timidum, me-*  
*lancholicum & cholicum in quibusdam*  
*actionibus, unde sit ut experiamur.* 30.2  
*Audacior ut quis sit paulo quam timidus,*  
*unde fiat.* 30.2  
*Aues firmiores, ad cibum.* 102.1  
*Auibis semper & oua, & color equariant.* &  
quare, ex Democriti sententia. 74.2  
*Augures simili cali partitione usi sunt, quae*  
*& Mathematici, ad mortales fallentes.*  
118.2  
*Augurum, Haruspicumque praedictiones non*  
*potuerunt augures conciliare fidem.* 240.1  
*S. Augustinus refert mensuram in Oriente na-*  
*tum.* 74.1  
*S. Augustinus probat Genethliacos audire*  
*demone diuinare.* 282.2. 283.1. 152.2  
*S. Augustini querimonia de furto quodam.*  
149.1. & 2  
*S. Augustinus reprehendit fabulas.* 137.2  
*Augusti varia fortuna.* 120.1  
*Augustus prohibuit mulieribus spectaculis*  
*adesse.* 137.1  
*Augustus nummos argenteos Capricorni Si-*  
*gna, quo editus est, notauit.* 236.1  
*Augusto qui orbis terrarum imperium predi-*  
*xerunt, unde id habuerint.* 142.2. 243.2.  
252.1  
*Aucannas subabsurdam temperamenti com-*  
*mentus est definitionem.* 32.1  
*Aulicis in Principum palatijs id accidit, quod*  
*in urbe Roma veterum candidati pari soli-*  
*ti erant, ex Tullio.* 97.1  
*Auster cur Canicula oriente moneatur.* 10.1  
*Austri cur non fiant continui post hyemales*  
*versiones, Boreae autem sic.* ibid.  
*Australis declinatio Planetarum valde re-*  
*fert.* 178.1  
*Austres stelle in capite Piscis quos effectus*  
*habeant.* 174.2  
*Australibus parallelis subiectorum descriptio*  
*ex Ptolema.* 127.2  
*Autumnus, & Ver unde efficiantur.* 4.2  
V 3 Autumn-



# I N D E X

*Autumni nō sunt equaliter sicci, & quare.* 7. 1  
*Autumnalis equinoctij prerogativa.* 232. 2

## B

**B** *Ardasenes Syrus in Astrologos disputat.* 290. fusc.  
*S. Basilij sententia in Poetas adulteria deorum impudenter describentes.* 138. 1  
*S. Basilij sententia in Genethliacam.* 183. 2.  
 184. 1. 278. 2  
*Basiliscus eos, quos afflarit, momento interficit.* 41. 1  
*Bastarni incole sunt feroces, pernicaces, truces.* 128. 1  
*Beatitude aeterna finis ultimus omnium.* 148. 1  
*Bellantius duo in eodem homine distinguit temperamenta, & quae illa sint.* 30. 1. rationes eius contrariae Astrologorum decreta. 33. 2. cur ponat duo temperamenta. 30. 2. 36. 1  
*Bellantius quid sentiat de Astronomicis experimentis.* 165. 2. 166. 167. 1. ex eius sententia duo consequuntur necessario. 167. 1  
*Bellantij rationes refelluntur, ob quas ait causas sublunares esse caeli instrumenta.* 26. 1. & 2  
*Bellantij doctrina de diebus criticis.* 49. 2  
*Boëtius queritur de suorum temporum corruptela.* 139. 2  
*Economia, Mediolani, Florentia, Venetiarum gignitur.* 226. 2  
*Eoree propter quid sunt continui post aestivales variationes.* 9. 2  
*Fraassica firmior est cibus, quam lactuca, vel cucurbita, vel asparagus.* 102. 1  
*Brassica, & Rute inimicitie.* 40. 1  
*Britannia incola feroces, pernicaces, truces.* 127. 1. 128. 1  
*Brumalis solstitij prerogativa quoniam sit.* 232. 2  
*Bulbi omnes cibi valentiores sunt.* 102. 1  
*Bulgarorum Princeps Simcon Mathematicorum suavis in Crobatos insiliens, incredibilem cladem accepit.* 298. 2

## C

**C** *Epa valentior cibus est, quam pastinaca.* 102. 1  
*Cepe curi imposte cur eam exulcerent, comesta vero non item.* 114. 1

*C. Caesar inter vigintiquatuor vulnera unum duntaxat lethale accepit à Bruto.* 182. 1  
*Calchantem augurem longè optimum fuisse, scribit Homerus.* 239. 1  
*Calculi morbus principium habet à lacte.* 99. 1  
*C. Caligula.* 249. 2  
*Calor instrumentum ignis.* 27. 2  
*Calor à motu, & lumine.* 13. 2  
*Calor igneus, & vitalis, idem.* 8. 2  
*Caloris est segregare heterogenea.* 5. 2  
*Calor caelestis, & elementaris idem.* 8. 2. 5. 2  
*Calor est à lumine.* 5. 2. 8. 2  
*Calor causa quatuor primarum qualitatum.* 5. 2. 6. 1  
*Calor in mixtis.* 34. 1  
*Calor prima qualitas.* 35. 2  
*Cancer matri causa.* 73. 1  
*Cancer videt.* 195. 1  
*Cancer demus Luna.* 218. 2. 219. 2. 220. 2. 221. 1  
*Cancer signum caloris.* 172. 1  
*Canceri stelle quales.* 176. 2  
*Canceri signum non praesuit tempore diluvij.* 193. 2  
*Canceri potestas in cor.* 77. 2  
*Canceri unde nascantur.* 114. 1  
*Canceri in primo gradu virum & mulierem fingunt Aegyptij.* 212. 1  
*Canis rabidi spuma.* 40. 1  
*Canis monstrum.* 74. 1  
*Cane praecipue oriente aer solet mutari.* 9. 2. 10. 1. 208. 1  
*Canicula oriente tranquilla solere esse cuncta.* 7. 2  
*Canicula oriente cur Auster moueatur.* 10. 1  
*Canicula aestuosa vis.* 6. 2. 7. 2.  
*Capitis dolores, & oculorum caligines praegnantibus accidunt.* 71. 1  
*Capneus vitis.* 75. 2  
*Capparitis imbecillima materia.* 102. 1  
*Capra, cibus est valentissimus.* 102. 1  
*Capra lacte nutritus quidam semper saltare solebat.* 99. 2  
*Capris, & omnibus cur magis accidunt monstra.* 75. 1  
*Garbunculi unde nascantur.* 114. 1  
*Cardani de Edoardi VI. Anglorum Regis genitura, indicium.* 161. 1. 261. 1  
*Cardanus de motu Solis, Lunae, Saturni, Martis.* 165. 2  
*Cardanus electiones difficiles dicit esse quatuor de causis.* 185. 1. eas non probat. 187. 1  
*Cardanus tradit signa agere per se, & sine ope*



# R E R V M.

ope stellarum. 202. 1  
 Cardanus inspicit annorum, mensium, & dierum generalis quidam euentus, & pluribus communes. 231. 2. 231. 1  
 Cardani de Cosmi Medices genitura indicium. 242. 2  
 Natos eodem tempore non eandem habere fortunam ex Cardano. 177. 2  
 Quid Cardano significat Saturnus. 177. 2  
 Quae sciri non possunt ex Cardano. 176. 1  
 Non idem nunc significat astra, quod prius significabant ex Cardano. 175. 1  
 Cardanus fatetur experimenta Astrologorum non esse perfecta. 175. 2  
 Cardanus quid de congressu Arictis octani, & noni orbis. 175. 2  
 Cardanus ait cælum ipsum infici à Planetis. 199. 2  
 Cardanus de mibus tribuit vim agendi. 217. 2. 161. 2  
 Cardani de aspectibus sententia. 223. 1  
 Cardani de Mediolani, Florentis, &c. genituris sententia. 226. 1. & 2  
 Cardani resolutiones. 231. 2  
 Cardanus precipit observari causas inferiorum. 59. 1  
 Cardani iudicium de Medicis, & Astrologis amicis eorum. 62. 1  
 Cardani imperitia. 155. 1  
 Cardani de Astrologis iudiciū. 156. 1. 157. 2  
 Cardani querimenta de Astrologis. 158. 2  
 Caro firmitus est alimentum, quam nullum aliud. 102. 1  
 Carolus IX. nihil calo mali ominante obijt. 260. 2  
 Carolus à Brimeu quantia cæli benigni acie interijt. 161. 2  
 Caroli V. genitura restituta. 257. 2. 256. 2  
 Caroli V. erga Ferdinandum Gonzagam beneuolentia. 254. 2  
 Caroli V. in Franciscum Sforziam beneuolentia. 254. 2  
 Carolus V. eligitur Imperator. 224. 2  
 de Carpentis, & curribus astrorum. 220. 1  
 Caspium mare. 12. 1  
 Cassandrus summus Astrologus praelectionibus non est usus. 275. 2  
 Cassio Seneco armentarij obiecta similitudo. 87. 1  
 Casus, fortuna, euentus, & fors quid sint, ex Cicerone. 122. 2. 240. 2. 241. 1. & 2  
 Casus vis. 143. 1

Casus varij. 120. 1 & seqq.  
 Casus non coheret cum Astrorum ductu. 119. & seqq.  
 Cassiopea cur inter sydera relata. 210. 1  
 Catoblepha animal. 36. 2  
 Causa qualibet per se non potest prestare effectum. 17. 2  
 Causa sublunares omnes an sint cæli instrumenta. 26. 1. 98. 1. 57. 2. 70. 1. 72. 1. 76. 1  
 Causas sublunares ab aeternis, & celestibus pendere, bisariam intelligi potest. 15. 2. 16. 1. 98. 1  
 Obseruande prater caelestes cause inferiores. 59. 1. 184. 2  
 à Causis sublunaribus, & proximis impediri potest efficiencia cæli 59. & 60. 56. 2. 57. 2. 72. 1. 257. 1. 184. 2  
 Cera ex terra cauernis serpentes euocant. 40. 2  
 Cetus, cibus validissimus. 102. 1  
 Chaldaei re & saltis liberum arbitrium pernegarunt. 82. 2. 293. 1 & 2. 294  
 Chaldaei negauerunt diuinam providentiam. 89. 1. 124. 2  
 Chaldaei ex Libra, & Scorpione nam effecerunt imaginem. 209. 2  
 Chaldaeorum observatio non potest eadem esse sub diuersis cæli regionibus. 178. 1  
 Chaldaeos nunquam de sublunaribus causis fuisse sollicitos. 181. 1 & 2  
 Christum Dominum natum oriente primo gradu Virginis, ridicula opinio Astrologorum. 712. 1  
 Cicuta, & veratrum. 36. 2  
 Clementis Alexandrini de ys, qui lasciuia & obscena loquuntur sententia. 138. 2  
 Cælum totum suapte natura lucidum. 3  
 Cælum genitoris patrisque nomine appellatur. 4  
 Cæli potestas in sublunarem mundum. 3  
 Cæli motu cessante quæ actio cesset. 16. 1 & 2  
 Cæli efficiencia à causis sublunaribus impediri potest. 181. 1 & 2. 184. 2. 180. 1  
 Cælio Pentico ius dicenti piens supra caput insedit. 239. 2. 123. 2  
 Coitus pars est morbi terribilissimi. 123. 2  
 Conchyliis fidem faciunt arcanis Lunæ & iribus. 6. 2  
 Conchyliorum incrementum & decrementum vnde. 11. 1  
 Concilium Tridentinum de libris Astrologiae iudiciaria. 296. 2



# INDEX

*Concilij provincialis decretum in Astrologos.* 297. 1  
*Configurationes syderales.* 176. 1. & 2. 177. 1. & 2. 179. fusc. 223. fusc. 221. fusc.  
*Congressus omnes astrorum non posse obseruari.* 91. 1. & 2. 167. 1  
*Congressus astrorum quid sit, quàm nouis astris varius, & nouus.* 221. fusc.  
*Coniunctio Planetarum in quoto gradu fiat Australis, siue Borealis declinationis, valde refert.* 177. 1  
*Coniunctiones si raro in eundem gradum signi recurrunt, multò rariùs in idem eiusdem gradus minutum.* 178. 1  
*de Coniunctionibus maximis quid dicat Al- bumazar.* 193. 1  
*Conscientia.* 145. 2  
*Consuetudo valet quamplurimum.* 109. 110. 111. fusc.  
*Consuetudinis vis quanta sit ad valetudinem conseruandam, aut contrà.* 110. fusc.  
*Contareni opinio de fluxu, & refluxu maris.* 12. 2  
*Contrariorum ead. m est causa.* 6. 1  
*Conuersatio in quo horoscopi loco inueniatur.* 197. 1  
*Cox est fons precipuus caloris.* 18. 1  
*Cornelius Celsus non sanis modò, sed agris etiam corporibus exercitationes vtilis esse putauit.* 106. 1  
*Corona horoscopante natum, Regem futurum.* 211. 1  
*Corpus nullum dum mouetur aequalem locum occupat.* 199. 1  
*Cosinus Medices, Florentinorum dux.* 236. 2. 242. 2  
*Crisis quid sit, & quando contingat.* 42. fusc.  
*Cucumis, imbecillima materia.* 102. 1  
*Cursibus velocibus an vitendum.* 106. 1  
*Cyprianus Leonitius rationem restituendi horoscopus ad omnes Planetas pertinere putat.* 256. 1  
*Cyprianus Leonitius.* 137. 2  
*Cyprianus Leonitius quid de honoribus doceat.* 263. 2  
*Cypriani dirigendi ratio.* 165. 1  
*Cyprianus Leonitius.* 155. 2. 157. 2

## D

**D**æmones an subsint actioni coelestium corporum. 53. 2

*Decanus primus Arietis quis sit.* 211. 1  
*Quot Decani omnem Zodiaci circulum possideant.* 213. 1  
*Democritus qua de causa monstra fieri scribat.* 74. 2  
*Demophon quid tradiderit Alexandro Magno Oxydracarum Indorum Metropolitum oppugnatur.* 239. 2  
*Demosthenes natura vitium exercitatione sustulit.* 112. 2  
*Dei admirabilis sapientia.* 88. 2. 124. fusc.  
*Dextrum trigonum quid sit ex Firmico.* 222. 2  
*Diametrum quid sit ex Firmico.* ibid.  
*Die post brumam quintodecimo Ausus fiat.* 9. 2. 42. & seqq.  
*Dies critici.* 11. 1  
*Dies critici, non critici, medij indicatiui.* 43. 1  
*Dierum, & horarum electio absurdissima est Cardano.* 186. 2  
*Dignitates unde significari dicant Astrologi.* 262. 2  
*de Dignitatibus nihil dicere possunt Astrologi.* 262. fusc.  
*Diluuij orbis quotus fuerit, & quis eius dominator.* 193. 1  
*Diogenis Cynici sententia.* 130. 1. & 275. 2  
*Diogenis de Astrologis iudiciam.* 55. 1  
*Directio.* 198. & seqq.  
*Diuinationis vera ac falsa qua sint causa.* 179. 1  
*Diuitiarum alfridaria.* 189. fusc.  
*Dodecatemoria.* 212. 2  
*Dolores excitari solere nouilunio, plenilunio, quarta Luna.* 7. 2  
*Dolores capitis mulieribus pregnantibus accidunt.* 71. 1  
*Domicilium in quo horoscopi loca inueniatur.* 197  
*Dominatus Luna in puerum per septem integros annos.* 191. 2  
*Domitianus non minùs quàm pater Astrologia valuit.* 237. 1  
*Domus coelestes ludibrium.* 215. fusc.  
*Domicilia Planetarum.* 219. fusc.  
*A Poetis desumpta.* 220. 1  
*Inepte tributa Planetis.* 120. 2

## E

**E**cclesia quàm seuerè olim in Genethlia- cos animaduertit. 295. fusc.  
*Echines pisciculus.* 36. 2  
*Echini*



# R E R V M.

Echini habent se in plenilunio uberior. 6  
 Echini cur in plenilunio uberior impleantur  
 ex Aristotele. 10. 2  
 Eclipses declarans non esse adhuc ab Astrolo-  
 gis exacte notatos syderum congressus.  
 230. 1. 206. 1  
 Eclipses quando subito perfectæ non respon-  
 dent, quæ confugiant Astrologi. 164. 1  
 Educatio. 130. 2  
 Educatio quibus scilicet defuit, studio profica-  
 re possunt ad virtutem. 133. 2  
 Elapsa parum prodess. 186. 1  
 Elapsa non prodess indicat satio, & insitio.  
 187. 2  
 Electiones difficles sunt. 185. 1  
 Electionum inanis Ludouici Sforis exem-  
 plo declaratur. 189. 1  
 Elementa non conseruantur à celo. 18. 1  
 Elementa non unum semper seruant statum.  
 6. 1. 18. 2  
 an Elementa subieciuntur celo. 18. 2  
 duo Elementa frigida. 6. 1  
 Elephanem euixa est mulier quidam. 73. 2  
 Eliebarum vim habet medendi morbis comi-  
 tialibus, vertigini, melancholicis, insa-  
 niis, lymphaticis, elephanie alba, &c.  
 36. 2  
 Emanuel Comnenus Imperator à Rogerio Re-  
 ge donatus. 298. 2  
 Ephemerides declarant non esse adhuc ab  
 Astrologis exacte notatos syderum congres-  
 sus. 230. 1. 206. 1  
 Epiphaniam Cardani de vita Edwardi V. T.  
 161. 1  
 Epithymum vim habet educendi atram bi-  
 lem. 36. 2  
 Effai non habitabant in ciuitatibus. 290. 2  
 Eresis quando flare dicantur. 9. 1. & 3  
 Eresis quare flare dicantur doctus, hostibus  
 autem cessare. 274. 1  
 Eudexi Platonis auditoris, opinio de Ci-  
 uilitate. 279  
 Euphrasium herba cordi amica in paucis.  
 41. 2. 40. 1  
 Euridice laudata à Plutarcho. 130. 2  
 in Euripo. Eirensi non minus tempore hyberno  
 quam æstate vigent echini. 10. 2  
 Euryfichentes, & Proclus Reges gemini, dissimi-  
 les. 228. 1  
 Exercitatio magnam habet vim. 104. 2  
 105. 1. & 2  
 Exercitationum tria saltem genera. 104. 2

Exhalationes supremo aere degentes vnde  
 cum elementa igni, & aere à celo cir-  
 cumferuntur. 14. 1  
 Experimenti difficultas. 185. 1. & 2  
 Experimentum, & ratio, duo primaria fun-  
 damenta Astrologia. 153. 1  
 Experimenti vis in qua consistat. 164. 2  
 Veterum recentiorumque Experimenta dis-  
 similia. 165. 1. 174. 1. & 2. 177. 1. 178. 1.  
 180. & seqq. 185. 2  
 Experimentum cur obseruare vim syderum na-  
 quant Genethliaci. 229. 2. 230. 1  
 Exorcina, & haruspicina. 240. 1. 239. 2

## F

Faba, vel lenticula valentior est ebriis  
 quam pisum. 102. 1  
 Farnsius summus Pontifex renuntiatus.  
 137. 2  
 Faustina, Marci Antonini Imperatoris & Phi-  
 losophi uxor cur Commodum peperit hami-  
 num crudelens. 99. 2  
 Febres quotidianæ, tertianæ, quartanæ vnde  
 proueniunt. 50. 2. 118. 2  
 Ferdinandus Gonzaga. 254. 2  
 Ferdinandus Romanorum Imperator, multis  
 superatis annis insansus, felicissimus obiit.  
 261. 2  
 ex Feris, quæ maius quodque est animal, cò  
 robustior ex eo cibus est. 102. 1  
 Fernellius temperamentum posuit in primis  
 qualitatibus. 34. 1. & seqq.  
 Ficus valentioris sunt ex fructibus, quam  
 quæ poma proprie nominantur. 102. 1  
 Filii cur similes sunt parentibus. 61. 2. & seqq.  
 Filiorum numerus ex quo herescepi licet inue-  
 niatur. 303. 2  
 Finis hominis. 89. 1  
 Firmicus de audientium, & loquentium stel-  
 larum signis. 195. 1. & seqq.  
 Firmicus quid de Imperatorum vita. 159. 2  
 Firmicus de mensuris. 73. 1  
 Firmicus allucinatus est. 155. 1  
 Firmicus nouas observationes tradit. 165. 1  
 Firmicus vult signa agere per se. 202. 2  
 Firmicus dissimili à Cardano, & Ptolemaeo in  
 doctrina de asfridaris. 150. 1  
 Firmicus vnde mutatus sit que de carpen-  
 tis, & curribus astrorum scripsit. 220. 1  
 Firminus de quo S. Augustinus. 284. 2  
 Famina cur posterius conseruatur. 68. 2



# INDEX

- tam* *Fœmina*, quàm *vir* partem dexteram  
 habet fortiozem. 68. 2  
*Fœmina virilem* habet genituram. 68. 1  
*Fœminæ plures* habent maritos. 291. 2  
*Fœminæ* reiiciunt ornatum, & odores. 292. 1  
*Fœminæ* bellicose. 292. 2  
*Fœminæ* colunt agros, adificiant, &c. 291  
*Fœminæ* secta vena abortit. 71. 2  
*Fœminæ* pregnantæ ignis sacer lethalis. 71. 2  
*Fœminarum* apud *Getulos* descriptio. 292. 2  
*Fœminas* cur magis generet ætas novella, &  
 senescens, quàm florida. 69. 1  
 ad *Fœtus* constitutionē plures necessariae sunt  
 causæ. 59. 2  
*Fœtus* quo sanguine alatur in utero. 70. 1  
*Formam* disparem cur sepe nanciscantur ge-  
 mini. 228. 1  
*Formæ* substantiales à quo fiant. 27. fufe.  
*Formarum* imperfectarum dispositiones unde  
 pendeant. 19. 2  
*Formas* quod progignere potest, potest etiam  
 adaptare materiam. 28. 2  
*Fortuna*. 122. 2. 240. 2. 241. 1. & 2  
*Fortuna* proffera, aut aduersa ex astris non  
 videtur. 253. 2  
*Fortunam* disparem sepe nanciscuntur gemi-  
 ni. 228. 1  
*Fracastorij* doctrina de diebus criticis. 11. 2  
*Franciscus* Rescius Rauennas. 266. 2  
*Franciscus* cognomento *Monachus*. 257. 2  
*Franciscus* Sfortia Ludouici filius. 254. 2  
 de *Francisco* II. Gallorum Rege quid sint va-  
 ticinati *Hieronymus Cardanus*, & *Lucas*  
*Gauricus*. 260. 1  
 de *Fratribus*, & amicitijs ex tertio horoscopi  
 loco discamus. 197. 2  
*Frigus*, calorem, &c. primas esse qualitates,  
 35. 2  
*Frigus* Saturni. 169. fufe.  
*Frigus* ingruere media æstate. 7. 1. 206. 2. 207  
*Frutices* ab vniucis causis non proueniunt.  
 20. 2  
*Fulgura* edere Solem in Ariete. 206. 2. 208. 1  
*Fulmen* aurum colliquas intacto loculo. 39. 2
- G
- G** *Alba* qui orbis terrarum Imperium præ-  
 dixerunt. 242. 2  
*Galeatij* *Marie* Viceromitæ *Mediolanensis*  
 ducis. 242. 1  
*Galenus* agnouit liberum arbitrium. 81. 2  
*Galenus* duo in Medico requirit. 116. 2. 117. 1  
*Galenus* parentum suorum maximam exhi-  
 bet dissimilitudinem. 130. 1  
*Galenus* unam *Genethliacam* neglexit. 274. 2  
*Galenus* sententia de mixtorum temperamen-  
 to. 33. fufe.  
*Galenus* doctrina singularis de diebus criticis.  
 44. & seqq.  
*Galenus* diligentia & solertia. 117. 2  
*Galenus* sententia de copiosis ciuibus, de Dyna-  
 stis, de Regulis. 140. & seqq.  
*Gallus* gallinaceus terret leonem. 36. 2  
*Galli*, ex *Iulio Firmico*, stolidi esse dicuntur.  
 128. 1  
*Gallia* Bracata incolæ sunt communiter sero-  
 ces, peruicaces, rruces. 128. 2  
*Gallia* togata incolæ, præstantia, benignitati,  
 amicitia student. ibid.  
*Gallorum* mores. 291. 1  
*Gaspas* Laerth *Physicus* *Antuerpiensis*. 143. 1  
*Gaurici* doctrina de diebus criticis. 50. 1  
*Gemini* quare disparem sepe nanciscantur  
 fortunam. 228. & seqq.  
*Geminorum* stelle quales. 168. 2  
 de *Geminis*, qui simul egrotarunt, simul con-  
 ualuerunt *S. Augustinus*. 381. 2  
*Generalium*, & singularium nomine quid in-  
 telligatur. 165. 2  
*Generationis* mixtorum principium quod, ex  
*Aristotele*. 35. 1  
 in *Generatione* interdum pater, interdum ma-  
 ter dominatur. 68. 1. & 2  
*Generationes* quando fiant. 19. 1. & 2  
 à *Genitura* quo modo pendeant rerum initia.  
 196. 2  
 in *Genitura* quæcunque ventura sunt an per-  
 fectè contineantur. 186. 2. 231. 2  
*Genituram* *Ioannis Pici Mirandulani* descri-  
 bit *Cardanus*. 243. 2  
*Genitura* commenta *Astrologorum*, sicut ele-  
 ctiones. 187. 2  
*Genitura* impressiones, quæ in loco remanent  
 usque ad tempus in quo perfici debent, sunt  
 partim in loco, partim in materia, ex *Car-*  
*dano*. 199. 2 in materia ex *Kepplero* 220. 1  
*Geniturarum* naturam sequitur natura re-  
 uolutionum, sed debilius. 231. 2  
*Genitura* *Venetiarum*, *Bononiæ*, *Mediolani*,  
*Florentiæ*. 226. 2  
*Genituras* rectificare per accidentia non licet.  
 255. 2 fufe. 90. fufe.  
 in *Genituris* nocturnis quanto tempore Luna  
 teneat



*venat dominatum. & Sol in diurnis.* 188. 2  
*ex Genituris quodlibet deduci.* 234. 1. & 2  
*Georgy Trapezuntij genitura.* 266. 1  
*Germanorum cultus. & urbanitas quantum*  
*maius est nunc, quam eorum, qui à Casare, &*  
*Strabone feribuntur.* 129. 1  
*Germanie incolae sunt communiter feroces,*  
*pruicaces, truces.* 128. 1 301. 1  
*Geſatio an, & quantenus agris utilis cenſea-*  
*tur.* 106. 1  
*Cera qui feri, nunc Poloni gens urbanitate*  
*incluta.* 129. 1  
*Genularum lex, que vult à mulieribus agros*  
*coli, ades edificari, exterique huiusmodi*  
*opera fieri.* 291  
*Gloria appetitio ad res agendas maximam*  
*est calcar.* 147. 2  
*Greci leues.* 128. 2  
*Graci quomodo diuiferunt Signa celeſtia.*  
*247. 2*  
*Graci cur preliberant nudare corpora in cer-*  
*raminiis, & ludis Olympicis, atque etiam*  
*mulieres ut se inferre.* 136. 2  
*Græcorum mores.* 291. 292  
*Grando fuit, quous tempore nonnunquam*  
*fuit. & unde id fiat.* 7. 1. 106. 2  
*Grus cibus est valentiſſimus.* 102. 1

## H

**H** *Ally de quidam Astrologo.* 158. 1  
*Haly.* 204. 1  
*Haly interpres Ptolemy non probat electio-*  
*nes.* 187. 2  
*Haruspices quid responderint Cælio Pontico,*  
*qui ius dicenti piens supra caput inſedit.*  
*239. 2*  
*Haruspicum, Augurumque prædictiones ve-*  
*ra non confirmant auguria.* 240. 1  
*Haruspicina, & Exticina unde commenda-*  
*ta.* 239. 1 & 2  
*Hebraei non imagines, sed literarum elemen-*  
*ta celo ſigunt.* 209. 2  
*Helenam fugientes proceres Troianorum lau-*  
*dat Aristoteles.* 136. 2  
*Henricus VIII. Anglorum Rex oſtendit, nihil na-*  
*tiſſis aſtris de morte ſignificatibus.* 161. 1  
*de Henrico II. Gallorum Rege præclarum Lu-*  
*cæ Gaurici vaticinium.* 360. 1. Cardani.  
*ibidem.*  
*Herculis Ferraria Ducis genitura à Carda-*  
*no d. clarata.* 248. 1

*Herculeus lapis vim habet trahendi ad ſe*  
*ferrum.* 30. 2  
*Hexagonum dextrum, & ſiniſtrum quid ſit.*  
*223. 1*  
*Hipparchi ætate ſpica Virginis ubi.* 233. 1  
*Hippocrates cur dicat per ſolſtitia, & æquino-*  
*ctia maximas fieri morborum mutatio-*  
*nes.* 8. 1  
*Hippocrates agnovit liberum arbitrium.* 81. 2  
*Hippocrates Genethliacam, neglexit.* 274. 2  
*Hippocratis doctrina de aëre ſalutari vel inſa-*  
*lubri.* 11. 2  
*Hippocratis doctrina de tertiana, & quarta-*  
*na criſibus.* 42. 1  
*Hippocratis ſententia de aëris ſitu circumſpi-*  
*ciendo in domicilij electione.* 107. 2  
*Hircinus ſanguis vim habet emolliendi ada-*  
*mantem.* 39. 2  
*Hiſpani inſtantia animoſitate præpoſiti.*  
*127. 1*  
*Hiſpani libertatis ſimplicitatis, munditia ſunt*  
*amatores.* *ibid.*  
*Hiſtrionum impudiciſſimi motus quam noxy*  
*ſunt ex Laſtancio.* 137. 1  
*Homo aliter auerſatur ſerpentem, aliter per-*  
*diculum.* 39. 2  
*Homo cur maximè animantiam omnium poſt*  
*concubium langueſcat.* 123. 2  
*Homini per celeſtia corpora, futurorum co-*  
*gnitionem querendam eſſe negabat Socra-*  
*tes.* 275. 1  
*Homo idem in quibuſdam actionibus melan-*  
*cholicus, in alijs cholericus in alijs timidus,*  
*in alijs audax.* 36. 1  
*Hominum ſecta in quo horoſcopi loco inue-*  
*niantur.* 197. 2  
*Homicide ſunt ſemper, quibus Mars præſidet.*  
*30. 2*  
*Honoris, ingenij, divitiarumque aſtridaria à*  
*quæ impare incipiant.* 189. 2  
*Honoris appetitio maximum calcar.* 147. 2  
*de Honoribus non poſſunt ex aſtris dicere*  
*Aſtologi.* 266. 2. & ſeqq.  
*Hæram natiuitatis non colligi ex nouilunio.*  
*90. 2*  
*Neque ex Planetarum dominatu.* *ibid.*  
*Hora natiuitatis ignoratur ab Aſtologis.*  
*91. 1 & 2*  
*Hora exſtimata.* *ibid.*  
*Horarum, & dierum electio abſurdiſſima, ex*  
*Cardano.* 219  
*Horologiorum malignitas.* 91. 1. 266. 1 162. 2  
*Horæ*



# INDEX

*Horoscopus peruenit ad locum planeta.* 198.2  
*Horoscopus quo die, peruenit ad Planetam locum, praestat eius effectum.* 198.2  
*Horoscopus unum non posse pluribus accidentibus accommodari.* 257.2  
*Horoscopus restitui per Planetas omnes putat Cyprianus Lequirius.* 256.1  
*ex Horoscopo unius an deducere queant Astrologi, quae quisque in omni vita facturus, vel non facturus sit.* 92. &  
*Horoscopi plures non sufficiunt etiam ad praedicendum.* 94.1 & 2.291.2  
*Horoscopi qui consentunt per accidentia à Mathematicis restitui.* 255. fufe.  
*Horoscopus unius & alterius comparare, & ex consensione stellarum de sympathia utriusque diuinare.* 96.2  
*Humorem, & siccitatem, primas qualitates.* 35.2  
*Humores concitari solere nouilunio, plenilunio, quarta Luna, unde fiat.* 7.1  
*Humores 4. in corpore humano aluntur.* 50.2  
*Humorum qualitas modum praescribit spiritibus, & hi sensuum functionibus.* 31.2  
*ad Hyadum exortum defluere uberiores imbres.* 7.1  
*Hydrargiri uapore nerui emolliuntur.* 40.1  
*Hydriarum uisio.* 162.2  
*Hyeme calores nonnunquam ingruunt.* 7.1  
*Hyemes & Aestates unde efficiantur.* 3  
*Hyemes non sunt aequaliter frigidae, & quare.* 6

## I

**I**acob historia de cubus varij coloris. 66.1  
*Ignis, aërisque calor fouetur cæli motu.* 14.1  
*Ignis calor unde impedi possit, ne calorem efficiat. 24. qui fit ut ope cælesti perpetuo calorem promat.* 25  
*Ignis sacer si in utero fiat mulieri pregnantis, lethale est.* 71.2  
*Ignoratio malorum futurorum, utilior est, quam scientia.* 298.2  
*Imagines cælestes Aualum dissimiles ab Aegyptiorum, Chaldaeorumque imaginibus.* 209.2  
*Imaginum cælestium arbitriam rationem agnoscunt Astrologie Magistri.* 209.2  
*Imaginationis vis.* 226.1. & 2  
*Imperare, & parere non solum necessarium sunt, sed etiam utilium.* 87.2  
*Imperatorum, aut Regum negotia publica*

*non pendent ex astris.* 159.2.242.3  
*Imperium unde praesagire potuit Tiberio Thrasyllus.* 243.1  
*Imperfectorum forma unde inducatur.* 27.2.  
 19.1  
*Impressiones corporum cælestium, quatenus ad intellectum, & voluntatem pertinere possint.* 52. & 53. fufe.  
*Impressiones à genitura, quæ in loco remanent, & quæ ad tempus, in quo perfici debent, sunt partim in loco, partim in materia, ex Cardano.* 53.1  
*Impulsus Astrorum nunquam is est, ut mens, ei nequeat obfistere.* 86.2  
*Inconstantia Astrologorum quanta.* 302.  
*Indorum mores diuersi ab illis qui apud illos Brachmanes appellantur.* 292  
*Infantes quoniam emittant dentes maturius,* 99.1  
*Infantes quous sub sidere parentibus nutritibus, similes moribus sunt.* 131.1 & 2  
*Instrumentorum vitium magnos in Astrologia errores parit.* 162.2.91.1  
*Intelligentia orbi suo non coniungitur ueluti forma materia.* 25.1. & f. 99.  
*Intelligentia nullam qualitatem impartitur cælo, sed ordinatum motum.* 18.1  
*Interralum à Philosophis inuectum in naturam à corporibus sciundum.* 217.1  
*Inuidi sunt semper, qui Saturno subiaciunt.* 30.2  
*Ioannes Picus Mirandulanus quam habuit genituram.* 243.2  
*Ioannes Stoflerinus cælestium imaginum fabulas exequitur.* 210.1  
*Ioannis Baptiste Cardani infelix exitus.* 301  
*Iona Propheta.* 279.1  
*Iouem, Venerem, & Lunam, esse beneficas.* 33.1  
*Iracundi sunt semper, quibus Mars praesidet.* 30.2  
*Irarum ardores concenitu residere.* 144.1  
*Isabella Vallesia.* 260.2  
*Ischiaticorum dolores modulatione minuantur.* 144.1  
*Itali sunt Regali semper nobilitate praesulgenti.* 128.2  
*Iulij II. genitura.* 265.1  
*Iuriconsultus iniuriarum uult teneri illum, qui cum muliere turpes sermones miscerit.* 138.1  
*Iuriconsulti sententia de seruo in aliena familia*



in illa deteriore factio. 135. 2  
*Iuriscensuli agnoverunt liberum arbitrium.*  
 81. 2  
*Iuriscensuli filius tradunt esse eiusdem affe-*  
*ctus cum patre.* 130. 2  
*Iuriscensuli quid de Genethliaca pronun-*  
*ciant.* 277. 1  
*Iuriscensuli recipiunt, filios esse similes pa-*  
*rentibus.* 62. 2  
*In illis viris ceteris imperat una cum*  
*lege.* 83. 2  
*Invenies inuerecundos esse necesse est, ubi se-*  
*nectus impudens est.* 130. 2

## K

**K** Epplerus, ubi collocat Astorum vim.  
 200. 1. 217  
*Kopplerus damnat Genethliacam.* 277. 2

## L

**L** Abor, & exercitatio magnam habet vim  
 ad sanitatem. 204. 2. 105. 1. & 2  
*Labores ante cibum.* 105. 1  
*Labor quanta temperandus.* 107. 1  
*Quantum valeat ad mares labor.* 133. 2  
*Lac in nutrice quando impurum fiat.* 99. 1  
*Lac maternum salutaris est quam nutricis.*  
 99. 2  
*Lacedaemonij non imagines modo, sed & li-*  
*bros Archilochi parum pudicos a Repub.*  
*excerunt.* 137. 2  
*Lactantius quare omnia spectacula damna-*  
*bat.* 137. 1  
*Lactantius damnum inuentum esse Astrolo-*  
*giam scripsit.* 276. 1  
*Lacus, cui Luna non exagitet.* 12. 1  
*Latio quamvis sit causa generationis, & cor-*  
*ruptionis.* 16. 1  
*Latro cum Domino crucifixus non beneficio*  
*natiuitatis sua ad paradisi aeterna transi-*  
*uit.* 279. 1  
*Lenticula, vel faba valentior est, quam pi-*  
*sum.* 102. 1  
*Leo & Leone in quo dissideat.* 38. 2  
*Leontis in primo gradu, Aegyptij faciunt vi-*  
*rum dextera caput Leonis tenentem, Ara-*  
*bes arborem, cuius ramis insidet canis.*  
 212. 1

*in Leonis X. genitura qui fuerint indices Pon-*  
*tificatus.* 265. 1  
*in Lepidorum genere tres intermisso ordine*  
*obducto membrana oculo geniti feruntur.*  
 62. 2. 67. 2  
*Lex quare coniungatur optime cum inflitia.*  
 83. 2  
*Lex unde vim cogendi habeat.* 131. 2  
*Leges sine scripta, an non scripta interesse*  
*nihil videtur.* ibid.  
*Leges latae in Mathematicos.* 256. fufe.  
*Liberum arbitrium agnouerunt omnes Theo-*  
*logi, Patres Graeci, Patres Latini, Philoso-*  
*phi, Physici, Metaphysici, Medici, Princi-*  
*pes, Rhetores, ipsi Mathematici, ac denique*  
*gentes uniuerse.* 80. & 99.  
*Liberum arbitrium nullam vult causam ex-*  
*ternam.* 150. 1 & 2  
*Liberum arbitrium.* 149. 1. & 2  
*Libertas iudificat, Astrologorum predicationes.*  
 148. 2. 149. 1  
*Libri obsecni prohibiti.* 137. 2. 138. 1  
*Libri Astrologia iudiciaria prohibiti.* 294  
*Ligna putrida lucem natura sua sortita*  
*sunt.* 3  
*Ligna casa Luna crescente cur facilius putre-*  
*scant.* 11. 1  
*Locis astri, seu Planeta quid sit, ex Aristo-*  
*tele.* 198. 2  
*Locum aequalem non occupat corpus ullum*  
*dum mouetur.* 199. 1  
*Loca incantumata, & aliena qua.* 225. 1. 226. 1  
*Locorum duodecim vires, atque significatio-*  
*nes.* 196. 2. 197. 1. & 2  
*Luca Gauprici iudicium de genitura Petri*  
*Aloysij.* 245. 2  
*Luciferum honori, & nomini Caesaris Romani*  
*dicare conati sunt.* 210. 2. 282. 1  
*Ludouici Sfortia genitura.* 254. 2  
*Ludouici Sfortia electiones.* 187. 1  
*Ludouici Sfortia mors.* 187. 1  
*Lumen caeleste calafacit, arescit, humectat,*  
*& frigidat.* 5  
*Lumen Solis speculis, & phialis, reflexum*  
*excitat ignem.* 8. 2  
*Luminis caelestis & ignis natura eadem.* 5. 2  
*Luna in suis etiam defensionibus lucet, ac ru-*  
*bit.* 3. 1  
*Luna sit quasi alter Sol minor.* 6. 2  
*Luna singulis mensibus hyemem atque aesti-*  
*tem facit.* 11. 1  
 Luna



# I N D E X

- Luna accipit initium temporis in nocturnis genituris.* 188.2.190.1  
*in Lune cursu est bruma quadam, & solstitij similitudo.* 4.2  
*Luna lumen habet vim per se efficiendi caloris.* 6.2  
*Luna, Solisque vis quanta in generationibus.* 45.1  
*Luna, Stella benefica.* 33.1  
*Lunam primis quatuor, aut septem annis praesse quomodo intelligatur.* 191.2  
*Luna in Tauro commorante, medicinam sumendam non esse.* 210.2  
*Lupus, & ovis dissident.* 39.1  
*Lyra oriente natum, euasurum musicum.* 211.1  
*Lycurgus ostendit consuetudinem, ingentis esse momenti.* 134.1
- M
- M** *Acirino qui Imperium prae-dixerunt.* 242.  
*Magnetis vires.* 36.2.38.2.  
*Magussei qui sint, & ubi habitent.* 291  
*Malorum futurorum utilior est ignorantia, quam scientia: quod Phauorini exemplo apud Gelium comprobatur.* 301.1. & 2  
*Manardus Ferrariensis Medicus.* 249.2  
*Manilius tradit, signa agere per se.* 202.2  
*Marcelli II. Pontificis genitura.* 265.2  
*Mare nullum patitur incrementum vel decrementum extra Herculeas columnas: & contra.* 12.1  
*Maris aestus fidem facit arcanis Lune viribus.* 7.2  
*Maris fluxus & refluxus, accessus & recessus unde.* 12.1. & 2  
*Maria turbari solere nonilunio, plenilunio, quarta Luna unde fuit.* 7.2  
*Martis, & Saturni stellas maleficas esse.* 33.1  
*Martis stella & arefacit, & urit.* 168.2  
*Martis motus hactenus non exploratus.* 206.1  
*Marti subditi cuius sint temperamenti.* 30.2  
*Martialis.* 130.1  
*Marsilius Ficinus.* 276.2  
*Marsilij Ficini sententia de aliorum consuetudine, & conversatione.* 135.2  
*Martini Lutheri varia genitura.* 235.2  
*Matrem efficacem magis esse interdum, in-*  
*terdum patrem.* 63.2.68.1  
*Matres propter foetum quae subeunt discrimina.* 71.1. & 2  
*Matres cur filios educare debeant, eisque ubera porrigere.* 99. & 100. fufe.  
*Mattheus Thaphurius.* 266.2.255.1  
*Mauritius, Saxonum Dux.* 261.2  
*Medicamenta immutare possunt totius corporis temperamentum.* 115.2  
*Medici unde deducant sexus diversitatem.* 68.1  
*Medici agnouerunt liberum arbitrium.* 81.2  
*Medicorum, & Philosophorum sententia de mixtorum temperamento.* 32.1. & 2  
*Medicine Auctores inter Deos coluit Antiquitas.* 55.1  
*Mel, & caseus, cibus valentissimus.* 102.1  
*Membrum unum aliquod ita diligimus ut illi aequari nihil posse putemus.* 147.1  
*Mens humana omnium rerum corporalium prestantissima asseritur.* 85.2  
*Mensis nostra inuicta potestas probatur aduersus corporis impulsus, in quod caelum agit, quod agit.* 87.1. & 2  
*Mercurius, & Luna in quinta dant fratres.* 166.2  
*Mercurius siccus.* 168.2  
*Mercurij stella participat naturam Martis, & Saturni.* 33.1  
*Mercurius.* 73.1  
*Metalla unde procreantur.* 11.2  
*Michael Angelus Bonarota.* 255.1  
*Mimi quam sint noxij.* 137.1. & 2  
*in Minutijs est mira vis.* 182.1  
*Mixta omnia intereunt, dissipata primarum qualitatum temperie.* 35.2  
*de Mixtorum temperamento, Medicorum, & Philosophorum sententia,* 34. fufe.  
*Monomeriarum lepidissima fabula.* 211. fufe.  
*Monstrum Auenione visum à Francisco Valeriola.* 73.2  
*Monstra cur raro fiant in ijs, quae singulos pariunt.* 75.1  
*Monstrorum informitas sit, corrupto principio aliquo.* 73.2  
*Monstrorum tria genera.* 73.2  
*Monza Mediolanensis muscus.* 266.2  
*Morbi plurimi per intentiones tibiarum sanati.* 144.1  
*in Morborum crisi bus facit ad rem, quo quisque sub caeli statu, & sub quibus stellis oritur,*



# R E R I V M.

mus, aut procreatus sit. 51. 2  
Morbi augeri solent nonilunio, plenilunio,  
quarta Luna. 11. 1  
Mores animi sequuntur temperationem cor-  
poris, ex Aristotelis sententia. 53. 2  
Mortis domus à Poëta descripta. 218. 1  
de Morte, & vita nihil certo, statui posse.  
259. & 262. fufe.  
de Morte, aut vita cuiusque, quàm temere de-  
cernant ex arte sua Mathematici. 262  
Motus calis effectus. 13. 2  
Motus infans in generatione alij actus, alij po-  
tencia. 63. 2  
ad Motus animorum voluntarios non est ex-  
terna causa requirenda. 149. 1  
Mundum hunc inferiorem oportet contiguum  
esse supernis latitudinibus. 4. 2  
Mundum rationis esse competentem qui dicunt,  
damnantur à S. Augustino. 25. 2  
Musculorum recensita brama augentur. 7. 1

## N

**N**api ex oleribus valentior cibus, quàm  
passinaca. 102. 1  
Nomina stellis impusita ex arbitrio. 209. 2  
210. 2  
Natura cur duplices mulieribus mammas de-  
dit. 100. 1  
Natura reuelationum sequitur naturam ge-  
nitarum, sed debilius. 231. 232 fufe.  
Natura vitium multi sustulerunt meditatio-  
ne, atque exercitatione. 112. 2. 133. 2  
Natura vis. 100. 2  
Natura irritata expellit noxios humores. 42. 1  
Nebridius adolescens. 284. 2  
Negotium unumquodque ut astris presidibus  
suscipiatur, qui plurimum interesse dicant.  
168. 1  
Negotio unicuique peragendo accommodata  
tempora eligenda sunt. 168. 2  
Neroni qui in Imperium pradiixerunt. 236. 2  
Nerva relatus Imperator. 237. 1  
P. Nigidy predictio de Augusto. 236. 1  
Nouena Græcorum quid sint. 212. 2  
Nucis umbra proximis stirpibus, grauis est.  
40. 1  
Nuces valentior cibus. 102. 1  
Nuptiarum qualitas, & quantitas ex quo ho-  
roscepi loco queratur. 303. 2  
Nutrices quales. 99. 1. 101. 1

à Nutricibus senescentibus qui lactantur, ci-  
ridis senescunt. 99. 2

## O

**O** Biedli presentia fortior est quouis tempe-  
ramento è stellis delapso. 136. & seqq.  
Obitus inopinati non raro Dei optimi maxi-  
mi ira solent immitti. 89. 1  
Obsessio astrorum, & aspectus quàm pugnent  
inter se. 225. 1. & seqq.  
Obstetricis, & parentum sedulitate mutatur  
temperamentum, quod puer è stellis hausit.  
99. & seqq.  
Obstetricis officium quoddam sit, ex Aristotele.  
99. 1  
Oceanus Septentrionalis est totus immixtus, &  
liber ab aestu. 12. 1  
Oceanus Gallicus ad fauces Garumne flu-  
minis, septem horis fluit, & quinque re-  
fluit. ibid.  
Odor à lucernarum extinctu plerumque sit  
causa abortus. 71. 2  
Onager, cibus est valentissimus. 102. 1  
Opinionis, & presensionis vis quanta. 251. 2.  
299. 2. 301. 1  
Orbis diluuij, & presens quotus sit, & quis ijs  
dominetur. 193. fufe.  
Orbis decimi natura qua sit, ex recentioribus  
Astrologis. 203. 1  
Orbes minores quamquam à maioribus con-  
tineantur, non migrant tamen ex uno in  
aliud locum. 119. 1  
Orbes duos supra octauum qui excogitantur.  
203. 1  
Orbium celestium natura qualis habeatur in  
Philosophorum scholis. 203. 2. 229. 2  
Origenis disputatio in Astrologos. 287. 2  
Orion quo tempore oritur, quo tempore occi-  
dat. 9. 2  
Orion cur, & occumbens, & oriens melius  
esse solent, ex Aristotele. 208. 1  
quod Orionis ad ortum usque ad Eresias, ac  
Predramos tranquillitas generatim contin-  
gat, dua traduntur causa ab Aristotele.  
9. 2  
Orionis ortu quod dies maximè varient, ra-  
tio Aristotelis. 208. 1  
Ornithes stant post hyemalis versiones. 10. 1.  
208. 1  
Ovis, & lupo in quo dissident. 39. 1  
Onibus,



# INDEX

Ouibus, & capris cur monstra magis acci-  
dant. 75. I  
Ouidius laudat veterum moderata conuiuia.  
141. 2  
Ouidius de vi consuetudinis. 111. 2

## P

**P**almule valentiores sunt ex fructibus sur-  
culorum, quam que poma proprie no-  
minantur. 102. I  
Panitius Stoicus Astrologorum predicta reici-  
cit. 275. 2  
Parentes ex quarto horoscopi loco ostendun-  
tur. 197. 2  
Parentum interitus non raro Dei optimi ma-  
ximi ira solent immitti. 140. 2  
Parentum, & obsidericis sedulitate mutatur  
temperamentum, quod puer è stellis harsit.  
99. & seqq.  
Parentum negligentia in educandis liberis.  
132. 2  
Parere, & imperare non solum necessariorum  
sunt, sed etiam vtilium. 87. 2  
Paris Ceresarius. 237. 2  
Parmenes Chaldeus ob suam temeritatem pu-  
nitus. 300  
Partem dexteram fortiozem. 68. 2  
Partes masculina, & feminina Signorum re-  
seruntur. 213. 2  
Partes plena, ac vacua. 214. I  
Partus significatur disco. 161. 2  
Patrimonium ex quarto horoscopi loco osten-  
ditur. 196. 2  
Patria in quo horoscopi loco inueniatur.  
197. I  
Pauli Veneti opinio de fluxu, & refluxu ma-  
ris. 12. 2  
Pauli II. genitura. 264. 2  
Pauli III. genitura. 265. I  
Pauli IV. genitura. 265. 2  
Pauo, cibus est valentissimus. 102. I  
Perfectionum forma unde inducatur. 19. 2.  
24. I. 27. 2  
Perturbationes animi lyra compositae. 144. I  
Pestilentia unde oritur habeant. 11. & seqq.  
Pestilentia, & morborum popularium causa  
unde deducit. 51. 2  
Petrus Aliacenſis Cameracenſis Cardinalis.  
194. I  
Petrus Arctinus scurra fariſſimus. 158. I

Petrus Castella Rex. 298. 2. 294. I  
Petri Aloysii genitura. 237. 2. 245. 2. 260. 2  
Phauorinus Genethliacam esse ait officia-  
rum genus ab erusicatoribus excogitatum.  
276. 2. 301. 2. 227. 2. 230. I. 231. I. 178. I  
Picturis obscenis impudicitia veluti originem  
adſcribit Propertius. 137. 2  
Pile parus exercitatio quantum ad val tu-  
dinem conferat. 105. I. & 2  
Piscis Australes stella quos effectus habeant.  
174. 2  
Piscium cibus grauissimus quis sit. 102. I  
Placenta quando obsideri dicatur, exemplo de-  
claratur. 225. I  
Planeta cum ad locum coniunctionis lumi-  
narium que in genitura precessit, perue-  
nerint, quid operentur. 198. 2. 91. I. 256. I  
Planete, seu aſtri locus quis sit, ex Aristotele.  
199. I  
Planete nouas, & aſcititias vires assumunt  
à Signo, in quo verſantur. 202. I. 220. I  
Planeta aliud ex vna, aliud ex alia cali pla-  
ga efficiunt. 218. I  
Planetarum vires experiri non potuerunt  
Astrologi. 164. 2. 169. 2. 177. I. 180. I  
Planetarum partiumque Zodiaci directiones.  
198. 2  
Planetas alios facit masculinos Ptolemaeus,  
alios femininos. 33. I  
Plinius de antipathia, & sympathia. 38. 2  
Poeta de victu. 203. 2  
Poeta de consuetudine. 111. 2  
Poeta Genethliacis superbe illudunt. 228. 2  
Poeta obſciunt Genethliacis mendacia. 278. I  
Poeta de vita rurali. 251. I  
Poeta in auaros. 250. 2  
Poetarum testimonia, quibus probatur, filios  
esse similes parentibus. 62. I. & 2  
Poleni, gens urbanitate inclyta. 128. I  
Pompeio vtile fuit ignorare, suum exitum.  
301. I  
Pontanus quid de Genethliacae vanitate pro-  
nunciet. 277. I  
Possessionis, ac spei incrementa ex quo loco  
horoscopi noſcantur. 197. 2  
Prestatus maxima insignia, & perpetuas ſci-  
lites quid largiatur Saturnus. 215. 2  
Prætorum postremum Astrologie quodnam  
sit. 299. 2  
Traditiones augurum. 299. I. & 2  
Prædictiones, quibus Genethliaci suam artem  
conſir-



# R E R I V M.

confirmare solent, non sunt Astrologica. 241. & seqq.  
*Prædictiones Astrologorum inuat lenitas consulentium.* 251.2  
*Prædictiones Astrologorum seditiosa.* 199.2  
*Prophyter, qui consuluerat Astrologos à diuinis amotus.* 296.2  
*Principibus multis Genethliacam artem exitio fuisse.* 298.2  
*Prædus, & Eurysibenes Lacedæmoniorum Reges gemini fratres, dissimiles omnibus in rebus fuerunt.* 228.1  
*Prædus Genethliacas uagas Philosopho homine indignas duxit.* 275.2  
*ex Prudentia & usu rerum plura diuinant Astrologi quàm ex arte Astrologica.* 250.2  
*Pylus unus habens tractandi serpentes.* 36.2  
*Ptolemæus agnouit liberum arbitrium.* 81.2  
*Ptolemæus quid senserit de alfridijs.* 189.1  
*Ptolemæus unde muruatus sit syderum solia, carperia & curtus.* 210.1  
*Ptolemæus negat quidquam certò statui posse de uita, & morte.* 248.1  
*Ptolemæus quid de Genethliacæ uanitate pronunciat.* 277.1  
*Ptolemæi sententia de mixtorum temperamento.* 32.2  
*Ptolemæi doctrina sive sententia de furtu.* 56.2  
*Ptolemæi iudicium de Genethliacis sui temporis.* 157.1  
*Publicius & Vibius quidam à plebe, indifferenter prope spaciæ suæ similes Magno Pompeio.* 66.2  
*Pueri quomodo ad honesta exercitia sint adducendi.* 107.1  
*Puerorum exercitia quæ esse debeant.* 104.2  
*107.1*  
*Pulchrum aridum steroseit ipso brumali die.* 7.2.12.1  
*Pythagoras quibus uerbis, etsi obscuris, declarauit flagitiosorum hominum consortium noxiu esse.* 135.1

## Q

**Q**uadratus aspectus quid sit, ex Cardano. 223.1. & 2  
*Quadratum quid sit, ex Firmico.* 222.2  
*Qualitates prima quatuor efficiuntur à so-*

*lo lumine cælesti.* 5.2  
*Qualitates quatuor prime peragunt omnes rerum sublunarium mutationes, generationes, augmentationes, alterationes.* 11.1  
*Qualitatum primarum dissipata temperie, intereunt mixta omnia.* 35.2  
*Qualitatum primarum temperamentum.* 34.1  
*In mixto non sunt qualitates in summo.* 33.2  
*à Qualitatibus accidentarijs, ut instrumenta sunt substantia, formas substantiales effici.* 27.2  
*Quantitate solùm interimunt medicamenta frigida.* 115.2  
*Quartana febres unde pronunciant.* 50.2  
*Quartus ab horoscopo locus cur in eum cælum appellatur.* 214.2.196.2  
*Quies, & labor quantum ualeant ad morum rationem.* 104.1.104.2  
*pro Quintili, & Sextili mensibus, Iulium, atque Augustum uocamus.* 210.2.282.1  
*Quintus ab horoscopo locus cur appellatur bona fortuna.* 196.2  
*Quotidianæ febres unde ortum capiunt.* 50.2

## R

**R**adiatio salix qua sit. 223  
*Rapa ex oleribus ualentior est quàm pastinaca.* 102.1  
*Rationem Horoscopus restituendi pertinere putat ad omnes Planetas Cyprianus Leonitius.* 256.1  
*Resuscitare genituras per accidentia, an liceat Astrologis.* 255.2  
*de Religione quid asserant Mathematici.* 267.2.268.1.197.1.212.1  
*Rerum initia à genitura pendent tribus modis.* 202.1  
*Retrogradatio.* ibid.  
*Reuolutio.* 193 & seqq.  
*Reuolutiones magnas conficit.* 193.1.193.2  
*Reuolutiones magnæ non probantur Astrologis principibus.* 231.2.232.2.233.2  
*Reuolutiones nihil efficere possunt, quod in genitura non continentur.* 233.2  
*Roma principis urbium genitura.* 226.2  
*Romulus Viri, nris.* 266.1  
*Romuli legibus obscena loquens coram amicis.* 266.1

## X



# I N D E X

nts, non secus quàm homicida puniebatur.  
138. 1  
Rubeta quo pacto mustellam ex arbore deuorandum educat. 40. 2  
Ruta, & Brassica quanta inimicitia. 40. 2

## S

**S**anguis hircinus emollit adamantem. 39. 2  
Sanguinarij sunt semper, quibus Mars praesidet. 30. 2  
Sapienti famulantur omnia tanquam alteri Deo. 85. 2  
Sapientia ut praestet, ita & praest reliquis. 84. 1  
Saturni, & Martis stellas maleficas esse, ex Ptolemaeo. 33. 1  
Saturni frigidam naturam si contendat Astrologi ex vario eius ascensu per partes hemisphaerij nostri deprehendi, quid respondendum. 172. 1  
Saturni, vel Martis ad locum quando aliquis Planeta peruenerit, quid significet. 198. 2  
Quid Saturnus faciat in singulis domibus. 214. & seqq.  
Saturno subditi cuius sunt temperamenti, ex Bellantio. 30. 2  
Saturno desunt ea quae Solis, & Luna experimentum facile reddunt, & certum. 171. 2  
Sciendi studium non est haustum à cælo. 147. 2  
Scientie iam parua voluptas maxima. 148. 1  
Scipionis Africani vaticinium. 247. 2  
Scorpionibus obnoxias ades fore, quae Scorpione quarto cæli loco existente exedificata fuerint. 211. 1  
Scylax Halicarnassæus Genethliacam repudiavit. 275. 2  
Scythe immanis feritatis crudelitatis grafsantur. 127. 2  
Sette in quo Horoscopi loco inueniantur. 197. 1. & 2  
Semen quare dicatur instrumentum viuentis. 27. 2  
Semen genitale an causa sit similitudinis aut dissimilitudinis filiorum. 63. fusc.  
Seminum diuersitas quantum momenti habeat ad proprietatem generis vniuscuiusque. 244. 2

Seneca merito laudat ruralem vitam degentes. 141. 1  
Seneca opinio de fluxu, & refluxu maris. 12. 2  
Senectutis alimentum quale esse debeat. 103. 1  
Septimi, vel quarti numerus crisis auctor non est. 46. 2  
apud Seras lex est nec occidere, nec fornicari, nec furari, nec adorare simulachra. 291. 2  
Serpentem peperit ancilla quadam. 74. 2  
Seruorum substantia ex quo Horoscopi loco monstratur. 197. 1. & 2  
Sexuum diuersitatem quomodo distinguat Ptolemaeus. 67. 2  
Sicilia incola, praestantia, benignitati, amicitia studens. 127. 2  
Signa inter se aequalia sunt, astrorum asterismi non item. 209. 1  
Signa agere per se, & sine ope stellarum. 217. 2  
Signa vocalia, & muta. 76. 2  
Signa octaua sphaera quam dissideant à signis decimi orbis. 204. 2  
Signorum fecundorum & infecundorum descripcio ex Manilio. 201. 2. 203. 2  
Signa nocturna. 201. 2  
Terrestria, & aquatica. ibid.  
Signorum vis unde proficiat. 203. 2  
Signis quod duplex actionis genus attribuitur à Mathematicis. 202. 1  
Simeon Bulgarorum Princeps, Mathematicorum suasu in Crobatos insiliens incredibilem cladem accepit. 298. 2  
Singularium, & generalium nomine quid intelligatur. 165. 2  
Sinistrum trigonum, 222. 2  
Sinus Mexicanus ab astu immunis est, & liber. 12. 1  
Sixtus V. primo sui Pontificatus anno Astrologiae usum plane interdixit. 297. & seqq.  
Sixtus ab Hemminga unde conficiat, horoscopum unum non posse pluribus accidentibus accommodari. 258. 1  
Sixtus ab Hemminga Frisus Astrologorum deliramenta patefecit. 277. 2  
Sixti ab Hemminga testimonium egregium de falsitate, & impossibilitate Astrologiae. 304. 2  
Socrates Genethliacam disciplinam in Mathematicum censum non refert. 275. 1  
Sopho-



# R E R V M.

*Sophocles.* 182. 2  
*Sol* genitoris patrisque nomine appellatur. 4. 2  
*Sol* per totum annum hyemem atque astatem facit, Luna per mensem. 11. 1  
*Sol* necipit initium temporis in diuinis genituris. 188. 2  
*Sol* aliud ex Ariete, aliud ex Leone efficit. 206. 2  
*Solis* motus quos reddat efficitur. 3  
*Solis* lumen excitat ignem. 8. 2  
*Solis*, & *Mercurij* Stellarum temperamentum quale sit, ex *Ptolemaeo*. 33. 1  
*Solis* domus à *Poeta* descripta. 220. 1  
*Sole* nunc acris, nunc temperatis agente, cur diuersas colligant Signorum vires *Astrologi*. 207. 1  
*Solem* & *Saturnum* patribus, Lunam & *Venerem* matribus naturaliter assimilari scribit *Ptolemaeus*. 95. 2. 60. 2  
*Solstij* astinalis prerogativa quam sit. 232. 2  
*Societas* prima, & generis humani conseruatix quanam dicatur ab *Aristotelo*. 147. 1  
*Societatis* studium aduersetur priuatis com-  
 modis. 147. 1  
*Solertia* Medici quantum valeat, duplici ex-  
 plo declarat *Galenus*. 117. 2  
*Sophocles* quo genere moris obierit. 182. 2  
*Sori*, fortuna, quid sint. 122. 2. 240. 2. 241. 1. & 2  
*Spadones* parum à femina specie distant. 69. 1  
*Sphaera* octaua ecliptica cur mobilis ab *Astro-*  
*nomis* appelletur. 216. 2  
 à *Sphaera* octaua *Zodiaci* mobili, & varijs stel-  
 lis apto, qualem *Zodiacum* cogitatus di-  
 uersum *Astronomi*, *Alphonfi* Regis tempo-  
 re. 203. 1. 205. 2. 216. 2  
*Sphaera* octaua & decimi orbis Signa quan-  
 tum distent, & dissideant inter se. 216. 2  
*Spirina* praedictio de *C. Iulio Caesare*. 239. 2  
*Stelle* omnes possunt, & nonnihil calefacien-  
 do, vapores aliquos extrahere. 62  
 an *Stella* omnes formas omnes edant. 27. 1  
 quae *Stella* alias videant, & qua audiant, vel  
 contra, ex *Iulio Firmico*. 195. 1  
*Stellarum* inerrantium facultates, ex *Ptole-*  
*mæo*. 33. 1. 168. 2  
*Stellarum* arbitraria diuisio. 209. 2. 204. 2.  
 233  
*Stellas* mutuo, se praepedire. 92. &c.

*Stellas* igneas esse putarunt, qui cælum ignem  
 esse docuerunt. 3. 2  
*Stellis* vniuersis insita est lux aliqua sibi pro-  
 pria. 3. 1. & 2  
*Strabo* *Aristocleam* puellam nudam videns,  
 in eam exarsit. 138. 2  
*Strato* *Lampiacenus* unde deducat monstro-  
 rum causas. 75. 2  
*Substantia* ex quo horoscopi loco ostendatur.  
 196. 2. 197. 2  
*Substantia* feruorum ex quo horoscopi loco  
 monstratur. ibid.  
*Suilla* caro inter domesticos quadrupedes le-  
 uissima est. 102. 1  
*Suillo* sanguine pastus quidam cæno semper  
 delectabatur. 99. 2  
*Sutoris* de *Octauio* diuinatio. 247. 1  
*Sympathia*, & antipathia rebus unde fiant,  
 eius ratio duplex. 38. 2. &c.

## T

**T***Aurus* cur inter sydera relatus, ex *Oui-*  
*dio*. 210. 1  
*Tauri* primus decanus. 211. 2  
 in *Tauro* Luna commorante, Medicinam non  
 esse sumendam. 210. 2  
*Taxus* *Narbonensis* confidentes ledit, & non  
 raro necat. 40. 1  
*Temperamentum* quid sit, ex *Fernelio*. 34. 1  
*Temperamentum* primarium qualitatum an  
 sit à cælo. 35. 1. 36. 1  
*Temperamenta* duo in eodem homine distin-  
 guit *Bellantius*. 30. 2  
*Temperamentorum* omnium differentia quot,  
 & quales. 33. 2  
*Temperie* primarium qualitatum dissipata,  
 mixta omnia intereunt. 35. 2  
*Tempora* unicuique negotio peragendo accom-  
 modata eligenda sunt. 186. 1. & 2  
*Terra* natura in vniuerso quasi semina ma-  
 terque statuitur. 3  
*Tertianæ* febres unde proueniant. 50. 2  
*Tertulianus* quid de *Astrologis* pronunciet.  
 294. 2  
*Thebani* cur pingues, & valentes habeantur.  
 109  
*Theologi* *Scholastici* quid de *Mathematicis*  
 pronuncient. 276. 2  
*Thrasyllus* praedixit Imperium *Tiberio*. 236.  
 2. 242. 2. 247. 1

X 2 Tibe-



# I N D E X

- Tiberius Nero arti Astrologicae Thrasylo magistro operam dedit.* 236.2  
*Tiberij predictio de Galba.* ibid.  
*Tiberius Gracchus quo die interfectus fuit e domo egrediens, grauissimè ad limen offendit.* 240.1  
*Toronius M. Antonio iam triumpho duos eximia forma pueros, alterum in Asia genitum, alterum trans Alpes, ut geminos vendidit, quorum mira erat similitudo.* 67.1  
*Trigonum quid sit, ex Firmico.* 223.1. & 2  
*Trinus aspectus, ex Cardano, quid sit.* 223.1  
*Tullius ostendit viliorem esse ignorantiam malorum futurorum, quam scientiam.* 301.1  
*Turci luctatores hodie à Venere abstinent.* 123.2  
*Tycho Brahe declarat incertos esse astrorum congressus.* 164.1. 206. 230.1  
*Tycho Brahe scitè verissimèque scripsit, in religionem veram nihil iuris habere astrorum decreta.* 268.1  
*Tycho Brahe quid de Astrologia, & Astrologis pronunciet.* 277.2
- V
- V**alitudinis, ac vitij causa in quo horoscopi loco inueniatur. 197.1. & 2  
*Valetudini, & naturali temperamento obest plurimum, eorum, quibus quis assueuerit, repentina commutatio.* 110.1. & seqq.  
*Valentissimum in cibo quid vocetur.* 102.1  
*Veneriarum generum natura.* 226.2  
*Venti Septentrionales salubriores sunt, quam subsolani vel austri.* 108.1  
*Ventidius Bassus Aesculanus.* 120.2  
*Venus non secus ac Luna crescit, ac decrescit.* 2.1  
*Veneris stella eosdem habet effectus, quos Iupiter sed ratione diuersa.* 268.2. 33.1  
*Venerem, Iouem, & Lunam, stellas esse beneficas ex Ptolemaeo.* 33.1  
*Venerem praesse ab anno decimoquarto ad vigesimum primum.* 188.2  
*Ver & Autumnus vnde efficiantur.* 3  
*Verni aequinoctij prerogatiua quanam sit.* 232.2  
*Veritatem predictionum astrologicarum fortuitam esse.* 247. fufe.
- Veratrum, & cicuta.* 36.2  
*Vergiliarum occasu ad Fauonij usque status pereunt, qui diuturno morbo laborarunt.* 274.2  
*Vespasianus, Astrologia peritissimus.* 237.1  
*Vespasiano qui Imperium pradiixerunt, vnde id habuerint.* 243.2  
*Via lactea quid.* 3  
*Vibius & Publicius quidam e plebe, indiscrèta propè specie, suere similes Magno Pompeio.* 66.2  
*Vicinitas astri quoduplex potest esse, & quae efficiatior.* 179.1  
*Vicissitudo rerum quomodo perflare videatur.* 16.2  
*Vicomercati opinio de fluxu, & refluxu maris.* 12.2  
*Victus mutatio noxia, ex Hippocratis sententia.* 110.1.2. &c.  
*Victu magis fouetur temperamentum, aut dissoluitur, quam alia re qualibet.* ibid.  
*Viperarum morsus per tibicinem sanari.* 144.1  
*Vim exemplorum supra omnem caeli potestatem esse declarat Plato.* 130. fufe.  
*Vita nostra omnis in remissionem, ac studium diuisa est.* 107.1  
*Vita rusticana quantum valeat ad morum rationem.* 140.1. 141.1  
*Vita hominum & spiritus in quo loco horoscopi contineatur.* 196.2. 197.2  
*Vita a mor syderali impulsui obstat non raro.* 147.1  
*Vita beata appetitio.* 148.1  
*de Vita, & morte quidquam certo, & indubitato statui posse negat Ptolemaeus.* 232.2. 262.1  
*Vitium natura multi sustulerunt meditatione, atque exercitatione.* 133.2. 112.1. & 2  
*Vitij, ac valetudinis causa in quo horoscopi loco inueniatur.* 196.2. 197.2  
*Vicia animi ex quo horoscopi loco perspiciantur.* ibid.  
*Vmbra terra Soli officiens noctem efficit.* 3  
*Voluntates humane syderum potestati minime subiecta.* 83. & seqq.  
*Voluntatis libertas.* 146.2. 150.1  
*Vrbes salubriores quanam sint.* 107. & seqq.  
*Vrbium ridiculas esse genituras.* 226.1. & 2  
*Vtilitas Medicinae quanta sit.* 54 & 55. fufe.

Xeno-



# R E R V M.

X

**X** Enocrates organicis modulis lymphaticos liberauit. 144. 1

Z

**Z**odiacus qua insania dicatur locus Planetarum. 199. 1

Zodiacus quomodo diuidatur ab Astrologis nulla relatione facta ad Planetas. 212. 1

Zodiacus primus cur dicatur ab Astrologis fixus, & immobilis, secundus vero mobilis, & fixus. 216. 2 217. 1

Zodiaci signa in minuta qua ratione diuiserunt ij qui hanc artem Genethliacam perperunt. 162. 2

Zodiaci in quolibet gradu, aut minuto, an possint Astronomi observare omnes astrorum congressus. 164. 1. 205. 2. 106. 1. 230

Zodiaci partes in Monomeras secuerunt Aegyptij. 211. 1

Zodiacus vnus tempore Alphonsi Regis. 202. 2

Zodiaci duo sunt concipiendi in corporibus celestibus. 216. 2

Zodiaci partium, Planetarumque directiones, & mmentum Astrologicum. 198. 2

Zodiaci duodecim partes ut numerant Mathematici, ita duodecim in eo seruant Stellarum schemata inuisibilia. 203. 1

Zodiacos duos fixerunt recentiores Astrologi. 203. 1

Finis Indicis Rerum, & Verborum.





# ERRATA.

## Errata

In dedicatoria. quod tibi.  
fol. 3. col. 1. Tholescopium.

17. 2. nisi.

ibidem. pridem.

18. 2. propignit.

25. 2. vna consentiendi  
organum.

28. 2. quæ temperatæ.

32. 2. philotophis.

59. 2. perspectat.

61. 2. retorno.

63. 1. omnes.

64. 2. censet.

128. 2. Aphroorum.

144. 1. liber.

153. Astrogiæ.

158. 2. abscribunt.

202. 1. ascribunt.

204. 2. ascribuere.

250. 2. ex prudentia.

## restituto.

quo tibi.

Thelescopium.

nisi.

pridem.

progignit.

vna cum sentiendi organo.

quas temperatas.

philosophis.

perspecta.

retorto.

omne.

censet.

Aphrorum.

librum.

Astrologiæ.


ascribunt.

ascribunt.

attribuere.

ex prudentia potius.





## Regestum .

a b A B C D E F G H I K L M N O  
P Q R S T V X.

Omnes sunt Quaterniones , præter a, & X, quæ  
sunt Duerniones .



R O M A E .

Ex Typographia Bartholomæi Zannetti. M. DC. XV.

---

*SUPERIORVM PERMISSV.*



Handwritten text in a rectangular box at the top of the page.

Regium

A B C D E F G H I K L M N O

P Q R S T V X

Quare sunt quatuordecim littere in alphabeto  
Iste Dominus




R O M A N


Estimandum quod in hoc libro...

EX LIBRIS...


























005644736



